







* 9^a 8111

BA

FLL

~~30-2-22-8111~~

18.655

~~B-6~~

18655

ACTA ERUDITORUM

ANNO M DC LXXXIX

publicata,

ac

SERENISSIMO FRATRUM
PARI

DN. JOHANNI
GEORGIO IV

Electoatus Saxonici Hæredi,

&

DN. FRIDERICO
AUGUSTO,

Ducibus Saxoniae &c. &c. &c.

DICATA.

*Cum S. Casarea Majestatis & Potentissimi Ele-
ctoris Saxonia Privilegiis.*

LIPSIÆ.

Prostant apud J. GROSSIUM & J. F. GLEDITSCHIUM.

Typis CHRISTOPHORI GÜNTHERI.

Anno MDC LXXXIX.

082

Ac 8



*SERENISSIMIS PRINCIPIBUS
AC DOMINIS*

DN. JOHANNI

GEORGIO IV

Electoꝛatus Saxonici Hæredi,

&

**DN. FRIDERICO
AUGUSTO,**

Ducibus Saxoniae, Juliae, Cliviae & Montium, nec non Angriae & Vestphaliae, Landgraviis Thuringiae, Marchionibus Misniae, Superioris item & Inferioris Lusatiae, Comitibus Principalibus Hennebergicis, Comitibus Marcae, Ravensbergæ & Barbiae, Dynastis in Ravensstein &c.

DOMINIS NOSTRIS CLEMENTISSIMIS.



Ujus Operis priora Volumina consecrare Vobis, SERENISSIMI PRINCEPS, olim non dubitavimus: ejus Octavum Tomum dum Excelsisimis Nominibus Vestris inscriptum imus, temeritatis fortasse alicujus, aut intempestivi minimum propositi notam incurrere possemus. Eratis, CLEMENTISSIMI DOMINI, cum adornare hac Eruditorum Acta primum instituissemus, ea aetate, quam in litterarum studiis consumere Principes etiam juvenutis minime indecorum ducunt; futurumque nos credebamus, ut hoc novorum librorum inventorumque Recensu indoles Vestra ad excolendas litteras ingenuas, a quibus cateroquin minime abhorrebat, magis atque magis incitaretur. Neque spe concepta nos excidimus. Juventam enim omnem non ingenii minus, quod felicissimum ac plane divinum Vobis obtigit, quam corporis honestissimis exercitationibus exegistis; neque postquam virili aetati propius admoti peregrinationes obire, ac exterarum perlustrare regiones satagistis, alienum a litteris animum ostendistis unquam. Verum ex quo tempore non nisi Martem spirare, & justa bellandi cupiditate ardere velut coepistis, subtimendi habere causam Musa nostra, nec sine trepidatione quadam adrepere Vobis, visa sunt. Tametsi enim excelsus quisque animus nunquam non

ad

ad arma tractanda & rem omnem in usu militari positam cognoscendam, pronus deprehenditur : fervor tamen iste, bellicæq; rei studium, quorum illustria documenta hoc ipso anno Orbi præbuisstis, inusitata prorsus erant, & fortasse sine exemplo. Nam POTENTISSIMUM quidem PARENTEM VESTRUM, DOMINUM NOSTRUM CLEMENTISSIMUM, in campum Martium denuo proditurum, ex facili conjiciebamus. Quemadmodum enim, cum vergente anno superiore Germaniam nostram, defensoribus tum fere vacuum, solaque innocentia sua & induciarum fide securam, Galli præter omnem expectationem invasissent, HEROS ille SAXONICUS superbo hosti primus vim ac robur exercitus sui opposuerat, hostiliumque armorum cursum inhibuerat, amplissimis Imperii provinciis ac civitatibus præsentissimo, quod imminebat, periculo ereptis : ita & hoc præsentis, in depellendo longius a finibus Imperii truculento hoste, & Moguntia cum primis, ubi arcem & horreum belli constituerat, istius faucibus eripienda, suas etiam partes cum admiratione omnium, & gloria sua immortalis, gesit explevitque. Ast de Vobis, CELSISSIMI PRINCIPES, nihil ob stare videbatur, quominus alia expectaremus omnia. Nam Tu, SERENISSIME ELECTORATUS HÆRES, Potentissimi Parentis vice in gubernandis hisce provinciis, quod facere summa cum dexteritate ac prudentia cœperas, fun-

functurus porro, ac desideratissimi PATRIS PATRIÆ absentia anxios subditos, gratiosissima præsentia Tua solaturus videbaris. Te vero, SERENISSIME FRIDERICE AUGUSTE, cum eo ipso tempore, post peragratam felici itinere Galliam, Hispaniam, Lusitaniam, peregrinationi per Italiam incumberes, quotusquisq; credidisset ex illo Orbis Paradiso, cujus mediam vix partem perlustraveras, de repente rediturum in Germaniam, Italiaque delicias cum vita castrensis, aspera illa, rigida & permolesta, commutaturum? Prævaluit nihilominus apud Utrumq; Vestrum, DOMINI CLEMENTISSIMI, armorum studium, ut insuper habitis omnibus, quæ morari Vos aut retinere potuissent, honestissimæ militiam auspiciandi occasione, cujus tyrocinia sub Paterno ductu ac disciplina posuisse non minori gloria quam fructui Vobis futurum esse videbatur, deesse nolueritis. Quod desiderium Vestrum cum tandem PARENS Optimus habuisset ratum, ne & pietatis suæ erga AUGUSTISSIMUM CAESAREM, & amoris erga Sacrum Imperium, omni Posteritati admirandum monumentum erexit, quando eodem tempore pro salute publica, & Caput suum sacrosanctum, & Serenissimæ Domus pignora ac munimenta, Filios dilectissimos, & instructissimum denique exercitum, periculo haud levi, quod metuentum utique ab hoste erat, non per insidias minus agere quam aperto Marte grassari sucto, nullus dubitavit expo-

exponere. *Vestra vero illa, SERENISSIMI PRIN-
CIPES, ad hauriendam rei militaris ex ipso usu scien-
tiam propensio, vigorque ille, quem in expugnatis
Moguntia mœnibus presenti ubique ac intrepido ani-
mo omnibus approbastis, in eam facile mentem addu-
cere nos poterat, ut consensuisse quodammodo & ex-
stinctum in Vobis esse affectum singularem verere-
mur, quo Musas humaniores prosequi consueveratis;
quodque nunc devotissimo cultu offerimus charta-
ceum munusculum, si non rejectum, at frigide qua-
dantenus exceptum iri. Sed quicquid id timoris
vani est facessat procul. Servari enim a Vobis, DO-
MINI BENIGNISSIMI, litteris ingenuis, earumque
cultoribus benevolentiam pristinam illibatam, argu-
mentis adeo illustribus habemus cognitum, ut nullus
super sit de eo dubitandi locus. Neque ignorari a Vo-
bis potest, quantum emolumenti ad illos etiam, qui
arma non gregarii militis in modum, sed cum imperio
tractant, ex cultura optimarum artium redundet.
Alexandrum certe Magnum, at quantum Heroem!
nunquam non in expeditionibus bellicis Iliadem Ho-
meri habuisse nostis comitem; quam τῆς πολεμικῆς
ἀρετῆς ἐΦόδιον, hoc est, militaris virtutis viaticum
dicere is non temere solebat. Xenophontis etiam
de Institutione Cyri libros in ipsis castris, inter classica
& sonitus tubarum, legisse meministis Scipionem, ad
imaginem optimi Principis, qualis in illis proponitur,
se to-*

*se totum componentem. Neque hoc ipso Actorum
 fortean Volumine nulla plane continentur, quæ mili-
 taribus etiam viris esse queant usui. Itaque pari, qua
 olim, ut animorum devotione, ita & fiducia, hunc
 quoque Actorum Eruditi Orbis Tomum CELSIS-
 SIMIS SERENITATIBUS VESTRIS dicamus, manuq;
 humillima offerimus; Divinum Numen venerati, ut
 Germania nostra interna quies ac aurea tranquilli-
 tas inconcussa semper constet, POTENTISSIMOQUE
 PARENTI Vestro, DOMINO nostro INDULGEN-
 TISSIMO, ditionibus, quæ nuper ad Eum summo li-
 quidissimoque apud omnes, extra studia partium po-
 sitos, jure devolutæ sunt, pacate frui, adeoque tanto-
 rum in Imperatorem ac Imperium meritorum vel
 hunc qualem cunque fructum consequi liceat; adver-
 sus quoscunque vero externos hostes felicissimis porro
 utamur armorum successibus, ut una semper victoria
 instrumentum sit alterius, Sacrumque hoc Imperium
 decus suum pristinum omni ex parte recuperet & con-
 stantissime tueatur.*

Dabamus Calendis Decembr.
 A. 1689.

SERENISSIMARUM CELSITUDINUM
 VESTRARUM

subiectissimi

ACTORUM COLLECTORES.

N. I.
ACTA
ERUDITORUM

publicata Lipsiæ

Calendis Januarii Anni M DC LXXXIX.

HELENÆ LUCRETIAE CORNELIAE PISCO-
pia, *Virginis pietate & eruditione admirabilis, Ordini D. Benedicti privatis votis adscripta, OPERA, quæ quidem haberi potuerunt.*

Parmæ, typis Hippolyti Rosati, A. 1688, in 8.

INter doctissimas sæculi hujus fœminas referri meruit Virgo illustrissima *Helena Lucretia Cornelia Piscopia*, Johannis Baptistæ Cornelii, Divi Marci Procuratoris apud Venetos, filia. Hujus Opera tam Latina, quam Italica editurus D. Benedictus Bacchinus, Monachus Casinas clarissimus, vitam Helenæ tanquam eximium antepagamentum præmittere illis voluit. Equidem vitam ejusdem Italico idiomate conscriptâ superiore A. 1687 jam ediderat Vir Doctissimus *Maximilianus Deza*, Congregationis Sanctissimæ Matris Dei alumnus. Bacchinus autem, cum dignâ omnino censeret hanc vitam, quæ lingua ubiq; gentium nota celebr. tetur, Latine eandē reddidit, ita quidem, ut ea, quæ fufius memoraverat Deza, in compendii redegerit, & quæ minus tacta ab illo fuerant, suis commode locis inferuerit. Gens, e qua Helena oriunda est, (placet enim compendium Bacchini adhuc magis compendificare,) est Corneliorum apud Venetos, quæ originem debere creditur Cornelii florente olim Roma & ipsis florentissimis, inprimis C. Cornelio, qui Patavii Cæsaris de Pompejo victoriam per aves prædixerat. Ea sede in Venetijs recens conditis semel fixa, & opibus, & potentia, & fama immane quantum effloruit, e qua & fuit Cornelia Catharina Marci filia, cujus beneficio olim regnum Cypri Reipublicæ Venetæ accessit.

A

fit.

fit. Gens eadem Piscopia dicta a feudo Piscopiz, quod habuit. Est autem Piscopia, quæ & Episcopia scribitur, Telos insula, ut hodie audit, quæ in Carpathio mari non longe a Rhodo sita est. Nata est Helena Cornelia Piscopia A. 1646. d. 5 Junii, styli novi, Parentibus illustrissimis Johanne Baptista jam dicto, & Johanna, Procuratoria dignitate apud Venetos conspicuis, usque adhuc superstitibus. In ipsa tenera ætate non indolis tantum divinæ, sed & virtutum scintillas de se emisit, pietatis inprimis Christiana fide dignæ, & mentis ab omni mundo muliebri at horrentis. Nacta præceptorē *Johannem Baptistā Fabri*, felicissimæ memoriæ mox edidit specimina, suæque ideo ejusdem Fabris septennis literarum studio a parentibus fuit consecrata; & in Grammatica quidem Latina instituta est a *Johanne Valesio*, D. Marci Canonico, & D. *Bartolotto*; in Græca vero a *Fabris* jam dicto, & post fata hujus ab Abbate *Aloysio Gradenico*, natione Græco, & publicæ Venetiarum bibliothecæ Præfecto; nec defuerunt ei postdeinceps magistri linguæ Hebræicæ, Græcæ item vulgaris, ut & Hispanicæ, & Gallicæ atque Arabicæ. Addidit etiam has brevi temporis spatium, nec scribere tantum tor idiomata, sed loqui etiam expromte potuit; quibus & studium Calligraphiæ plane singulare addidit. Amavit tamen linguam inprimis Græcam, quod nec ipsa diffiteri in præfatione quadam potuit. Vacabat autem non linguis tantum atque artibus, sed & pietatibus maxime; & quoniam inter pias meditationes scitissimi juvenis Aloysii Gonzagæ vitam evolvens legerat, illum die Conceptionis B. Virginis perpetuæ castitatis voto se adstrinxisse, & ipsa eodem recurrente die eodem voto, anno ætatis XI necdum completo, se adstrinxit, confessariumque elegit *Carolus Franciscus Bosellum*, a quo in Mathematicis linguisque non minus, quam in studiis pietatis fuit formata. Ad altiora ut progredetur, Theologiæ studio præmisit conjunxitque Philosophicum, ducemque in hoc nacta est *Carolus Rinaldinus*, Patritium Anconitanum & Philosophiæ Magistrum, qui tres Mathematicum artis analyticæ partes edidit; in illo vero D. *Hippolytum Marchetum Camertem* Oratorii presbyterum, atque ut excellenti plane erat ingenio, ita in utroque studio ad stuporemque profecit. Profectuum philosophicorum vel illud luculentum indicio est, quod tanquam virgo exemplo plane novo,

certe

certe raro, laurea Magisteriali redimita a philosophis Patavinis fuerit. Castitatis voto licet adstricta, ad splendidum tamen tori ac nuptiarum consortium a parentibus evocabatur, cumque votum semel factum obitare diceret, dispensatio a Pontifice R. per Breve, ut vocant, impetrabatur. Helena autem in has angustias redacta, in consilium accito D. *Cornelio Codanino* Veneto, Benedictini ordinis, & Casinensis Congregationis &c. Benedictinis Sanctimonialibus privato voto solenniter se adscribi fecit, & *Scholastica* nomen monasticum Lucretiæ addidit, regulasque deinceps ordinis sui, quantum seculi species pateretur, observavit. Quia veronon linguas tantum 7 callebat, sed & Philosophiæ ac Theologiæ, imo & Musicæ, Mathematicæ & Astronomiæ erat gnarissima, a patre ad Doctoratum Philosophicum solenniter assumendum incitabatur. Ea renuebat quidem primitus, & votum suum denuo prætexebat; obedi-entiam tamen urgenti patri ut ne denegaret, Patavii in Basilica Matricis Ecclesiæ Pataviæ, cum ex cathedra eam in rem extructa (nam publicæ scholarum ædes tantæ multitudini spectatorum, quæ undique confluerat, capiundæ erant impares) textum e Philosopho aliquem disertissime exposuisset, VII Kal. Julii, artium liberalium & Philosophiæ Magistra ac Doctrinæ quam solennissime, & rarissimo plane exemplo renunciata est. Recepta quoque deinceps, est in ordinem Academicorum quorundam, quales in omnibus Italiæ nobilioribus oppidis clarent, Intronatorum puta Senensium, Dodonæorum & Pacificorum apud Venetos, apud quos & non semel sermones habuit, Recuperatorum Patavinorum atque aliorum. Celeberrimum sic nomen & monstrum quoddam sine vitio facta, magni æstimata est a summis Principibus, ab Imperatore videlicet Leopoldo, & Carolo V Lotharingæ Duce, imo & literis saluta- ta ab Innocentio XI. R. P. & Johanne III Poloniæ Rege, magnisq; Principibus aliis, visitatione etiam in ædibus suis honorata a tribus Cardinalibus, Landgravio Hassiæ, Bullionio & Estreensi. Studiis autem intentissima cum fuisset semper, fonticum nacta corpus con- sistari cum morbo non uno necesse habuit; & quidem jam cum fe- bri scorbutica, jam cum purpurea, jam cum corporis malis aliis, jam cum tæbe lenta; quibus cum pestilens tandem bubo supervenisset, qui plane incurabilis erat, d. 26 Julii A. 1684, cum annos in his ter-

ris 38 exegisset, defecit. Corpus exanime Casinenſium Monachorum habitu fuit indutum, interula videlicet lanea, & nigro deſuper cucullo. Scapulis epomis doctoralis impoſita, caputq; duplici corona redimitum, altera ex liliis in virginitatis ſervatæ indicium, altera e lauris, ut laureæ magiſterialis argumentum eſſet. Funus elatum eſt quatuor Philoſophiæ magiſtrorum præclariorum humeris, & cadaver in templo D. Juſtinæ tota Italia celeberrimo tumulatum eſt, habita a nobili viro Campolongo de Campolonghis laudatione funebri. Tumulo tale inſcriptum eſt epigramma, cujus autor D. Jo. Hieronymus Textoris, Monachus & Theologus Patavinus eſſe creditur:

D. O. M.

HELENÆ LVCRETIÆ CORNELIÆ
PISCOPIÆ

JO. BAPTISTÆ D. M. PROCVRATORIS
FILIÆ

QVÆ MORIBVS ET DOCTRINA
SVpra SEXVM, ET LAVREA

AD MEMORIAM POSTERITATIS INSIGNIS,
PRIVATIS VOTIS, CORAM CORNE-
LIO CODANINO

ABBATE S. GEORGII MAJORIS EMISSIS,
S. BENEDICTI INSTITVTVM

AB INEVNTE ÆTATE COMPLEXA,
ET RELIGIOSE PROSEQVITA,

IN MONACHORVM CONDITORIVM,
VT VIVENS OPTAVERAT, POST

ACERBA FATA

ADMISSA EST. MONACHI H. M. P. P.

ANNO D. 1684.

Plura adhuc addidit Bacchinus de moribus ejus ac vita monaſtica, nec non de ejus extremis, quibus evocatus ab ea D. Petrus Paulus Caldenus Ravennas, Scholaſticarum antehac Profeſſor, nunc totius Ordinis Comprocurator, in Monaſterio Parmenſi Theologus, adfuert.

Sed ad opuscula tandem ipſa hujus Helenæ poſt vitam ejus ex Bacchino compendiſactam, deveniendum eſt. Hæc inter primum obtinent

obtinere locum *Academici Discursus* seu problemata aliquot in conventibus Academicis Italico sermone ab ea resoluta. Sequuntur Inscriptiones aliquot Latinæ, seu Magnorum Virorum elogia ab eadem scripta, quorum I. est D. Cæsaris Cardinalis de Estrees; II Innocentii XI, P. M. III Inviçtissimi Rom. Imp. Leopoldi I; IV Johannis III, Poloniæ Regis; V Caroli Lotharingæ Ducis; VI Sylvestri Valerii, D. Marci Procuratoris, & Patavini Archilycei Moderatoris, tanquam Academix Recuperatorum Patroni. Tertiam hujus libri partem constituunt Helenæ ac illustrium Virorum epistolæ Italicæ ac Latinæ. Ad Helenam hic scriptæ reperiuntur epistola Latina Innocentii XI R. P. & Italica Johannis III Regis Poloniæ, & quatuor Italicæ & una Latina Cardinalis Bullionii, nec non una Italica Sebastiani Foscarini, duæ Latinæ Ludovici Espinæi Sanlucii, duæ item Caroli Catonis Curtii, & una Joh. Baptistæ Beccii Abbatis Casinensis; Helenæ autem ipsius duæ ad patrem Joh. Baptistam Cornelium Piscopium, una ad D. Antonium Guilielmum de Este, una ad Joh. Baptistam Beccium Abbatem Casinensem, cæque omnes Latinæ. Epistolis hisce annexus est tractatus mysticus, seu Colloquium Christi nostri Redemptoris cum anima devota. Hic compositus fuerat a D. Johanne Laspergio Carthusiano in lingua latina; & postea in Hispanicum idioma translatus a F. Andrea Cæçiglia, Monacho de Certosa. Sed Helena devotissimis hujus libri meditationibus capta, eundem Italico sermone reddidit, & Johanni Paulo Olivæ, Societatis Jesu Generali dedicavit, qui & Helenam hanc magni æstimavit, ut ex epistolis ejus publici juris factis sat abunde elucescit.

THE COUNCIL OF TRENT EXAMIN'D
and disprov'd by Catholic Tradition.

id est:

CONCILIUM TRIDENTINUM, AD TRADITIONEM Catholicam examinatum ac reprobatum;
opera & studio Eduardi Stillingfleet.

Londini, impensis Henrici Mortlock, 1688, in 4.

A 3

Συνα-

Στην καταβολήν erga Pontificios utuntur Protestantes, cum fidei Christianæ dogmata ad Traditionis Catholicæ trutinam expendi patiuntur. Dum enim illi, deficientibus probationibus ex Scriptura sacra petitis, ad Traditionem, tanquam ad sacram anchoram confugiunt, hi ut istam quoque illis extorqueant, merito nituntur.

Præstitit id, post alios innumeros, clarissimus ecclesiæ Anglicanæ Theologus EDUARDUS STILLINGFLEET. Constituit autem celeberrimus Vir ostendere; partim, quod non detur Traditio catholica circa potiora controversiarum antipapæarum capita, prout ea in *Concilio Tridentino* decisa sunt, partim, quibus gradibus quave occasione dogmata illa aut ritus, de quibus controversiamur, in ecclesiam irrepererint. Hac finit tria præmittit Postulata: (1) Traditionem catholicam esse, quæ a sanioribus ecclesiæ membris universaliter recepta sit. (2) Traditionis auctoritatem a sola certitudine deductionis materialium fidei *ab ipso sæculo Apostolico* petendam esse. (3) Theologos Catholicæ Ecclesiæ non potuisse non exploratum habere, quid *ipsorum ævo* Traditionis catholicæ nomine venerit.

Seligit dein controversias sex, suæque illas methodo dirimit, ac omnium primo aggreditur Decretum Tridentinum, TRADITIONES ESSE NORMAM FIDEI, ÆQUALEM SCRIPTURIS SACRIS. Hoc ex traditione catholica haudquaquam haustum esse, *Stillingfleetus* probat, tum ex eo, quod *Bertamus Fanensis* & *Nacclantus Claudius Fossæ* episcopi, in ipsa Synodo Tridentina huic Collegarum opinioni (teste *Pallavicino* H. C. T. l. 6. c. 14. n. 3. 4.) acriter contradixerint, id quod facere veriti fuissent, si eam in rem catholicam haberi traditionem suspicati fuissent; tum ex quindecim Romanensium *Theologorum*, concilio antiquiorum, testimoniis, itemque octo locis *Corporis Canonici*, quibus Scripturam unicam fidei regulam esse asseritur; porro ex veteribus Latinæ Ecclesiæ *Officiis*, ubi Minister consecrandus spondet, docturum sese ad Scripturæ Sacræ ductum, de Traditionibus nec interrogatus nec stipulatus quicquam; e *Patribus* denique, sigillatim *Vincentio Lirinensi* & *Basilio Cesareensi*, quos, utut magnifice de Traditione loquantur, hanc tamen pro regula fidei a Scriptura Sacra distincta venditare nunquam

aufos

ausos fuisse, demonstrat Noster. Dogmatis deinde hujus ortum hoc modo exponit: In Concilio Nicano II a. 787 cultus imaginum religiosus adstruendus erat. Hoc quia ex Scripturis fieri non poterat, ex Traditionibus fiebat, hunc in finem proterve confictis. Rescindebant equidem Ecclesie occidentales, in Synodo cumprimis Francofurtana, conciliabuli illius acta: mox tamen tum iconolatria, tum probandi eam methodus, in Occidente quoque frequentata fuit. Hactenus vero *Facienda* tantum traditione statu-
minabantur. At cum *Lateranense concilium IV.* a. 1215 varia *Credenda* ἀγρεύει, & in his transubstantiationem, Christiano orbi obtrusisset, ac inter ceteros Theologos *Johannem Duns Scotum* ea propugnare oporteret, ad traditiones ille ἀγρεύειs recurrendum, earumque beneficio dogmata, quae *implicite* in Scripturis latere dicebantur, eruenda ac *explicitè* tradenda esse, ratus fuit. Verum enim vero paucos habuit sequaces, antequam Concilii *Constantiensis* Patribus idem *συνὸν φέρεται* placitis suis adhibere visum fuisset, a. 1414. His enim magistris edocti Tridentini, sesquiseculo post decrevere, *Traditiones & Scripturam Sacram pari pietatis affectu recipiendas esse.*

Progreditur deinceps Auctor ad *CANONEM SCRIPTURÆ V. T.* quem *Tobia, Judith, Sapientia Salomonis, Ecclesiastico, Machabæis, Baruch* auctiorem reddidere Tridentini; & frustra pro iis ad Traditionem provocatum iri, pronuntiat. Talis enim si extitisset, *Bertramus, Seripandus, Madruccius* haut quaquam canonem Judaicum retinendum esse, in ipso Concilio statuisent. Sed tantum abest, ut traditio hanc in rem catholica extiterit, ut potius perpetua universi Orientis traditio, totque testimonia quamplurimorum Occidentalium *Innocentio I. & Gelasio* Papis contradicentium, argumento in contrarium esse queant. Quinque autem gradibus (juxta *Stillingfleeti* calculum,) ad canonizationem Apocryphorum itum fuit. (1) Patres ea allegarunt & laudarunt, quamvis ad credendorum normam ea nullatenus adhiberent. (2) Mos in ecclesiis nonnullis invaluit, publice ea, non ut canonica, sed ut pia utiliaq; scripta prælegendi. Quoniam vero a. 352 Concilio *Laodiceno* cautum fuerat, ne alii, præter canonicos, libri prælegerentur, *Carthaginenses* Patres collegerunt a. 397, libros illos controversos pertinere ad canonem,

canonem, eo quod prælegi suevissent. Rem tamen nondum determinarunt, sed ulteriori examini *Bonifacii* aliorumque episcoporum transmarinorum subjecere. (3) Distingui cœpere ab Apocryphis, quo nomine tunc quandoque libri hæretici aut supposititii veniebant. (4) *Gelasius* una cum LXX. episcopis ea recepit in Canonem. Pauci tamen ex Italis, Hispanis, Gallis, Germanis, Anglis decreto Romanæ ecclesiæ assurrexere, *Hieronymique* autoritas potior iis habita autoritate papali. (5) *Eugenius IV* Canonis partem illa esse; *Armenios* in *Instructiōe* sua iterum docuit. Nihilominus *Antoninus* Florentinus Archiepiscopus, itemque Cardinales doctissimi *Ximenes* & *Cajetanus*, & quotquot concilii *Constantiensis* decreta religiose observabant, ad Judaicum modo V. T. canonem fidei capita exigenda esse sentiebant. Tridentinos ergo manere debebat gloria, absolute tandem ac ἀναλλοττωτὸς discernendi, *res fidei aque bene ex recens - canonizatis illis, quam γνησίως - canonicis V. T. libris probari posse.*

Tertio de *LIBERO USU SCRIPTURÆ IN LINGUA VERNACULA* prohibito in concilio Tridentino agitur, evinciturque, interdictum illud catholicæ traditioni nullatenus superstrui. Si enim hæc unquam in ecclesia extitisset, Biblia nunquam in Latinam linguam (quamdiu vernacula erat,) aut quasvis alias vernaculas linguas conversâ, & a quolibet Christiano impune & pro lubitu lectitata fuisset. Hoc autem factum esse, *argumento per inductionem* omnium orbis Christiani partium, probat Author. Narrat deinde, ut Latina lingua sensim toto passim Romano orbe vernacula esse defierit, utque Germani & Anglo-Saxones *Biblia & liturgiam*, *Franci Homilias Latinas* in vernaculam suam transfuderint, ipsisque Slavis, ne Bulgarorum exemplo, morositatis Papalis pertæsi, Græcæ Ecclesiæ accederent, *Biblia vernacula* facile indulserit Romanus Pontifex. Ast paulo post ad Bibliorum prohibitionem propius accessum fuit, cum *Gregorius VII* Bohemorum Regi usum *divinorum officiorum* in lingua Slavica concedere noller, & Latina officia, ceu submisionis sedi Romanæ debitæ signum, abrogari, severe vetaret. Tandem, cum *Innocentii III* auspiciis, in concilio *Lateranensi IV* Inquisitio hæreticæ pravitatis esset instituta, Hispani Gallique Inquisitores mox Laicis universis, (quibus hætenus, modo opinio-

nibus

nibus ecclesiæ fidem suam submitterent, Innocentii indultu, usu *divinorum officiorum* in lingua vernacula libere frui licuerat,) lectione Bibliorum V. T. in quacunque lingua interdixere, solius *Psalterii, Breviarii, Horarumque* usu, sed in Latina tantum lingua, permissio. Ita patet, quibus gradibus ad prohibitionem S. Codicis processerit Romana ecclesiæ, utque traditione catholica hac in parte tueri sese nequeat.

Quarto de MERITO BONORUM OPERUM disquiritur. Tridentini statuunt, hominem bonis operibus *vere* (h. e. ex condigno) mereri gratiam divinam & salutem æternam. Longe aliter Theologi veteres Latini, quos magno numero allegat Stillingfleetus, simulque ostendit, ut sola Scholasticorum ingenia hæc de Merito B. O. ex congruo aut condigno controversia exercuerit, nec tanti habita olim fuerit, ut in Concilio aliquo ventilaretur: donec tandem Patres Tridentini opinati sint, Thomæ Aquinatis sententiæ sub anathematis pœna esse subscribendum. Liquet hinc, & hunc articulum catholice traditionis tibicine destitui.

Quinto NUMERUS SACRAMENTORUM vere ac proprie talium SEPTENARIUS, Tridenti determinatus, sub examen revocatur. Traditionem igitur pro Pontificiorum opinione universalem nullam haberi, ostensurus Author, longam texie historiam litigiorum, quæ Theologis Latinæ Ecclesiæ & Canonistis inter se invicem, itemque Græcis & Latinis, quoad institutionem, materiam, formam, effectum, numerum denique Sacramentorum intercesserint. Arbitratur autem, Septenarium illum, præcise definitum, primitus abs *Hugone a Sancto Victore*, (qui Sec. XII paulo ante *Petrum Lombardum* vixit,) inventum esse. Eaque propter confert sententias antiquiorum, *Ruperti Tuitiensis, Fulberti Carnotensis, Walafridi Strabonis, Rabani Mauri, Paschassi Radberti, Isidori Hispalensis, S. Ambrosii, Cyrilli Hierosolymitani*, qui cum ex professo Sacramenta recensent, non nisi duo triave nominant; unde colligere facile est, septem Sacramenta universis illis ne fando quidem audita. Provocat etiam ad testimonia *Crisostomi, Cyrilli Alexandrini, Leonis Magni, Aur. Augustini*, qui Sacramenta N. T. *aqua & sanguine* ex Christi latere fluentibus signari ajunt; at duo illa signa non possunt non nisi duo signare sacramenta, Baptismum nem-

B

pe aqua

pe aqua, & cœnam corporis & sanguinis Domini. Ad septenarium autem illum hac occasione perventum esse, Stillingsfleetus judicat: Primo observatum fuit, septenarium in sacrificiis & purificationibus Leviticis frequentissime reperiri, nec nullam analogiam inter ceremonias illas Leviticæ & Sacramenta gratiam homini conferentia dari; congruum ergo esse visum fuit, ut & numero utcumque convenirent. Neglectum porro fuit discrimen inter Sacramenta propriè sic dicta, & inter ritus mysticos, imitandorum Apostolorum gratia in ecclesia servatos, quales sunt *Impositio manuum* in Ordinatione & Confirmatione, quodque non ultra secula dono miraculorum clara in usu esse debebat, *chrisma*, a Jacobo Apostolo, non ad expiationem reliquiarum peccati, sed ad ægri corporis curam commendatum. Denique Sacerdotes suæ existimationi, quia & commodo suo melius prospectum iri putarunt, si & extrema unctio & matrimonium inter sacramenta referrentur, singula vero sacramenta sacerdote ministro indigere, plebecula persuasum haberet.

Ultimo loco AURICULARIS CONFESSIO in controversiam venit. Cumque Tridentini pro ea allegent partim universalem consensum ecclesiæ, partim dictum *Job. XX, 22 23*; Stillingsfleetus ex non unius Doctoris Pontificii verbis monstrat, quanta inter præstantissimos Romanæ Ecclesiæ Theologos, ante Concilium Tridentinum defunctos, tum quoad confessionis ipsius auricularis institutionem ac necessitatem, tum quoad scopum dicti Johannei, sententiarum divortia fuerint. Sub finem libri multus est in historia confessionis auricularis, cujus summa huc redit: Antiquitus ii, qui post baptismum publice & cum scandalo infirmorum peccaverant, per disciplinam ecclesiasticam adaecti fuerunt ad publicam penitentiam, quæ *exomologesis* (Latine confessionem dixeris) appellari suevit, estque ab Auriculari Pontificiorum (quoad *causam impulsivam, modum ac obligationem*,) longe alia. Inventa namque fuit ad calumnias Gentilium (quibus ecclesia Christiana homicidarum & adulterorum colluvies audiebat,) ipso facto refellendas: nec toties, quoties vellent, sed semel duntaxat post baptismum, facinorosis indulta; nec ob singula peccata mortalia, sed ob publica tantum scandala imperata est; unde Veteres, quamvis semel iterumque lapsos ad exomologesin hincque dependentem communionem ecclesiæ

clerici non admiserint, eos tamen a spe æternæ salutis, (si privatim & serio pœnitentiam egissent, extra communionem externam ecclesie constituti,) nequaquam excluderunt. Interim privatorum delictorum sibi consciis hoc consilium dari solebat, ut, si vellet, sacerdos in illorum conscientiam admitterent, quo eo melius verbi divini medicinam ulceribus istis occultis applicare nosset. Erant tamen, qui nec publice profiteri erubescabant clam a se perpetrata; non quasi sine publica exomologesi remissionem a Deo obtinere desperassent, verum ut eo certiores essent de seria sua pœnitentia, cui nec eatenus humiliari grave esset. In privatim confitentium gratiam constitutus erat *Pœnitentiarius*. Sed hoc officii genus Constantinopoli ab Episcopo Nectario, circa seculi IV finem, sublatum fuit, cum Pœnitentiarius ea, quæ sub confessionis sigillo ei revelaverat, matrona aliqua, divulgasset, id quod pluribus recenset, (adjecta *ἐπιμνησὶς* haud iniqua,) *Socrates Scholasticus* H. E. l. 5. c. 19. Quo facto quemlibet oportuit semetipsum probare; sique dignum se credidit, mysteriorum divinorum particeps fieri potuit. Abrogata ergo confessione privata, publica exomologesis aliquantisper adhuc, in Oriente æque ac Occidente, usitata fuit, quod (cum multis in dubium vocetur) *Stillingfleetus* probat ex *D. Chrysostomo*, Nectarii successore. *Homilia* enim 82. in *Matthæum* Ministris inculcat, ut notorios publicosque peccatores, nisi seriam eamque publicam pœnitentiam egissent, a communione S. Cœnæ arceant, aut si id facere vereantur, rem ad se deferant: vitam se potius amissurum, quam ut notorie indignus ad communionem admittatur, permissurum. Et in ejusdem *Liturgia* adhuc formula extat, qua Pœnitentes olim ante Eucharistiæ consecrationem templo exesse jubebantur. Abiit tandem & exomologesis publica in desuetudinem, eo quod delicatulis Christianis nimium gravis ac erubescenda videretur. *Johannes Jejunator* Episcopus Constantinopolitanus cum primis, seculo VI author fuit gravi conscientia laborantibus, ut confessione auriculari mentem exonerarent. Idem in Occidente factum esse, inde patet, quod seculo IX variis Conciliis de collapsa exomologesi publica integritati pristinæ restituenda, sedulo consultatum fuit, licet frustra. Interim privata illa confessio ut utilis tantum commendabatur, non ut absolute ad salutem vel participa-

tionem S. Coenæ necessaria exigebatur; quod tandem a Lateranensibus ac dehinc Tridentinis patribus factum est. Cum autem post alios *Jacobus Boileau in Historia Confess. Auricularis* (ad Acta a. 1684 p. 173 relata) c. 29. p. 387. regerat, *dollos piosque viros fovisse quas falsas de confessione opiniones, qua demum post decisionem concilii haereticæ & perniciose evaserint*, Decanus Londinensis avide hoc arripit, & ex hac *Decani Senonensis* confessione hoc saltem elicit, non dari constantem, perpetuam, universalem traditionem circa confessionem auricularem; id quod ipsi hoc libello ostendendum fuerat.

M. TULLII CICERONIS EPISTOLARUM LIBRI XVI ad Familiares, ut vulgo vocantur: ex recensione Jo. Georgii Grævii, cum ejusdem animadversionibus.

Amstelædami, apud Henr. Wetstenium, 1689, in 12.

QUAS ante aliquot annos augustiorem in habitum compositas, variisque doctorum virorum annotationibus & integris Martini commentariis instructas, curante doctissimo *Grævio*, conspeximus Ciceronis ad Familiares epistolas; contractiori forma, non minus tamen nitido typo excusas, jam haud ineruditus Bibliopola Batavus dedit. Nempe ut manibus eorum, qui Ciceronis scripta assidue ferunt, aptior redderetur liber, in quo præter verba & dictionem, quæis Tullius cæteros omnes Latinos Scriptores longo post se intervallo relinquit, plurimum inest & ad publicas res & privatas judicii ac prudentiæ. Is ergo ut tersior extaret, post innumeras editiones, emendatissimam ex melioribus codicibus tam impressis quam manu descriptis adornatam suam, quam anno 1676 cum Commentationibus evulgarat, denuo recensuit, cui meliorum Auctorum cultus ac nitor hodie debetur, amplissimus Grævius, minori quæ forma excudendam castigatissimam bibliopolæ tradidit: subiectis ad calcem operis Annotationibus suis, ex ampliori illa editione depromtis, passim tamen auctioribus, quibus loci obscuri explanantur, vitiosi autem emendantur, Latini quæ sermonis proprietatis & elegantia aut illustratur aut vindicatur. Eundem in modum efformatæ *ad Atticum* epistolæ ut has, quas *ad Familiares* vulgo vocare solent

solent, sequantur, sed & omnia Ciceronis opera pati cura adornata tandem prodeant, tamque emendata conspiciantur, rei literariæ bono, & eorum qui Ciceronem unice in deliciis habent, commodo, a celeberrimo Editore exquisitissimis precibus flagitamus.

CORNELIUS NEPOS DE VITA EXCELLENTIUM Imperatorum. Novis Commentariis, Indicibus & Tabulis Chronologicis ac Geographicis illustravit Christophorus Cellarius.

Lipsiæ, apud Gleditschium, 1689, in 12.

Cum Editor clarissimus animadvertisset, Q. Curtium Rufum, Novis Commentariis & Geographicis Tabulis a se illustratum, & a nobis superioris anni mense Januario pag. 13 recensitum, non displicuisse elegantioris doctrinæ studiosis; par cura *Cornelium Nepotem*, alterum scholis accommodatissimum scriptorem, aggressus fuit, ut hunc quoque ad usum scholasticum magis magisque præpararet. Methodo usus est eadem, qua in Curtio, ut abscessis ferme aut parce adhibitis, quæ alius studii ætatisque sunt, Philosophiæ observationibus, primum nova argumenta singulorum Ducum daret, deinde puram Latinitatem explicaret, tum Historiam perspicuam magis faceret, eamque cum primis Geographiæ lumine illustraret. Hæc enim præcipua putat capita esse, ad quæ respiciendum ei sit, qui veterem historiarum scriptorem scholasticæ juventuti explanabit. Ut ergo Geographiæ rationem, quam vulgo, majorem haberet, quatuor tabulas ære expressas addidit, & universalem quidem omnium regionum, quæ a Lusitania ad Massagetas sunt, & ab Scythiis ad Getuliæ fines; eo usque enim Nepotis historia progreditur: & tres minorum partium, Græciæ, Italiæ, & Asiæ ceterioris, quod in his regionibus præcipue historia Cornelii Nepotis versata est. Præmisit brevem Chronologiam per Olympiadas; & judicia clarorum virorum, Savaronis, Vossii, & Andreæ Schotti, quibus planissime exposita continentur, quæ de scriptoris hujus tum ætate, tum vero nomine ac aliis ejusdem libris disputari solent. Adjecit fragmenta ab eodem Schotto collecta, quæ ipsa quoque notis suis,

suis, ubi opus esse videbatur, clariora reddidit. Indicibus separavit res & historias a Latinitate, quæ plerique in scriptore hoc miscuerunt; ut distincte utraque cognosci, & in usum meliorem converti possint.

NICOLAI GRIMBERGH MED. DOCT. OBSERVATIONES Medica, quæ cum magna industria per aliquot annos ab eo collectæ & conscriptæ sunt.

Amstelodami, apud Janfonios Waesbergios, A. 1689, in 12.

Liber tibi hic L. B. exhibetur mole quidem parvus, ut pote quatuor folia non excedens, Observationibus tamen centum & quadraginta novem turgidus. Affectu quippe morbidus, individuum aliquod determinatæ ætatis torquente, denominato, haud operose in causas inquiritur, sed remedia statim, præsentem quæ tulerunt opem, enarrantur. Sicut namque sanitatem a diata exacta, ventriculum cibo & potu varii generis haud gravante, diuturnam reddi præfatio edocet; ita vix Autor jis videtur repugnaturus, qui primum morborum tantum non omnium orum in ventriculo quærunt. At quo methodus in observationibus adhibita plenius innotescat, judiciumque de iisdem a L. B. interponi queat, Observationes saltem quatuor, internorum duorum affectuum æque ac externorum totidem medelam tradentes, huic transcribere juvabit. Scilicet Obs. 37. in viro 39. annorum vehementem dolorem podagricum remediis adscriptis sistit sedarum: R. Aqu. flor. sambuc. ʒij. Sal. card. bened. fænicul. ana gr. XV. Tinctur. anodyn. ʒj. Antimon. diaphor. gr. XIIII. M. F. Sudoriferum semel assumendum. Externe R. Pingued. Lupi ʒij. Spir. sal. armoniac. tartari camphorat. ana ʒij. Sp. Corn. Cerv. ʒij. Opii ʒss. M. F. Linimentum quotidie usurpandû post pediluvium insequens: R. Sulphur. comm. Nitr. puriss. ana ʒij. pulverisat. superaffunde Aqu. lumbriç. terrestr. lbij. Coqu. per hor. sem. Obs. 40 in fæmina præclara 37 annorum cancrum ulceratum cum materia putrida, circa totam ulcerationem fluente, ita refert extirpatum; primo ordinavit: R. Essent. vulnerar. hypericonis ʒij. Solut. Myrrh. Aloes ana ʒj. in Spirit. Vin. solut. ʒij. Mercur.

Mercur. præcipit. ʒß. M. F. Essentia quotidie usurpanda. R. Empl. de Ceruss. ʒij. R. Rob. Juniper. ʒß. Sal. Corn. Cerv. gr. xij. Tinct. bezoart. ʒß. M. F. Diaphoreticum una vice adhibendum; deinde sequens: R. Pulpor. prun. ʒj. Resin. Scammon. gr. iij. Mercur. dulc. gr. xv. M. F. Bolus. Sic Observ. 50 virum 56 annorum perneione in pedibus cum ulcerationibus laborantem perhibet sanatum: R. Aqu. rosar. opt. ʒiij. Tinct. Vitriol. Marr. ʒiß. Essent. myrrh. vulner. ana ʒij. Ol. carv. cumin. ana ʒß. M. F. Aqua quotidie usurpanda. R. Empl. sapon. ʒij. Malax. cum ol. tartar. fetid. succin. ana ʒß. Obs. 66 in viro 34 annorum Cholera cum convulsione ejusmodi Mixtura mitigatam recenset: R. Essent. rosar. ʒij. Essent. succin. castoreat. ʒj. Aqu. fœnicul. ʒiv. M. detur cochleatim; externe convulsionum ergo: R. Pingued. Lup. recent. ʒij. Ol. irin. verm. terrestr. ana ʒß. pulv. Castor. ʒß. M. F. Linimentum.

SERVATII GALLÆI DISSERTATIONES DE Sibyllis earumque Oraculis, cum figuris æneis.

Amstelod. apud Henricum & Viduam Theodori Boom, 1688, in 4.

Inter Scriptores, qui egregias super Sibyllis commentationes cum erudito Orbe communicarunt, referri certe meretur clarissimus Gallæus. Is enim singulari prorsus studio in materiam istam inquisivit, & quæ ad illius pleniorẽ notitiã ullõ modo facere videntur, in præsentĩ, quod exhibemus, opere, diligentissime recensuit. In cujus I. Cap. postquam generaliter de Sibyllarum nomine, existentia, virginitate, numero multã notatu digna in medium attulisset, in sequentibus decem capitibus speciatim de decem a Lactantio ex Varrone citatis Sibyllis, & quidem in II. de Persica, III. Libyssa, IV. Delphica, V. Cumæa, VI. Erythræa, VII. Samia, VIII. Cumana, IX. Hellepontica, X. Phrygia, XI. Tiburtina agere instituit: in cap. XII de quibusdam aliis Sibyllis, scilicet Epirotica, Europæa, Agrippina, Ægyptia; item Noachi uxore, Regina Sabæ, Johanna D'Arc Virgine Aurelianensi, Hildegardẽ, Elisabetha Schonaugienſi, Magdalena de la Cruz, Sancta Angela, Brigitta, Catharina Senensi, Muliere Peruviana, inter Sibyllas falso relatis, differit

differit. *Cap. XIII.* in oraculis, & diversis modis quibus Deus hominibus se olim revelavit, exponendis occupatur, demonstratque quod diabolus, tanquam Dei simius, eadem imitari conatus fuerit. *Cap. XIV.* diversi generis honores Sibyllis a Gentilibus olim delatos exponit. Insequentibus aliquot capitibus testimonia, quibus Sibyllarum auctoritatem sartam tectamque cupit Crassetus, impugnatur, & quidem in *Cap. XV.* ad Justini Martyris, *Cap. XVI* Lactantii, *Cap. XVII.* Constantini Magni loca respondet, ostendendo, oracula Sibyllina, quæ nunc habemus, esse supposititia nec a paganis Sibyllis profecta. *Cap. XVIII.* postquam observasset, famam de Rege aliquo venturo totum quidem peragrasse orbem, sed a paganis de Jesu Christo non fuisse intellectâ, nec inter oracula antiquarum Sibyllarum olim existisse ejusmodi prophetiam, sed Gentiles a Judæis, illosque a Prophetis eandem accepisse; ex professo docere suscipit, in Ecloga quarta a Virgilio conscripta nihil de Messia Rege ex Judæis nascituro reperiri, verum quicquid in illa continetur, superstitionem & profanam gentilitatem redolere. *Cap. XIX.* S. Augustini & Hieronymi, *Cap. XX.* autem Apollodori & Pausaniæ testimonia sub examen revocat, usque ad conciliandam Sibyllinis oraculis fidem nullum inesse pondus evincens. *Cap. XXI.* in autorem oraculorum Sibyllinorum, & quo tempore illa fuerint reddita, inquit, expositisque aliorum sententiis, judicat, *non simul uno eodemque tempore ab uno scriptore profecta fuisse hæc Sibyllina carmina, nec eo ordine in octo libros congesta fuisse conspecta, sed successu temporis, his illis quedam tanquam Sibyllina addentibus, fuisse a quodam collecta, & in illum ordinem, quo illa nunc supersunt, congesta.* *Cap. XXII. XXIII. & XXIV.* solide probat, Sibyllas non fuisse divinitus inspiratas. *Cap. XXV.* ad Johannis Crasseti, Jesuitæ, objectiones contra D. Johannis Marckii scriptum de Sibyllis propositas respondet. *Cap. ultimo* de Deo Hercule Magusano & de Dea Nehalennia in littore Maris Zelandici effossis tractat, perhibens Herculem Magusanum non eundem cum Thebano, sed hoc antiquiorem, eumque Phœnicium sive Tyrium fuisse, qui Moysi a nonnullis coævus judicatur. Magusanum hunc Phœnicium Punico vocabulo a navigatione appellari; in Chaldæa enim lingua, cui Phœnicum similis est, *ܡܫܐܓܘܫ* idem significare ac *secare, abscindere*, & hinc accipi

accipi pro *transire*, *transfretare* scilicet flumina, mare, unde *מגיסא* *megisa* transvehentes & *מגיסא* *megisa* navem trajectoriam, scapham, item vadum, transitum noter. Magusanum igitur Herculem transfretatorem, qui e Phœnicia Colonias ad fretum Gaditanum & ulterius (si non ipse, ipsius saltem posterius, id fecerint) produxerit: eundem sub nomine Victoris & Portumni a Romanis fuisse cultum: Deam Nehalenniam a vocabulo sive Hebræo sive Phœnicio *נהל* *Nahal* quod leniter & commode duxit, significat, derivari, eo quod commode & leniter naves & merces ducere credita, vel ut hoc præstaret, invocata fuerit. Sub finem, ne quid in hoc elegantissimo opere desiderari queat, quadruplex index locorum Scripturæ Sacræ, autorum, rerum & verborum, & denique ipsarum dissertationum exhibetur.

LES OEUVRES POSTHUMES DE Mr. Claude. Tom. II & III. i. e.

Operum posthumorum Joh. Claudii Tomus II & III.

Amstelodami, apud Petrum Savouret, 1688, in 8.

Indicato jam superioris anni mense Novembri pag. 582 Operum horum Tomo I^{mo}, ob maximi momenti, quem tractant, Christianæ doctrinæ articulum de *Christo*, aliqualem II^{do} & III^{to} quoque conspectum subjungere, ab instituto nostro alienum non erit. *Quinque* vero præcipue capita consideranda proponuntur. I. *Adventus Christi Principium*. II. *Dispositiones* seu *Præparationes*, quæ eundem præcesserunt. III. *Persona Christi & Natura*. IV. *Officia*. V. *Duplex Status*. Tom. II. Quæstione, *an Christus, etiamsi Adam non peccasset, in mundum venturus fuisset?* Lib. I. & Scholasticorum decisione affirmativa insuper habita, Auctor *Principium supernaturale* adventus Christi in libero Dei *arbitrio* constituit, per Psal. 40, 9; non exclusis tamen aliis rationibus, a sapientia, potentia, bonitate &c. petitis, quæ Deum ad missionem filii permoverint. Quæstionem autem, *an Deus non alio medio, quam morte filii sui, homines salvere potuerit*, inutilis curiositatis esse ait, adeoque sufficere, quod Deus aliud medium actu non adhibuerit, sed sola morte Filii scodus cum

pag. 8.
16.
25.

pag. 27, cum hominibus denuo stabilire voluerit, cum satisfactionis pre-
 31. tium non nisi ab infinitæ dignitatis persona exolverit. Sed
 & amor hic locum esse, *Joh. 3, 15*; & quidem ab amore *benevolentia*
 missionem Christi, *benevolentia* electionem nostram ad fidem & con-
 37. versionem, *complacentia* justificationem nostram actualem & salu-
 tem dependere, nec hunc ordinem confundendum esse, vel inver-
 tendum. Primam itaque gratiam, quæ Christum misit, esse *universalem*,
 quæ non restringatur ad certum numerum personarum par-
 ticularium, sed indifferenter extendatur ad quoscunque, qui credi-
 derint, ut tamen nemo a fide excludatur; at nihilominus *particu-*
larem, quæ non universaliter ad omnia hominum genera se exten-
 dat, credentium aut non credentium, sed præcise ad ordinem cre-
 dentium determinetur.

Lib. II.

Dispositiones seu *Preparationes* antegressæ ad sex Articulos re-
 ducuntur. Primus *Dispositiones* ex generali providentia Dei ori-
 undas & omnibus hominibus communes continet, de quibus in
 Tractatu de *Justificatione* actum fuerit. II^{da} Oracula seu Prædictio-
 nes Propheticas. III^{ta} Typos. IV^{ta} Rigorem & severitatem Fœderis
 legalis cum Israelitis initi. V^{ta} Cerimonias Mosaicæ. VI^{ta} Dispen-
 sationem Spiritus æconomiam legalem concomitantis. *Oracula*,
 secundum Sacræ Scripturæ seriem, ex Pentateucho, Hiobo, Psal-
 mis, Cantico & Prophetis, XC enumerantur, observationibus le-
 ctionis haud pœnitendæ subinde additis. Ita in vaticinio Gen. 3.
 pag. 53, verba: *ponam inimicitias inter te & mulierem*, principaliter dæmo-
 64. nem respicientia, de naturali illa hominum antipathia erga serpen-
 tes explicari non debere. Indignum enim Deo fuisse, rem adeo
 levem in sententia post gravissimum crimen pronuntiata tam gra-
 viter exprimere. Maledictionem vero, de *incesso super pectus*, &
comestione terræ, prolatam, cujus serpens naturalis proprie capax
 non erat, instar maledictionis a Christo sicuti indictæ, typicam esse,
 & in ipsum dæmonem, qui horror & execratio naturæ factus in im-
 puritatibus, spurcitie, opprobrio & doloribus incessurus sit, cadere.
 64.—90. Imprimis in prædictionis *Abrahamo* factæ enucleatione multus est
 140. Claudius. Ad *Psf. 40, 6* observat, id quod in fonte habetur, *auris*
mibi perforasti, LXX optime reddidisse *σὺ μὲν κατέτισόν μου*; sicut
 enim *auris perforatio* apud Hebræos perpetuæ servitutis signum erat,
 ita

ita Gentiles mancipia sua *σώματα* vocasse: ideoque etiam Deum filio suo corpus per incarnationem dedisse, ut servus ipsius fieret. conf. Ef. 49, 3. 5. Paulum vero ad Hebr. 10, 5. (in quem locum *Mestrezatii* maxime *Sermones* commendat) Versionem Græcam secutum fuisse, quod & usu obtinuerit inter Judæos, & a vero sensu Ebraico nullatenus discedat, quin eundem feliciter suppleat. *Ef.* 7, 15. voces *pag.* 169.
mali & *boni* non de rebus sed personis accipit, ideoque rejectionem *179.*
mali exponit per rejectionem maximæ Judæorum partis ob incredulitatem ad excidium condemnatæ, & electionem boni per servationem *ἐκλογῆς* credentium Judæorum (Rom. XI, 7) ad vitam æternam. Hanc enim bonorum malorumque distinctionem realem Immanuelis opus esse, patet ex Matth. III, II. 12. Rom. II, 4. 5. 6. IX, 27. 28. 29.

Ab Oraculis ad *Typos* Autor progreditur, quæstionibusque generalibus, an ex *institutione divina*, & non potius *natura ipsarum rerum*, conformitatem inter has & Christum producente, extiterint? an fideles V. T. & quomodo eos cognorint? an & hodie ex nostro usu? an opera creationis Christum ejusque mysteria præfiguraverint? item regulis de justo typorum usu præmissis, speciatim ad datum Scripturæ juxta triplicem Oeconomiam Dei in *natura*, *lege* & *gratia* eos persequitur. *259.*

Rigorem seu severitatem *Fæderis legalis* dum considerat, antiqui Ministerii, sub quo Israelitæ vixerunt, IV partes, 1. legem moralem. 2. Cerimonialem. 3. Judiciariam. 4. salutarem misericordię divinæ per Messiam manifestationem, exponit, & deinde concludit, quam indignum Deo & hominibus, nisi ad aliud respectum habuisset, Fædus illud futurum fuisset. Docet, *Cerimonias* legales homines ad Evangelium duxisse per viam 1. *figura* & signi, res spirituales ab oeconomia *gratiæ* expectandas representantis. 2. *ratiocinii*, cultum Deo gratum in istis consistere non posse, ideoque alium cultum solidiorem requiri. 3. *desiderii* liberationis ab intolerabili tot cerimoniarum jugo, idque ad recipiendum Evangelium insignem dispositionem procurasse; & hinc, quia Israelitæ usus hujus, quem Ministerium legale eos docere poterat, ob naturalem cæcitatem incapaces erant, Deum legem suam, ut efficax esset, certa mensura Spiritus sui, quem Paulus *Spiritum servitutis* Rom. 8, 15 appellet, comi-

tatum fuisse: ubi simul fufius ostenditur, 1. ex quo principio processerit, 2. quos effectus produxerit, 3. cur ita appelletur, & quomodo a Spiritu adoptionis differat.

Lib. III. Contemplationem *Persona* Christi VI Quæstionibus includit. 1. quid sit persona? 2. an Christus ante incarnationem persona vere subsistens fuerit? 3. an sit persona vere divina? 4. annon incarnatio duas personas in Christo constituerit? 5. annon incarnatio aliam personam, ab ea, quæ antea existerat, differentem produxerit? 6. an adorationis, quam Christo exhibemus, objectum formale sit præcise persona ejus, an persona sub officio Mediatoris? *Naturarum* consideratio IV Sectionibus absolvitur, quarum 1. quamlibet naturam in se, 2. in momento unionis, 3. post unionem, 4. usus ex doctrina incarnationis eruendos exhibet.

Lib. IV. De triplici Christi *Officio* acturus Auctor de officio *Mediatoris* quædam in genere præfatur. Et quidem 1. *Nomina* 17, quibus Scriptura hoc officium exprimit, recenset. 2. quo sensu terminus *Mediatoris* in applicatione ad Christum sumendus sit. Afferuntur tres diversæ Fœderis Dei cum hominibus species, *Natura* scilicet, *Legis* & *Gratiæ*. In priori *amorem naturalem*, quo Deus in creaturam suam ferebatur, ad illam in communionem recipiendam sufficere; Fœderis legalis Mediatorem fuisse *Mosen*, verius pro simplici interprete seu internuncio habendum, quam pro mediatore, quem titulum Christus unice mereatur. 3. *Actus meditationis* diversos enumerat, inter quos dum de illo actu agit, quo Christus sibi fideles unit unione spiritali & mystica, hanc veram esse dicit; alias, si solum in assumptione naturæ humanæ per incarnationem consisteret, infideles æq; ac fideles cum ipso unitos fore, quod dici non possit. 412. Taxat Pontificios, quod unionem substantialem & corporalem inveniunt, qua corpus Christi corpori nostro per veram & immediatam positionem substantiæ suæ physicæ super nostram, se uniat. Consistere potius communionem nostram cum Christo in *mutua representatione* & in *vita spiritali*; cujus communicationem ab ipso, tanquam a fonte adipiscimur. 443. 452. 468. *Necessitatem Mediatoris*, tam ex parte Dei, quam nostri. 5. *Qualitates ejus* necessarias. 6. *Christi in officium Mediatoris introductionem*, quæ in momento incarnationis facta fuerit, expendit. Hinc tria *officia* Christi, tam in genere, & quomodo

modo triplici malo humano *ignorantia, maledictionis, & servitutis peccati*, tribus gradibus ad plenitudinem salutis nostræ necessariis, *acquisitioni, revelationi, & applicationi*, tribus virtutibus Christianis *fidei, charitatis, & spei*, & tribus principalibus virtutibus divinis, *Amori, Sapientia & Potentia* respondeant; quam *singula in specie*, accurato scrutinio ad ductum Scripturæ subjiçuntur; ita tamen, ut Tomus secundus in *prophetici* officii descriptione desinat, Tomo vero sequente *tertio* ad Sacerdotale & Regium munus accessus fiat.

Sacerdotale vero illud Mediatoris officium I. in se, II. ratione Actuum, & III. Effectuum consideratur. Quoad I. partem iterum 1. ejus Necessitas. 2. Excellentia 3. Typi, & 4. unitas. Ubi de constitutione Christi in hoc officio Auctor agit, dubium tollit, pag. 8. quomodo Hebr. 5, 5. in verbis Ps. 2, 7, de officio Regio potius intelligendis, Sacerdotium fundetur; autumatque, fundamentum assertionis Paulinæ in voce *Filii* latere, quæ triplici officio respondeat. Ut *filium* enim Christum secretorum voluntatis paternæ participem, adeoque *Prophetam*, Matth. 3, 17; ut *filium*, esse hæredem Patris, Ps. 2, 8, & hinc Regem; denique ut *filium*, esse principium adoptionis, quam ut *Sacerdos* nobis conciliaverit. II^{am} partem actus Sacerdotii, *Sacrificium* videlicet, *Intercessio* & *Benedictio* absolunt. Circa *Sacrificium* duo potissimum notanda, *Expiatio* nempe & *Impetratio*. *Expiationis* consideratio Quæstionibus: an *justitia divina pro peccatis creaturarum suarum necessario satisfieri oportuerit? an non Penitentia loco satisfactionis. suffecerit? an possibile fuerit, ut Deus satisfactionem hanc non ex ipsa Peccatorum, sed Christi, vadis eorum manu reciperet? &c.* an in effectu secundum Scripturam verum sit, *Christum pro nobis satisfecisse?* includitur. Necessitate puniendi peccata ex essentiali sanctitate Dei demonstrata, opinio hæretica id negantium pluribus diluitur, octo conditionum (quas legitima aliqua Satisfactio vicaria habere debet) explicatione, & applicatione ad Christum subjuncta. Sunt vero conditiones istæ sequentes: (1) ut peccatum puniatur. (2) ut supremus Magistratus in satisfactionem consentiat. (3) ut satisfactorius sponte ac lubens eam præstet. (4) ut idem sui sit juris. (5) ut nec hujus, nec alius criminis reus sit. (6) ut peccatores, quorum loco satisfit, illuc consentiant. (7)

C 3

ut ma-

43.

46.

60.

90.

105.

- ut major Dei gloria ex satisfactione vicaria, quam punitione peccatoris expectari possit. (8) ut inde nil damni, multum potius commodum, in Rempublicam redundet. *Impetratio ad gloriam eternam*, & quæ eam præcedunt, *beneficia gratia* respicit, seu quid Christus nobis *promeruerit*; ubi & Christum exaltationem suam æconomicam sibi meruisse, contra *Calvinum* & *Dallaum* asseritur. Porro Actum *Intercessionis* præcise Christum Sacerdotem constituere *secundum ordinem Melchisedeci*, eique unice competere, exclusis subalternis, quos in *Sanctis* Pontificii sibi fingunt, Intercessoribus, licet intercessionis eorundem efficaciam in merito Christi collocare videri velint. In *Benedictione* vero Christi *quadruplici*, cujus in Scriptura mentio fiat, benedictionis, votivæ, acclamativæ, paternæ, & officii ratione impertitæ, perfectiones eminenter concurrere. Sequitur contemplatio Actuum Sacerdotii ratione *extensionis* suæ
1. ad omnia secula, cum Pater sacrificium mortis filii sui jam ab orbe condito ceu actualiter præstitum respexerit.
 2. omnia loca.
 3. omnia peccata, excepto peccato in Spiritum Sanctum, pro quo Christus mortuus haud fuerit, ob fixam & proæreticam mortis Christi, pro vere satisfactoria agnitæ, rejectionem; quo pacto ipsa mors Christi pars læsa fiat, ultionem a justitia divina exposcens; adeoq; non simul *λύτῃ* esse possit. Circa *Universalitatis* & *Particularitatis* negotium ita procedit Auctor, ut *Arminianis* ad illam, diverso tamen modo, inclinantibus refutatis, plurimum inter Orthodoxos suos, quos vocat, mortem Christi ad solos *electos* referentium opinionem, ut multis inconvenientibus, (quæ distinctio inter *sufficientiam* & *destinationem*, inter *universalitatem omnium hominum* & *omnium electorum*, inter *singula generum* & *genera singulorum* non tollat,) obnoxiam & rigorosam, quibusdam Propositionibus temperare satagat. I. quando dicatur, Christum pro quibusdam mortuum esse, significationem vocabuli PRO accurate attendi debere, ut *vel hoc velit*: Christum revera *loco ipsorum* mortuum esse; *vel simpliciter*, mortem Christi ex parte Dei & Christi ipsius illis proponi, cum mandato ut acceptent, & declaratione sincera & seria, eam iis, qui acceptaverint, proficuum fore. *Priorem* significationem magis propriam & naturalem, *posteriorem* abusivam quidem, ordinario tamen satis loquendi usu receptam esse. Melioris illustrationis ergo supponit

ponit *duas urbes*, quæ uni eidemque Regi subiectæ obsequii jugum excusserint. Regem *alteram* harum ita relinquere, ut plane gratiam ipsi facere nolit. Ad *alteram* mittere præcones, omnibus illis, qui armis positis ad clementiam Regis recursuri fuerit, criminis abolitionem proposituros. Hic *tria* hominum genera concipienda: *Primos* Rex iustitiæ rigori committit. *Secundum* genus eos, qui oblatam gratiam actualiter arripiunt; *Tertium* eos, qui eam actualiter rejiciunt, complectitur. *Primis* nullo sensu gratia tribui potest; *Secundis* vero in propria significatione termini PRO, tanquam res quæ ad ipsos pertinet, cujusve possessionem jam obtinuerunt; *Tertis* in duplici tempore considerandi, aut *post*, aut *ante* actualem gratiæ oblatæ rejectionem. Respectu *prioris* temporis gratia, qua per rejectionem, quæ eos plane excludit, indignos se reddiderunt, ad eos non pertinet. Ratione *posterioris* temporis, gratia ipsis competit in sensu vocis PRO non proprio sed abusivo; h. e. quod Rex gratiam offerat, cum sincera intentione, ut ea acceptata fruantur. Aliud exemplum cum eadem applicatione subnectitur a divite quodam petito, qui duplici genere captivorum, *Gentilium & Christianorum* sibi oblato, *illis* insuper habitis, inter *hos* iis, qui compedibus abjectis servitute egressuri essent, insigne lytron destinaverit. Hinc in II. Propositione, per *urbem* rebellem & iustitiæ traditam *Damones*, per *alterius* urbis incolas gratiam Principis actualiter amplexos, *Fideles*; per omnes ejus incolas ante distinctionem, qui gratiam arripiant vel rejiciant, consideratos, *omnes homines* in genere intelligit, ut *increduli* in *finali* incredulitate persistentes partem incolarum *post* rejectionem gratiæ consideratam constituent; & deinde concludit: Christum pro *Damonibus* nullo sensu; pro *Fidelibus* in sensu vocis *Pro* perfecto; pro *omnibus* hominibus ante incredulitatem finalem in sensu vocis *Pro* imperfecto; pro infidelibus in *finali* incredulitate consideratis nullo modo mortuum esse; diversis locis Scripturæ pro qualibet Propositionis parte confirmanda adductis, explicatis, & conciliatis. III. Missio Christi in mundum, antequam in ordine decretorum divinorum consideretur, seu anterior distinctione hominum in electos & reprobos a Deo factâ, aliud *objectum materiale* habere non potest, quam homines *peccatores* quoscunque, nec consequenter aliud principium, quam misericordiam

pag. 157.

181.

- diam omnibus communem, nec aliud *objectum formale*, quam *fideles* quosunque, absque speciali ullius annotatione, ut salvetur aut a salute excludatur. IV. Missione Filii a Deo pro omnibus in ipsum credituris decreta, nec sapientiæ ejus, nec dignitati conveniens fuisset, hic subsistere, quia naturalis perversitas omnibus hominibus per se insita, illos omnes æque ad incredulitatem egisset. *Fidem* ergo, & per hanc meritum & satisfactionem Christi his aut illis in individuo dare constituit, cæteris in naturali conditione sua relictis.
196. V. Intentio Dei, cum filium mitteret, fuit 1. eum constituere Vadem & Mediatorem per sanguinē crucis pro omnibus in ipsum credituris 2. proponere ipsum indifferenter omnibus hominibus, eosq; omnibus modis invitare ad fidem, imprimis per spem inveniendi in Christo peccatorū remissionem & salutem; quæ duæ intentiones Deum ut legislatorem respiciunt. Facto vero decreto Electionis, qua toleret tales, ut fideles essent, particulariter selegit, 3. intentio ejus ceu æconomi fuit, ut filius horum talium determinate Vas & Mediator foret, & pro illis, non autem pro aliis, moreretur.
198. VI. Sic & Filii triplex intentio fuit 1. mori pro omnibus in se credituris, absque particulari determinatione. 2. ut mors ejus omnibus, citra ullius exclusionem proponeretur. 3. cum tales & tales videret, qui vi Electionis infallibiliter fideles esse deberent, mori pro illis nominatim & non pro aliis.
199. VII. Licet Scriptura ipsa propositione conditio- nata utatur, *si credis, salvaberis*, cum tamen in materia decretorum divinatorum opinioni *Arminianorum* & *Jesuitarum* prima fronte favere videatur, propositio hypothetica in categoricam, utpote magis naturalem ita reducenda: *Deus misit filium pro credentibus; mors Christi omnibus cred. utibus imputabitur* &c. Sic & *Intercessio* & *Benedictio*, cum actualem cum Christo communionem non nisi per fidem; quæ Electorum tantum est, obtinendam supponant, non nisi ad fideles & electos extendenda erit.
- Effectus Sacerdotii Christi, qui III Partem materiæ hujus conficiunt, glorificationē *Patris*, exaltationē *Filii*, & *Spiritus Sancti* ingressum in æconomiam suam, porro illos, pro quibus se immolavit, & deniq; reliquas *creaturas* omnes respiciunt. Effectus ratione eorū, pro quibus Christus mortuus est, vel *communes* sunt, ut promulgatio exterior Evangelii, & vocatio hominum ad fidem, vel *particulares*;
- qui

qui vel *infideles* attinent, ut condemnatio, inexcusabilitas, & mors æterna, & quidem *per accidens*, quia in intentione Dei & Christi non fuerunt; (ubi in materiam *reprobationis negativæ* in præteritione seu non-electione, & *positivæ*, in voluntate determinata condemnandi consistentis, excurritur, cum explicatione loci Rom. IX. 17. de induratione Pharaonis;) vel *fideles*, quales sunt electio æterna, vocatio interior seu decreti electionis executio, justificatio & sanctificatio. Quomodo vero reliquæ creature de effectibus mortis Christi participant, ex Rom. 8, 19. 22. & Col. 1, 20. demonstratur. 226.

Officium *Regium Christi* consideratur I. in se. II. respectu ad ipsam personam Christi seu Mediatoris nostri habito. In I. Parte tractantur 1. Regni veritas. 2. necessitas. 3. natura. 4. finis. 5. extensio. 6. leges. 7. jura. 8. arma seu potentia. 9. hostes. 10. duratio. In II. Parte tria tempora observanda proponuntur; 1. quo jus ad Regnum accepit. 2. quo præludia quædam pleni exercitii præmisit. 3. quo solenniter inauguratus fuit. Subjunguntur typi, *David* præsertim & *Salomo*, ut & fructus ex doctrina hac propullulantes. 229.

Duplex tandem Status Christi in disquisitionem venit, duabus itidem partibus constantem, de utroque statu in genere, & unoquoque in specie agentibus. Prior circa Quæstiones versatur, 1. quibus terminis Scriptura utrumque Statum exprimat? 2. in quo consistant? 3. quæ utriusque necessitas? 4. annon humiliatio Christo indigna fuerit? 5. an humiliatio gloriam Christi prorsus extinxerit? 6. an ei exaltatio plus gloriæ, quam antea habuit, attulerit? 7. de cujusque Status duratione. 8. an, ut Christo conformes reddamur, per hos status & nos transire oporteat? Posterior 1. circa conceptionem & nativitatem Christi. 2. priores vitæ annos ante baptismum. 3. annos Ministerii. 4. Mortem. 5. Resurrectionem. 6. Ascensionem. 7. Adventum secundum & œconomix clausulam occupatur. Pauca inde excerptemus, ne lectoris patientia abutatur. Notum est, Interpretes non unos verba Ps. 110. *de torrente in via bibit*, de statu exinanitionis explicare; hic vero ostenditur, non deesse, qui ad plenam victoriam ex hostibus reportandam ea referant, metaphora a duce exercitus petita, qui sitim ex persecutione hostium contractam aliquot guttis ex obvio torrente hausit sedans, hostes ulterius fugare pergat. 247.

- pag. 346. pergat. Circa *Incarnationem* diversas mover Quæstiones; cur Christus non immediate instar Adami a Deo creatus fuerit? cur Spiritum Sanctum in conceptione intervenire oportuerit? cur in utero virginis concipi voluerit? an ibi iisdem, quibus alii infantes, infirmitatibus expositus fuerit? quod affirmat, uti & veram & naturalem nativitatem, refutatis Pontificiis, absque apertura matricis & per penetrationem dimensionum eam contigisse asserentibus, cum alias virgo mansisse dici non possit; sed respondet, aperturam matricis per varia accidentia, & per morbum fieri posse, salva virginitate, quæ in non habito commercio cum viro consistat. 333.
363. Fugam in Ægyptum a Christo susceptam esse triplicem ob causam arbitratur, nimirum ut, quatenus Judæorum Messias est, in eo, ceu capite, typum potissimum factorum, quæ universa natio habuit, reperire liceret; dein ut, quatenus Redemptor totius generis humani est, in ingressu ejus in Ægyptum (typum iræ ac maledictionis divinæ) & mox secuto egressu in Canaan, passio & exaltatio tanquam in speculo repræsentarentur; denique ut, quatenus est typus, cui conformes Christiani fieri debent, in eo adumbraretur, quomodo nos Pater transtulerit ex regno tenebrarum in regnū gratiæ, Coloss. I, 13. Verba, *Nazarenus vocabitur*, (quæ ex Prophetis allegat Matthæus cap. II. v. ult.) non ἡγεῖς quidem in Prophetis extare asserit, extare tamen κατὰ διαβολὰν, dum Esaiæ LIII, 3. Psalm. XXII, 7. LXIX, 20. prædicitur, Messiam variis scommatibus proscissum iri, id quod contigit, cum *Nazarenus* ludibrii causa vocaretur tum Judæis, tum Pilato, (*Job. XLX, 19.*) quasi diceret humuncionem nullius momenti inutileque terræ pondus. Æque enim male Nazarethæ oriundi audiebant Judæis (vide *Job. I, 46.*) ac Cretenses Græcis, proverbiali nempe scommate κατὰ θηρία & γαστέρας ἀγῶνι vocari soliti; Conf. *Tir. I, 12.* Ut igitur contumeliosissimum illud *Nazareni* nomen dari posset Servatori, Nazarethæ educari debuit. Sic non absque veri specie Claudius, qui de cætero Lectorem ad *Dubia Evangelica* Spanhemii remittit. *Resurrectionem primam*, Apoc. XX, 4. 5. prædictam, moraliter explicandum contendit, non per conversionem a peccatis, sed per justum æstimum martyrum Evangelii causâ mortem & injurias varias perpefforum, in mentibus hominum iterum quasi resuscitandum, cum hæcenus, antequam Christus Anti-Christum Spiritu oris sui confecisset, ob-

set, oblivione sepultum fuisse. Ad dubium contra resurrectionem carnis ab Anthropophagis peti solitum responder, Deum non ex universa illa substantia, quæ ex alimentis successive cum corpore humano coaluit, corpus resurgentis formaturum; sed tantum modo inde selecturum, quantum ad justam mensuram corporis sufficiet. Ceteram substantiæ partem non resuscitatum iri. Et ad hanc posterius memoratam pertinere substantiam, quam Anthropophagi ex devoratis humanis carnibus nacti fuerint.

HISTOIRE DU DIVORCE DE HENRY VIII Roy d'Angleterre, & de Catherine d'Arragon, &c.

id est:

Historia de divortio Henrici VII Angliæ Regis & Catharinæ Arragoniæ. Accessit Defensio Sanderi & Refutatio Historiæ D. Burneti de Reformatione Anglicana, cum copia documentorum.

Parisiis, apud J. Boudot &c. 1688, in 8. Tomi III.

Vir celeberrimus D. Burnetus, in *Critica Varillasi* anno 1687 in Actis nostris p. 65 relata, mentionem facit colloquii, quod in bibliotheca regia Lutetiæ cum Abbate quodam, docto & candido habuerit, & quomodo ad dubia quædam, circa sententiam Theologorum Parisiensium de divortio Anglicano ipsi satisfecerit, Abbas vero communicationem documentorum comiter obtulerit. Idem fere refert Autor horum tractatuum, qui in dedicatione & in privilegio regio *Joachimus Grandis* (Le Grand) vocatur, nullo tamen nec Abbatis, nec alio titulo adjecto. Sed non agnoscit, sibi a Burneto satisfactum, neq; alia conditione documentorum copiam a se oblatam esse scribit, quam si Burnetus historiam suam revidere & corrigere veller. Cum vero post triennii fere decursum nihil tale, sed potius e contrario comperisset, quod a Burneto veluti sponsor historiæ suæ allegetur, & sinistra de colloquio illo judicia spargantur, credidisse se ait permissum sibi, imo incumbere, ut documenta quæ Burneto opposuerit, publici juris faceret, & veritatis studio ista, quæ legimus, pro Sanderi & contra Burnetum scriberet. Laudes

Tom.
pag. II.

pag. 2. ab hoc sibi attributas modeste accipit, nec sine usura rependit, magnam in Burneto ingenii vivacitatem, eximiam eloquentiam & indefessam industriam non uno loco prædicans. Fatetur præterea,
 3. neminem reperiri potuisse, qui rerum seriem tam apte connectere, adversariorum defectus probabilius producere, suarum vero partium speciosius occultare aut defendere novisset. Reprehendit autem eundem, quod omni hoc artificio ad malæ causæ patrocinium abusus sit, magnamque illi non modo rerum extra Angliam, sed & intra
 Tom. I. P. 3. 4. 5. eam gestarum ignorantiam, tum iniqua judicia malamque fidem,
 30. & factionis Regi legitimo oppositæ studium imputat. Ab hac,
 Tom. II. Part. I. ex qua Parlamentum anno 1680 conflatum esse censet, elogium illud impetrasse eum scribit, quod historiz suæ præfixerit. Dubitari non potest, habiturum esse D. Burnetum, quæ gravissimis
 pag. 34. 51. 52. 60. inculpationibus opponat: hæ enim non ad memoriæ lapsus
 251. 254. aut errores in factis, quorum nemo immunis est, aut contradictiones, in quas incauti haud raro incidimus, pertinent, sed
 Part. II. conscientiam & famam haud leviter tangunt. Neque nos in his
 pag. 174. 187. 189. recensendis tempus cum fastidio lectorum consumemus. Summatim indicamus, tres hujus scripti partes esse. *Prima* (quæ *Tomo I.* exhibetur) luculentam historiæ de divortio Henrici VIII. cum Catharina Arragonia descriptionem continet. In *secunda* (sive *Tomi II. parte I.*) *Sanderi*, cui Burnetus CXXIII errores objecerat, apologia suscipitur, præmissa relatione de vita ejus. In *tertia* (quæ *Tomi II. altera pars est*) ex Burneti duobus prioribus libris CXXV puncta extrahuntur & refutantur. Succeedunt *Tomo III.* Documenta, quibus pars I. potissimum confirmatur. Adjuncta tamen est *Tomo I. versio Gallica* longæ epistolæ *Cardinalis Poli* ad *Cranmerum Archiepiscopum Cantuariensem*, de qua infra aliquid dicemus. Judicari ex his potest, in quot capitibus par hoc Scriptorum, non male compositum, inter se dissentiant & certent: Nec levi industria in conferendis, quæ uterque produxit, documentis opus est ei, qui vel absolvere *Sanderum*, vel *Burnetum* condemnare velit. Discrepant non in rebus & factis tantum plurimis; sed & in judicio de omnibus fere personis, de quibus tractant; id quod ex iis, quæ de *Volsjo*, *Cranmero*, *Cromwello*, *Gardinero*, & de Regibus ipsis narrant, & statuunt, facile intelligitur. Singulari studio *Grandis* famam *Cam-*
pegii

pegi Cardinalis vindicat, & pro calumniis habet, quæ illi a Burnero
 exprobrantur, inprimis quod filium nothum Londinum secum ad-
 duxerit. Allegatur enim *Sigonius* in historia vitæ Campegii, qua
 probatur, hunc antequam sacros ordines susceperet, maritum &
 quinque liberorum legitimum parentem fuisse. Multa dissensus
 materia utrique ex diversitate religionis, quam profitentur, nata
 est. Gallus enim, etsi controversiarum tractationem a se removeat,
 nullam tamen facile occasionem disputandi adversus reformatio-
 nem, & tuendi quæ Romanæ Ecclesiæ a Protestantibus objici solent,
 omisit. Distinguit quidem ex Gallicæ Theologiæ (ut hodie maxi-
 me viger) placitis, Ecclesiam & Curiam Romanam, & dictum Chri-
 sti, *regnum meum non est de hoc mundo*, urget; agnoscit etiam tribu-
 tare Ecclesiastica non esse, neque eo nomine Pro-
 testantibus succenset, quod Pontificiæ potestatis extensionem in ju-
 ra Regum & Principum non ferant; sed eosdem ab hæresi non ab-
 solvit, quod *autoritatem infallibilem, unitatem & visibilitatem Eccle-*
siæ non admittant, tum quod *Sacrificium Missarum, transsub-*
stantiationem, successionem ministerii, necessitatem missionum, meritum
operum, preces pro mortuis, venerationem reliquiarum, & cultum
imaginum negent & rejiciant. Sed hæc, quæ ille pro præcipuis erroribus
 capitibus traducit, & quod omisit, purgatorium, Protestantibus ita
 considerant, ut illorum omnium, & si quæ sunt similia, assertionem
 absque omni salutis dispendio carere se posse confidunt. De conju-
 gio Clericorum fatetur Autor, quod non nisi jure positivo prohibi-
 tum sit: contendit tamen, prohibitionem illam primis Ecclesiæ
 institutis deberi. Capitales hæreticorum pœnas acriter defendit,
 consentientibus (ut cum aliis statuit,) *Calvino* & sequacibus, & ad
 Constantinum Magni tempus initium illius rigoris refert. Luth-
 erum ex sectæ suæ instituto data occasione insectatur, neque tamen
 laudem improbatum divortii Anglicani illi invidet, quam etiam a
Cochleo reportasse eum notat in libro, quem allegat, contra *Richar-*
dum Morisonum Anglum: sed sine causa miratur vir doctus, quod
Cochlei tractatus ille Lipsiæ A. 1538 a Principibus Saxonis impri-
 mi permissus fuerit, cum Caroli V. hostes essent. Nam neque an-
 te bellum Smalcaldicum, quod octo post annos secutum est, Princi-
 pes, quos innuit, hostes Imperatoris dici possunt, cui adversus Tur-

Tom. II.

Part. II.

pag. 36.

& seqq.

ra Regum & Principum non ferant; sed eosdem ab hæresi non ab-

solvit, quod *autoritatem infallibilem, unitatem & visibilitatem Eccle-*

siæ non admittant, tum quod *Sacrificium Missarum, transsub-*

stantiationem, successionem ministerii, necessitatem missionum, meritum

operum, preces pro mortuis, venerationem reliquiarum, & cultum

imaginum negent & rejiciant. Sed hæc, quæ ille pro præcipuis erroribus

capitibus traducit, & quod omisit, purgatorium, Protestantibus ita

considerant, ut illorum omnium, & si quæ sunt similia, assertionem

absque omni salutis dispendio carere se posse confidunt. De conju-

gio Clericorum fatetur Autor, quod non nisi jure positivo prohibi-

tum sit: contendit tamen, prohibitionem illam primis Ecclesiæ

institutis deberi. Capitales hæreticorum pœnas acriter defendit,

consentientibus (ut cum aliis statuit,) *Calvino* & sequacibus, & ad

Constantinum Magni tempus initium illius rigoris refert. Luth-

erum ex sectæ suæ instituto data occasione insectatur, neque tamen

laudem improbatum divortii Anglicani illi invidet, quam etiam a

Cochleo reportasse eum notat in libro, quem allegat, contra *Richar-*

dum Morisonum Anglum: sed sine causa miratur vir doctus, quod

Cochlei tractatus ille Lipsiæ A. 1538 a Principibus Saxonis impri-

mi permissus fuerit, cum Caroli V. hostes essent. Nam neque an-

te bellum Smalcaldicum, quod octo post annos secutum est, Princi-

pes, quos innuit, hostes Imperatoris dici possunt, cui adversus Tur-

cas & Gallos intermedio illo tempore militarunt: nec Lipsia illis, sed viventi adhuc Georgio Duci subdita tum erat, adversæ factionis facile principi, & acerrimo Papismi defensori. In quæstione vero primaria, an dispensatio Pontificia locum habeat adversus leges de gradibus in conjugio cavendis, quæ in Levitico leguntur, affirmativam utique contra Henricum VIII, tueretur, & secum consentire maximam Theologorum & Canonistarum partem non dubitat; responsa vero pro Henrico producta non unius accusat de-

Tom. II. sectus. Fundamentum inter alia a *Carolo Molino* in Notis ad Consil.
Part. I. Decii 629. p. 602. indicatum affert, quod de *1010 Veteri Testamento*
pag. 81. *nihil jure divino remanserit, præter Decalogum.*

Jam pauca de *Tom. III.* In hunc Autor plurima documenta conjecit, quibus paginæ plusquam 600. complentur. Maximam partem occupant epistolæ *Johannis Bellaji*, Episcopi *Bajonensis* & postea *Parisiensis*, ex quibus multa non solum de negotio illo Anglicano, sed & de aulis Regum memoratu digna disci possunt. Dialectus quidem horridior est, nec cum hodierno nitore linguæ Gallicæ comparari potest, habet tamen masculi & nativi candoris gratiam. Non minus merebitur de publico Autor, si ut promittit, aliud volumen epistolarum a Regibus & Magnatibus illo tempore scriptarum producturus est. Ad documenta etiam pertinet, quæ Tomo I. annexa est versio Gallica epistolæ Cardinalis *Poli*, cujus supra meminimus: optandum tamen esset, Latinam edi, ut scripta est. Continet enim præter ea, quæ Cranmero exprobrantur, ad vocationem & mores ejus pertinentia, gravem & uberrimam defensionem articuli de præsentia reali in Sacramento, cui etiam magna pars Protestantium posset subscribere; nec illubenter legentur, quæ pro facundia sua, illustri Scriptor pro asserenda transubstantiatione & adoratione hostiæ commentatus est, vulgata illa quidem maxima ex parte, sed speciose elaborata. Præsupponit imprimis, adorationem primitivæ Ecclesiæ instituto deberi, ideoque idololatriæ minime suspectam esse, neque Deum permissurum fuisse, Ecclesiam tor seculis in crimine illo relinqui. Urget maxime fidem, & philosophicæ ratiocinationis, cujus Cranmerum accusat, suppressionem, ex qua opinio illa de sensu figurato nata sit; eoque tandem provehitur, ut dicat, mysterium illud, quod Paulus dicit gentilibus & Ju-

Tom. III.
pag. ult.

Tom. II.
pag. 327.

& Judæis stultitiam videri, non esse incarnationem aut passionem Christi, sed occultationem corporis & sanguinis ejus in speciebus panis & vini, sive transubstantiationem. Quod fidei documentorum, quæ producuntur, attinet, laudanda est diligentia Autoris, quod accurate indicet, ubi quæq; extent; nec absq; re est, quod in præloquio monet, magnam esse inter exempla, & quæ vocamus originalia, differentiam. Illa non sine mendis descripta & compilata in Bibliotheca regia legi possent, sed eum qui decipi nolit, authentica consulere debere, quæ in plurima Volumina dispersa reperiuntur. Multa etiam notis sive *cipbris*, quas vocant, exarata esse, ex quibus intelligi aut corrigi possint, quæ aperte scripta sunt. Neglexisse hoc notat illos, qui ad MSS. in Bibliotheca & speciatim ad *epistolam Bellæji* provocent; quod haud dubie ad Varillasium pertinet, cujus allegationes marginales citat. Eundem vero expresse nominat, & cum Burneto fato quodam concurrere existimat; utrumque tamen & immodesti certaminis, & neglectæ veritatis infimulat, ac tertium aliquem censorem minatur, qui utriusq; famam imminuturus sit. Ista in præloquio leguntur, & levia sunt præ illis, quæ Tomo II. adversus scriptores Gallos pronuntiantur, qui hodie, ut ait, historias componunt, ut tractatus metaphysicos, & ideas fingunt, ex quibus haud veriora eliciant judicia. Tolerari potuisse, si profanas solum historias in fabulas heroicas (*Romans*) corrupissent, sed jam cum summo seculi & nationis Gallicæ dedecore etiam Ecclesiasticas perverti, & scribi quæ æternis tenebris digna essent. In hac occasione historiæ de Wiclefo erumpit, novamque de isto & Husso a se promittit. Ne vero obscurum sit, in Varillasium istas censuras ferri, alibi historiam de Ludovico XII allegat, in cujus præfatione Autor (Varillasius utique) *celebre MSS. incomparabilis Saladini commendat*. Id eum legisse scribit, quemadmodum illa, quæ ex Bibliotheca regia allegaverit, id est, non legisse. Nullam enim extare Historiam Saladini MSS. sed in Bibliotheca, (quæ nominatur) *Villarmontii* Chronicon quoddam veteri lingua Picardica scriptum ostendi, quod ab initio mundi cœptum, in tempore Saladini finitur, & de hoc paulo plura quam de aliis rebus narret. Hæc si ita sunt, spe quam nos & lectores, ex indicio Varillasii nuper in Actis anni 1687. pag. 663. relato, de raro illo MSS. concepimus, facile, ut appareat,

Tom. I.

pag. 24.

Ibid.

pag. 4. 5.

Tom. II.

Part. II.

pag. 23.

d. l. p. 49.

ret, frustrabimur. Alia non pauca ex Tomis hisce observari possunt, non vulgaris diligentiae & eruditionis. Inter alia egregie de *Erasmo Rotterodamo* judicat Autor, ita tamen, ut optet quaedam ab eo scripta non esse, v. g. *Encomium Moriae*, & Dialogos qui inscribuntur, Tom. II. *Naufragium*, *Funus*, *Miles*, *Carthusianus*, & alios a Theologis Parisi-
Part. II. ensibus improbatos. Ad Chronologiae etiam rectitudinem perti-
pag. 21. net observatio controversiae, de anno diversimode in curia Pontificia numerari solito: notat enim, in *Brevibus* sive rescriptis & epistolis annum a *Cal. Januarii*; in *Bullis* vero sive diplomatibus *Calendii Martii* computari consuevisse. Sed ista & plura alia legentium studio relinquenda sunt.

*DES ENFANS DEVENUS CELEBRES PAR
leurs Etudes ou par leurs écrits. i. e.*

DE PUERIS, QUI STUDIIS SCRIPTISVE IN-
claruerunt, Tractatus historicus *Adriani Bailletti*.

Parisiis, apud Antonium Dezallier, 1688, 12. maj.

VAriam suam lectionem atque acre judicium erudito orbi dudum comprobavit clarissimus *ADRIANUS BAILLET*, viri illu-
stris *Christiani Francisci de Lamoignon*, Regis Galliae Advocati Ge-
neralis bibliothecarius, dum A. 1685. & 1686. volumina octo *Judicio-
rum Eruditorum de scriptis primariis Autorum* edidit, a nobis A. 1686.
p. 251. seqq. & A. 1687. p. 573. seqq. recensita.

Promiserat plura. Dum autem in iis perpoliendis occupa-
tur, anxie admiratorum suorum expectationi diutius deesse no-
luit, ideoque in lucem ab Antonio Dezallerio edi passus est hanc *Pu-
erorum* (aut, si mavis, *Adolescentium*), qui ante vigesimum ætatis
annum finitum, *samam eruditionis sibi conciliarunt, historiam*.

Epistolæ in modum conscripta est. Debebat enim *dedicatoria*
esse, libro de *Anonymis aut Pseudepigraphis Auctoribus*, quem ad præ-
lum parat Bailletus, præfigenda. Inscribitur idcirco *PUERO* clari
non minus sanguinis, quam indolis optimæ, *Christiani Francisci de
Lamoignon* modo laudati *Filio*. Quo nomine proprio is appelletur,
nobis non constat, cum, (quod factum nollemus,) reticuerit id Bail-
letus

letus; genealogia autem Lamoniana, quam *Blanchartus* in *Historia Praefidum Parliamenti* habet, antequam ille natus esset, contexta fuerit. Non obscure tamen hoc passim libello innuitur, Papyrium illum *Lamonianum*, qui *Bailleti* ductu tanta in bonarum literarum studiis stadia tantilla ætate confecit, annum decimum tertium hoc ipso, quo scribimus, tempore vix excessisse. De illius ingenio iudicare licebit, si, quam de marmore quodam tulit, sententiam, ex *Bailleti* relatione, his Eruditorum Actis inferamus. Repererat illud apud Gruterum *Inscript.* p. 332. n. 33. & *Vossium*, *Institut. Poetic.* lib. 1. c. 10. §. 14. p. 44. hoc exemplo:

L. VALERIO. L. F. PVDENTI.

HIC. CVM. ESSET. ANNORVM. XIII.

ROMAE. CERTAMINE. IOVIS.

CAPITOLINI. LVSTRO. SEXTO. CLARITATE,

INGENII. CORONATVS. EST. INTER. POETAS.

LATINOS. OMNIBVS. SENTENTIIS. IVDICVM.

HVIC. PLEBES. VNIVERSA. HISCONIENSIVM.

STATVAM. AERE. COLLATO. DECREVIT.

CVRAT. R. P.

Pudentis nulla, extra hunc lapidem, mentio extare dicitur, ne quidem apud eos, qui ex professo poetarum catalogos cōgessere. Annorum is XIII. fuit *lustrum* (sive agone Capitolino quinquennali) *sexto*, h. e. (Lamonio censente.) anno Fl. Domitiani Imp. quinto in eunte, A. V. C. 839. Christi 86. Domitiano Cæs. & Corn. Dolabella CoSS. Sic enim de *Domitiano* Suetonius: *Instituit & quinquennale certamen Capitolino Jovi triplex, musicum, equestre, gymnicum.* Equidem jam *Servii Tullii* Romanorum Regis ævo septem fere retro seculis Iudi Capitolini in usu esse cœperant. At nondum poetis ac citharædis partes illic ac brabea erant, quod demum factum tempore *Neronis*, (qui & ipse carmina pangebatur fidibusque canebat,) A. V. C. 873. Christi 60. *Nerone* IVrum, Corn. Cossio *Lentulo* CoSS. Hoc ab anno si numerare inceperis, Domitiani ludis *Lustrum VI.* titulum negare haudquaquam poteris. Addit huic alumni sui conjecturæ conjecturam aliam *Bailletus*, inter *Pudentis* nempe antagonistas fuisse *Annum Statium*, poetam inter classicos non postremum. Is enim (cum in poemate ad uxorem *Claudiam*, tum in alio in mortem

E

parentis

tu composito,) eo tempore in agone victum sese fatetur, causamque illius rei reddit, quod *Thebaida* tunc meditatus, omnes sui ingenii nervos in poema illud intendere nequiverit. Quod si verum est, Pudentem Statii victorem, poetam haud e trivio fuisse consequetur. Cæterum lectu quàm maxime digna est digressio *Bailleti* de computo lustrorum, a p. 495. ad p. 508.

Unicum adjecisse non abs re erit, *Lamonium* eundem duplo procul intelligi, cum Auctor noster *Tomo V. de Poetis* p. 271. narrat, puerum quendam novennem, anno 1685. suoapte ingenio, nec frustra, inquisivisse in fontes, e quibus *Egidius Menagius* hausserit inventionem poematorum quorundam Græcorum, quæ inter ejus opera, (anno 1687. p. 573. nobis memorata,) extant.

Cæterum ipsius libelli præsentis primarius scopus est probare, ipsa puerorum ingenia non incapacia esse Theologiæ, Jurisprudentiæ, Mathematicarum, Philosophiæ, Historiarum, & id genus aliarum scientiarum. Evincere id confidit Auctor exemplis circiter centum. Videas heic vitas Græcorum, Latinorum, Gentilium, Christianorum, Muhammedanorum, Principum, privatorum, veterum, recentiorum, marium, foeminarum, quandoque integras, ut plurimum tamen, & tantum non semper, non ultra annos juveniles perextas. Ex his quidam famam meritis majorem habuisse videntur Nostro; cum primis *Nicolaus Heliorus*, qui, *Naudæ* teste, in collegio Navarrazo Universitatis Parisiensis, frequentissimo auditorio variarum linguarum, artium liberalium, Theologiæ, Juris Utriusque, Medicinæ, Philosophiæ callentissimus visus est anno 1343; item *Andreas, Petrus & Jacobus Canteri* fratres, quos decimo ætatis anno in omni, ut ajunt, scibili versatissimos fuisse, fide *Pauli Scalichii* refert *P. Colomesius*; denique *Quirinus*, qui 4500. theses Romæ proposuit publice & cum summo auditorum applausu defendit, si amico ejus *Petro Bembo* fides habenda. Ridendam etiam propinat *Bailletus* simplicitatem seculi decimi quinti, quo adolescens quidam anonymus, præter hominum illius ævum morem, & tantum non ad miraculum, omnium artium & scientiarum gnarus, pro *Demonis filio*, imo ipso *Antichristo*, habitus fuit A. C. 1445. Inter vere doctos pueros *Fortunius Licetus* comparet, de quo ex *Michaele Justiniano* de Scriptoribus Ligurinis p. 223. 488. notat, natum eum esse in con-

finiis

finis Genue d. 3. Octob. 1577. cum nondum partui maturus, vixque septimeltris embryo esset, matre ob itineris, quod cum marito *Josepho Liero* Medico gravida faciebat, incommoda, abortum patiente. Postum igitur fuisse recens - natum a patre in fornacem ad thermometrum uniformiter perpetuoque calefactam, sicque beneficio caloris corpusculum immaturi illius fœtus ad perfectionem perductum esse, quemadmodum Ægyptii in fornacibus excludere solent ovis galinarum pullos. Neque tamen ea propter brevis vita Fortunio contigit. Obiit quippe Patavii circa annum demum 1656. Nec lectu injucunda sunt, quæ Bailletus memorat de *Alexandro Magno*, in cujus eruditione depradicanda multus est, p. 15. seqq; de *Blasio Paschalis*, Mathematico *doctissimo*, p. 303; de *Martino Antonio Delrio*, qui postquam decem minimum linguas addidicisset, innumeros auctores per legisset, libros suomet Marte edidisset, gradum Doctoris Juris cum laude obtinisset, Jesuitarum societati accessit, & testandæ humilitatis suæ causâ, studia sua in publicis scholis a primis elementis, instar rudissimorum Novitiorum redorsus est, p. 198; ut alios brevitatî studio omittamus. Ex hodie superstitis celebriores sunt *Isaacus Vossius*, *Pompejus Sarnellius*, *Armandus Bouthillier* de Rancé, Abbas de la Trappe, *Fatio de Duillier*, *Camillus de Louvois*, puer duodecennis; Bibliothecæ Regiæ præfectus, *Ludovicus* denique *Augustus Borbonius*, Dux Cenomanensis, Ludovico XIV. Regi Galliæ die 31. Martii 1670. ex Francisca Athanasia de Rochechouart, Henrici Ludovici de Pardaillan Gondrin Marchionis de Montespau uxore natus, cujus opuscula in volumen collecta ante triennium edita sunt hoc titulo: *OEUVRES DIVERSES D'UN AUTEUR DE SEPT ANS. Recueil des œuvres de Monsieur le Duc du Maine qu'il a faites pendant l'année 1677 & dans le commencement de 1678*, i. e. OPERA VARIA AUTHORIS SEPTEM ANNOS NATI: Sylloge operum a Domino Duce Cenomanensi anno 1677, & anno 1678. in eunte, compositorum. Latius ea commemoravit *Petrus Balus* in Excerptis Reip. Literariæ Roterodamensibus.

Id denique norandum, classi huic puerorum doctorum primariæ *Annales* adjici; quarum altera viros complectitur, qui studiis, quæ pueri inclauverant, provectiori ætate aut repudium remiserrunt, aut pessime abusi sunt, altera illos, qui sero quidem animum


ad studia appulerunt, ingenio tamen suo felicissimo improboque labore ac diligentia tantum effecere, ut inter clarissimos ~~qui~~ sui Eruditos eminuerint. Ex media illa classe est *Jacobus Marchisettus* Pislaurensis, Cardinali *Aldobrandino* Clementis VIII. P. R. Nepoti a Secretis. Ablegatus fuerat Cardinalis in Galliam pacis inter Regem & Sabaudia Ducem componendæ causâ, iterque ingressus comitibus suis serio injunxerat, ut a muneribus manus illibatas servarent. At cum Marchisetto a Rege munus mille aureorum Hispaniensium (*500. pistoles d' or*) oblatum fuisset, eo quod hunc (uti Homerus Agamemnonem) *Regem Regum* in Oratione quadam salutasset, resistere *Giezi* ille *Italus* non potuit tot armatis, munusque regium facillimo negotio obrudi sibi passus est; sed hoc nomine gratia Cardinalis excidit, & paulo post jacturæ tantæ æquo animo ferendæ impar, ex mœrore obiit.



Laude dignum judicamus, quod ad marginem authores allegare studuerit Bailletus, quibus in concinnandis vitis adjutus fuit. Non autem cæco impetu vestigia eorum ubivis sequitur, quin plus simplici vice ab iis recedit & errasse eos ostendit. Exempli loco esto *Antonius Varillafius*, cujus naves certatim notarunt hæcenus eruditi. Meminerat is, in *Anecdosis Florentinis*, Johannis *Pici* Mirandulani, Angeli Bassi *Pohriani* & Philippi *Beroaldi* junioris; sed aliquoties in eorum vitis recensendis cespitaverat, quod Bailletus p. 76. 78. 81. 87. 96. observat. Sæpiusculæ queritur, vitas virorum clarorum, e. g. Nicolai *Rigaltii*, Gasparisque *Scioppii*, non extare typis exscriptas, seque adeo de eorum ætate indubitato certiorum reddere nequivilisse lectorem.

G. G. L. DE LINEIS OPTICIS, ET ALIA;

Excerpta ex literis ad ———

Versanti mihi dudum in longinquo satis itinere, quod Serenissimi Principis mei jussu suscepi, & passim monumenta in Archivis & Bibliothecis excutienti, oblati sunt ab amico quodam Actorum Lipsiensium menses, unde jam diu novorum librorum experts discerem, quid in Republica literaria ageretur. Inspicienti igitur Junium anni 1688 occurrit relatio de principiis Naturæ Mathematicis Viri Clarissimi Isaaci Nevvtoni, quam licet a præsentibus





bus meis cogitationibus longe semotam, avide & magna cum delectatione legi. Est enim vir ille ex paucorum illorum numero, qui scientiarum pomœria protulere. Quod vel solæ illæ series docere possunt, quas Nicolaus Mercator Holsatus per divisionem erat affecturus, sed Nevvtonius longe ampliore invento extractionibus radicum purarum pariter & affectarum accommodavit. A me, ut obiter hic dicam, methodo serierum promovendæ, præter transformationem irrationalium linearum in rationales symmetras (voco autem rationales, quarum ordinatæ semper ex abscissis haberi possunt in numeris rationalibus) excogitata est ratio pro curvis transcendenter datis, ubi ne extractio quidem locum habet. Assumo enim seriem arbitriariam, eamque ex legibus problematis tractando, obtineo ejus. coefficients. Porro a præsentis operis Nevvtoniano præclara quæque expecto, & ex relatione Actorum video, cum multa prorsus nova, magni sane momenti, tum quædam etiam ibi tradi, a me non nihil tractata; nam præter motuum cœlestium causas, etiam lineas catoptricas vel dioptricas, & resistantiam medii explicare aggressus est. *Lineas illas Opticas* Cartesius habuit, sed celavit, nec suppleverunt commentatores; neque enim res communi analysi subest. Eas postea ab Hugenio (sed qui nondum edidit) & nunc a Nevvtono inventas intelligo. Etiam mihi, sed per diversam, ut arbitror viam, innotuere. Et habebam quidem methodos generales dudum, sed proprias perelegantes eruendi occasionem dedit egregium inventum Dn. Tschirnhausii nostri in Actis publicatum, qui integras lineas, tanquam focos considerat. Quid inde consecutus sim, exemplo explicabo, unde reliqua intelligantur. Sit punctum A & linea data BB, reflectens radios AB, quæritur linea CC, radios ABC iterum, reflectens in unum commune punctum D. Solutio primæ aggressio- nis hæc est. Data linea BB, ejus respectu constat dari puncti A confocum linearem seu lineam EE. Rursus datis duobus confocis, uno lineari EE, altero puncto D, constat inveniri posse aliquam lineam CC, cujus sunt focis, quæ erit quæsitæ. Meliores autem constructiones prodeunt, nam $A1B + 1B1E + \text{arc. } 1E2E = A2B + 2B2E$, & $D2C + 2C2E + \text{arc. } 2E1E = D1C + 1C1E$, unde tota $AB + BC + CD$ semper est æqualis, uni constanti rectæ. Si solum circumligatum sit lineæ EE simulque alligatum puncto D, tunc evolutione

lutione curvæ EE, stylus filum intendens describet lineam CC. Sin filum idem altero extremo alligatum sit puncto A, stylus filum intendens describet lineam BB. Sed dissimulata curva EE, prodit *constructio simplicissima*: a data recta constante (æquali AB + BC + CD) detrahatur quævis data AB, residuæ sumatur æqualis BF ita ducta, ut ad PB curvæ BB vellejus tangenti perpendicularem in B, faciat angulum FBP, ipsi ABP æqualem. Iungatur DF, & ex puncto ipsius DF medio G normalitereducta GC occurret ipsi BF in quæsito puncto C; & quidem pater, GC esse lineæ CC tangentem. Rotetur porro figura hæc circa axem AD, & quæ in lineis diximus, etiam in superficiebus genitis locum habebunt. Eadem & dioptricis applicari possunt. Lineam EE voco *Acampton*, quæ radios ABE sine reflexione & refractione accipit. Dantur & *Aclasta*, quæ eosdem non refringunt & tamen reflectunt, & sunt illæ quæ ipsius EE evolutione simplici describuntur, quod primus licet alio sine consideravit Hugenius. Talis est FF posita CF (in producta BC) = CD. Si pro A aut D punctis, aut alterutro, foci lineares darentur, aut punctum infinite abesset, ubi radii fierent paralleli, eadem suo modo locum haberent.

Quæ de Resistentia Medii peculiari scheda complexus sum, jam pro magna parte Parisiis duodecim abhinc annis eram assecutus, & Illustri Academix Regiæ nonnulla ex illis communicavi. Denique cum mihi quoque meditationes inciderint de caussa physica motuum coelestium, operæ pretium duxi peculiari schediasmate nonnullas ex illis in publicum proferre. Deceveram quidem premere, donec mihi liceret leges Geometricas diligentius conferre cum phaenomenis novissimis Astronomorum. Sed (præterquam quod alterius plane generis occupationibus distringor, quæ vix quicquam tales sperare patiuntur) excitavit me Nevvtonianum opus, ut hæc qualiacunque extrare paterer, quo magis collatione rationum excussæ emicent scintillæ veritatis, & ingeniosissimi viri acumine adjuvemur.

G. G. L. SCHEDIASMA DE RESISTENTIA

Medii, & Motu projectorum gravium in medio resistente.

Galilæus

Galileus cum regulas motus projectorum investigavit, resisten-
tiam medii seposuit; fecere idem Torricellius, & qui secuti sunt:
fatentur tamen aliqui defectum doctrinæ, atq; hinc orientes in praxi
errores. Blondellus quidem in libro de jactu bomborum putat, im-
pune posse negligi hanc considerationem, sed argumenta ejus non
sufficiant, nec experimenta asserti in magno sumta. Cæterum dif-
ficilior est rei Geometrica investigatio, quam ut ab illis, doctissimis li-
cet viris, expectari facile & sperari potuerit, nondum inventis tunc,
aut certe non satis passim notis subsidiis. Et tamen leges projecto-
rum veræ, & calculus experimentis consentiens, magno in balistica
& pyrobolicis usui futurus, hinc potissimum pendere videntur.

Ego jamdudum Inclytæ Academiæ Scientiarum Regiæ Parisi-
næ, cum apud illos agerem, de hoc argumento ratiocinationes com-
municavi, & modum æstimandi ex parte tradidi, speciesque distinxi.
Duplex igitur medii resistentia est, una absoluta, altera respectiva,
quæ plerumque concurrere solent. *Absoluta resistentia* est, quæ tan-
tundem virium mobilis absorbet, sive id parva sive magna velocitate
moveatur, dummodo moveatur, & pendet à *medii glutinositate*; perin-
de enim est, ac si partes filamentis motu mobilis perumpendis, con-
nexæ essent inter se. Eadem locum habet in *frictionibus* superficialium
asperarum, in quibus mobilia decurrunt; nam obstacula sunt abraden-
da vel saltem deprimenda, ad instar pilorum elasticorum sese postea
rursus erigentium; ad elastrum autem deprimendum, vel ad filum
rumpendum, eadem semper vis impendenda est, nec refert quæ sit a-
gentis velocitas. *Resistentia respectiva* oritur ex medii densitate, &
major est pro majori mobilis velocitate, eo ipso quod partes medii
agitandæ sunt a penetrante, movere autem aliquid est vim impende-
re, & eo majorem, quo major communicatur motus medii partibus;
hoc est, quo celerior est motus penetrantis. Et resistentia fluidi qui-
escentis, erga corpus incurrens, est æqualis vi fluidi incurrentis in
corpus quiescens, quæ major est cum celerior est motus fluidi, ut vi-
demus corpora vento & aqua moveri, imo jactu aquæ satis impetu-
oso gravia sustineri; licet hic quoque sese absoluta resistentia im-
misceat, a qua tamen abstrahendus est animus, cum respectivam
æstimamus, quasi nulla esset medii tenacitas. Hoc quoque inter-
est inter duas resistentiarum species, quod absoluta habet quodam-
modo

modo rationem superficiiei mobilis sive contactus; respectiva vero soliditatis. Utrobique paradoxum occurrit, quod mobile penetrans in medium uniforme ubique resistens, nunquam quidem ab eo redigetur ad quietem: a resistantia tamen absoluta corpus quod vi semel concepta movetur, neque aliunde acceleratur, certum habet limitem spatii sive penetrationis in medium, ita ut semper ad ipsum recta accedat, nunquam tamen eo perveniat, quam voco penetrationem maximam exclusivam, seu maximam quæ non; a resistantia vero respectiva corpus uniformiter acceleratum (ut grave descendens) habet certum limitem velocitatis, seu maximam velocitatem exclusivam, ad quam semper accedit, (ut postremo differentia sit insensibilis,) ita tamen ut eam nunquam perfecte attingat. Et hæc velocitas est illa ipsa, qua motum fluidum (ad instar jactus aquæ) posset grave sustinere, ne descendere incipiat. Utriusque motus leges primarias hic exponemus, quantum ista brevitatis patitur, nam cuncta distincte tradere res integri tractatus foret.

De Resistentia Absoluta.

Artic. 1.

Si motus Mobilis sit per se uniformis & a medio aequaliter secundum spatia retardatus.

(1) Decrementa virium sunt proportionalia incrementis spatiorum (quæ est *Hypothesis* casus præsentis)

(2) Velocitates sunt proportionales spatiis: perditæ, percurfis; residuæ, adhuc percurrentis. Ponantur incrementa spatii esse æqualia, erunt decrementa virium æqualia (per proposit. 1.) jam si ejusdem mobilis decrementa virium sunt æqualia, etiam decrementa velocitatum sunt æqualia (sunt enim vires ut quadrata velocitatum, æqualibus autem existentibus quadratis etiam æqualia sunt latera) itaque elementa velocitatum amissarum sunt ut elementa spatiorum percursorum, residuarum ut adhuc percurrentorum. Ergo

TAB I. velocitates sunt ut spatia. Nempe si in fig. 2 velocitas initio sit AE,

Fig. 2. spatium integrum in medio percurrentum sit recta AB, ejus pars jam percurfa AM, adhuc percurrentia MB; velocitas residua MC (vel AF) amissa FE, erit ECB, recta.

(3) Si spatia residua (MB vel LT) sint ut numeri, tempora infum-

insumta (ML vel BT) erunt ut logarithmi, nam si elementa spatii sint progressionis Geometricæ, erunt spatia residua ejusdem progressionis Geometricæ, ergo (per 2.) etiam velocitates residuæ, ergo incrementa temporis sunt æqualia, ergo tempora ipsa progressionis Arithmeticæ.

(4) Mobile M nunquam absolvit spatium percurrendum integrum (AB) etsi semper accedat ad limitem (B) pater enim BT esse asymptoton lineæ logarithmicæ AL, scilicet ipsius AB logarithmus hic est 0, ipsius o logarithmus est infinitus, interium in praxi motus sit tandem insensibilis, ut & distantia a B, præterea nullibi datur medium perfecte uniforme.

(5) Si mobile moveatur motu composito ex uniformi & æqualiter a medio secundum spatia retardato, seu si mobile (M) feratur in regula rigida (AB) secundum Hypothesin præsentem (uti revera sic satis contingit ob frictionem, si globus in regula rigida horizontali recta moveatur) ipsa vero interim regula (AB) sibi parallela manens, uniformiter mota, uno extremo (B) incedat in aliqua recta (BT) describet lineam logarithmicam (AL) Generaliter enim, si mobile feratur motu composito ex uniformi & alterius legis, describet lineam ordinatis suis & abscissis relationem inter tempora & spatia dictæ legis exprimentem, quod est *memorable theorema*: habemus etiam hinc modum Physicum *construendi Logarithmos*, quos Geometria communis exacte construere non potest.

Artic. 11.

Si motus sit a gravitate acceleratus, & a medio æqualiter secundum loca retardatus.

(1) Est hoc loco *Hypothesis prima* eadem cum Hypothesi unicæ præcedenti, nempe decrements virium (id est hoc loco velocitatum) facta a resistentia absoluta, sunt proportionalia incrementis spatiorum.

(2) Accessiones velocitatum a gravitate sunt proportionales incrementis temporis, estque *Hypothesis altera* ex natura motus gravium.

(3) Dantur rectæ proportionales temporibus insumtis, a quarum unaquaque si detrahatur recta æqualis respondentis spatio percurso a puncto mobili, residua recta erit proportionalis veloci-

tati acquisitæ; nam velocitates impressæ sunt proportionales temporibus (per 2) amissæ spatii percurfis (per 1 hic, ad modum propositi. 2 articuli præcedentis) ergo residuæ acquisitæ differentiis.

(4) Si velocitatum acquisitarum complementa ad maximam sint ut numeri, tempora insumta erunt ut logarithmi. Nempe *retenta figura priore* sit AB velocitas maxima (quam mox patebit esse talem exclusive) AM acquisita, BM vel TL adhuc acquirenda, seu complementum acquisitæ, BT & ML tempus impensum. Ex prop. 1 & 2 reperietur temporum BT incrementis sumtis æqualibus, velocitatum AM incrementa esse ipsis BM proportionalia. Ergo si BT logarithmi, erunt BM numeri. (5) Hinc patet (ad modum propositi. 4 Articuli præcedentis) ad velocitatem maximam AB nunquam perveniri, seu esse talem exclusive.

Artic. III.

Si grave projiciatur in medio resistentiam habente absolutam.

TAB. I.
Fig. 3.

Hoc est si feratur motu composito, ex motibus duorum articulorum præcedentium. *In figura 3* ponatur grave in A positum, conans descendere in A G & parallelis, projici ex A directione AMB, angulo quocunque MAG, & describere lineam AP; sit AB via maxima exclusiva articuli primi, compleantur parallelogramma MAGP, BAGK.

(1) Recta horizonti perpendicularis (BK) per (B) limitem penetrationis (seu per punctum ad quod mobile motu per se uniformi, in medio uniformi & absolute resistente, in recta AM progrediens, penetrare non potest) est lineæ projectionis asymptotos, seu lineæ duæ, videlicet recta BK & curva AP, utcunque continuatæ sibi quidem semper accedunt, sese tamen nunquam attingunt, quia mobile ad partes B in AB & parallelis eodem modo tendit motu composito, ac si secundum solius articuli primi leges sine gravitate ferretur, nunquam ergo pervenit ad B, vel aliquod ei æquivalens punctum in recta BK utcunque producta.

(2) Lineæ projectionis non est ex numero conicarum; non utique parabola, circulus aut ellipsis, hæ enim carent asymptotis. Non hyperbola, neque enim hic ut in hyperbola per punctum aliquod

quod in recta utrinque indefinita BK sumtum, duci potest adhuc alia linea asymptotos.

(3) Datur certa quædam *linea simplex* (hoc est paraboloeides aut hyperboloeides) cujus abscissæ, si sint proportionales spatiis (BM) residuis ad limitem penetrationis (AB) projectioni præscriptum, ordinatæ sunt proportionales velocitatibus adhuc deficientibus ad acquirendum limitem velocitatis descensui præscriptum: *Lineam simplicem* hic intelligo, cujus ordinatæ sunt in ratione quacunque multiplicata aut submultiplicata abscissarum. Itaque sensus est, velocitates descensui adhuc deficientes, esse in ratione spatiorum adhuc limitati penetrationis deficientium, secundum certum aliquem numerum constantem multiplicata. Hoc ex eo demonstratur, quod ambo possunt intelligi progressionis Geometricæ, si tempora insumta sint progressionis Arithmeticæ per art. 1 prop. 3, & artic. 2 prop. 4, & utrobique numeri maximi logarithmus est 0, minimi infinitus, per art. 1 prop. 4, & artic. 2 prop. 5. Cum numerus rationem multiplicans est rationalis, oritur aliqua linea paraboloeides aut Hyperboloeides Geometriæ communis. Porro hic numerus quibusdam experimentis inveniri potest.

(4) Inveniri potest *linea projectionis* AP, seu relatio inter coördinatas AG spatium descensus, & AM spatium progressionis per se uniformis. Nam artic. 2 prop. 3 datur relatio simplex inter tempus insumtum, spatium descensu percursum AG, & velocitatem descensu acquisitam in G. In hac relatione pro tempore substituat AM, ope relationis inter ipsa datæ artic. 1 propof. 3: restat ergo relatio inter AG & AM, quæ etsi sit transcendens, tamen nihil aliud supponit quam Logarithmos.

Artic. IV.

De Resistencia Medii respectiva, si motus per se uniformis a medio uniformi retardatur proportionem velocitatis.

Quemadmodum fit considerata tantum medii densitate, nulla habita ratione tenacitatis.

(1) Diminutiones velocitatum sunt in ratione composita velocitatum præsentium, & incrementorum spatii. Quæ est *Hypothesis* casus præsentis.

(2) Si velocitates residuæ (ut MB seu LT *fig. 2*) sint ut numeri, spatia percurſa (BT seu ML) sunt ut Logarithmi. Eodem modo demonstratur, ut art. 1 propoſ. 3, si pro spatiis illic poſitis, ponas velocitates, & pro temporibus, spatia.

(3) Si tempora infumta, certa quantitate conſtanti aucta, ſint ut numeri; spatia percurſa ſunt ut Logarithmi. Nam ſpatii elementis exiſtentibus æqualibus, temporis elementa ſunt reciproce ut velocitates, hoc eſt creſcunt progreſſione Geometrica (per præced.) ergo (ex quadratura logarithmicæ) tempora conſtanti quantitate aucta etiam ſunt progreſſionis Geometricæ.

(4) Hinc etiam tempora conſtanti quantitate aucta ſunt reciproce ut velocitates residuæ. Patet ex conſideratione præcedentis. Conſtans autem illa quantitas eſt tempus finitum quo percurreretur ſpatium infinitum, ſi prima velocitas ea proportionem creſceret, qua nunc a reſiſtentia mediæ diminuitur. Et poteſt inveniri hæc quantitas duobus experimentis, ex collatis ſpatiis & temporibus, imo unico experimento, in quo conſiderantur tempus & velocitas.

Artic. V.

Si motus a gravitate acceleratus a medio uniformi retardetur proportionem velocitatis.

(1) Eſt hoc loco *hypothefis* 1 eadem cum hypothefi unica articuli præcedentis.

(2) Et *hypothefis* 2 eſt eadem cum hyp. 2 articuli ſecundi.

(3) Reſiſtentia eſt ad impreſſionem novam, a gravitate eodem temporis elemento factam (ſeu diminutio velocitatis ad acceſſionem) ut quadratum exoſſus velocitatis maximæ ſuper acquiſitam eſt ad quadratum maximæ. Nam ex prop. 1 (hic) ſequitur reſiſtentias eſſe in compoſita ratione elementorum temporis & quadratorum velocitatum; at impreſſiones novæ ſunt ut elementa temporis per prop. 2, & in caſu maximæ velocitatis diminutio & acceſſio velocitatis ſunt æquales. Unde facile concluditur propoſitum.

(4) Si rationes inter ſummam & differentiam velocitatis maximæ & minoris aſſumptæ, ſint ut numeri; tempora, quibus aſſumptæ velocitates ſunt acquiſitæ, erunt ut Logarithmi. Cum enim incrementum

crementum velocitatis sit differentia inter impressionem & resistantiam, hinc (ex præcedenti) statim sequitur impressionem esse ad incrementum velocitatis, ut quadratum velocitatis maximæ ad excessum hujus quadrati super quadratum præsentis velocitatis assumptæ. Ex quo scimus per quadraturas summam impressionum inde ab initio, quæ est proportionalis infinito tempori, esse ut Logarithmum, si numerus sit qualem in propositione hac enunciamus.

(5) Velocitas maxima est talis exclusive, seu nunquam attingipoteest, etsi ad eam intervallo inassignabili accedatur. Nam cum ratio est æqualitatis, seu cum velocitas assumpta est incipiens, si-ve infinite parva, tempus (adeoque logar.) est 0, & proinde cum sitatio infinita, hoc est, cum velocitas assumpta est ipsamet maxima, logarithmus rationis est infinitus. Itaque ad eam velocitatem acquirendam infinito tempore opus foret. Inveniri autem potest maxima velocitas per duo experimenta, collatis temporibus & velocitatibus, item per prop. 3.

(6) Si velocitates acquisitæ (AV *fig. 4*) sint ut sinus (arcu- TAB. I.
um HK portionum quadrantis circularis HKB) erunt spatia per- Fig. 4.
cursa (AS) ut Logarithmi sinuum complementi (VK)posito radium
seu sinum totum (AB) esse ut velocitatem maximam. Nam ex hy-
pothesi z sequitur incrementa spatii esse in ratione composita ve-
locitatum acquisitarum & impressionum gravitatis, sed impressio-
nes sunt ad incrementa velocitatis, ut enunciatum est in demon-
stratione prop. 4. Hinc sequitur incrementa spatii esse in ratione
composita incrementorum velocitatis & velocitatum directæ, &
reciproca ratione excessus quadrati maximæ velocitatis super qua-
dratum assumptæ. Unde scimus per quadraturas sequi propositum.
Pater hinc Logarithmum sinus totius esse 0 (cum velocitas est 0)
at evanescentis sinus complementi (cum velocitas est maxima) Lo-
garithmum seu spatium esse infinitum, unde rursus patet velocita-
tem maximam nusquam attingi.

(7) Si spatia percurra (AS *fig. 4*) sint ut Logarithmi sinu-
um (KV, arcuum BK) tempora infumta sunt, ut logarithmi ratio-
num, quæ sunt inter sinum versum (BV) & (VD) complementum
ejus ad (BD) diametrum, seu duplum sinus totius (AB) Patet ex
collatis propositionibus 4 & 6.

Artic. VI.

Si grave projiciatur in medio uniformi resistentiam habente respectivam.

Seu feratur motu composito ex motibus duorum articulorum præcedentium. Sit (fig. 4) projectio in AM & parallelis, descensus in AS & parallelis, angulo MAS quocunque; locus motus compositi P habetur completo parallelogrammo MASP.

(1) Inveniri potest linea projectionis (seu relatio inter AS & AM). Ex spatio AS datur (per artic. 5 prop. 6) AV velocitas descendendi in S, seu in P. Ex hac (per prop. 7) datur tempus infusum. Ex hoc (per artic. 4 prop. 3) datur spatium AM seu SP. Ex datis igitur lineis abscissis AS, dantur ordinatæ SP; ac proinde lineæ puncta inveniri possunt.

(2) Inveniri potest lineæ tangens, seu ipsius mobilis in ea directio. In AM sumatur MN, quæ sit ad MP, ut velocitas in M, inventa per tempus infusum (artic. 4 prop. 4) ad velocitatem in S inventam per idem tempus (artic. 5 prop. 4) & juncta NP tanget curvam in puncto P. Et cum eadem sit velocitas descendendi in P, quæ in S, itemque velocitas persequendi projectionis directionem in P, quæ in M, patet qualis illa sit in puncto P; patet etiam qua vi mobile in ipsa linea projectionis feratur, velocitas enim in linea est ad velocitatem descensus, ut NP ad MP.

Possemus etiam in unum componere resistentiam absolutam ex articulis 1, 2, 3, & respectivam ex artic. 4, 5, 6, uti certe revera concurrunt in natura, sed prolixitas hic vitanda est. Multa ex his deduci possent praxi accommodata, sed nobis nunc fundamenta Geometrica jecisse suffecerit, in quibus maxima consistebat difficultas. Et fortassis attente consideranti vias quasdam novas vel certe satis antea impeditas aperuisse videbimur. Omnia autem respondent nostra *Analysi infinitarum*, hoc est *calculo summarum & differentiarum* (cujus elementa quædam in his actis dedimus) communibus quoad licuit verbis hic expresso.

Occasione eorum quæ de usu pulveris pyrii mechanico in Lipsiensibus pariter Actis, ac Roterodamensibus Novellis vidi, dicam primum celeberrimum Thevenotium, quod mihi conflet, de tali re cogitasse, ad Hydraulicæ negotia, unde & mihi aliqua porro meditando

tandi materia nata est, quam comprehendat περιάνδρς κλειάνθης.
Quod obiter hic adjicere volui.

*ENTRETIENS SUR LA METAPHYSIQUE ET
sur la Religion, par le P. Malebranche &c.*

hoc est:

Dialogi de Metaphysicis & Religione, auctore P. Malebranche Oratorii Presbytero.

Roterodami, apud Rein. Leers, 1688, in 12.

NON novum est in actis nostris Malebranchii nomen, quod dialogi isti præferunt, in quibus styli elegantia cum subtilitate rerum certare videtur; aliquoties enim commemoratum nobis est, cum controversiæ, quæ ipsi cum Arnaldo intercedunt, succinctæ fuerunt recensitæ. Quibus in locis licet hypotheses hujus Auctores strictim pariter enarratæ, ac fontes, ex quibus uberior earum cognitio petenda, indicati fuerint, non pigramur tamen etiam horum dialogorum summas referre, in quibus collocutores agunt Aristus & Theodorus (accedente in septem posterioribus Thestino) & Auctor, sub Theodori persona, hypotheses suas tantum non omnes, familiaris colloquii specie, proponit. In *primo*, probata animæ existentia & distinctione a materia per cogitandi proprietatem, ad naturam idearum explicandam accedit, easque revera existere ex eo concludit, quoniam, dum cogitamus, id de quo cogitamus non est nihil, sed v. g. circulus, quem concipimus, habet suas proprietates, & a quavis alia figura per easdem differt, id quod de nihilo dici nequit. Has vero ideas, quoniam ab anima nostra non producuntur, sed sunt in nobis, licet res quas repræsentant non existant, existentiam æternam & necessariam habere asserit, & esse extensionem illam intelligibilem, immutabilem & infinitam, ex qua non solum formamus ideas v. g. circuli & omnium figurarum pure intelligibilem, sed etiam figurarum omnium sensibilem, quæ nobis adparent, dum mundum creatum adspicimus; quæ proinde sit in solo Deo, tanquam ratione universali, quæ omnia entia intelligentia illustrat, & in qua animæ nostræ habitant. Hæc ipsa vero res latius per-

us pertractatur in dialogo *secundo*, ubi docet, quamvis hæc extensio intelligibilis sit ipsa divina substantia, nos tamen proprie non videre, dum ideas contemplamur, substantiam DEI in se, sed solum sub eâ ratione, quatenus repræsentat entia materialia atque ab ipsis participabilis est, præsertim cum substantia divina infinitas perfectiones contineat, quæ in extensione intelligibili non comprehenduntur. Accedit, quod Deus proprie non sit visibilis per ideam, quia infinitum sui ipsius idea est, nec archetypum habet; sed per se ipsum cognoscitur. Cum vero vulgo ex pluribus ideis particularibus generalem effingi statuant, aliqui vero sentiant ideas generales esse perceptionem confusam plurium idearum particularium, hæc opinioniones non una ratione refelluntur. Dialogus *tertius* maximam esse differentiam inter ideas & modificationes animæ nostræ, inter scire & sentire, ostendit. Cum enim non habeamus ideam animæ nostræ, non possunt non relationes modificationum, quæ animam nostram afficiunt, nobis esse incognitæ. Hinc monet iudicium de rebus non esse ferendum ex perceptionibus illis confusis & obscuris, quæ in nobis excitantur objectis præsentibus, sed ex ideis quæ nobis illas clare repræsentant. Dialogus *quartus* ea, quæ naturam sensuum in genere concernunt, exponit, speciatim vero phænomeni illius rationem tradit, cur nobis in caliginoso loco constitutis, si oculus certa ratione prematur, in opposita regione lumen ali-quod adpareat. Quæ cum ultimato huc redeat, quod certam pressionem nervi optici, atque sic commotionem partis cerebri nostri, certa sequatur perceptio in anima nostra, cum tamen inter motum alicujus corporis & spiritus sensationem nulla necessaria sit connexio, fatetur hic recurrendum tandem esse ad auctorem naturæ, cujus efficax voluntas sapientissime hanc stabilivit legem, ut modificationes animæ atque corporis essent reciprocæ, eum scilicet in finem, ut anima nostra per certos instinctus brevissima via admone-retur de relatione, quam corpora nos circumstantia ad corpus nostrum habeant, quatenus videlicet ad illius conservationem spectant. Verum, cum ex illa lege videatur jam spiritus noster fere totus dependere a corpore, dum vel minima sensatione molesta distrahitur a contemplatione summi boni, ejus rei causam in lapsum nostrum refert, per quem mutatio aliqua in hac lege facta est. Ne autem

autem ob hæcenus dicta sensus plane inutiles ad rerum cognitionem judicentur, in dialogo *quinto* explicatur, qua ratione sensus & imaginatio, attentionem in nobis excitando, indirecte nos ducere possint ad veritatis inventionem. Nam, quoniam una eademque extensio est, quæ nos diversimode afficit, quæque animam nostram modificat per colorem &c. mirum non esse, si illæ modalitates junctæ extensioni intelligibili, eamque sensibilem reddentes, nobis exhibeant ejusdem relationes; in quibus veritates Physicæ & Geometricæ consistant, ita tamen ut earum evidentia & generalitas nequaquam deducatur ex nigro aut albo colore, quem lineæ habent, sed ex generali & clare intellecta idea extensionis, ex æqualitate aut inæqualitate angulorum & linearum, &c. In dialogo *sexto* fuse disquisit Auctor, an corporum existentia exacte demonstrari possit, licet pauci tam philosophi fuerint, ut de hac materia dubitarint; idque negat ideo, quoniam existentia eorum arbitraria est, & a libera Dei voluntate dependet. Ipse ergo statuit, eorum existentiam nobis innotescere revelatione tam supernaturali in verbo Dei, quam naturali per sensationes, quæ a Deo secundum leges generales nobis cognitæ in anima nostra, ex occasione eorum, quæ in corpore nostro accidunt, excitantur. Non negat autem, hanc revelationem, quamvis in se verissima sit, nobis aliquando occasionem erroris esse posse, vel quoniam non adhibemus eam ad illos usus, quibus destinata est, vel quia ita sumus per peccatum corrupti, ut non amplius debitam super cerebrum nostrum habeamus potestatem, quod advertere possimus, num cerebrum nostrum commotum fuerit a causa externa, an vero a motu spirituum, cui interna causa dedit originem. Quocirca tamen nonnunquam non possumus esse satis certi per hanc revelationem de existentia hujus aut illius corporis, hoc tamen non obstare contendit, quominus certi simus de existentia corporum in genere; cum alias sequeretur Deum, quod absit, perpetuo nos fallere decrevisse, si nihil eorum, quæ percipimus, extra nos existeret. Sed probato corpora naturalia existere, inquirendum restabat, an efficaciam agendi aliquam haberent. Totus ergo dialogus *septimus* circa inefficaciam causarum naturalium demonstrandam occupatur. Auctori enim potentia motrix corporis nihil est aliud, quam efficacia voluntatis divinæ, quæ illud certo in loco con-

servat; nec proprie corpus unum alterum movet, dum in illud impellitur, sed causa tantum occasionalis est, ut Deus corpus illud alterum moveat. Hinc etiam porro concludit, non dependere unam creaturam ab altera, v. g. animam a corpore, aut contra, cum omnes aq; impotentes solique Deo immediate & directe unitæ sint, quamvis inter quasdam mutua possit esse modificationum reciprocatio, nixa fundamento immobili decretorum divinatorum, quæ usitata ratione loquendi unio vocatur. Dialogus *octavus* a creaturis ad Deum ascendit, de ejusdem attributis agens, inter quæ etiam extensionem, non tamen corpoream, refert. A perfectionibus divinis ad operationes ejus transitus fit in dialogo *nono*, ubi traditur, Deum non agere, nisi secundum id quod est; nisi modo eo, qui characterem portat suorum attributorum; nisi ad gloriam, quæ ab ipso in relatione videtur, quam suum opus & viæ simul junctæ habent ad perfectiones quas possidet, & quas possidere sibi gloriæ ducit. Deum ergo, quamvis mundum ad suam condiderit gloriam, non tamen voluisse facere opus absolute perfectissimum, sed solum perfectissimum eo in respectu, ut posset produci & conservari per vias, quæ junctæ huic operi illi majorem conciliarent gloriam, quam ullum aliud opus alia via productum, adeoque illum etiam indirecte voluisse monstra, quia sunt naturalis sequela legum, quas ob effectus sapientia & bonitate sua dignissimos stabilivit. Interim cum universum hoc finitum sit, indignum utique fuisse actione Dei infiniti valoris, nisi unione cujusdam personæ divinæ dignum redditum fuisset, ut Deo placeret; atque hinc recte colligi, scopum principalem Dei fuisse incarnationem filii, qui utique sese fuisset uniturus operi Dei, etiamsi homo non peccasset, fortassis tamen absq; incarnatione. Hinc digressio instituitur ad Prædestinationem, quam ex similibus principiis Auctor optime explicari posse affirmat. Eam scilicet factam esse hoc & non alio modo, quia ab Ecclesia collecta per vias, quas Deus adhibuit, plus honoris in eum redundaturum erat, quam ab ulla alia alio modo formata. Dialogus *decimus* Dei magnificentiam in magnitudine, & infinito numero diversorum operum conspicuam admiratur, quorum tamen omnium prima stamina augentur, auctaq; conservantur juxta leges generales motus, easq; simplicissimas, quæ ex unico hoc principio dependent, fortins debe-

debere vincere debilius, ita tamen, ut æqualis semper motus quantitas sit in hoc universo. Illustratur deinde hoc exemplo insectorum, maxime ex illa hypothese, quæ omnia sequentium temporum individua in primi animalis ovario fuisse supponit. Nam ipsam animalium & plantarum organisationem non dependere statuit Auctor ex motus legibus generalibus, sed aliis quas Deus in opere creationis secutus fuit, quod utique neque ex principiis Cartesianis, nec ullis aliis, ut aliqui frustra conantur, explicari possit. In hoc enim opere maxime eluxisse sapientiam Dei, dum non solum primos materiæ motus cum omnibus sequelis naturalibus & necessariis, sed & moralibus & supernaturalibus, in omnibus suppositionibus, comparavit. Id quod etiam in dialogo *undecimo* inculcatur, ubi iterum contemplationi insectorum Auctor inheret, maxime bombycis, & illius insecti, quod formica leo dicitur. Rejicit autem hoc loco insectorum generationem ex putredine, cum longe facilius possit concipi, ferruginem mutari in horologium perfectissimum, quam putridam materiam in animal tanto organorum adparatu præditum. Perstringit quoque Cartesii de formatione fœtus librum, variasque resolvit quæstiones: Num omnia propter hominem facta? Cur noxia animalia condita? Cur tantus insectorum numerus productus, quæ nulli videntur esse usui? concluditq; docendo: creaturas, quæ nobis inutiles videntur, opus Dei reddere magis perfectum, exprimere perfectiones divinas, & esse quasi totidem emblemata Jesu Christi, cujus figuram gerunt. Porro hanc ipsam sapientissimam Dei providentiam non minus elucere ex legibus unionis animæ & corporis, per totum fere dialogum *duodecimum* probatur, quippe cum Deus non tantum his conformiter nobis det omnes sensationes objectorum, eadem ratione ac anima nostra eas datura sibi esset, si illa exactam haberet cognitionem omnium, quæ accidunt in corpore nostro, aut in principali cerebri parte, atque sic in cognitionem operum suorum nos deducat, sed etiam nos iisdem uniat multis variisque modis. Adfertur quoque hic doctrina de unionis animæ nostræ cum sapientia æterna & ratione universali per leges generales, ubi attentio nostra causa occasionalis est præsentis idearum in animo nostro, & alia quoque hic disputantur, v. g. quomodo Deus per Angelos distribuat hominibus bona temporalia, &

per Jesum Christum gratiam interiorē & omnia alia bona? item, num Deus nunquam voluntate particulari; ne quidem in producendis sanctis in anima Jesu Christi desideriis agat? &c. Cæterum quum idea hæc philosophica Providentiæ divinæ secundum leges generales, vulgi captum transcendat, in dialogo *decimo tertio* modos loquendi vulgares, quibus identidem Deo particularis voluntas tribuitur, tolerandos censet, licet ex confuso profisciscantur conceptu, qui solutioni difficultatum ab improbis objectarum haut sit sufficiens. Deinde leges generales, secundum quas Deus mundum regit, repetit, atque ex ipsa divina providentia infallibilitatem Ecclesiæ deducere nititur; quoniam videlicet via examinis insufficiens sit ad simplices & indoctos ad salutarem fidei cognitionem perduccendos, sique nulla alia superfit, quam via auctoritatis Ecclesiæ, quam proinde infallibilem esse necesse sit. *Ultimus* dialogus circa veritatem Religionis Christianæ versatur, & mysteriorum incomprehensibilitatem pro argumento veritatis eorum Auctor habet. Fidei etiam articulos in Scriptura querendos asserit, sed explicata per traditionem, h. e. concilia generalia, quæ procul dubio sensum ejusdem multo feliciter affecuta fuerint, quam aliquis privatorum. Tum de incarnatione Jesu Christi ejusque divinitate contra Socinianos disputat asserens, nullam creaturam, nec Angelos quidem, posse Deum adorare, nisi per ipsum, quoniam ille solus eos liberavit ab incapacitate naturali aliquam ad Deum relationem habendi; tandemque exponit, qua ratione fides in Jesum Christum nos Deo acceptos reddat.

CASPARIS SAGITTARII *Alt-Thüringisches
Herzogthum / seu Antiquitates Ducatus
Thuringici.*

Jenæ, typis J. Z. Nisii, 1688, in 4.

Cum Historiam Thuringicam clarissimus Auctor animum induxisset condere; causas gravissimas habuit, cur non uno eam opere complecteretur, sed per partes separatas ederet. Huc enim *Antiquitates Regni Thuringici*, huc *Gentilismi & Christianismi Thuringici Antiquitates* pertinent, quæ jam in Acta nostra A. 1685. pag. 161. 163. re-

163. retulimus: cum quibus adeo hæ etiam *Ducatus Thuringici Antiquitates* sunt conjungendæ. Harum IV sunt libri distincti: quorum tribus explicatur, quicquid in Thuringia notabile (nonnulla etiam, quæ alibi contingere) ex quo ad Reges Francorum moderamen Thuringiæ pervenit. In his ordo servatur gestorum, uti anni fuerunt consecuti, & finis fit in morte Imperatoris Ludovici, Arnulphi filii, quæ A. Ch. 911. accidit. Quarto denique libro regiminis proponitur ratio.

Ad Francorum nimirum imperium (Regum puta Austrasiæ) Thuringi redierant, postquam Hermenfridus, indigena eorum Rex (uti fusius in Antiquitatibus Regni Thuringici Auctor enarravit) bello victus a Dieterico occubuisse: non quod hinc partem regni Austrasiæ provinciæ constituerent Thuringicæ, sed quod illi Austrasiæ reges supremi plerumque domini illarum essent. Quare etiam factum fuit, ut cum a morte Clotharii terras Francorum filii ejus quatuor inter se partirentur, & Sigebertus regnum Austrasiæ sortiretur, ipse Thuringorum etiam Princeps fieret; quod sæpius legimus contigisse. Itaque vitæ horum regum per summas exhibentur, *Dieterici, Dietberti, Dietbaldi, Clotharii, Sigeberti, Cbildberti, Theodeberti*, fratribus illius *Theoderici*. Hic vero, cum in quo facinore imperium fratris affectasset, ac mox nactus esset, nihil ejus transmittere ad filios potuit, quicquid etiam Brunichildis, avia ipsius, illustre factiosæ mulieris exemplum, machinaretur. Proceres enim Francorum multi *Clothario* Neustriæ Regi magis cupiebant, quorum adeo ope accidit, ut is & Austrasiæ & Burgundiæ nancisceretur regna. Tanta imperii moles cum gravis ei esset, Austrasiæ regnum filio *Dagoberto* transmisit: quo nomine Dagobertus Thuringos etiam in ditionem suam accepit. Hoc sub Rege primum Sorbi, Veneda natio, pedem in has terras intulerant, qui quod tam infesti Thuringis inenbarint, disertam rei historiam, breviter tamen, Auctor exhibet. Contra hos præcipue Dagobertus Ducem in Thuringia *Rudolfum*, strenuum hominem, crearat, sed qui cum bona fortuna diu usus esset, tandem etiam Regis ipsius (*Sigeberti*, filii *Dagoberti*) detrectavit imperium, eumque de Thuringia repulsavit, cum expeditionem ejus recuperandæ causâ suscepisset. Cujusmodi bella mox a variis provinciæ præfectis certatim mota fuere:

fortasse quod exempla Majorum Domus eo invitarent, quicum ad summum jam pedetentim fastigium evassissent, Reges & patiebantur, & rejiciebant, prout voluntas impelleret licentiosa. Atque hæc primo libro traduntur.

Alter liber a *Pipino* incipit, qui jam regiam consecutus erat dignitatem: cujus successor *Carolus M.* contra Sorbos rursus Thuringos defendere necesse habuit. Is cum præsens ipse in terris hisce diverteret, prope mortis incurrebat periculum, nisi mature parata conspiratio aliqua discussa fuisset. Natu major filius ejus, patri cognominis, & ipse Sorbos aliquando profligavit, ac duarum arcium condendarum auctor extitit, ad Albim alterius, alterius ad Salam, quas Wettinum aliqui & Wittebergam esse existimant. Quæ Caroli M. stirps usque ad *Ludovicum*, filium Imperatoris Arnulphi, in quo & desit, ordine continuo Thuringis præfuit. Plerique Cæsarem simul Romanorum vicem gessere, alii Reges Germanorum fuerunt, de quibus singulis abunde, ac ut series iusta poscit, secundo illo, ut & tertio libro, Auctor clarissimus exponit.

Quarto denique libro de regiminis forma istius ætatis quæritur; cujus commentationis multa universim veterum Francorum imperii rationes illustrant. Nam de pagis, quos appellabant, eorum præfectis, Comitibus & Gravionibus, Scabinis, quique ab iis pendebant, Centenariis & Decanis aliisque Regum ministris, tum & solemnibus judicantium conciliis, plurima & acervantur diligentissime, & prudentissime judicantur. Ubi etiam controverso Julii Cæsaris loco, de *centum pagis* Suevorum, lux necessaria adfertur. *Graviones* enim isti fori præfides, ut *Duces* bellorum imperatores, erant; nisi quæ gravior lis intercederet, quam cui Gravyo ordinarius satis esset decernendæ; tunc enim neque Ducibus ea potestas denegabatur. Additur, quo statu res Ecclesiæ, & monasteriorum ordines sub his Francorum regibus fuerint; qua de causa jam in prioribus etiam libris, de diversis eorum temporum Episcopis Moguntinis plene satis erat actum. Longum de cætero foret commemorare, quoties vulgarium historicorum errores corrigantur; quemadmodum veram Caroli M. patriam (quæ lis tam diu sub judice fuit) non nisi in Thuringia fuisse, prorsus ad liquidum perducitur. Inprimis fabula exploditur, quæ vulgo de Monasterio & Temple

Templo Erfurtino in monte S. Petri, a Dagoberto Francorum Rege condito jactatur. Non enim modo hic confirmantur, quæ jam Trithemius contra *vobiscum* diplomatis istius Dagobertini, quo resinitur præcipue argumento, attulerat; verum iis etiam respondetur, qui ex recentioribus in asserenda veteri traditione laborarunt. Quæ, & alia plura, historiæ cupidis esse gratissima oportet; optandumq; merito omnibus, ut & ipsum opus historiarum vastius, ex quo Antiquitates hæ contractæ duntaxat sunt, & cætera, quorum spem celeberrimus Auctor facit, *Commentarium in Nucleum Historiæ Germanicæ, Notitiam Scriptorum Historiæ Ecclesiasticæ*, aliaque propediem indispiscamur.

HISTOIRE DU PATRIARCHE ABRAHAM.

id est:

HISTORIA ABRAHAMÆ PATRIARCHÆ;
sive, Quæstiones curiosæ, historicæ & morales in
Genesin. Autore R. P. *Antonio Massonio*.

Parisiis, apud viduam Claudii Thiboult & Petrum Esclaplan,
1688, in 12.

Tertium volumen *Quæstionum enodatarum super Genesin* superiori Anno edidit *Antonius Massonius*, Ordinis Minimorum Sacerdos, S. Theologiæ Professor emeritus & Conventus Vicennensis Corrector. Priora duo non vidimus; creditu autem facile est, primum (*Christo* Servatori inscriptum) tempora *antediluviana* recensuisse, alterum (*Deipara* sacrum) *Noachi* & *Noachidarum* fata evoluisse; tertium denique *Abrahami* historiam complectitur, & *S. Francisco de Paula*, ordinis Minimorum Patriarchæ offertur. Constat illud libris tribus, e quibus prior itinera Abrahami, alter promissiones ipsi factas, tertius merita ejus atque gloriam divinitus concessam persequitur. Conferre cum eo quadantenus libet.

R. P. CORNELII HAZART, SOC. JESU THEO-
logi, *Discursus morales in selectiora loca Genesif,*
Exodi, Levitici, Numerorum.

Antverpiæ, apud Mich. Knobbarum, 1688, in 4.

Auctoris hujus per Scripta alia, tum Eristica, quibus Religionis
Romano-Catholicæ dogmata propugnantur, tum ad Histo-
riam

riam Ecclesiasticam spectantia, Orbi Litterato dudum cogniti, hoc libro institutum est, *selectiorum locorum* ex quatuor *Pentateuchi* libris excerptorum, *sensus* non literales, sed *tropologicos*, *allegoricos*, *anagogicos*, *metaphoricos*, *morales* indagare, eruere, dictisque Patrum Ecclesiæ illustrare. Selegit autem ex *Genesi* Historiam Josephi; ex *Exodo* servitutem Ægyptiacam Israelitarum eorundemque ex Ægypto egressum, una cum miraculis utrumque concomitantibus aut proxime subsequenteribus; ex *Levitico* præcepta non pauca; ex *Numerorum* denique libro pleraque *murmurationum*, quibus in Deum insurrexit perfrictæ frontis gens, exempla. Quod si par hoc Scriptorum componere nobis integrum est, *elegantia* Hazartum Massonius: *eruditione* Massonius Hazartus superare videtur. Massonius laicis: clericis & concionatoribus Hazartus scripsit. Nobis utriusque libri argumentum breviter notasse sufficit; nec prolixioribus per angustiam chartæ esse licuit.

LIBRI NOVI.

Georgii Mackenzie Defensio Antiquitatis Regalis Scotorum Prosapia, libris Episcopi Maphensis & doctissimi Stillingfleeti opposita. Ex Anglica in Latinam linguam versa. Trajecti ad Rhenum, apud Franciscum Halma, 1689, in 8.

Petrus Ciacconius Toletanus de Triclinio, sive de modo convivendi apud præfatos Romanos. Editio II. Amstelodami apud Henr. Wetstein, 1689. in 12.

Joh. Jacobi a Ryffel de Jure Naturæ & Gentium Libri duo, Lipsiæ apud R. Wächtler, 1689. in 8.

Nouvelle Manière de fortifier les places, tirée des Methodes du Chevalier de Ville, du Comte de Pagan & de Mr. de Vauban. Avec des Remarques sur l'Ordre Renforcé &c. A Paris, chez Est. Michallet. 1689. in 8.

Le Directeur general des Fortifications par Mr. de Vauban, Ingenieur general de France &c. Seconde Edition. A la Haye chez Adrian Moertjens, 1689. in 12.

Le Triomphe Hermetique, ou la Pierre Philosophale victorieuse. Traitté plus complet & plus intelligible, qu'il y en ait eu jusques ici, touchant le Magistère Hermetique. Amsterdam, chez H. Wetstein, 1689. in 8.

Oeuvres mêlées de Mr. l'Abbé de St. Real. Suivant la copie a Paris chez Cl. Barbin, 1689, in 12.



ACTA ERUDITORUM

publicata Lipsia

Calendis Februarii Anni M DC LXXXIX.

ACTA SANCTORUM MAIL, COLLECTA, Digesta, illustrata a Godefrido Henschenio & Daniele Papebrochio, & societate Jesu, Tomus VI & VII, operam & studium conferentibus Francisco Baertio & Conrado Janningo, ejusdem Societatis.

Antverpiæ, apud Michaellem Cnobarum, 1688, in fol. 2 tom.

Quod de seculis Tacitus affirmat, *nullum tam sterile esse vir-
tutum, ut non bona exempla prodiderit*, id de omnibus anni
diebus credere nos jubent qui per singulos dies Sanctorum,
quos vocant, vitas digesserunt, & cuiusvis dici complurium vel
opere vel morte insignium Beatorum memoriam alligarunt. Omnes
hos, & omnia antiqua monumenta, e quibus beatorum martyrum,
aut vitæ sanctimonia præ cæteris conspicuorum hominum, gesta co-
gnoscere licet, in unum quasi corpus colligere, & *Acta Sanctorum*
quæcunque scripta fuere unquam, edita atque inedita, undequaque
conquirere, eaque emittere in lucem, Notationibus illustrata, qui-
bus & obscura explanarentur, & ambigua firmarentur, & pugnan-
tia conciliarentur, & quæ ex iis percipi utilitates possent ostendere-
tur, inde usque ab anno hujus seculi trigesimo allaboravit doctissi-
morum Jesuitarum *Joannis Bollandi & Godefridi Henschenii* indu-
stria: qui Sanctorum acta sive ab aliis conscripta, sive suo stylo
consignata, per singulos cujusvis mensis dies disposita, exhibere, &
qua ratione arduum hoc & prolixum opus pertexendum sit, com-
monstrare sategerunt. Cumque multa etiam sedulo indagantes
fugerent, quæ deinde absolutis tomis amicorum beneficio sunt con-

H

secuti

secuti, de vita sanctorum quorundam, translationibus, miraculis; ea in Appendices coniecere tomo cuivis subjectas, quorum quemvis sex Indicibus, onomastico, chronologico, historico, topographico, grammatico, & morali instruxerunt. Hunc in modum composita Acta sanctorum *Joannes Bollandus* in publicam emittere lucem anno 1643 cepit, & binos JANUARIi tomos, operam & studium conferente *Godefrido Henschenio*, evulgavit. FEBRUARIi Acta anno 1658 tribus tomis gemini hi ejusdem laboris Socii in publicum ediderunt. Vivis, autem erepto anno 1665 Bollandus, præclaram superstiti Henschenio operam in continuando isthoc studio præstitit *Daniel Papebrochius*: ac MARTII acta tribus tomis anno 1668 publicæ luci dedere, APRILIS etiam acta, totidem inclusa voluminibus, anno 1675 eidem exposuerunt. MAJUM, quod apparatus major esset, prolixiori opera illustrandum putarunt, ejusque millibus & sexcentis sanctis (ad quem numerum eorum copia exsurgit, quorum nomina Majalibus diebus alligata sunt) septem volumina repleverunt: quorum tria priora, sedecim primos mensis dies complexa, anno 1680 prodire, a nobis in Actis Eruditorum anni 1683 p. II. 12. memorata; duo media, octo medios quæ mensis dies continent, anno 1685 evulgata sunt, a nobis in Actis Eruditorum anni 1686 p. 270. & seqq. recensita; duo postrema, reliquos septem mensis dies pertextentia, superiore demum anno publicam lucem adspexerunt, Papebrochianum studium adjuvantibus egregiis sociis, quos is extincto Henschenio sibi adsciverat, *Francisco Baertio* & *Conrado Jamningo*.

In Sexto tomo, qui XXV, XXVI, XXVII & XXIX Maji dies continet, præ cæteris notatidigna occurrunt, prolixius etiam descripta exhibentur acta, martyria, miracula, translationes corporum seu reliquiarum, & hujus generis ἀξιομνηστικά alia, quæ contigerunt circa Urbanum I. Pontif. seculo tertio a p. 5. ad p. 23. & Gregorium VII. Pontif. Hildebrandum antea dictum (qui quæ ratione Sanctis accenseatur, non intelligimus, inter plurimos etiam Pontificios scriptores non prospera fama gaudens, ut vel ex Natali Alexandro in Select. Hist. Eccl. cap. Sec. XI. part. 3. constat) seculo undecimo a p. 102. ad p. 159. cujus corpus post quingentos annos adhuc integrum, sacris vestibus amictum, M. Ant. Columna anno

1577 re-

1577 repertum, ad sacellum S. Michaelis Archangeli transtulit, & monumento ornavit, quod a Ferd. Ughello tom. 7. *Italia sacra*, & Lud. Jacobo in *Bibl. Pontif.* memoratur. Vita & gesta Mariæ Magdalenæ de Pazzis a p. 177. ad p. 351. copiose narrantur, ejus etiam effigies æri insculptæ p. 180. & 258. ostenduntur. S. Augustini Episcopi Cantuariensis, primi Anglorum apostoli, qui seculo sexto vixit, vita a Gocelino monacho descripta, e Mabillonii Act. Bened. tom. 1. deprompta a p. 375. ad p. 443. silitur. Philippi Nerii, d. 26. Maji 1595 mortui, effigies p. 461. vita ab Ant. Gallonio composita a p. 463. ad p. 524. & ab Hier. Barnabæo conscripta a p. 524. ad p. 649. exhibentur: imaginem ejus Neapoli sudasse & flevisse e Jac. Phil. Tomasini narratione p. 649. & seqq. refertur. S. Germani celeberrimi Parisiensis Episcopi seculo sexto vita, quam Venantius Fortunatus scripsisse fertur, e Manuscriptis profertur a p. 778 ad p. 787. de miraculis, & translatione corporis ejus, ex Gregorio Turonensi, Aimoino, & Mabillonio, multa afferuntur p. 787. & seqq. Lanfranci Episcopi Cantuariensis (cujus opera Parisiis anno 1648 Lucas Acherius emisit in lucem) seculi undecimi scriptoris vita, a Mil. Crispino & Eadmero scripta, ap. 832. ad p. 854. recensetur. Corollarii loco novus operis hujus Hagiographici socius Conradus Janningus S. Andreæ, quem *Sali* cognomine indigitant, qui seculo decimo Constantinopoli vixit, vitam e Græca lingua a se conversam, a Nicephoro Andreæ coævo conscriptam, cujus exemplaria duo e Vaticana & Mazariniana bibliothecis nactus fuerat, adjecit; eodemque studio, quo S. Symeonis Stylitæ hujusque matris S. Marthæ vitas e Græcis manuscriptis Vatic. & Florent. ediderat, Tomo V. Act. Sanct. Maji subjectas p. 307 & seqq. p. 403. & seqq. hanc quoque Andreanam vitam excoluit, exactam græcæ litteraturæ eruditionem suam doctioribus approbans.

Septimus tomus tres ultimos Maji dies continens contrarior futurus erat, nisi Præliminares tractatus præmissi, & subjectæ Appendices paulo prolixiores, eundem ad parem cum cæteris amplitudinem promovissent. Henschenium enim vita defunctum, qui Bollandi *hagiographiæ* vitam Martii Actis præmissam contexuerat, imitaturus Papebrochius, ultimo huic Tomo *de vita & operibus Godfridi Henschenii*, qui octuagenario major anno 1681 decesserat, commentationem præposuit; effigiem etiam

oculis lectorum spectandam objecit; ejusdemque Exegelin historiam *de Episcopatu Tungrensi & Trajectensi*, quam sub nomine Diatribes anno 1653 peculiari libro Antverpiæ excuso evulgarat, proximo autem ante obitum anno recognoverat, præfixit. Subjecit Papebrochius Gottefridi Wendelini epistolam de *Dispargo seu Diefla*; ejusdemque iconem; excerpta item ex Ægidii Voechtii *descriptione comitatus Loffensis*, & Alex. Wilthemii *annalibus Imperialis abbatis S. Maximini prope Treviros*: qui ambo libri manuscripti in monachorum claustris delitescunt. Tandem chronologicam seriem *Episcoporum & Archiepiscoporum Mediolanensium* usque ad annum Christi 1261 deductam, ex vetustis Bibliothecæ Ambrosianæ catalogis manuscriptis, quos Henschenius transcripserat, & protulit & illustravit.

Inter ipsos Sanctos, quorum memoria his tribus ultimis Maji diebus recolitur, præ cæteris eminent S. Maximinus, Episcopus Trevirensis seculi quarti *p. 19. seqq.* B. Maria virgo Antiochena, cujus acta græcolatina exhibentur *p. 50. & seqq.* ab incerto auctore, incertum quo tempore, conscripta, ut proinde ingenua profus sit Papebrochii in præfatiuncula hujus Vitæ præmissa confessio: *Rem nullo scripto vetustiori traditam, styloque recentiori exornatam, eo habendam esse loco, quo multa in vitis Sanctorum Patrum; utilem quidem instructionem continentia ad formandos mores, sed ad historicam certitudinem parum aut nihil. Igitur istam quoque ut talem hic damus, liberum Lectori relinquentes, ut eam quo volet gradu credibilitatis collocet.* Plane ut Suetonius in vita Claudii Caesaris magis ne prætermitteret quadam se referre affirmat, quam quia vera aut verisimilia putet. Eminent quoque in hoc recensu S. Theodosia virgo Constantinopolitana, cujus acta græcolatina proferuntur *p. 69. seqq.* Joachimus abbas, Ordinis Florentis seculo tertio decimo fundator *p. 89. seqq.* Pisanae duæ virgines S. Bona & B. Gerardesca *p. 144. seqq.* Petrus Petronius seculi decimi quarti Carthusianus *p. 188. seqq.* S. Isaacius Constantinopolitanus, quarti seculi confessor; cujus vita græcolatina *p. 247. seqq.* datur. Sed omnibus reliquis hoc mense memoratis Sanctis palmam præripit, regia etiam in his terris, dum vita maneret, dignitate conspicuus FERDINANDVS Castellæ & Legionis Rex, qui trigesimo Maji die anno 1552 ex vivis excessit Hispali

Hispani, a Pontifice Clemente X anno 1671 in Divorum numerum collocatus: nempe ut Hispani haberent, quem Gallis de Ludovico Sancto gloriantibus ostentent. Acta hujus gloriosissimi Regis vitæ singulari commentatione complexus quatuor abhinc annis seorsim divulgavit Papebrochius, relata a nobis in *Actis Eruditorum anni 1685. p. 433. seqq.* quam curis secundis revisam, auctam & recognitam huic Volumini, quod postremorum Maji dierum sanctos complectitur, inclusit a p. 280. ad p. 414. ejusque haud exiguam partem ea implevit.

Subjecit *Appendices*, quæ ad omnes divulgatos septem Maji tomos pertinent, exhibentes acta, quæ cum isti tomi in publicam lucem mitterentur, nondum ad manus erant, cuivis dici aliquando inferendas, ubi nova vasti hujus Operis adornabitur editio; quod futurum esse, quando Junius accesserit, & sacro semestri sua integritas constiterit, sperare nos jubet Papebrochius p. 517. 518. Præ cæteris digna lectu est Dissertatio p. 665. seqq. exhibita, super quaestione: an Jobum & reliquos Veteris Testamenti sanctimonia conspiciuos viros, colere ut sanctos liceat, iisque altaria erigere? quam Romæ agitatam & a præcellentibus doctrinæ fama hominibus, anno 1680 disceptatam ait. Prolixior est de S. Johanna Alphonsi V. Portugalliæ Regis filia, quæ d. 12. Maji 1480. obiit, narratio a Margarita Pineria virgine Lusitana patrio sermone conscripta, in Latinum conversa p. 719. seqq. Nec contemnendæ additiones, quas Gregorii Nazianzeni quarti seculi doctores clarissimi actis, ad IX diem Maji *tom. 2. p. 369. & seqq.* editis, adjici p. 655. seqq. voluit.

Ultimum locum occupant Paralipomena ad Chronologiam Pontificum, quam sub *Conatus & Propylæi* titulo Maji actis præfigendam, aut seorsim peculiari volumini includendam, anno 1685 Papebrochius emiserat. Nempe cum impedita res sit, Pontificatum spatia per annorum, dierum & mensium calculos exacte subducere; facile accidere potuit, ut in studio hoc auctori alicubi ea exciderent, quæ aliter cuperet constituta. Igitur addenda, mutanda & corrigenda quæ essent in opere, quod tres ante annos emiserat, his paralipomenis inclusit, novas etiam *Dissertationes* antea divulgatis adjecit, præcipuas de genealogia Christi & annis nativitatis ac mortis ipsius controversias quæ exhibent, & chronologiam ac historiam Pontificum illustrant.

*GLOSSARIUM AD SCRIPTORES MEDIÆ ET
infimæ Græcitatæ. Accedit appendix ad glossarium
mediæ & infimæ Latinitatis, una cum brevi Etymologico lin-
guæ Gallicæ ex utroque glossario, autore Carolo du Fres-
ne Dn. du Cange, Regi a consiliis & Francia
apud Ambianos Quæstore.*

Lugduni, apud Anissonios, Johan. Posuel, & Claud. Rigaud.
1688, in fol.

Cum Græca lingua sub Alexandri M. & successorum imperio non amplius intra unius gentis limites consisteret, sed per Syriam, Ægyptum, Italiam, Galliam, Siciliam, aliasque regiones se diffunderet, fieri non potuit, quin tantum nativæ puritatis amitteret, quantum a peregrinis exterarum nationum vocibus & phrasis hauriret. Neque minus postea Romanis Græciæ imperio potitis, plurimæ Romanorum voces in Græcorum lingua dominari cœperunt. Imprimis vero magna linguæ Græcæ corruptio obigit, ex quo Constantinus M. in Thracia imperii sedem constituens, plerosque e Senatoribus aliisque Proceribus Romanis in Græcicas secum provincias traduxit. Tunc enim ex perpetuo Græcorum & Latinorum commercio magna utriusque linguæ confusio nata est, quæ sequentibus seculis subinde aucta, sub barbararum gentium jugo in maximam barbariem degeneravit.

His igitur ex causis cum apud Græcos mediæ & infimæ ætatis scriptores passim vocabula barbara & semibarbara, vel Græcæ quidem originis, sed peregrinæ & inusitatæ significationis occurrant, non inutilem rei literariæ operam navarunt, qui peculiaribus glossariis exoticas illas Græcorum voces explicatum iverunt. Hinc nata Caroli Annibalæ Fabroti in Theophylactum Simocattam, Cedrenum, Constantinum Manassæm, Nicetam Choniatem, Laonicum Chalcondylam, & Anastasium Bibliothecarium cum Nicephoro, Georgio Syncello, & Theophane collatum, nec non Petri Possini in Annæ Comnenæ Alexiadem, & Georgii Pachymeris Michaelæm & Andronicum Palæologos glossaria, Nicolai Rigaltii glossarium *ἑλληνὸν μὴ ὁμοῦ ἑσσεῖν* de verborum significatione, quæ ad Novel-
las Im-

las Imperatorum, qui in Oriente post Justinianum regnaverunt, de re militari constitutiones pertinent, *Johannis Moursii* glossarium græco-barbarum, *Jacobi Gretseri* & *Jacobi Geari* ad Codinum de officiis Aulae & Ecclesiae Constantinopolitanae commentarii; ut *Stephani a Solio*, *Dionysii Godofredi*, *Christophori Germani*, *Gerasimi Vlachi*, *Simonis Portii*, aliorumque in ipsa Græciæ barbarie eruditio-nem suam literato orbi probantium labores taceamus.

Atque his nunc etiam accensendus *Carolus du Fresne* Dominus du Cange, Vir in omni & hoc imprimis literaturæ genere, dum vi-veret, versatissimus. Is enim glossario mediæ & infimæ Latinitatis Parisiis A.C. 1678 edito, & postea A.C. 1681. in Germania recuso, nunc etiam mediæ & infimæ Græcitatæ glossarium adjecit, *Emeriti Bigotii* & *Johannis Baptistæ Cotelæri* hortatu id operis aggressus: in quo sic versatur, ut ad ea, quæ jam in glossario Latino & in historia sua Byzantina duplici commentario illustrata observavit, lectorem remittere, quam iterata lectione defatigare malit, alienis autem la-boribus & parce & salva dissentiendi libertate utatur.

In præfatione non solum de causis corruptæ linguæ Græcæ, verum etiam de variis, quæ apud Græcos hujus ætatis vigent, diale-ctis nonnulla disserit. Observat inter alia ex *Cabasila*, *Zygomala*, aliisque Græculis, Græcos qui sub Turcarum dominatione degunt, ab idiomate Turcico, eos autem qui Venetis subjecti sunt, ab Italico plurima mutuari, & istos quidem in majoribus oppidis Græcæ & Tur-cicæ, hos autem Græcæ & Latine vel Italice, in pagis autem omnes Græcæ duntaxat loqui. Notat præterea, inter tot hodiernorum Græcorum dialectos eam nitidiorem esse, quæ Constantinopoli & Thessalonica, & in Macedonia ac Peloponneso obtinet, deterrimam autem & omnium corruptissimam apud Athenienses deprehendi, qui olim sermonis elegantia cæteris omnibus superiores extiterunt. Animadvertit quoque, apud Græcos hodiernæ ætatis præter vulga-rem linguam superesse antiquam & puram, cujus in Missa & sacris officiis usus vigeat, & Ecclesiasticam, quæ in concionibus & episto-lis ecclesiasticis adhibeatur, antiqua quidem sed non adeo pura, quin vulgares dialecti subinde intermisceantur. Postremo etiam de ho-dierno linguæ Græcæ neglectu queritur, qui obstiterit, quo minus Parisienses Typographi edendo huic glossario operam suam impen-dere voluerint.

Præfa-

Præfationem excipit *Simonis Porrii* Grammatica Græca, glossario huic eum in finem præfixa, ut appareat, quantum lingua Græcorum hodierna a puriori illa veterum Græcorum desciverit. In ipso vero glossario, quod ordine alphabetico digestum & in duos tomos divisum est, ex variis autoribus Græcis, editis pariter ac ineditis, quorum haud exiguum apparatus bibliotheca Regis Galliæ & Colbertina subministravit, vocabula græco-barbara, imprimis vero quæ vel ad liturgiam sacram, vel ad legum notitiam, vel ad Medicinam, Botanicam, & Chymiam, vel ad dignitates ecclesiasticas & politicas, vel ad rem militarem & monasticam pertinent, ita explicantur, ut plurimi ævi sequioris mores & ritus subinde illustrentur, aliaque observatione digna, & imprimis ad historiam Byzantinam spectantia, referantur.

Glossario huic præter geminam omisso rum & addendorum appendicem, notæ sententiarum Mathematicæ, Astronomicæ, Chymicæ, & Iatricæ, ex *Isidoro*, *Epiphanio*, *Salmasio*, *Crollio*, aliisque codicibus imprimis manuscriptis, nec non varii Auctorum, e quibus hoc glossarium colligitur, & rerum, quæ hoc glossario continentur, indices accedunt. Accedit quoque ad hoc Græcitatæ mediæ & infimæ glossarium Supplementum glossarii mediæ & infimæ Latinitatis, & dissertationis de inferioris ævi numismatibus, quæ Latino illi glossario subjuncta legitur; & postremo loco Etymologicon vocabulorum linguæ Gallicæ, quorum origines in utroque glossario locis indicatis prolixius reteguntur & illustrantur.

Maxime vero dolendum est, Virum celeberrimum, cui non modo prædicta glossaria, verum etiam illustre opus de Familiis Byzantinis & Constantinopoli Christiana, & doctissimas in Scriptores Gallos *Jonvillam* & *Villharduinum*, & Byzantinos *Nicephorum Bryennium*, *Annam Comnenam*, *Johannem Cinnamum*, *Paulum Silentiarium*, & *Johannem Zonaram* observationes debemus, eo ipso anno quo glossarium mediæ & infimæ Græcitatæ absolutum est, vitæ quoque suæ curriculum absolvisse.

HISTOIRE DES VARIATIONS DES EGLISES

Protestantes, par Mesfire Jaques Benigne Bouffet,

Eveques de Meaux.

id est:

Joh-

Jacobi Benigni Bossueti, Episcopi Meldensis, Consiliarii
Regii, olim Præceptoris Serenissimi Delphini, & primarii
Serenissimæ Delphinæ Eleemosynarii Historia de Vari-
ationibus Ecclesiarum Protestantium. Tomi II.

Ad exemplar Parisiense, ex officina Cramoisy, Anno 1688,
in 12.

Illustrior est Episcopi *Condomensis* olim, dein *Meldensis* fama,
quam ut de ea lectores doceri debeant. Judicium Regium, quod in
deligendis ministris raro aberrasse deprehensum est, sat magnum
Viro testimonium præbet, ad tot egregia munera evecto. Siquid
tamen accedere illi potest, ex elogio Pontificio desumendum esset.
Epistola enim regia nuper vulgata (de cujus fide non dubitamus) qua
Dn. *Bossuetus* ad amplissimum Episcopatum Argentoratensem, si is
promoto ad Coloniensem Archiepiscopatum Cardinali Furstenber-
gio vacaret, denominatur, testatum facit, a Pontifice cognomi-
natum esse *Flagellum hereticorum*. Hoc si meritis est libro illo *Ex-
positionum* nemini ignoto, quid non hoc novo merebitur, quocum
ille comparatus *Flagellum* haberi potest? Sperat hoc ipse sine dubio,
agnoscens in præloquio, quod ab indole & regula sua, omissa quam
sectatus erat moderatione, recesserit, & a disputatione de religio-
ne ad personarum accusationes delapsus videri possit. Id profecto
accidisse observabunt, qui in *Tomo operis primo* Lutheri & sociorum;
in *altero* Calvinii descriptiones legent. Scopum tamen suum in præ-
loquio jam allegato ita proponit Auctor, ut dicat, *se ex variationi-
bus, subtilitatibus, equivocationibus & artificis Protestantium Eccle-
siarum, characterem hereticos demonstraturum esse*. Tribuit vitia illa
humanitatis ingenii naturæ, nova appetentis & nunquam acquiescentis;
producentur autem se illas tantum dissensiones esse proficetur, quæ
tori Ecclesiæ vel Lutheranorum vel Reformationum imputari possint,
ex confessionibus & scriptis publicis talesque quæ ad summam fidei
ex puro Dei verbo deducendam pertineant. Cum duobus autem
illis corribus rem sibi esse dicit, non vero cum *Socinianis*, aliisque quas
enumerat sectis, in sinu, ut ait, Protestantium natis. Quibus ita-
que hereticorum notam hoc libro inurat, obscurum non est, ne-
que aliud his solatium restat, hoc convitio per duo fere secula exagi-

§. 25.

§. 1.

§. 8.

§. 9.

- tatis, quam ut sibi Salvatoris nostri effatum Luc. VI, 22. 23. applicent. Licet vero, quæ inter utramque Protestantium Ecclesiam intercedunt, dissensus causas apprimè noverit, utrique tamen nocere judicat, quæ alterutri objicit, & inprimis in *Reformatos* redundare simul contendit, quæ *Lutheranis* impingit, cum & illi *Augustanam* confessionem pro communi habeant fidei symbolo, & Lutherum
- §. 10. 11. laudare non renuant. Probat hoc ex *Blondello*, & ex *Syntagmate*
- §. 12. 13. 14. Confessionum cum præfatione *Genevæ* anno 1654 edito. Tot vero formularum varietatem evitare potuisse arbitratur a Protestantibus, si judicium Ecclesiæ agnoscere voluissent, cui a Deo primam de veritate cognoscendi gratiam collatam esse, & in qua simplicem veritatem deprehendi tradit. Certitudinem inde eorum, quæ adversus dogmata & personas auctorum reformationis propositurus est, indubitatam promittit, omnia probaturus ex illorum confessionibus, catechismis, *formula etiam concordia* & historia *Hospiniani*. Excusat, quod minuta aliquando sectetur; talia enim esse, quæ ad majora momentum habeant. Addit rationes, ob quas *Wiclef*, *Albigensium* & *Hussitarum* mentionem fecerit, & quod methodum attinet, temporis ordinem, ut omnium planissimum, secutum se esse ostendit. Quæstionem vero capitalem de Ecclesia, & ubi ea ante reformationem subsisteret, ex qua omnes controversias
- §. 23. 24. pendere non dissimulat, Tomo II. tractandam sumit, in quo *Job. Claudii* & *Petri Jurii*, egregiorum inter Reformatos autorum, quos ab eruditione, industria & subtilitate, quanta in ullis ex Protestantium cœtu unquam reperta sit, haud perfunctorie laudat, novis respondet objectionibus aut systematibus. Excusat inde
- §. 25. aut defendit, quod ut supra jam notavimus, severiori stylo & censura nuncutatur; exegisse id existimat materiæ asperitatem, & expedire ad agnoscendam perversitatem doctrinæ Protestantium,
- §. 26. Christianismo, ut ait, prorsus oppositæ. Compositum se tamen esse ait ad ferendas recriminationes & calumnias, ita tamen ut duo non inique ab iis se petere dicat, qui in se insurrecturi sint; primo, ne variationes Romanæ Ecclesiæ objiciant, nisi prius suas ab objectis purgaverint; secundo, ne conjecturis, sed, ut ipse fecerit, factis & documentis authenticis utantur. Si per hæc vel minimam variationem Ecclesiæ Catholicæ in dogmatibus, ab initio ejus usque
- ad no-

ad nostra tempora demonstraturi sint, tum se cessurum, suamque historiam penitus deleturum esse pollicetur. Hæc tanti Viri obre-
 statio movere vel sola Protestantium Theologos posset, ut desiderii
 compotem eum facerent; nisi putent, actum se acturos, aut de præ-
 judicio prius disceptandum, & conveniendum prius esse, quæ vari-
 atio (ab omni enim ne Romana quidem Ecclesia se immunem esse
 deprehendet). orthodoxum vel hæreticum faciat. Subjungitur §. 27.
 magna de veritate & justitia causæ asseveratio, addita tamen beni-
 gna significatione, fore, ut hoc opus suum, licet contentiosum vi-
 deatur, ad pacem tamen & conciliationem proficiat. Lutheranos
 enim deprehensuros esse sperat, ex ipsa *confessione Augustana*, pluri-
 mos Romanæ Ecclesiæ articulos probari, & controversias in arctum
 redigi posse, ex communibus principiis. Calvinianos vero huc-
 usque, ut ait, erga Lutheranos indulgentes, Catholicis inexorabi-
 les, moveri posse confidit, ut in his tam odiosa posthac non habeant,
 quæ in illis tolerant. Addit aliquid de emolumento, quod Catho-
 lici ad confirmandam fidei suæ professionem, ex hoc labore suo per-
 cepturi sint. §. 28.
 §. 29.

Jam *Tomii* contenta referemus, ita tamen, ut defen-
 sionem Lutheranismi, quem nos profiteri haud obscurum est, hic
 non suscipiamus. Alio tempore & labore ad id opus est, dummo-
 do ex re Lutherana id esse judicari possit, nec proposito tali obstat,
 quod Gallice scriptus, adeoque paucis Lutheranorum Theologorum in-
 telligibilis sit hic liber; dein quod nostratium operibus aditus in Gal-
 liam præclusus esse dicatur. Certe a candore Episcopi sperare li-
 cuisset, si ei cura aut otium fuisset, scriptores nostros, sepositis pau-
 lulum præjudiciis quibus innutritus est, consulendi, multa eum non
 fuisse scripturum. Ea fiducia quædam ad historiam potissimum per-
 tinentia, quæ in excerpando obiter observavimus, bona, ut confidi-
 mus, pace Viri, indicabimus, ad mitius forte judicium de nobis, aut
 indagandâ penitius veritatem profutura. *Tomius primus octo habet ca-*
pita, sive ut vocat libros, non magnos. Libro I, de gestis ab anno 1517
 ad 1520 differitur. Candidius exorditur Dn. *Bossuetus*, quam Luthera-
 nismi historiam *Maimburgius*. Cum enim hic felicem Romanæ Ec-
 clesiæ statum ante Lutherum prædicet, ille non negat reforma-
 tionem Ecclesiæ a multis seculis anxie efflagitatam fuisse, & qui-

Lib. I. §. 1.

demi in capite & membris. Citat hic Bernardum, & Gulielmum Durandum; cui ex concilii Viennensis decreto, & Pontificis jussu, præparatio quædam ad reformationis opus demandata fuit: addit quædam de actis concilii Basileensis. Negat quidem, ulli istis temporibus vel per somnium in mentem venisse aliam, quam disciplinæ reformationem, & doctrinam semper eandem, i. e. orthodoxam & puram fuisse contendit. Sed ostensum est ab aliis, & nuper ab Illustri Dn. Seckendorfio Parte prima Commentarii Historici & Apologetici de Lutheranismi, non exclusisse dogmatum emendationem, qui reformationem poscebant. Sane ipsa Parisiensis Academiæ appellatio ad concilium, A. 1517 proxime ante Lutheri disputationes interposita, in fine aliquid tale indicat; & Gravaminum Nationis Germanicæ compilatores, nondum Lutherani, non paucos tangunt articulos, qui ad dogmata reformanda non poterant non pertinere. Vid. Dn. Seckendorf. d. l. p. 7. & 369. Urgebat quidem ignorantia, luxuria & avaritia Cleri, quæ tunc notoria & propemodum universalis erat, ut ad correctionem manifestissimorum defectuum ante omnia respiceretur. Secura tamen per se doctrinæ emendatio fuisset, si reduci ad pietatem & sacrarum literarum debitam tractationem Prælati & Pastores potuissent. Sed ista obiter. Observamus etiam, ea quæ Episcopus de invidia adversus Dominicanos tradidit, quæ Lutherum, Augustinianum nempe, ad disputationis primordia incitaverit, non convenire cum regula in præfatione stabilita. Idem ex suæ sectæ scriptoribus, non ex Lutheranis hausit; nam Paulum Sarpium Venerum pro Ecclesiæ nostræ membro non agnoscimus, licet nobis aut Reformatis Libro 5. §. 109. obtrudi videatur. Ita & a sinceritate Episcopi promittere nobis potuissimus, ad paradoxon illud Lutheri de non sumendis armis contra Turcos, adductum fuisse vel unicam ex plurimis Lutheri explicationibus, ex quibus constat, duo potissimum ab illo in apparatu belli Turcici reprehensa fuisse; unum, quod Pontificum auspiciis eoque prætextu fieret, quasi proprium Christianorum officium esset, bella in Turcos gerere; alterum, quod etsi justa defensio adversus barbaras illorum irruptiones suscipiatur, nullum tamen studium ad emendationem internorum vitiorum nostrorum impendatur. Utrumque postea sæpius & prolixè, brevius autem in defensione articulorum suorum

- §. 2. reformationem, & doctrinam semper eandem, i. e. orthodoxam & puram fuisse contendit. Sed ostensum est ab aliis, & nuper ab Illustri Dn. Seckendorfio Parte prima Commentarii Historici & Apologetici de Lutheranismi, non exclusisse dogmatum emendationem, qui reformationem poscebant. Sane ipsa Parisiensis Academiæ appellatio ad concilium, A. 1517 proxime ante Lutheri disputationes interposita, in fine aliquid tale indicat; & Gravaminum Nationis Germanicæ compilatores, nondum Lutherani, non paucos tangunt articulos, qui ad dogmata reformanda non poterant non pertinere. Vid. Dn. Seckendorf. d. l. p. 7. & 369. Urgebat quidem ignorantia, luxuria & avaritia Cleri, quæ tunc notoria & propemodum universalis erat, ut ad correctionem manifestissimorum defectuum ante omnia respiceretur. Secura tamen per se doctrinæ emendatio fuisset, si reduci ad pietatem & sacrarum literarum debitam tractationem Prælati & Pastores potuissent. Sed ista obiter. Observamus etiam, ea quæ Episcopus de invidia adversus Dominicanos tradidit, quæ Lutherum, Augustinianum nempe, ad disputationis primordia incitaverit, non convenire cum regula in præfatione stabilita. Idem ex suæ sectæ scriptoribus, non ex Lutheranis hausit; nam Paulum Sarpium Venerum pro Ecclesiæ nostræ membro non agnoscimus, licet nobis aut Reformatis Libro 5. §. 109. obtrudi videatur. Ita & a sinceritate Episcopi promittere nobis potuissimus, ad paradoxon illud Lutheri de non sumendis armis contra Turcos, adductum fuisse vel unicam ex plurimis Lutheri explicationibus, ex quibus constat, duo potissimum ab illo in apparatu belli Turcici reprehensa fuisse; unum, quod Pontificum auspiciis eoque prætextu fieret, quasi proprium Christianorum officium esset, bella in Turcos gerere; alterum, quod etsi justa defensio adversus barbaras illorum irruptiones suscipiatur, nullum tamen studium ad emendationem internorum vitiorum nostrorum impendatur. Utrumque postea sæpius & prolixè, brevius autem in defensione articulorum suorum
- §. 6. didit, quæ Lutherum, Augustinianum nempe, ad disputationis primordia incitaverit, non convenire cum regula in præfatione stabilita. Idem ex suæ sectæ scriptoribus, non ex Lutheranis hausit; nam Paulum Sarpium Venerum pro Ecclesiæ nostræ membro non agnoscimus, licet nobis aut Reformatis Libro 5. §. 109. obtrudi videatur. Ita & a sinceritate Episcopi promittere nobis potuissimus, ad paradoxon illud Lutheri de non sumendis armis contra Turcos, adductum fuisse vel unicam ex plurimis Lutheri explicationibus, ex quibus constat, duo potissimum ab illo in apparatu belli Turcici reprehensa fuisse; unum, quod Pontificum auspiciis eoque prætextu fieret, quasi proprium Christianorum officium esset, bella in Turcos gerere; alterum, quod etsi justa defensio adversus barbaras illorum irruptiones suscipiatur, nullum tamen studium ad emendationem internorum vitiorum nostrorum impendatur. Utrumque postea sæpius & prolixè, brevius autem in defensione articulorum suorum
- §. 19. didit, quæ Lutherum, Augustinianum nempe, ad disputationis primordia incitaverit, non convenire cum regula in præfatione stabilita. Idem ex suæ sectæ scriptoribus, non ex Lutheranis hausit; nam Paulum Sarpium Venerum pro Ecclesiæ nostræ membro non agnoscimus, licet nobis aut Reformatis Libro 5. §. 109. obtrudi videatur. Ita & a sinceritate Episcopi promittere nobis potuissimus, ad paradoxon illud Lutheri de non sumendis armis contra Turcos, adductum fuisse vel unicam ex plurimis Lutheri explicationibus, ex quibus constat, duo potissimum ab illo in apparatu belli Turcici reprehensa fuisse; unum, quod Pontificum auspiciis eoque prætextu fieret, quasi proprium Christianorum officium esset, bella in Turcos gerere; alterum, quod etsi justa defensio adversus barbaras illorum irruptiones suscipiatur, nullum tamen studium ad emendationem internorum vitiorum nostrorum impendatur. Utrumque postea sæpius & prolixè, brevius autem in defensione articulorum suorum

suorum a Leone damnatorum tractavit Anno 1520. art. 34. Vid. Tom. I. Lr. *Witsch.* fol. 116. b. ubi inter alia scribit: *quanto rectius faceremus, si primum orationibus, imo totius vite ratione Deum propitiū faceremus.* Eadem æquitate non minus declarari potuissent, quæ Lutherus de vocatione sua immediata, itemque Papatus interitu, certis modis ac conditionibus jactasse aut prædixisse arguitur. Multoties enim ista eum in modum explicavit, ut ab irrisione & censura satis tutum se præstiterit. Semel etiam monuisse sufficiat (quod magnam argumenti de variationibus partem destruit) Lutherum non per entusiasmum, sed quod sapissime professus est, per gradus, addogmatum veritatem magis magisque erudendam, & ad detegendos quibus insueverat errores profecisse, ordinariis nempe mediis usum, lectione Scripturæ, & accedente, quam precibus enixissimis exorabat, Spiritus Sancti operatione. Axioma igitur illud in præloquopropositum, *quod veritas Catholica a Deo revelata, prima statim vice pateat*; limitationem admittit, nec excludit profectum successivum & per gradus, quod vel Apostolorum exemplis confirmatur, totaque Dei cœconomia in subroganda Legis disciplinæ Evangelii fide, quam cum die & luce, ut illam cum nocte comparat Apostolus. Eodem modo, & duobus pene verbis, altera quoque argumentationis acies hebetatur, quæ a moribus Lutheri aculeos sumit. Præterquam enim quod multa Luthero per calumniam & falso ab Adversariis, quos insensissimos habuit, objecta fuerint; ab ipso Episcopo non uno loco ut commune principium agnoscitur, quod doctrinæ veritas non pendeat a sanctionibus doctorum, talium præsertim, qui non noviter revelata, sed vetera ex Scripturis deducunt, & a pravis additamentis & interpretationibus purgant. *Liber II. ex historia A. 1520 ad 1529, Lutheri dogmata adversus transubstantiationem in censuram vocat, ut & gesta cum Carolo studio.* Sunt Lib. II. tamen quæ in historia fugerunt Auctorem, v. g. quod *Carolo studio* §. 11. *Wittebergæ pulsus Orlamundam se receperit*; suo enim eo concessit arbitratu, jus ad parochiam ampli proventus, prætextu *Archidiaconatus Wittembergensis* sibi collati, cui illa in fundatione Academica incorporata, ut loquuntur, erat, sibi insolenter arrogans. Neque primus fuit *Carolo studio* ex Wittembergensi Clero, §. 13. qui conjugem duxit, sed præcedentem habuit *Bartolomeum Feldkirchium*,

chium, Præpositum Kembergensem. Ad ea, quæ de nuptiis Lutheri narrantur, innumeri responderunt; bis tamen erratur (d. §. 13. & Lib. III. §. 49.) in ætate Lutheri; non enim XLV, sed XLII. annos natus erat, cum uxorem duceret. Etiam quæ de causis bellii rustici illi imputat, solide refutari possunt. Quæ de *Zwinglio* & *Oecolampadio*, & de sententia Lutheri circa præsentiam realem in Sacramento, & de *ubiquitate*, item de justificatione, contritione, certitudine salutis aliisque dogmatibus, hoc libro & sequentibus prolixè & subtiliter disputat, brevitatis studio non recensebimus. *Libro III.* ubi de historia *Augustanæ confessionis* tractatur, actum agere videtur Vir eximius, præsertim cum variatas editiones, & Melancthonis privata consilia & facta persequitur. Ista enim omnia quæcunque a nostratibus examinata & refutata fuerint, dici non potest. Lectu tamen dignissima arbitramur, multorumque malignis relationibus præferenda, quæ de aliquibus Augustanæ confessionis capitulis disserit. *Libro IV.* de gestis ab anno 1530 ad 1537 agitur; in primis de quæstione, *an armis defendi debeat religio*. Immerito autem exagitur Lutherus, qui pro diversa hypothese, diversa respondit. Non pauca regeri possunt adversus ea, quæ denuo de præsentia reali, ejusque tempore seu momento, in usu S. Cœnæ, ex Buceri & sociorum cum Luthero disputationibus afferuntur. Nihil vero minus ab Auctore gravissimo metuissent Lutherani, quam ut putidè de Lutheri disputatione cum diabolo calumniæ calculum suum adderet, inter alia confidenter scribens, *vanum esse quod nostri regerunt, Lutherum non instructum esse de abroganda Missa, sed ob eam olim celebratam tentatum fuisse, ut desperaret*. Hoc enim omnes, qui relationem Lutheri Germanicam, aut integre versam, sine præoccupatione perlegerint, Sole meridiano clarius deprehendent. Demonstravit hoc novissime, adversus recositas a *Cordemayo* in Gallia nugas, post alios Lib. I. Comm. de Lutheranismò §. CII. & in Addit. p. 178. & seqq. Dn. *Seckendorffius*. Nec abs re fuerit legi, quæ in Actis hiscæ A. 1686. pag. 606. seqq. ea de re dicta sunt. Operosus est Episcopus *Libro V.* in enarrandis *Philippi Melancthonis* querelis & hæitationibus, quas plerasque ex epistolis ejus, familiari libertate ad *Camerarium* scriptis exculpfit. Videbit autem Vir magni judicii, quod & hic nihil a defectibus doctorum moralibus ad pravitatem doctrinæ cor-

Lib. IV,
§. 17.

nz cor-

ne concludi possit, nec latebit eum, quam multa ex *Camerarii* historia de vita Philippi, aliisque non levibus scriptoribus, pro excusatione ejus afferre liceat. Laudanda interim est ingenuitas, qua non dissimulat, a praeicatoribus ante Lutheri tempora, *sanam doctrinam non satis explicatam fuisse. Plurimi, scribit, (& rectius omnes dixisset) non nisi indulgentias, peregrinationes & eleemosynas monachis erogandas, atque adeo profundamentis accessoria proponebant, nec quantum opus erat, de gratia Christi docebant.* Parum certe abest, quin hæc agnoscens, simul necessitatem reformationis aperte fateatur, quam tamen summopere in omnibus scriptis suis elevare annixus est. Universalem illam in Ecclesia ejus temporis doctrinam ad populum fuisse, innumeris præterea fabulis & superstitionibus corruptam, quibus remedium a paucorum rectius scriptis vel dictis afferri non poterat, liquidissime demonstrari potest. Publico illi malo si rejectis nugis manum admoveere, & verbi divini simplicem prædicationem, ad Protestantium enixam postulationem admittere voluissent Pontifices & Episcopi, ad ingens illud schisma perventum non fuisset; evitari etiam multa in ipsis Protestantium Ecclesiis potuissent, quorum præcavendorum causa non *Melanchthon* solum, sed & *Lutherus*, Episcoporum jurisdictionem, salva dogmatum veritate, tolerare non recusarunt. Verum tamen est, non eadem fiducia erga Episcopos eorumque moderationem alios fuisse, & quod *Melanchthon* questus est, civitates maximas illorum retributionem prorsus averfatas esse. Fallitur tamen Auctor, cum putat odiosos urbibus fuisse *Episcopos, non ut Pastores, sed ut Principes*: Principatus enim jus nullum, sed solummodo Dioceseos habuisse Episcopos in civitates amplissimas, *Norimbergam, Augstam, Argentoratum, Francofurtum, Ulmam, Hamburgum, Lubecam* aliasque, neminem in Germania latet. Immerito etiam exprobratur Protestantibus, *quod intra annos sexdecim a capta reformatione de visitatione Ecclesiarum ne somniaverint quidem.* Excusabilis fuisset cunctatio spelactatis, fore ut æquissimis postularis tandem cessuri essent Episcopi. Principes vero inveterata persuasione repleti tunc erant, se non nisi apparitores quasi Episcoporum esse. Præjudicio illo retardari se passus est *Fridericus Saxoniz Elector*, sapientissimus licet, ut ab anno 1517 ad mortem usque suam A. 1525 negotium visitationis

V. §. 11

§. 5.

§. 9.

§. 9.

- tationis, dolente Luthero, procrastinaverit. Frater vero & successor ejus *Johannes* nihil prius habuit, quam ut visitationem illam perficeret, quamprimum nempe rusticorum seditionem composuisset. Confectum itaque negotium fuit annis 1527 & 1528, ut ex publicata illo tempore & in *Tomo IV Oper. Germ. Lutheri* relata formula percipere potuisset Episcopus; verum illi (festinanti forte,) secunda ejus editio A. 1538, quæ Tomo VII. inserta est, occurrit, & censuræ non meritiæ occasionem dedit, quasi illo demum anno visitatio suscepta fuerit. Mirandum tamen non est, Viro, licet laboriosissimo, vastorum Lutheri & Melancthonis voluminum plenam lectionem nimis molestatam, & Germanicâ forte plane ignota fuisse, in quibus visitatorius ille libellus bis editus reperitur. Inter multa alia deprehendisset in Luthero non mitiores, quam in Erasmi, Bucerî & Melancthonis epistolis, quas allegat, querelas, quod puritatem doctrinæ non ea, quam sperabant, morum correctio sequeretur. Altiores radices egerat, quæ pastorum culpa invaluerat, ignorantia & impietas in populo, quam ut evelli tam brevi posset tempore. Videmus etiam, omnibus fere Ecclesiæ ætatibus, optimos & sanctissimos quosque Antistites in eandem de moribus lamentationes etiam cum hyperbole quadam erupisse, licet in doctrina nullos notare defectus. Vellemus tamen, ut hæc redargutio cœtus nostros magis magisque excitaret, ut dogmatum qua fruuntur puritatem sanctimonia vitæ & disciplinæ ornarent, & adversariis censuræ occasionem, quanta maxime possent diligentia, præciderent. An vero magis culpari mereantur Protestantium mores, quam illorum, qui sub Romanæ Ecclesiæ Hierarchia continentur, nolumus hic contendere; neque enim quod Autor prædicat, externum illud regimen effectus ad doctrinam aut mores habet, quos illi tribui videmus. Scribit quidem Episcopus & veluti expostulat, *cur principium illud non agnoveris Melancthon aut Protestantes cum illo? Cur Ecclesia minus ordinata esse deberet quam Imperia? Cur successioni legitima Magistratum non æque in illa ac in politia locus esset?* Sed ad ista toties, & insolentius ab aliis, objecta, imo violenter obtrusa, dudum responsum est, non placuisse istam formam illi qui dixit: *regnum meum non est de hoc mundo*, &: *Reges gentium dominantur eorum, vos autem non sic*. Nemo dubitat, si ad Imperiorum ideas ordinari debeat Ecclesiæ, plus illi
- §. 13. & seqq.
- §. 23.

illipotes tatis ad externa concordie in professione dogmatum, ut & incultu & disciplinæ specie futurum esse. Neque enim parum valent coronæ, purpura, insulæ; plus etiam fasces & secures, & militum copiz. Sed contenta fuit vera Christi Ecclesia verbo & calamo, accedente Spiritus Sancti cooperatione. Dein si alterum ex duobus incommodis evitari non potest, tolerabilior est dissensionum licentia, & scandalorum quæ vitari non possunt intemperies, quam dominatio cruenta, quæ cum cæco obsequio, in maxima populi parte summam mysteriorum divinarum ignorantiam, & coactam parit hypocrisin. De Libro VI, qui historiam ab anno 1537 ad 1546 pro objecto habet, pauca dicemus. Totus enim fere in historia Bigamia Hassiaca consumitur, cujus memoriam sepultam relinquere satius erat. Refodit eam Varillasius in nupera de hæresibus historia; supplet eam hic Episcopus ex libro sub nomine *Daphnai Arcuarii* A. 1679 edito, cujus verum auctorem nominat *Laurentium Bager*. Errat tamen, cum ultimum qui mortuus est Electorem Palatinum vocat *Carolus Ludovicus*. Successit enim ei, ut notum est, & aliquibus annis supervixit filius *Carolus*. Erunt forte, qui istis omnibus respondebunt. Ad religionis interim caput non pertinet, si quid humani passi sunt, in actionibus aut consiliis circa mores, Principes aut Theologi; nec exemplum Hassiacum sequelas apud nostrates habuit, in dogmate aut facti imitatione. Documento interim Magnatibus esse potest evulgatio tam sæva actorum, quantacunque diligentia quondam celatorum, posse etiam post unum alterumque seculum errata sua in publicum produci, quæ adulatione vel metu occultantur, aliquando etiam virtutum pallio induta procedunt. Librum VII. intactum pene relinquere poteramus; nil aliud enim, quam animadversionem in historiam D. Burneti de reformatione Anglicana exhibet, qualem nuper ex libris *Joachimi de Grand* mense hujus anni Januario, pag. 27. seqq. retulimus. Omni nola est clausula, qua liber hic finitur, hoc præsertim tempore, quo notus orbis motum Angliæ attonitus intuetur. Scribit enim Episcopus: *Deus potentissime operatur ad salutem Angliæ; dedit ei Regem incomparabilis fortitudinis & pietatis. Venit tandem tempus ultionis; evanescet illusio, & Deus Sanctorum gemitus exaudiet.* Horum verborum, quæ nuper quidem, alio tamen Angliæ statu scripta sunt,

sunt, interpretatio & eventus a Divina expectandus est providentia. *Libro VIII.* referuntur quædam ex actis annorum 1546 & sequentium ad 1561. Puta, de *Hermanni* Archiepiscopi Colonienfis transitu ad Protestantés, de bello *Smalcaldico*, de edicto *Carolino*, quod *Interimisticum* vocatur, de conventu Principum Protestantium *Numburgico*, & iterum de variata *Augustana Confessione*; deinde de *Osiandro*, *Staphylo*, *Illyrico* & rixis cum Melancthone, de Colloquio *Wormatiensi* aliisque; item de confessione Saxonica & *Wirttembergensi*.

- VIII. Fallitur tamen Auditor, cum hanc omiſſa litera canina, *Witembergensem* vocat, & a metropoli Dueatus denominari putat, ejusdem cum *Wittenberga* ad Albim appellationis; nulla est enim nec urbs nec oppidum, quod *Wittenberga*, multo minus *Wittenberga* nomen, in celeberrimo illo Suevia Ducatu habeat, sed arx vetusta haud procul *Stutgardia*, Principum sede, alto monti imposita, quæ *Wittenbergæ* nomen retinuit, & regioni dedit. De dogmatibus multa hoc libro disputat Episcopus, in primis de libero arbitrio & de conversione hominis, ita quidem, ut explicatione mutua fieri posse putet, ut ne umbra quidem difficultatis inter Romanam & Protestantium doctrinam super futura sit. Hoc si ex Auditoris sententia in dogmatibus capitalibus, quorum decisionem utraque pars ex sacris literis haurire vult, locum habet; quid sperandum sit de illis, quæ mera traditione & temporum præscriptione, (quam in veritatis præjudicium Protestantes non admittunt,) nituntur, alii judicabunt. Confirmat hæc *Dn. Bossueti* facilitas studium pacis, quod in exordio Libri, ut diximus, professus est. Ex paragrapho ultimo hujus libri conjicimus, ignotum fuisse Auditori, quod libro *Rudolfi Hospiniani* Theologi Tigurini, cui *concordiæ discordiæ* titulum fecit, jam dudum responsum sit a primario, dum viveret, *Wittenbergensis* Academiae Theologo *D. Leonbardo Huttero*, Volumine integro, quod *concordia concors* inscribitur, & *Wittenbergæ* anno clæ Jæc XIV primum prodiit. Ibidem *D. Johannem Ernestum Gerbardum* filium, Patris loco videtur allegare, *Johannis* nempe *Gerhardi*, cujus venerabilis est eritque in Ecclesiis nostris memoria, ob insignia & plurima, quibus eam locupletavit, scripta; a filio, non degenerare sane, in compendium redacta, aut de novo edita. Hæc ex primo hujus operis Tomo sufficiant; de altero proxime & brevius agemus.

VERI-

VERITAS EVANGELICA TRIUMPHANS DE

erroribus quorumvis seculorum. Opus historico-theologicum in duos tomos distributum, quo principia Fidei Reformatæ demonstrantur &c. opera & studio Melchioris

Leydeckeri SS. Theol. D. & Prof.

Trajecti ad Rhenum typis Rudolphi a Zyll, 1688, in 4.

Quinque anni effluxerunt, quod clarissimi Autoris, *Melch. Leydeckeri*, sex libros de *Oeconomia Trium Personarum in negotio salutis humana*, in Actis nostris, anno nempe 1683 p. 47. seq. recensuimus, animadvertentes simul, *Virum hunc non incelebrem* hypothesin Calvinianorum de absoluto prædestinationis decreto, & qui inde fluunt errores, vel substravisse vel passim admiscuisse suæ doctrinæ partibus. Quod notatum fuisse a nobis, etsi illi minus nunc probari videtur; memores tamen, ceu optat, veri quem vocat, Protestantissimi contra Ecclesiam Romanam, non tantum ad animum nobis retocamus, nos esse, quod audimus, veros Evangelicos constantes, a Pelagianorum & Semi-Pelagianorum hæresi alienissimos; sed profitemur etiam nunc universalem ac sufficientem (sed cui resisti possit) Dei gratiam, & electionem ex fide prævisa, in S. literis luculentissime assertam, negata omni virium liberi arbitrii in conversionis negotio virtute cooperativa; firmiter credentes, Deum non aliter salutis humanæ decretum ab æterno formasse, quam illud in tempore exsequi promisit, hoc est, *sub conditione fidei*. His occasione præfationis ab Autore Tomo II præmissæ, monitis, argumentum, ordinem & scopum *operis nominati* indicare instituti nostri ratio poscit. In quo notata prius Ecclesiæ Romanæ tradendi doctrinam Christianam, horrenda & Evangelio Christi inimica methodo, Autor tum veteres Antitrinitarios & Pelagianos, tum recentiores Socinistas, Arianos rejicit; quippe quorum docendi ratio Naturalismum stabilit; contra vero *solam religionem Reformatam vere Evangelicam esse*, adstruere laborat. Totius ergo operis in duos divisi tomos hæc œconomia est. Primus *Præparationem Evangelicam*; alter *doctrinam Evangelicam de œconomia SS. Trinitatis in negotio salutis*, juxta mentem Autoris continet. In *Præparatione*; de

vero Christianismi principio, & methodo Ecclesiæ Reformatæ; deinde de principiis Pseudo-Christianorum falsis, eorumque processu in Religione agit, tria falsa horum principia discutiens: Primum eorum *Enthusiasmum*, alterum *Naturalismum*, tertium *dominatum in conscientias* nominat. Ex primo Fanaticos sua deliria derivare; ex secundo Antitrinitarios & Pelagianos seu veteres seu recentes scita sua deducere; ex tertio Pontificios suos stabilire errores, affirmat. Hinc *lib. I* de Theologia, Scriptura sacra, de methodo & demonstratione religionis Reformatæ, Enthusiasmo, Naturalismo & abusu rationis & philosophiæ in Theologia, de hæresi Ariana, Pelagianismo, Semi-Pelagianismo, Socinismo, Arminianismo, Papiismo seu principiis Ecclesiæ dominantis, de principio fidei ex doctrina veterum agit. *Libr. II.* de Theologia naturali illustrata per revelationem pertractare instituit. Existimat enim, jactis recte in Theologia dicta fundamentis, per τὸ γνωστὸν τῷ Θεῷ bene agnitus, plurimas *ψευδολογίας* facile refelli posse. Quapropter de existentia Dei ex notitia Dei insita & acquisita agit: quæ contra veteris & recentioris atheismi insaniam vindicat, atheorum sceleratam impietatem impugnando. Hac occasione de idea seu conceptu Dei in mente humana, notionibus vel perfectionibus Dei primoprimis, attributis & providentia tractat. Cui tractationi subjungit aliquot Exercitationes, *unam* de verbis Moïsis Deuteron. VI, 4. *Audi Israel Jehova Deus, Jehova unus est*, quæ fidem Israelis velut symbolo contineri probat: *alteram* de Ecclesiæ Christianæ per Judæismum & Gentilismum oppugnatione & corruptione, unde multarum hæresium originem deducit, quæ Ecclesiam turbaverunt.

In *II. tomo* aggreditur doctrinam de æconomia Trium Personarum in salutis negotio, quam diluendis controversiis majorem usum præbere putat, quam qui omnem Theologiam ad *æconomiam Fœderum Dei* reducunt; cum hæc illam præsupponat, quippe quæ in ista manifestetur *πολυμερῶς καὶ πολυτρόπως*; imo addit, nunquam recte æconomiam Fœderis intelligi posse, quin prius æconomia SS. Trinitatis sit cognita, nisi falli aliquando velimus. Quare non dissimulat, in Belgio aliquos in doctrina hac & de statu Patrum hallucinatos esse, quod non hac methodo, quam ipse prærit, *θεολογεῖν* sustinuerint. Sic enim vidissent, Filium expromissorem fuisse, non fide-

fideiussorem, & trinam Trium Personarum gratiam semper viguisse ad Patrum utri sanctificationem & salutem, sic etiam plenariam justificationem. At cum ab œconomia fœderis illi tractare Theologiam cœpissent, disputatum fuisse de *πατέρες* Patrumque reatu, nimium oculis defixis in fœderis legalem dispensationem, usque adeo, ut hinc œconomia Trium Personarum sit impetita, Patri in V. T. negata plenaria justificatio, Filio mediatorii muneris executio & expromissoria sponsio: & Spiritus Sancti *ὑποστάς* testimonium cum conscientiarum tranquillatione. Atque inde fusus hanc suam laudatam œconomiam in hoc *secundo tomo* explicare niritur, veritatem scilicet Reformatæ religionis demonstraturus. Itaque totius Evangelii summam esse doctrinam de SS. Trinitate, & ejusdem trina operatione, qua peccator ad vitam æternam perducitur, contendit. Hinc *libro I* ostendit, quanti in Christianismo sit momenti articulus de SS. Trinitate: *lib. II* œconomiam Dei Patris creatoris ac judicis exponit, agens de creatione hominis ad imaginem Dei, fœdere operum, lapsu primorum parentum, peccato originali, servoque arbitrio: *lib. III* œconomiam Dei Patris ut Salvatoris tradit, & quicquid ad fœdus gratiæ & Testamentum Dei, vocationem efficacem, justificationem, reconciliationem atque adoptionem spectat, juxta hypothesin suam explicat: *lib. IV* Filii Dei œconomiam pertractat, eumque esse verum Messiam, contra Judæos probat: *lib. V* de Spiritus Sancti œconomia agit, explicatis tam donis salutiferis, quam communibus & extraordinariis, ut vocat: *lib. VI* de œconomiz objecto & effectu, h. e. Ecclesia tractat, impugnato Romanensium cœtu, qui Ecclesiæ catholicæ titulo superbiat: *lib. VII* claudit omnia cum seculorum omnium fine & consummatione, ubi de statu animæ post mortem, de signis temporis ultimi, de adventu Christi ad judicium, de resurrectione mortuorum & vitæ æternæ.

Ceterum cum in præfatione tomi II methodum suam docendi commendasset, §. 24. conqueritur, in Anglia Pelagianismum palam doceri, deficientibus Episcopalibus tam a suis majoribus, quam Calvino: Anglos admirari H. Grotii, S. Episcopii, Steph. Curcellæ scripta: Quæstiones de natura & gratia ad summum Scholasticas censerî: accedere Latitudinariorum dogmata, quibus Christianismus vertatur in Naturalismum. §. 27. seqq. Pajonistarum

(qui a Claudio Pajonio nomen indepti sunt) errores Pelagianos, ex Amyraldi Universalismo enatos esse notat. Tandem §. 34. Coccejanos notat, eorumque placita aliquot perstringit; id quod obiter simul referre placuit.

THEOLOGIA SYMBOLICA LUTHERANA;
hoc est, Ecclesia Lutheranæ-Catholica Libri Symbolici. in ordinem & compendium redacti a Bernhardo von Sanden/ SS. Theologia D. & Prof. P. ordinario in Academia Borussiae Regiomontana &c.

Frankofurti & Lipsiæ, impensis J. A. Pleneri, Bibliopolæ Stetin.
 1688, in 4.

AD doctrinæ sinceritatem, & harmoniam in militante Ecclesia Christi retinendam, non parum adjumenti afferre Libros, quibus propriæ ejusdem tesserae ac symbola genuina continentur, certum est. Cum enim rivi sint, ex Scripturarum fonte intra ripas Ecclesiæ manantes, a quibus tutus semper regressus ad ipsam datur scaturiginem, non potest dubitari, quin proximum a Scripturarum autoritate locum illi ipsi mereantur. Paucis vero, præstantibus præsertim in republica gubernanda viris, cum tantum otii concessum sit, ut emergente dubio de sanitate alicujus dogmatis, aut phrasæ etiam, consulere queant singulos, nedum totos percurrere; liberum præterea sit cuilibet, nec fruge cassum, nocturna eos diurnaue versare manu; dispendium operæ minus se facturum Clarissimus Autor judicavit, si doctrinam in iis per latiores quasi campos hætenus diffusam, in compendium aliquod redigeret, ex quo cognoscere unusquisque via brevi posset, quænam circa hoc, vel illud doctrinæ caput eorundem sit sententia. Definuit itaque initio Ecclesiæ Lutheranæ Libros Symbolicos, quod forma sint ac regula quadam sana ad Lect. doctrinæ, & sanorum loquendi modorum, constituta potissimum in gratiam doctorem, ut exinde controversias Theologicas dijudicare, & Ecclesias orthodoxas ab heterodoxis discernere queant. Vel, ut alibi idem loquitur, constituta eo fine, ut Ecclesias orthodoxas ab heterodoxis discernant, & in una atque unanimi professione contineant illos, qui ad eandem

eandem Ecclesiam Lutheranam pertinent. Ne quis vero canonicam Scripturæ autoritatem, quod sola sit & unica regula atque norma controversiarum omnium, labefactari ullo modo aut convelli assignato genere existimet, normam *πρώτης καὶ κυρίας* ita dictam, a norma *δευτέρας καὶ ἐπομένως* tali discernit: normam iudicis, a testimoniis; normantem a normata, mensurantem a mensurata. Quod quidem rationis lumine non reluctante factum arbitreris, utpote quod conclusioni rite semel demonstratæ, alias demonstrandi vim non adimit, ut subalternis in scientiis maxime est perspicuum: quodque, vel ipso indicante Stagirita, ad demonstrationem non veratantum & prima, seu, quod idem est, veritates primas exigit; verum ea etiam quæ a quibusdam veris & primis sui cognitionis principium sumserunt (αὐτὰ διὰ τῶν πρώτων καὶ ἀληθῶν τῆς καθ' αὐτὰ γνώσεως τὴν ἀρχὴν ἔληφε) non immerito admittit, conceditque propterea ἐκ τῶν ἀποδείκνυμένων aliquid interdum demonstrare. Unde & alibi pro demonstrativa propositione habendam eam docet, quæ vera est, & per initio positas hypotheses veras fuit sumpta: neque aliud volunt Logicorum optimi, demonstrandi principia duorum facientes generum, nonnulla nominantes *absolute prima*, nonnulla *ab his primis orta*. In quibus tamen ad rem præsentem applicandis, probe semper illud Philosophi, *Unumquodque primum in suo genere est mensura reliquorum*, attendendum esse intelligitur.

Præf. cit.

I. Top. I.

4.

I. Poster.

X, 4.

I. Prior.

I, 6.

I. Poster.

II, 13.

In digerendis doctrinarum capitibus, quas Libri Symbolici comprehendunt, tria potissimum, fidem, sacramenta, & mores: seu credenda, mysteria, & agenda Autor respicit, horumque intuitu Theologiam aliam theoreticam appellat, aliam mystagogicam, & aliam moralem: accarum partium diversitate motus, hujus Theologiæ suæ Capita & Locos tribus omnino Sectionibus distinxit. Quarum *Prima* de articulis ad Theologiam & œconomiam pertinentibus, nimirum de norma credendorum & in universum religionis Christianæ, de Deo & Divinis attributis, de Mysterio SS. Trinitatis, de Christo, de Prædestinatione, de Conversione hominis ad Deum, de Justificatione hominis peccatoris coram Deo, de Ecclesia, de Novissimis: *Media*, de Sacramentis in genere, de Sacro Baptismo, & de Sacra Cœna Domini: *Postrema* vero, de peccato, de lege Dei, in genere ac illius & Evangelii discrimine, de Decalogo in specie

pag. 47.

70. seqq.

specie, ejusq; præceptis ordine singulis & clausula, de votis monasticis velut secundi præcepti appendice, de conjugio sacerdotum, de ministerio ecclesiastico, de potestate ecclesiastica, de bonis operibus, de adiaphoris, ritibus humanis, & traditionibus, de pœnitentia, de confessione, absolutione, & satisfactionibus: de oratione in genere, & in specie de invocatione & cultu sanctorum, tandemque de oratione dominica in specie, succinctas theses oculis legentium exhibet, quin & *intus* singulis capitibus in disputandi usum subnexa: atque ita exhibet, ut conferre & inquirere volenti sedes simul, locusque libri proprius, unde hausta fuit thesis quælibet, in margine allegatus commonstretur.

- pag. 228. *Dissertatione Theologica*, quam huic compendio subjunctam videtur, *Formulam sanorum verborum, Theologo Doctori in Ecclesia Lutherana servandam, exhiberi in Scriptura Sacra, Ecclesia catholica consensu, & Librorum Symbolicorum suffragio.* In bene enim constituta Republica Civili, ut præter jus naturæ & gentium, omnibus hominibus commune, etiam alia statuta contineantur, huic vel illi reipublicæ in specie competentia, quibus servandis obstricti sint, quotquot civium numero accensentur, quæque ab his jura Civilia nominentur: imo sicut præter jus illud Civile, quod universæ Civitati, vel Reipublicæ multis regionibus & provinciis constanti est commune, dentur etiam jura peculiaria, Provincialia vel Civitatensia appellanda: ita rem agi & in Republica Ecclesiastica persuasus est. Dari in ea Scripturam sacram, & Ecclesiæ Catholicæ doctrinam, ad universum Christianorum cœtum per totum terrarum orbem dispersum pertinentes; dari etiam dogmata & statuta sacra ad Ecclesiam hanc vel illam particularem pertinentia. Eoque primam debere Theologo curam esse de forma sanorum verborum haurienda ex Pandectis divinarum literarum; inde vero & de consensu Ecclesiæ sollicitum eum esse oportere. Neque enim contrariam esse Ecclesiam Catholicam Scripturæ, sed eandem asserere pro virili, velut testem, custodem, vindicem, præconem, atque interpretem: multo minus nova & Scripturis incognita cudere dogmata, aut alumnis suis obtrudere; sed doctrinam a Christo, & Spiritu Sancto Apostolis, ab Apostolis autem sibi traditam, velut pretiosum cœli depositum

tam fideliter asservare; interpretari tamen eam doctrinam verbis aliis atque aliis, pro contradicentium, aliarumve circumstantiarum ratione, atque verum illius sensum contra corruptelas omnium generum vindicare.

Brevi tandem Diatriba, quam Tuba Pacis Matthæi Prætorii opposuit, id agit Autor, ut ostendat, probatam nullatenus a se fuisse Invocationem Angelorum, licet in *Thesibus Succinellis* ad Institutiones Catecheticas D. Conradi Dieterici a se propositis, verba & sententiam D. Hildebrandi de præfca orandi formula, *Angeles custos ora pro me*, instantiæ afferendæ causâ, ad marginem forte collocarit & expresserit. pag. 241.

Cæterum, quamvis Autor libros symbolicos in gratiam Doctorum potissimum constitutos fateatur, idem tamen & simpliciorum studio inserviendum ratus, hanc Theologiam suam Symbolicam in lingua etiam vernacula legi & extare voluit. Quod igitur hæcenus in forma thesium proposuerat, idem nunc, mutato idiomate, adhibita quæstionum & responsionum vicissitudine, legentis animo instillat, manente prorsus sectionum, atque capitum, quin & thesium ipsarum serie & numero. Quemadmodum enim in Saxoniciis hisce provinciis, ad promovendum salutare rudiores catechizandi exercitium, summa autoritate non ita pridem introductum, B. Lutheri Catechismus, quæstionibus perspicuis & responsionibus egregie illustratus atque confirmatus prodit: similem in modum forte & Prutenicis Ecclesiis hoc labore suo consultum videtur Autor voluisse; verum eo cum discrimine, quod, cum salutiferæ doctrinæ fundamenta non nisi ex Scriptura depromat noster, is præterea in consilium adhibuerit Libros Symbolicos, quibus & *Repetitionem Corporis Doctrina Prutenica* annumerat. Promisit tamen publico in Præfatione ad Lectorem, *Theologiam Positivam* quoque, ut & *Theses* has ab uno latere *Scriptura Sacra*, ab altero *Ecclesiæ antiquæ testimonio* a se munendas.

Quæstionibus vernaculis annectitur *Christianum* aliquod *Colloquium*, ab Ecclesiæ Ministro cum peccatorum confessionem edituro, primæque vice ad Sacram Domini Cœnam accessuro instituturum, una cum aliquot *Publicarum Precum* formulis. In fine subiunguntur utrobique rerum & verborum indices. Et quamvis per-

fectum indicem hactenus Libris Symbolicis queratur defuisse, defectumque istum hic adimpletum affirmet Autor; laude tamen sua privandum non putamus Indicem locupletissimum, quo B. D. J. B. Carpzovii Isagoge in Libros Ecclesiæ Lutheranarum Symbolicos, jamdudum est instructa.

TENTAMEN DE MOTUUM COELESTIUM causis, autore G. G. L.

Constat veteres, præsertim qui Aristotelis & Ptolemæi placita secuti sunt, nondum agnovisse naturæ majestatem, quæ nostrum demum & præcedenti ævo præsentius illuxit; ex quo Copernicus pulcherrimam Pythagoreorum Hypothesin, quam ipsi fortasse magis suspitione libasse, quam recte constituisse videntur, e tenebris revocatam, summa simplicitate phenomenis satisfacere ostendit. Tycho autem Copernicum in summa systematis (excepta Solis terræque transpositione,) secutus, ad observationes solito accuratioris animum adjecit, & orbium solidorum apparatus minime decorum ex cælo sustulit. Etsi autem ex Herculeis laboribus suis non satis fructus perceperit, partim præjudiciis quibusdam exclusus, partim morte præventus, divina tamen providentia factum est, ut observationes ejus & molimina venerint in manus Viri incomparabilis *Johannis Kepleri*, cui fata servaverant, ut primus publicaret mortalibus jura poli, rerumque fidem, legesque Deorum.

Hic ergo invenit, quemlibet planetam primarium orbitam describere ellipticam, in cujus altero focorum sit Sol, ea lege motus, ut radii e Sole ad planetam ductis aræ semper abscondantur temporibus proportionales. Idem deprehendit, plures planetas ejusdem systematis habere tempora periodica in sesquuplicata ratione distantiarum mediarum a Sole, mire profecto triumphaturus, si scivisset, (quod præclare Cassinus notavit) etiam Jovis & Saturni satellites easdem leges servare, respectu suorum planetarum primariorum, quas isti erga Solem. Sed tantarum tamque constantium veritatum causas dare nondum potuit, tum quod Intelligentiis, aut Sympathiarum radiationibus inexplicatis haberet præpeditam mentem, tum quod

quod nondum illius tempore Geometria interior, & scientia motuum eo quo nunc, profecissent. Aperuit tamen & rationibus indagandis aditum. Nam ipsi primum indicium debetur veræ causæ gravitatis, & huius naturæ legis, a qua gravitas pendet, quod corpora rotata conantur a centro recedere per tangentem, & ideo si in aqua festucæ vel paleæ innatent, rotato vase, aqua in vorticem acta, festucis densior, atque ideo fortius quam ipsæ, excussa a medio, festucas versus centrum compellit; quemadmodum ipse diserte duobus & amplius locis, in Epitome Astronomiæ exposuit; quanquam adhuc subdubitabundus, & suas ipse opes ignorans, nec satis conscius quanta inde sequerentur, tum in Physica, tum speciatim in Astronomia. Sed his deinde egregie usus est Cartesius, etsi more suo autorem dissimularit. Miratus autem sæpe sum, quod Cartesius legum coelestium a Keplero inventarum rationes reddere ne aggressus est, quidem, quantum constat; sive quod non satis conciliare posset cum suis placitis, sive quod felicitatem inventi ignoraret, nec putaret tam audiose a natura observari.

Porro cum minime physicum videatur, imo nec admirandis Deimachinamentis dignum, *Intelligentius* peculiare itineris directrices assignare sideribus, quasi Deo deessent rationes eadem corpora legibus perficiendi; & vero *orbes solidi* dudum sint explosi, *sympatibia* autem & magnetismi, alique id genus abstrusæ qualitates, aut non intelligantur, aut ubi intelliguntur, corporearum impressionum effectus apparituræ judicentur; nihil aliud ego quidem superesse iudico, quam ut causa motuum coelestium a motibus ætheris, sive ut astronomice loquar, ab *orbibus deferentibus* quidem, sed *fluidis*, oriantur. Hæc sententia vetustissima est, etsi neglecta: nam Leucippus Epicuro prior eam adeo expressit, ut in systemate formando ipsum adhibuerit *divus* (*vorticis*) nomen, & audivimus, quomodo Keplerus motu aquæ in vorticem actæ gravitatem adumbraverit. Et ex itinerario Monconisii discimus, jam tum Torricellii fuisse sententiam (& ut suspicor, etiam Galilæi, cuius iste discipulus erat) totum ætherem cum planetis motu Solis circa suum centrum acti circumagi, ut aqua a baculo in medio vasis quiescentis circa suum axem rotato; & ut paleas seu festucas aquæ innatantes, sic alia medio propiora, celerius circumire. Sed hæc generaliora non

difficulter in mentem veniunt. Nobis vero propositum est, ipsas motuum leges distinctius explicare, quod longe altioris indaginis esse, res docebit. Et cum aliqua in eo genere nobis lux affulserit, & inquisitio commode admodum & naturaliter successisse videatur, in eam spem erectus sum, veris motuum cœlestium causis a nobis appropinquatum esse.

(1) Ut ergo rem ipsam aggrediamur, ante omnia demonstrari potest, secundum naturæ leges omnia corpora, quæ in fluido lineam curvam describunt, ab ipsius fluidi motu agi. Omnia enim curvam describentia ab eâ recedere conantur per rectam tangentem (ex natura motus) oportet ergo esse quod coerceat. Nihil autem contrarium est nisi fluidum (ex hypothesi) & nullus conatus coercetur, nisi a contiguo & moto (ex natura corporis) fluidum ergo ipsum in motu esse necesse est.




(2) Hinc sequitur, planetas moveri a suo athere, seu habere orbés fluidos deferentes vel moventes. Omnium enim consensu lineas curvas describunt, nec possibile est phænomena explicari, suppositis motibus rectilineis tantum. Itaque (per præcedentem) moventur a fluido ambiente. Idem aliter demonstrari potest, ex eo quod motus planetæ non est æquabilis, seu æqualibus temporibus æqualia spatia describens. Unde etiam necesse est, ut a motu ambientis agatur.

(3) Circulationem voco Harmonicam, si velocitates circulandi, quæ sunt in aliquo corpore, sint radiis seu distantis a centro circulationis reciproce proportionales, vel (quod idem) si ea proportionē decreſcant velocitates circulandi circa centrum, in qua creſcunt distantia a centro; vel brevissime, si creſcant velocitates circulandi proportionē viciniarum. Ita enim si radii seu distantia creſcant æquabiliter seu arithmetice, velocitates decreſcant harmonica progressionē. Itaque non tantum in arcubus circuli, sed & in curva alia quacunque describenda circulatio harmonica locum invenire potest. Ponamus mobile M ferri in curva quavis 3 M 2 M 1 M (vel 1 M 2 M 3 M) & æqualibus temporis elementis describere elementa curvæ. 3 M 2 M, 2 M 1 M, intelligi potest motus compositus ex circulari circa centrum aliquod, ut \odot (velut 3 M 2 T, 2 M 1 T,) & rectilineo velut 2 T 2 M, 1 T 1 M (sumtis \odot 2 T æqu. \odot 3 M, & \odot

1 T

TAB. II.

Fig. 1.



1 T æqu. \odot 2 M) qualis motus intelligi etiam potest, dum regula seu recta rigida indefinita \odot N movetur circa centrum \odot , & interim mobile M movetur in recta \odot N. Nihil autem refert, quis sit motus rectilineus, quo ad centrum acceditur, vel ab ipso receditur (quem voco *Motum paracentricum*) modo circulatio ipsius mobilis M, ut 3 M 2 T sit ad circulationem aliam ejusdem mobilis, 2 M 1 T, ut \odot 1 M ad \odot 2 M, hoc est si circulationes æqualibus temporum elementis factæ sint reciproce ut radii. Cum enim arcus isti elementarium circulationum sint in ratione composita temporum & velocitatum, tempora autem elementaria assumantur æqualia, erunt circulationes ut velocitates, itaque & velocitates reciproceut radii erunt, adeoque circulatio dicetur harmonica.

(4) Si mobile feratur circulatione Harmonica (quicumque sit motus Paracentricus) erunt area radiis ex centro circulationis ad mobile ductis abscisse temporibus insumtis proportionales, & vicissim. Cum enim arcus Circulares Elementares, ut 1 T 2 M, 2 T 3 M, sint incomparabiliter parvi, respectu radiorum \odot 2 M, \odot 3 M, erunt differentiarum inter arcus & sinus eorum rectos (ut inter 1 T 2 M, & 1 D 2 M) ipsismet differentibus incomparabiles, ac proinde (per analysin nostram infinitorum) habentur ea pro nullis, & arcus ac sinus pro coincidentibus. Ergo 1 D 2 M, ad 2 D 3 M ut \odot 2 M ad \odot 1 M, seu \odot 1 M in 1 D 2 M æqu. \odot 2 M in 2 D 3 M, ergo & æquantur horum dimidia triangula nempe 1 M 2 M \odot & 2 M 3 M \odot , quæ cum sint elementa areæ A \odot M A, itaque æqualibus ex hypothesi sumtis temporis elementis, etiam areæ elementa sunt æqualia & vicissim, ac proinde areæ A \odot M A sunt temporibus, quibus percursum sunt arcus A M, proportionales.

(5) Assumsi inter demonstrandum quantitates incomparabiliter parvas, verbi gratia differentiam duarum quantitatum communium ipsis quantitativis incomparabilem. Sicut enim talia, ni fallor, lucidissime exponi possunt. Itaque si quis nolit adhibere infinite parvas, potest assumere tam parvas quam sufficere judicat, ut sint incomparabiles, & errorem nullius momenti, imo dato minorem, producant. Quemadmodum terra pro puncto seu diameter terræ pro linea infinite parva habetur, respectu cœli, sic demonstrari potest, si anguli latera habeant basin ipsis incomparabiliter minorem,

angulum comprehensum fore recto incomparabiliter minorem, & differentiam laterum fore ipsis differentibus incomparabilem; item differentiam sinus totius, sinus complementi & secantis, fore differentibus incomparabilem, item differentiam sinus chordæ, arcus & tangentis. Unde cum hæ sint ipsæ infinite parvæ, erunt differentia infinites infinite parvæ, & sinus versus etiam erit infinites infinite parvus, adeoque recto incomparabilis. Et infiniti sunt gradus tam infinitorum, quam infinite parvorum. Et possunt adhiberi triangula communia inassignabilibus illis similia, quæ in tangentibus, Maximisque & Minimisque, & explicanda curvedine linearum usum habent maximum; item in omni pene translatione Geometriae ad naturam, nam si motus exponatur per lineam communem, quam dato tempore mobile absolvit, impetus seu velocitas exponetur per lineam infinite parvam, & ipsum elementum velocitatis, quale est gravitatis sollicitatio, vel conatus centrifugus, per lineam infinites infinite parvam. Atque hæc *lemmatum* loco annotanda duxi, pro *Methodo nostra quantitatum incomparabilium, & analysis infinitorum*, tanquam Doctrinae hujus novæ *Elementa*.

(6) Ex his jam consequens est, *planetas moveri circulatione Harmonica*, primarios circa Solem, satellites circa suum primarium, tanquam centrum. Radiis enim ex centro circulationis ductis areas describunt temporibus proportionales (per observationes) Ergo temporum elementis positis æqualibus est triang. $1M2M\odot$ æqu. triang. $2M3M\odot$, & proinde $\odot1M$ ad $\odot2M$ est ut $2D3M$ ad $1D2M$, quod est circulationem harmonicam esse.

(7) Consentaneum etiam est, *Ætherem seu Orbem fluidum cuiusque planeta moveri circulatione harmonica*; nam supra ostensum est, nullum corpus in fluido sponte moveri linea curva, erit ergo & in æthere circulatio, eamque rationis est credere consentientem circulationi planetæ, ita ut sit etiam circulatio ætheris cuiusque planetæ harmonica, hoc est si orbis planetæ fluidus, in innumeros orbis circulares concentricos exiguæ crassitudinis cogitatione dividatur, quilibet suam habebit propriam circulationem tanto velocioris proportionem, quanto quisque erit propior Soli. Sed hujus motus in æthere alias exactius reddetur ratio.

(8) Itaque ponemus *planetam moveri motu duplici seu composito ex*

fio ex circulatione harmonica, orbis sui fluidi deferentis, & motu paracentrico, quasi cujusdam gravitatis seu attractionis, hoc est impulsus versus Solem seu planetam primum. Facit autem circulatio ætheris, ut planeta circuletur harmonice, non velat motu proprio, sed quasi tranquilla natatione in fluido deferente, cujus motum sequitur, unde nec impetum circulandi velociorem retinet, quem habuerat in orbe inferiore seu propiore, sed cum elanguescentem, dum superiores (majori velocitati quam suæ resistentes) trajicit, continue deponit, & sese orbi quem accedit, insensibiliter accommodat. Vicissim dum a superioribus ad inferiores tendit, impetum eorum accipit. Idque eo facilius fit, quia ubi semel consensit planetæ motus, cum præsentis orbis motu, postea a proximis parum differt.

(9) Explicata circulatione harmonica, veniendum est ad *Motum paracentricum planetarium, ortum ex impressione excussoria circulationis, & attractione Solaris* inter se compositis. Liceat autem appellare attractionem, licet revera sit impulsus, utique enim Sol quadam ratione tanquam magnes concipi potest; ipsæ autem actiones magneticæ a fluidorum impulsibus haud dubie derivantur. Unde etiam vocabimus *Solicitationem Gravitatis*, concipiendo planetam tanquam grave tendens ad centrum, nempe Solem. Pendet autem species orbitæ a speciali lege attractionis. Videamus igitur quæ lex attrahendi lineam ellipticam faciat, idque ut consequamur, in Geometrix adyta parumper ingrediamur necesse est.

(10) Cum omne mobile a linea curva quam describit recedere conetur per Tangentem, licebit *conatum* hunc vocare *excussorium*, ut in motu fundæ, cui æqualis requiritur vis, quæ mobile coerecet, ne evagetur. *Hunc conatum metiri licebit perpendiculari ex puncto sequenti in tangentem puncti præcedentis inassignabiliter distantia.* Et cum linea est circularis, hanc vim ex conatibus repetitis collectam celeberrimus Hugenius, qui primus eam Geometricè tractavit, appellavit *centrifugam*. Omnis autem conatus excussorius est respectu velocitatis seu impetus ex conatu repetito aliquandiutino concepti infinite parvus, quemadmodum & sollicitatio gravitatis, quæ homogeneæ cum ipso est naturæ. Unde & eadem causa utriusque confirmatur. Nec proinde mirum est, quod voluit Galilæus, percussionem esse infinitâ comparatione gravitatis audæ, seu ut ego loquor, simplicius

plicis conatus, cujus vim ego mortuam vocare soleo, quæ agendo demum concipiens impetum repetitis impressionibus viva redditur.

(11) *Conatus centrifugus*, seu conatus excussorius circulationis exprimi potest per $P N$ sinum versus anguli circulationis $1 M \odot N$ (vel quod ob differentiam radiorum inassignabilem eodem redit, per $1 D 1 T$) nam sinus versus æquatur perpendiculari ex uno extremo arcus circuli puncto, intangentem alterius ductæ, qua conatum excussorium expressimus in præcedenti. (potest etiam exprimi conatus centrifugus per $P V$, differentiam radii & secantis ejusdem anguli, cujus differentię discrimen a sinu verso est *infinitesies, infinities, infinite parvum*, adeoque nullissimum, respectu radii) Hinc porro cum sinus versus sit in duplicata ratione chordæ, seu arcus inassignabilis sive velocitatis, sequitur *conatus centrifugos mobilium æqualibet motu æquales circulos describentium esse in duplicata ratione velocitatum, inæquales describentium esse in ratione composita ex quadrata velocitatum & reciproca radiorum.*

(12) *Conatus centrifugi mobilis harmonice circulantis sunt in ratione radiorum reciproca triplicata.* Sunt enim (per præcedentem) in reciproca radiorum, & directæ duplicata velocitatum, id est (quia velocitates circulationis harmonicæ sunt reciproce ut radii) duplicata reciproca radiorum; ex simplice autem reciproca, & duplicata reciproca fit reciproca triplicata. Pro calculo sit θa planum constans æquale semper duplo triangulo elementari $2 M_3 M \odot$ seu rectangulo $2 D_3 M$ in $\odot 2 M$ radium seu r , ergo $2 D_3 M$ erit $\theta a : r$ seu θa divis. per r , jam $2 D_2 T$ conatus centrifugus æqu. $2 D_3 M$ quadr. divis. per bis $\odot 3 M$. ergo æqu. $\theta \theta a a : 2 r^3$.

(13) *Si motus paracentricus* (recessus a centro \sim vel ad ipsum accessus) sit æqualis, & circulatio harmonica, *linea motus* $\sim M G$ erit spiralis ex centro \sim incipiens, cujus ea est proprietas, ut segmenta $\sim G M \sim$ sint proportionalia radiis, id est hoc loco chordæ $\sim G$ ex centro ductis, sunt enim tam arcus, hoc est, segmenta, quam (ob æquabilem recessum) radii temporibus proportionales. Multæ sunt aliæ notabiles hujus spiralis proprietates, nec difficilis constructio. Imo generalis datur methodus in circulatione Harmonica, si ex radiis dentur tempora, aut velocitates paracentrici motus, aut
saltem

saltem elementa impetuum seu sollicitationes gravitatis, construendi lineas saltem suppositis quadraturis.

(14) *Sollicitatio paracentrica seu gravitatis vel levitatis*, exprimitur recta $3ML$ ex puncto curvæ $3M$ in puncti præcedentis inaffignabiliter distantis $2M$ tangentem $2ML$ (productam in L) acta, radio præcedenti $\odot 2M$ (ex centro \odot in punctum præcedens $2M$ ducto) parallela.

(15) *In omni circulatione harmonica elementum impetus paracentrici* (hoc est incrementum aut decrementum velocitatis descendendi versus centrum, vel ascendendi a centro) est differentia vel summa sollicitationis paracentricæ (hoc est impressiois a gravitate vel levitate aut causa simili factæ) & dupli conatus centrifugi (ab ipsa circulatione harmonica orti.) Summa quidem, si levitas adlit; differentia, si gravitas: ubi prævalente gravitatis sollicitatione crescit descendendi, vel decrescit ascendendi velocitas, at prævalente duplo conatu centrifugo, contra. Ex $1M$ & $3M$ normales in $\odot 2M$ sint $1MN$ & $3M2D$; cum ergo triangula $1M2M\odot$ & $2M3M\odot$ sint æqualia ostensa ob circulationem harmonicam, erunt (ob basin communem $\odot 2M$) & altitudines $1MN$, & $3M2D$ æquales. Jam summa $2MG$ æquali $L3M$, jungatur $3MG$ parallela ipsi $2ML$; igitur congrua erunt triangula $1MN2M$, & $3M2DG$, & erit $1M2M$ æqu. $G3M$, & $N2M$ æqu. $G2D$. Porro in recta $\odot 2M$ (si opus producta, quod semper subintelligo) sumatur $\odot P$ æqu. $\odot 1M$, & $\odot 2T$ æqu. $\odot 3M$, erit $P2M$ differentia inter radios $\odot 1M$, & $\odot 2M$; & $2T2M$, differentia inter radios $\odot 2M$ & $\odot 3M$. Jam $P2M$ æqu. ($N2M$ seu) $G2D \mp NP$, & $2T2M$ æqu. $2MG \mp G2D - 2D2T$, ergo $P2M - 2T2M$ (differentia differentiarum) erit $NP \mp 2D2T - 2MG$, hoc est (quia NP & $2D2T$ sinus versi duorum angulorum & radiorum incomparabiliter differentium coincidunt) bis $2D2T - 2MG$. Jam differentia radiorum exprimit velocitatem paracentricam, differentia differentiarum exprimit elementum velocitatis paracentricæ. Est autem $2D2T$ vel NP conatus centrifugus circulationis, quippe sinus versus (per 11) & $2MG$ seu $3ML$ est sollicitatio gravitatis (per præcedentem.) Itaque elementum velocitatis paracentricæ æquatur differentię inter duplum conatum centrifugum NP seu $2D2T$, & simplicem sollicitationem gravitatis $G2M$, aut (quod eodem

M

modo

modo concluditur) summæ ex duplo conatu centrifugo, & simplici sollicitatione levitatis.

(16) Datis incrementis aut decrementis velocitatis ascendendi aut descendendi, datur sollicitatio gravitatis levitatisve aut vice versa. Patet ex præcedenti, nam conatus centrifugus semper dari censetur, cum sit in ratione triplicata reciproca radiorum (per 12.)

(17) Æqualibus temporum elementis incrementa angulorum circulationis harmonicæ, sunt in ratione duplicata reciproca radiorum. Nam circulationes sunt in ratione composita angulorum & radiorum, & circulationes elementares, cum sint harmonicæ, sunt in ratione reciproca radiorum, ergo anguli elementares sunt in ratione radiorum reciproca duplicata. Tales sunt fere motus apparentes diurni ex Sole spectati (dies enim hic sufficienter exiguæ sunt partes temporis, inprimis pro planetis remotioribus,) qui erunt circiter in ratione reciproca quadratorum distantiarum, ita ut in distantia dupla tantum quarta pars anguli eodem temporis elemento absolvatur, in tripla tantum nona.

(18) Si ellipsis describatur circulatione mobilis harmonica circa focum tanquam circulationis centrum, erunt inter se hæc tria: *circulatio* $2 T \frac{1}{3} M$ vel $2 D \frac{1}{3} M$ (hæc enim comparabiliter non differunt) *velocitas paracentrica* $2 D \frac{1}{3} M$, & *velocitas ipsius mobilis* (ex ipsis composita) in ipsa orbita elliptica nempe $2 M \frac{1}{3} M$, respective ut hæc alia tria: axis transversus BE; media proportionalis inter differentiam & summam distantiarum focorum inter se $F \odot$, & differentiarum $\odot \Phi$ distantiarum puncti orbitæ $\frac{1}{3} M$ a focus; ac denique dupla media proportionalis inter $\odot \frac{1}{3} M$ & $F \frac{1}{3} M$, distantias ejusdem puncti a duobus focus. Eadem hæc suo modo & in hyperbola vera sunt. In parabola quantitatibus quæ ibi infinitæ sunt evanescentibus, sient circulatio, velocitas paracentrica, & velocitas ex ipsis composita, quæ est in ipsa orbita respective, ut latus rectum; media proportionalis inter latus rectum & excessum radii super radium omnium minimum, (qui est quarta pars lateris recti) & denique dupla media proportionalis inter radium & latus rectum. Horum veritas ex communibus conicorum elementis derivari potest, si ponatur rectam $\frac{1}{3} M$ curvæ (vel ejus tangenti) perpendicularem in $\frac{1}{3} M$, Axi A — occurrere in R, & in eam ex focus normales agi $FQ, \odot H$; patet $\frac{1}{3} MH, H\odot, \odot \frac{1}{3} M$,

⊙ M, esse ipsis 2 M 2 D, 2 D 3 M, 3 M 2 M, hoc est velocitati paracentricæ, circulationi, & velocitati in ipsa orbita, proportionales. Sufficit igitur ostendi latera trianguli 3 M H ⊙ esse inter se, ut enuntiavimus. Quod facilius fiet, considerando triangula 3 M Q F, & 3 M H ⊙ esse similia, & præterea esse F 3 M ad ⊙ 3 M, ut FR ad ⊙ R, unde per analysin communem propositum concludetur. Sequitur hinc, permutatis licet focus, ut alter pro altero centrum circulationis harmonicæ attractionisque fiat, eandem quæ ante, manere rationem circulationis & velocitatis paracentricæ, in quovis puncto.

(19) Si mobile quod gravitatem habet, vel ad centrum aliquod trahitur, qualem planetam respectu Solis ponimus, feratur in ellipsi (aut alia sectione con) circulatione harmonica, sitque in foco ellipseos centrum tam attractionis, quam circulationis, erunt attractiones seu gravitatis sollicitationes, ut quadrata circulationum directæ, seu ut quadrata radiorum sive distantiarum a foco reciproce. Hoc ita invenimus, non ineleganti specimine nostri calculi differentialis, vel analyticos infinitorum. A — sit q; BF, e; BE, b (hoc est $\sqrt{qq - ee}$) ⊙ 2 M radius r; ⊙ φ (seu ⊙ 2 M — F 2 M) 2 r — q, seu per compendium p; & latus rectum WX sit a, æqu. bb: q. Duplum elementum arcæ seu duplum triangulum 1 M 2 M ⊙ quod semper æquale est, sit θa, posito a latere recto, & θ representante elementum temporis semper æquale; & 2 D 3 M circulatio erit θa: r (vid. jam supra 12) porro differentia radiorum 2 D 2 M vocetur dr, & differentia differentiarum ddr. Per præcedentem autem est dr (seu 2 D 2 M) ad θa: r (seu ad 2 D 3 M) ut $\sqrt{ee - pp}$ ad b. Ergo b dr = θa $\sqrt{ee - pp}$, quæ est æquatio differentialis. Hujus autem æquatio differentio-differentialis (secundum Leges calculi a nobis alias in Actis istis explicati) est b dr dr + br ddr = — 2 p a θ dr: $\sqrt{ee - pp}$, quarum duarum æquationum ope tollendo dr, ut restet tantum ddr, fiet ddr = bba a θ θ — 2 a a q r θ θ: bbr³, unde habetur propositum. Nam ddr, velocitatis paracentricæ elementum, est differentia inter bbaa θ θ: bbr³ hoc est a a θ θ: r³ qui est duplus conatus centrifugus (per 12 supra) & inter 2 a a q r θ θ: bbr³, hoc est (quia bb: q = a) 2 a θ θ: rr: oportet ergo (per 15) ut 2 a θ θ: rr sit sollicitatio gravitatis; quæ ducta

M 2

in con-

in constantem $a:2$ dat $a a \theta \theta : r r$, quadratum circulationis. Sunt ergo sollicitationes gravitatis ut quadrata circulationis directe, & proinde ut quadrata radiorum reciproce. Eadem conclusio & in hyperbola & parabola succedit, maxime autem in circulo, qui est simplicissima ellipsis. Ratio autem discriminis inter has conicas sectiones, & quando circuli & ellipses præ aliis generentur, infra apparebit.

(20) *Planeta idem attrahitur a Sole diversimode, & quidem in duplicata ratione vicinarum*; ita ut idem duplo vicinior, quadruplo fortius, triplo vicinior noncuplo fortius ad descendendum versus Solem nova quadam impressione perpetuo sollicitetur. Patet ex præcedenti, posito Planetam ellipsin describere, ac circulari harmonice, ac præterea continuo impelli versus Solem. Video hanc propositionem jam tum innotuisse etiam viro celeberrimo Isaaco Newtono, ut ex relatione Actorum apparet, licet inde non possum judicare, quomodo ad eam pervenerit.

(21) Patet etiam sollicitationem gravitatis in Planetam esse ad conatum Planetæ centrifugum (seu excussorium ab ipsa circulatione harmonica cum rapiente in orbem atque adeo excutere conante profectum) ut distantia præsens a Sole ad quartam partem lateris recti ellipsos planetaria, seu ut $rad a : 4$, ac proinde rationes ipsa gravitatis ad conatum centrifugum sunt planetæ distantii a Sole proportionales.

(22) *Velocitas planeta circa Solem ubique major est velocitate paracentrica, hoc est accedendi ad Solem, vel ab eo recedendi.* Cum enim sit circulatio ad paracentricam ut b ad $\sqrt{ee - pp}$ (per 18. adde calculum ad 19.) erit major illa quam hæc, si b $\frac{1}{2}$ pp major quam ee , quod utique fit, cum b major quam ee , seu b axis transversus, quam e distantia focorum. Id vero in ellipsis planetariis nobis notis semper contingit, quæ non usque adeo a circulis differunt.

(23) In Aphelio A & Perihelio \sim sola est circulatio sine accessu & recessu, in Perihelio maxima, in Aphelio minima. In media autem planetæ distantia a Sole (quæ est in ipsis extremis axis transversus, B & E) velocitas accessus recessusve est ad circulationem in ratione distantie inter focos, ad axem transversum, seu e ad b . Ibi enim p evanescit.

(24) *Ma-*

(24) *Maxima est planetae velocitas accedendi ad Solem, vel ab eo recedendi, cum $W \odot$ vel $X \odot$, distantia planetae a Sole, est æqualis dimidio ellipseos lateri recto, tunc enim (per 19 vel 21) fit $dd r = 0$ cum $r = a : 2$. Itaque si ex Sole tanquam centro, dimidio latere recto $\odot W$, tanquam radio, describatur circulus, is ellipsin planetae in duobus punctis maximæ paracentricæ velocitatis W & X secabit; quæ in uno ut W erit accedendi, in altero X recedendi. Minima live nulla est in Aphelio & Perihelio, live in ellipsis utroque vertice A & α .*

(25) *Semper in ellipsi, adeoque & semper in planeta conatus centrifugus recedendi a Sole, seu conatus excussorius circulationis harmonica, minor est sollicitatione gravitatis seu attractione centrali Solis. Est enim (per 21) attractio ad conatum centrifugum ut distantia a Sole seu foco, ad quartam partem lateris recti, semper autem in ellipsi distantia a foco major quarta lateris recti parte.*

(26) *Impetus quos planeta attractione Solis continuata, durante itinere concepit, sunt ut anguli circulationis, seu quos radii ex Sole ad primum & postremum itineris punctum ducti comprehendunt; live ut motus apparens seu iter spectatum ex Sole. Sic impetus impressus durante itinere $A_1 M$ est ad impetum impressum durante itinere $A_3 M$, ut angulus $A \odot 1 M$ ad angulum $A \odot 3 M$. Sunt enim angulorum incrementa ut impressiones gravitatis (per 17 & 19) ergo & summæ summis proportionales, nempe anguli circulatione absoluti, summis impressionum seu impetibus inde conceptis. Hinc in puncto W ubi normalis ordinata ex Sole ellipsi occurrit, impetus inde ab Aphelio A conceptus, est dimidia pars impetus concepti ab Aphelio ad Perihelium; est autem ibi $\odot W$ distantia a Sole, ipsum dimidium latus rectum. Et impetus itinere quovis conceptus est ad conceptum semirevolutione, ut angulus circulationis ad duos rectos. Intelligo autem impetus a gravitate vel attractione impressos per se ac solos, non detractis nec computatis impetibus contrariis ab excussorio conatu impressis.*

(27) *Sed operæ pretium est distinctius ex causis assignatis explicare totam Planetæ revolutionem, gradusque accessus & recessus erga Solem. Planeta igitur in maxima digressionem A seu Aphelio positus minorem quidem & conatum centrifugum circulationis excutientis,*

M 3

& attra-

& attractoriū gravitatis sollicitantis experitur, quam si Soli propior esset. Est tamen in ea distantia nempe in vertice remotiore a Sole fortior gravitas, quam duplus conatus centrifugus (per 21) quia ☉ A distantia Aphelii seu verticis remotioris a Sole seu foco major est dimidio latere recto ☉ W. Descendit itaq; planeta versus Solem itinere AMEW ~, & continue crescit descendendi impetus, ut in gravibus acceleratis, quamdiu manet nova gravitatis sollicitatio fortior duplo novo conatu centrifugo; tamdiu enim crescit impressio accedendi, super impressionem recedendi, adeoque absolute crescit accedendi velocitas, donec in locum perveniatur, ubi æquantur duæ illæ novæ contrariæ impressiones, id est in locum W, ubi distantia a Sole ☉ W æquatur dimidio lateri recto. Ibi ergo velocitas accedendi est maxima, & crescere desinit (per 24). Exinde autem etsi pergat planeta accedere ad Solem, usque ad ~, velocitas tamen accedendi rursus decrescit, prævalente conatu duplo centrifugo super gravitatis impressionem; id quo tamdiu continuatur, donec impressiones centrifugæ in unum collectæ, ab initio A, hucusque, impressiones gravitatis, etiam ab initio hucusque collectas, præcise consumunt, seu quando totus impetus recedendi (conceptus ex singulis impressionibus centrifugis collectis) toti impetui accedendi (ex gravitatis impressionibus continue repetitis concepto) tandem æquatur, ubi cessat omnis accessio; atq; is locus ipsum est Perihelium ~, in quo Planeta est Soli maxime vicinus. Postea autem continuato motu, cum hæcenus accesserit, nunc recedere incipit, tenditque ab ~ per X versus A. Nam duplus conatus centrifugus qui prævalere cœperat super gravitatem, inde a W usque ad ~, adhuc pergit prævalere ab ~ usque ad X; ac proinde cum ab ~ incipiat planeta quasi de novo moveri, quippe prioribus impetibus contrariis mutuo sublatis, prævalet etiam recessus inde ab ~, & recedendi velocitas continue crescit usque ad X, sed incrementum tamen ejus seu nova impressio decrescit, donec ista nova impressio ad recedendum, seu duplus conatus centrifugus, nova impressioni ad recedendum seu gravitati iterum sit æqualis, nempe in X. Itaque in X est maxima recedendi velocitas. Et ex eo prævalet gravitas seu nova impressio accedendi, licet adhuc satis diu prævaleat totus recedendi impetus, seu summa omnium impressionum recedendi inde ab ~ acqui-

acquistarum, super totum impetum accedendi, inde ab \sim denuo impressum. Sed eum tamen hic magis crescat quam ille, post X; tandem ei sit æqualis in A, ubi mutuo destruuntur, & recessus cessat, id est reditur ad Aphelium A. Atque ita omnibus impressionibus pristinis contrariarum æqualium compensatione consumptis, res redit ad statum primum; atque omnia de integro perpetuis lussibus repetuntur, donec longa dies perfectio temporis orbe, rerum constitutioni mutationem notabilem afferat.

(28) Habemus ergo in motu Planeta elliptico sex puncta inprimis notabilia: quatuor quidem obvia, A & \sim aphelii & perihelii. Itemque E & B mediæ distantia, (nam \odot B vel \odot E est dimidius axis major A \sim , adeoque medium arithmeticum inter \odot A maximam & \odot \sim minimam digressionem) & duo a nobis addita, W & X extrema lateris recti WX ad axem in foco \odot ordinatim applicati, quæ sunt puncta maximæ velocitatis, illud W recedendi, hoc X accedendi (per 24). Ubi etiam (per 26) impetus a continua gravitatis impressione conceptus ab A usque ad W præcise est dimidius ejus, qui toto descensu ab A usque ad \sim concipitur; similiter conceptus ab \sim usque ad X, dimidius ejus qui concipitur ab \sim usque ad A: & omnino impetus a gravitate concepti per AW, W \sim , \sim X, XA sunt æquales.

(29) Tempus jam est, ut tradamus causas, qua speciem ellipsos Planetaria definiunt. Datur focus ellipseos \odot , qui est locus Solis. Dato jam loco A ubi planetam Sol trahere incipit, velut maxima planetæ distantia, datur remotior ab hoc foco ellipseos vertex. Data porro ratione gravitatis seu virtutis, qua Sol planetam trahere incipit, ad conatum centrifugum, qua ibi circulatio planetam excutere & a Sole repellere nititur, hinc datur & latus rectum ellipseos principale WX, seu ordinatim applicata in foco \odot : Nam \odot A data, est ad \odot W semilatus rectum, in ratione data attractionis Solaris ad duplum conatum centrifugum. Quod si jam quarta pars lateris recti detrahatur a maxima digressionem data A \odot , erit residuum ad A \odot , ut A \odot ad A \sim : datur ergo A \sim major axis ellipseos, seu latus transversum. Datis ergo punctis \odot , A, W vel X datur & \sim , atque hinc porro & C centrum ellipseos, & alter focus F, & axis transversus BE, adeoque ellipsis. Nec minus dantur omnia, si pro A initio daretur \sim .

(30) Ex

(30) Ex his simul patet, *quomodo ellipsis vel* qui sub ea continetur *circulus, non alia conica sectio, a planetis describatur.* Et *circulus* quidem oritur, cum attractio gravitatis & dupla vis centrifuga a circulatione orta ab initio attractionis sunt æquales; ita enim æquales manebunt, nulla existente causa accessus aut recessus, sed cum initio (vel in statu destructorum priorum impetuum contrariorum accedendi recedendive, qui initio æquivaler, hoc est in Aphelio vel Perihelio) attractio & duplus conatus centrifugus sunt inæquales, modo (per 25) conatus centrifugus simplex sit minor attractione, describitur *ellipsis*; & prævalente attractione, initium est Aphelium, si prævaleat duplus conatus centrifugus, est Perihelium. Si conatus centrifugus simplex attractioni sit æqualis, *parabola*; si major, hyperbola orietur, cujus focus intra ipsam sit Sol. Quod si Planeta non gravitate sed levitate esset præditus, nec traheretur, sed repelleretur a Sole, *hyperbola opposita* oriretur, cujus nempe focus extra ipsam Sol esset.

Duo jam in hoc argumento potissimum præstanda supersunt, unum, ut explicemus quis motus ætheris planetas graves faciat, seu versus Solem pellat, & quidem in duplicata ratione vicinarum; deinde quæ sit causa comparationis motuum inter diversos planetas systematis ejusdem, ita ut tempora periodica sint in sesquuplicata ratione mediarum distantiarum; seu quod eodem redit, axium majorum ellipticorum: id est, distinctius explicari debet motus vorticis Solaris, seu ætheris, Systema unumquodque constituentis. Sed hæc cum altius repetenda sint, brevitati hujus Schediasmatis includi non possunt; & quid nobis consentaneum visum sit, rectius separatim exponetur.

DIONYSII PAPINI DESCRIPTIO TORCULARIS, *cujus in Actis Anni 1688 pag. 646 mentio facta fuit: Excerpta ex Eiusdem litteris ad — Marburgi d. 23. Dec. A. 1688 exaratis.*

Nullus dubito, quin uno jam vel altero sabhinc mense transmissam a me acceperis descriptionem Machinæ, cujus beneficio fluviorum vires in loca valde remota transportari possunt multo commo-

commodius, quam per alia artificia hactenus in eundem finem inventa: adeo ut ex illa machina pateat utilitas tuborum æquabilium, quam supra asserueram. Illa autem quo possit ulterius confirmari, mitto jam descriptionem torcularis, cujus effectus ab atmospheræ gravitate pender, quodque in praxi adeo commodum esse expertus sum, ut parum dubitem, quin tractu temporis ad vulgares usus quamplurimos revocetur, postquam ipsius præ cæteris præstantia satis innoverit. Huic machinæ inveniendæ occasionem dederunt incommoda quædam, quibus vulgaria torcularia laborare mihi videbantur: in illis enim quæ cochlearum ope succos exprimunt, frictionem maximo esse impedimento manifestissime patet, quandoquidem ad cochleas relaxandas eadem ferme opus est potentia, quæ ad ipsas constringendas requirebatur: dum autem laxantur cochleæ, nullam a materiis comprimendis patiuntur resistantiam, sed sola partium frictio negotium facessit. In vincenda igitur illa frictione totæ ferme vires impenduntur, atque exigua solummodo pars ad optatum effectum producendum relinquitur. Aliud incommodum ex eo procedit, quod materiæ cochlearum ope compressæ brevi ab illa pressione pro parte liberentur: dum enim ab illa potentia deprimentur, & succus exudat, remittitur tensio partium machinæ elasticarum, ac proinde ipsarum in comprimendo efficacia brevi decrescit, nisi continuo novam ad constringendas cochleas vim adhibeamus, quod sine magno temporis & laboris dispendio non potest præstari. Tertium vitium in vulgari methodo ex eo pender, quod comprimendæ materiæ latæ nimis basi innitantur: unde fit, ut potentia premens a pluribus basi partibus sustentata, minorem in singulas vim exercere queat. His igitur incommodis remedium ut ferrem, sequentem machinam construendam curavi, successumque ipsius felicem sum expertus.

AA Est Tubus per totam longitudinem æquabilis: cujus diameter in primo tentamine erat quinque solummodo digitorum: verum quo ampliores ejusmodi tubi parabuntur, eo majorem effectum producent.

TAB. II.
Fig. 2.

B Est pistillum dicto tubo aptatum, & foramine CD pervium: foramen autem illud bacillo aliquo acuminato, ubi visum fuerit, obturari aut aperiri potest.

N

EE Par-

EE Parva antlia, cujus longitudo est 10, diameter vero 2 ferme digitorum: antlia hæc mediante tubo FFF cum majori tubo AA communicat.

GG Pistillum cum manubrio aptatum antliæ EE.

Orificium tubi FFF in antlia EE obturari debet valva L, quæ aquam ex tubo in antliam admittat, eandem vero a regressu prohibeat: & pistillum G perforatum valvæ itidem ad H instructum est, prout in vulgaribus antliis suctoriis fieri solet ad aquam hauriendam. Patet igitur, quod antliam EE exercendo, aquam vel aerem ex majori tubo AA haurire licet, adeo ut pistillum B inferius a solita atmosphæræ pressione liberetur, sicque ab ære superiori parti incumbente deorsum propellatur pondere 300 librarum & amplius: in majoribus vero tubis vis illa increfcet in ratione duplicata diametrorum; atque ita tubi non admodum grandes ingentium ponderum vices supplebunt: frictio autem pistilli, si machina sit affabre facta, parvo erit impedimento. Hanc autem potentiam ad exprimendos succos si adhibere velimus, apparatus ligneum, qualis in schemate exhibetur, satis commodum esse experientia comprobavit.

KK Est tabula insignis crassitie horizontaliter sita, cujus duo extrema validis fulcris inniti debent.

II Affer tabulæ KK infixus ad angulos rectos, ipsique firmis, sine inhærens.

LL Tabula asseri KK commissa & coagmentata, mediante valido axe, circa quem tota tabula potest circumrotari.

M Annulus ferreus alteri extremo tabulæ LL firmiter infixus.

NN Funis altero sui extremo pistillo B annexus, altero autem uncum ferreum alligatum amplectens, qui ferreum annulum M facillime potest subingredi, atque ita pistillum B cum tabula LL conectere.

O Foramen in tabula KK, ad transmittendum funem NN.

PP Quadratus tubus ligneus, ex quatuor validis asseribus confectus, ad continendas materias, ex quibus succum elicere cupimus: asserum autem latera non adeo exacte sibi invicem congruunt, quin facilem succis exitum permittant.

QQ Est Pyramis lignea, cujus quadrata basis æqualis ferme est ori-

est orificio tubi PP, ut possit comprimere materias in dicto tubo contentas, dum a tabula LL ipsi incumbente deorsum truditur.

Facile jam est, vel ex sola inspectione, intelligere, quod si tubus PP plenus sit materiis unde succum exprimere libeat, ipsisque innitatur pyramis QQ, quæ ab incumbente tabula LL deorsum prematur; atq; alteri extremo dictæ tabulæ in M annectatur uncus N, qui mediante fune NN pistillum B sustinet: facile inquam patet, quod tota gravitas aeris, quæ pistillum B deorsum premit, vim suam in materias tubo PP contentas exerat eo validius, quo major fuerit distantia QM, præ distantia QI: supponendo enim pondus atmosphæræ in pistillum B esse mille librarum, distantiam vero QM decuplam esse distantia QI, sequitur pyramidem QQ deorsum premi pondere decies mille librarum. Patet igitur, hujus machinæ beneficio, quantamcunque pressionem in tubum PP ab unico homine posse exeri, augendo nimirum diametrum tubi AA, vel distantiam QM; aut minuendo cavitatem tubi PP, propter rationes supra allatas: patet præterea, quod supra memorata vulgarium torcularium incommoda nequaquam hic reperiuntur: frictio enim erit prorsus contemnenda, partesque machinæ usu non atterentur, vis premens eadem perseverabit, quanquam exercitor antliæ ad alia negotia se conferat, & in tubo PP etiam angusto, magna materiarum quantitas poterit simul comprimi: tubi enim angustia longitudine compensari potest. Quod si objiciatur, posito tubo PP angusto & longo, materias in dicto tubo contentas plurimum deprimi, unde fiat, ut principio operationis, dum materiæ succo turgent, pistillum B ad fundum tubi AA sæpius pertingat; tumque novæ materiæ tubo PP infra pyramidem QQ immittendæ sint, ut dicta pyramis in legitima altitudine sustineatur: sæpius igitur rediterandam esse operationem: quod sine labore & incommodo fieri nequeat. Respondeo, incommodum illud facile hic vitari: quia scilicet, dum materiæ succo plenz & molles sunt, unus homo extremitati M tabulæ LL incumbens sufficit, ad maximam succi quantitatem eliciendam; neque opus est pistilli B vim adhibere, nisi quum materiæ jam duriusculæ multo minorem quam in principio depressio- nem pati possunt: atque ita pro certissimo habeo, quod quanquam major hic materiarum depressio fiat, nihilominus tamen ad redite-

mandas operationes minus requiratur temporis & laboris dispendium, quam in torcularibus cochlearum ope operantibus. Si quis præterea objecerit, quod vulgaria pondera annulo M appensa eodem hic descriptos effectus possint producere; proindeque frustra recurri ad atmosphæræ pondus, quod requirit tubos admodum æquabiles, paratuque difficiles. Respondeo *primo*, propterea me in id collimare, ut ejusmodi tuborum facili negotio parandorum ars sedulo promoveatur. Respondeo *secundo*, in praxi vulgaria pondera multo plus facessere negotii: quotiescunq; enim novæ materiæ tubo PP immittendæ sunt, ad pyramidem QQ in legitima altitudine sustinendam, pondera omnia ab annulo M pendentia remove necesse est: ac deinde, quo pressio renovari possit, eadem illa omnia pondera dicto annulo iterum appendenda sunt: quod opus quantæ sit molis, nemo non videt. Verum, loco ponderum tubos aere vacuos si adhibeamus, prout in machina hic descripta factum est, sufficit ut aperiatur foramen C; unde fit, ut aere in cavitatem tubi AA penetrante, pistillum B una cum tabula LL facile possit sursum moveri, quantum satis ad pyramidem QQ ex tubo PP eximendam, novæque materias sive asserculos, prout res postulat, dicto tubo immittendos: tum iis rursus imponitur pyramis QQ brevique iterum deprimitur, dum aerem vel aquam ex inferiori parte tubi AA per antliam EE extrahimus, obturato prius foramine C.

Prolixitatis vitandæ gratia omitto hic cautelas varias, quæ tum in constructione, tum in usu ejusmodi machinæ adhibendæ sunt: quicumque enim venient ad praxin, omnia illa, duce experientia, facile reperient, & forsitan meliora quam quæ ipsos monere queam: ipsa igitur, brevitatibus studio, omittere consuevit existimavi, quum præsertim quæ jam dicta sunt, sufficiant ad confirmandam veritatem asserti, mense Septemb. propositi, quod nimirum tubi prægrandes & æquabiles, si levi negotio conficerentur, non contemnendos in vita humana usus obtinere possint; etiamsi pulvis pyrius ad ipsos vacuandos non adhibeatur. Neque descriptionem hanc publici juris facere vereor: quandoquidem ejusmodi machina *Societati Regiæ* Londini exhibita, a tam illustri cœtu benigne accepta & approbata fuit; atque ipse, satis longo usu, ejus utilitates expertus sum. Spero tamen, ejusmodi tuborum supra vulgaria pondera præstantiam longe majorem demonstratum iri in aliis casibus

sibus, ubi velocitas potissimum requiritur: prout fit in machina a Domino *Perrault* inventa, atque a Dn. *Blondelet*, in ultimo capitellibro, quem Gallice conscripsit de projiciendis globis ferreis, pulvere pyrio repletis. Verum de his forsitan alias.

D. JOHANNIS B D H N / ANAT. ET CHIR.

Prof. Publ. de Renunciatione Vulnerum, seu, Vulnerum lethaliū Examen, exponens horum formalitatem.

Et causas, tam in genere, quam in specie, ac per singulas corporis partes.

Lipsiæ, apud Joh. Frid. Gleditsch, A. 1689, in 8.

TRes circiter annorum decades effluxerunt, ex quo partium corporis humanum coagmentantium textura multum a sedula recentiorum industria fuit illustrata. Secundum horum nihilominus hypothesen qui utilissimam de Vulnerum lethaliū materia scripto publico dilucidavit, hactenus, quod quidem sciamus, inventus est nemo. Primus proin Autor noster celeberrimus jure censendus, qui solida Anatomiz scientia excellens id negotii sub duplici hic sectione accurate sistit expeditum, ita tamen, ut in Præfatione ad Lectorem de conatu ejusmodi insigni aliorum in morem gloriatur nequaquam, sed cum *Bernhardo Suevo* quondam, dum Tractatum de Inspectione vulnerum lethaliū & sanabiliū Marpurgi A. 1629 emitteret, eo unice collimare se expresse fateatur, ut lucubrationum præsentium imperfectionem atque difficultatem aliis iudicio, doctrina & experientia magis pollentibus, emendam ac solvendam commendet. Sectione prima de Renunciatione vulnerum in genere agens, prout post vulnerati obitum a Medico concinnanda expetitur, vulgoque vulneris Inspectio audit, doctrinam ejus haud prognosticæ Medicinæ parti accensendam esse, sed Anatomiz practicæ sive pathologicæ specimen videri asserit, utpote quod non de eventu futuro, sed de facto, qualis nā plaga, num sanabilis num in sanabilis extiterit, per autopsiam decernatur. Hæc vero provincia cum magnæ semper difficultati sit exposita, enormesq; sæpius ab inspectoribus vulnerū errores committantur, non immerito, quænam

personæ ad inspicienda & dijudicanda vulnera debeant admitti, primo omnium dispicit. Scilicet quamvis a Legisperitis modo Medici, modo Chirurghi hic nominentur, imo modo solis his, modo tonsoribus ac balneatoribus quoque, ubi in rebus videlicet Anatomico-Chirurgicis versatissimi fuerint, adhibeatur fides, in hypothesi tamen Auctorem considerans, ambiguus oppido hæret, an Saxoniâ nostrâ aut Germania ejusmodi vel Chirurgorum vel Barbitonsorum multos alat, qui corporis humani notitiam, muneri inspectionis gerendo adæquatam & sufficientem, omnino calleant; unde Medico a Chirurgo forsân dissentiente, ab illius magis, quam hujus, ceu minus periti, standum partibus esse. Vulneris vero hinc nomine omnem a violentia externa solidarum quarumvis partium læsionem indigitat, a Jureconsultis quibusdam Percussionis potius notione insignitam, lethalem tunc revera, si mortis insequentis causa extiterit, & quia non sanabilis mortem intulerit, pronunciandam. Etenim vulnus lethale neutiquam confundendum cum periculoso, quale interdû exile quoq; & superficiale satis deprehendatur, sed attendi oportere ad distinctionem Medicis pariter atque Jureconsultis solennem, inter vulnus per se & per accidens lethale, quorum illud sine alterius causæ interventu mortem immediate producat, hoc vero ut tale sive immediate nulli vulneratorum vitam adimat. Prius equidem vulnus sive lethale per se denuo observari vel de necessitate sive simpliciter tale, omnem medelam detrectans ac semper brevique interimens, vel non necessario sed ut plurimum lethale, difficilem ut plurimum curationem admittens, non tamen semper, aut tardius domum interficiens. Nihilominus cum differentie hujus, in qua per se & simpliciter lethale vulgo confundi solent, rationem vix habent Legislatores, ac vulnus ut plurimum lethale revera lethale dicendum esse demonstretur, consultius forsân fore, in Relationibus Anatomico-Chirurgicis distinctione hac, defensoribus homicidarum minus conscientiosus anam saltem disceptandi suggerente, penitus supersedere, ac solummodo, an vulnus per se, an per accidens mortale, enunciare. At quo de vulneris lethalis per se ætiologia insuper constet, percussiones mortíferas per se appellat quasunque, quæ fluidorum universalium, sanguinis & lymphæ, solidas partes vitalitate immediate actuantium, motum intestinum &

loca-

localem, aut alterutrum, aut utrumq;, eousq; ut vita totius extinguat, perturbant. Classẽ primam Vulnera organis aut respiratori, aut Chyli productioni, exaltationi ac dispensationi inservientibus infusa respicere; ad alteram vero classẽ plagas tam cordis cum canali sanguinis & lymphæ, quam cerebri & generis nervosi pertineres; sub tertia denique classe quorumvis totius corporis organorum continuitatem solutam comprehendi, cujus occasione fluida, nutritia non minus quam excrementitia, extra receptacula & canales suos in cavitatem sibi incongruam elabantur, ibique congesta, aut mole, aut putredine exagitationi sanguinis vitali ejusque circulationi moras nectant. Quorum vulnere a non lethalibus aut per accidens talibus pressius dignoscendorum gratia, circumstantias porro eorundem, tam intrinsecas, quam extrinsecas nervose perpendit, observationibusque corroborat; intrinsecas vocans, quæ ipsam plagam partemque affectam spectant, scilicet (1) hujus texturam, situm & actionem, (2) vulneris magnitudinem, (3) ejusdem qualitatem, ac (4) figuram; extrinsecas vero, quæ extra percussione hujusq; subjectum immediatum sunt, & quidem iterum vel necessarias, dispositionem videlicet corporis nativam & ætatem, morbos antecedentes & combinatos, ac loci atmosphæræ; vel contingentes, nempe symptomata, ægri dietam, & Chirurgi seu Medici peritiã ac solertiã diversã. Tandem ex circumstantiis his tanquam lethalitatis totidem & non lethalitatis causis sufficienter deductis tria elicit atque explicat porismata: (1) videlicet Inspectionem vulneris ad judicii ejusmodi rationalis concinnationem necessarium ac primarium esse instrumentum, eo quod pro lethalitate inferenda, nec mortis a percussione celeritas, nec traditas, nec instrumenti lædentiis conditio, nec symptomata sola sufficiant, sed potius partis læsæ conditio sectione sit indaganda; (2) Operationem hanc in Renunciationibus rite condendis non esse instrumentum solitarium, cum & circumstantiæ, quæ circa vulnerationem & vulneratum contigerunt, debeant attendi; (3) nec sufficienter, nec pro rei exigentiã, hanc de vulnere Renunciationibus doctrinam hæcenus fuisse excultam & traditam, & proin emendatione indigere: nihil namq; aut parum hæcenus de lethalitate vel nervorum, vel vasorum lymphaticorum & lacteorum fuisse edoctum, ex vulne-

rum

rum autem lethaliū classe præter rationem quædam exclusa, e. g. vulnera thoracem penetrantia, costarum fracturæ, ac spinalis medullæ partis inferioris vulnera; e diverso vulnera, v. g. cuncta vesicæ fundi, lethalia pronuntiata, quæ tamen minus talia sunt, imo partibus, quæ corpori humano non inexistit, qualem rete mirabile in mirabili ejusmodi Anatomicorum cerebro saltem effictum haberi. Atque fundamentis sic circa Renunciationes vulnerum recte adornandis solide jactis, ad secundam dilabitur Sectionem, qua de Renunciatione vulnerum in specie sollicitus, regulas hætenus datas generaliores membris singulis eorumque læsionibus rite applicat, initium Cap. I. de Capitis, Spinæ, & Nervorum vulneribus lethaliibus; progressum Cap. II. de Colli, Cap. III. de Thoracis, Cap. IV. de Abdominis percussionibus lethaliibus; finem denique Appendice de Artuum plagis lethaliibus faciens. Quæ tamen innuisse magis, quam recensuisse prolixitatis evitandæ ergo, sufficiat, imprimis cum ex jam dictis satis hariolari jamdum detur, quanto judicio, quantæque experientia singula hæc ab Autore sagacissimo pertractata sint, adeo ut Lectorum neminem, nisi præjudiciis forsân occæcatorum, librum ipsum consuluissæ unquam pœnitere valeat.

JOH. JACOBI VVALDSCHMID INSTITUTIONES
*Medicina Rationalis, recentiorum theoria
 & praxi accommodata.*

Marburgi, apud Frid. Knoch, 1688, in 12.

Quam A. 1682 in disputationibus quinque, Lugdunensibus etiam postea Batavorum typis A. 1685 exscriptis, sub *Fundamentorum Medicina* titulo, orbi literato delibandam exhibuit doctrinam Clarissimus Autor, eam curatius, auctius & limatius denuo proficitur. Etenim cum restaurandæ & corrigendæ Medicinæ sedulo incumbat, repurgatas a Veterum hypothesibus Institutiones, & brevem, ac sufficientem tyroni viam tradere satagit. Hujus instituti ratione corpuscularem philosophiam, inprimis quam Renatus Cartesius explicuit, amplectitur. Siquidem phaenomenorum rationem cum illis a corporum diversa magnitudine, figura, situ & motu derivat. In parte prima, quam Physiologicam inscripsit, medicinam & scientiam

entiam & artem appellat, quod Medici sit, cum morborum causas nosse, tum remedia & præparare & præparata scienter atque artificiose applicare. Postea & elementa cum nominato superius Philosopho eadem statuit, & chylicationis ætiologiam maxime ab æthere, seu materia mundi subtilissima, salivam, lympham gastricam, & alimenta, præsertim inter se differentia, ad fermentationem disponente deducit. Eidem acceptum refert Cartesio, quomodo sensus fiant, & temperamentorum diversitates rectius sint explicandæ: ut proin œconomiz animalis integritas, missis antiquorum facultatibus, calido innato, humido radicali &c. ex apta partium fluidarum corporis nostri temperie & conformi mixtione, atque solidarum iusta conformatione dependeat. Iisdem fundamentis mechanicis in parte secunda pathologica morborum & symptomatum causas & rationes, atque signorum cum diagnosticorum, tum prognosticorum in tertia parte notitiam superstruit. Hinc postquam in quarta varias omnibus ætatibus diætæ regulas, & quænam alimenta, atque ob quas particulas nutritioni nostræ convenientes vel inimicas, prosint vel noceant, præscripsisset, methodum medendi in quinta & ultima parte suppeditat. Itaque post regulas generales, in specie quæ remedia, & quomodo indicationibus suis satisfaciant, pariterque qua ratione componantur, mechanicis itidem rationibus ingeniose edisserit.

*SACRA HERBA, SEU NOBILIS SALVIA, JUXTA METHODUM & leges Acad. Nat. Curios. descripta a Christiano
Francisco Paulini.*

August. Vindel. ap. Laurent. Kroniger, & Theophili Gœbelii
hæredes 1688. in 8.

A Deo intempestivus quosdam exoticorum remediorum amor tenet, ut ea, quæ sub oculis posita, nec minoris efficaciz sunt, negligant, at si tulisset India, aut alia miraculorum ferax commendatrixq; terra, lustrata perspectaque haberent. Idcirco melioribus exemplis collegarum quorundam Illustris *Academia Naturæ Curiosorum* adductus Clarissimus Auctor, herbæ indigenæ operam & oleum impendere decrevit. Hinc *salviam* elegit, herbam licet vulgarem & omnibus tritam, nihilominus exteris plantis virtutibus haud secundam. Itaque eandem, suam *Academiæ N. C.* in qua Arionis nomine claret, probaturus industriam, normæ ab illa præscriptæ

scriptæ submittit. Proin in sect. I. quam philologico-physiologicam dixit, diversis capitibus nomina, descriptionem, differentias, natales, culturam, qualitates, atque præparata, tum aliorum relatione usus, tum propriæ experientiz confusus enumerat. In secunda, quæ medico-chymica audit, per tres partes quomodo diversis humani corporis affectibus & supremi, & medii, & infimi ventris medeatur, exponit. Tertia sectio, quam pharmaceutico-therapeuticam appellat, qua ratione tam in febribus, quam diversis affectibus externis in usum trahatur, recenset. In omnibus hisce diversas Practicorum formulas, quibus salvia aut basin, aut primariam ingredientium partem constituit, quandoque etiam proprias, aut ab aliis sibi relatas observationes, collectas & congestas operose satis exhibet. Quibus omnibus sectio quarta, culinari usu commendato, colophonem imponit.

*DE ROMANA REPUBLICA, SIVE DE RE
Militari & Civili Romanorum, ad explicandos Scri-
ptores antiquos, auctore Petro Josepho Cantelio, Soc.
Jes. Editio secunda, priori correctior, quam-
plurimis aeneis figuris ornata.*

Ultrajecti, apud Fr. Halma, 1688 in 12.

Romanum populum & imperii amplitudine, & rerum gestarum gloria cæteris cunctis gentibus superiorem fuisse, in confesso est omnibus, qui rerum & literarum monumenta non ignorant. Quicquid enim usquam Fortuna validum constituit, aut splendore collustravit; quicquid & virtus ac disciplina potuit; id Romana in se Respublica, tanquam compendium terrarum orbis & theatrum virtutis, non ad intuendum modo, verum etiam ad imitandum omnibus proponit, ut hinc præcepta petant, qui civitates & provincias regunt: exempla sumant, qui exercitibus præfecti sunt: & literarum quoque cultores ex juris Romani & rituum cognitione doctrinam suam auctiorem politioemque efficiant. Cum itaque tanti sit notitia Romanæ Reipublicæ; bene omnino studiosæ juventuti vir clarissimus *Petrus Josephus Cantelius* consuluit, dum quæ disper-

disperſa multis voluminibus erant, in brevem ſummam ita ordinatim collegit, ut quicquid ferme vel domi vel militiæ Romani inſigne ab Urbe condita ad Auguſti tempora habuerunt, in planiſſima quaſi tabula pateret. Quartus quidem nunc annus agitur, ex quo hic liber Lutetiz in lucem prodiit, qui vero ita rarus apud exteros fuit, ut Ultrajectinus Typographus, quod e re literaria eſt, feciſſe omnino videatur, cum novam editionem, a doctiſſimo viro emendatam, elegantibusque exornatam figuris, ſuo ſumtu procuravit. Diviſus liber in duas partes. priorē militares res, altera civiles Romanorum comprehendit. Utraque pars in ſex Diſſertationes diſpenſatur, & ſingulæ harum in minores ſectiones ſive capita. Prioris partis prima Diſſertatio *bella* Romanorum ab origine gentis ad pugnam uſque Actiacam enarrat: ſecunda *prælia*, præcipuum in bellis momentum, a cauſis, locis, ducibus, eventu diſtinctius deſinit: tertia *mortes* habet illuſtrium tum Romanorum, tum acie caſorum hoſtium aut captorum, easque certis periodis dinumerat: quarta *provincias* Romanas recenſet, ipſamque Italiam in regiones deſcribit: quinta Romanorum diverſa *jura*; ut Romanum, Latinum, Italicum, provinciale, municipale, coloniarum, præfeſturarum, & fœderatarum urbium declarat: ſexta denique in *militiam* ſe propius inducit, & delectus, exercitus, duces, ordines, aciem, arma, ſigna, ſtipendia, præmia, & in his quoque triumphos exponit, prætermiſſis tantum (qua cauſa, nescimus) poliſtorceticis rebus, & ad navalem pugnam pertinentibus. Poſterioris partis Diſſertatione prima Romanorum *Nomina*, prænomina, cognomina, item populi *Ordines* Senatorius, Equeſtris, Plebejus, cum *Classibus*, *Centuriis* & *Comitiis* explicantur: ſecunda *Magiſtratus* a Conſulatu ad Quæſturam: tertia *Sacerdotia* Pontificum, Augurum, Flaminum, Veſtaliū: quarta *Familia* & *Gentes*; quæ nominatim, ſaltem præcipuè illarum, enumerantur: quinta rationes temporum, anni, menſis, diei, feriarum explanantur: ſexta *veſtimentorum* genera, *convivandi ritus*, *ludi*, *ſpectacula*, *theatra*, *amphitheatra*, & tandem *funera* & exequiæ illuſtrantur. Hæc ut planius cognosci & intelligi poſſint, altera hac editione ex Onuphrii Panvinii & Juſti Lipſii Operibus elegantes *figura* atque *tabule* adjectæ ſunt, quibus tum ipſa Urbs, gentium domina, tum ritus & conſuetudines illius ante oculos proponuntur.

EFFETS DE LA FORCE DE LA CONTIGUITÉ des corps, par lesquelles on répond aux expériences de la crainte du Vuide, & à celles de la pesanteur de l'air,
par le R. P. Cherubin d'Orleans, Religieux
Capucin. i. e.

Effectus virtutis contiguitatis corporum, quibus respondetur experimentis fugæ vacui & gravitatis aeris,
per R. P. Cherubinum Aurelianensem,
Capucinum.

Parisiis, apud Lud. Lucas, 1688. in 12.

Quemadmodum antiquis ædibus nova nonnunquam præstrui solent vestibula, ut facilius emtorem reperiant; ita veteribus quoque libris novos præfigi titulos a bibliopoliis non est adeo insolens, idque vel præsentis scripti docet inspectio. Quamvis enim titulus octogesium octavum hujus seculi annum exhibeat, ipsius tamen impressio jam anno 1679 absoluta fuit, meritoque proinde, tanquam initium Actorum nostrorum antegressum, a nobis omitendum videbatur. Sed cum ejusdem nullum ad nos exemplum nisi nunc demum pervenerit, neque in Diario Eruditorum Parisiensi, quantum recordamur, ulla ejus facta fuerit mentio; & ipsum tamen non solum vacui metum jam satis explosum ab aliis, sed etiam doctrinam de pondere & elasticitate aeris, quæ a plerisque eodem demonstrata assumitur, operose impugnet, paucis indicandum duximus, quo ipsius argumenta ad rationis & experientiæ obrussam examinari possint; quamvis dissimulandum non sit, potissimum eorum partem in scriptis celeberrimi Sturmi & in illustribus Boylei contra Linum defensione jam refutatam haberi. Convenit enim, præter argumenta quædam, Cherubinus cum Lino in hoc, quod putat Mercurium ex barometri summitate suspendi a quadam substantia; in eo diversus, quod, cum Linus funiculum mercurialem confinxerit, ipse subtiles particulas ex mercurio expressas & tensionis maximæ capaces substituatur. Cum enim omnia in hoc mundo contigua sint, eas esse hujus contiguitatis vires putat, ut corporum separationem prohibeat, ita ut, si corpus aliquod majori vi abripiatur, nec alterum
 statim

statim in ejus locum succedere possit, partes saltem ipsius subtiliores alteri contiguæ maneat, & tensionem satis magnam patiantur. Fecit vero tres sui libri partes. In *prima* illarum, de mundi plenitudine & hinc oriunda contiguitate ejusque viribus agit, negato aeris elatere pariter atque pondere, quod tantum abest ut concedat, ut potius putet aerem suspendi ex æthere, terramque deinde ex aere esse pendulam; porro naturam corporum liquidorum eorumque consistentiam considerat, quippe cum ex hujus varietate deducenda veniat diversa aquæ & mercurii in tubis iisdem altitudo. In parte *secunda* defendere attractionis motum & argumenta in contrarium allata elidere nititur. In *tertia* consequentias nonnullas examini subjicit, quas defensores gravitatis aeris deduxerant ex effectibus illi adscriptis in suis experientiis, easque ex illis causis non pendere, quibus attribuantur, probare laborat. Sequuntur appendicis loco tres dissertatiunculæ, quarum ultima apologetica est pro libro Auctoris de visione perfecta, non rite, ut putat, in Diario Parisiensi recensito. Secunda pro impenetrabilitate vitri pugnat, etiam contra Domini Boyle experimenta, quippe in quibus metalla calcinata non ab igne, sed ab aere, cum vasa aperirentur, ad labente gravitatis augmentum sumserint. Quæ reliqua est dissertatio circa lacrymas vitri versatur asserendo, nequaquam earum confractionem pendere ab aeris externi irruptione, sed ex eo, quod spiritus salis illius, ex quo vitrum componitur, versus interiora valide compressus ab aquæ frigore, maxima vi erumpit, atque infinitis suis cuneolis compagem lacrymæ, quoad partes interiores jam satis solutam, penitus disjicit.

LA MANIERE DE BIEN PENSER DANS LES Ouvrages d' Esprit. i. c.

Ratio bene cogitandi in Operibus Ingenii.

Amstelodami, apud Abrahamum Wolfgang, 1688, in 12.

Titulum elegantissimi hujus opusculi inspicienti, dubium videri potest, ad Logicam, an Rhetoricam referri illud debeat. Ad utramque vero reduci non prohibet Præfationis Auctor, modo Logicam spinarum expertem minimeque aridam aut abstractam, Rhetoricam

toricam vero facilem, & exempla potius quam præcepta suggerentem nuncupaveris. Quicquid vero ejus sit, dubitandum nequaquam est, quin tum ad judicium rectum ac ingeniosum de rebus formandum, quod ad secundam mentis operationem in scholis Logicorum pertinet, salubria monita hauriri ex libello hoc possint; tum quod ad Rhetoricam disciplinam propius accedit, addisci ex eo valeat, quomodo in componenda historia, condendo poemate, ac cujuscunque generis orationibus concinnandis (hæc enim Auctori sunt opera ingenii, *Ouvrages d'Esprit*) cogitationibus moderari debeamus, ut foetus ingenii non deformis aut ridiculus, sed venustus elegansque prodeat. Hunc nempe in finem ex optimis quibusque tum veteribus Augustei ævi, tum recentioribus, Gallis, Italis, Hispanis scriptoribus, non selectissima tantum loca producuntur, quæ ingenium sapiunt, Musarumque cunctarum ac Gratiarum applausum merentur, sed notantur etiam, & adductis exemplis commonstrantur vitia cogitationum & defectus, quorum nec doctissimi cætera viri fuerunt immunes.

p. l. sqq. Quatuor *Dialogis* libellus absolvitur, quorum *primo* omnium mentis conceptuum fundamentum *veritas* constituitur, sed ita ut ea salva, suus etiam fictioni Poeticæ, Æquivocationi, Hyperbolæ, locus relinquatur. Itaque quantum inter fictionem, quæ naturam imitatur & quodammodo perficit, & falsitatem interfit, explicatur: orbem nempe quendam fabulosum seu Poeticum concipi debere, meris imaginationibus superstructum, in quo Parnassus, Apollo, Musæ, Pegasus, similiaque alia nihil sint, nisi chimæ; at illo systemate semel supposito, quicquid in eo sinxeris, pro falso minime reputari ab eruditis. Ita ut per fabulas ipsas ingeniose & cum audientium oblectamento veritas insinuetur; ut metaphora velum quidem sit, sed transparens, nec rei, quam obvelat, conspectum prohibens; ut per æquivocationes, tanquam grata, ut Seneca vocat, sophismata verum dicatur; ut hyperbole, siquidem dicente Quintiliano, ultra fidem at non ultra modum sit, imo & ironia cum veritate consistat, accurate declaratur. Obiter innuit Auctor, quam diversa hominum etiam doctorum soleant esse de aliorum cogitatis judicia, idque exemplo docet non ineleganti. *Tertius* nempe (secundum Ciceronem, aut secundum Plutarchum

Hege-

Hegesias Magnesius) cum in historia dixisset, quæ nocte natus Alexander M. esset, eadem Diana Ephesia templum deflagravisse; adjunxerat, minime id esse mirandum, quod Diana, cum in partu Olympiadis adesse voluisset, ausuisset domo. Id quod veluti concinne dictum laudavit Cicero l. 2 de Nat. Deorum; damnavit ut ineptum Plutarchus in Alexandri vita: etsi hic eo ipso loco, quo Hegesiam reprehendere sustinuit, censuram videri potest acriore promeritis, dum Hegesiae declamationem adeo dixit frigidam, ut incendio templi extinguendo sufficere potuisset; monstrosa utique & indigna Plutarcho hyperbole.

Dialogo secundo, præsupposita jam cogitationum veritate, de iis agitur, quæ decus illis ac ornamentum conciliant. Eorum vero tria constituuntur genera, 1. sublimitas & magnificentia. 2. jucunditas. 3. delictum. (*La sublimité, l'agrement, la délicatesse.*) Et *sublimitas* quidem primo loco laudatur, sed ea quæ materiæ subjunctæ respondeat: quod ineptum æque sit de rebus parvi momenti sublimiter, ac de grandibus tenuiter & mediocriter cogitare. Inter exempla alia commendatur illud *Jani Vitalis* epigramma, ad peregrinatorem quendam, qui Romam perlustrabat, directum: pag. 89.

*Aspice murorum moles præruptaque saxa,
Obrutaque horrenti vasa theatra situ.*

*Hæc sunt Roma: viden', velut ipsa cadavera tanta
Urbis adhuc spirent imperiosa minas.*

Jucunditatem varia pariunt, e. g. si figurata dictio propriæ miscetur, velut in epigrammate alio, quo Dux Mommorantius, quem A. 1632 Parisiis ante statuam marmoream Henrici IV, filius hujus Ludovicus XIII capite plecti inexorabilis curaverat, ita loquens substituit: 133.

*Ante Patris statuam Nati implacabilis ira
Occubui, indigna morte manuque cadens.*

Illorum ingemuit neuter mea fata videndo:

Ora Patris, Natipeçtore marmor erant.

Etsi ut plurimum gratiam orationi sola præstat ingenuitas (*naturel*) nil habens affectati, qualem Auctor deprehendisse se in Epigrammatibus Græcis memorat, quæ in Anthologia collecta sunt, sal quidem Martialis non habentia, nec insipida tamen. Denique
delictum

pag. 188. *delicium* etiam, cujus quidem notionem exprimi vix posse Auctores non dissimulat, exemplis quamplurimis explicatur, quæ inter & illud est, ex Anthologiæ jamjam memoratæ libro 7. depromptum, quo Dercylin quandam ingeniose Poeta laudat:

Τέσσαρες αἱ Χάριτες, Παΐδας δύο καὶ δίκαια Μῶσα.

Δερκυλὶς ἐν πάσαις Μῶσαι, Χάρις, Παΐς.

Qualis fere cogitatio cuidam etiam nostri seculi poetæ obligit, hisce versiculis simulacro Comitissæ de la Suze, quo curru pet aërem vecta repræsentabatur, subscriptis:

189. *Quæ Dea sublimi rapitur per inania curru,
An Juno, an Pallas, an Venus ipsa venit?
Si genus inspicias, Juno; si scripta, Minerva:
Si spectes oculos, Mater Amoris erit.*

Ubi denuo Auctor & solícite monet, cogitationes, tametsi sublimes, venustas, delicatas, laudem tamen non mereri, nisi simul naturali quadam pulchritudine exurgant; omnemque adeo abesse jubet affectationem, omnium in eloquentia vitiorum pessimum.

Noct.
Att. l. 17.
c. 14. *Dialogo III. de excessu in quovis cogitationum genere vitando tractatur. Nam & hic Gellii illud locum habet: unumquodque genus cum ornatur caste pudiceque, fit illustrius; cum fucatur & prælinitur, fit præstigiosum. Itaque in sublimitate peccatur, si supra modum elata sit oratio, ut dum granditatem ipsam quasi superare gestit, in nugas evadat. Ubi quatuor, inter exempla alia, exhibentur epigrammata, quibus Regium, quod Lutetiæ est palatium (Luparam vocant) mire extollitur. Primum hoc est:*

*Nec tales Romæ vidit sibi Jupiter ades:
Nec talem coluit Roma superba Jovem.*

Alterum:

*Attoniti tanta molis novitate nepotes
Mirari cessent: Regia Soli erat.*

Tertium:

*Pande fores populis sublimis Lupara: non est
Terrarum imperio dignior ulla domus.*

Quartum denique:

*Quid valeat bello Ludoix, centum oppida monstrant:
Monstrat quid valeat pace vel una domus.*

Horum

Horum duo priora displicent Auctori, tanquam tumida nimis; probantur vero duo posteriora, quod modum servant. Sed & circa *jucunditatem* excedi posse, etsi id videatur paradoxum, exemplis demonstratur, Gallicorum inprimis & Italarum poetarum, quibus hoc in genere, ut circa sublimitatem Hispanis, peccare familiare est. Elegantis, sed moderatæ allegoriæ exemplum præbent versiculi, cum Maphæus Barberinus Pontifex Romanus factus esset, Urbanus VIII exin dictus, vulgati, quibus de futuro ipsius regimine Gallus, Hispanus, Italus diversa sic ominantur, ut ad apes, quas in insignibus Barberina Domus habet, singuli alludent. Ita enim Gallus:

Gallis mella dabunt, Hispanis spicula figent:

Hispanus vero:

Spicula si figent, emorientur Apes.

Italus denique:

Mella dabunt cunctis, nulli sua spicula figent:

Spicula nam Princeps figere nescit Apum.

Tandem & in affectandis cogitationum *deliciis* quantum peccetur sæpe, exemplis declaratur, Taciti inter alia, qui dum politicis animadversionibus; quas historiæ passim immiscet, præter modum indulget, & ex suo ingenio Principum consilia metitur, tadium subinde lectori adfert affectatæ sapientiæ: quo nomine Varillafius etiam haud obscure notatur. 309.

Dialogo quarto de perspicuitate, prima illa secundum Quintilianum eloquentiæ virtute agitur, qua destituta sententia, etsi cæteris ornamentis omnibus nitescat, merito exploditur. Videas hic obscurarum cogitationum exempla bene multa; præ cæteris vero *Balthasarem Gracianum*, celebrem Hispanum scriptorem, de cujus operibus in Actis A. 1685 mense Febuario pag. 89. quædam dicta sunt, nec minus interpretem ejus *Amelotum Hufsaum*, cujus versio Gallica libri de Viro Aulico ipsum archetypum obscuritate superare dicitur, hujus vitii redargui.

HISTOIRE CRITIQUE DU TEXTE DU NOU- veau Testament. i. c.

P

Historia

Historia Critica textus Novi Testamenti, qua veritas monumentorum, quibus superstructa est Christiana religio, statuminatur; opera *Richardii Simonis* Presbyteri.

Roterodami, apud Regnerum Leerium, 1689, in 4.

Prodiit tandem diu expectata *HISTORIÆ CRITICÆ N. T. liber primus*, quem, (nisi opinio nostra nos fallit,) *secundus* propediem excipiet. Citius utrumque procul dubio edidisset celeberrimus Auctor, si per *Carolus Mariam de Feil*, *Ezechielem Spanhemium*, *Isaacum Vossium*, *Johannem Clericum*, *Thomam Smitium*, aliosque non paucos adversarios licuisset; utpote quorum objectionibus, toto illo decennio ab editione *Historiæ Criticæ V. T.* hac tenus elapso, respondendum fuit; quas doctissimorum virorum controversias latius recensuimus A. 1685. p. 2. A. 1686. p. 101. 104. 106. 432. 439. A. 1687. p. 92. 217. 363. 367. Nec parum temporis impensum *operibus* aliis, quibus interea bene de re literaria meritus est, quæque ad Acta A. 1683. p. 135. 137. A. 1684. p. 490. A. 1688. p. 132. retulimus.

Absolvitur Opus præsens capitibus omnino *triginta tribus*, quorum contenta ordine enarrabimus, idque paulo prolixius, cum e Nostraribus complures Gallicæ linguæ imperitos moram Latinae versionis, (quam in Belgio aliquando confectum iri, nulli ambigimus.) ægre laturos, pleniores cædeo, antequam illa prodeat, libri notitiam habere non leviter desideraturos esse, persuasissimifimus.

- Cap. I.** Auspicatur autem Auctor Criticam suam a vindiciis veritatis librorum N. T. contra veteres hæreticos. Hanc non ex interno aliquo Spiritus Sancti testimonio, quod cum Arminianis & Socinianis vehementer habet ludibrio, sed solo ecclesiæ testimonio externo, (non tam ob ecclesiæ auctoritatem, quam ob actorum veterum, quæis testimonium de *γνησιότητι* libri sacri innititur, recipiendo,) cognosci contendit. Libris N. T. titulos suos non abs auctoribus *Θεοπνευστις* ipsismet, verum a primitiva ecclesia, cui de auctoribus librorum optime constabat, præfixos esse, auctoritate
- Cap. III.** Chrysostomi probat. Recenset supposititia evangelia, acta & itineraria

metaria apostolorum, apocalypses ac hujus furfuris alia. Archetypa librorum N. T. in ecclesiis nonnullis (vel Tertulliani ipsius ævo) asservata fuisse, cum Rigaltio adversus Pamelium, Waltonum, Grotium, Huetium, Clericum, adhucdum negat, *Authenticæ*que adeo *literæ* a Tertulliano de Præscript. c. 36. memoratas, Græca esse dicit apographa, quæ (respectu ad versionem Latinam in ecclesiis Africanis receptam, habito) *authentica* vocari mereantur eodem jure, quo Hieronymus Ebræos V. T. codices, (sunt non *ἀπὸ γράφου*.) *Ebraicam veritatem* passim, & *Authenticos libros* commentario in *Isai. LXIV.* appellat. Confert hac fini parallelum Tertulliani locum in *de Monogamia* c. XI: *Scimus plane non esse sic in Græco authentico.* Sublesta fidei, aut saltem ex errore populari ortas esse arbitratur traditiones Veterum, de Evangelio Matthæi Ebraico archetypo a Pantæno apud Æthiopes reperto, de ejusdem apographo manu Barnabæ apostoli exarato, ac ab Anthymo Constantiensis episcopo ex Barnabæ apud Cyprios sepulchro in lucem protracto, de autographo denique Johannis Ephesi tempore Petri Alexandrini episcopi extante.

His generatim dictis, progreditur ad singulos N. T. libros; & primo quidem universæ Antiquitati, *Matthæi Evangelium Ebraice* (h. e. Syro-Chaldaice) primitus conscriptum, ac dein ab incerto interprete Græce redditum esse affirmanti, fidem absque contradictione haberi cupit, & ad singulas *Erasmi, Cajetani, Flacii, Chamierii* objectiones responsionis aliquid reponit. Frustra ad *providentiam divinam* & *primitivæ ecclesiæ pietatem* recurri monet, quasi neutra ex his admittere potuerit, ut authenticus libri sacri textus toto passim orbe deperderetur. Quod si enim *divina providentia* alios libros sacros perire siverit ita, ut ne quidem versio inde restaret nobis; quanto magis Evangelium illud Ebræum, quod ad minimum Græce idque *saris* accurate versum hodiernum superfit? Nec obstitisse *Christianorum pietatem.* Matthæum namque in gratiam primævorum *Nazaræorum* (h. e. Christianorum ex Palæstina oriundorum *Athor. XXIV, 5.*) vernacule (i. e. Syro-Chaldaice) scripsisse, Hanc Nazaræorum ecclesiam vertente tempore in sectam degenerasse Judaizantem, quæ itidem editione illa Ebræa, eaque quidem (quod *Cap. VII.* contra Casaubonum prolixius adstruitur,) *incorrupta* usa fuerit.

fuert. Huic tamen cum cæteris Christianis Græca sacra habentibus parum commercii intercessisse. Mox Evangelium ipsum ab Ebionitis pessime habitum, atque immane quantum interpolatum fuisse. Cum igitur successu temporis Nazaræi æque ac Ebionitæ plane periiissent, Orthodoxos tum ignorantia linguæ Chaldææ, tum odio sectariorum, tum metu corruptelarum inde in libros suos derivandarum, exemplaria Ebræo-Chaldaica digna non habuisse, quæ ab interitu vindicare conarentur. *Walzogenio* tandem Sociniano critices sacræ imperitiam, *Lightfoot* Rabbinicas, quas putat, ineptias exprobrat, eoque nomine neutrum responsione quantulacunque dignatur. Redorditur deinceps veterem illam litem, quam de *vernacula* Christi & Apostolorum lingua movit *Isaacus Vossius*. Id vero honoris linguæ Chaldaicæ, ex Babylonica captivitate in Palestinam apportatæ, & Actor. XXI, 40. XXII, 1. I. 19. *Ebrææ* titulo insignitæ, deberi, intrepide asserit Simon, quicquid *Vossius* de Græca iterum iterumque dicat. Censet igitur, Græce equidem Judæos cœpisse loqui, ex quo Græcis ac dein Romanis paruerunt; retinuisse tamen simul patriam h. e. Chaldæam linguam: idque ex 2. *Maccab. VII, 21. 27.* ubi mater septem martyrum Antiochum Græce, vernacule gnatum alloquitur, probari posse confidit. Confert cum veteribus modernos Judæos Hispanienses aut Lusitanos, *Constantinopoli* ac *Amstelodami* commorantes, quorum illi præter linguam Turcicam, partim vulgari Græca, partim Hispanica; hi, præter Belgicam, Hispanica adhuc aut Lusitana lingua, in libris suis, concionibus precibusque utuntur. Memorat hac fini, *Pentateuchum* tum *Hispanice*, tum *Barbaro-Græce*, una cum textu Ebræo & Paraphrasæ Chaldæo Constantinopoli A. 1547. impressum, *Ebræaque* Biblia cum scholiis *Hispanicis* a *Lombroso* Venetiis A. 1639. edita, Judæis in Oriente familiarissima esse; librum denique *Precum* (ספר תפלות) *Hispanice* sub titulo *Orden de Oraciones* Amstelodami prodiisse. Monet porro Criticus noster, nomina linguæ Chaldaicæ & linguæ Syriacæ nimis scrupulose a *Vossio* distingui; cum tamen precatio קדדש *Kaddisch*, quæ in Talmude ארשרי Syriacæ scripta dicitur, Chaldaica revera sit; ac e contrario Missale Syriacum A. 1594. Romæ editum, hunc titulum præ se ferat: *Missale Chaldaicum juxta ritum ecclesiæ nationis Maronitarum*; ut taceamus argumenta ex *Georgii*

ἡ ἄμειρα Maronitz *Grammatica Syriaca SIVE Chaldaea* deprompta. Regesserat olim Vossius, *Aëtior.* XXI, 37. non legendum: *Grace scū?* quasi Claudius Lysias Paulum percontatus fuisset, num Græcam linguam, (quæ Vossio iudice Judæorum illius ævi vernacula fuit,) calleret? sed sic: *Grace scis, Non ergo et Ægyptium,* qui ante hos dies *sumulum concitavit.* Respondet Simon, accensus equidem, commata & puncta a Critico parum attendi merito solere, temere tamen h. l. interrogationem haud tollendam esse, cum universi Actorum interpretes verba hæc *interrogative* acceperint. Cum igitur Paulum Lysias interroget, num *Grace* fari possit, liquere videtur, Græcam linguam eo tempore universis Judæis baudquaquam vernaculam fuisse.

Recenset postea, quæ Epiphanius ac Hieronymus de *fella* & Cap. VII. *Hebraico Evangelio Nazæarum* memoriz prodidere, & auctoritate hujus Evangelii motus, vocem *ἐπισκοιων* Matth. VI, 11. *crastinum* (כרס) reddendam, ac pro Zacharia Barachiz filio *Zachariam Jesada filium* Matth. XXIII, 35. reponendum esse asseverat. Addit C. VIII. Ebionitarum ac Ebraici Evangelii ab Ebionitis misere depravati historiam ex Epiphanio contextam. Dissentit vero abs eo, quod ille *Ebionem* quendam caput sectæ constituat, quæ in parte sua sententia & que cespitarit, ac *Illescas* Hispanus Historiz Pontificæ scriptor, qui lib. VI. p. 453. *Hugonis hæresiarcho sacramentarii* meminit, a quo hæretici in Gallia nomen traxerint. Refert, orthodoxos olim Christianos ob spontaneam *paupertatem* a Judæis *עביוני* *Ebionitas* (i. e. *pauperes*) contumeliæ causa appellatos fuisse. Ex his deinde ortos ait hæreticos illos *Ebionitas*, qui veterum Ebionitarum nomen sibi arrogarint, doctrinam autem gravissimis contaminarint erroribus. Contra Casaubonum negat, *Græcam* Matthæi *versionem* ab apostolo aliquo profectam aut a Spiritu Sancto inspiratam, quia *Papias* Johannis Evangelistæ discipulus apud *Eusebium* l. III. H. E. c. 39. tradat, quemlibet versionem aliquam ex Ebreo, prout potuerit, sibi confecisse; quod facturos fuisse Christianos, vero non sit simile, si eo jam tempore authentica aliqua extitisset. Auctoritatem itaque Græci nostri textus a constanti ecclesiæ testimonio unice arcessit.

In sequentibus veterum traditiones exhibet de ætate & ordine Cap. X.

IV. Evangeliorum, ac speciatim *S. Marci*; ætatemque incertam esse fatetur, quamvis librarii Græci ad *Manuscriptum Bibliotheca Colbertina n. 5149.* & ad aliud *Bibliotheca Regia n. 2871.* sub finem evangelii cujusvis adnotarint, Matthæum anno a Christi ascensione *VIII.* Marcum *A. X.* Lucam *A. XV.* Johannem *A. XXX.* Evangelia sua divulgasse. Observat, locum *secundum* Marco dari communiter; in Cantabrigiensi tamen & quibusdam aliis venerandæ antiquitatis codicibus hoc ordine sese Evangelistas excipere: *Matthæus, Johannes, Marcus, Lucas.* Marcum apud Petrum, & Titum apud Paulum *interpretem Græcorum* munere functos, eo quod Apostoli Græcam linguam aut non adeo perfecte loqui, aut saltem non adeo accurate pronuntiare noverint; quemadmodum *Jos. phus* Antiqu. l. XX. c. ult. (quamvis linguæ Græcæ peritissimus) non diffitetur, non posse sese satis concinne pronuntiare Græca. Nil tamen respondet ad objectionem, quam ex Baronii Annalibus ad A. C. 45. n. 35. ipsemet formaverat, Apostolos nimirum linguam Græcam eadem facilitate pronuntiasse, qua Ebræam, cum divinitus eam allecuri fuerint, Dei autem dona *perfecta* esse soleant. Marcum *Græce*, non

- Cap. XI. *Latine* scripsisse, contra eundem Cardinalem disputat. *Duodecim* posteriores *versus* Marci antiquissimos esse, *Irenæi* allegatione evincit; neque tamen Patrum quorundam & *MSCtorum* codicum dissentium ea de re dissimulat. Ad *Lucam* progressus, fusc ex Epiphanio non sine *ἐπιμαρτυρία* refert, quibusnam Evangelii locis tum *Marcion*, tum *catholici* quidam, lacrymas aut sudorem sanguineum Christo non convenire rati, manus criticas inferre ausi fuerint.
- C. XII. Hinc, *Johannis* auctoritate contra *Alogos* asserta, de *versibus duodecim* prioribus *capitis VIII.* curatius agit, ac Maldonati, qui genuinos eos judicarat, sententiæ subscribit, simulque ei amplissimam lucem fœneratur. *Caput* etiam *XXI.* ipsum Johannem auctorem
- C. XIV. agnoscere, nullus dubitat. De *Actis Apostolorum* tum genuinis, tum
- C. XV. apocryphis, ut & de *Epistolarum Paulinarum* numero & ordine, nec non *Ἀποστολικῶν*, seu sylloge epistolarum Pauli a *Marcione* consarcinata, ex historicis ecclesiasticis non pauca assert.
- C. XVI. *Epistolam ad Hebræos* canonicam esse, probat consensu omnium Orientalium & *S. Clementis Romani* testimonio, quod potioris ei habetur auctoritatis, quam spississima Occidentalium secus sententium

tientium nubes. Utrum vero, (quod post Eusebium Hieronymus affirmaverat,) ab Occidentalibus ecclesiis recepta lectaque non fuerit, Baronius in dubium vocaverat, eo quod circa Hieronymi tempora florentes Hilarius, Optatus, Ambrosius, Augustinus pro canonica ac Paulina ἀναντιρρήτως habuerint. Regerit Simon, locum equidem inter Paulinas epistolas epistolæ huic privatis Occidentalium horum sententiis decretum; publice eam tamen nullatenus prælectam fuisse; id quod solum Hieronymus affirmavit. Hanc ob rem etiam in antiquissimis epistolarum Græcarum codicibus, (quos a Latinis descriptos inferius probat,) extra epistolarum Paulinarum syntagma constitutamprehendi. Ebraice a Paulo conscriptam, improbable censet; probabile vero ei post Origenem videtur ob styli elegantiam, aliquem *amanuensum* sive interpretum Pauli Græce eam primitus exarasse. Ob sublimitatem vero *sententiarum*, quæ non nisi a *Phariseo* aliquo crudito ea ratione excogitari digerique potuisse visæ sint, abs universâ pene antiquitate Paulo adscriptam fuisse, perhibet.

Sequuntur observationes de *epistolis VII. catholicis*, non nisi ab aliis dudum observata complexæ. Majori cura capiteque peculiariter excutitur notissimus locus *i. Job. V. 7.* Hunc neque in Græco, neque in versione Latina ante Hieronymi tempora extitisse, sed ex scholio marginali, quod in textum deinde irrepsit, enatum esse, opinatur. Id quod non tantum ex quamplurimis Regiis & Colbertinis MSCis confirmat, in quibus nec vola nec vestigium hujus comparat; sed & cum primis ex illis codicibus, in quibus id genus scholia reperire est, quæ facili negotio e margine in textum referri potuissent. Sic enim testatur, in codice Regio 2247. ante quingentos circiter annos descripto e regione verborum istorum textualium: *ἐν τοῖς ἑσπέραις οἱ μαρτυροῦντες ἐν τῇ γῇ, τὸ πνεῦμα καὶ τὸ ὕδωρ καὶ τὸ αἷμα*, hoc scholion legi: *τὰ τρία τὸ πνεῦμα τὸ ὄχιον καὶ ὁ πατήρ καὶ ὁ υἱὸς ἑαυτοῦ.* Et e regione sequentium: *καὶ οἱ τρεῖς εἰς τὸ ἐν ὧν*, hanc haberi notulam: *τὰ τρία μία θεότης, εἰς θεός.* Unde patet, scholiasten per spiritum, aquam, & sanguinem, tres Trinitatis personas indigitatas autumasse. Simile quid reperiri in Colbertiano 871. nisi quod post *μία θεότης εἰς θεός* adhuc legantur isthæc: *μαρτυροῦντα τὰ θεὰ τὰ πατέρα καὶ τὰ ἁγία πνεύματ'.* Inter Patres ante *Vulgerem Virensen & Eulgerium* (centum fere annis Hieronymo re-

mo re-

mo recentiores) neminem fuisse, qui hoc testimonio usus fuerit. Nam præfationem Hieronymi, epistolis catholicis in antiquioribus bibliorum Latinorum editionibus præmissam, *ψευδentyγα* esse arbitrat. Nec *Johanni* episcopo *Oxonienfi* & *Amelorto* Patri Oratorii *Parisiensis* concedit, *Cecilium Cyprianum*, (qui longe ante exortam Arianam hæresin vixit,) in *de unitate ecclesie*, hunc locum allegasse. Quamvis enim dicat: *De Patre & Filio & Spiritu Sancto scriptum est: Et hi tres unum sunt*; respexissetamen hac allegatione non ad illa Apostoli de tribus testibus cœlestibus, quæ tantum in controversiam veniunt, sed ad sequentia de tribus testibus in terra, quos tres esse Trinitatis personas crediderit, uti ex *Facundo* (Africanæ itidem ecclesiæ Patre) liqueat. Sic enim ille libro I. *pro defenf. trium capit. c. 3.* *De Patre & Filio & Spiritu Sancto* dicit: *Tres sunt, qui testimonium dant in terra, spiritus, aqua & sanguis, & hi tres unum sunt; in spiritu significans patrem, in aqua Spiritum Sanctum, in sanguine vero filium significans.* Quod (addit *Facundus*) *Johannis Apostoli* testimonium *Beatus Cyprianus Carthagenfis* antistes & martyr in epistola sive libro, quem de Trinitate

* *Unitate* * *scripsit, de Patre & Filio & Spiritu Sancto dictum intelligit.* Nullus tamen veretur *Richardus Simon*, verbis illis ex *Johanne* expunctis, *Antitrinitariorum* opinioni aliquid accessurum emolumentum. Nam (inquit) *doctissimi* interpretum *Novi Testamenti* de Trinitate baudquaquam exponunt. *Veteres autem scriptores ecclesiastici*, qui ea huic mysterio applicarunt, suorum temporum morem sequuntur, quod certi sensus theologici, ad normam fidei in ecclesia recepta, *Scriptura* dari solebant. Sive igitur, (quod moderni *Græci & Latini* universi faciunt) huncce versum legas, sive legere nolis, dogma tamen ab *Antitrinitariis* impugnatum probabitur inde, quod *Patres a primis ecclesiæ seculis* testimonium *spiritus, aqua & sanguinis, Patri, Filio & Spiritui Sancto* applicarint, & personas Trinitatis unum esse per unitatem trium testium posteriorum comprobavint.

C. XIX,

Progreditur denique ad *Apocalypsin*, quam & canonicam & *Johanneam* statuit, ac, quæ *Epiphanius*, & ab *Eusebio* citatus *Dionysius Alexandrinus* hanc in rem dixere, fuscè satis repetit. Quæ restant ex hoc *Simonis* opere, Excerpta mense *Martio* cum benevolo Lectore communicabimus.



ACTA ERUDITORUM

publicata Lipsiæ

Calendis Martii Anni M DC LXXXIX.

*DAVIDIS PEIFERI LIPSIA, SEU ORIGINUM
Lipsiensium libri IV, cum quibusdam additamen-
tis; curante Adamo Rechenberg.*

Martisburgi & Lipsiæ, apud Reinhardum Wächtlerum, 1689, in 8.

Cum nulla fere urbs clara in Germania sit, cujus descriptio non sub Chronici aut Annalium nomine publicata proftet; dignum cive patriæ suæ amantiſſimo opus se facturum putavit Vir, dum viveret, summus & de Saxonia præclarissime meritus, *David Peiferus*, si Lipsiæ nostræ origines ac fata prospera & adversa accuratius, quam vulgo in chronicis fieri solet, posteritati traderet. Et magnam certe gratiam apud rerum peritos & historiz amantes hoc libro iniit; quippe qui illum passim descripserunt, aut ut tandem lucem aspiceret publicam, optarunt: inprimis cum prudenter & eleganter satis scriptus sit, ac multa, quæ ad historiam nostræ gentis faciunt illustrandam, contineat. Nam in *primo libro*, paullo altius historiz suæ telam exorsus, de antiquis Germaniæ populis, qui Hermundurorum terras olim infederunt, ubi Lipsiæ postea exstructa fuit, disserit: deinde qui Hermunduris successerunt, Soraborum sedes persequitur; ubi & ostendit, Hermunduros, inter Marcomannos & Cattos medios, non a Gothis, quorum originem ex Chersoneso Cimbrica accersit, ortum trahere. Postea ad Sorabos rediens, Lipsiam ab ipsis conditam fuisse probat. Inde Slavorum, Soraborum ac Venedorum res (quæ quidem haberi potuerunt) usque ad Carolum M. attingit; quem obstruendis Soraborum latrociniis, duo Albis & Sale fluminum ripis castella superimposuisse memorat, constituto Vitekindo juniore Sorabia præfecto.

Q

fecto.

fecto. Post extinctam Caroli M. stirpem masculam, Henrico Aucupe rerum in Germania potiente, Hunnorum a Sorabis & Slavis in Germaniam sollicitatorum, devastationem ac cladem describit, ludorumq; & prædiorum equestrium in Misnia originem ex Soraborum oppressione derivat. Qua occasione multa ad antiquum Lipsiæ statum pertinentia annotat. Inde ad *secundum librum*, quo *Lipsiam togatam* exhibet, progressus, urbis laudatæ statum civilem, jurisdictionem, magistratus, senatum, judicia, leges varias, mercatus, privilegia tum a Pontificibus R. olim & Imperatoribus, tum a Marchionibus Misniæ & Electoribus Saxoniz concessa distinctim refert. Quæ licet in Chronico Germanico Schneideri etiam transcripta compareant; a nostro tamen Autore, stylo terfo & puro descripta, jucundius in hoc libello leguntur. Horum epitomen Clar. Editor libris huic, ut ceteris etiam, memoriæ juvandæ causâ, præmisit. In *tertio libro*, qui *Lipsia religiosa* inscribitur, tum veterum Lipsiæ incolarum superstitio, tum Christianæ religionis per Ostlandiam opera Bonifacii propagatio, & quæ templa, monasteria & sacella Lipsiæ extructa sint, enarrantur. Hinc monachorum & sacrificulorum studium res suas amplificandi notat Autor, & Academiæ Lipsiensis originem, statum, jura, collegia atque leges recenset. Inde occasionem reformandi corruptum Ecclesiæ statum Martino Luthero a Tezelio præbitam, cum colloquio Lipsiæ ipsum inter & Eccium in arce Plissenburgica, postulante Duce Georgio, Instituto describit. Post Ducis memorati obitum, frater ejus Henricus, Luthero & aliis orthodoxis Theologis Lipsiam vocatis, Ecclesiam & Academiam ab idolomania Pontificia repurgare instituit. Quod institutum Mauritius heros fortissimus, & in Academiam inprimis munificus, deinde laudabili studio persecutus est; licet dissidia propter formulam *interim* juxta enata sint, quæ ab *Autore* etiam notantur. In *quarto libro Lipsiam armatam* sistit, hoc est, bella quibus Lipsia vel implicita vel petita fuit, graphice delineat. Inter quæ præcipue notari merentur prælium prope Luccam, quo Suevi profligati sunt; irruptio Hussitarum; & obsidio Lipsiensis, qua Joh. Fridericus Elector urbem hanc cinxit, in qua obsessorum virtus maxime eminuit. Sub finem Editor Panegyricum secularem, complectentem originem, incrementa & fortunam Academiæ Lipsiæ a *Johanne Friderico* Prof. Publ. o-

im

lin scriptam adjecit, & Peiferi vitam lectu sane dignissimam, ac a Peifero ipso compositam, cum carmine ad Erstenbergium JCrum ab illo scripto præmisit, additis sub calcem libri indicibus rerum & verborum necessariis.

EXERCITATIO THEOLOGICO - ECCLESIASTICA, in qua ecloga Eulogii apud Photium Cod. 226 de *ŏικονομία* Sacra potissimum ecclesiastica generibus illustratur, simulque de thronis & cathedris Pontificalibus uberius differitur. Auctore Elia Veielio SS.

Theol. D. Prof. & Superint. Ulmenſi.

Ulmae, apud Georgium Wilhelmum Kühn, A. 1688, in 4.

Inter Scriptores in *Photii* bibliotheca excerptos *Eulogius Alexandrinus*, qui seculo sexto labente claruit, aliquoties occurrit. Verum clarissimo Autori eam tantum eclogam seligere placuit, qua *Eulogius* varia *ŏικονομία* seu dispensationis ecclesiasticæ genera exponit. Legitur illa in myriobiblo seu bibliotheca Photii codice non 226, qui numerus ex Typographi errato in titulo hujus exercitationis expressus legitur, sed 227. Hanc eclogam illustraturus venerandus Ecclesiæ Ulmenſis Præsul, primum vocem τῆς *ŏικονομίας* explicat, & varias ejus significationes refert, ea inprimis tangens, quæ a *Suicero* in thesauro ecclesiastico prætermiſſa sunt. Deinde ad ipsam Eulogii eclogam accedit, & quantum ea a Latino interprete *Andrea Schotto* obscurata fuerit, ostendit, quod etiam ab *Henrico Valeſio* in notis ad Philostorgium jam pridem observatum monet. Origo obscuritatis inde potissimum nata, quod Vir alioqui doctissimus *ŏικονομία* vocem in hac pericopa aliquoties per incarnationem reddidit, cum hic Eulogius non de incarnatione, sed de potestate aliqua Ecclesiæ loquatur. Quod cum Valeſius jam olim *Francisco Florenti* non incelebri Jurisconsulto indicasset, id ille in suos Juris Canonici commentarios retulit, & præfationem integram de dispensationibus ecclesiasticis ex illo Eulogii loco concinnavit, Valeſio, a quo illud acceperat, ne nominato quidem; qua de re prædictæ ad Philostorgium notæ p. 142. videri poterunt.

Ex ista *Francisci Florentis* præfatione de dispensationibus ec-

clesiasticis haud pauca doctissimus Veelius excerpit, & inter alia
 observat, si monita Florentis, & quæ *Petrus de Marca* libr. 3. de con-
 cordia Sacerd. & Imp. c. 13, 14, & 15. de dispensationibus differit,
 ad historiam reformationis applicentur, manifesto constare, quod
 causa schismatis non ad Lutherum, sed ad Lutheri adversarios refer-
 ri debeat. Cum vero Florens eam tantum dispensationis ecclesia-
 sticæ speciem explicandam sibi sumat, quæ *περὶ τῶ ἐκκλησιᾶς* seu circa
 mores, ritus, & disciplinam ecclesiasticam versatur, qualem Eulo-
 gius a Paulo Timotheum circumcidente, & seipsum juxta ritus Ju-
 daicos purificante, ad lucrandos Judæos usurpatam affirmat, cele-
 berrimo exercitationis hujus Autori etiam ad reliquas indulgentiæ
 ecclesiasticæ species Eulogii ductu progredi libuit. Et altera qui-
 dem œconomix seu dispensationis species *περὶ τῶς λέξεως*, seu circa
 varium & liberum de dogmatibus & rebus fidei loquendi modum oc-
 cupatur, cujusmodi œconomiam Athanasii & Gregorii Nazianzeni
 exemplo Eulogius illustrat, quorum ille orientales & occidentales
 de voce hypostaseos litigantes, post exploratum utriusque partis in
 ipso dogmate consensum, mutua diversarum loquendi formularum
 tolerantia conciliavit; hic vero cum Macedonianis agens, in verbis
 se facilem futurum asserit, modo in re ipsa secum consentire, & Spi-
 ritus Sancti potentiam & Divinitatem agnoscere non recuset.
 Athanasio & Nazianzeno ab Eulogio memoratis Veelius Basilium
 M. addit, qui non modo Pneumatomachos mitiores, Spiritum San-
 ctum creaturam esse negantes, in communionem recipi permisit,
 verum etiam cum hæreticos ipsum, quam primum aperte Spiritum
 Sanctum Deum profiteretur, urbe expulsuros, & Pastore sublato to-
 tum gregem in vasuros animadverteret, aliquantisper a formula
 ista abstinuit, re ipsa interim retenta & alijs verbis explicata,
 ut publicæ utilitatis causa hac œconomia hostium insidias decli-
 naret. Ubitamen etiam observat, alias Basilium aliosque Eccle-
 siæ Doctores a tali œconomia, si in veritatis detrimentum cessu-
 ram animadverterent, abhorruisse, & vocum hæreticis invasa-
 rum retinentissimos fuisse. Tertia œconomix species juxta Eu-
 logium *τὰ πρόσωπα* seu personas respicit, & locum habet, cum
 illi, qui ab aliquibus Doctoribus & ecclesiis excommunicati sunt,
 ab alijs recipiuntur & in communionem admittuntur, fidei unitate
 & concordia utrinque integra manente. Exempli loco ponit Cy-
 rillum

rillum, qui Theodori Mopsvesteni communione non abstinerit, & Theophilum cum Gelasio communicantem, etsi hic Eusebii Palæstini nomen in suis tabulis scripsum retineret. Quis vero ille Theophilus, quis Gelasius, cujus Eulogius h. l. meminit, Romanusne Pontifex, an alius, sibi non constare Vir doctissimus fatetur, grato accepturus animo, si quis ipsum hoc docuerit. Tribus his œconomiz speciebus ab Eulogio explicatis Franciscus Florens quartam superaddit, eam nimirum, quæ τὰ ἐπίτμια seu criminum commissorum & canonicarum poenarum relaxationem versatur. Verum cum ea ab Eulogio prætermissa fuerit, Autor etiam noster lectores suos ad Petrum de Marca ablegare, quam quicquam de ea commentari maluit.

Potius de thronis episcopalibus agendum sibi duxit, cum Eulogius potestatem dispensationum ecclesiasticarum imprimis penes eos, qui thronis episcopalibus insident, sitam asserat. Hac igitur occasione de thronis sive cathedris Apostolorum, Patriarcharum, Episcoporum, Presbyterorum, & Doctorum breviter disserit, & postea ad Petri cathedram accedit. Imprimis vero *Francisci Maria Phabei* tractatum de identitate cathedræ, in qua S. Petrus Romæ primum sedit, A. 1666. Romæ editum, ad examen vocat, eamque dissertationem nugis potius, quam solidis argumentis referendam esse probat, cum ea, quæ de cathedræ Petrinæ origine, materia, forma, ornamentis & miraculis, deque prærogativis, quas Romana Petri cathedra præ Antiochena tenet, nec non de solennitate in Petrinæ cathedræ memoriam instituta tradit, neque inter se cohæreant, neque cum iis, quæ *Chimenzellus* in dissertatione de honore Basilii circa Perrinam cathedram observavit.

Post examen hoc absolutum, *Pamelio* in notis ad Tertullianum de Novatoribus auctoritatem cathedræ Romæ aspernantibus querenti respondet, omnino veritatis cathedram ob malos unius ac alterius Doctoris in ea sedentis mores haud deserendam esse, secus tamen agendum, si ipsi veritati vis inferatur, quod Apostolorum exemplo, cathedram Phariseorum tanquam adulteram dimittentium confirmat. Addit majores nostros a Petri fide & ecclesia catholica minime descivisse, & πρὸς τὴν Pontifici Romano per antiquos canones concessam libenter agnituros fuisse, si cætera paria fuissent.

fuiſſent. Dolet præterea, Romanenſium culpa non modo orientales eccleſias ab occidentalibus avulſas, verum ipſam etiam occidentalium eccleſiarum compagem adeo ſolutam fuiſſe, ut omnia remedia ſanando vulnere ſchiſmatis adhibita, membris ægris medicinam reſpuentibus, fruſtranea fuerint. Caſſandrum & alios pacis conciliatores dum enumerat, *Matthæi* quoque *Prætorii* meminit, qui paucis abhinc annis tubam pacis ad diſſidentes in occidente eccleſias emiſit. Hunc Autorem in tractatu de reunionẽ Proteſtantium Argentinz impreſſo, perperam tanquam Lutheranum produci notat, cum ob vitam minus honeſte tranſactam loco motus a Lutheranis ad Pontificios tranſierit, quod ſe ab amicis hujus rei gnaris accepiſſe ſcribit. Miſſo igitur hoc tubicine, *Georgium Principem Anhaltinum*, & modum conciliationis ab ipſo præſcriptum commendat, de quo argumento ſe in alio opere ex ſcriptis Sanctiſſimi Principis deprompto, & propediem in lucem emittendo egiſſe indicat. Cæterum an tollendi ſchiſmatis adhuc ſpes aliqua ſuperſit, vehementer dubitat; interim calculo ſuo approbat, quæ illuſtris Dn. *Seckendorffius* in Præloquio ad hiftoriam Lutheranifmi commentatus eſt.

Ultima hujus diſſertationis ſectio eruditorum plagia concernit. Cum enim jam ſupra Franciſcum Florentem a Valeſio plagii cujuſdam argui notafſet, nunc coronidis loco alia quædam ejusmodi plagiorum exempla adjungere voluit. Obſervat ergo ex Doriſcheo, *Schoſtum* omnia *Zebneri* ſummo ejus ſilentio compilaſſe. Ex eodem *Zebnero* multa mutuatum *Delrionem*, jam pridem a Geiero obſervatum monet. Addit *Petavium* a Decano quodam Aurelianenſi nec non ab *Huetio* plagii poſtulari, & *Balthaſarem Corderium* ſuum in Jobum commentarium ipſiſſimis *Calvini* verbis, nulla ejus mentione facta, exornafſe. Imprimis verò etiam *Maimburgium* hujus artis peritum fuiſſe, *Eugenii Lombardi* verbis aſſerit.

Quod ſuper eſt, optamus, ut Vir maxime Reverendus commentationes ſuas in Damafcenii libros de orthodoxa fide, quos ope duorum Mſc. codicum, ex Auguſtana bibliotheca conceſſorum, innumeris in locis emendavit, quamprimum edat, quarum ſpecimen hac ipſa diſſertatione præmiſſere voluit.

VIAG-

MENSIS MARTII A. M DC LXXXIX. 127
 VIAGGIO DI LEVANTE, DATO IN LUCE
 dal Sign. Abbate Michaelè Benvenga.

id est:

Iter in Orientem, editum a Michaelè Benvenga.

Bononiæ, apud Jac. Monti, 1688, in 12.

I Tineris, quod *Petrus Ciurani*, a Ser. Rep. Veneta ad Aulam Tur-
 Licam ablegatus, Constantinopolin versus suscepit, seriem stylo
 tropis & allusionibus referto descriptam libellus hic exhibet. Cur
 Legatus Venetus singulari, præ aliis Christianorum Principum Mi-
 nistris, axiomate, *Bailo* scilicet insigniatur, ratio affertur, quod vo-
 cabulum hoc, quod *Gubernatorem* denotat, in memoriam veteris ju-
 risdictionis & dominii, quo Veneti olim ibidem gavisi fuerint, non
 sine omine hucusque retineatur. In insulæ *Corsû* angulo *Casopo*
 miraculosæ B. Virginis imagini tribuitur, quod moneta ipsi applica-
 ta, si adhæreat, felicem, si decidat, sinistram negotiorum succes-
 sum, item absentium, quorum saluti quis timet, vel vitam vel mor-
 tem præfagiat. Montis *Athonis* (quasi alti) hodie *Monte santo* dicti
 incolæ Eremitas a *S. Basilio* nomen habentes, sexum foemineum ad-
 eo abhorrere, ut nullius animalis, nec columbarum quidem, foemellas
 inter se versari patiantur. Quæ rudera *Trojanorum*, nec non
 ipsius *Constantinopolis* facies A. 1680. extiterit; qua pompa *Bailo* in-
 troduçtus, quam contemptim contra Legatus Moscoviticus a *Ve-*
zirio habitus, literisque credentialibus, quarum titulum perfidus
 interpres se inspecturum simulaverat, surreptis, aditu ad Sultanium
 prohibitus fuerit; Turcarum itidem mores, & Sultani genium; Mu-
 hammedis, qui per mortem equo pallido insidentem in Apocalypsi
 præfigeretur, prodigia sarcastice explicata; 19. denique Religio-
 nis Turcicæ sectas, & id genus alia, qui his talibus delectatur,
 fusiùs ibi recensita reperire poterit.

pag. 27.

45

67.

LES OEUVRES POSTHUMES DE MR.
Claude. Tome IV. i. e.

Operum posthumorum Dn. Claudii Tomus IV.

Amstelod. apud P. Savouret, 1688 in 8.

Qui

- Qui prioribus, in Actis A. 1688 p. 582. & Anni præsentis p. 17. seqq. recensitis, nunc accensendus occurrit *Operum Claudii* Tomus IV. *septem* Tractatibus, I. de Peccato in Spiritum Sanctum. II. de Justificatione. III. de Lapsu Angelorum. IV. in tria priora Capp. Ep. ad Rom. & quidem usque ad v. 24. saltem Cap. 3. V. de Electione & Reprobatione. VI. de Statu Innocentiæ primi hominis. VII. de Lapsu primorum Parentum, ejusque pœnis, qui una cum III, V & VI Latine conscriptus est, absolvitur. Circa *Peccatum in Spiritum Sanctum* 1. de natura fidei temporariæ, 2. de natura ipsius peccati in Spiritum Sanctum, 3. de hujus consequentibus agitur. In *prima* Sectione *differentia* inter vere fideles, & temporarios, circa apprehensionem verbi Evangelici, triplicis officii Christi, conditionum salutis obtinendæ appositarum, & bonorum Evangelicorum; *effectus* porro fidei temporariæ, & quam longe a veræ fidei effectibus abeant, discutiuntur. In sensu fidei temporariæ, cum hæc ad communionem cum Christo producendam non sufficiat, morientium salutem desperatam esse, nisi bonitate Dei ad veram fidem eleventur, quod ipsum, cum ab Electionis Divinæ decreto dependeat, cognitionem & curiositatem nostram transgrediatur. Ex Parabola Matth. 13, 5. & Ep. ad Ebr. 6. & 10. diversis fidei temporariæ characteribus subjectis, in *secunda* sectione, primum de peccatis, quæ cum communionē Dei compatibilia vel incompatibilia, actus item simplicis vel habitus, dispicitur. Conceditur, etiam in pium hominem omnium actuum pietatis suspensionem, & generalem virtutum neglectum cadere posse, sed ob incorruptibile regenerationis semen brevissimæ durationis esse. Secretum quippe timoris divini sensum in intimo cordis recessu remanere, haud secus ac in deliquium animi patiente levis palpitatio cordis & calor vitalis observatur. Hinc cum David Deum invocet. ne Spiritum Sanctitatis a se auferat, satis elucescere, illum non plane eundem amisisse. Sic, qui religione mutata per plures annos, cum animi tamen anxietate, in defectu persistunt, licet nunquam vere regeniti dici possint, a levioribus tamen gratiæ in corde conservatæ impressionibus, ut ad veram religionem regrediantur, stimulari, easque, juxta Es. 42, 3. ad operandam salutem eorum a Deo adhiberi. Peccatum ipsum in Spiritum Sanctum non esse 1. impietatem eorum,

eorum, qui gratiam Dei nunquam senferunt. 2. nec incredulitatem, qualis Judæorum & Paganorum fit. 3. nec falsum cultum. 4. nec hæresin. 5. nec peccata contra legem moralem commissa. 6. nec peccandi habitum. 7. nec finalem impœnitentiam; sed in *defectione a Christo ejusq; communione cum consensu deliberato* consistere, ejusque characterem esse rejectionem Christi finalem, explicitam, immediatam, totalem, ex corde, non præcipitatam sed deliberatam, contra lumen cognitionis, quod Christus unicus Salvator mundi fit, & postquam hic aliquo modo receptus fuerat. Et hoc peccatum pag. 55. possibile & frequens satis esse, cum maxima pars Christianorum Christum & Evangelium non recipiat, quam quatenus cum mundo consistere possit. Quod si persecutione ingruente, in persuasionem suam se deceptos sentiant, ac Christum & mundum simul retinere non possint, ipsis non insolens esse, ut post internos conflictus Christum, qui summum bonum suum perdendi causa existat, cum indignatione rejiciant. Recensentur deinde variaz exque ordinariæ circumstantiæ, quæ lapsum eorum præcedere, comitari & sequi soleant, citatis locis Scripturæ, ubi de natura hujus peccati agatur: imprimis Ebr. 3. & 4. pro typo ejus allegari seditionem, qua Israelitæ in deserto contra Moysen insurrexerint. *Tertia Sectio Confessaria* sistit, quæ sunt I. non dari regressum ad pœnitentiam. Ebr. VI, 4. 5. 6. Spiritum Sanctum enim, quia operationem suam turbari ac repelli videat, ejusmodi hominē, ceu materiam impressione gratiæ suæ indignam, relinquere, eoq; nihil amplius suppetere, unde pœnitentia progeminare possit; eodem modo, quo natura embryonem formans, si interruptione quadam turbetur, cum penitus deferat. II. non remitti. III. extraordinaria illud manere supplicia. Eb. 10, 26. 29. Marc. 3, 29. 2. Pet. 2, 20. 21. IV. non esse rogandum pro illo, 1. Joh. 5. 16. Coronidis loco, quomodo verba Ebr. 10, 29. *ὁ ἀντιπαρόν*, vel ad Filium Dei, vel ad Pœdus, vel ad peccatorem in Spiritum Sanctum referri possint, ostenditur.

Tractatio materiæ de *Justificatione* quinque partibus includitur, quarum I. agit de *Dispositionibus*, quarum aliæ Deum respiciunt, ut 1. conservatio mundi, non obstante peccato primi hominis. 2. consilium mittendi filium. 3. consilium aliquos ad actualementem reconciliationem adducendi, largiendo fidem & alias qualitates ad

R

salutem

57.

58.

65.

71.

II.

76.

- salutem necessarias; aliæ *Hominem* attinent. Quæ iterum sunt vel 1. *remota*, ex generali Providentiæ œconomia oriundæ, e.g. esse Deum, cumque magnum, bonum, sapientem, sanctum, justum; homines religioni debere esse addictos; inter bonum & malum, virtutem & vitium realem differentiam esse; homines ad reddendam actionum suarum rationem teneri &c. vel 2. *propinqua* ex œconomia Legali, Israelitis propriæ; ubi jam enumeratis dispositionibus remotis promissio Messia, oracula, figuræ, promissiones vocationis gentilium, & extensio fœderis Dei addenda; vel 3. *proxima* ex œconomia Evangelica emergentes, magis nempe vivide in Evangelio, quam in Lege propositæ. Unde etiam plures
- pag. 87. motus ad Christum vera fide amplectendum resultant. Examinatur Quæstio: an Deus dispositionibus sub œconomia *providentiæ* contentus fuerit, licet ipsam justificationem non addiderit? & doctrina Pontificiorum quorundam de salute Philosophorum aliquorum gentilium affirmativæ superstructa refellitur, addito de *virtutibus* gentilium iudicio, an & quatenus Deo gratæ fuerint? II. agit de *Justificatione* in se considerata. Ubi iterum 1. terminus justificationis explicatur, & acceptione ejus in sensu *judiciali* solide adstructa, quam male Pontificii sensum *Philosophicum de justitia inherente* tueantur, & quod cum isto plane consistere nequeat, dilucide demonstratur, simulque ad loca I. Cor. 6. Tit. 3, 5. 6. 7. Apoc. 22, 11. quibus Adversarii assertionem suam corroborant, respondetur. Controversiam porro inter nos & Pontificios circa Justificationem tantopere hæcenus agitatam, non verbalem, sed realem, & intuitu salutis & ædificationis, maximi momenti esse, ex Disputationibus Lutheri sub initium Reformationis obortis, & ideam Ecclesiæ Romanæ illi, quam nos ex Scriptura formamus, directe oppositam esse, 17. rationibus evincitur. Sequitur 2. ipsa Justificationis *Natura*, quæ X. considerationibus Definitionem istius ingredientibus explicanda proponitur. 1. esse actum judicium. 2. esse actum Dei, & quidem 3. ut supremi magistratus; ubi Adversarii, pastores Ecclesiæ, ceu iudices subalternos hic concurrere statuentes refutantur. 4. esse actum misericordiæ; ubi an & quatenus creatura peccatrix ejus objectum sit, disquiritur. 5. actus hujus posterioris duas esse partes, remissionem peccatorum, & jus ad vitam æternam; ubi diversæ utriusque expressiones Scripturæ familiares enucleantur. 6. remissionem

nem peccatorum satisfactione Christi; 7. jus vero ad vitam æternam merito ejus niti. 8. tam satisfactionem, quam meritum per fidem nobis imputari seu applicari. 9. necesse esse, ut Deus pœnitentiam in nobis inveniat. 10. Deum sanctitatem & perseverantiam posterum a nobis exigere. Sed quod posteriorum nonnullarum Considerationum, ut & reliquarum, quas Tractatus frontispicium præmittit, partium, utpote III. de conditionibus, quas Deus in homine justificando necessario præsupponat, & æqualiter invenire debeat; IV. de conditionibus, quas Deus homini in justificatione imponat posthac observandas; V. de veræ justificationis effectibus, consequentibus, proprietatibus & characteribus, ulterior elaboratio hic desideretur, morti clarissimo Autori calamum excurienti, aut impedimentis aliis tribuendum opinamur.

In Tractatu de *Lapsu Angelorum*, quid Ægyptii, Græci, Latini & Hæretici nonnulli de principio *Boni & Mali* statuerint, præmittitur; item quomodo Græci quidam Patres, Origene duce, liberum arbitrium, τὸ αὐτεξέσιον, seu τὸ ἐφ' ἑαυτῶν, pro prima in unoquoque peccati causa, de peccato originali alias parum solliciti vendiderint; quomodo igitur Pelagius opinionis suæ de libero arbitrio primus Auctor perperam a quibusdam habeatur, Jesuitæ vero Pelagianismum aut saltem Semi-Pelagianismum cum Socinianis & Armianis a mortuis resuscitaverint. Scripturæ conformius esse, ut corruptio nativa pro peccati, pro corruptionis hujus origine corruptio primorum parentum habeatur; hæc porro lapsus eorum, lapsus vero tentationi diaboli tribuatur. Hunc creaturam rectam & innocentem fuisse, & non ex voluntate (quam indifferentiæ ad utrumlibet libertatē in se non habere, decem argumentis Autor probare nititur) & libero arbitrio peccasse, nisi præcunte aliquo intellectus errore, cujus causa festinatum de objecto judicium, non perspectis omnibus ad ultimum judicium faciendum necessariis; objectum vero (secundum verisimilem Autoris libri Sapientiæ conjecturam, quod diabolus invidia adversus hominem commotus fuerit) dominium in ceteras creaturas homini, non Angelo, creaturæ licet quoad essentialia homine excellentiori, collatum extiterit. Atque hinc fieri potuisse, ut, cum talis œconomia divina angelico intellectui, abstracte a summa Dei auctoritate & libertate, sub idea violatæ justitiæ harmo-

III.

pag. 193.

196.

198.

210.

pag. 213. nicæ obversaretur, in errorem lapsus Angelus pravum de hoc opere Dei iudicium tulerit, nataque inde invidia ceciderit, multisque aliis rebellionis in Deum dux & autor evaserit. Ut vero tale de Dei oeconomia iudicium ferret, ex incogitantia, per quam, utpote a creatura finita non alienam, jus Dei *avvaxubuvov* animo non obversabatur, & agendi velocitate contigisse.

IV.

219.

296. 415.

393.

Commentarium in *Ep. ad Rom.* (quam anno post Chr. n. 57. scriptam, utraq; ad *Corinthios*, priori ad *Timotheum*, & utraque ad *Thessalonicenses* posteriorem; ob materialium vero dignitatem, & coelestem plane eas tractandi modum, adeoque expressionem eorum, quæ in Paradisum raptus Apostolus viderit, reliquis Paulinis Epistolis præpositam esse innuit,) ita adornare coepit, ut singulos *terminos & sensum* (quorum utriusque perpetuus in Scriptura corruptor *Grotius* ipsi audit) illustrare sibi Auctor proposuerit. Nec, præter usum passim interspersum, quæ circa versionem tam vulgatam quam vernaculam, & aliorum Interpretum explicationes monere visum fuit, omissa reperies. Ita, ut unum saltem e multis allegemus, c. 3. 4. verborum *ὁ τῷ κρηνοῦ σὲ*, significationem activam idiomati Ebraico, ut & sensui Davidis Ps. 51. 6. & Pauli convenientiorem esse, contra dictas Versiones contendit. Primæ itaque, quæ hic ductæ apparent, lineæ maximam partem ita legentibus se commendant, ut totius operis, si per fata ad umbilicum id deducere Auctori licuisset, desiderium merito relinquunt.

V.

433.

488.

Expositionis materiæ de *El. Etione & Reprobatione*, 13. Propositionibus & aliquot Corollariis comprehensæ, summa eo tendit, ut utramque non ad prævisiones futuræ fidei, sed ad liberrimam Dei, qui in *illa* ut Oeconomus, in *hac* ut Iudex agat, voluntatem referendam esse, statuatur. Decreta vero æterna, quorum unicuiq; annexenda est executio ejus, quæ sit in tempore, hoc ordine se invicem ex Auctoris sententia excipiunt. I. Decretum de creando mundo, & actualis creatio. II. Decretum de non impediendo lapsu primi hominis, & actualis primi hominis lapsus. III. Decretum de mittendo Filio in mundum, & actualis adventus Christi. IV. Decretum de vocandis omnibus hominibus ad fidem & poenitentiam, & per fidem & poenitentiam ad salutem, cum actuali hujusmodi vocatione. V. Decretum Electionis quorundam hominum ad fidem & conversionem

tionem per Spiritum Sanctum, una cum derelictione ceterorum; & æqualis Spiritus Sancti convertentis communicatio Electis facta, una cum denegatione ejusdem gratiæ ceteris. Tandem destinatio Reproborum ad mortem æternam, propter impœnitentiam, & finalis & æqualis eorum damnatio.

Dissertatio de *Statu innocentia* primi hominis sex quæstionibus definitur. I. In quibus imago Dei *physica, moralis, & politica* sita fuerit? II. An iustitia ejus fuerit naturalis an supernaturalis? Hanc quæstionem ab *Amyraldo* de Tribus fœderibus, & *Placeo* de Scripto Adæ ante lapsum, item de Libero Arbitrio, fuisse tractatam esse. III. An iustitia Adæ mutabilis fuerit nec ne? IV. Quo sensu beatus & immortalis fuerit? Fuit nempe *immortalis*, i.e. a necessitate moriendi solutus. *Beatitudo* fuit naturalis, terrestris, & animalis. Deum post aliquot secula hominem in cælum evecturum fuisse, neq; ex Scriptura, neq; ex recta ratione potest evinci. V. Quomodo Deus Adæ officium suum patefecerit externa aliqua declaratione? Nimirum per opera universi, per ipsam hominis naturam, dotes concessas, colloquia familiaria. Insuper Deum fœderi suo cum homine duo *Sacramenta*, nimirum *Arborem vite*, & *Arborem Scientia Boni & Mali* addidisse; in *priori* studium omnis virtutis ejusque remunerationem; in *posteriori* omne peccatum, a quo abstinendum erat, symbolice comprehensum fuisse. Adamum, non cum infusa omnium rerum scientia, sed in statu recto creatum, successu temporis facultatum aptitudinem ad objecta applicaturum fuisse. VI. Quis & qualis concursus divinus ad actiones Adami fuerit? Nimirum *physicus*, non *moralis*.

Circa *Lapsum primorum Parentum* expenditur 1. qua via, quibusve artibus Diabolus usus fuerit? 2. quamnam lapsus initia, progressus & gradus? 3. quid egerit Divina providentia circa hunc lapsum? Unicum, nempe peccati primorum Parentû auctorem Satanam fuisse, non vero Deum, qui & peccatum vetuerat, & pœnam interminatus fuerat. 4. an lapsus fuerit possibilis, contingens aut necessarius? 5. an adeo grave peccatum fuerit, ut maximas, quæ inde secutæ, pœnas peccando sibi meruerint? *Pœna* scilicet peccati fuit mors temporaria & æterna. *Temporariam* non naturalem, sed peccati sequelam, contra *Socinianos*: æternam in cruciatibus æternis, &

R 3

non

VI.

pag. 494.

497.

500.

503.

VII.

509.

522.

528.

non in extinctione *et* *et*, i. e. in annihilatione seu in privatione illius esse, quod Deus ab initio homini concesserat, consistere, contra eosdem, & *Arminianos* quosdam, ex Scriptura defenditur.

ELIÆ AUGUSTI STRYCKII DISQUISITIO
Forensis de Efficacia Renunciationis Fori hodierna,
ad l. 29. C. d. Pact. contra communem Practicorum Ger-
manorum & Italarum opinionem defensa.

Francofurti ad Viadrum, apud Jerem. Schrey & Henr. Joh.
 Meierum, A. 1688 in 4.

Virtutem hodiernæ renunciationis Fori ostensurus Auctor, hoc ordine incedit. Ab initio facti speciem, qua invitatus in effectum modernæ fori renunciationis inquisivit, recenset; deinde tractationem suam in tria membra dispescit, quorum primum licitam illicitamve fori renunciationem de Jure communi, secundum Germanorum Jctorum opiniones de illicita fori renunciatione hodierna, tertium autem veram de eadem renunciatione sententiam commemorat, eamque defendit. Facti species hæc fuit: Mercator quidam Hamburgensis, institutis cum ejusdem civitatis mercatore parationibus, in summa 1800 thalerorum illius debitor inventus est: placuit ire in creditum, ea lege, ut summa hæc proximis nundinis Lipsiensibus solveretur, & si soluta non esset, debitor coram quovis judice semet sisteret, nulliusque jurisdictione declinaret, adjecta speciali renunciatione fori Hamburgensis. Cum debitor promissis non stetisset, creditore petente, adversus ipsum, Francofurti deprehensum, arrestum quoad personam & bona illic inventa decretum est. Unde quæsitum, utrum causa hæc in judicio Francofurtano peragenda, an vero ad forum Hamburgense remittenda esset. Casu hoc præmissis ad membrum primum accedit, ibique docet, secundum jus Romanum licitam esse renunciationem fori, etiam per privilegium concessi, *l. 29. C. de Pact.* sive renunciatio expresse sive tacite facta sit. Postea Jus Canonicum cum Civili convenire ostendit, & *c. 12. X. d. for. comp.* quod Clericorum renunciationem fori; etiam vinculo jurisjurandi corroboratam, improbat, suis

suis rationibus a quietate dispositionis Jctorum scholæ nondum
 persuasisse monet. In membro II. usitatissimam esse in obligatio-
 nibus hodie fori renunciationem, sed ex vulgari Dd. sententia ina-
 nem, fatetur; quod postremum ut confirmet, primum originem in
 dubium vocatæ fori renunciationis efficaciam ab *Andrea Gailio* re-
 petit; deinde triplicem præcipue sententiam Dd. Germanorum
 affert. Prima, communi fere consensu recepta, prorogationem
 jurisdictionis non admittit, Magistratui jus subditos suos mandatis
 pœnalibus cum causa ad se retrahendi tribuit, & si Judex requisitio-
 ni locum relinquere nolit, facultatem appellandi ad Cameram lar-
 gitur. Hæc præsidium petit partim a rationibus, partim ab exem-
 plis. Rationes Jurisdictionis ac Magistratuum Romanorum diver-
 sam a moribus nostris conditionem indicant, (cum hodie fere o-
 mnis jurisdictio sit Patrimonialis, omnesque judices jus capiendi
 sportulas habeant, secus ac jure Romano) & Jurisdictionem, tam in
 favorem Magistratus, quam subditorum concessam, sola subdito-
 rum renunciatione extinguere non posse recentent. Exempla cle-
 ricorum, studiosorum, militum, vasallorum subjiciuntur, nec o-
 mittitur Statutarii juris & privilegii de non evocando allegatio,
 quo Hamburgi, Lubecæ &c. jurisdictionis renunciatio & fori proro-
 gatio specialiter prohibita est. Secunda sententia *Bachovii* est, qui
 in comment. ad ff. t. d. Jurisdic. cap. de prorogat. jurisdic. n. 2. in-
 ter Magistratus diversos, qui eidem superiori subsunt, & inter Ma-
 gistratus, qui simul sunt Domini Terrarum, ut nostri Principes, di-
 stinguunt, & respectu illorum concedit, respectu horum denegat
 hodie jus prorogandi jurisdictionem, eo quod Princeps, qui fons
 est jurisdictionis, ex quo omnes Magistratus jus suum hauriunt, hanc
 prorogationem permisisse videatur. Tertia *Mynfingeri* imprimis
 est, Cent. 1. Obs. 88. proposita, eaque renunciationem fori genera-
 lem non sufficere, sed specialem requiri alstruitur, qua suo foro re-
 nuncians in forum certum consentiat, quandoquidem generalis
 renunciatio fori jus experiundi solum in foro competente, non in
 quolibet incompetente, tribuat. Membrum tertium statum con-
 troversie format, decidit, & dissentientium argumenta resolvit.
 Status controversie hic est: an non in certis casibus pacto effici
 possit, ut quis coram alterius foro conveniri, & ibi, volente credi-
 tore,

tore, ad solutionem compelli possit? Hunc decidit affirmative, siquidem ea sententia fundamentum inveniatur in *l. 29. C. d. pass.* cui tanquam Juri Justiniano recepto standum sit, donec doceatur mutatio. Addit, quod fori nostri usus jurisdictionis prorogationem non damnet, reconventionem vero & competentiam fori in loco contractus, vel destinatae solutionis ratione absentis quoque, si contrahens in absentiae eventum se specialiter ad illud forum obstrinxerit, frequenter. Tandem curam adhibet, ut dissentientibus, in membro secundo relatis, satisfaciatur; unde Primam sententiam, quae Jurisdictionis prorogationem & fori renunciationem ex usu hodierno improbat, ex eo convellit, quod neque rationes neque exempla eidem defendendae sufficiant, eaque opinio persuasione exterorum Jurisconsultorum, ut Italorum & Hispanorum in Germaniam traducta esse videatur. Non omnis enim, ait, jurisdictio moribus est Patrimonialis, sed quaedam personalis jure Magistratus competens, & ea, quae Patrimonialis est, exiguum hinc sentit detrimentum, quia persona renuncians se jurisdictioni Judicis non omnino subducit, sed tantum in causa certa alieni judicis sententiae stare promittit; & si Patrimonialis Jurisdictio plenissimum advocandi jus concederet, in criminalibus quoque, contra quotidianam Germaniae Praxin, remissiones delinquentium virtute juris advocandi necessitatis essent. Jus percipiendi sportulas cum Jurisdictione ipsa non essentialiter hodiernum cohaeret, ob facilem fructuum a proprietate separationem; ubi vero cum Jurisdictione conjunctum est, advocandi jus speciale non largitur, seu denegata in criminalibus causis advocandi potestas, & jus adeundi alienum judicem in actibus voluntariae jurisdictionis, docet. In favorem Magistratus & subditorum tum demum dici concessam Jurisdictionem subjicit, quando speciale privilegium Jurisdictionem habentem ejusque subditos a certo judicio exemit, qualis exemptio non paucis a judicio Rotviliensi contigit. Rationibus perperis ad exempla se convertit. Clericorum renunciationem fieri in causa profana permittit, studiosisque eandem potestatem jure communi concedit; in militibus vero, propter strictissimam eorum disciplinam, in Vassallis, propter juramentum fidelitatis & praedictum Domini, exceptioni locum relinquit, idemque in Statutis & Privilegiis de nova evocando asserit, cum

rit, cum ea hanc limitationem accipiant ex Jure Communi Justiniano, nisi quis per obligationem omni foro se subjecerit. Secundam sententiam Bachovii & alleclarum, inter Magistratus ejusdem & diversi Principis distinguendum, ex eo fundamento rejicit, quod & ii, qui ab eodem Principe Jurisdictionem sunt consecuti, eam ut patrimoniam non raro possideant, modusque habendi nullam diversitatem constituat inter eos, qui jure Magistratus & jure Patrimonii jurisdictionem nacti sunt, cum utrique pari in subditos potestate utantur. Tertiam Mynsingeri opinionem, qui renunciationem fori specialem requirit, quia non sufficere putatur renuntiatio generalis, nisi specialis præcesserit; eam, inquam, & fundamento non satis solido inniti, & si eidem innitatur, de renunciatione in genere generalissimo, non subalterno vel determinato, ut hoc loco, ad forum, intelligendam esse arbitratur. Sub finem igitur Auctor in Statu Controversiæ ab initio commemorato, Magistratum Francofurtanum judicem competentem fuisse, causamque penitus composuisse, Senatorem Hamburgensem vero ipsam avocationem urgere desuisse recenset.

EXERCITATIONES DE VATICINIIS SIBYLLINIS pluribusque, quotquot Christi natalem præcessisse leguntur, ad libellum bis editum Viri Clariss. Isaaci Vossii conscriptæ ab M. Johanne Reiskio. Accessit de nummis duobus Sibyllinis dissertatio.

Lipsiæ, apud Frid. Lüdervvald, A. 1688 in 8.

Ingentes inter eruditos dividia fuerunt de Sibyllinis, aliisque oraculis, quæ Christi natalem præcessere. Communis Casauboni, Blondelli, Vossii patris, Gallæi, recentissimi scriptoris, (cujus de Sibyllis earumque oraculis dissertationes in Actis hujusce anni Januarii p. 15. & seqq. sed strictim, & per summa tantum capita recensuimus) plurimumque aliorum opinio est, ea supposititia esse, & non nisi a Christianis conficta. Sed id opinionis dilutum ivit *Isaacus Vossius*, magni parentis non minor filius, libroque de Sibyllinis oraculis bis edito ostendere id allaboravit, Sibyllina a Christianis non potuisse fingi.

S

Est

Est autem nova hæc ejus sententia, oracula illa non potuisse ab aliis, quam a Judæis vulgari, & hos quidem sub nomine fatidicarum mulierum, quarum apud gentes nunquam non magna fuerit autoritas, in lucem edidisse ea, quæ ex Prophetarum suorum oraculis depromississent; idque tum factum esse cum maxime, cum Hierosolyma occuparet Pompejus, LIX videlicet ante Christum natum annis, completaque exakte LXII, nisi calculus fallat, Danielis hebdomade. Quæ Isaacii Vossii sententia uti non firmis satis hypothesebus inniti vili est, ita tum a Johanne Marckio, Theol. D. & Professore Groningensium clarissimo, qui disputationes de carminibus Sibyllinis Academicas XII ante quinquennium divulgavit, tum a Theologo anonymo Parisiensi, quem Simonium ex ordine Congregationis Oratoriarum Parisinum Theologum non falso suspicati sumus, in Castigationibus ad opusculum de Sibyllinis oraculis, fuit infestata. His tertium se jam jungit Clariss. Reiskius, quanquam aliis, atque illi, armis, addo & alio modo contra Vossium depugnans. Agit autem, ut in rem veniamus, contra illum primum *ἐλεγκτικῶς*, ostendens quippe, quibus argumentis refelli ac labefactari queat hæc nova Vossii sententia; deinde *ἀνασκευαστικῶς*, vel ad contrarias ejus rationes respondendo; & denique *κατασκευαστικῶς*, vel demonstrando, quis carminum Sibyllinorum sit autor, & quo ea in pretio sint habenda. Inter *ἐλεγκτικὰ* argumenta primum est nimia Oraculorum Sibyllinorum perspicuitas, rerumque futurarum claritas, qualis in libris propheticiis iisque divinitus inspiratis non effulgeat, de Messia maxime aut Christo Jesu, ejusque persona, munere & gestis ad stuporem omnium rebus. Vero enim simile non esse, hæc talia, quæ prophetas ipsos perspicuitate superant, emitti in publicum a Judæis potuisse, paulo ante, quam Messias nasci debuit; quo tempore utique & Respublica & Synagoga Judaica, ob invalescentes, Sadduceam, Pharisaicam, Essæam & Samaritanam hæreses prolapsa in pejus fuerit. II Argumentum arcessitur ab ipsa Sibyllinorum carminum materia, seu, ut philosophi vocant, objecto. Comprehenduntur autem in illis non multa tantum historica & vaticinia, quæ in libris Propheticiis non extant, sed & multa fabulosa, illisque plane contraria. Nam in libris VIII Carminum Sibyllinorum, prout hodie prostant, non rerum tantum Novo Testamen-

to præ-

to ptopriarum, verum etiam Deorum, nominumque Poeticorum tam Græcorum, quam Romanorum fit mentio; v. g. in I, ubi sex hominum ætates commemorantur, Neptuni, Nerci, Acherontis, Gehennæ, Gigantum, eorumque principis Noæ, Titanum, Jesu, Herodis, Johannis Baptistæ, & Romanorum, qui templum Hierosolymitanum everterunt; in II Eliæ, Eromielis, Urielis, Sanielis, Azaelis ex angelorum cœtu; nec non campi Elysi & lacus Acherusidis; in III Belialis, Belieris, Monarchici & quidem muliebris imperii, Saturni, Titanis, Telluris, Veneris, Vestæ, Cereris, Dianæ, Jovis cum tota ferme deastrorum familia; monarchiarum 4. vulgariarum, Ilii item everfi, Hectoris, Helenæ, Homeri, Achillis, Rhodi, Sami, Italiæ, Gogi & Magogi &c. in IV Ifidis, Romæ, Romanorumque Cæsarum, Neronis, Vespasiani, Tiberii; in libro V Alexandri Macedonis, Ænæ, Romuli, Julii Cæsaris, & quotquot ei ad Hadrianum usque successerunt; in lib. VI Christi in Jordane baptizari, coronæ spinæ, & crucis seu ligni, Deique in eo penduli &c. nam de reliquorum librorum contentis plura addere non attinet. Hæc talia autem ex libris propheticiis, ac Hebræo codice deprompta a Judæis Christi nativitatem antegressis fuisse, induci Autor clarissimus minime potest, ut credat. III argumentum ἐλεγκτικὸν ipsi enatum est ex verbis & loquendi generibus in opusculo Sibyllinorum occurrentibus. Reperiuntur enim in illis verba, epithera, phrasæ, descriptiones, & elegantia, quæ nec scholam Judaicam, nec priscam Hebræorum posin redolent, v. g. *μὴ Καμαρίαν κίνας*, h. e. ne Camarinam move. Nam plura huc transcribere, brevitatæ studium institutumque nostrum haud permittit. IV argumentum desumptum est a divino præcepto. Cum enim Deus in Levitico duobus capitibus expresse vetuerit, ne pythones atque harruspices a Judæis consulerentur, Autor Judæos substituere carmina id genus pro Sibyllinis non potuisse contendit, nisi leges sanctissimas sibi datas violare voluissent, præsertim cum non ignorarent, Regem Saulum, eo quod non Pythones tantum, hariolosque ac magos in regno suo tolerasset, sed & Pythonissam Endoream consulisset, in offensam divini Numinis incurrisse. ἐλεγκτικοῖς argumentis hinc cap. II, III & IV. præmissis pergit Autor ἀνασκευάζων, & primum quidem Vossii rationes omnes conjunctim, dein-

de singulas & speciatim discutit. Prima Vossii ratio petita est ex LXX Prophetæ Danielis hebdomadibus, quas ab anno Xerxis vigesimo quinto initium cepisse existimat. Sed quanquam concludi posse non abnuat Reiskius, Judæos, quotquot vixerunt spatio hebdomadam definito, doceri potuisse de annis, qui adventum Christi proxime antecedere debuerunt, sequi tamen exinde negat, eos carmina Græca composuisse, compositaque sub Sibyllarum schemate per Asiam, Græciam atque Italiam dispersisse: deinde initium hebdomadam non ponendum esse in anno Xerxis XXV, sed in tempore illo, quo edictum restaurandæ urbis causa exierit, a scriptore illius ætatis, sive Esdras is fuerit, sive Nehemias, expresso. II Vossii ratio niritur vaticinio Jacobi Gen. XLIX, exitusque ejus a Judæis ante adventum Messiz cognitio. Sed nec hanc aliquid ponderis habere ostendit Autor. Quamvis enim illustre illud ac splendidum de Christo adventuro vaticinium esse non diffiteatur, magna tamen adhuc circa illud tum Judæorum, tum Christianorum ipsorum esse dissensiones; deinde, utut intellectum Jacobi oraculum, exitusque hujus inter Judæos tum fuerit cognitus, non sequi tamen, Sibyllina inde pendere oracula, eaque non alios quam Judæos habuisse autores. III. Vossii ratio ab Herodianis, eorumque secta, est arcessita. Scilicet cum vaticinia de Christo attributa Herodi fuerint, Herodianique eum pro Messia agnoverint, probabile ipsi visum est, Judæos carmina sub Sibyllarum nomine & scripsisse & propalasse. Sed Reiskius ex adverso ostendit, Herodianos non peculiarem fuisse sectam, sed partem potius Sadducæ hæreseos, eosque Herodis fuisse domesticos sive assecclas; nec Herodem, tanquam ferocissimū & atrocissimū tyrannum, apud Judæos unquam pro Messia fuisse habitum; qua occasione & clarissimus Huetius refellitur, qui in Demonstratione Evangelica dicere non dubitarat, Herodem Christi nomen ac dignitatem impie sibi vindicasse, aut ab se novam Herodianorum sectam denominari passum. Neque enim ullibi hujus rei extat vestigium, quemadmodum nec illius assertionis. quam tertiæ huic rationi suæ Vossius addidit. Statuit autem, sectam Herodianorum, etiam everfis jam Hierosolymis, extinctaque Herodum familia & dominatione, mansisse superstitem, quin revixisse apud Judæos, & in Hispania quidem maxime, argumento a vocabulo *Æræ* apud

apud veteres Hispanos usitata desumpto. Nam Æra ipsi eadem est cum Hegira; Herodem autem a Judæis Hager h. e. profelytum seu peregrinum fuisse dictum. Verum hanc Vossii assertionem nulla genuina ratione ex historicis suffultam levi veluti statu displodit Autor, ostendendo, Æram Latinum esse vocabulum, non Hebraicum. Nam rationum capita, quæ *æra* plurali numero dixere Lucilius & Cicero, Scriptores seculi IV circiter & quinti mutato genere *æras* appellasse; æram autem illam potissimum epocham fuisse dictam, quæ apud Hispanos ab imperio Augusti Cæsaris invaluit, annisque XXVIII natalem Christi antevertit; deinde Hegiram sexto demum seculo ab Arabibus fuisse introductam, fugamque illam denotare, qua Mahummedes, impostor ille orientis, ejectus patria fuerat. Denique si vel maxime locum aliquem haberet hæc Vossii assertio, concludi tamen inde haud posse, carmina Sibyllina a Judæis composita fuisse ac quaquaversum divulgata. Rationibus Vossii sic everfis, speciatim in sequentibus ad alia respondet a Vossio nimis quam confidenter asserta. Nimirum cum persuasissimum penes se habeat Vossius, Sibyllina carmina ante natalem Christi a Judæis fuisse confuta, certum illis tempus audacter tribuit, illud scilicet, quo Hierosolyma occuparat Pompejus, h. e. LIX annis ante N. C. completaque LXII Danielis hebdomade. Sed peti τὸ ἐν ἀρχῇ reponit Autor. Nam illud in quaestione adhue esse, an Judæi Sibyllinorum carminum autores fuerint? Posterior itaque æque ac prius esse adhucdum in dubio. Tamen enim oraculum, teste Romana historia, ante natum Christum Romæ increbuerit, naturam populo Romano regem aliquem parturire, de auctore tamen, loco item & tempore oraculi illius altum inter scriptores Romanos esse silentium. Quod Eclogam Virgilii IV attinet, in qua Cumnæ vatis fit mentio (nam illam quoque pro se allegat Vossius, & verba Virgilii cum Sibyllinis comparata Christo, hujusque ortui late accommodat) ex ea quoque parum præsidii accedere, ostendit Autor. Et vero Ecloga illa XL annos ante natum Christum Asinio Pollioni, Romano Consuli, ejusque tum nato filiolo Salonino fuit dedicata, ostensumque jamdudum a Buchnero, Boccero, & Rappolto nostro in peculiaribus dissertationibus, quam absone ea, quæ in Ecloga dicta continentur, ad Christum, matrem-

que ejus ac regnum perpetuum applicentur. Vindicato postea cap. XI ab accusationibus quibusdam Vossianis Casaubono, in cap. XII Clementem Alexandrinum refellit, qui Paulum Apostolum Sibyllina legere jussisse scripserat, quem & alibi non semel a sacris literis aberrasse, ideoque veterum pariter ac novorum censuram sustinuisse conducet. In cap. XIII plurimum Sibyllinis decedere omnino contendit, quod inter Apocryphos relati fuerint, deque his erudite admodum contra Vossium disserit. Cæterum cum negare nequeat Vossius, in libris, quos a Judæis ante natum Christum statuerat compositos ac evulgatos (partim sub patriarcharum & prophetarum, partim sub Hytaspis, Hermetis Trismegisti, Zoroastris, Sibyllarum, Orphei, aliorumque, quorum magna apud gentiles erat existimatio, nominibus) superstitiosa ac magica multa contineri, objectionem præventurus, Balaami, & Magorum exemplis ex historia nati Christi se tuetur. Nam Balaamum, incantatorem licet celeberrimū, Christi mysteria clarius, quam Prophetarum quemquam, prædixisse; nec alius professionis fuisse Magos, qui Christum adoraturi venerant. Ast clarius Balaamum, quam cæteros Prophetas, de Christo fuisse vaticinatum, negat Autor; nihil enim prædixisse, nisi stellam ex Jacobo orituram, & sceptrum ex Israele surrecturum; dein Magos illos non fuisse præstigiatores vel hariolos, sed Persarum Philosophos, Astrologos in primis ac Physicos, docet. In cap. XV Autor Sibyllinos libros tribus includit classibus. Primos ac vetustissimos vocat Tarquinianos, ab emtore scilicet Tarquinio, secundos seu medios Erythrazos, tertios Christianos. Tarquinianos igne periisse ait, in Capitolino nempe incendio A. U. C. DC LXXI. His successisse Erythrazos. Nam restaurato post septennium Capitolio, tres legatos ex Scito Erythras fuisse missos ad carmina Sibyllina, quæ extarent, conquirenda. Tertios tandem seu Christianos partim ante adventum Christi fuisse conscriptos, eosque e media classe esse reliquos, partim centum & viginti annis præterpropter post N. C. quam sententiam rationibus non unis Autor comprobatur. Sed hæc ex parte libri hujus *κατασκευαστικῇ* excerptisse sufficiat. Nam & reliquas Vossii assertiones, quibus sententiam suam coloratum ivit, solide, ut solet, doctissimus Autor a cap. XVI usque ad XXI diluit. In reliquis IV capitibus *ἀνασκευαστικῶς* tandem agit

agit de Sibyllinorum carminum autoribus, & cujus ea nobis debeant esse pretii. Horum autores, Clariss. Reiskio iudice, alii Ethnici, iiq; utriusque sexus tum forminx, tum poetæ, qui Phœbadum responsa mox carminibus consignarunt (id enim ex Historia tam Græca, quam Romana constare;) alii Christiani, qui vel primo, vel secundo seculo post N. C. vixerint; quod vero mixta carmina attinet, h. e. ea, quæ divinas veteris Testamenti historias, aut vaticinia de Christorebusque N. T. propriis complectuntur, eorum ipsos Ethnicos, Phœbades scilicet ac Poetas fuisse autores. Plagiarium enim egisse Dæmonem existimat cum maximis, quos allegat, viris, nec multa tantum gesta, sed & vaticinia Prophetarum, quæ ex sacro codice suffragatur sit, cum vatibus suis communicasse. Neque enim aliunde, quam ex divino fonte hauriri hæc talia potuisse; præsertim cum ex Pausania constet, Sibyllam Persicam sive Babyloniam consuetudine Hebræorum supra Palæstinam habitantium fuisse usam. Inter Christianos autem carminum Sibyllinorum autores alios esse orthodoxos, alios cacodoxos seu hæreticos, quales secundum quosdam Hermes & Montanus, Priscilla & Maximilla, Papias & Gnōfici fuerint; id enim manifestissime ex libris hodiernis patere, nec deesse multorum Eruditorum hac de re consensum; nec alia fini Sibyllinis carminibus alia a Christianis fuisse adfuta, quam ut vera religio inter Ethnicos tanto facilius admitteretur. Concidisse equidem jam tum, cum oracula adhuc vigerent, Sibyllinorum autoritatem, id quod ex Cicerone, Porphyrio aliisque probat; Patres tamen autoritatem horum contra paganos, tanquam argumentum *προς τὸν δῆμον καὶ ἀνθρώπων* usurpasse.

His exercitationibus suis Autor appendicem annexit, cum argumento hactenus tractato apprime convenientem. Nam in hac de Sibyllis agit, & primum quidem, non abs re conqueritur, non nomen tantum Sibyllarum, sed & numerum adhuc incertum esse, ubi item & quo tempore quæque floruerint. Ostendit autem vocem Sibyllæ neque Latine nec Hebraicæ, sed Græcicæ esse originis; dici enim *Σιβυλλαν* quasi *Σιοβυλῆν* h. e. Dei consilium; deinde non unam tantum fuisse Sibyllam, quod Salmasius cum Petro Petito adstruxerat, sed plures fuisse, & tres quidem celebriores, Delphicam, Erythræam & Cumanam. De Cumana nummos duos argenteos
ex Hub.

ex Hub. Golzio adducit, Sibyllinos ab eo appellatos, quibus caput foeminae insculptum cum inscriptione: ΚΤΜΑΕΩΝ h. e. *Cumanorum*. Sed parum Sibyllini in hoc capite agnoscit Autor. Ex Tristano autem & Patino mox alium producit nummum æneum, qui in antica parte Commodum exhibet, incommodissimum Imperatorem, in altera COL. AUG. TROAD. cum muliere nuda, cujus corpus obliquum ac prorum, coma in nodum composita, pes dexter scabello innixus, manus dextera exserta laureum ramusculum tenens. Herophilen sic repræsentari in nummo non male suspicari sunt Duumviri jam dicti, antiquitatis nummaria gnarissimi. Nec aliam in eodem agnoscit cum illis Reiskius, sex argumentis permotus. Et vero Herophile Sibylla non in petra tantum fuit vaticinata, laurumque in furore tenere in manu suevit, sed & in Alexandria Troadis fuit frequens, ut argumenta cætera ab eo allegata taceamus. Appendici huic dissertatio annexa reperitur de Nummo Sibyllino Imp. Commodi & Cumanorum. Sed ecce! hæc dissertatio plane eadem est cum antecedente Appendice, & iisdem verbis summarisque ac paragraphis per omnia repetita; quæ crambe bis cocta si non incuria typographi, certe correctori minus oculato adscribenda est. Nam duas plagulas bis fuisse impressas, semel quidem *Appendicis*, altera vice *Dissertationis* titulo, ipsa *avτοψία* lectorem quemque edocet.

JOANNIS SAMUELIS SCHODERI GERMANI Franci de Publ. Virgilii Mar. editione luminosa, communi Juventutis sacra & bono Imaginum formis recens exhibita, Epistola præmonitoria ad Principes Juventutis summos Orbis Europæi observanter scripta &c.

Noribergæ, apud Leonardum Lofchge, A. 1688.

Homerum ac Virgilium Poetarum principes, illum quidem in Græca, hunc in Latina antiquitate Sapientiæ omnis, vel ut communiter audit, Philosophiæ fontes esse, nemo non eruditorum agnovit. Et Homerus quidem jam olim a Metrodoro, Stefimbrotto, Longino, aliisque pluribus, uti ex Platone & Suida *Jacobus Duporus*,

portus, Gnomologiæ Homericæ autor observavit, tanquam Philosophus fuit repræsentatus. Virgilius etiam, quamvis & ipse Poeta tantum, si metra spectes, esse videatur: Philosophum tamen in Georgicis theoreticum agit vel Physicum, de cœli quippe ac terræ genio, de meteoris, de peste ejusq, causis, de equorum aliorumq; armentorū natura, deq; apibus quam eruditissime differens; in Æneide vero Philosophum practicum in Ænea siquidem uno & boni viri, & boni civis, & boni principis, & boni ducis ideam, imo virtutes omnes qua togatas, qua castrenses exacte delineat; ut non abs re dixerit Baptista Mantuanus in Apologetico suo: *Cum Virgili Georgica legu, Philosophiam legu. Tota Æneis Ethica est; docet enim, quo pacto vir fortis omnes casus ferre debeat, quid in omni fortuna sentiendum, quid dicendum, quidve tenendum sit. Et magnus est in eo libro cæteraque similibus non eloquentia solum, sed omnis scientia sapientiaque thesaurus; & licet iste pueris tradantur, sunt tamen VIRILES SENILESQUE LECTIONES.* Quod ipsum quoq; ostendit clarissimus Fellerus noster, in Floribus Philosophicis ex Virgilio excerptis & A. 1682 Lipsiæ in 12 editis, quibus orationem a se A. 1678 ipso die Virgilii habitam, in qua Virgilius ut Philosophus repræsentatur, præstavit. Nam in libello illo non dogmata tantum Physica ex Bucolicis & Georgicis, sed & ex libris XII Æneidos Ideam boni principis, imo Ethicam ac Politicam exhibuit. Nec aliorum spectat Schoderi, quam hic sistimus, epistola præmonitoria ad Principes juventutis summos Europæi orbis scripta. Nam ostenso primum, nihil non in Homero & Virgilio, quod ad excelsæ virtutis studium excitandum pertineat, contineri; Virgilium post deinceps unice & quam enixissime commendat, ut qui in unico Ænea suo pietatem, justitiam, fortitudinem bellicam & gloriam militarem, verbo, excelsam quamque ac summis Principibus dignam virtutem exacte adumbraverit. Epistolam hanc præmonitoriam, satis copiosam ac prolixam & varia eruditione plenam, excipit *Peplus Virtutum Romanarum in Ænea Virgiliano, ejusque rebus fortiter gestis*; & primum quidem præmittuntur argumenta cujusque libri Æneidos Latino-Germanica. (Latinorum autem hætenus probatissimorum autor est Paulus Manutius, quæ Schoderus noster Germanice non infelicitè reddidit.) Sequuntur ad majorem antiquitatis & rerum lucem

T

(unde

(unde & hæc editio Virgilii luminosa in titulo dicitur) imagines elegantissimæ LI in ære renitentes rerum potiorum ac notabiliorum, in XII libris Æneidos descriptarum.

L' AMERIQUE ANGLOISE, &c.

sive:

Descriptio Insularum & Regionum Americanarum,
Angliæ Regi subiectarum &c.

Amstelodami, apud Abr. Wolffgang, prope Bursam, A. 1688 in 12.

PRodit hic liber Anglico primum idiomate, ab autore *Richardo Blome*, excitandis præcipue popularium suorum animis, quibus peregrinum natali solo potius est, aut benignius speratur, scriptus: ut translatis eo domiciliis, sub Anglico imperio, & juxta colonias ab hac natione hinc inde constitutas, sedem fortunarum suarum tanto impensius amarent collocare. Huic fini *Autor* eximie commendavit commoda, quæ novos ejus mundi colonos expectant: descriptis insuper regionum situ, cœli temperie; portubus, oppidis; fructibus, leguminibus, frumentis, herbis, radicibus, arboribus; pecoribus, feris, avibus, piscibus; politia, legibus, moribus, religione, ritibus, commerciis & numero veterum novorumque incolarum. Continentur autem hæc terræ, cum insulis, *Jamaica*, pluribus *Caraibicarum*, *æstivis* sive *Bermudicis* & *Terra nova* (*Terraneuf*, *Neu Foundland*) tum continentis Americæ septentrionalis partibus, *Carolina*, *Virginia*, *Marylandia*, *Pensylvania*, *Nova Casarea* (*Neu Jersey*) *Novo Eboraco* & *Nova Anglia*. Harum plerarumque chartæ geographicae Libello sunt insertæ, cæteris omnibus, quæ hucusque prodire, *Autoris* effato, accuratiores; mendorum etiam immunes, quæ Anglicis exemplaribus irreperant.

Quamquam vero primarium *Autoris* institutum est, eo commigraturos de rebus suis ibidem dextre constituendis edocere; plerorumque tamen ab eo, commemoratorum cognitio nostrum etiam mundum incolentibus prodest, & vel historiæ naturali ac geographiæ, vel aliis vitæ communis usibus inservit. Horum complura, ex recentioribus scriptoribus, jam dum consignavit *Dapperus* in *America* sua; multa etiam *Robertus Morden* in *Geographia* correctæ, Anglice

Anglice conscripta, & Londini anno 1680 edita: potiora nos ex
Autore nostro strictim recenserebimus.

Insularum prima describitur *Jamaica*, inter *Antillas* Sinui pag. 1.
 Mexicano præsentas non ignobilis, ab Hispanis post *Columbum* habi- seqq.
 tata, a Cromwello anno 1655, ejectis pristinis colonis, Anglici juris 28.
 facta, indeque ab Anglis quiete possessa, & diversis coloniis exor- 30.
 nata; maxime postquam submissis ex Anglia novis auxiliis, com- 33.
 meatu, armis aliisque necessariis Insulæ prospectum est, Regis-
 que Angliæ protectio accessit, quam eidem dotes & prærogativæ,
 quibus Jamaica quascunque alias Americanas regiones antecellit,
 & spes locupletandi regii fisci (huic enim brevi annum censum cen-
 ties mille librarum Anglicarum accessurum *Autor* pollicetur) facile
 conciliarunt.

Desert enim *Autor* huic Insulæ primas ex coloniis Anglicis,
 ob summam soli fertilitatem; saluberrimam aeris temperiem, per- 4, 6.
 petuo veri simillimam; immunitatem ab horrendis procellarum
 turbinibus (*Houragans*) & terræ motibus, qui circumjectas insulas
 & continentes misere depopulantur. *Sacchari* tantus hic est pro- 16.
 ventus, ut annuatim ejus ducenties mille pondo conficiantur; nec 17.
 exiguus *Zingiberis*, *Piperis*, *Tabaci*, *Gossypii*, *Indigo*, *Salis*, *Nutri*,
Scutellarum testudinearum, *Lignorum tinctoriorum* diversorum, *Her-*
barum, *Succorum* & *Lignorum medicinalium*; *Guaiaeci*, *Sarsaparilla*,
Ebeni, *Cassie*, *Tamarinde*, *Anisi*, *Aloes*, *Asa fetida*, *Acacie*, *Opobalsami*,
Concenille: speratur etiam, detectum iri mineras cupri & argenti- 21.
 feras. Maximus tamen colonis quæstus est ex plantatione & cul-
 tura arboris, cujus fructus est nux *Cacao*, ex qua famosa hodie *Choco-*
lata conficitur: ita ut jugerum Batavicum hac arbore confitum
 cultori suo annuatim mille pondo ferat, quæ 40 libras sive 160 coro-
 natos Anglicos valent. *Pecora*, *feras*, *aves*, *pisces* Insula magno 22.
 alit numero; destituitur tamen *leporibus*, *cervis*, & fere *venenatis* 24.
plantis & *animalibus*. *Noxiarum ferarum* solus prope *Crocodilus* in- 25.
 sulanis, nec hominibus tamen æque ac bestiis, infestus est: at hæ 26. 183.
 ipsæ odore testiculorum ejus, supra moschum fragrantissimo, & ad
 centum usque passus pertingente, instinctu naturali admonitæ, a vi-
 cino sibi hoste facile cavent: ipse vero damna subinde illata adipe
 suo, leniendis juncturarum dorsique internis doloribus præsentissi-

- pag. 27. mo remedio abunde compensat. *Morbos* Jamaica cum Anglia communes habet: præcipue *hydrops* & *febres* incolis sunt familiares, desidria tamen & intemperantia ut plurimum contractæ: hæ etiam, utcunque acutæ, raro letales deprehenduntur. *Horti* & *viridaria* floribus elegantissimis superbiunt, & oleribus, herbis medicinalibus, leguminibus & fructibus quibusvis sunt prægnantissima.
27. *Urbes* Insulæ, Hispanis rerum potentibus, fuere diversæ; Angli hodie tres præcipuas incolunt, *Sancti Jacobi*, *Portum Regalem*, *Trajectum* (*Passige*) & sub curiis ac magistratibus suis legibus vivunt Anglicis conformibus.

- Jamaicam* insequuntur *Caraiibica* decem: *Barbados*, *Sancti Christophori*, *Mervis*, *Antego*, *S. Vincentii*, *Dominici*, *Montisserrati*, *Anguilla*, *Barbada*, *Tabaci*; pleraque sacchari, gossypii, indigo & zingiberis feraces. Princeps earum est *Barbados* (*Barbade*, *Barbades*) sub latitudine boreali 13. 26, a *Guiljelmo Curteenio*, tempestate ad hanc insulam rejecto, sub Jacobi I. imperio detecta, & Anglis eo evocatis incolæ cæpta; hodie ita frequens, ut domicilia per totam insulam sparsa unam verius civitatem, quam diversas colonias referant. *Supramemoratarum mercium* adeo ferax est, ut onerandis annuatim ducentis circiter navibus sufficiant. Octo leucas in longum, quinque in latum extenditur, & quinquaginta millibus hominum inhabitatur; præter mancipia ex *Nigritis* (gentilibus) quorum duplus est numerus *Mordenio*, at condito juxta *Auctorem* miserrima: tolerabilior tamen servitiorum Christianorum, qui quinquennio elapso sui juris redduntur. *Commercia* hic solis Anglis aut Regi Angliæ subditis patent. *Cali temperies* caloris est intensi at simul humidissimi, ut ferramenta, ni continue exerceantur, rubigo protinus erodat. Ex *Insulis* Auctor *scorpiones* & *musce noctiluce* genus *Cucuyor*, itineribus non solum noctu conficiendis, sed & lectioni scriptionique per tenebras inserviens hic memorat, foricum magnitudine, sed penitus innoxios; *testudines* vero *marinas*, ubi cultrum in cædem suam stringi videant, profundos edere gemitus, & lachrymas profundere largissimas. Mentione *sacchari* toto hinc inde libro repetita, curiosi commendat *Richardi Ligonis* descriptionem hujus insule, in quo natura cannae saccharinæ, ejus colendæ, conficiendique sacchari ratio, & quæ huc spectant, accurate exponantur.

S. Christo-

S. Christophori insulam, aquis fontibusque calidis & sulphureis divitem, Angli & Galli, sub auspiciis regum suorum, eodem anni 1625 die intravere; eandemque inter se partiti, primariis indigenarum, metu conjurationis de expellendis hospitibus cum Hispanis initæ comprehensis, cæteros decedere patria, & in vicinas insulas commigrare coegerunt: ingenti classe Hispanorum quadriennio post frustra connitente utramque nationem colonia hac sua dejicere. Est hæc patria bellissimæ aviculæ odoriferæ *Tomineii* (*Colibry*; *Hummingbird*) cujus descriptio quædam supplet, clarissimi *Willoughbbeio* Ornithologiæ p. 165 circa hoc naturæ miraculum omissa.

Mevis (*Nevis*, *Nievis*) *Muscicapam* (*Flycatcher*) producit, animalculum quadrupes pulcherrimum, adeo cicur, ut prædam suam super mensa prædentium, & manibus vestibusque hominum persequatur. Pellicula integitur velut ex auro argentoque contexta, viridi aliisque coloribus venuste intermixtis. Mortuo formæ perit gratia, & in pallorem mutatur: cæterum chamæleonti geminum est, colores enim adsciscit earum rerum, quibus insidet.

Antego canes seu *lupi marini* nobilitant, immanissimi hominum pisciumque devoratores; quorum tamen cerebrum calculo renum salutariter medetur: commendatior autem est ab avium formosissima *Canada*, *Willoughbbeio*, quod mirum, non descripta. Magnitudine ea est phasiani, subtus alas, & in ventre, collo & pectore colorem vibrans auroræ undulantis: dorsum mediæque alæ cæruleum serenum æmulantur; alarum vero pennæ remiges & cauda carneo rubore splendidissimo cyaneum dorsum interstinguunt, thalassinis insuper, nigrolucentibus, luteis, sapphirinisque plumis mire variegatæ. Longe vero maxima capitis est pulchritudo, cujus plumea lanugo fusca, prasino, luteo, croceo & subcæruleo colore venuste tessellata est, rostro maculis undulantibus picto: e candidis oculorum ciliis pupilla flavorubea bellissima, carbunculi instar ex auro, emicat; cristaque plumatilis cinnabarinominiata carbonis accensi fulgorem referens, & plumulis gemmei coloris fasciata vertici supereminet.

S. Vincentii & *Dominici* paucis Anglis, pluribus Caraibis sive Canibalibus habitantur, quorum mores simplices ferosque, quippe qui

hostium captivorum carnibus vescuntur, *Autor* describit, dudum
 pag. 93. aliis memoratos. Posterioris incolas *Aronaguas* a *casitate* eximia
 94. extollit: dolens tamen pravis exterorum Christianorum exemplis
 corruptos, a prisca virtute hodie descivisse, factosque insignes scor-
 ratores.

175. *Montisserrati* insula Irlandorum colonia oram maritimam
 176. frequentem habet a *monstris marinis*, *Diabolo marino*, cujus caro
 venenatae qualitatis atroces vomitus provocat, & animi deliquia
 letalia; *unicornu* itidem *marino*, tantae magnitudinis, ut caro ejus
 delicati saporis cibandis trecentis hominibus sufficiat.

179. *Anguilla*, *Tabacum* optimae omnium notae profert. *Aprorum*
 180. speciem alit, umbilicum & spiraculum narium loco in dorso habens,
 182. ob quod infatigabilis cursus & capturae difficillimae habetur. Sunt
 & hic sorices moschati, quorum odor in melancholiam conjicere
 perhibetur.

184. *Barbada* (*Barbude*) incursionibus Canibalum infesta est,
 & ob hanc causam parum frequentatur: ceteroqui plurimorum
 terrae nascentium feracissima; quae, ut & ceterarum insularum ra-
 gionumque enumerare nimis longum, & praeter institutum no-
 strum foret.

314. Ultima, omniumque meridionalissima *Tabago*, caeli mitissi-
 318. mi, continuis aurae flabris aestum Solis temperantibus, legumina
 & fructus varios, toto anno profert. *Aprorum* tantus hic est nu-
 merus, ut quamvis quotannis ad minimum 20000 occidantur, exci-
 di tamen arte nulla queant.

319. Inveniuntur etiam *cuniculi* pellis odo-
 311. riferae, & *vacca marina* (quarum dentes paria cum unicornu facere
 319. juxta Autorem creduntur) prodigiosae magnitudinis, libras 1200
 pendentes; cochlearum item genus, quarum pinguedo vulnurem
 ex venenatis sagittis excellens est remedium; & *testudines virides*,

quas *piscem divinum* physicos appellare *Autor* affirmat, ob insignem
 328. virtutem alexipharmacam, inque curanda gonorrhoea, tremore
 & lue venerea. Donata est haec insula a Carolo secundo proxime
 defuncto Angliae Rege Jacobo Curlandiae Duci, qui partem ejus al-
 quam, 120000 jugera, Johanni Poyntz sociisque ejus haereditario
 jure concessit. Conditiones & privilegia, quibus a praefato Duce dictae
 Societati colonia ista permessa est; & haec vicissim partem ejus, vel
 emtionis vel conductionis jure, eo migraturis assignet, quibusque

com-

commercia eo instituta gaudeant immunitatibus, quidq; commodi, luculentissimi sane, polliceri sibi advenæ ibidem possint, *Autor* non solum fusius persequitur.

Post Caraibicas sunt Insulæ *Bermudes* sive *Æstiva*, a continenti *Carolina* 300 leucis ortum versus distantes: ab inventoribus *Joanne Bermuda* & *Georgio Summers* Anglo nomen sortitæ, numero 400, binis per annum mensibus supra modum fertiles. Stupendam hic ævum *varietatem* & *numerus* deprehendit *Summers*, spatique trium horarum earum plus quam mille species cepit. Desituitur insula fontibus & fluvii, sed & venenatis animalibus. Aeris serena temperies longævus reddit incolas, ut solo fere senio confecti moriantur. Angli eandem, diversis ab anno 1612 coloniis deductis, incertas tribus divisas hodie tenent.

Terra nova, ab Anglia sexcentis leucis distans, æqualis cum ea magnitudinis censetur, & a Nova Francia angusto freto disjungitur. *Portus* sinibusque præstantissimis instructa est: ab ortu vero *Syti* vallatur trecentorum millium longitudine, quam minores insule circumcingunt, a copia testudinum, quæ navibus accessum intercipere perhibentur, onerandisque quadringentis navigiis quotannis sufficiunt, *los Boocaloos* cognominatæ. Sebastiano Caboto primo detecta est vergente seculo decimo quinto: post a diversis subinde repetita nationibus; hodie Angli eam sibi vindicarunt. Sani climatis prædicatur; utrum brumæ nimius rigor æstivique calores intensi plus satis incolis incommodent. Indigenæ incantationibus sunt dediti, filiabusq; suis ab anno decimo quarto vagas libidines permittunt, quæ quinis aut sex annis sic peractis, maritum quem libet deligunt, quo cum reliquam ætatem caste transigunt, sola huic divortii libertate ob sterilitatem relicta. Semen rapi hic progenerum, catholicum adversus scorbuti labem remedium Anglice appellentes experti sunt.

Continents Americæ Anglicæ provincia australissima est *Carolina*, pars Floridæ meridionalior Virginie contermina, a 29 ad 36 lat. boreæ gradum porrecta, secundum Autorem, ortum occupante versus oceanis, Atlantico & pacifico, alluitur. A defuncto Angliæ Rege Carolo secundo, cujus nomen gerit, diversis Angliæ Optimatibus, Clarendoniæ Comiti Angliæ Cancellario, Albemarle

pag. 197. bemarkia Duci &c. anno 1663 amplissima cum potestate tradita, horum ope sumtuque *duabus colonis* firmata est. Primam *Albemariam* prope fluvium cognominem, ad boream latusque Virginie, anno 1670 deduxere; colonis primum omni com meatu cæterisque necessitatibus adjutis, qui nunc temporis quarumvis rerum copia affluunt. Præstat ea aeris sanitate, ubertate terræ nascentium, & hyemis mollitie vicina Virginia; cui cæteroquin soli genio aliisque naturæ dotibus ut plurimum respondet. Altera sub lat. 32 ad confluentes fluviorum Ashley & Cooper excitato anno 1680 oppidum *Carolovilla* (*Charles Toron*) exornatur, cujus cives fortuna propitia indies proficiunt.

200. Commendatur Provincia ab auræ salubritate, ob quam primis novem colonie annis nonnisi senex 75 annorum fatis functus est, plures affectæ valetudinis & animam agentes, postquam eo pervenerunt, reconvalescere. Magna *cervorum* pascitur hic copia, ut uno die venator Indus facile novem configat, eximio Anglorum commodo. Solent enim ejusmodi venatorem conducere colonorum præcipui, annuo viginti solidorum seu libræ Anglicæ salario, qui familiarum quantumvis numerosæ, de ferina prædaque aviaria delicatiori abunde valet prospicere. *Indigenis* optime cum Anglis convenit; suntq; illi ingenii festivi, honestatis amantes, & frugi ac mediocri sorte contenti; cætera bellicosi & inter se continuis bellis exerciti. Deum venerantur unum, sed cui res humanæ curæ non sint, inferioribusq; Diis (bonis malisque spiritibus) demandantur. Sunt & hic *Viperæ candifonæ*, de quibus in Actis A. 1684. p. 138 diximus: quarum quædam duas cum semisse ulnas longa, cubitum humanum crassa, integrum deglutivisse sciurum deprehensa est: narrant vero Indi, insidiari istud genus innoxio huic animalculo, obtutuq; si quod super arbore conspiciat, in id defixio, idem ita conterrefacere, ut in terram sponte delapsum, ad fauces hostis prædæ suæ inhiantis se provolvat. Feles etiam sylvestres subflavorutiles ferocissimæ cervos in sylvis hic venantur: de ramis enim arborum subtercurrentis cervi dorso insiliunt, eique mordicus in hærentes, sanguinem tamdiu exsugunt, donec viribus defectus concidat: harum pelles in pretio habentur, carnibus vero indigenæ vescuntur. Ex ovibus cum sponte hic nascentibus quinque diversorum generum, tum vitium exoticarum Rhæna-

Rhenensium, Gallicarum, Canariensium, Moschatarum, Hispanicarum, Madericarum vinum exprimitur generosum.

Carolinæ boream versus adjacens *Virginia*, ad eandem plagam *Marylandia* conjungitur. Varia eam fortuna per annos complures Angli tentaverunt, priusquam fixam in ea sedem constituerent: hodie in novendecim *comitatus* divisa, sub Gubernatore *Howard* Dynasta *Effinghamio*, 40000 Anglorum circiter habitatur. Genium provinciæ quæque huc spectant, cum diaria expeditionum nauticarum, rerumque Americanarum scriptores dudum consignaverint, supervacuum foret ex *Autore* huc repetere.

Marylandia a *Virginia* (cui per omnia fere similis est) fluvio *Patorvmeck* distinguitur, intra 37 & 40 latitudinis, ad septentrionem *Pensylvania*; ad ortum Oceano Atlantico & fluvio *Delavvare* clauditur: mediam sinus *Chesapeack* intersecat. *Climatis* est Anglis convenientissimi, nec æstu nec brumæ nimio rigore advenis gravis; quorum pauci inde a primo eorum ingressu morbis regioni familiaribus extincti sunt. *Indigenarum* mores, habitus, religio &c. *Virginianis* sunt conformes. Provinciam jure hæreditario ab Angliæ Rege A. 1632 acceptam *Cæcilius Calvertus* Dynasta *Baltimore* tenet, & libertate conscientiæ incolis indulta amplificare studet. *Comitatibus* decem, quibus continetur, sedecim millia colonorum numerat. Inter *oppida* hinc inde extructa *S. Mariæ* eminet, ad fluvium *S. Georgii* situm, dicasterii & conventuum provincialium sedes.

Novam Cæsaream fluvius *Delavvare* a *Marylandia* & *Pensylvania* sejungit, qui cum Oceano & fluvio *Hudsonis* totam fere intra 39 & 41 lat. gradum circumcingit. Et hanc Angliæ Rex anno 1672 quibusdam subditorum suorum concessit. Angliam fertilitate soli superare censetur, cujus *fructus* & pleraque alia terræ nascentia longe præstantius hic proveniunt: *arboribus* ita plerumque prægnantibus, ut fructuum onere rami a trunco revellantur. *Persica*, quæ racematim crescunt, saporis suavissimi perhibentur. Terram quam Angli colunt, ab indigenis redimunt; quos ea propter ad officia quævis, capiendas præcipue feras, aves & pisces, promptissimos amicissimosque experiuntur.

Cæsareæ borealiori ad latus occidentum, tenus fluvium *Delavvare*,

- vware, est *Pensylvania* a 40 ad 43 borealis lat. porrecta, & in son-
gum quinq; gradus occupans: olim Virginie accensa, nunc peculia-
ris provincie jure, sub hoc titulo & his limitibus, a Carolo secundo A.
pag. 107. 1681 *Guilielmo Penn* donata est, & amplissima cum potestate, quam
115, 135. literæ regie explicant, permitta. *Aeris* est sereni, & gratæ tempe-
rici; æstas tamen longior & intensior, hyems brevior & aliquando
rigidior, quam Angliæ. Solum non inferioris bonitatis atque sub
pari latitudine, puta Monspelii & Neapoleos, Europæum esse solet.
- n6, 137. Ex *arboribus* fert *Quercus*, Cedros, Moros, Castaneas, Nu-
172. ces, Abietes, Cupressos, Fraxinos, Fagos, Populos, Sassafras;
Mespilum, Prunum, Malum Persicum, Vitem. *Sylve* hic abundant
140. *avibus*, Phasianis, Perdicibus, Palumbis & Gallinis Indicis prodigiosæ
n6, 140. magnitudinis & pondere 50 librarum; *flumina*, quorum insignis
copia, piscibus, Sturione, Alofa, Anguilla, Aburno, Raia, Mulla,
Trutta, Salmone, Balenis, Cancris, Ostreis, Testudinibus; ut & Cy-
gnis, Anseribus, Anatibus, Fulicis. *Fructus* cum Anglia Italiaque
172. communes habet: *frumenti*, tritici, secalis, hordei, avenæ uber-
n6, 139. rimus proventus, & messis sexagecuplum, plus minus, seminis re-
ferens, de Indico frumento quadringentuplum: atque inde anno-
næ vilitas & pretia rerum modica. Ex *feris* Alces, Cervi, Capræ,
n7, 140. Pantheræ, Lupi, Vulpes, Castores, Lutræ, Feles Sylvestres, Martes,
173. Sorices odoriferi numerosi, alimentis partim, partim aliis inhabi-
tantium commodis serviunt.
118. Commerciis instituendis *Pensylvania* præter memorata sup-
peditat sericum, crocum, oleum, tabacum, linum, cannabin, ru-
biam, glycyrrhizam, herbas tinctorias, cineres saponi conficiendo,
138. ferrum: uvæ etiam Frontiniacis sapore vix concedentes, vinum
eultoribus pollicentur, nulli Europæorum secundum.
143. *Indigenæ* staturæ sunt justæ, incessus firmi & decentis, vultu ere-
cto, oculis parvis & nigris: labiorum prominentium & nasi de-
pressi raro inter eos deprehenduntur. Faciei in utroque sexu non
minor sæpe venustas, quam apud Europæos. Atrum colorem ex
unctura adipis urfini sibi contrahunt, cæteroquin Italis non nigri-
ores. *Lingua* eorum mascula, concisa, astricta, & plena energiz,
Hebrææ multum affinis est. Voce una expressa plures premunt,
audientis intellectu supplendas. Deficit in temporibus, modis,
parti-

participiis & cæteris orationis partibus; sublimitate tamen & dulcedine Europæis omnibus Autori præfertur. *Mares* ad annum 15 pag. 145. piscaturæ, inde ad 18 venationi incumbunt: post fortitudinis & virium experimentis editis conjugio digni habentur, sine quibus infamiz censetur uxorem sollicitare. *Puella* matres in cultura agrorum adjuvant, mature etiam artificio alicui assuescunt, cui toto deinvitæ tempore manciantur; anno ætatis 14 circiter nuptû dantur. Quædam earum corpore quæstum facientes dotem colligunt, postea conjugatæ adeo continentes, ut gravidæ maritis porro non cohabitent, nisi mense post puerperium exacto. *Domicilia* sua ex corticibus arborum aut storeis parant, palisque fulciunt. *Torus* arundine aut gramine insternitur. *Cibum* ex frumento Indico diversimode præparato, mane & vesperi sumunt. *Potui* indulgere exemplis advenarum edocti, generosiores tam impense amant, ut pretiosissima quæ possident eodem permutent. Cæterum liberales sunt, mobilis animi, affectuum vehementium, sed minime durabilium; sensus suos apprime norunt premere, & vindictæ sunt cupidi. Laboris diuturni impatientes, choreis & laticitiz student; divitias parum pensi habent, pauxillo contenti, quod ex venatione & piscatura consequuntur. *Deum credunt*, animæque immortalitatem; illumque in regione australi fortunatissima vivere, eoque animas præborum commigrare. *Religio* eorum consistit in oblationibus primitiarum & cervi pinguis, cantationibusque. *Regulis* gubernantur, quorum successio per stemma maternum continuatur, ut regi non filii succedant, sed vel frater uterinus, vel sororis filius: cavendo scilicet spuriorum regimini. *Delicta* iis multa pecuniaria luuntur, habita ratione sexus & dignitatis offensæ personæ; ita ut injuria fœminæ illata duplo æstimetur. *Originis Judaica* Autori creduntur, & ex reliquiis decem tribuum Israelis descendere: quod, præcipue liberi eorum, facie cum Judæis exacte conveniant; quodque ceremonias & consuetudines complures cum Judæis communes habeant: tempora enim per Lunas numerant, primitias fructuum offerunt, speciem habent festi tabernaculorum, altaria ex duodecim lapidibus construunt, luctum annuo tempore absolvunt &c.

146.

149.

150.

148.

151.

152.

155.

156.

Primj *Europæorum* hanc regionem frequentarunt *Batavi*;

157.

U 2

post

- post *Succi, Finnique*: illi sinum Chesapeack accolentes, mercaturæ; *hi* tenus litora fluvii Delavvare, agriculturæ potissimum dediti. 160. 167. His postea *Angli* accessere, qui hodie primas ibi tenent. Quo successu vero Pennius novique ejus coloni provinciam habitare cœperint; quæ forma & conditio urbis Philadelphiz ibidem novissime extructæ; quod genus hominum artificumque incolendæ huic terræ maxime accommodum; quo sumtu illuc transvehantur, quibus- 164. 121. 122. que rebus instructi esse debeant peregrinatores; quæ conditiones acquirendæ possessionis aut conducendorum agrorum; quid- 129. 125. 128. que generaliter legibus, Consilio Status & in Comitibus provincialibus pactis, cautum sit, *Autor* Lectorem pluribus instruit.

- Pensylvaniæ ad septentrionem sed magis ortum versus adjacet *Novum Eboracum*, Jacobo II Angliæ Regi, cum adhuc Dux Eboracensis esset, a fratre concessum. Pars est Novæ Angliæ, fluviiis Hudsonis & Connëcticut interjecta. Vendiderat eam Batavis Hudsonius anno 1608, neglecta Regis Angliæ autoritate, a quibus *Germania Inferior Nova* (*Nieu Neederland*) cognominata est: sed armis eam repetiere Angli, pulsus inde anno 1664 Batavis, & coloniis eorum occupatis. Mutata inde coloniarum nomina, ut quæ olim *Novum Amstelodamum* Batavis nuncupabatur, hodie *Novum Eboracum*; quæ tum *Villa Auriaca*, ad fontes fluminis Hudsonii, nunc *Nova Albania* audiat. Rerum adeo ibidem hoc tempore Angli potiuntur, paribus ac in Marylandia commoditatibus & soli bonitate 258. gaudentes: nam & hic messis frumentorum centuplum cultoribus præstat.

- Extrema Continentis Anglicanæ boream versus *Nova Anglia* 267. intra 40 & 45 gradum latitudinis tenditur: a *Sebastiano Caboto*, uti reliqua Americæ septentrionalis ora maritima, primum detecta; sed integro fere post eum seculo ab Anglis, Elisabethæ reginæ auspiciis, repetita. Abortu & meridie mari Atlantico alluitur; *Novo Eboraco* vero ad occasum, & ad septentrionem Novæ Franciæ conjungitur. Aliis eandem limitibus *Autor*, sed parum congrue, circumscribit; nisi Interpretis lapsus is censeretur. *Cæli temperies* hic varia est & inconstans, secus atque sub iisdem per Europam parallelis solet; aer tamen salubris, & genio Anglorum apprimè 268. conve-

conveniens. Diversis populis inhabitatur, quorum originem Autor ad Tartaros Samoiedos, Russis vicinos, refert, eorumque linguam dialectum Tartaricam arbitratur. Aquam, Ignem, Fulgura, Tonitrua, Tormenta bellica, Equos, aliaque, a quibus sibi metuant, *divino cultu* prosequuntur; *supremi* vero *Numinis* loco Diabolum venerantur, quem *Okée* appellant. Christianæ religionis ocores sunt pertinacissimi; inconstantis præterea animi, & meticulosi, iracundi & injuriarum tenacissimi; immanes etiam carnium humanarum edones. Sagittandi peritia excellunt, adeo valido ictu, ut hominem per medias scapulas trajiciant. Pro viribus corporum duas tresve uxores sibi sociant, quæ nullo pene labore partus suos enituntur. Liberis, parentibusque nimium indulgent; hos tamen senio confectos vel inedia necant, vel vivos defodiunt. *Terra nascencia*, & *animalia* communia fere habet cum vicinis regionibus. *Angli* hodie magno numero incolitur, quibus valida hic sunt plurimæque coloniæ, diversis oppidis, quorum princeps *Bostonia* vocatur, exornatæ. *Regimen Anglorum ecclesiasticum & civile* est penes Independentes & Presbyterianos. Indos incolas hi advenæ iniquiores, quin insensibilissimos identidem hostes sunt experti. Casus eorum varios, & belli pacisque negotia, quæ utrique nationi intercessere, Autor describit: ex quo tamen non satis constat, amiciusne hodie, atque olim utriusque gentis incolæ inter se degant.

pag. 296.

270.

277.

297.

272.

298.

299.

301.

302.

272.

HISTOIRE DES VARIATIONS DES EGLISES

Protestantes, par Mesfire Jacques Benigne Bossuet &c. Tome second. i. c.

Jacobi Benigni Bossueti Meldensis Episcopi &c. de Variationibus Protestantium Ecclesiarum, Tomus Secundus.

Juxta exemplar Parisiense, 1688 in 12.

DE primo Operis hujus tomo, Illustrissimique Autoris instituto, mense Februario pag. 65. seqq. diximus. Secundi, quem nunc sistimus, tomi *libro primo* (operis nono) ab anno 1561 inchoato, *Johannis Calvinii* ingenium & doctrina describitur, & in quibus pun-

- ctis a Luthero dissenferit, indicatur; nempe in dogmate de certitudine salutis & inamissibilitate gratiæ, itemque de necessitate Baptismi ad infantum salutem non exigendi. In his argutius quam Lutherus disputasse dicitur, sed & majoribus difficultatibus sese implicuisse. Refertur inde, ut in articulo de præsentia Christi in Sacramento non supra Lutherum saltem, sed & Zvinglium & socios sapere voluerit. Mediam enim quævisse inter illorum & Romano-Catholicorum sententiam, & ita aliquando locutum, ac si præsentiam per se & absque fidei interventu, adeoque ineffabilem & miraculosam admitteret; alibi autem & inprimis cum contra Lutheranos scriberet, ista enervasse. Itaque desertam ejus subtilitatem a discipulis, & quæ de substantia Christi in cœna præsentis, grandibus verbis jactasset, ita explicata, aut ab ipso potius non aliter intellecta fuisse, quam ut fides ipsum Christum, non alium, pro objecto apprehenderet. Taxat postea superbiam & ambitionem hominis acriorem, quam Lutheri; hunc enim impetu quodam, illum pervicacius & meditatum peccasse. De variationibus ejus, maxime in articulo de S. Cœna, exempla ex conscriptis ab eo confessionibus adducuntur. Ad colloquium Possiacenum non accessisse dicitur, ne austeritate & fervore suo partibus noceret. Multa ex illius colloqui historia annotantur, inter alia de *Cardinale Lotbaringo*, *Montucio Valentia Episcopo*, *Espenceo*, *Beza*, aliisque, quorum & dotes & navi memorantur, Reformatorum maxime, quibus omnibus callida hypoerisis imputatur, quod Augustanæ confessioni subscripturos se esse simulaverint, excepto Artic. X; quanquam & hunc aliquando admissores se esse dictitassent, dum Germanorum benevolentiam captare vellent.

- Libro X* ab anno 1558 ad 1570 de variationibus in Reformatione Anglicana agitur, circa articulum de præsentia in Sacramento Cœnæ. Improbatur arrogatus reluctanti Elisabethæ Reginæ primatus Ecclesiæ, & Parlamentis jus decidendi de sacris controversiis. Utitur hic aliquatenus Autor *D. Burneti* testimoniis, & dogma de inamissibilitate gratiæ ab Anglis rejectum esse statuit. Regressus inde ad res Gallicas, tumultus & rebelliones omnes Reformatis, non ut privatis & impetu agentibus, sed ut proceribus & Ecclesiasticis in Synodis decernentibus imputat multis argumentis, refutatque

Burne-

Burnetum (cui magnam Gallicæ historiæ imperitiâ obijcit) & *n. 42. sqq.*
Jurium, ita ut spiritum violentiæ religioni reformatæ naturalem
 esse putet, exempla saviæ allegans, quæ in Catholicos in Gallia *n 49.*
 grassati sint; quæ tamen reticere se voluisse ait, nisi exules Galli
 querelis de Catholicorum rigore totam Europam implerent. Cal-
 vini mortem narrans, placidam fuisse non negat, neque tamen illum
 divino judicio subtrahit, quod excitata hæresis flamma, quam tan- *57.*
 ta illius causa effusa sanguinis copia extinguere nequiverit, prome-
 ritus fuerit. Renovatam iterum A. 1566 Helvetiorum confessio-
 nem, & tunc primum, ut putat, receptum de justitia imputativa
 dogma sugillat, cum aliis ejusdem articulis, maxime de S. cœna, *59. 66. 97.*
 in quo tamen sinceros præ aliis Helvetios agnoscit, quod figuratum
 sensum satis aperte profiteantur. Polonos in confessionibus suis *68.*
 & unionis cum Lutheranis tractatibus confusus egisse, & in erro- *69.*
 rem de ubiquitate delapsos esse arguit.

Liber XI cæteris prolixior, Albigensum, Valdensem, Vi-
 clesidarum, Hussitarum & Fratrum, qui dicuntur, Bohemorum hi-
 storiam haud vulgari modo exhibet, magnamque illustris scri-
 ptoris peritiâ probat. Id vero hac digressionem agit, ut Prote-
 stantibus adminiculum omne eripiat, quod ex istarum sectarum con-
 sensu querere aliquando voluerunt, (errore, si probari potest, fa-
 cti, non doctrinæ.) Ostendit autem, *Albigenses* crassissimis Mani-
 chæorum erroribus, ex Oriente in Bulgariam barbarasq; illius tractus
 gentes, & inde in Occidentem & Gallias invectis deditos fuisse. Au-
 tores allegat contemporaneos, & qui nulla ratione suspecti haberi
 possint, ex quibus deducit, Albigeneses duo principia statuisse,
 conjugia improbasse, Sacramenta sprevisse, aut infando modo ad-
 ministrasse, & Christi incarnationem negasse; varia etiam nomina
 eorum refert, inter quæ usitatissimum erat *Catharorum*, unde Ger-
 manicum *Keßer* formatum est: puros enim se esse jactabant. *Val-*
denses ab illis quidem abominationibus absolvit, & ab initio nihil *71.*
 in religione Catholica mutasse dicit, quam ut paupertatem promi-
 scuam & communionem bonorum, ut necessariam ad salutem requi-
 rerent; postea vero in alios etiam errores incidisse, difficulter dete-
 ctos, quia paricum Albigenibus astu, cultum Catholicum per hy-
 procrisim retinuisent, magnamque morum probitatem in speciem
 servas-

- n. 151. servassent; Donatissimum etiam communem cum illis habuisse asse-
 161. verat. *Viclef* perversa dogmata, nec Protestantibus probata, ex
 libro ejus qui *Dialogus* inscribitur, recenset. De *Hussio* nota fere
 narrat, laudato Laroquio, nupero ex Gallis scriptore reformato.
 Negat *Viclef*um & *Hussium* de S. cœna sensisse, quæ Reformati pro-
 172. fitentur, uti nec Valdenses; Albigeneses vero plane allegari non de-
 bere, cum Sacramentum cœnæ pro ludibrio habuerint. *Hussium* ad
 mortem usque *Missas* celebrasse, ejusque propaginem fratres Bohe-
 mos fuisse, homines nempe plebejos, qui se post compositam cum
 Bohemis de communione sub utraque litem, a proceribus & maxi-
 me a *Rockezano* ejusque sectatoribus, qui *Calixtini* dicebantur,
 separaverint. Irridet igitur Protestantes, qui sectarios illos pro
 antecessoribus suis venditent, in hoc uno saltem concordantes,
 quod Pontificem Romanum ut AntiChristum diffamaverint. Ad-
 200. dit explicationem vaticinii Apostolici I. Tim. IV, 1, idque ad Mani-
 chæissimum accommodat, quod Protestantes de Anti-Christo Roma-
 no interpretari solent.

- Libro XII* ex gestis annorum 1571 ad 1579, & A. 1603 ad 1611, Re-
 formatorum in Gallia variationes elicit, inde maxime, quod arti-
 culum de cœna ad exemplum Polonorum cum Lutheranis in con-
 concordiam, in Synodo *Rupellæ* anno 1571 præside *Beza* habita, deducere
 voluerint, sed *Helvetiorum* offensas veriti ab instituto postea
 recesserint: in quorum gratiam formulam de substantia, *Rupellæ*
 10. II. licet probatam, anno sequenti in Synodo *Nemausensi* denuo cor-
 rexerint. Referuntur postmodum acta conventus *Francofurtensis*
 14. inter Reformatos A. 1577, procurante *Johanne Casimiro* Principe
Palatino, celebrati, in quo iterum cum Lutheranis conventionem
 studiose, sed frustra quæsierint. Inprimis improbat, quod A. 1578
 mutandæ confessionis facultatem Synodico decreto quatuor Theo-
 9. logis, sub *Vice-Comitis Turenii* directione detulerint. Taxat *Bel-*
 22. *garum* literas ad Lutheranos A. 1579. datas, in quibus *Lutherum* &
Melanchthonem pro sanctis patribus suis agnoverint, cum *Capitone*,
Bucero, *Bullingero* & *Calvino*. Decretum quoque *Charentonense*
 in censuram vocat, quo A. 1631. Lutheranis communionem suam
 27. obtulerint. Sequitur narratio de opinione singulari *Johannis Pi-*
scatoris, de justitia & satisfactione Christi. Professor is celebris
 inter

inter suos *Herbornæ* fuit, quod est Nassovicæ ditionis in Germania Cis-Rhenana oppidum, quanquam Autor id in fœderati Belgii provincie situm esse putet. Piscatoris autem sententiam quatuor licet synodis Gallorum condemnatam, nihilominus unius *Petri Molinæi Sedanensis* suafu toleratam fuisse refert. Molinæo hinc magni inter Reformatos nominis Theologo, Jurii avo materno, dicam scribit, quod dissimulandarum dissensionum magister fuerit, & Lutheranos condemnari ob *ubiquitatis* dogma noluerit. Ejusdem auctoritatem infra (Lib. XIV, n. 57.) indicat, qua Calvinii & Gomarii rigida dogmata Synodo Dordracenæ, epistola ad eam scripta, commendaverit.

Liber XIII. opponitur Protestantium sententiæ de Anti-Christo, quam a Luthero post Augustanam confessionem in conventu Smalcaldico productam, & a Gallis in Synodo *Gapensi* A. 1603 publicè receptam fuisse tradit. Insurgit maxime in librum D. Jurii de *implemento prophetiarum*, eique inter alios Grotium & Hammondū obijcit, imo Jurium Jurio, quippe, cui contradictiones non unas imputare solet. Anglum vero, *Josephum Medum*, quem Jurius plerumque ita sequitur, ut aliquando tamen ab eo discedat, acriter insectatur, vanum maxime ejus de *Gustavo Adolpho* Sueciæ Rege vaticinium & quæ de Turcis opinatus est, tum novos Prophetas, quos Jurius commendat, exagitans.

Libro XIV. prolixè agitur de sententia Calvinii & sequacium, de necessitate peccati Adamitici, itemque de certitudine perseverationis & inamissibilitate gratiæ, etiam in peccato mortali, & ut hæc omnia a Lutheranis & a *Jacobo Arminio* impugnata fuerint. Subjungitur narratio dissidii *Arminiani*, in Belgio enati, & actorum Synodi *Dordracenæ*, itemque expositio doctrinæ Romano-Catholicæ & oppositarum ei opinionum censura. Processus contra Arminianos principiis Protestantium contrarius esse dicitur, eosque illius exemplo ad decreta conciliorum recipienda obligari. Notatur, a Reformatis Gallis decreta synodi, licet ad illam non venerint, & tunc approbata, & nuper exules ex Gallia ad illa subscribenda adactos fuisse. Taxatur *Jurii*, ut & *Matthiæ Beccharti* mitior de Arminianis & tolerando in iis Pelagianismo sententia, & Jurius Pelagianæ hæresis manifeste accusatur. Iterum exprobratur Re-

- formatis Gallis *Charentonense* decretum A. 1631. ad demulcendos
 a. 95. Lutheranos, & inani spe ex successu belli Suecici, compositum. Ma-
 ximum inde de instabilitate doctrinæ argumentum elicitur, quo si-
 mul agnosci asseritur, salvari homines in Ecclesia Romana. Sequi-
 99. & sqq. tur relatio de concordia inter *Cassellanos & Rintclenses* A. 1661. pa-
 ad 112. cta, & de opinione *Cameronis* de universalitate gratiæ ab *Amyraldo*
 & *Testardo* Salmurii defensa, secuto magno inter Reformatos dis-
 117. sidio: annotantur etiam, quæ Genevæ ea occasione acta sunt. De-
 119. nique famigeratum Parlamenti Anglicani decretum A. 1678. publi-
 122. catum, quod *Testificatio*, vulgo *Test*, vocatur, in examen venit. Ex
 eo tamen mitius de Romana religione iudicium colligitur; tum
 quod transsubstantiationem solum, non autem præsentiam realem
 rejiciat; tum quod invocationem sanctorum non simpliciter pro
 idololatrica habeat, sed cum restrictione ad ritum Ecclesiæ Roma-
 næ: subtiliter enim inde concludit Autor, agnosci ab Anglis anti-
 quitatis Ecclesiasticæ peritis cultum illum, (sive invocatio, sive sa-
 no sensu adoratio dicatur,) veteris Ecclesiæ moribus convenire;
 idem de Missa statuit.

- Libro XV.* (ut Tomo I promiserat,) ad capitalem de Ecclesiæ
 autoritate & infallibilitate articulum accedit Episcopus, & quibus
 potest ingenii atque eruditionis nervis stabilire eam & Ecclesiæ Ro-
 manæ vindicare contendit, speciatim in *D. Juvii* Systema de Eccle-
 sia argumentorum aciem instruens. Et hic quidem, si quæ singula-
 ria & diversa ab aliis Protestantibus opinatus est, defendere ea no-
 verit. Communis vero tam Lutheranorum quam Reformatorum
 doctrina de Ecclesia & ministerio, notior est & dudum evidenter
 firmata, quam ut consuetis ab adversa parte objectionibus convella-
 4. 7. 10. tur. Neque hic enarrari possunt, quæ noviter & speciose ab Au-
 tore proponuntur, & ex ipsa Augustana confessione & ejus apolo-
 gia aliisque scriptis pro asserenda visibilitate, itemque ex Gallicis
 28. 29. 40. confessionibus adducuntur. Cum vero *Johannes Claudius* difficul-
 tates istas erudire & acute remove conatus sit, nihil omittit Epi-
 scopus, quo responsa ejus refellat. Negat inter alia, quod Luthe-
 ri tempore magna hominum & doctorum pars sententiam de Eccle-
 sia invisibili in mente habuerit; quod nostrates ex subito tot natio-
 num in Lutheri doctrinam consensu concludere solent. Originem
 hujus

huius opinionis Socinianis tribuit, propagationem *Marco Antonio de Dominis*, dein *Calixto*, & in Gallia Ecclesiæ Salmuriensi *D'Huiffeau*, (cujus tamen liber A. 1670 publicatus solenniter a Reformatis condemnatus sit) nuperrime vero a *Pajonio*. Transitur inde ad refutationem Jurii, *Pajonium* hætenus sectantis. Notatur ejus diversum & secum pugnans de Socinianorum cœtu judicium, & multa arguuntur ex concessione ejus, quod in Ecclesia Romana salus acquiri possit. Rejiciuntur quæ de excommunicationibus statuit; eique imputatur, quod contra suæ Ecclesiæ decreta *Independentissimum* stabiliat, & temerario ausu adversus omnium seculorum doctrinam novum illud Ecclesiæ systema produxerit. Speciatim respondetur ad interpretationes Symboli Apostolici in articulo de Ecclesia, & quæ ex historia schismatis Israelitici & Apostolicorum temporum argumentatus est. Eliminatur distinctio errorum in fundamentales & non-fundamentales, opposita promissione Christi de perpetua præsentia sua, qua omnes errores evitari posse statuuntur. Ecclesiæ asseritur judicium de controversiis fidei, ex ipsius Jurii traditis. Pro principio habetur, Ecclesiam semper credidisse, quod semel credidit. Adstruitur conciliorum infallibilitas, & Angli scriptoris *Bulli*, Reformati licet, cujus librum in Actis A. 1688. mense Decembri pag. 647. recensuimus, testimonium de concilio Nicæno, cum magno ejus elogio, votoque conversionis adducitur. Insultatur Jurio, quod dicere ausus sit, de veritate aliquando pacis causâ remittendum esse. Principium fidei ex scripturis a Protestantibus ipsis descripi putatur, cum fidei capita absque ejus lectione & distincta notitia, ex prædicatione & catechesi disci posse concedunt, nec plebem alio modo instruere possunt. Ex his aliisq; facile cognoscitur, omnia tandem ad autoritatē Ecclesiæ Romanæ, & ex ea unice, ut putant, dependentis missionis & ordinationis Episcoporum & Pastorum reduci. Unum saltem locum adscribemus, in quo Autor ipsam Ecclesiam introducit, his directis verbis populos Christianos alloquentem: *Vos quidem populus quidam, catæ & societas estis, sed Christus Rex vester nullum a vobis jus & potestatem, sed eam ab altiori loco accepit. Non magis vobis licet ministros constituere, quam principatum Christo ex vestro deferre arbitrio. Ut ipse, ita & ministri ejus vestrique pastores, altiorem habent ortum. Regnum ejus non est de hoc mundo, nec cum regnis mun-*

di comparari a vobis debet. Uno verbo: natura vobis nihil dat, quodcumque Christo & regno ejus commune sit; neque aliud jus vobis est, quam quod in legibus & consuetudinibus immemorialibus societatis vestrae deprehenditis. Haec autem jam inde ab Apostolico tempore tales fuerunt, ut pastores qui sunt, alios constituant. Vos eligite, nos confirmabimus, dicunt Apostoli, Act. VI, 6, 7. & Paulus a Christo vocatus alios constituit antistites Tit. I, 5. Blandiuntur vobis, qui dicunt, consensum vestrum necessario requiri, nec ipsi credunt, quod vobis persuadere volunt, cum pro veris pastoribus habeant, qui in Anglia absque ullo populi interventu constituuntur. Exemplum Matthia extra ordinem divina sorte ecclesiae, ad sequelam trahere non potest, neque omnia populo permissa in eo fuere. Praesedit Petrus, pastor a Christo constitutus, neque per electionem, sed declaratione ex caelo Matthias ad Apostolatam pervenit. In omnibus aliis casibus autoritas constituendi pastores ad constitutos pertinet. Potestas illius caelitus delata character sensibilis est manuum impositio, Ordini Ecclesiastico reservata. Ita succedunt sibi pastores: Christus qui primos stabilivit, adfuturum se illis promissit, ad quos ipsi translaturi essent potestatem suam; neque vobis Pastores obvenire possunt, quam in hac successione, quae non magis deficere censeri debet, quam Ecclesia ipsa, & predicatio verbi, atque usus Sacramentorum. Ita ex ore Episcopi loquitur Ecclesia, Romana nimirum; neque ita loquitur solum, sed haec effata omnibus suis Regumque sibi servientium viribus, & cum libet & potest, ferro & igne tuctur. Restat quaestio, an eodem modo loquatur universalis Ecclesia Christi. Protestantium Ecclesiae recte sibi jus vindicant, pastores sibi deligendi. Non negant, ministerium quoad essentiam & vim suam a Christo ejusque aeterna veritate dependere, sed illius functiones, expresso vel tacito consensu cœtuum Ecclesiasticorum, certis personis deferendo potestatem invictis argumentis demonstrarunt. Tanto igitur nix, nec olim aliud quaesitum est ex parte Cleri Romani, nec hodie tot novis argutiis aliud quaeri apparet, quam ut populus Christi in servitutem paucorum reducatur, qui vocis Christi, (quam oves ejus noverunt,) fixam certamque regulam sequi nolint, sed solo characteris sui axiomate freti credenda & facienda imperent. Hoc si divini esset instituti, & revelatum esset irrefragabiliter, neque habuisset orbis Christianus, quod de haeresibus tantopere quereretur, neque

neque hæ ab aliis quam plebejis autoribus profectæ essent. Sed omnium, proh dolor! temporum experientia testatur, Arianorum maxime seculum, & Græcum schisma, & quicquid de Romanis lamentatur ab usibus, non ab aliis magis, quam ab ipsis illis charactere & chrismate omnibusq; ceremoniis insignitis Episcopis & Sacerdotibus, nec singulis modo, sed & magno numero congregatis, quotiescunq; vel auctoritatem vel opinionem humanâ veritati & simplicitati Scripturæ prætulerunt, in errores inductas, imo decretorum & censurarum vi compulsas esse multas animarum myriades, totasque gentes & nationes. Pro magno igitur Dei beneficio habebunt, quotquot pie sapiunt Protestantium cœtus, quod majores sui ab ista persuasione divinitus liberati, ministeria sacra sibi constituerunt & ad posteros transmiserunt, per quæ non hominum arbitrio, aut quacunque consuetudinis & successionis allegatione, sed ex puris immotisq; principiis conservatæ per divinam providentiam in Scriptura veritatis, & accedente, ubi aderat, certâ, iniversionis & uniformis traditionis adminiculo, fides Christi, quæ ad salutem sufficit, docetur. Reliqua hujus libri XV. meletemata hypothesibus illis superstructa sunt, quarum capita præcipua hucusque recensuimus. Speciatim traditur Argentoratensis civitatis mutatio ex Zuingliana in Lutheranam. Ecclesiæ Romanæ constans & accurata decisionum in controversiis ratio extollitur, allato *Berengarii* exemplo. *Transsubstantiationis* vocabulum in concilio Lateranensi A. 1215 introductum, sicut homousii, non fidem, sed formulam novam aptamque enuntiandæ antiquæ veritatis continere dicitur. Idem de *Constantiensis* concilii placitis circa communionem sub una jactatur. Sic etiam concilii Tridentini scita in aliis articulis longa serie enumeratis defenduntur, excusata laxitate & ambiguitate. Quæstio de infallibilitate Papæ, ejusque supra concilium auctoritate, pro tali habetur, quæ in utramvis partem salva fide definiri possit. In epiloquo Protestantes, (qui hic & passim fratres vocantur,) maxime vero Lutherani, ad conciliationem cum Ecclesiâ Romana invitantur. Subjungitur additio ad Lib. XIV. magni, ut inscribitur, momenti, de scriptis *D. Jurii*, & *Danielis Severini Sculteti* Hamburgensis, quibus de conciliatione Protestantium inter se contenderunt. Urgetur hic maxime dogma de necessitate absoluta humanarum a-

n. 124.

129. seqq.

136.

139.

142.

165.

506.

tionum, & quæ ex illa sequuntur, quod Jurius Luthero tribuit; quasi hæc imputatio non innumeris vicibus refutata, & Lutheri orthodoxa & constans sententia ex ejus scriptis ostensa fuerit. Notatur hic etiam *D. Joh. Gerhardus*, jam melius Autori cognitus, quia tertium ei locum inter Lutheranismi columina assignat. Post ista & alia, propositum de conciliandis Protestantibus, ut inane & impossibile traducitur. Altera additiuncula ex *Abrahami Sculteti* Annalibus subnectitur ad Lib. XI, particula nempe colloquii A. 1530 a Bucerio & Oecolampadio cum Valdensium pastoribus quibusdam habiti.

HISTOIRE CRITIQUE DU TEXTE DU N. T.

id est:

Historia Critica textus Novi Testamenti; authore
Richardo Simone Presbytero.

Roterodami, apud Regnerum Leers, 1689, in 4.

PArti primæ excerptorum ex hoc libro proximo mense Februario pag. 133. ad Acta relata, alteram nunc eodem filo per textam addere juvat.

Cap. xx. Absoluta nimirum recensione librorum N. T. aggreditur Author duplicem objectionem Judæorum Gentiliumque philosophorum, qui aut ignorantia, aut malitia dolose postularunt scriptores N. T. eo quod ex V. T. allegarint loca, quæ aut aliter jillic legantur, aut, si ea iisdem conceptis verbis ibi extent, in alienum ab authoris mente sensum detorserint. Ad ἔγκλημα prius responderet Simon, Apostolis uti licuisse septuagintavirali versione a Judæis olim concinnata, & ab omnibus pene gentibus intellecta, utut ab Ebræo textu longiuscule haud raro recedente, postquam Ebræa biblia ne ab ipsis quidem Judæis illius ævi absque interprete intelligi possent. Cum vero Hieronymus statuatur, Apostolos quandoque (speciatim, ubi dicta *Jerem.* XXXI, 15. *Hos.* XI, 1. *Zach.* XII, 10. citant,) Ebræum codicem pressius, quam interpretes Græcos secutos esse; nodos hos Simon solvit, aut si mavis, secat, dum septuaginta senes loca illa V. T. eodem plane modo vertisse author est, prout hodie in Evan.

in Evangeliiis habentur, vertente vero tempore variis Glossematis. bus corruptos eam illic locorum induisse faciem, quam etiamnum obtinent. Adeoque si nova editio τὸν δ' a Simone accuranda esset, lectionem eorum primævam ex N. T. restitutum ab eo iri patet.

Ad alteram objectionem regerit, Judæos non debere vitio vertere Apostolis, quod more inter Rabbinos recepto על דרך רשע sensu mystico (quasi sapiusculè per meram *allusionem* paronomasticam,) Messiz adplicuerint veteris Instrumenti vaticinia, quæ literalis sensu de eo non agant, in *παρεργασίας* tamen Messiz, (quicunque is tandem fiet,) adplicari pridem suerint. Ex hac verò sola traditione avita allegationes id genus Apostolicas, (per se nihil probaturas,) probandi vim acrobur nancisci. Hujus commatis esse palmarium Esaïæ dictum de Emanuele nascituro, qui literalis sensu prophetæ filius, mystico Messias sit; nec non illud *cap. XI. v. 1.* ex quo *Nazareni* nomen illustrat Matthæus *cap. II. v. ult.* non aliam ob causam, quam quia in ejus lingua paronomastica similitudo inter vocem נָצַר *flos* & נְצָרֶת *Nazareth* intercedat. Hoc modo sapissime se ad silentium rede gisse perhibet Judæos, cum ex ipsis quaesierit, utrum mysticum illum argumentandi processum, Apostolis non magis, quam veteribus Rabbinis in Talmude, Sohar, Targumim & Medraschim frequentatum, improbare, ac hac ratione in Sadducæorum aut Karrzororum castra transire vellent?

Hinc refutare videri cupit *Grotium*, *Spinosam*, & *Theologos* illos *Hollandia* (vel, qui horum nomine latere creditur, *Johannem Clericum*;) qui *omnem Scripturam* collectivè sumtam θεόπνευστον dicendam negaverant. Negat nihilominus ipsemet, præter res verba quoque a Spiritu Sancto authoribus N. T. suggesta fuisse. Enarrat historiam acerrimarum litium, quæ superiori seculo Lovanienses ac Duacenses Theologos ex una parte, ex altera Lovanienses Jesuitas exercuerunt, horumque thesin, qua *verbalem inspirationem* impugnaverunt, magno conamine defendit; nihil tamen pro ea urget singulare, nisi quod apud *Cornelium a Lapide* comm. in II. Tim. III, 16. (ad quem etiam *Simon* provocat,) Gallicæ linguæ imperiti legere poterunt.

Stylum Evangelistarum & Apostolorum, cum primis Pauli, humilem, salebrosam, difficilem intellectu, Ebraïsmis ac barbarismis refectum

Cap. xxi.
xxii.

C. xxiii.
xxiv. xxv.

C. xxvi.

ferum vocat cum Origene, Hieronymo, Chrysostomo, Tolet, Gagnas, Castalione, Enjedino, quorum testimonia in vulgus nota sunt. Ignorantius est iudicium Scholiastæ Græci in IV Evang. (in bibliotheca Colbertina sub n. 2254 extantis) de Johannis stylo ac Græcæ linguæ imperitia: Οὗτος ὁ εὐαγγελιστὴς πατέρῳ μὴ ἢ ἡτοι καὶ εὐτελὺς ἀπὸ Βηθσαιᾶ τῆς Γαλιλαίας, πατὴρ δὲ ἁλίου καὶ πίνης πτωδίας δὲ τῆς ἐξωθεν ἰδοτιῶν μετῇ. ἔτ' ὁ ἁλίου καὶ ιδιώτης ιδιωτείας τ' ἐχάτην ὁ γραμματὰ μὴ εἰδώς, &c.

- C. XXVII. *Linguam Hellenisticam* tuetur contra Salmasium & Crojum, monet tamen, meram *λογομαχίαν* de hoc argumento agitari. Neque enim proprie *linguam* aut *dialectum* dici posse loquendi ac scribendi genus, cuius verba singula Græca sint, phraseologia sola sit Ebræa, h. e. Ebraïsmis scateat. *Linguam* ergo *Hellenisticam*, (quam *Græcam Synagoga idioma* vocari mallet,) ita se habere ad Græcam linguam, uti *Hispanica* lingua, qua Judæi bibliorum & liturgiarum versionem *Hispanicam* Ferrariæ & Constantinopoli vulgarunt, se habet ad linguam *Hispanicam*, qua Christiani Hispaniarum incolæ utuntur.

- C. XXIX. Ultimam libri partem occupat non perfunctoria de *MSCris N. T.* tractatio. Præmittitur recensio authorum, qui varias codicum lectiones congesse; e quibus Amelortus (Gallicus N. T. interpret) est, quem, cum tot *venerandis ac angustis MSCris* se usum gloriatur, vanitatis, imposturæ ac ignorantie non vulgaris haud illepidis salibus insinuat. Consentit tamen eidem, codices Græcos, ad quos *Ximenius*, *Stephanus*, *Erasmus*, *Beza*, typis impressas editiones suas adornarunt, *vulgares* aut *vulgatos* dici posse, ut distinguantur ab aliis antiquioribus nondum vulgatis, ad quos olim *Vulgata* Latina confecta fuerit. Juxta regulam autem *Ambrosiastri* sive *Hilarii* Diaconi Romani *Comm. in Rom. V. 14.* iudicium ferendum esse, utrum Græci vulgati, an Græci alii cum Latina versione exactius conspirantes, hoc illoves casu majorem fidem mereantur. *Hoc* (inquit ille,) *verum arbitror, quando & ratio & historia & auctoritas observatur.* Negat vero Noster, hanc codicum Græcorum discordiam, concordie inter Græcos Latinosque in Florentino Concilio initæ imputandam. Scripserat nimirum Erasmus, codicem Græcum Anglicanum, in quo *versum 7. Ep. I. Job. c. V.* repererat, ad Latino-

Latinorum codices fuisse castigatum. Posteaquamenim (inquit) *Græci concordiam inierunt cum ecclesia Romana, studuerunt & hac in partem Romanis consentire.* Hoc probatu impossibile esse, censet Simon. Quin in contrarium urget, quod lōca, quæ a Græcis Latinizantibus correctæ feruntur, nihil ad controversias faciant, quæ inter utramque ecclesiam Florentiæ utcunque compositiæ aut sopitiæ fuerint; itemque, quod plerique ex iis, qui Florentinis decretis Florentiæ subscripserant, Constantinopolin reversi, omnia illa acta solenni protestatione resciderint; tantum abest, ut in Latinorum gratiam biblia sua corruperint. Neque concedit Scholasticorum quibusdam, Latinam Vulgatam semper præferendam Græco textui, ideo quod *Græci schismatici codices suos corruperint, veritas vero apud Romano-Catholicos illibata supersit.* Observat potius, sapissime, sed summa injuria, bibliorum corruptorum actionem intentatam hæreticis; quemadmodum multis creditum fuerit, Arianos 1. *Epist. Joh. V. 7.* criticam manum intulisse, ac τὸ *quia Deus Spiritus est* ex *Joh. III, 6.* erasse; vocem ἀγιον Macedonianorum fraude *Joh. VII. 39.* insertam; Nestorianos denique 1. *Joh. IV. 3.* pro πᾶν πνεῦμα, ὃ λέγει ἰησοῦν, supposuisse isthæc: πᾶν πνεῦμα, ὃ μὴ ὁμολογεῖ ἰησοῦν. Ostendere vero satagit, quomodo imaginariæ illæ singulorum locorum corruptelæ ex orthodoxorum scholiis, quæ ex margine in textum irreperint, nasci potuerint.

Vetustiora N. T. exempla MSCTa, quotquot in Occidentali nostro orbe extant, aut pleraque saltem, a Latinis Græcæ linguæ studio- Cap. xxx.
xxx.
 sis in usum suum olim descripta esse, opinatur; cum Bibliorum editiones, quæ typorum beneficio in omnium manibus versantur, ad codices Græcos, ab ipsismet Græcis in ecclesiæ suæ usum exaratos, exactæ ac expressæ sint. Illa inter eminet famosissimum illud exemplar, *Cantabrigiensi* Academiæ a Theodoro Beza donatum, quatuor Evangelia atque Apostolorum Acta complexum. Hujus altera pars esse putatur æque celebris ille Epistolarum Paulinarum codex, Beza quondam nomine *codicis Claromontani* frequenter allegatus, nunc in *bibliotheca Regis Galliæ* repositus, cui plane gemellus in *bibliotheca Benedictinorum* Abbatæ Sangermanianæ visitur. Termini hi codices Græci versionem Latinam veterem sive Ante-Hieronymianam adjunctam habent, quod (Simone judice) argumen-
 Y to est,

to est, non ex Græcia eos allatos, sed a Latinæ communionis hominibus descriptos fuisse. Hos enim, ut eo facilius, quotiescunque opus esset, ad fontes recurrere possent, exemplaribus *Græco-Latinis* uti consuevisse. Vero autem simile non videri, Græcos versionem Latinam, quam non intelligebant, descripturos fuisse. Porro ab eadem manu & Græca & Latina profecta esse, ex simillimis litterarum Græcarum ac Latinarum ductibus patere ait. Latinas quippe literas in his MSCtis minus recedere a forma litterarum apud Græcos usitatarum. Unciales enim Latinas magis quadratas, Græcas oblongiores ac graciliores esse solere. Accedit, quod in duobus illis Paulinarum epistolarum MSCtis, *epistola ad Hebræos* non in ipsam Paulinarum syllogen aut catalogum relata, sed in calcem voluminis post catalogum rejecta deprehendatur. Hoc non alia de causa contigisse, quam quod Latinæ ecclesiæ & *Paulinæ* & *Canonicæ* eam esse negarint, cum utrumque Græci universi affirmarent. (Confer excerpta nostra ex Cap. XVI.) Nec de nihilo est, quod tanta sphalmatum copia, quantam in his libris observasse se testatur Simon, arguere videatur, eos non Græcorum, sed Latinorum Græcæ litteraturæ parum peritorum opus esse. Rationem etiam reddit Author stupendæ multitudinis lectionum variarum, quibus hi codices a vulgatis Græcis dissentiant. In causa nempe fuisse effrenem illam orthodoxorum nonnullorum Hieronymo antiquiorum licentiam, qua (ipso *Hieronymo* teste) Evangelistam ex Evangelista, Epistolam ex Epistola interpolaverunt, verba scriptorum sacrorum alio subinde ordine collocarunt, supplementis auxerunt, synonymis clarioribus explanarunt, aut in compendium redegerunt; id quod satis constat vel ex illa variarum lectionum farragine, quam speciminis loco ex Evangelistis & Epistola ad Romanos excerpfit Author. Caverunt tamen ut plurimum, ne genuino sensui glossæmatis suis vim inferrent. Nihilominus quandoque nulli sunt veriti, historias ex Apocryphis *γνησίῳ* Evangelio infarcire, quemadmodum Lucæ VI. 5. post vocem *συνβατά*, in Cantabrigienhi MSCto hæc leguntur: *Τῇ αὐτῇ ἡμέρᾳ θεασάμενός ἡμεῖς ἐργαζόμενον τῷ συνβάτῳ εἶπεν αὐτῷ ἄνθρωπε, εἰ μὴ οἶδας τί ποιῆς, μακάρεῖς εἰ εἰ δὲ μὴ οἶδας, ἐπικατάρταις καὶ ὑπερβάτης εἰ τὸ ἴσους.*

C. XXXII.

Afferit post hæc *variantes lectiones* aliorum quoque codicum

MSCto-

Miscorum, præsertim *Colbertinorum*, & ut plurimum, quid de unaquaque sentiat, non dissimulat. Sic e. c. arbitratur, *Matth. V, 22.* vocem *ἐκ* genuinam, adeoque *ἄνευ* *sine causa* Vulgatæ Latinæ restituenda esse; orationis dominicæ epilogum *Matth. VI, 13.* ὅτι σὺ ἐστὶν ἡ βασιλεία, καὶ ἡ δύναμις, καὶ ἡ δόξα εἰς τὰς αἰῶνας, non Christum aut Matthæum habere authores, sed ex liturgia ecclesiæ Græcæ plerisque Matthæi codicibus insertum fuisse; denique (ut cætera taceamus,) *Matth. XXVII, 9.* pro *ἱερεμίας* omnino legi oportere *Ζαχαρίας*, uti reapse legatur in codice Colbertino 2467. Facili enim negotio hæc confundi potuisse invicem, cum illud *ἱππότης*, hoc *Ζῆπότης*, per abbreviaturam in antiquis libris scriptum fuerit.

Postremo ubi de *accentibus*, & *interstitiis vocum*, de *ἄλλοις*, (ver. C. XXXIII. *fibis*), *ῥήμασι*, (*distis*), *περικοπαῖς*, (*sectionibus*), *καφαλαίοις* seu *ἑτάλοις*, (*capitulis*), *ἀναγνώσμασι*, (*sectionibus*), critices sacræ studiosis non ignota in medium attulisset, finem imponit *libro* huic *primo*. Nos de eo definimus plura. Nulli interim dubitamus, quin philologiæ sanctioris cupidi valde desideraturi sint, ut publici juris propediem fiant *secundus tertiusque* Historiæ hujus libri, quorum illi *p. 188. 211. 335. 367. 383. 392.* hunc *p. 327.* edere spondit Author. Ex his locis lectores curiosi argumentum illorum librorum quadantenus, si libuerit, colligere poterunt.

CONTINUATIO EPISTOLARUM, DATARUM

ad longe Celeberrimam Regiam Societatem

Londinensem ab Antonio de Leeuwenhoek, ejusdem Societatis Membro.


Lugduni Batavorum, apud Cornel. Boutestein, 1689 in 4.

Epistolarum ab Autore industrio ad Illustrem Societatem Anglicanam exaratarum tres hætenus idiomate Latino prodierunt partes, quarum postquam primam *A. 1685. mense Novembri*, secundam vero in *Supplementis Sect. 2.* recensitas dedimus, operæ erit pretium & tertia nunc parte, quam Continuatio præsens octo ex *epistolis* compaginata exhibet, potiora nobis visa excerptere. *Ep. I.* texturam pag. 1. dentium evolvit in elephante, sue, homine, bove & equo, e tubulis

- bulis exilibus, ex intima eorum parte cava nervis, sanguiferis aliisque vasis oppleta initium petentibus, ac ad circumferentiam usque desinentibus, coagmentatam. Ossei vero hi tubuli, quorum fines forsitan in mollia vascula per gingivam sese dispergentia denuo mutantur, si a crassa quadam destruantur materia, odontalgiam oppido excitari docet, in quantum interiora cavitatis vascula e vestigio dilatata sese invicem maxime comprimant. *Ep. II.* bina scrutatur semina, Mespili videlicet & Coffi: in illis, vulgo lapillis dictis, nunquam quidem recentem plantam perfectam, ob medullam sive nucleum imperfectum, bene tamen globulos farinaceæ paucae substantiæ ibi deprehensæ inter se cœnitos & ex se invicem prodeuntes apparuisse indigitans; in his vero, vulgo fabis Coffi denominatis, tum primordium ipsius plantæ, e tribus distinctis foliis ac parte in truncum & radicem abitura compositum, tum reliquum seminis non tam e materia farinacea, quam e particulis spongiosis sive ramosis, quarum cavernulas relictas multis in locis oleum occupet, contextum delineans, simulque situm folia primordii hujus plantæ aliquando obducentem, veluti multo propius eum floribus convenientem, adumbrans. *Ep. III.* variorum seminum anatonem, figuris tantum non ubique adpositis, edocet, in quorum aliis v. g. semine tritici, secalis, hordei, avenæ, fagopyri, milii, canariæ, acetosæ, mannæ & chærefolii, recens planta in farinacea collocatur substantia, in aliis autem e. g. semine raphani, napi, brassicæ Cypricæ, Italicæ, rubræ itidem & albæ, raphani Hispanici, napæ, trifolii prætensis, sinapi, cannabis, cochleariæ, nasturtii, trifolii odorati, malvæ Bohemicæ ac erucæ, plantæ solummodo folia ac pars in radicem & truncum cœsura absque ulla materia farinacea occurrunt. Semen vero betæ rubræ pro unico & simplici vulgo habitum, seminis involucri esse, in quo 2, 3, 4. aut 5. distincta semina hæreant inclusa, animadvertitur. *Ep. IV.* mutationes circa bombycum ova pariter atque bombyces ipsos inibi adhuc delitescentes temporibus diversis annotatas commemorat, alia inter a bombycibus ova mordendo diffringi auxilio humidæ substantiæ, quam e corpusculo eructent, observans. *Ep. V.* quo curculionum (animalculorum frumentum comedentium) generationem univocam stabilit, plures tradit Observationes figuris a nobis huc transcriptis partem illustra-



TAB. III. ad A. 1689. pag. 173.



lustratas, e quibus semen curculionis virile incredibili viventium animalculorum numero turgere, curculionem masculum cum femella coire, hanc ova parere, eaque intra grana frumenti rostro perforata deponere, ex ovis istis vermes prodire, hosque demum vermes in curculiones permutari, omnino patescit. Scilicet in *Tab. III.*

TAB. III.

Fig. 1. curculionem naturali magnitudine præditum exhibet. *Fig. 2.* vero mediante microscopio rostrum curculionis delineat, ut instrumenta, quibus frumentum cum alimenti recipiendi, tum ovorum deponendorum gratia perterebratur a curculionibus, conspiciantur, ubi BCDE rostrum curculionis repræsentatur, quod alias tamen non adeo rectum, uti hic orificii D cum forficibus lustrandi ergo depictum, sed incurvatum potius decurrit, prout BID indicatur; EGH duo sunt cornua; ABF capitis existit pars, in qua B rotundi annotantur globuli, oculorum alterum juxta Autorem constituentes, qui microscopii ope ita apparuere, ac si oculo nudo existeret admodum corallia nigra in ordine concinno juxta se invicem posita deprehenderentur. *Fig. 3.* thecam sive membri virilis vaginam sistit duram, subrubram ac pellucidam, parumque incurvatam, e qua membrum virile molle alias ac flexile intra LM prodire assolet. *Fig. 4.* tam OPS eandem membri virilis vaginam, quam PQR ipsum membrum virile, cui arte unitur, ostendit. *Fig. 5.* ABD corpus, & BCD caput indicat vermiculi non nisi magnitudinē unius arenulæ adæquantis, recenter ex ovo curculionis exclusi. *Fig. 6.* EFG unum ovorum depingit, quæ lateribus vitri curculiones sine frumenti granis aliave materia asservantis apparuerunt affixa. *Fig. 7.* HIKL caput, & KLH corpus designat alterius vermiculi ex alio ovo consimili prodeuntis, in quantum post vehementem motum parum quiescens totum corpus in sese contraxit; quatenus vero vermiculus ejusmodi corpus suum in longitudinem explicuit. *Fig. 8.* MNOP indicatur. *Ep. VI.* in formicarum ovis perquam exili-

pag. 76.

bis haud formicas perfectas, sed vermes in formicas postmodum transformandos reperiri demonstrat, qui vermes pullorum instar ut hyeme sustententur, tanquam ineptissimi, qui ipsimet victum quarant, formicas adeo sedulas æstate in cibo ad nidos deferendo observari, ipsis interim formicis per totam hyemem, præsertim cum intensum frigus urget, absque ullo alimento ulloque motu sub terra

pag. 91.

degentibus; neq; formicas mordere, sed aculeo in posteriori corporis parte collocato pungere, simulq; laticem acrem per fossulam hinc inde aculeo insculptam emitte, vehementissimum in nobis dolorem excitantem. *Ep. VII.* primum animalcula in succino & aqua, nec non vermes e carne cujusdā materiæ propullulantes contemplatur, quos ultimos revera ovorum a musca ibi depositorū progeniem extrixisse inde evidenter evincit, quod vermes hi in veras degenerarint muscas, a quibz rursus ovula similes vermes temporis successu suppeditantia, exclusa fuerint; animadversione quippe dignum circa muscarum generationē videri, quod muscarius vermis sive acarus, in cujus intestinis chyli quoq; motum dignoscere microscopii auxilio valuit Auctor, quinq; saltem dierum spatio ad perfectam magnitudinem evehatur. Hinc in urticas & millepedas (rectius erucas) Indicas inquirat, quomodo utraq; ingentem corpori nostro dolorem cum extumescencia sociatum inferre possint, ibi quidem aculeos partim rigidos & excavatos humorem acrem globulorum specie extillantē, hic vero duos forcipes sive pressores humorem pariter noxium simul emittentes respiciens, nitidisque figuris exprimens, e quibus duas solummodo quoad millepedas Indicas transferre huc liceat. *Fig. 9.* videlicet GHIKLM Millepedam sive Erucam Indicam magnā monstrat, cujus duo forcipes sive aculei IK notantur. *Fig. 10.* vero ABCDEF magnam ope microscopii declarat partem forcipis sive pressoris, a millepeda minori parvum saltem digitum circiter longa abrepti, in specie C forcipis fossulam sive foraminulum, e quo noxius inter lædendum deducitur humor, significat. Tandem *Ep. IX.* Cocheniliam & Corticem Peruvianum pervestigans, Cocheniliam primo pro fructu arboris multa includente semina reputatam, partem postea internam posteriorem animalculi cujusdam e vermiculo pariter procedentis esse, cujus caput, ungulæ, scuta, & tota anterior corporis pars sint abjecta, detegit; in cortice autem Peruviano sive chinæ chinæ inter alia transversim dissecto, magnam copiam exilium vasorum, quæ lucidam oleosam materiam contineant, cum reliqua ejus textura recenset.

113.

COMPENDIO DELLE VITE DE I RE DI
Napoli, con li Ritratti al naturale &c.

sive

Compen-

Compendium Vitarum Regum Neapolitanorum, una cum ipsorum imaginibus ad vivum expressis, colligente Antonio Bulifon.

Neapoli, sumptibus Autoris, 1688. in 12.

Elegantuli hujus libelli (quem celeberrimi *Magliabechii* liberalitati debemus,) editor Bulifonus, jam pridem in exponendis rebus Neapolitanis versatus, utpote qui regni istius antiquitates, ut ipse in præfatione testatur, multorum jam librorum publicatione illustrare satagit; indigenis æque ac exteris gratam se operam præstiturum esse persuasum habuit, si historiam vitasque singulorum, qui regni illius habenas moderati sunt, in compendium redigeret, ipsorumque iconismis adornaret, non oculos minus lectorum oblectantibus, quam memoriam simul quadantenus juvantibus. Et imagines quidem quod attinet, magno eas a se studio e melioribus archetypis, ad vivum expressis, desumptas atque collectas prædicat: ipsas vero vitarum descriptiones maximam partem ex *Compendio Scipionis Mazzella* desumptas esse fatetur, de quibus adeo, cum novum nihil contineant, historiasque præterea in brevissimam modo redactas epitomen recenseant, plura hic verba facere non erit opus. Ut vero nitidius adhuc evaderet opusculum, singulis Vitis singula subjecit epigrammata Italica, octonis versibus constantia, præcipuaque cujuslibet Regis gesta succincte & uno quasi obtutu exprimentia; qua in re metnodum a *Paulo Jovio* in Elogiis suis adhibitam imitari se quodammodo voluisse ait: tamen si eatenus ab isto disceperet, quod Jovius epigrammata a variis viris eruditis composita undique congerisset; hoc in libro vero expressa unum eundemque agnoscant autorem; quem utut noster nominare superseatur, e meliorum tamen scriptorum, quos quidem nunc Neapolis alat, numero esse laudat. Cum vero Regnum hoc & olim multoties, & nunc imprimis per Proreges fere administrari suerit, horum quoque notitiam aliqualem lectori subministrare simul, a proposito nequaquam alienum fore duxit. Hinc post Regum recensionem subnectit Catalogum singulorum Capitaneorum Generalium & Proregum, inde a Belisarii temporibus, utpote qui post occupatam anno 538 Neapolin, sub Justiniano eidem aliquan-

dum

diu praeuisse legitur, usque ad *Gasparum de Haro e Gusman*, cujus etiam effigies una sistitur & gesta praecipua praedicantur, quomodo nempe Rempubli~~cam~~ a grassante passim latronum peste liberaverit, armorum noxiorum gestationem in civitate vetuerit, monetam suae restituerit bonitati, denique populum magnificis demulcere spectaculis, ejusque favorem & obsequium conservare sciverit. Nec omittit indicare, quomodo huic, postquam libellus jamjam ad finem perductus fuerat, subito fati functo, in officio isto suffectus fuerit *Laurentius Onuphrius Colonna*, mense Novembri anni 1687. Reliquorum autem Proregum nuda fere nomina cum annorum numero & temporum determinatione traduntur; allegato subinde uno alterove simul autore, apud quem ipsorum gesta plenius reperiri valeant. Sub finem denique superadduntur *Tabulae* Regum Neapolitanorum *Genealogicae*, xxi non minus nitide ac ipsae eorundem effigies incisae, sex omnino, pro numero familiarum, quae successive istis rerum potitae sunt. Nimirum I. sistit Reges ex linea Normannica, II. ex Suevica, III. ex Gallica, IV. ex linea Ducum Andegavensium adoptatorum, V. ex Arragonica, VI. denique ex Hispanica oriundos. Dedicatur opusculum hoc *Thoma de Aquino*, *Principi de Feroletto & Comiti de Martorano*, in cujus antiquae profapiae laudibus & meritis extollendis Autor satis prolixus est, nequaquam omissa mentione sancti istius Thomae Aquinatis ex eodem prognati stemmate, ac per totum orbem Christianum celeberrimi: de cujus agnatione quantopere sibi gratuletur illustrissima haec familia, vel exinde colligere est, quod verba ista, quae ex imagine Crucifixi ad dictum sanctum aliquando prolata refert traditio: *Bene scripsisti de me, Thoma*, ipsi suo scuto Gentilitio (quod simul hic depingitur) duplici inscriptione inferi fecerit.

LIBRI NOVI.

J. C. Sturmii Mathesis enucleata. Noribergae, 1689. in 8.

P. Keuchenii Annotationes in Nov. Test. Amstelodami, 1689. in 4.

M. F. Geuderi Diatriba de Fermentis variarum corporis humani partium specificis. Amstelodami, 1689. in 8.

C. Cellarii Elementa Astronomiae cum G. Schickardi Astroscopio. Mersburgi, 1689. in 8.

Fundamenta Theologiae Didascalicae, auctore Joh. Melchioris. Franequerae, 1689, in 8.



ACTA ERUDITORUM

publicata Lipsiæ

Calendis Aprilis Anno M DC LXXXIX.

DEFENSE DES VERSIONS DE l'Ecriture sainte, &c. i.e.

Defensio versionum Scripturæ Sacræ, Officiorum ac Patrum ecclesiæ, & speciatim versionis Gallicæ recens-editæ Breviarii Romani; adversus *Sententiam* Officialis Parisiensis d. 10. Apr. 1688 latam. Accedit *Advocatus publicus* contra *Requisitionem Promotoris* d. 3. Maji datam.

Coloniz, apud Nicol. Schouten, 1688, in 12.

GAllica illa Breviarii Romani versio, cujus res contra *Gheronium*, Abbatem de la Chalade, Priorem ad D. Jo-
hannis de Brou, Officialem *Francisci Harlai* Archiepisco-
pi Parisiensis, libello hoc apologetico agitur, autho-
rem habet Abbatem *LE TOURNEIX*, qui & *Historia vi-
tæ JESU Christi*, *Optimo modo audiendi Missæ*, *Anno Christiano*, *In-
structionibus de Sacramentis*, *sex epistolis polemicis*, *Officio denique heb-
domadæ sanctæ*, pietatis ac eruditionis haud vulgaris famam apud
suos sibi, dum in vivis esset, conciliaverat. Decefferat quintus se-
re mensis, ex quo opus illud prægrande, (cujus impressio *Thierrio*
bibliopolæ decem pluribusve Joachimicorum millibus constiterat,) impune & vendebatur & emebatur; cum subito in id insurrexit
ejusque lectione *ex officio* d. 10. Apr. 1688. interdixit Romano-Ca-
tholicis *Officialis*, quem diximus, *Parisensis*; idque quadruplici de
caussa: 1.) quod suppresso authoris nomine, & quidem 2.) absque
Archiepiscopi Parisiensis indultu editum fuisset; 3.) quod omnes
in universum versiones Officiorum Ecclesiæ, sententia Facultatis
Parisensis & Cleri Gallicani exeunte anno 1660 congregati, da-
mnanda

Z

mnanda

mnandæ sint; denique 4.) quod propositiones complures erroneas, suspectas, fideique catholicæ adversas in versione hac reperire sit. Singulas has rationes sub examen revocavit autor libelli anonymus, *Jansenii* partibus, æque ac *Le Tourneux*, ad idus, cumque *Promotor* Cheronii d. 3. Maji 1688 sententiæ *Officiarii* sui vindicias edidisset, novam responsionem sub titulo *Advocati publici* (l' Avocat du public) adjecit. Nolumus autem singula controversiæ momenta curatius expendere, cum nec *Breviarium*, nec *versio* ejus *Gallica* ex illorum librorum censu sint, de quibus in his *Eruditorum Actis* solliciti sumus. De sola quæstione palmaria aliquid dicemus, *anrum Christiani a versionibus vernaculis S. Scriptura, divinarum Officiorum, Patrumve ecclesiæ abhorreere debeant?* Affirmaverat id præfracte *Facultas Theologorum Parisiensium* anno 1607, 1620, 1641, 1655, 1660, 1661; illiusque decretis sententiam suam superstruxerat *Cheronius*. Negat *Anonymus*. Fatetur equidem, hæreticos, quos vocat, vernaculum Bibliorum usum omnium maxime commendasse ac efflagitasse. Idem tamen factum a multis Romano-Catholicis, quod nec *Spiritus Roserus*, nec *Petrus a Soto*, infensissimi licet versionum hostes, inficias iverint. Opponit Sorbonæ *Theologos Lovanienses*, quorum auspiciis N. T. Gallicum Antverpiæ anno 1530, cum privilegio Caroli V. Rom. Imp. ac paulo post universa Biblia tum Gallice, tum Belgice impressa fuerunt. Laudat etiam ex Parisiensibus antiquioribus *Nicolaum Oresmium* Doctorem Collegii Navarraz, quem seculo XIV Johannes Rex non modo studiis Caroli filii dirigendis præfecerat, sed & author ei fuit, ut universa Biblia Gallice redderet, quemadmodum *Jacobus de Voragine* Archiepiscopus Genuensis seculo XIII. Biblia in Italiam linguam transtulerat; nemine virorum institutum improbante. Nec *Gersonem* a quibusvis, sed tantum a *maletradulibus* versionibus abhorruisse, adductis illius verbis evincit. Postquam vero Lutheri auspiciis tot controversiæ Pontificiis ex Scripturis fuissent motæ, Doctores Facultatis Parisiensis averissimè in versiones vernaculas animo esse cœpisse, queritur; non aliud autem, ut hoc facerent, in causâ fuisse asseverat, quam quod, linguarum & historiæ ecclesiasticæ studio neglecto, vernaculas Versiones nudius tertius demum in ecclesiâ invectas esse, persuasum haberent, quodque, cum illi ipsi Gallica lingua

gua

gna miserum in modum barbaris ac solocisimis depravata uterentur, nec abs aliis vernaculam confici posse versionem, quæ non injucunda lectu esset, sperarint; denique quod, quicquid ab hæreticis laudari animadvertissent, hæreseos suspectum, infelici illa tempestate, creditum fuerit. Longe his saniores fuisse observat Perronium & Richelium Cardinales, Clerum universum Gallicanum anno 1656 congregatum, Episcopos illos ac Doctores, qui Amelotti versioni N.T. Gallicæ cum approbationibus suis in publicum prodeundi potestatem fecere, quin ipsosmet Sorbonistas modernos, si paucos forsitan eximas, universos. Sed & in Regem injurium esse adferit Cheronium. Cum enim tot myriades exemplarium N.T. Psalterii & Horarum Gallicarum, Regiis sumptibus executæ ac inter recens e Calvinismo conversos distributæ fuerint, ex Officialis Parisiensis hypothese consequi ait, Regem perniciosum aliquid, & a quo potius abhorrere deberent, subditorum suorum manibus inseruisse. Porro notum est, in Breviario Romano non unas SS. Patrum homilias legi. Urserat itaque Cheronius, quod & a Patrum versionibus vernaculis abhorrere se, testati fuissent Sorbonistæ anno 1660. At regerit Noster, Patres in vernacula sua scripsisse, tantumque abesse, ut quinquam a lectione operum suorum quoquo modo arcere voluerint, ut potius ea vel ipsis formis inscripserint. Confessiones Augustini & Hieronymi epistolæ Hispanice olim tralatas S. Theræsi ætate extitisse, ex Breviario Romano ostendit, ubi Theresia (Latinæ linguæ ignara) utrasque lectitalle traditur.

Pro ipso denique Breviario vernacule vertendo, inter cætera argumenta urgetur, quod illius versio ab Abbate Marolio Parisiis anno 1650 edita a nemine damnata fuerit, quamvis omnia illa ambitu suo complectatur, quæ in versione habentur ab Abbate Le Tourneux adornata, utpote quæ quoad materiam plane gemella, cætera autem longe illa nitidior, doctior accuratiorque sit. Ne igitur quis durius Tourneusianæ fatum miretur, monet hujus hyperaspistes, Jesuitas non potuisse non Jansenistæ invidere operis bene elaborati laudem, eaque propter omnem movisse lapidem, ut inter prohibitos libros illud referretur.

JOSEPHI LANZONI, PHIL. ET MED. DOCT.
*Ferrariens. Animadversiones variae, ad Medicinam,
 Anatomiam & Chirurgiam maxime facientes.*

Ferrariae, sumptibus & typis Theodori Schenk, 1688, in 8.

TRia hucusque Autoris hujus ad nos Ferraria pervenerunt opuscula. Primum typis Hieronymi Filoni anno 1687 exscriptum, *Olai Borrichii* Dissertationem de lapidum generatione in macro- & micro-cosmo *Astor. Hafniens. Volum. 5. p. 184.* & *Boneti Medic. Septentr. Tom. I. p. 748.* divulgatam exhibet, Additione adauctam; secundum vero ejusdem Filoni sumptibus superiori anno editum *Henrici a Moench* Observationes Medico-Chirurgicas scholiis a nostro illustratas, nec non *Arnoldi Boottii*, *Martini Bogdani*, & *Jacobi Seidelii* Observationes complectitur; tertium denique praesentes sunt *Animadversiones* sive Dissertatiunculae numero centum & quinquaginta, promiscue modo partes aliquas corporis nostri, modo affectus nonnullos praeternaturales, modo remedia quaedam ac methodum medendi, tam ex autoribus, quam observationibus interdum propriis declarantes, e quibus sequentes impraesentiarum adduxisse sufficiat. Scilicet *Animadvers. V.* adolescentulam refert ab ulcere gutturalis sive asperae arteriae jugulatam. *Animadvers. XI* militem a cephalalgia ingenti, remediis aliis incassum adhibitis, ope cucurbitulae & quidem scarificatae summitati dorsi adpositae sistit liberatum. *Animadu. XII* tumorem in postica capitis parte cujusdam Judaei tradit absque febris & dolore materiam purulentam sub cranio carioso foventem. *Animadvers. XV* cranium in adolescente a rheda delapso fractum, cute leviter saltem contusa, recenset. *Animadvers. XVI* urticae succum ad haemoptosin sistendam summe proficuum confirmat. *Animadvers. XXXI.* vasa chyliifera in cane a ductu thoracico versus pectus & abdomen distributa annotat, quae filo intercepta ductum inter thoracicum & ligaturam, neutiquam vero inter hanc & partem pectoris intumuerint. *Animadvers. XLIII.* miram Monialis cujusdam cum testudinibus antipathiam describit. *Animadvers. LIV.* lienem insignis magnitudinis in cadavere cujusdam militis pondus octo librarum adaequantem profert, caetera lauda-

laudabilis constitutionis, in publico Ferrariensi Anatomico Theatro anno 1681. demonstratum. *Animadversf. CXXV.* mulierem commemorat lac e mammis viride emittentem. *Animadversf. CXXVI.* materiam lochiorum per alvum in primipara quadam expurgatam perhibet.

LA POLITIQUE DE FERDINAND LE
Catholique Roy d'Espagne. Par Mr.
de Varillas. i. e.

Antonii Varillasii Politica Ferdinandi Catholici, Regis Hispaniarum. Tomi III

Amstelodami, apud Henricum Desbordes, 1688, in 12.

Autoris multoties nobis memorati indefessus labor libros producit nova inventione aut methodo. Illi quos hucusque recensuimus, historiarum titulum habuere, ita tamen observationibus, animadversionibus & conjecturis politicis repleti, ut mixtum aliquod scribendi genus repræsentent, sive ingenio Autoris accommodatum, sive ideo adsumptum, quod res dudum & a multis traditas, non nisi novis condimentis legentium gustui probari posse existimaret. Jam vero instituto illi suo apertius insistere, & a vinculis, quibus historiarum scriptores adstringi consueverunt, eximere se voluisse viderur, dum ex historiis politicas dissertationes elicit, & liberioribus censuris frenum laxat. De scopo quidem suo nihil in hac, quæ ad nos pervenit, editione, præfatus est; videntur tamen ex *Ferdinandi Catholici* historia congerere voluisse, quibus ad augustæ gentis Austriacæ consilia & gesta taxanda viam sterneret. Nota est, jam inde a Francisci I. temporibus, imputata Austriacis de universalis Monarchiæ molimine intentio. Illius conceptum Ferdinando confidenter assignat Autor, & anno 1501 prima istius Monarchiæ lineamenta designata ab illo fuisse, in exordio operis asserit, indeque omnia deducit, quæ, ut ait, per sesquiseculum Europam exercuerunt, motuum & bellorum mala, & quæ ne nunc quidem magis, quam olim, a fine distare arbitratur. Quo fundamento id faciat, in medio nunc relinquimus; interim quod in principio

præsupposuit, etiam in conclusione libri repetit, asseverans, a Ferdinando delineationem Monarchiæ universalis relictam esse Austriacis, illumque omnes suæ ætatis Principes arcanæ politicæ scientia superasse, primumque & summum illius magistrum fuisse. Sub speciosis tamen politicæ hujus industriæ vocabulis ab autore intelligi, & Regi celeberrimo tribui deprehendimus, loco legitima, & quæ justos aut Christianos Reges deceat, prudentiæ, perverissimam calliditatem, improbam religionis simulationem, livorem ignobilem, manifestam denique perfidiam & tyrannidem; ita, ut qui triginta has dissertationes, *tribus Tomis* seu libris comprehensas cum attentione legerit, monstruosum potius & detestabile versutiae & perfidiæ instar & characterem, quam regiæ sapientiæ ideam, ab Hispanis in Rege illo suo commendari solitam, deprehensus sit. Imitatus est, si non supergressus Autor, Italicorum & Hispanorum, qui in hoc scribendi genere ingenium exercuerunt, subtilitates & argutias; unde, si quid judicare possumus, a facilitate & flore styli, quem in aliis scriptis suis sectatus est, sæpe recessisse videtur. Intricatiorem utique scholam ex Platone, Aristotele & Theophrasto aperit, quam amœnioribus nationis suæ ingeniis facile probaturus sit. Ad Philosophorum istorum regulas non solum actiones *Ferdinandi*, sed & cogitata metitur, quæ non tam ex historicorum relatione percepit, quam in Regiæ mentis intimis recessibus ipse efformavit. Speciminis gratia unum saltem

Lib. II. locum (etsi alia non minus spinosa per totum opus sparsa inveni-
Disc. XX. antur) inspiciendum Lectori commendamus, de Ferdinandi ad-
p. 172, 199. versus Consalvum, qui Magni Capitanei nomen meruit, ingrati-
tudinæ; ubi argutias adfert, quas qui satis capiet, gratulari sibi de ingeniis sui poterit acumine. Neque tamen tam rarum aut inauditum Viri illius fatum fuit, quin id cum non paucis commune habuerit; nec affectus Regum, quo eminentes virtutes persequuntur, tam occultus aut perplexus est, quin sub invidiæ & suspitionis nomine comprehendi, & brevius clariusq; a nostro describi potuisset. Cæterum ipsa Ferdinandi historia, cui cum Galliæ Regibus per annos 42. varia certamina, bella, fœdera etiam, sed haud diuturna, nec fida fuerunt, notior est, quam ut de ea hic verba fieri opus sit. Multo minus referri possunt, quæ Varillafius contra autores Italos, Hispanos, Gallos etiã dispu-

disputat, paucissimos enim irreprehensos dimittit. Defensionem tamen *Guicciardini* adversus *Joh. Bapt. Leonem* Italum, & *Bardinum* Gal-
 lum suscipit, qui illi descriptionem pugnae ad *Ravennam* ob stylum
 exactiorem abjudicarunt. In allegationibus morem suum sequitur
 Autor, integra plerumque volumina in margine citans, quibus per-
 volvendis non cuilibet otium, nec MSS. inspiciendis copia suppetit.
 Licet autem meditationum nonnullarum subtilitas tedium ali-
 quibus suscitatura esse videatur, plurima tamen cum voluptate le-
 gentur, satis eleganter & perspicue exposita. Inter ea merito lau-
 damus parallelismum morum *Ferdinandi* Hispaniarum, & *Ludovici*
 XII. Galliarum Regis. *Maximilianum* I. Imperatorem in hoc quo-
 que scripto, paulo tamen mitius, persequitur Autor, quam in histo-
 ria *Ludovici* XII. mense anni superioris Decembri pag. 661. sqq. a
 nobis relata. Pontificum naves, inprimis *Alexandri VI.* & *Julii II.*
 non dissimulat. In disquisitione tamen de excommunicatione in
 Regem *Navarra* a Julio vibrata, dextre evitavit vexatam de pote-
 state Pontificia in Reges controversiam, neque ex ejus defectu, sed
 ex aliis causis decretum Pontificium oppugnat, ea maxime, quod
 Rex non suo, sed uxoris nomine regnum tenuerit, quæ inaudita le-
 gitime condemnari non potuerit.

Lib. III.
 Disc. VII.
 p. 153.

Lib. III.
 Disc. X.
 p. 210.

Lib. III.
 Disc. IX.
 p. 189.

D. PAPINI DE GRAVITATIS CAUSA ET proprietatibus Observationes.

AD ulterius confirmandam tuborum prægrandium & æquabi-
 lium utilitatem, quam pluribus jam exemplis astruere sum co-
 natus: institueram proponere Machinam a *Dn. Perrault* inventam,
 atque a *Dn. Blondello* editam in ultimo capite libri, quem Gallice
 conscripsit de projiciendis globis ferreis pulvere pyrio repletis: ex
 computo enim evidenter demonstrari potest, quod dicta machina,
 cæteris paribus, multo majorem effectum sortitura sit, si tubi æqua-
 biles, quam si vulgaria pondera ad motum ipsi imprimendum ad-
 hibeantur: verum quo facilius computi nostri evidentia cluce-
 scat, non abs re fore arbitror, si pauca quædam, circa gravitatis
 naturam & proprietates, hætenus parum cognita præmiserim.

Galileus in *Dialogis* suis *mechanicis* supponit, quod gravi cadenti
 equa-

aquales velocitatis gradus aequalibus temporibus accrescant: & Dn. Blondellus, in supra citato opere a pag. 453 usque ad 477, eandem illam veritatem experimentis multis conatur a posteriori evincere, quasi nulla dari possit demonstratio a priori. Verum illustrissimus Hugenius præstantiori rem methodo peregit: illam enim propositionem, quam alii pro primo principio assumunt, demonstravit ipse a priori per aliam veritatem, quæ sic se habet. Potentia quæ gravitatis causa est, celeritatem habet infinitam præ velocitatibus gravium cadentium, quas nobis observare licet. Posito enim hoc principio, supradicta Galilei propositio sponte sequitur: etenim si celeritas quævis a gravi cadente acquisita censenda sit infinite lenta præ celeritate potentiz moventis; satis patet, quod dictum grave, sive quiescat sive moveatur, eodem semper modo a potentia movente affici debeat: quum motus infinite lentus a quiete non possit per ullum sensibilem effectum distingui: ac proinde nulla est ratio, cur gravitatis causa eandem motus quantitatem non imprimeret secundo tempore, quam impresserat primo: curve sequentibus temporibus æqualibus eodem tenore non continuaret: superest igitur, ut per experientiam demonstretur infinita illa velocitas, quam gravitati causæ efficienti ascribimus. Experimenta vero ad id evincendum, varia institui debent, pro varietate sententiarum, quæ ad explicandam gravitatis causam proponuntur. Verum neglectis aliorum placitis, qui in explicando obscuro per æque obscurum opera abutuntur, juxta solam Cartesianam Hypothesin aggressus est Cl. Hugenius infinitam illam celeritatem experientia comprobare. In hunc finem paravit mensam, eo artificio constructam, ut in horizontali situ circa suum centrum circumrotari posset: centrum tanten ita erat perforatum, ut transitum præberet filo, cujus extremis alligati erant duo globi æquales, quorum alter infra mensam pendulus in linea axis sustinebatur; alter vero in mensa jacebat, ita ut ab alterius globi pondere statim versus centrum attraheretur, nisi ipsum vis aliqua retineret: tum circumrotabatur mensa circa axem velocissime; dum autem ad certum velocitatis gradum pervenerat globus in mensa jacens, observabatur quod tanta vi tendebat a centro sui motus recedere, ut posset globi alterius infra mensam dependentis gravitati resistere:

tunc

tunc enim non descendeat pendulus ille globus, quanquam a nulla alia potentia retineretur, nisi a vi centrifuga globi alterius cum mensa circumacti: tunc igitur, mensurando circumferentiam, a globo illo descriptam, licebat per experientiam ostendere, quanta velocitas, in data circumferentia, vim centrifugam habeat vi gravitatis æqualem. Demonstravit præterea Cl. *Hugenius*, quod in magnis circumferentiis major quam in parvis celeritas requiratur, ut æqualis utrobique centrifuga vis habeatur: in circumferentiis igitur majorum in superficie telluris circularum, quæ circumferentias in mensa descriptas tam immani superant intervallo, necesse est ut materia gravitatem efficiens celerrime moveatur, quo possit tantam vim centrifugam habere: illa enim materia non deprimat gravia versus centrum Telluris, nisi eadem vi qua ipsa ab eodem centro conatur recedere: ac revera, calculo rite subducto, invenit idem Cl. *Hugenius*, quod materia gravitatem efficiens tanto debeat impetu moveri, ut singulis horis totum Terræ ambitum millies ferme percurrere possit: illa autem velocitas, respectu celeritatum a gravibus cadentibus acquisitarum infinita meritissime censeri potest.

Demonstrato sic perniciosissimo motu materiæ, quæ gravitatis causa est, remque ab ipsis primis principiis repetendo, maxima lux affulgebit ad resolvendas difficultates, quæ prima fronte insuperabiles videbantur. Exempli gratia, plurimos vidi asserentes, quod juxta *Cartesii* sententiam gravia deberent descendere versus axem Telluris, & sola corpora sub *Æquatore* sita versus centrum tenderent: (quomodo hæc quæstio a Cl. Viris *Sturmio* & *Bernoullio* ventilata jam pridem fuerit, videre est in *At. Erudit. mens. Febr. 1686*) ac sane si motus diurnus Telluris circa axem sufficeret ad gravitatem efficiendam, nequaquam negari posset objectionis validitas, graviaque omnia versus parallelorum quæque suorum centra tenderent: verum tam lentus est ille motus præ velocitate materiæ quæ gravitatem efficit, ut partes in superficie Telluris quæ velocissime moventur, nimirum sub *Æquatore*, ipsæ etiam tanquam immotæ censeri possint, ratione habita ad perniciosissimum illum motum materiæ gravitatem efficientis: *Æquator* enim semel tantum intra 24 horas circumvolvitur, ista vero materia ferme 24000 cir-

cuitus intra idem tempus potest absolvere: nil mirum igitur, si diurnus ille motus nullum in descensu gravium alterando sensibilem effectum producat, sed omnia versus centrum tendant, non secus ac si Terra quiesceret.

Eadem facilitate resolvetur alia difficultas, ex proprietatibus gravium ascendentium desumpta, quæ a Cl. Dn. *Leibnitio* proposita fuit in *Act. Erud. mens. Maj. 1686*, ubi ille contra *Cartesium* demonstrare nititur, vim motricem in corporibus a quantitate motus differre: ubi enim datur dupla quantitas motus, quadrupla ibidem vis motrix reperitur: quandoquidem per duplam motus quantitatem gravia ad quadruplam altitudinem possunt ascendere: ac sane ex *Galilei* experimentis constat, quod grave quodvis, dum sursum movetur, cum duobus velocitatis gradibus, ascendere potest ad altitudinem quadruplam ejus, ad quam ascenderet, si unus tantum esset velocitatis gradus. Irrefragabilis quoque foret objectionis hujus validitas, si spatia ascendendo percurra deberent, prout existimat *Author*, esse ad se invicem sicut vires motrices. Verum ex supra dictis facilis est responsio: notum enim est, quod in hisce disquisitionibus abstrahitur ab omnibus resistentiis & impedimentis. quæ a corporis elevandi gravitate non oriuntur: quum autem infinita sit velocitas materiæ gravitatem efficientis, sequitur quod ipsius efficacia semper eadem sit, quocunque motu gravia ferantur: ac proinde si celeriter ascendant, non plures nec validiores ictus accipient a dicta materia, quam si eodem tempore multo lentius sursum moverentur: ergo temporibus æqualibus non plus detrahetur de ipsorum vi motrice, dum magna, quam dum parva spatia sursum percurruntur: male igitur existimat Cl. *Leibnitius*, vires motrices, in hoc casu, debere esse ad se invicem sicut spatia ascendendo percurra: quum, contra, tempora ascensus & vires motrices in eadem ratione esse debeant, ut singulis temporum partibus singulæ virium motricium partes detrahantur: tempora autem sunt in ratione subduplicata spatiorum: ergo & vires motrices.

Quod si regerat, in confesso tamen esse, quod vis motrix, quæ elevat 4 libras ad altitudinem 1 pedis, eadem est ac vis quæ elevat 1 libram ad altitudinem 4 pedum: sic autem spatia ascendendo percurra & vires motrices, sunt in eadem ratione: neque ulla tem-

poris

poris mentio in determinanda vi motrice fieri solet: Respondeo, istud locum habere in machinis, ubi nova semper vis corpori ascendenti imprimenda est: ibi enim tempus utrobique, pro vi motrice & pro resistantia, aequaliter augetur aut minuitur: hic vero longe alia est ratio, corpus enim ascendens in se jam habet vim sufficientem, nullamque novam accipit; ac proinde ratio solummodo habenda est resistantiæ, quæ vim illam detrahit: resistantia autem non pender a quantitate spatii decursi, ut supra ostendimus, sed a quantitate temporis. Hæc faciliora sunt, quam ut diutius illis immoremur. Quamquam autem *Cartesii* partes tueri hic videar, nolim tamen propterea existimare *Cl. Leibnitium*, me reliqua *Cartesii* placita circa Naturæ leges motusque regulas itidem velle defendere. Si quid igitur in hoc meo scripto improbandum ipsi videbitur, scrupulos, si fieri potest, eximere conabor: sin alia impugnet, ad me istud quicquam attinere non credam.

Interim scrupulos, qui circa *Cartesianam* hypothesin superesse possent, ulterius removeo pergam. Gravissimum contra *Cartesianum* systema dubium proposuit celeberrimus *Autor Novellarum Reipublicæ litterariæ* in *mens. Decembr. anno 1685, pag. 1317. Non videtur*, inquit, *quod materia primi Elementi, ex qua constat Sol, possit globis secundi Elementi novam vim circumferentiam versus imprimere: si enim id posset, haberet igitur majorem vim, quam dicti globi, ad recedendum a centro; ac proinde ab ipso revera recederet, reliquaque corpora versus dictum centrum, non autem versus circumferentiam vorticis impelleret. Sic videtur Cartesianum systema nullo modo posse subsistere, quandoquidem materia Solaris deberet statim quæqua versum dissilire ac dissipari. Simili argumento probari posset, quod vortex Terrenus brevi tempore deberet cum vortice Solis confundi: quum enim materia in minori illo vortice contenta minores describat circumferentias; sequitur, ut supra dictum, quod ipsius vis centrifuga major esse debeat, quam vis centrifuga materiæ vicinæ, magnum vorticem constituentis: ac proinde nihil potest impedire, quominus materia minoris vorticis continuo dissiliat, & statim cum majori vortice confundatur. Ad solvendam hanc difficultatem, recurrendum esse arbitror ad congruitatem & incongruitatem partium, quæ insignes plurimos effectus in sensibilibus fluidis produciunt. Quid enim nos credere vetet, dari etiam in aliis subtilissi-*

mis fluidis congruitatem & incongruitatem partium, qualitatumque illarum effectus in subtilioribus, quam in crassis liquidis, multo majores reperiri? Ipsarum certe vis in superficie corporum sita est; superficies autem, ratione habita ad molem, in parvis quam in magnis corporibus majores sunt. Quemadmodum igitur exigua olei guttula in media aqua, propter partium suarum homogeneitatem unita remanet, neque confunditur cum particulis aqueis, utpote ipsi incongruis: sic verisimillimum est, vorticis Terreni partes, propter congruitatem, sibi invicem remanere unitas, neque cum magni Vorticis materia, utpote ipsis incongrua, posse confundi. Sic etiam auri liquefacti fixitatem existimo ex sola partium congruitate procedere: inde enim tanta oriri potest adhesio, ut a maximo ignearum particularum impetu vinci nequeat. Sic etiam admodum verisimile est, quod materia Solis, quantacunque vi nitatur quaquaversum dissilire, non possit tamen a se invicem divelli, propter adhesionem ex particularum congruitate ortam: huic igitur Achilleæ objectioni satisfecisse me arbitror. Si quis tamen ulterius perat, ut clarius explicetur, quid sit illa partium congruitas, curve tanta inde adhesio debeat oriri? uno verbo dicam, rem in sensibilibus corporibus esse manifestissimam: videmus enim corpora cuspidibus hirsuta sibi invicem magis adherere, quam corporibus politis: polita, contra, politis melius adherent, quam hirsutis: polito enim cum polito contiguitas major est, quam polito cum hirsuto: contiguitas autem adhesionem necessario infert: dum enim corpora contigua sunt, externas suas superficies expositas habent pressioni fluidorum ambientium, a quibus versus se invicem impelluntur & uniuntur; superficies vero internæ, quum sint contiguæ, nullam inter se materiam admittunt, quæ possit ipsas a se invicem dispellere.

Si quis plurima experimenta videre cupiat, circa congruitatem & incongruitatem partium instituta, consulat *Transactiones Philosophicæ Londinenses* anno 1674, aut 1675: memini enim tunc temporis multa de hoc argumento ab illustrissimo Dn. Boileo fuisse communicata, ipsumque simul innuisse, talia forsan in explicando magno mundi systemate usum aliquem habitura.

Ejus-

Ejusdem Dn. Papini Examen machinæ Dn. Perrault.

IN *Actis Eruditorum* mensis hujus pag. 183 sqq. ostensum est, quod modo potentia, quæ gravitatis causa est, infinitam habeat velocitatem, præ velocitatibus a gravi cadente acquisitis, sequatur, quod *gravi cadenti aequales velocitatis gradus aequalibus temporibus accrescant*: facile autem patet, ex rationibus ibi allatis, quod alia quævis potentia infinita velocitate prædita, & moles aliquas impellens, ipsis etiam, secundum easdem leges, velocitatem addere debeat: verum quo minor erit differentia inter celeritatem potentia impellentis & celeritatem molis impulsæ, eo minus efficax esse debet impulsio: minores ergo velocitatis gradus accrescent temporibus ab initio impulsione remotioribus, ubi dicta differentia non poterit censi infinita. Exempli gratia: aeris per totam atmosphæræ gravitatem impulsus velocitas tanta est, ut 1305 circiter pedes tempore 1 possit percurrere, prout demonstratum est in *Novellis Batavis mens. Febr. anno 1687*: illa autem potentia, non sine successu, ad explodendos globos plumbeos adhibita fuit, prout videre est in *Actis Eruditorum mens. Octobr. 1686*: illi vero globi, si calculum juxta sequentem methodum ineamus, inveniuntur acquirere velocitatem percurrendi 128 pedes tempore 1, modo tubi, per quem exploduntur, longitudo sit 4 pedum; diameter vero 1 digiti. Patet ergo, quod globi tanta velocitate fugientes minus vehementer percutiantur ab aere a tergo insequente, quam dum iidem globi lente tantum movebantur: ac proinde motus in tubo, sub finem quam initio minus velocitatis incrementum accipit æqualibus temporibus: & minus adhuc foret dictum incrementum, si globi celeritas ab aeris celeritate minus differret. Quia tamen aeris velocitas tanta est, ut 10 circiter vicibus superet maximam dictorum globorum velocitatem, sequitur quod in parva illa tuborum longitudine, non multo minorem impetum acquirant dicti globi, quam si æqualibus temporibus æquales velocitatis gradus per totam tubi longitudinem ipsis accrescerent. In computandis igitur effectibus ejusmodi possumus, brevitatis gratia, supponere, quod motus illi easdem sequantur leges, quas de gravibus descendentibus *Galileus* demonstravit ex principio supra memorato. Sub-

ducto enim sic calculo, facile deinde erit de velocitate inventa aliquid detrahere, propter defectum celeritatis in causa impellente: (in continuatione Digestoris, *Amstelodami apud Henr. Desbordes Gallico idiomate excusa, plura de hoc argumento continentur: ibi autem pag. 109. lin. 12. pro 13 & demie, legendum est $\frac{1}{3}$*) at in casibus, ubi velocitas corporis impulsu ab aere multo minor est, ut in exemplo mox afferendo, nihil ferme detrahendum: ibi enim potentia movens effectum producere potest, eundem ferme ac si ipsius velocitas respectu corporis impulsu esset infinita: in computandis igitur effectibus machinæ hic propositæ, dum ab Atmosphæræ pressione motum accipiet, potest sine scrupulo assumi hæc

Hypothesis.

Omnes Propositiones, quas de gravibus motu uniformiter accelerato descendensibus Galileus demonstravit, possunt itidem de corporibus ab Atmosphæra impulsis afferri: quandoquidem motus in his etiam uniformiter acceleratur.




Hoc posito, ad computandum machinæ propositæ effectum progredior: illa autem in libro Dn. *Blondelli* de projiciendis globis ferreis pulvere pyrio repletis, capite ultimo, sic describitur. (*vid. fig. 1.*)

Fig. 1.

A ponderibus AA circumgyrantur rotæ B cum veste CD, statim atque retinaculum in P solvitur: dictus vestis CD rotatione sua aliditur ad obicem in E, ibique sistitur. Globus vero D, impetu jam acquisito, ulterius avolat secundum directionem lineæ tangentis extremitatem arcus a globo descripti. Appendix autem G firmari potest propius vel remotius a puncto E, ope dentium in schemate depictorum, sicque machina magis vel minus inclinata, globum itidem emittet secundum lineas ad horizontem magis vel minus inclinatas.

Machinæ ita comparatæ quantus debeat esse effectus, sic investigo: partium ipsius examen instituo accuratum, ut inde mihi constare queat, quanta resistentia a globo D, veste CD, rotis B, & partium frictione oritura sit, unde fiat ut pondera AA minus velociter descendant, quam si libera in aere moverentur: deinde comparando dictam resistentiam cum gravitatibus ipsorum ponderum AA, facili indagine eruo, quantum velocitas certo descensu acquisita

TAB. IV. *ad A. 1689. pag. 190. seqq.*



quisita deficere debeat a velocitate, quam pondera in aere libera pari descensu acquirerent. Ut autem disquisitionis illius certitudo facilius innotescat, præmittam hoc

Postulatum:

*Ad comparandas inter se velocitates, imprimendas gravibus æqualibus, quæ a diversis gravitatis momentis impelluntur, sufficit disquirere, quid accidere debeat gravibus per plana diversimode inclinata ex eodem puncto descendentes: supponendo diversas planorum longitudo-
dines esse ad se invicem, sicut diversa gravitatis momenta.*

Sint ex.gr. duo pondera æqualia D & E, quæ ex eodem puncto *Fig. 2.*
C descendant versus horizontem AB: constat quod gravitatis momentum per planum longius CB minus est, quam gravitatis momentum per CA, in eadem ratione qua CA brevius est quam CB. Sufficit igitur disquirere, quænam futura sit ratio velocitatum in corporibus D & E, ut inde cognoscamus, quænam itidem futura sit velocitatum differentia, inter alia quævis corpora æqualia, a diversis ejusmodi gravitatis momentis impulsa. Etiam si enim, differentia momentorum gravitatis procedat ex alia causa, quam ex inclinatione planorum, perinde est: quia materiæ gravitatem efficientis velocitas infinita censeretur debet, (prout supra pag. 184 ostensum est) ac proinde motus a mobilibus acquisiti nulla habenda est ratio, sed spectandum saltem, quanta sit potentia motrix, & quæ materiæ quantitas ab ea moveri debeat.

Supponamus jam, quod partium machinæ examine rite instituto inventa sint,

Pondera AA simul sumpta, 2000 librarum, quæ descendant per spatium 4 pedum.

Longitudo vectis CD ea sit, ut velocitas globi D sit decupla velocitatis ponderum AA.

Sit pondus globi absolutum 50 librarum; ergo respectu ponderum AA erit 500 librarum, propter decuplam velocitatem.

Sint reliquæ resistentiæ (nimirum vectis CD, rotarum B, & frictionis partium) omnes simul sumptæ æquales itidem 500 librarum: tota igitur resistentia, materiæ ponderum AA addenda, erit 1000 librarum. Soluta igitur retinaculo P patet, quod gravita-

tis

tis momentum 2000 librarum, deprimens pondera AA, cogatur non solum movere 2000 libras materiæ, ex quibus constant, verum etiam vincere resistantiam 1000 libris æqualem, quam aliis causis adscripsimus: hic igitur habemus 3000 libras movendas a momento quodam gravitatis, quod est saltem subsesquialterum ejus, quod deprimere solet 3000 libras in aere libero. Ut igitur investigemus, quanta hic acquiri debeat velocitas percurrento 4 pedes; statuenda sunt (juxta postulatam supra) plana duo CB, CA quæ sint in ratione sesquialtera, posita nimirum longitudine CA 4 ped. longitudo CB erit 6 ped. sitque planum CA perpendiculare, sive inclinationis infinite parvæ, ad Horizontem AB: tum superponantur pondera duo æqualia D & E per duo illa plana descendere: constat quod si gravitatis momentum in D sit 3000 librarum, momentum gravitatis in E erit solummodo 2000 librarum. Patet igitur, quod corpus E, percurrento 4 pedes in plano CB, acquirere debebit eandem velocitatem, quam pondera AA in machina nostra: quandoquidem ibi etiam 8000 librarum moventur a momento gravitatis 2000 librarum. Facile autem inveniri potest supradicta velocitas corporis E quandoquidem a Galileo & Torricellio demonstratæ sunt Propositiones sequentes.

Fig. 2.

Prop. 1.

Si gravia duo D & E per plana CB CA diversimode inclinata descendant versus horizontem AB, velocitates in A & B erunt æquales, ubi nimirum perpendicularis descensus altitudo eadem erit.

Prop. 2.

In eodem plano CB sumantur spatia duo inæqualia CB, CF, velocitates in B & F erunt inter se sicut radices quadrata spatiorum CB, CF.

Coroll. 1.

Si ponatur CF æqualis CA, velocitates in B & F erunt inter se sicut radices quadrata spatiorum CB, CA; erunt igitur etiam sicut radices quadrata momentorum gravitatis in D & E: quum constet apud Mechanicos, quod spatia CB, CA, recte expriment dicta gravitatis momenta.

Co.

Coroll. 2.

Quum velocitas in A equalis sit velocitati in B (per Prop. 1.) sequitur (per Coroll. 1.) quod velocitates in A & F sint inter se, sicut radices quadrata momentorum gravitatis. Ex hoc corollario facile est deducere Regulam generalem, quæ computandis omnibus ejusmodi machinarum effectibus inserviat, quantumcunque alterentur accidentales circumstantiæ, in machinæ fabrica observatæ.

Regula.

Si duo pondera aequalia depressa ab inequalibus gravitatis momentis spatia aequalia percurrant, acquisitæ velocitates erunt inter se, sicut radices quadrata momentorum gravitatis.

Per hanc regulam sic determinatur quæsitæ velocitas corporis E, dum pervenerit in F. Observo momenta gravitatis in casu proposito esse 3000 & 2000, quorum radices quadratæ neglectis fractionibus, sunt 54 & 44: has igitur radices pro duobus primis terminis regulæ proportionis constituo: tertius terminus est velocitas acquisita a corpore D descendendo per CA (illa autem velocitas ex Galilæi experimentis nota est, quod nimirum grave liberum descendendo perpendiculariter ex altitudine 4 pedum acquirat velocitatem percurrendi 16 pedes tempore 1) quartus terminus per operationem prodiens exhibebit velocitatem acquirendam descendens per spatium CF. Sic

$$54, 44 :: 16, 13\frac{1}{2}.$$

Invenitur ergo, velocitatem corporis E in F posse percurrere 13 circiter pedes tempore 1: velocitas autem ponderum AA in machina nostra eadem esse debet, (ut supra dictum) ergo globus D cujus velocitas decupla est, poterit percurrere circiter 131 ped. dicto tempore 1: atque illa velocitate, si nulla esset resistentia aeris, mobile posset ascendere ad altitudinem circiter 266 pedum: habemus igitur effectum a machina sic comparata expectandum.

Videamus jam, quænam differentia sequutura sit, si reliquas omnes machinæ partes easdem prorsus relinquamus, sed removeantur saltem pondera AA, ut ipsorum loco substituaturs tubus aliquis aere exhaustus, cujus pistillum rotis B pariter illigatum, a pondere atmosphæræ deprimatur, machinæque motum impertiatur, eodem artificio quod descriptum fuit in alijs machinis, ad evin-

Bb

cendam

cendam tuborum æquilibrium utilitatem, propositis in *Actis Erudit. mense Dec. anno 1688. p. 644*. Sit pistilli diameter paulo major quam 1 ped. (ita ut pondus Atmosphæræ dicto pistillo incumbens sit 2000 librarum, æque ac pondera AA) sit descensus pistilli itidem 4 ped.: resistentia autem pistilli, quæ tum ab ipsius pondere, tum a frictione oritur, posset esse minor quam 50 librarum. Sed supponamus, illam esse 100 librarum, hac addita ad resistentiam 1000 librarum, quam globo & reliquis machinæ partibus supra ascriptimus, constabitur resistentia totalis 1100 librarum, vincenda a momento gravitatis 2000 librarum (nam, per Hypothesin initio assumptam, pressio atmosphæræ & gravitatis agunt secundum easdem leges) possumus igitur (per regulam supra) disquirere, quanto major debeat esse velocitas corporis, dum impellitur a momento 2000 librarum, quam dum impellitur a momento 1100 librarum, quæ est absoluta ipsius gravitas: accipiendæ nimirum radices quadrata duorum illorum momentorum gravitatis, pro duobus primis terminis regulæ proportionis; tertius terminus erit velocitas per momentum 1100 librarum (id est per absolutam gravitatem) impressa, prout in superiori computo factum est, nimirum 16 pedum tempore 1: quartus terminus per operationem prodians exhibebit numerum quæsitum, velocitatem scilicet a pistillo nostro acquirendam: Sic $33.44 :: 16.21\frac{1}{2}$.

Patet igitur quod pistillum descensu suo ex altitudine 4 pedum acquireret velocitatem percurrendi circiter $21\frac{1}{2}$ ped. temp. 1: ergo globus D, cujus velocitas est decupla, poterit percurrere 213 ped. dicto tempore: ac proinde (juxta doctrinam *Galilei*) posset dictus globus ascendere ad altitudinem 709 pedum, qui affectus ferme triplus est ejus, qui per vim ponderum AA obtinebatur.

Si pondera AA majora supponerentur, tubique & pistilli diameter itidem augeretur, ut Atmosphæræ pressio gravitatem ponderum semper æquaret; ceteræ autem partes eadem remanerent, Subducto juxta eandem methodum calculo, præstantia tuborum supra vulgaria pondera major adhuc reperiretur: verum hæc sufficiunt ad confirmandam tuborum æquilibrium utilitatem, quam aliis jam exemplis astruximus.

Finem hic facerem, nisi opus foret apud aliquos eximios & summa

summa veneratione dignos Viros hic me purgare, quos asserere memini, non solum contra Christianam, sed & contra moralem probitatem peccare eos, qui inventa promovent, excidia & necem generi humano inferre apta. Ac sane, prima fronte gravissimum hoc crimen judicetur; verum re attentius inspecta, nihil hic mali subesse video: quid enim refert arma suppeditare improbis, quum plus satis habeant ad omnia destruenda? Quod ulterius non faviant homines, id profecto non fit ex armorum defectu, sed ex solo metu, ne ipsimet ladanantur ab aliis: ac proinde, si plura & efficaciora armorum genera parabimus, major equidem improbis dabitur inde nocendi facultas, nec tamen magis nocebunt; quia metus ipsis incussus ab aliis itidem augebitur. Id vel ex eo satis confirmatur, quod post inventum pulveris pyrii usum, non magis exitialia aut cruenta bella gesta sunt, quam dum telis & gladiis certabatur. Quaecunque igitur vel ad ratiocinandi facultatem exercendam & roborandam, vel ad corporum naturalium proprietates detegendas, vel ad mechanicam suppellectilem locupletandam, hominumque sagacitatem adjuvandam conferre possunt, nequaquam reticenda arbitror. Si qui enim inde pravi usus ad hominum destructionem elici possunt, mala inde orta pari bonorum mensura, eo etiam nomine, compensabuntur.

*G. G. L. DE LINEA ISOCHRONA, IN QUAE
grave sine acceleratione descendit, & de con-
troversia cum Dn. Abbate D. C.*

Cum a me in his *Actis Martio 1686* editis, publicata esset demonstratio contra *Cartesianos*, qua vera virium aestimatio traditur, ostenditurque non quantitatem motus, sed potentiae, a quantitate motus differentem servari; Vir quidam doctus in Gallia, Dn. Abbas D. C. pro Cartesianis respondit, sed ut post apparuit, vi mei argumenti non satis perspecta. Credidit enim, recepta quaedam alia principia a me impugnari, quae in *Novellis Reip. Literar. mens. Jun. 1687* pag. 579 enumerat, & negat p. 519 seq. se agnoscere contradictionem, quam ego in illis invenire mihi videar: cum tamen nun-

quam mihi de illis dubitare in mentem venerit, quemadmodum ipsum admonui *Novell. Reip. Lit. Septemb. 1687*. Idem ut eluderet objectionem meam, conjecerat se in diverticulum temporis, quod eo modo, quo conceptus a me erat status controversiæ, plane est accidentale. Eadem enim manente altitudine, eadem vis acquiritur aut impenditur a gravibus quocunque tempore indulto, quod pro inclinatione descensus majore minoreve augetur aut minuitur. Ea occasione, quo magis appareret, tempus atq; adeo distinctionem inter potentias isochronas vel anisochronas, hoc loco nihil ad rem facere, & ut ex disputatione nostra aliquid incrementi scientia caperet, *Problema* tale, a me inter scribendum solutum, & (ut videtur) non inelegans, ipsi proposui in *diſſis Novellis Septembr. 1687*. *Invenire lineam isochronam, in qua grave descendat uniformiter, sive æqualibus temporibus æqualiter accedat ad horizontem, atque adeo sine acceleratione, & æquali semper velocitate deorsum feratur.* Sed Dn. Abbas D.C. nihil ultra reposuit, sive quod problema attingere nollet, sive quod agnita tandem mente mea, satisfactum sibi judicaret. Sed ejus loco problema hoc sua opera dignum judicavit Vir Celebrerrimus *Christianus Hugenius*, cujus solutio mea prorsus consona extat in *Novellis Reip. Literaria Octobr. 1687*; sed suppressa demonstratione & explicatione discriminis inter diversas lineas ejusdem ut ait generis, quas satisfacere notat. Hæc igitur ego supplere hoc loco volui, facturum citius, nisi aliquid hic a Domini Abbatis industria expectavissem. *Problema* : invenire lineam planam, in qua grave sine acceleratione descendit. *Solutio* : sit linea paraboloides quadrato-cubica quæcunque $\beta N e$ (nempe ubi *solidam* sub quadrato basis NM & parametrio a P æquale est cubo altitudinis βM) ita sita, ut verticis β tangens βM sit perpendicularis horizonti, in cujus lineæ puncto quocunque N si ponatur grave ea descendendi ulterius celeritate præditum, quam potuit acquirere descendendo ex horizonte Aa , cujus elevatio a β supra verticem β sit $\frac{1}{2}$ parametrio curvæ, tunc idem grave descendet porro uniformiter per lineam $N e$, utcunque continua tam, ut desiderabatur.

Demonstratio. Recta NT curvam $\beta N e$ tangat in N , & ipsi βM occurrat in T . Utique (ex nota proprietate tangentium hujus curvæ)

Tab. IV.
Fig. 3.

curvæ) erit TM ad NM in subduplicata ratione $a\beta$ ad βM . Ergo TM ad TN erit in supduplicata ratione $a\beta$ ad $a\beta + \beta M$, seu ad aM. Jam ratio TM ad TN eadem est quæ velocitatis *per curvam* descendendi (seu horizonti porro in curva appropinquandi) quam grave habet positum in N, ad velocitatem qua idem ex N porro, non per curvam, sed *libere* descenderet, si posset (ut constet ex natura motus inclinati.) Sed velocitas hæc *libera* porro est ad constantem quandam, in subduplicata ratione aM ad $a\beta$: sunt enim (ut ex motu gravium constat) velocitates liberæ, in altitudinum (unde descendendo quæsitæ sunt) aM, subduplicata ratione. Ergo velocitas descendendi per curvam Ne, quam grave habet in quocunque curvæ puncto N positum, est ad velocitatem constantem, in composita subduplicata ratione $a\beta$ ad aM, & aM ad $a\beta$; quæ est ratio æqualitatis. Ipsamet igitur velocitas illa per curvam descendendi est constans, seu ubique in curva Ne eadem. Quod præstandum erat.

Confectaria: (1) Grave celeritatem habens tanquam lapsus ab altitudine aliqua Aa, descendere potest ex eodem puncto N per curvas isochronas infinitas, sed ejusdem speciei seu sola magnitudine parametri differentes, ut Ne, N(e)NE quæ omnes sunt paraboloides quadrato-cubicæ, adeoque similes inter se. Imo quælibet hujusmodi paraboloeidum hic inservit, modo ita collocetur, ut $a\beta$ vel (a) (β) distantia verticis ab horizontali a (a), unde descendere incipit grave, sit $\frac{1}{2}$ parametri curvæ βe vel (β) (e): nec refert an grave isochrone descensurum in curva N(e), pervenerit ad N ex a (a) per viam (a) (β) N, an per aliquam aliam, aut sine descensu ullo ob aliam causam eandem celeritatem atque directionem acquisiverit. Ex infinitis tamen istis lineis Isochronis, in quibus grave ex N porro sine acceleratione descendere potest, ea celerissimum ipsi descensum præbet, cujus vertex est ipsum punctum N, qualis est NE, quam recta AN horizonti perpendicularis tangit.

(2) Tempus descensus per rectam $a\beta$, est ad tempus descensus per curvam βN , ut dimidia altitudo βM ad ipsam $a\beta$: ac proinde si βM sit dupla $a\beta$, æqualia erunt tempora descensus per $a\beta$ & per βN . Quorum ratio manifesta est: nam tempora descensus uniformis sunt inter se ut altitudines; & ex demonstratis a Galileo,

tempus quo mobile percurrit altitudinem $\alpha\beta$ motu accelerato, est duplum ejus, quo percurrit æqualem altitudinem βM (ut hoc loco fit, licet per curvam βN) motu uniformi, qui celeritatem habet æqualem ultimæ per accelerationem acquisitæ in β .

Hoc autem problema fateor me non Geometris primariis proposuisse, qui interiorē quandam Analysin callent, sed his potius, qui cum *erudito illo Gallo* sentiunt; quem mea de *Cartesiano* plerisque hodiernis (Magistri paraphrasis potius quam æmulatoribus) querela suboffendisse videbatur. Tales enim, cum alias receptis inter *Cartesianos* dogmatibus, tum etiam Analyſi inter ipsos pervulgatæ nimium tribuunt, adeo ut se ipsius ope quidvis in Mathesi (si modo velint, scilicet, calculandi laborem sumere) præstare posse arbitrentur: non sine detrimento scientiarum; quæ falsa jam inventorum fiducia, negligentius excoluntur. His materiam exercendæ suæ analyſeos præbere volueram, in hoc problemate, quod non prolixo calculo, sed arte indiget.

Si quis tamen præceptam sibi jam solutionem queratur, poterit *aliā isochronam*, huic vicinam quærere, in qua non, ut hactenus, grave uniformiter recedat ab horizontali, (vel ad eam accedat,) sed a certo puncto. Unde problema erit tale, *invenire lineam, in qua descendens grave recedat uniformiter a puncto dato, vel ad ipsum accedat.* Talis foret linea NQR , si ejus esset naturæ, ut ex puncto dato seu fixo A , ductis rectis quibuscunque ad curvam, ut AN , AQ , AR , esset excessus AR super AQ , ad excessum AQ super AN , ut tempus quo descenditur per arcum QR , ad tempus quo descenditur per arcum NQ .

CHRISTOPHORI CELLARII PROGRAMMATA
varii argumenti, Oratoriis exercitiis in Citicensi
Lyceo pramissa: ejusdemque Orationes ibidem in illu-
striore consessu recitatae.

Lipsiæ, sumptibus Gleditschii 1689, in 8.

Clarissimus Auctor, Scholis celebribus adhuc præfectus, id imprimis curæ habuit, ut dicendi facultatem & Historiarum notitiam

titiam suæ fidei commissis discipulis instillaret. Crebras idcirco declamationes instituit, nec illas vulgaris ac vilis materiæ, sed ita ex Historiis tam sacris quam profanis selectæ, ut adolescentes illæque ad virtutem, atque ad solidam doctrinam usumque rerum præpararentur. Cujus studii LXX Programmata argumento sunt, omnia in Cizenfi Gymnasio conscripta, & rerum ac quæstionum nobilissimarum referta, quæ si sacræ sunt, ex Rabbiorum commentariis & Linguis Orientalibus; sin sequiores, ex optimo quoque antiquitatis scriptore deciduntur. Nos aliquas tantummodo delibamus, unde de ceteris etiam pronum sit judicare. Programmate V verbum *ὁ ψαῆς* Evangeliorum de cruce Christi ex lingua Syriaca novo modo explicatur: Programmate XV Psalmus II, & Programmate XXII Caput LIII Esaiæ; & Programmate LXVIII fides Jobi de resurrectione; & Programmate XXX resurrectio impiorum, atque hæc singula contra Judæos vindicantur: Programmate X signa adventus Messiani Judaica; & Programmate XXXVIII opinio de gemino Messia; & Programmate LXVII *Tau* figura crucis Christi; & Programmate XXVII Serpens Æneus; & LIX falso a Christianis ad Christum applicata examinantur, ut de Sceptro Judæorum sublato ex Programmate XXVIII, & Conversione eorumdem universali ex XLV taceamus. Nec leviora sunt aut injucundiora, quæ ex antiquitatibus atque historiis declarantur, ut sunt Augustorum & Cæsarum differentia, Programmate IV; Consecratio Christianorum etiam Principum, Programmate XXXV; Tropæorum usus & intermissio, Programmate XXXVI; Magorum patria, Programmate XXIX; Hierosolymæ situs in medio terrarum, Programmate XXXIX; Judæorum clades sub Hadriano Imperatore, Programmate VIII, IX & XIV; Eliæ Capitolinæ origo, ornamenta, leges, Programmate LXII; Babylonis excidium, Programmate XLIX; Hercules Musarum, Programmate LXVI. &c. Adjectæ sunt sex Orationes, e quibus tres funebres sunt, prima Seseuissimo olim tunc beatissimo Principi Dn. MAVRITIO, Saxoniz Duci & Episcopatui Numburgici Administratori, nostro quondam Domino clementissimo; secunda Illius Viduæ Celsissimæ SOPHIÆ ELISABETHÆ, ex Gente Holfatorum oriundæ; tertia celeberrimo quondam Philologo & Theologo Jo. Sebastiano Mitternachtio, sacrata est

est: quarta, Dedicatio auditorii, quætionem examinat, an Gentilium libris, ut poetarum & similium, locus esse possit in Scholis Christianis: quinta occasione secularis solennitatis de *seculi* apud Romanos mensura & termino disputat: sexta, qua Vale dixit Auctor Cizenfibus, methodum scholasticæ institutionis expeditiorem vulgari, & utiliore commendat.

**MEMORIE ISTORIOGRAFICHE DEL REGNO
della Morea, di quello di Negroponte &c.**

id est:

Commentarius Historiographicus de Regno Moreæ,
Regno Negropontico, locisque littoralibus Thessalonica
cam usque pertinentibus.

Editore Josepho Maria Ruinetti,
Venetiis, 1688, 8.

ETIAM indicatus nobis superiori anno in mensis Octobr. frontispicio *Maris Egei* Historiographus, accuratam satis *Moreæ* quoque & vicinorum tractuum descriptionem exhibuerit, peculiaris tamen hæc delineatio vel ideo memoratu digna nobis videtur, quod

p. 28. 240. & ex P. *Coronelli* Cosmographi Veneti Laboratorio, uti vocatur, quodammodo prodierit, & præter succinctam rerum a Seren. Republica Veneta ibi gestarum recensionem, compluribus locorum, fortalitorum, conflictuum &c. iconismis, iis qui talibus delectantur, se affatim commendet. Inter istos quoque *Libarum*, cum inscriptione Turcica, & duo *kippuri* in conflictu *Coronensi* hostibus erepti comparent, quod signorum genus prodituræ in aciem militiæ apud Turcas indicio esse solet.

II. In *Laconia*, hodie *Zaconia*, laudem cedit, quod optime notæ canes producat, quibus ipse Sultanus & procures ejus maxime delectentur. Nec notissima illa Insularum triga intacta relinquitur; utpote *Coreyra*, hodie *Corfu*; *Cephalonia*, cujus incolæ vestigia Sedis *Ulyssæ* in proxima *Ithaca* h. *Tracchi* etiamnum venerari norunt; & *Zazynthi*, hodie *Zante*, S. Veronicæ, sudarium Christi ibi expandentis, opera ad fidem conversæ, & *Jerusalem* olim dictæ, ubi *Robertus Guiscardus*

Guiscardus Apulix Dux, in itinere S. Sepulchrum versus, revelationem de morte *Hierosolymis* obcunda sibi factam adimpleverit. Insula hæc *Zante* de Episcopi quondam sui *Francisci Cominendoni*, quem nec Germania nostra præterito seculo ignoravit, virtutibus non minus, quam de ingeniosa Nobilis Veneti *Angeli Barbarici* industria, qua planities in 10 milliaria long. & 15 latitud. porrectæ, aquæ annuatim instar lacus ibi confluentis exsiccatione A. 1673 procurata, delitiosa inducta fuerit fertilitas, non immerito gloriatur. Incolarum, quorum maximam partem Græci constituunt, ad arma alias magis quam artes proclivium, si qui tamen animum studiis & legibus applicant, facundissimi Oratores & Causidici evadunt, litigiis, quibus ibi maxime indulgetur, feliciter adhibendi. Monachi *S. Basilii* per integrum annum carne abstinentes, Lunæ insuper, Mercurii, & Veneris diebus, ut & in tribus Vigiliis, Epiphaniis qua Mare solenni ritu baptizant, S. Johannis & Crucis, ne lacticiinii quidem, pisce vel oleo vescuntur. Quatuor porro extantiora jejunia observant: I. idque maximum ἡ μεγάλη τῆς σαββατοῦς vocatur, quo per 7 hebdomadas, (die Saturni & Solis, ut & festo *Annunciationis*, & Dominica Palmarum exceptis) itidem piscibus & oleo abstinent; ostreis, aut alio exsanguium piscium genere, & oleribus contenti. II. ἀγίων ἀποστόλων a die Lunæ post octavam Pentecostes usque ad Vigiliam S. S. *Petri & Pauli*. III. τῆς ἀγίας παρθένου, a 1. Augusti usque ad 15. ejusdem, quo etiam pisces excelsæ jubent, diem 6 illius mensis, μεταμορφώσεως τῆ Σωτῆρος dictum, excipientes. IV. τῶν χειρογενῶν, a 15. Nov. usque ad 15. Dec. continuandum. Reliqui Græci non religiosi ita jejunant, ut 130 dies per annum carnis usu gaudeant. Nec Moniales rigorosa adeo, ut alibi, clausura coercentur, quin sæpius in publicum prodeuntes conspiciantur. Inter alia, quæ de *Athenarum* occupatione, statu & antiquitatibus enarrantur, nullos Judæos ibi etiam tolerari dicitur, eo quod his Cives ipsi versutia & calliditate nihil cedant, juxta tritum diverbium: *a Judæis Thessalonicensibus, Græcis Atheniensibus, & Turcis Negroponticis libera nos Domine.*

Dum de Eubœa, hodie *Negroponte*, paulo post agitur, Fluxus quoque & Refluxus *Euripi* a *P. Cabino* Soc. J. observati descriptio,

Cc

una

166.

173.

171.

174.

177.

206.

220.

una cum tabula variationem per singulos mensis Lunaris dies indicante, adjicitur.

HISTOIRE DE PHILIPPE DE VALOIS Et du Roy Jean. i. e.

Historia Philippi Valesii & Johannis Galliarum
Regum.

Amstelodami, apud Henricum Desbordes 1688.

in 12.

Abbas de Choisy, qui se in dedicatoria ad Regem Galliarum epistola, historiarum hujus autorem proficitur, haud obscurum in orbem cultiori nomen adeptus est, tum ab eruditione, tum ab itinere Siamensi ejusque descriptione. Proposuit sibi, ut in præloquio ad lectores monet, Regum Galliarum priorum ex Valesia stirpe historiam reconeinnare, non ex antiquis solum, qui editi sunt, autoribus, sed & ex manuscriptis in bibliotheca *Seminarii*, quod vocant, *regiarum missionum* & Abbatis Caumartini. Loca veterum scriptorum ea, quæ usi sunt, dialecto refert, simplicitate sua, ut haud immerito sperat, placitura. Discessisse se fatetur ab instituto, quo nuper unus atque alter historiarum scriptor, in animos affectusque hominum, dudum fato suo functorum, penetrasse se credidit, indeque operose produxit, qua mente, quo affectu, consilioque omnia acta fuerint, licet nulla auctoritate, quam sua, ista exponat. Materiam scriptionis sumsit ex rebus ab utroque Rege, *Philippo* & *Johanne*, patre & filio, ab anno 1328 ad 1364, intra annos scilicet XXXVI gestis, vario, infelici tamen plerumque eventu. Prioribus quidem regni sui annis Philippus Campaniam acquisivit; Flandros prælio ad Montem Casselium devicit; Angliæ Regem ad juratam clientelæ professionem, respectu provinciarum quas in Gallia tenebat, adegit; & Pontificis hortatibus obsequens, ad bellum, quod sacrum vocabant, initiari se passus est. Sed erumpentibus inde Eduardi III Angliæ Regis ad successiorem Gallicam prætensionibus, non una clade terra marique afflictus fuit Philippus, easque fere omnes temeritate sua

aut

aut suorum incurrit : ad *Cressiacum* maxime , ubi anno 1346 XXX suorum millia & in iis florem Gallicæ Nobilitatis amisit, licet numero copiarum decuplo majori, quam Angli, instructus esset. Inter prospera Philippi referenda est acquisitio Ruscinonenfis Comitatus (*Roussillon*) a Jacobo Balearium Insularum Rege emti ; & provincia, quam *Delphinatum* vocant, in Gallia Lugdunensi, ab *Humberto* Principe sive Delphino , *Carolo Valesio* Philippi ex *Johanne* filio nepoti donata, d. 29 Martii 1349. Anno sequenti Philippus decessit , cum paulo ante pactam filio *Johanni* *Navarræ* Regis filiam, pulchritudine ejus captus , sibi junxisset. Sed ista aliaque *libris* sive *capitibus* tribus enarrata , ex plurimis scriptoribus nota sunt , qui nec testamentum Regis tacuerunt. In hoc inter alia jussit, ut per totum regnum mitterentur, qui inquirerent, an aliquibus ex civibus injuria a se facta esset, utque eade prehenso, pro viribus satisfaceret læsis: pio sane instituto, sed magis laudando , si a vivis præstetur , aut a damnis injuriisque inferendis absteineatur. Elogium quo Regem hunc defunctum Autor prosequitur, tersum & ingenuum est, nec indignum, ut putamus, quod adscribatur. *Per annos regni* (inquit) *viginti tres adversam fortunam sapius expertus est* , neque tamen animum despondit. Una enim victoria ad Montem Casselium excepta, semper cæsus fugatusque est, vel ipse vel legati ejus. Nihil latuit hostes eorum, qua agere vellet, at ipse illorum consilia non nisi postquam exitum habuissent, comperire potuit. Erat egregia forma, comis, asfabilis, liberalis, manu quoque strenuus, ut exemplo suū in prælio esset, semper tamen infelix, etiam sine culpa. Summos thesauros Regum in corde civium esse, & se malle Gallorum quam Gallie Regem esse, delictare solitus est. Moriturus deplorasse fertur, quod subditos novis tributis onerasset, licet necessitate urgeretur. Sed magna calamitatum pars civibus imputanda est. Crimina enim atrocissima sine pudore & impune, quandoque etiam cum præmio committebantur. Nunquam tanta miseria cum insano luxu conjuncta fuit; ambitio, luxuria, prodigalitas, virtutes seculi erant. Pecunia omnibus modis quærebatur, ad explendas pessimas cupiditates profundenda. Itaque Deus Gallorum scelera ulturus, proceres prælii prostravit, & lucis famem secuta uberrimas regni provincias depopulata

est. Quanquam vero in digressionibus parcus sit Autor, aliquas tamen in loco & apte inseruit. Inter eas memorabilis est de tiara Papali, quam hujus Regis tempore, a Johanne XXII, amicissimo Gallis sed Germanis infensissimo, triplicatam fuisse refert, cum prisca Pontifices non nisi mitram, Phrygiæ fere similem gestassent, dein Hormisda donatam sibi a Clodovæo Rege Galliarum auream coronam imposuisset, & Bonifacius VIII duplicasset, ut indicaret, non minus temporalia quam spiritualia imperio suo subjacere. De pulveris pyrii usu ad majores machinas ignivomas instruendas, testimonium ex rationum regiarum libro affert, quod anno 1338 in obsidione arcis cujusdam adhibitus fuerit.

In parte altera, libris itidem tribus breviusculis, *Johannis* Regis historia traditur, qui parente infelicior fuit. Nam & domesticis discordiis & insidiis misere vexabatur, & adversus Anglos res tam male gessit, ut anno regni sexto, d. 19 Septembris anno 1356, ad Pictavium vivus in eorum manus perveniret, exercitu licet quinquaginta millium adversus decem tantum hostium millia pugnans. Sub hoc Rege tributorum sat grave onus Gallis impositum est, sed habitis comitiis & impetrato eorum consensu. Quanta vero eo tempore Ordinum regni auctoritas ex veteri libertate superfuerit, luculenter cognosci potest ex relatione de comitiis, post captum Regem, a filio Regis seu Delphino habitis, quam Lib. II. §. I. legere licet. Ostingenti aderant qui in comitiis sententias dicebant, delectique ex iis quinquaginta, decimas omnium reddituum tam Ecclesiasticorum quam Nobilitatis, & ex urbium tributis stipendia, quibus triginta millia militum alerentur, obrulerunt, sed iis conditionibus, quas Delphinus accipere noluit: paulo post tamen adactus fuit, ut & ministros quos habebat, exauctoraret, & quos Ordines illi denominabant, admitteret. Secuta est sive ob regiminis vitia, sive æmulorum artibus, Parisiensium a Delphino defectio, inde obsidio urbis, ejusdemque ad obsequium redactio. Præcesserat tumultus rusticorum in nobiles luxu corruptos & subditis intolerabiles insurgentium, qui a *Jacobo bono homine* (*Jacques bon homme*) cognomen sumserat, nec nisi viginti millium strage componi potuit. Conditiones interea pacis cum Rege captivo in Anglia tra-

tractabantur, sed recusatae sunt ab Ordinibus regni Gallici: conventum tamen tandem est anno 1360, durissimis ex Gallorum parte conditionibus. Cedeabantur enim Angliæ cum supremo jure amplissimæ regni provinciæ *Pictonum, Santonum, Aquitanorum, Lemovicum, Rutbenorum, Petrocoriorum*, aliorumque; multa etiam in *Picardia* & inter illa *Caletum*. Promissum fuit immensum lytrum, tres nempe ut vocant milliones, sive tricies centena aureorum millia. Pro eo obsides quadraginta, ex proceribus regni & primariarum urbium, in Angliam missi sunt. Inter obsides erant duo filii, ut & frater Regis. Ut conficeretur pecunia nullis tributis exigibilis, etiam filia regia impari marito tradenda fuit Galeatio Mediolanensium novo Duci. Post reditum suum Johannes Rex nova calamitate afflictus est, cum milites exauctorati in turmas collecti, magnam regni partem vastarent, & exercitum regium præfligassent. Maleferiati isti sese *Tarde-venientes* vocabant, itemque *amicos Dei & omnium hominum inimicos*. Cum vero Pontifici, qui tunc Avenione aulam habebat, hostilia minitarentur, astu decepti, & data pecunia trans Alpes ducti sunt, ad bellum Mediolanensibus inferendum. Ab his magistris Italos, ea tempestate fere inertes, artem militarem denuo didicisse, Scriptores gentis notarunt. Persuasus inde a Papa Johannes Rex, belli sacri ducatum voto recepit, indignantibus licet dolentibusque consiliariis & proceribus. Iisdem etiam inconsultis, in Angliam anno 1363 navigavit, ea spe ut conditiones pacis, quarum aliquas exequi non poterat, se præsentate mitigarentur. Sunt qui dicunt, eum amore forminx cujusdam ad iter id permotum fuisse. Advenientem Angliæ Rex magnifice excepit, & aliquot menses cum eo in ludis & spectaculis consumtisunt. Sed Johannes in illis ipsis delectamentis mortem invenit, & in Anglia d. 8 Aprilis 1364 decessit. Illi his fere verbis Autor parentat: *Sic in terra peregrina decessit Johannes Rex, cum vixisset annos LVI, regnasset XIV. Instruendus fuit plerisque virtutibus, qua magnum Regem faciunt; pius erat, ut abnepotem Sancti Ludovici decebat; fortis ad temeritatem usque; tam liberalis, ut prodigum haberetur. Sed bello infelix Rempublicam subvertit, dum consilia suorum aspernaretur. Sibi & animi sui magnitudini præsidens, temeritate sua prælio Piclaviensi victus est, & cum summo dolore ante oculos*

los suos interneccionem plerorumque ex proceribus suis, se vero captivum Principis Wallie vidit, qui tamen in meditullio Gallia conclusus, & commatu ad triduum saltem instructus, sine pugna ad deditionem compelli potuisset. Erat sub alieno ductu Legatus bonus, Imperator malus; obsequio quam imperio aptior. Nihilominus bonitas natura, quæ ex toto vultu ejus, omnibusque vita actionibus relucebat, amorem populi illi conciliaverat, licet eum tributis opprimeret, & sua culpa infelicem redderet. Familiaritas & affabilitas quadam & verborum quorundam blandities edulcabat duritiem dominationis, & subditos constringebat, ut nutus ejus vel minimos pro legibus inviolabilibus haberent.

GUERNERI NEUHAUSEN, HAMMONENSIS,
Homo Melancholicus, seu Dissertatio Philosophico-Medica de melancholia tum intellectuali, tum corporali, & quatenus objectum est medicina.

Hammonæ: Guestphalorum apud Bernh. Wolphardt.

1688, in 12.

Vulgare, at intricatum, qui compositum illum ex mente & corpore hominem affligit, affectum describere Auctor clarissimus sibi proposuit. At vero cum Cartesii inprimis legat vestigia, parit utitur methodi regula. Itaque DEUM Creatorem in homine mentem & corpus conjunxisse, illius naturam in cogitatione, hujus in extensione posuisse, cum eodem supponit. Commmercium utriusque per glandulam pinealem, tanquam immediatum magis instrumentum conservari, ita quidem ut per hujus motus animam imperet corpori, & quæ corpus afficiant, cum mente communicentur. Actiones in homine alias solius mentis, alias mere corporeas, alias quæ ex utriusque conjunctione fluant, alias dubias, quæ nunc sine mentis arbitrio peragantur, nunc ab ea diversis modis varientur, appellat. Exinde quomodo a corporis vitiis, coctione ventriculi labefactata, sanguinis mixtura & motu turbatis, & spirituum anormaliis, pariter mens labem contrahat, & contra tristes & adversæ in mente cogitationes corpori afferant noxam, edocet. Melancho-

enolicorum igitur symptomata singula recenset, & rationem secundum dictam hypothesein annectit, causas procatarticas & proximas persequitur, & omnia variis exemplis illustrat. Quibus præmissis, affectus hujus & nomina diversa, & definitiones primum aliorum, hinc suam subjungit. Nimirum aliam mentalem melancholiam, tristitiam diuturnam corporis functiones & immutentem & destruentem; aliam corpoream, languorem scilicet corporis a causis externis vel internis productum asserit. In prognoseos recensione, quomodo in plures morbos facessat, rationibus & exemplis exponit. Mentis affectum rationibus, corporis medicamentis aggreditur. Illum sedandum causam mororis scrutando, & quantum possibile removendo, affectibus frenum injiciendo &c. Huic medicinam fert & auxilium venæ sectione; sanguinem diluentibus & attenuantibus, ejusque motum augmentibus, inprimis decoctis lignorum; & præparatorum hac ratione humorum primum per catharsin, dein per sudorifera eductione. Medicamenta ex Galenicorum, & Chymicorum penu selectiora addit. Dixit regulastandem & corollaria quædam, quæ varia philosophica, medica, chymica continent paradoxa, proponit.

*APOLOGIE HISTORIQUE DE DEUX
censures de Louvain & de Douay, sur la matiere de
la Grace, par M. Gery, Bacb. en Theol. i.e.*

Apologia Historica pro Censuris duabus, Lovaniensi & Duacena, in materia de Gratia, autore Dni. Gery, Baccal. Theol., occasione libri Gallici, cui titulus est, *Defensio novorum Christianorum & Missionariorum in China, Japonia & Indiis &c.* composita, & Curciero, Doctori Sorbonico & Theologiæ Professori Parisiensi inscripta.

Coloniz, apud Nic. Schouten, 1688, in 12.

Nondum quidem ad nos libellus in titulo indicatus, cui *Apolo-*
gia hæc opposita est, pervenit; differre tamen hujus enarratio-
nem nolimus, tum ne novitatis gratiam amitteret, tum quia

ex *Defensione* illa Apologiæ huic insertum est, quicquid Theologi Lovanienſes ad offeſſam ſuam pertinere putarunt. Occaſionem vero *Defenſionis* iſtius edendæ (quantum quidem ad hanc quæſtionem de *Gratia* attinet) Jeſuitæ fortalſe ſumſerunt, ex publicata nuper in Belgio *Hiſtoria Congregationis de auxiliis gratiæ ſub Clemente VIII & Paulo V habitiæ*, quam in Actis noſtris anno 1687 pag. 353 & ſeqq. recensuimus, & quam Defenſor ille malignam & exilem fabulam (*un meſchant petit Roman*) vocavit: dein ex libro prolixo de *Traditione Eccleſiæ in articulo de prædeſtinatione*, ſub nomine *D. Germani* edito, in cujus Tomo II. Jeſuitæ haud leviter perſtringuntur, ut vel ex Actis noſtris A. 1688 pag. 402 & ſqq. intelligi poteſt. Allegata ibi ſpeciatiim fuit cenſura Lovanienſium in lectiones & ſcripta *Leonardi Leſſii*, Jeſuitæ, anno 1587 vibrata, eorundemque legatio anno 1679 Romam miſſa, qua procuratum fuit, ut Leſſii & aliorum ex Societate Jeſu theſes LXV diplomate Pontificio proſcriberentur. Sed de illis theſibus haud multum tractat Apologiæ hujus Autor, id potiſſimum agens, ut quod Jeſuitæ in dubium vocant, ipſe evidenter demonſtret, cenſuram nempe anno 1587 ab optimis viris & ſincera mente factam ita ſubſiſtere, ut in tribunali Pontificio, quod Inquiſitorum vocant, neque olim neque nuper improbata fuerit: unde etiam, abſque approbatione manifeſta & ſoleni, conſtare debeat, quod doctrinam ſanctam, orthodoxam & catholicam contineat. Aſſerit hæc Autor tribus hujus Apologiæ partibus, & quicquid in *Defenſione* illa Jeſuitica oppoſitum fuit, magno cum ſtudio refutat, Approbatorem Pariſienſem, *Currierium*, quem ſemper alloquitur, haud parum vellicans. Etiamſi vero non magni momenti eſſe videantur, quæ de cenſuræ illius validitate Autor diſputat; cum ipſe non diffiteatur, illam non niſi conſilii aut ſententiæ privatæ vim & auctoritatem habere, donec decretum Pontificis accedat: multa tamen in hac Apologia lectores inveniunt, ad intelligendam hiſtoriam capitalis illius controverſiæ, qua doctiſſimi Romanæ Eccleſiæ Theologi, totaque Sodalitia Academia & Monafteria, ab annis plus centum, in partes diſtrahuntur. Hujus diſſidii acerrimi intuitu, de jactato illo conſenſu in fide, quem nuper in relato a nobis menſe hujus anni Februario p. 65 ſqq. & Martio p. 157 ſqq. Tractatu de Diſſenſionibus Proteſtantium Epiſco-

scopus Meldenſis magnifice commendavit, non exigua oriri poteſt dubitatio. Mirabuntur etiam multi, cur poſt tot annos decifio tantæ litis a Pontificibus differatur; quam tamen jam dudum exactiſſimam in cognitionem vocarunt, & auxilio Spiritus S. quod ſibi nunquam deefſe exiſtimant, facile dirimere poſſent. Neque enim delevi quodam articulo, ſed de tali controvertitur, quo vix ullus gravior eſt ex iis, qui ſchiſmati inter Romanam Eccleſiam & Proteſtantes cauſam dederunt. Ut adeo non iniqua deſiderare videantur Lovaniensēs & alii, qui decifionem urgent, ejusque procraftinationem non ſatis patienter ferunt; licet nescio quis turbarum metus obtendatur, ſi altera litigantium pars cauſa cadat. Unde ſimul Proteſtantes in ſententia ſua confirmabuntur, Pontifices non tam veritatis profeſſione, Eccleſiæ, quam jaſtant, unionem, quàm humanæ dominationis artibus tueri, vi nempe, ubi poſſunt, aut diſſimulatione, ſi vires deſint.

Sed ad rem accedimus, plerisque tamen præteritis, quæ Autor libri in anonymum *Defenſionis* ſcriptorem aliosque Jeſuitas, & totam eorum Societatem ſpargit, ſatis aſpera & aculeata. Tuctur imprimis *Parte prima* famam Theologorum Lovaniensium, qui cenſuram anno 1587 conſcripſerunt, negatue eos Jeſuitis, quod illi queri ſolent, inimicos fuiſſe. Magno elogio maſtat *Henricum Gravium*, cujus ſtylo cenſura compoſita eſt. Is Romæ anno 1591 deceſſit, Bibliothecæ Vaticanæ Præpoſitus. Non minus celebrat *Michaelen Bajum*, cujus memorabilem ad *Sirletum Cardinalem* epistolam producit, ex qua & aliis indiciis oſtendere conatur, Baji, cum Romæ theſes ejus LXXVI damnarentur, imputata fuiſſe, quæ nunquam docuerit, alia prave detorta eſſe: quam tamen injuriam modetiſſime tulerit, Vir, ut ait, non eruditus ſolum, ſed & apprime pius & ſanctus, cum quo Leſſius comparari non poſſit, licet multa de ejus ſanctimonia Jeſuitæ glorientur. Hæc enim Autor irridet, imprimis quod digitorum ejus aliquem, quibus libros ſuos ſcripſit, conſecraverint & oſculandum porrexerint. Improbatur etiam, quod plurimos ex Societate ſua, qui Romæ damnati ſunt, nihilominus magni faciant, & veluti martyres celebrent. Proponit denique, & impietatis accuſat multa Leſſii dogmata. Exhibet poſtea ſucceſſionem quandam Profeſſorum Lovaniensium, qui veterem ſententiam de prædeſtinatione gratuita defenderint. Excus

Part. I. n. 3.

n. 4.

n. 11.

n. 5. 7. 8. 9.

n. 28.

n. 37.

num *Paulum Leonardum Sherloge*, qui anno 1644 scientiam mediam misere, ut ait, propugnavit, absurda inter alia applicatione distinctionis inter Pontifices quatenus privatos, & quatenus assistente Spiritu S. pronuntiantes: quasi nempe *Clemens VIII* & *Paulus V* in *congregatione de auxiliis* privato nomine egissent. Sed hæc & plura familiaria Jesuitis esse dicit, quoties Pontificum decretis premuntur, ut quadrare in eos putet querelam *Esa. I. 2. filios enutrivit & exaltavi, ipsi autem spreverunt me*. Progreditur inde ad confirmationes censuræ contra *Lessium*, a Lovanienſibus sæpe repetitas. Allegat *Innocentii X* contestationem, Jesuitis per *Franciscum Barberinum* Cardinalem intimatam, ne Bulla ejus contra quinque propositiones Jansenianas, unquam adversus doctrinam de gratia efficaci abuterentur; item *Alexandri VII* epistolam ad Lovanienſes anno 1660 datam, qua orthodoxam eorum in hoc articulo doctrinam commendat. Cum vero Pontifices judicium in hac controversia suis ex causis suspenderint, non dissimulat, quo cum damno Ecclesiæ id factum sit. Affert inter alia quædam ex liberrima epistola *Hieronymi Baptistæ de la Nuza*, Capuccinorum in Arragonia Provincialis, ad Inquisitores Romanos d. 22. Augusti anno 1577 Valentix data, quam Latinam adductam fuisse mallems. Sensus ex Gallica versione non possumus non adscribere. Prohibitio, ait, (Pontificia) de non tractanda materia de gratia, Ecclesiæ magnum affert præjudicium. Facile illa verbis pronuntiatur, sed interim magnam Theologiæ partem doceri prohibet. Articulus enim de gratia omnes fere alios ingreditur. Itaque prohibitio hac tormentum intolerabile & scrupulorum materia est, omniumque Theologorum vexatio. Tollitur ex concionibus, quod sapissime prædicari deberet. Turbatur quæta & immemorialis possessio professorum antiquæ doctrinæ, iug. admittitur jus ab omnibus gentibus agnitum, idque in gratiam novatorum. Hac ratio procedendi ante Jesuitas Ecclesiæ incognita fuit, & ab introducta, ut sub silentio illius favore nova seminarent dogmata. Inde summo cum periculo doctrinæ Catholicæ, novitates suas, ad quas propensissimi sunt, propalant: obtundunt turbas metuendas esse, si sibi contradicatur, cum tamen nullæ sint, nisi ex eo, quod illi nullam contradictionem pati volunt. Hoc est lupos emittere, & canes vinculis constringere. Hæc ille. Nostrum non est disquirere aut definire, quo jure ista Je-

hæc

suitis a Capuccinis obijciantur; apparet tamen, non solos Protestantes despoticum illud imperium circa controversias fidei averfari. Subjungitur illustre *Bzovii* testimonium, ut & totius Ordinis Augustiniani consensus, interque eos celeberrimi *Henrici de Norû*, & qui nuper decessit, *Christiani Lupi*.

n. 42.

Parte tertia Acta anno 1679 referuntur, cum Theologi Lovanienſes *D. Franciscus van Viane*, *Lupus* ille quem diximus, & *D. Martinus, Steyart* Romam miſſi, cenſuræ ſuæ anno 1687 editæ petèrent confirmationem, ſimulque erroneas Jeſuitarum propoſitiones Inquiſitioni deferrent. Atque ab hac quidem haud difficileſter LXV theſes, celeberrima illa Bulla d. 2. Martii, anno 1679 publice proſcriptæ ſunt, privatim aliæ XXXIII, ut notat, rejectæ: ſed obtineri non potuit diſerta & manifeſta cenſuræ Lovaniienſis comprobatio; renitentibus omni modo Jeſuitis, de quibus plurima queritur Autor, maxime vero relationem quandam Hiſpanicam Diabolicæ, ut ait, calumniæ accuſat, quæ contra Lovaniienſes Aula Regiæ oblata fuerit, ſub titulo *Expoſitionis de deplorabili ſtatu Eccleſiæ in Belgio, ex ſeſſione Bajaniſtarum & Janſeniſtarum*. In illa non ſolum, ut Autor aſſeverat, falſa imputabantur Lovaniienſibus, ſed & ſententiæ ſanctiſſimæ pro hæreticis diffamabantur, v. g. *quod ad Sacramentum poenitentia requiratur dolor ex amore Dei natus, & quod aliquo caſu abſolutio ſacerdotalis deneganda ſit*; cum tamen hæc & alia ab illis improbata, in Sorbona Lutetiæ quotidie defendantur, & cum Tridentinis decretis praxique *Caroli Borromæi*, qui ſanctus habetur, convenient. In eadem delatione Janſeniſmi accuſabatur Facultas Theologica Lovaniienſis, illa nempe, quæ *arſtior* vocatur, & ex octo viris compoſita eſt. Idem crimen Archiepiſcopis & Episcopis aliquibus in Belgio impingebatur, totisque Ordinibus *Præmonſtratenſium*, *Dominicanorum*, *Capuccinorum*, *Carmelitarum diſcalceatorum*, toti etiam Clero Seculari, & Collegiis Theologicis, multis etiam ex proceribus politicis. Ad tollendum vero *Janſeniſmum* media propoſcebantur, erectio tribunalis Inquiſitorii, & abſolutio octovirorum, utque iis alii ſubrogarentur, interque eos quatuor ex Ordinibus mendicantibus & unus ex Jeſuitis. Addebant querelas in ipſum Pontificem redundantes, minas quoque, ſi theſes a Lovaniienſibus Romam delatæ condemnarentur, (ut tamen

S. I. n. 3.

S. 2. 2.

- factum est) & Janfenismo multos Romæ favere ajebant. Longum foret enarrare, quæ his omnibus Autor regerit, & quæ de causa Janfeniana in Gallia male tractata, non sine insectatione P. de La Chaise commentatur. Plurimus est in eo, ut ostendat falsum esse, quod Jesuitæ jactant, rejectam esse Romæ & proscriptam Lovaniensium censuram sæpe dictam, quam anno 1587 ediderunt: fateatur tamen iterum, expressam & disertam ejusdem confirmationem impetrari Romæ nequivisse, idque cum stylo Romani tribunalis convenire, in quo pro confirmatione & approbatione habeatur, si quid intactum & non reprehensum ex Inquisitorum examine exeat. Interim non Legatorum solum Lovaniensium, sed & Romanorum Theologorum, v.g. *Favoriti*, *Schellstrateni* & *Sabatini* testimoniis comprobatur, censuras Lovanienses judicibus penitus placuisse. Explodit inde, ut fabulam maligne confictam, quicquid de Janfenismo spargitur, non alio, ut ait, sine, quam ut viris pietate & doctrina eminentibus, qui novitatibus Jesuitarum resistunt, periculum creetur. Mentionem hic facit Hiberni cujusdam, sive Jesuitæ, sive Franciscani, *Duffii*, qui anno 1681 Lovaniensibus XC errores affinxerit. Narrat etiam, quid ipsi Bellarmino acciderit, censura in librum ejus quendam publicata, & postea sublata. Cum vero Jesuitæ ad elidenda, quæ Lovanienses de approbatione (qualem nempe Romæ dare solent,) censuræ suæ allegarunt, ad alios testes provocarint, contrarium asserentes; eorum dicta examinat & refellit Autor, ut & illa, quæ de Calvinianorum cum Janfenistis consensu objici solent. Sugillat quendam *Nicolaum du Bois*, quem intrusum & Judam Facultatis Lovaniensis vocat. In Additionibus quæ p. 399 & sqq. subjunguntur, respondet Autor ad librum jam ante annos XXXVII a Jesuita de *Champs* editum & nuper recusum, in quo Janfenistis objicitur, quod Bullam Pontificiam anno 1653 publicatam indigne tractent. Tuetur inde Autor Janfenii sententiam ut orthodoxam, eamque tam a necessitate Calviniana, quam ab indifferentia Molinistarum puram. Refutat objectionem, quod contra prohibitionem Pontificiam *Acta congregationis de auxilio* publicata fuerint, illamque prohibitionem dudum cessasse, aut eo saltem valuisse statuit, ne consultationes & suffragia pro rebus judicatis habeantur. Accesserunt in fine libri exempla diplomatum aut
- n.17.
- n.18.
- n.28.
- n.30.sqq.
- n.34.

aut epistolarum Latinarum, v. g. mandatum Pontificis *Sixti V* anno 1588 ad *Othavium Frangipanium*: hujus decretum, tum prius, tum alterum quod Autor pro supposititio habet: item scripta quædam & decreta Lovanienſia: Excerpta ex relationibus *Lupi* anno 1679 Roma scriptis: literæ denique Pontificiæ ad Lovanienſes eodem anno satis benigne datæ, nec non *Ciboii Cardinalis*, aliaque.

RIFLESSIONI FILOSOFICHE &c. h. e. —

Meditationes Philosophicæ circa figuras salium, expositæ discursu quodam, quem in Academia Philosophica Experimentalis Dn. Archidiaconi Marsilii recitavit D. Dominicus Gulielminus.

Bononiæ apud Hæredes Antonii Pisarri. 1688. in 4.

DEum semper γεωμετρεῖν, veteris Philosophi effatum est, cujus veritas præprimis ex figuris illis, in quas corpuscula salina ordinariæ solent in crystallisatione concreſcere, ad oculum patet. Sed cum Numen summum Geometriam mediantibus causis secundis exercere soleat; nihil prohibet in illas inquirere paulo accuratius, id quod Dominicus Gulielminus hoc ipso nitidissimo discursu, quem Magliabechio celeberrimo debemus, facere instituit. Postquam enim de optimo philosophandi genere quædam præmonuit, phænomena enarrat salium, quæ ad ipsius institutum faciunt, & speciatim observat, coalescere nitrum in prismata hexagona, quæ nonnunquam secundum totam axis longitudinem perforata; vitriolum & tartarum in parallelepipeda obliquangula, comprehensa planis rhomboidibus; alumen petrosum in octaedra; sal commune in cubos: neque tamen id semper contingere in omnibus crystallis, sed multas, licet quasi affectent figuram debitam, in quibusdam deficere partibus, nonnullas etiam in massam informem compingi. Rationem vero horum phænomenorum ut afferat, supponit salia constare ex atomis (h. e. particulis, quæ a nullo agente naturali in minores possunt dividi) ejus figuræ, quam crystalli majores referunt, easque deinde a blando motu liquoris, cui innatant, sibi invicem adaptari, & ob pressionem fluidi coherere, corpusque simili constitutere. Ita v. g. particulas pyramidales sibi similes & æquales, quæ

quæ deinde octaedra aluminis constituunt, sic coire, ut dum quatuor earum bases in eodem sunt plano, & quadratum constituunt, & alia quædam inversè ita media ponitur inter illas, ut vertex ejus in eodem sit plano cum quatuor illarum basibus, tandemque alia huic superimponitur, constituent pyramidem majorem componentibus similem. Adducitur deinde, huic sententiæ major probabilitas ut concilietur, testis oculatus Levenhoeckius, qui Microscopio salium solutorum partes ejusdem fere figuræ vidit, quæ ab Autore nostro ipsis assignatur: quod enim illa non plane eadem adparuerit, hoc vel admistioni aliorum salium, vel diaphaneitati aliisque causis tribui posse autumat. Rejicit hinc opinionem Junckæni & Ten Rhine aliorumque, qui conformationem illam salium spiritui vel acido volatili, quod in sale prædominetur, tanquam causæ adscribunt. Ultimo loco duas objectiones resolvit, quarum prima est, quod cum pyramides se invicem solum lineis, non planis, contingant, non videatur id ipsum consistere posse cum soliditate crystallorum: secunda vero, quod in compositione v.g. pyramidis majoris ex pluribus minoribus, pyramides similes & æquales non possint totum replere spatium, sed vacua relinquant interstitia. Nam ad ultimam respondet, non esse absurdum remanere poros in hac compositione, quum eos existere manifeste arguat solutio aluminis & vitrioli confusa, cujus crystalli gaudent figura aluminis & colore vitrioli, quippe cum hujus particulæ crystallorum aluminis poros ingressæ fuerint: alias enim aquam iis includi, quæ deinde in destillatione cum particulis salinis spiritum acidum constituat. Primam porro objectionem aliquid efficere negat, quoniam licet pyramides omnes se in planis non contingant, satis tamen firma cohesio oriatur ex pressione æquali ambientis vel aeris vel aquæ sale imprægnatæ, quum pori angusti illum semper, hanc vero, si onusta sit particulis salinis, excludant. Tandem subjicitur demonstratio Geometrica propositionis, cujus in discursu facta mentio erat: Quamlibet pyramidem quadrangulam dividi posse in sex alias æquales, tam integras quam sibi invicem quoque similes, nec non in quatuor alias triangulas inter se similes & æquales, quæ constituuntur a quatuor triangulis similibus & æqualibus iis, quæ pyramides sex priores comprehendunt.

ΣΤΕΦΑΝΟΥ ΒΥΖΑΝΤΙΟΥ ΕΘΝΙΚΑ

κατ' ἐπιτομὴν,

STEPHANI BYZANTINI GENTILIA

per epitomen, antehac περὶ πόλεων de Urbibus inscripta; quæ ex MSS. Codicibus Palatinis ab Cl. Salmasio olim collatis & MS. Vossiano restituit, supplevit, ac Latina versione & integro commentario illustravit Abrahamus Berkelius. Accedunt collectæ ab Jacobo Gronowio Variæ Lectiones ex codice MS. Perusino, & admixta ejusdem notæ.

Lugduni Batavorum, apud Dan. a Giesbeck, 1688, fol.

Inter antiquos idem studium, quo inter recentiores ii inclaru-
erunt qui Geographicos indices sive Lexica conscribere (quales
hoc ævo extiterunt *Abr. Ortelius, Car. Stephanus, Phil. Ferrarius, Mich.
Antonius Baudrandus, Nic. Lloydius*, aliique) exercuit nonnullos,
quorum, præter Strabonis, Ptolemæi, Dionysii, Plinii & Melæ
opera, sola nomina a Suida & Tzetze asservata sunt. Eminent in-
ter hos *Stephanus Byzantinus*, sæculi sexti scriptor, ut apparet,
Christianus: qui non solum regiones, gentes, urbes, oppida,
colonias, montes, saltus, maria, promontoria, insulas, por-
tus, flumina, fontesque recensuit, sed & quæ ab iis deducuntur
gentilia nomina, aliaque id genus inde derivanda, explicavit; præ-
terea mores gentium, regnorumque & urbium conditores, fabulas
item, antiquitates, etymologias, & plurima ad Grammaticam spe-
ctantia, utilia non minus cognitu quam jucunda attulit. Hujus
insignis & amplissimi operis compendium modo superest, ab *Her-
molao* quodam, Constantinopolitano Grammatico, concinnatum:
cujus etsi industria sua laude non est privanda, simul tamen dolen-
dum, multum damni hac contractione & ἐπιτομῇ, quæ forte in
causa fuit cur ipsum Stephani opus neglectum interierit, literis
fuisse illatum, & magno earum dispendio compendium pro in-
tegro opere substitutum. Qua re commotus Guilielmus Xylander
vix temperare sibi potuit, quin operi huic non *Stephani* nomen
Ec præ-

præscriberet, sed hunc titulum potius præfigeret: Ερμολάου Γραμματικῆς Κωνσταντινῆς πόλεως ἐπιτομὴ τῶν Ἑθνικῶν Στεφάνου Γραμματικῆς. Religioni tamen sibi ducens quicquam immutare, post binas in Italia a Juntis Florentiæ 1491, & Aldo Venetiis 1502 evulgaras editiones, tertiam in Germania sub eodem titulo quo Italica prodierant, anno 1568 adornavit, Latinamque versionem concinnavit, loca plurima rectius constituit, & commentarios luculentos confecit. Post Xylandrum idem studium hoc seculo tenuit Josephum Scaligerum, Isaacum Casaubonum, Claudium Salmasium & Lucam Holstenium, summos criticæ & literariæ rei antistites: quos in poliendo emendandoque Stephano multum operæ posuisse constat, & restantur eorum codices, in Cæsareana Vindobonensi & Vossiana bibliotheca superstites, multas emendationes & annotationes margini allitas habentes. Nullus tamen eorum, nec ex aliis eruditis quisquam, (etsi Stephani loca depravata, dum aliud agunt, passim emendant & restituant) propositum tam insignè executus est, aut post Xylandrum huic operi, quantum ejus superest, denuo edendo manum admovit; donec superioribus annis *Abraham Berkelius* summa animi contentione hunc laborem aggressus, quicquid mutili hujus Scriptoris restabat, injuria temporum & hominum imperitia corruptum, tum ingenii felicitate, tum & codicibus Isaaci Vossii, & eo volumine cumprimis, cui Salmasius multa adscripserat, constituere & dilucidare, hocque veluti plignore studia in Musas sua (dicente Gronovio) posteritati commendare satagit. In quo studio interea dum versatur, (multis autem ab annis se in eo versatum fuisse, immensumque in vertendo & emendando hoc Scriptori, miserrime depravato, laborum & molestiarum pelagus esse emensum, jam anno 1674 profectus est Berkelius, cum quædam Stephani fragmenta in publicum emitteret) eandem operam sibi sumsit, ipso tamen ignaro, *Thomas de Pinedo* Lusitanus, ac Amstelodamensis typis anno 1678 Stephanum nova Latina interpretatione & annotationibus instructum exclusit. Sex annos post *Luca Holstenii* in eundem Scriptori eruditæ notas & castigationes Romæ e bibliotheca Barberiniana depromtas, a nobis in Actis anni 1684 pag. 487 memoratas, edidit Vir clarissimus *Theodorus Ryckius*. Ita dum de Stephani salutē & cultu laborant alii,

alii,

alii, Berkelius autem omnem industriam eidem emendando illustrandoque impendit, morbo correptus industria huic immoritur. Ne vero præclari studii hujus fructus intercideret, cura & provisione celeberrimi Viri *Jacobi Gronovii* effectum est; qui patre orbatum hunc foetum suscepit, & ut typis recte excluderetur, opera Petri Abkoude usus, intendit, omnes Berkelianas annotationes adjici sollicitus, interpretationem quoque Latinam ab eodem adornatam (etsi inutilem in Grammatico ejusmodi opere ratus) vulgari permisit, ne ulla ex parte hæc nova Lugdunensis editio inferior haberi possit Amstelodamensi, cui typorum nitore & voluminis magnitudine ex æquo respondet. Cumque Amstelodamensis collationes Gronovianas cum Cod. MSC. Stephani ex bibliotheca Abbatiz Perusinae adjectas habeat: in hac Berkeliana, auspiciis Gronovii prodeunte, exactiorem variarum istarum lectionum recensum non omittendum duxit Vir clarissimus, in emendandis depravatis auctororum locis e vetustis Codd. non minori felicitate quam ingenio gaudens. Nec contentus eas attulisse variationes lectionum, quas in Perusino codice deprehenderat; accurato etiam studio, ut Berkelianis notis admiscerentur Salmasii emendationes omnes, depromptæ e volumine quo fuerat usus, & cujus oræ suas observationes alleverat Vir incomparabilis, providit, & hac ratione instructum opus hoc reliquis omnibus Stephani editionibus præstantius effecit; ut Berkelii manes multum omnino, ob adhibitam relicto operi curam felicem & exquisitum cultum, doctissimo Editori debere intelligamus.

*OEUVRES MELE'ES DE MONS. L' ABBE'
de S. Real. i. e.*

Opera miscellanea Dn. Abbatis de S. Real.

Ad exemplar Parisiense 1689, in 12.

Continet libellus hic non inelegans tractatus quatuor, quorum *primus* inscribitur *de usu historiae*. Hunc plane alium Autor proponit & exigit, quam vulgo quæri solet; dum, ut ait, qui historico studio incumbunt, multorum temporum & casuum reminiscencia

Ec 2 caput

caput onerant, ut prompta earum recitatione sese ostentare possint. Requirit itaque potius, ut etiam juvenes illico, non tam ad varietatem aut seriem rerum memoriz imprimendam, quam ad percipiendas earum causas, affectusque & studia hominum, quorum gesta legunt, pernoscenda mentem & attentionem convertant: sic enim veram prudentiam ad omnes vitæ actiones acquiri; cum ex adverso nuda illa scientia nihil proficiat, quam ut mentes juvenum vanis persuasionibus efferat, aut parentum ambitioni satisfaciatur, qui ex illa historias enarrandi facilitate, de ingenio & eruditione filiorum gloriari soleant. Hæc præfationis loco sunt. Tractatus ipse constat ex *dissertationibus septem*, in quarum singulis exemplum aliquod historicum Autor pro objecto habet, & ex eo observat, quæ ad mores pertinent; profitetur tamen, se ista omnia didicisse ex viro quodam seculi nostri sapientissimo, de quo alibi dicturum se esse spem facit, sed cujus nomen reticet. In *prima* causam indagat, propter quam Turcorum Imperator Henrico IV suppetias adversus *Ligam*, quam vocant, seu factionem Romano-Catholicam, qua Rex oppugnabatur, obtulerit, eamque inter alias, quæ probabiliter conjici poterant, fuisse tradit, quam minister Sultani indicarit, nempe quod Herus iste suus naturaliter oderit nomen *Lige*. Inde offendit Autor, fortuitis plerumque rebus homines moveri, maxime omnium Principes, qui vulgare & vile esse putent, in rerum causas & momenta inquirere, & plerumque impetu quodam agant. Hoc vero illis aliisque qui in re lautiori vivunt, ex prava educatione & ab adulatorum nequitia accidere. Ita fieri solere, ut beneficia sua primo, qui illis in mentem venit, non vero digniori conferant, evitata inquisitionis molestia. Vulgi tamen ingenium ex naturali hominum, & ut Stoici dicere solebant, universalis stultitia, eodem tendere docet. *Dissertatione II* perversitatem & malitiam hominum considerat, quod non ex jucundis solum, sed & funestis spectaculis voluptatem capiant. Occasionem sumit ex narratione de Legato Turcico, qui in Gallia ludos equestres spectans dixerit, ad ludicrum certamen plus satis, ad serium justum minus fieri. Culpam, ex Autoris sui judicio, residere dicit in oscitantia illa, qua rerum vera natura ab animo hominis non consideratur, & quod, etsi meliora videre & discernere valeat, malit tamen negli-

negligentius & cum impetu decernere & agere. *III. De falsa opinione* disserit, qua actiones quædam ex virtute proficisci putantur, cum sepe ex alia quacunque occasione nascantur. Exemplum refert *Caroli IX* Galliarum Regis, qui *Jacobo Amiato*, præceptori suo, viro ob doctrinæ præstantiam celebri (cujus ex infima ad altiore fortunam evocationem narrat) *supremi Eleemosynarii* dignitatem, non deliberata mente, aut virtutis exercendæ studio, sed per occasionem contulor, cum inter sermones convivales narrari intellexeret, a *Carolo V* ad Pontificatum promotum fuisse *Adrianum*, quo informatore usus erat. Pluribus inde ostendit, tritam quidem sed non veram & virtuti convenientem viam esse exemplis doceri, aut illa æmulari. *Dissertatio IV* censuram hypocritarum continet, qui religionem & conscientiam, utilitati suæ, & ut potentioribus placeant, postponunt. Exemplum affert *Logati Regii* ex ordine Ecclesiastico, in negotio quodam Romæ ab *Henrico IV* sibi commissio, cum ludibrio religionis institutum suum prosequentis. *Diff. V.* de opinione hominum circa mores & habitus æternos disquirat, cur alio tempore alia probet aut aversetur. Anfasumit ex more Gallico seculi præteriti, quo nemo ad munera togæ sive magistratuum recipiebatur, nisi barbam raderet; quod *Francisco Olivario*, Cancellario postea Galliarum, injectum fuisse refert, cum in Senatum regium allegeretur. Ex singularitatis studiotalia nasci haud abs re notat, neque tamen negat, sapientes etiam tyrannidi consuetudinum illarum, Olivarii exemplo, sese subiceretandem debere. *Diff. VI* vanam gloriam de nobilitate generis infectatur, quam a magnatibus fere & primoribus unice æstimari dicit, & longe rectius judicare vulgus, quod gloriam ex propria industria quærit. Laudat factum *Caroli V*, qui cum duæ illustres sæminæ de gradus præ eminentia acriter certarent, festive pronuntiaverit, *stultiorem præcedere debere*. Ejusdem aliud facetum dictum refert, cum Hispano quodam centurione jactante, se nullum unquam metum sensisse, diceret: videri sibi, hominem istum nunquam candelam digitis emunxisse; si enim id fecisset, absque metu de comburendis digitis non fuisse futurum. Addit quædam haud inscite de aliis ejusmodi dictis, inter quæ & *Henrici IV* aliquod allegat, qui cum sibi libellus de legibus a sartore quodam

dam conscriptus offerretur, Cancellarium accersi iusserit, ut vestem sibi consueret. *Diff. VII* fucum exponit, qui religionis prætextu actionibus hominum malis etiam aut stolidis illini solet, occasione historię *Ludovici XI*, qui jus supremi Domini in *Comitatum Bononiensem* (in Morinis sive Picardia) & *S. Pauli*, *Diva Maria*, quę Bononię colitur, donaverit, ita ut ad ejus altare juramentum vassallagii præstandum esset.

In altero tractatu elegans est narratio tragici exitus Principis Hispaniarum *Caroli*, Philippo Secundo Rege geniti, ex omnibus diversarum nationum autoribus, quos enumerat, concinnata. Sed notiora illa sunt, quam ut prolixè hic recenseantur. Memorabile est, quod pag. 31 *de Carolo V* legitur. Famam enim fuisse scribit Autor, Imperatorem illum imbutum in Germania religione Protestantium fuisse, neque alio sine privatum factum, quam ut Deum ad illorum præscripta in secreto illo suo coleret; poenitentia etiam continua afflictum fuisse, quod duos illos fortissimos Principes (*Saxonem & Hassum*) oppressisset, neque ausum condemnare religionem, pro qua tanti viri, quicquid charum & pretiosum haberent, in discrimen dedissent. Hanc hæreseos suspicionem augmentasse, quod non aliis ad curam animę suę tunc uteretur, quam iis, qui ejusdem religionis insimulabantur, *Cacalla* puta, concionatore, Archiepiscopo Toletano, & maxime Constantino Pontio, Drossensi Episcopo, qui ei a confessionibus erat. Repertas post mortem in cellula *Caroli* schedas fuisse, de justificatione & gratia, non multum a Novatorum doctrina discrepantes. Denique Testamentum ejus indicio maxime fuisse, in quo nihil ad sacra, quę Romanis sunt ritus, legaverit. Subjungit, ut post mortem *Caroli*, ii, quos nominavit, ex Ecclesiasticis in carcerem conjecti, & ab inquisitorio tribunali ad rogam damnati fuerint, cui & Testamentum *Caroli* injici debuerit: cujus tamen sententię effectum *Philippus Rex* prudenter impediverit.

In tractatu tertio historia describitur conjurationis, anno 1618 ad exitium urbis Venetę toto orbe celeberrimę, ab *Alfonso de Cueva Marchione de Bedemar*, Legato Regis Hispaniarum ad Venetos Ordinario, cum militaribus quibusdam hominibus initę, eoque perductę, ut nisi paucas ante horas, a quodam ex complicibus, quem con-

conscientiæ stimulus pupugit, detecta fuisset, plenissimum effectum fuisset habitura. Hanc Autor ex Historiæ Venetæ illustri scriptore *Job. Baptistâ Nano Lib. III, Mercurio Gallico* d. Anni 1618, libello famigeratissimo qui *scrutinium libertatis Venetæ* inscribitur, pluribusque Commentariis manuscriptis, composuit. Prudentia Senatus post evitatum malum maxima fuit, in dissimulatione omnium quæ ad Regis Hispaniarum ejusque consiliariorum, qui consilii facinoris esse dicebantur, contumeliam, aut rumpendam pacem pertinere possent. Mirum vero etiam illud est, tanti criminis convictum Marchionem non impunitum modo evasisse, sed & postea in Cardinalium Collegium cooptatum fuisse.

Quarto denique *tractatu* inveniuntur colloquia historica & moralia cum viro, quem ab initio laudavit, profundæ sapientiæ magistro. Illum nunc *Cesarionem* vocat, eique singularis acuminis, gravitatis, nec non humanitatis characterem tribuit. Distributi autem sunt Dialogi hi in quatuor dierum conversationes. Materia desumpta est ex historia Romana, & quidem ex gestis Ciceronis, Caesaris, Pompeji & qui cum iis vixerunt, neque tamen ex vulgaris historicorum libris, sed ex epistolis Ciceronis magna cum industria eruta sunt. Producentur sane & in censuram vocantur exquisita morum exempla. In vita tamen Pomponii Attici singulariter exercuit se Autor *Colloq. III*, ac multos viros ejus defectus arguit, quibus elogia a Cicerone & a Cornelio Nepote ei data extenuet, & vereratorium dignumque danista ingenium ei fuisse probet. In ultima confabulatione haud vulgaria de ministris Principum commentatur, ostendens quantum in illorum electione, aut si perperam agant, prompta dimissione positum sit. Docet etiam, non nisi magno Regi magnum ministrum convenire, & hunc ab illo æstimari, exemplo Philippi Macedonis, qui aliquando, (teste *Athenæo Lib. X.*) genio cum familiaribus indulgens, dixerit, *bibamus*, sufficit enim *Antipatrum* non bibere; indicans, hujus unius prudentia res suas stare. In fine egregia monita adduntur de vita aulica, & quæ in illa caveri debeant,

Claudio Salmafii Plinianæ Exercitationes in Caji Julii Solini Polyhistora: item Caji Julii Solini Polyhistor ex veteribus libris emendatus. Accesserunt huic editioni de Homonymis hyles iatricæ Exercitationes antehac ineditæ, nec non de Manna & Saccharo. Trajecti ad Rhenum apud Joh. Water, Joh. Ribbium, Franciscum Halma & Gul. Water. 1689. fol. Tomis duobus.

Κεβητῶν Ὁγκαῖς πινυλῆ. Cebetis Thebani tabula, Græce & Latine. Multis in locis restituta ex MSS. codicibus, unde etiam Græca in sine reposita ab Jacobo Gronovio. Cujus accedunt notæ & emendationes. Amstelodami apud Henricum Westenium 1689. in 8.

Astii Synceri Sannazarii opera Latina omnia & integra, cum Notis. Amstel. apud Henr. Westen. 1689. in 12.

Trium Fratrum Amalthcorum, Hieronymi, Jo. Baptistæ, Cornelii, Carmina. Editio nova. Amstel. apud Henr. Westenium 1689. in 12.

Adr. Houtyn Reipublicæ Batavicæ liber primus. Hagæ Com. apud Petrum Hagen 1689. in 12.

Les Oeuvres Posthumes de Mr. Claude. Tome V. a Amsterdam chez Pierre Savouret, 1689. in 8.

Davidis Abercrombii Scoto-Britanni Fur Academicus. Amstelod. apud Abr. Wolfgang 1689. in 12.

Daniel Caspers von Lohndstein Großmüthiger Feld-Herr Arminius oder Herrman. Leipzig / bey Johann Friederich Oleditschen / 1689. in 4.

De Arte excerpendi Liber singularis; una cum Historia Excerptorum propriorum Vincentii Placcii Hamburgensis. Accedit ejusdem invitatio Amica super symbolis promissis aut destinatis ad Anonymos & Pseudonymos suos. Holmiæ & Hamburgi apud G. Liebezeit, 1689. in 8.

Analecta ex Discursibus Academicis Nic. Christophori Lynckeri ad D. Gabrielis Schvvederi Introductionem in Jus Publicum Imp. Rom. Germ. novissimum. Jenæ apud Joh. Bielken, 1689. in 4.

Joh. Claubergii Physica contracta, nunc primum in hanc formam redacta & aucta, studio Pauli Michaelis Rhægenii. Lipsiæ apud Hæredes Frid. Lanckisii 1689. in 12.

ACTA ERUDITORUM

publicata Lipsia

Calendis Maji Anno M DC LXXXIX.

CLAUDII SALMASII PLINIANÆ EXERCITATIONES in Caji Julii Solini Polyhystora. Item Caji Julii Solini Polyhystor ex veteribus libris emendatus. Acceperunt huic editioni de Homonymis hyles iatrica exercitationes antebac inedita, nec non de Manna & Saccharo.

Trajecti ad Rhenum, apud Johannem vande Water, Johannem Ribbium, Franciscum Halma, & Gulielmum vande Water, 1689, in fol. Tomis duobus.

Is qui omne scientiarum ac literarum genus animo complexi exquisita & varia eruditione sæculum illustrarunt, palmam præripere visus est *Claudius Salmasius*, vir in tantum doctus, censente Boecetio, in quantum doctrinam intelligunt homines, adeo ut nomen ejus non ut literari aut scientiis exculti, sed ut ipsarum literarum & scientiarum, quarum vindex ac præcipuus assertor fuit, inter doctos colatur. Cætera autem omnia industriæ ac ingenii ejus monumenta, quæ plurima reliquit, istud præstare doctis visum est, quod Plinio illustrando impendit, in vasto ad Solini Polyhystora commentario, anno 1629 Parisiis excuso, quem tam late patere quam ipsa se pandit natura, Grotius in epist. asseruit, & admirandæ industriæ codicem Conringius salutavit. Nimirum quod Plinius Nepos in epistolis de avunculi Historiæ naturalis opere pronuntiavit, *opus esse diffusum, eruditum, nec minus varium quam ipsa natura*, id merito de his Plinianis exercitationibus affirmari potest: in quibus cum Pliniana multa auctor adstruat & ex omni antiquitate illustret ac confirmet, pluribus tamen fidem derogat, & vera a falsis erudite discernit, mul-

FF

taque

taque in historiis naturalibus Plinium peccasse ostendit Auctor doctissimus, passim se in eruditas Dissertationes diffundens; ut omnibus doctrinis, iis maxime quæ in rerum antiquarum cognitione versantur, abundabat, omnesque omnium ætatum scriptores exacte perspectos habebat, quorum multis tenebrosos locis ubique lucem affundit. Ipsum tamen Plinium integrum explicare, & singula in eo vel laudabilia dilatare, vel reprehendenda annotare, ejusque errores omnes indicare, non aggressus est; quod tam vastus labor viribus ipsius, aut potius patientia, major esset. Quæ tamen sua de Plinio sit sententia, quidve in scriptis ejus probandum sit, quid damnandum, ac quousque procedendum in illius admiratione, peculiari *Dissertatione* exposuit, quæ Divione anno 1668 excusa, in hac nova Solinianarum Exercitationum editione, in secundo tomo, antehac non editis Exercitationibus præmittitur, præclara multa continens. Solini igitur non adeo magnum librum pertractandum sibi sumsit, quod is de arboribus, gemmis, animalibusque variis in regionibus quæ nascuntur, solerter e Plinio (etsi ejus nomen dissimulat) conquisita, ordine non invenuto digessisset, & occasionem ad Pliniana multa loca commentandi præberet. Ergo de ejus patria, ætate, & opere, quod *Polyhistoris* nomine insignivit, in Prolegomenis præfatus, (in quibus & alia argumenta, in quæ more suo digressus est, v. g. de furtis literariis veterum scriptorum, Apuleji Metamorphoseon libris, Gellii præfatione Noctium Atticarum sub earundem finem immerito hætenus rejecta, pravo veterum consilio bonos scriptores in epitomas redigendi, veterum ratione contextendorum indicum librorum ab hodierno more diversa, erudite pertractavit,) ipsum Solini librum, quem prius sub *Collectaneorum* nomine postea *Polyhistoris* titulo ipse auctor ediderat, exhibet emendatiorem, veris lectionibus ingenii ope ex certissima conjectura, aut Codicum auctoritate constitutis. Codices autem tres e Palatina bibliotheca, duos e Regia Parisiensi antiquissimos, unum præterea editum librum a Bongarsio cum quinque MSS. collatum, & alterum a Petro Daniele ad antiquissimum Codicem exactum, nec non Venetiis impressum librum, ubi anno 1473 hic auctor primum prodiiit typis excusus, adhibuit. Exercitationes ipsæ, quibus Plinium emendavit, explicavit, & castigavit Salmasius, eo ordine, quo Solinus cum

com-

compilarat, duobus tomis absolvuntur: e quibus extantiora excerpere si vellemus, modum instituti nostri oporteret supergredi, & ambigui relinqueremur tamen, an meliora attigissemus; adeo exquisita sunt omnia, nec alibi obvia, quæ admirandum hoc opus continet. Is autem qui curam novæ editionis gessit *Samuel Pitiscus*, quæ sub Ad-dendorum elogio priori subjecta editioni Salmasius inseri voluerat, suis quæque locis reposuit, & ut facilius annotationes cuique capiti proprias reperire liceret, ad modum Polyhistoris, qui eorum LVII numerat, ipsas exercitationes in capita Solino respondentia partiti-us est, singulisque lemmata præfixit, ut ad primum statim conspe-ctum cognoscatur, quod argumentum potissimum diffusæ Vic eruditionis pertractarit. Indices etiam non quidem ampliores sed absolutiores castigatioresque subjecit, cum editio prior largissimis esset instructa, sed qui multa superflua continerent lectoremque sæ-pius deluderent.

Quibus omnibus ex partibus cum hæc nova editio Batava prio-ri Gallicæ haud parum præstet, majorem tamen longe meretur commendationem ob insignem accessionem Salmasiani commenta-rii de *Homonymis hylæ iatrica*, nunc primum editi & alteri tomo ad-jecti (cujus haud exiguam partem implet) studio filii *Ludovici Sal-masii*, qui religionis causa e Gallia exul, bonis a vitis exutus, jam in Belgio degit, & doctissimi Senatoris Divionensis *J. Bapt. Lantini*. Nimirum in herbaria & universa re medica cum appellationes ar-borum, herbarum, fruticum, aromatum, metallorumque pluri-mos errores gignant, dum vel eædem res diversis nominibus gau-dent, vel idem nomen diversas res designat, quod uno eodemque sæculo variæ civitates eadem lingua usæ unam eandemque rem varie vocitarunt, aut diversa sæcula ejusdem plantæ arborisve diversas habuere appellationes, aut lingua differentes gentes suo quæque idi-omate aliquam plantam insigniverunt: hinc sæpe factum, ut ean-dem herbam vel arborem scriptores ex Græci ac Latini vocabuli di-versitate putarent esse diversam; vel contra, res quamplures toto genere invicem distantes, iisdem signatas nominibus, easdem ha-berent traderentque. Difficultatibus his igitur subvenire gemino commentario allaboravit Salmasius, quorum alteri de *Synonymis*, al-teride *Homonymis hylæ iatrica* nomen fecit. Iste sive ab auctore in

chartam non coniectus, sive in schedis disiectus, post ejus obitum non repertus fuit; hic vero jam *Lantini* opera prodit, qui cum *Philiberto de la Mare*, non ita pridem vita defuncto, commentarii hujus prolegomena (ut supra indicavimus) viginti abhinc annis Divione jam ediderat, ut bibliopolam alliceret, qui has eruditas de Homonymis exercitationes excuderet, sed quem hactenus in Gallia, quod Arabicis characteribus non pauca essent exprimenda vocabula, reperire non licuit. Centum viginti tribus commentatio hæc constat capitibus, nullo ordine dispositis, quod eorum quæ in iis tractantur, ea natura est, ut posteriora minime a prioribus penderent: arbores, herbæ, flores, venena, fruges, aromata, resinzæ, metalla, diversa invicem, eodem tamen nomine venientia, recensentur, errorum inde promanantium fontes deteguntur, & Latina, Græca, ac Arabica harum rerum nomina ex omni antiquitate explicantur, Appendicis loco Dissertationes duæ annectuntur, altera *de Manna* tore cœli pinguiori, qui matutino tempore in Orientis regionibus cœlo defluit & herbis arboribusque insidet, Johanni etiam in deserto victum præbuit, τὸ ἄγριον μέλι a Matthæo III, 4. appellatus, diversus a miraculoso illo in grumulos concreto, ac panis instar juxta Israelitarum habitacula delapso, & ab illis Mannæ nomine appellato, vulgarem rei sibi compertæ appellationem alteri minus usitatæ ob similitudinem accommodantibus; altera *de Saccharo* hodierno a priscorum diverso. Utilitatem in medica arte insignem, & jucunditatem in re literaria maximam, promptuarium hoc omnigenæ eruditionis inexhaustum (ceu Eruditus Salmasii hoc opus visum fuit salutare) quin præbeat, & multam caliginem, Plinii aliorumque Scriptorum erroribus detectis, tollat, nemo potest inficiari, qui maturo judicio expenderit quæ & in Plinianis exercitationibus (ubi rem herbariam præ cæteris illustrare, & a veterum ac neotericorum erroribus liberare studuit, haud vane jactans, sed ex vero pronuncians, nullam fere plantam alicujus in re medica esse usus, ulliusve inter doctos controversæ, cui discutienda operam non impenderit) & his de Homonymis hyles iatricæ commentationibus, earumque doctissimis prolegomenis, ut & eleganti dissertatione, quam *Judicium de Plinio* insigniverat, profert Vir infinitæ lectionis merito dictus Grotio de *Ver. relig.* Ex his enim scriptis liquido apparet, veram Criticæ, quæ so-

lo iudicio exercetur, invicemque id exercet, ad iuta scientiarum omnium comprehensione, ejusque rectam rationem ipsum possedisse, semperque summum ingenii acumen, lectionem infatigatam, linguarumque ac totius antiquitatis cognitionem exactam ipsi præsto fuisse. Cujus proinde reliqua opera, sive operum fragmenta, & cum primis integros *de Militia Romana* libros, Gallica lingua ab auctore conscriptos, ut & *de Re vestiaria* commentarios, quos brevi lucem publicam conspecturos esse Cl. Laëtinus spem facit, ut impetremus, egregii literarii causa quivisei addictus omnibus votis exoptat.

VITA DI S. GIROLAMO.

i. c.

Vita S. Hieronymi, recens conscripta a *Johanne Cinellio*,
Academico Gelato & Diffonante.

Florentiæ, ex officina Archi-Ducali, 1688, 4.

Dignus sane, si quis alius, fuit *HIERONYMUS Stridonensis presbyter*, cujus vita a doctis viris ex ipsius ac cœvorum Patrum scriptis cum cura erueretur ac bona fide recenseretur. Officio itaque hoc lubenter defuncti sunt *Gennadius*, (aut quisquis vitæ Hieronymianæ auctor est, a Mabillonio tomo IV *Analectorum* insertæ,) *Desiderius Erasmus* Roterodamus, Fr. Hieronymus *Guadalupus*, Christianus *Maffæus*, Marianus *Victorius* Reatinus, & (ut indoctiores, in primis *Anonymum* illum, ab Erasmo quarto tomo Operum Hieronymi repositum, taceamus,) omnium novissime *Joannes Cinellius*, qui multis abhinc annis, vel ob editam *Bibliothecam volantem*, volat docta per ora virum.

Nulli autem dubitamus, quin civium cum primis suorum Latine linguæ ignarorum usibus opus hoc suum destinavit Noster. Nec quibus auctoribus profecerit, ingratus subtrahet, quin ingenue potius materiem, seriem, ornamenta item rhetorica historię suæ, Mariano *Victorio* Episcopo Ameriensi maximam partem accepta refert. Liberjorem igitur *Victorii* metaphrasten dicendum eum, res ipsa loquitur. Neque adeo abs re fuerit, contulisse quandoque edypson cum archetypo, quo hujus beneficio sphalmata illa typographica lectores emendata habeant, quæ inter cætera sub finem volumi-

minis rejecta non comparent. Patebit hoc pacto, c.c. p. 62. l. 24. pro *imprudenza* legendum *impudenza*; p. 64 l. 15 pro *Eusperio* respondendum *Esuperio*, prout Itali Latinum *Exuperii* nomen efferre solent, &c.

- Nonnulla tamen subinde interspersit Cinellus, quæ in Episcopo Ameriensiaut plane non, aut aliter leguntur. Hac ratione memorat, Hieronymum d. 30 Martii A. O. R. 321. natum. *Concordiam*, per quam in Gallias iter fecit Hieronymus, non, (quod Victorio visum fuerat,) illam Mirandulæ vicinam, sed aliam in Forojuliensi tractu, inter Liguentiam & Tilaventum flumina sitam statuit.
- p. 1. p. 9. *Barletta* de Hieronymo dentes sibi duos excutiente, ut ad Ebrorum literas recte pronuntiandas eo expeditior esset, & *Petri de Natalibus* de dignitate Hieronymi Cardinalitia traditiones, inter fabulas merito refert. Utramq; relatu indignam habuerat Victorius, æque ac pervulgatissima illa de leone Hieronymi monachorumque Bethlehemiticorum communi famulo commenta, quæ tamen omittere falsisque accensere veritus est Cinellius. In morte Hieronymi describenda parcior fuit Victorius. Hujus ergo lacunas supplevit Cinellius ex *Eusebii* epistola *de morte Hieronymi ad Damasum* *Portuensem Episcopum* & *Theodosium Romanorum Senatorem*, a se fideliter ad eo ac eleganter in vernaculam tralata, ut & fide & elegantia ipsummet Eusebium facile superet. Fortasse tamen labore hoc superfedisset, nisi genuinam arbitratus fuisset epistolam, longeque majoris eam fecisset, quam *Erasinus*, qui in *censura* præfixa admonet Lectorem, *nihil hic esse, in quo bonarum horarum ullam partem collocet; nec egere Hieronymum hujusmodi fucis, nec dignari, a tam insulso pingit.*
- p. 162. 163. *ificæ*. Sub operis finem, ex *Cyrilli* Alexandrini ad Augustinum epistolæ, non una habentur miracula, quæ ab Hieronymo edita perhibentur. Sed Pseudo-Cyrillum hunc *rabulam nulli rei, nisi perdendi chartis natum* ab Erasmo censore injuria dici, Cinellio probandum incubuisset, si præter *elegantis ac Latine vernaculæque lingue callentissimi Scriptoris* laudem, (ei haud temere negandam,) morosi etiam Critici titulum affectasset.

Sicut vero magnam haud dubie a gentilibus suis gratiam, vita hac conscripta retulit, ita majorem eum sperare jubemus ab universis literarum Reipublicæ civibus, si, quarum spem aliquo abhinc tem-

tempore fecere clarissimi *Diarii Parmensis* Authores,) in lucem emittat *Descriptionem memorabilium Parmensium, Historiam Scriptorum Venetorum*, & si quæ alia ad prælum parata habet. Nos hanc ejus Vitam, ab illustri *Magliabecchio* pro summo in nos adfectu transmissam, in Eruditorum Acta referre, adeoque editionem illius ac argumentum Ecclesiasticæ historiæ cupidis indicare, nostrarum partium esse censuimus.

DELL' ANTICO GINNASIO NAPOLETANO,
opera posthuma di Pietro Lasena.

i. e.

De veteri Gymnasio Neapolitano opus posthumum Petri Lasenæ.

Neapoli, impensis Caroli Purpuræ, 1688, 4.

ANnus supra quadragesimum nonus vertitur, ex quo posthumus hic *Lasena* factus, quem itidem celeberrimi *Magliabecchii* benevolentia debemus, obstericante *Francisco Maria* Cardinali *Brancazio*, in lucem primum Romæ prodiit, Neapoli nunc recursus. Parum ergo aberat, quin recensu illius supersederemus. Mox tamen præstantissimum Scriptorem & nobis memorandum duximus, cum paucissima aut nulla prioris editionis exempla in oras has nostras allata, novam etiam authoris vitam posteriori huic accessisse, animadvertissemus.

Latine, sed brevissime, *Lasenæ* vitam recensuerat *Buccardus*, nec nobis tamen, nec editionis hujus curatori vitam. *Josephus* itaque *Valesta*, Jctus Neapolitanus, peritia, qua pollet, Græcæ Latinaque antiquitatis, itemque singulari studio numerosissimam colligendi Bibliothecam, eruditis perquam notus, amicorum suorum quidam (*D.G.A.*) author fuit, ut Italico scripto eam enarraret.

Novimus hinc, *Lasenam* nostrum, (aut, si mavis *Laseniam*, uti in suis *MSCis* nomen suum exaravit ipsemet,) natum Neapoli d. 16 Octobris 1590, maximam vitæ partem Romæ transegisse, ibidemque tandem obiisse, ac ad D. Andreæ de Valle sepultum esse, ubi hocce ejus epitaphium legere sit: *Petrus Lasena Neapolitanus, Divini humanique Juris & liberalium disciplinarum peritissimus, bona fide*

PA-

Patronus, antiqui urbanique moris, vir Bonis omnibus, Doctis maxime charus; Obiit III. Nonas Septembris, An. C. N. MDC XXXVI. Aetatis suae XLVI. Johannes Jacobus Buccardus Nobilis Parisiensis, studiorum virtutisque Consorti, Amico M. P.

Ne autem solo Buccardo Lasenam familiariter usum putes, Biographus noster refert, numerasse hunc in amicis Cardinalem Brancacium, Leonem Allatium, Fabium Columnnam, Antonium Caracciolum, Lucam Holstenium, Gasparum de Symeonibus aliosque eruditorum illius ævi primicerios. Publici, dum viveret, juris fecit vernacule *Virgatorum*, (De' Vergati), h. e. (quantum ex D. G. A. colligere licet,) miscellanearum observationum in Poetas Italos *librum primum*, Latine vero *Homeri Nepenthes, seu de abolendo luctu librum*, itemque *Cleombrotum, sive de iis, qui in aquis pereunt, philologicam dissertationem*. Inter affecta ejus opuscula fuerunt *Architæ Tarentini fragmenta cum notis*, dissertationes de *Phratris Græcorum*, de *Hebone*, de *lingua Hellenistica*, de *Rhinhone & Rhinthonicis fabulis*, de *Salapustis*, & quæ sunt alia doctissimi viri meletemata, e quibus solum *Gymnasium Neapolitanum*, provida Brancacii cura, posteritati servatum ac publicæ luci datum novimus.

Cap. I.

His de authore præmissis, de ipso opere nonnulla in medium afferamus. Atque heic ante omnia exscribendam arbitramur inscriptionem, quam cum aliis id genus Scholæ Neapolitanorum publicæ (Gymnasium vulgo vocant,) imponi curavit *Petrus de Castro, Comes de Lemos, Prorox Neapolitanus*:

GYMNASIVM CVM VRBE NATVM, VLYSSE AVDITORE INCLYTVM, A TITO VESP. RESTITVTVM, A FRIDERICO II LEGIBVS MVNITVM ET HONORARIIS AVCTVM, A CAROLO II ANDEGAV. INTRA MOENIA POSITVM, FERDINANDI CATHOLICI TVMVLTVBVS PENE OBRVTVM, EX HVMLI ANGVSTOQUE LOCO IN AMPLISS. AVGVSTISSIMVMQUE IVXTA VRBEM, VETERI SAPIENTVM INSTITVTIO, REGIO SVMPTV TRANSTVLIT. ANNO cdo Idc xvi.

Hoc ipsum nempe marmor ansam dedit Lasenæ in monumenta inquirendi, unde ei veritas sua constare posset. Ulysses enim ludimagistrorum Neapolitanorum *auditorem* fuisse, fabulæ videbatur simil-

simillimum. Non pœnitendum igitur emolumentum in rem literariam redundaturum credidit, si *originem, situm, usum, continuati-onem veteris Gymnasii Neapolitani* peculiari libro explicaret. In antecessum vero monere lectorem supervacaneum est, *Gymnasii* voce locum indigitari, in quo certamina gymnica edebantur. Id potius nosse expedit, Lasenam, ut suæ de Neapolitano Gymnasio observationes eo faciliores intellectu essent, in compendio simul exhibuisse, quicquid de *Gymnasio* Græcorum veterum *Hieronymus Mercurialis, Petrus Faber*, aliique tradidere; simulque errores populares Neapolitanorum de antiquitatibus patriæ suæ a *Capacio, Jordano, Fr. de Petru*, aliis defensos, explosisse ac confutasse.

Cap. II.

Certa autem atque explorata prius expedit, antequam ad dubia ac fabulosa deveniat. Orditur itaque historiam Gymnasii sui ab *Augusti ævo*, quo *Strabo* floruit. Hic enim *libro V. Geograph.* Gymnicos ludos ex Græcorum instituto Neapoli ad Parthenopes sepulchrûm sua adhuc ætate frequentatos esse perhibet. Gymnasia equidem non erant *Italica consuetudinis*, dicente *Vitruvio*; at cum Neapolis a Chalcidensibus fuerit cõdita, Chalcidenses vero Atheniensem colonia sint, mirum non est, certamina gymnica ex more Græcorum Neapoli in usu fuisse. Observat præter illa & *musicum agonem & Hephestia* (sive ludos lampadodromicos) in gymnasio Neapolitano agitata; ac gymnica illa duum generum fuisse asserit, alia nempe antiquiora eaque annua, memoriæ *Parthenopes* sacra, alia recentiora, quinquennalia, honori *Cæsaris Augusti* instituta. Adducit hac occasione marmor, in quo vocem ΑΑΤΚΕΑΑΡΧΕΑΝΤΑ inexplicabilem censet, quam tamen felicissime in ΝΑΥΚΕΑΑΡΧΗΕΑΝΤΑ (h. e. *Navigiorum præfectum*) mutavit ac erudito commentario exposuit *Reinesius* nostras, quem videtis *Inscript.* fol. 204.

Cap. III.

Narrat dein, quantam *Tiberius, C. Caligula, Claudius, Nero*, ludis his Augustalibus continuandis curam adhibuerint; quorum ultimus gymnico musicoque agoni tertium, *equestrem*, junxisse videtur. Ansa hinc arrepta, Ordinis Equestris Neapolitani origo excutitur. Hujus antiquitatem male a *Capacio* probatam, probandamque potius fuisse statuit ex *T. Livii Lxxiii. c. i.* ubi *Turme equitum* Neapolitanorum, *nobilium juvenum*, qui in ea militabant, ac *equitum præfecti Hegea* mentio fit. Paucos tamen fuisse putat equites in

Gg

popu-

popularibus Rebus publicis, qualis olim erat Neapolis, pedestribus modo copiis classeeque potens. *Equestrum* autem *Ordinem*, qui hodie Neapoli eminet, ultima demum Neapoleos ætate natum, cum *Scaligero* affirmat.

Cap. IV. Porro, ubi & tristitia & læta Gymnasii fata, quæ *Tito Vespasiano*

Cap. V. imperante subiit, commemorasset, prolixè refert, quantum *Domiano* illud debuerit. Atque heic egregiam lucem fœneratur difficillimo *Statii* loco de *theatro nudo* testoque. Sic enim ille, uxori persuasurus, ut Neapolin rediret, memorem eam esse jubet deliciarum Neapolitanarum, *lib. 1. Sylv. V.*

*Quid nunc magnificas species cultusque locorum,
Templaque & innumeris spatia interstincta columnis,
Et geminam molem nudi testique theatri,
Et Capitolinis quinquennia proxima lustris?*

Probe heic attendi postulat *Lafena* rationem loquendi *Papinio* usitatam, qua rem aliquam vocabulo aliquo Latino efferre solet, quod suapte equidem emphasi rem illam nunquam expresserit, respondet tamen suo modo voci Græcæ, quæ rei illi connotandæ apta est. Hunc in modum e. c. accipiendum est illud Poetæ in *Hercule Surrentino* v. 92,

— — — — — *juvenemque replesti*
Parthenopen — — —

Nam *Parthenope* h. l. nec *Sirenes* illius Neapoli sepultæ, nec alterius mulieris, sed urbis, *Neapolis* alias dici solitæ, nomen est. Huc *juvenis* epitheton ἀπρὸς διονύσιον plane tribueretur, nisi υἱὸς & *juvenem* & *novum* notaret, ac hanc ob rem *juvenis* & *novi* voces pro ἰσοδυναμῶσι accipere, adeoque Νεὰν Πόλιν (contrafte *Neapolin*,) *juvenem Parthenopen* per Græcismum utcunque reddere posses. Pari ratione, cum voci *nudum* τὸ γυμνόν, voci vero *testum* σκηνή apud Græcos respondeat, *theatrum* denique generatim notare queat locum spectaculo alicui destinatum, licere sibi putavit *Papinius Statius*, palæstram, in qua *nudi* athletæ visebantur, *theatrum nudum* h. e. θέατρον γυμνικόν vel γυμνάσιον, itemque scenam, quæ rure olim frondibus, deinceps vero in urbibus tabulatis regebatur,) *theatrum testum*, h. e. θέατρον σκηνικόν vocitare. Hinc inquit:

Et

Et geminam molem — — —

ne nudum cœlumque theatrum pro duabus uniustheatri vel amphitheatri partibus acciperes.

Dum autem in sequentibus Lasena docet, quantopere Trajanus, Hadrianus, Antoninus Pius, Faustina M. Anton. Philosophi conjux, L. denique Verus favore ac munificentia sua gymnasticos studium promoverint, emendat Suetonii de C. Caligula dictum: *Edidit & peregre spectacula in Sicilia Syracusis halticos ludos*, ac legi jubet *selesticos ludos*, h. e. per aphæresin *iselausticos*, *ἰσὲς λαυστικῶς*, de qua voce conferantur Casaubonus ad Athenæum l. 15. c. 17, & P. Faber l. 1. Agonist. c. 10. & 17. quemadmodum *σπαρίαν* pro Hispania, & *strionem* pro histrione apud Authores legi, notavit Salmasius ad Spartianum p. 16. col. 1.

C. VI.

Circum Neapoli nullum extitisse, fuse probat, ac in contrarium objecta diluit. Exponit dehinc, quæ spectaculorum publicorum facies fuisse videatur, Commodus, Sept. Severo, Alex. Severo, Maximino Thrace, Tacitoque imperantibus. Nec denique Diocletianum ab hujusmodi ludis averso fuisse animo, probat ex lege, qua athletis ab officiis publicis otium, immunitatem ac vacationem indulgit, si tres adepti fuissent coronas, & ex his quidem unam minimum Romæ, aut in antiqua Græcia. Hic amplissimus Petro Lasenæ Petroque Fabro concertandi campus aperitur; ac a Nostro quidem enixe contenditur, antiquam Græciam in edicto Diocletiani non Achajam esse, verum ipsammet Italiam. Asseritur ab eodem, Gymnasium Neapolitanum Herculi potius, quam numinibus aliis dicatum, nec in Palæpali, sed Neapoli situm fuisse.

C. VII.

C. VIII.

C. IX.

C. X.

Ultimo denique capite primæ origines Neapoleos excutitur, quo pateat, quo jure illa de Ulysse hospite gloriatur. Ex Strabone Geographo nemo non compertum habet, Parthenopen in Opicis (h. e. Campania) a Rhodiis conditam esse. Hoc ante Trojam expugnatam contigisse, contra civium suorum quosdam negat Noster, eo quod idem Strabo dicat: *Narrantur & hæc de Rhodiis, res eorum mari secundas fuisse, non ab eo demum tempore, quo urbem, quæ extat hodie, condiderunt: sed etiam ante Olympiorum institutionem, per multos annos eos procul a patria classem eduxisse, hominum servandorum causa.* Jam vero Eusebius Cæsareensis, Rhodios annis demum

C. XI.

G g 2

du-

ducentis sexaginta & quod excurrit, post Ilium excisum summo maris imperio potitos esse, illudque xxiii annis tenuisse, memoria prodidit. Parthenopem igitur ante Trojæ excidium *civitatem* & quidem *civitatem magnam* dicere, ἄτοπον fuerit. Quamvis vero ludi Olympici ab Hercule ante Trojæ conflagrationem instituti sint, nihilominus Strabo maritimum Rhodiorum imperium ante Trojanum bellum cœpisse haudquaquam dicit, non intelligendus nempe de institutione prima ludorum Olympicorum, sed de arā Olympiadum, quæ anno demum quadringentesimo sexto ab expugnata Troja initium habuit. Ac hætenus quidem Lasena antiquitatem civibus suis tantopere affectatam negare videtur. Mox tamen alia via incedit, ac, licet Ulysses Neapolim Parthenopemve non viderit, Phaleron tamen abs eo visam, probabile esse arbitrat. Nimirum *Lycophroni*, vetustissimo æque ac obscurissimo vati, *Φαλῆρα τῦρσις*, (*Phaleri turris*,) memoratur, intelligiturque, (juxta *Sebastianum Græcum* & *Meursium*,) locus ille; qui postea *Parthenope*, ac Octaviani Augusti tempore *Neapolis* appellari cœpit. Ita sane *Ἰθρυγά* *Stephanus*: ΦΑΛΗΡΟΝ ἔστι καὶ πόλις ἐν Ὀπικίδι, εἰς τὴν ἔξοχον Περσεύδῃ καὶ Σειρῇ, ἣ καλεῖται Νεάπολις. i.e. *PHALERON*. Est hujus quoque nominis civitas in Opicis, in quam ejecta est *Parthenope Siren*, quæque appellatur *Neapolis*. Nomen hoc habuit a conditore Phalero, Alconis filio, inter Argonautas non postremo, ac hoc nomine laudatus Argonauticorum scriptoribus *Apollonio* ac *Valerio Flacco*. Notatu vero dignum est, quod, *Apollonio* teste, *Eumeli* cognomen gesserit Argonauta Phalerus. Hinc enim in propatulo esse videtur ratio, *Scaligero* ac *Barrbio* ignorata, cur apud Statium *Eumeli* salutetur Neapolis. Sic enim *Ælecanit* in Sylva Julio Menecrati inscripta:

*Tu duætor populi longe migrantis Apollo,
Cujus adhuc volucrum levi cervice sedentem
Respiciens blande, felix Eumeliæ adorat.*

Cæterum Lasena cum Strabone pro certo habet, navigationem tum Argonautarum, tum Ulyssæam (octoginta novem annis Argonautica expeditione posteriorem,) non unis quidem fabulis a Poetis involutam esse, non habere tamen nihil ex vero admixtum. Phalerum ergo urbem, viginti circiter annis ante Trojæ excidiū conditam,

(deia-

(deinceps vero tempore auctam a Rhodiis ac postremo a Chalcidensibus,) videre potuit Ulysses. Illic autem jamdum Gymnasium extitisse, vero videtur esse non absumile; eo quod ex *Pausania* Phocicis pag. 120 colligere liceat, Veteres locum aliquem *urbis* nomine non dignatos esse, si cives non prætorium, non *gymnasium*, non theatrum, non forum ibi haberent. Præterea nec negaveris temere, antiquissimis temporibus hospitum sive advenarum honori id fuisse datum, ut in palæstram invitarentur; atque id ipsum Ulyssi hic illic contigisse, Homeri autoritate firmatur. Quamvis itaque apodictice aut expressis idonei Authoris classici verbis adstrui nequeat, Ulysses Gymnasium Neapolitanum vidisse, non impossibile tamen, imo nec improbabile Lasenæ videtur, quod heros iste Homericus Gymnasio illi copiam sui fecerit, non quidem ut *AVDITOR*, sed ut gymniciis ludis operam daturus, quicquid dicat author *Inscriptionis Castrianae*. Gymnasia quippe solis corporis exercitamentis antiquitus patebant, & (ut est apud Ciceronem) *seculis multis ante inventa sunt, quam in his Philosophi garrere cæperunt*. Accedit, quod nondum Ulyssis ætate XVI illæ literæ ex Phœnicia in Græciam tralatæ essent, quas vertente dein tempore Cadmus Græcos docuit; id quod latius deducere voluisse Author videtur, si per fata lieuisset. Concludit interim, tanto minus credibile esse, quod Scholas publicas jamdum aperuerint Neapolitani, cum necdum scribere legereve addidicissent.

JOH. CHRISTOPHORI STURMII, PROF. AL-
torfini *Mathesis enucleata*.

Norimbergæ apud Wolf. Maurit. Endterum, Anno 1689,
in 8.

Quod Clarissimi *Autoris*, in Actis hisce non semel debito cum elogio memorati institutum, pulcherrimique & μαθηματικῶν hujus scripti scopus sit, *Idem* in præfamine ad Lectorem luculenter explicat. Nimirum cum in confesso apud omnes hodie sit, nihil unquam incrementis scientiarum obfuisse magis, supersticiosa illa antiquitatis veneratione, quæ ab ætatis prisce ingentis ut *inventas*, sic ad fastigium perductas absolutasque eas sibi aliisque

Gg 3

per-

persuasit: negandum est minime, cum iniquitate hacliteris fatali vel maxime conflictatam esse divinam mathesin, *Euclidis*, *Archimedis*, *Apollonii* aliorumque placitis eo perfectionis devenisse creditam, ut posteris temporibus parum aut nihil relictum sit eidem vel exornandæ vel perficiendæ. Factum inde est, ut cum veterum monumentis nihil accedere posse, vel ad demonstrationum vim & robur, vel ad evidentiam & facilitatem, vel ad ordinem denique nexumque vulgo certum haberetur, tam diu laborandum fuerit sub illis defectibus, quos prisca matheseos antistites sub primordia ejus tollere vel nondum potuere, vel gloriæ suæ nimium studiosi noluerunt.

Quamquam enim plane admiranda sint quamplurima, quæ a primitivis matheseos doctoribus accepimus, & veritatis indubia fide, demonstrationumq; ἀκρίβεια & soliditate ingenium & acumen autorum suorum plus satis testatum faciant: invenit tamen (postquam illo autoritatis præjudicio se evoluit) seculi nunc decurrentis sagacitas non pauca, quæ circa demonstrationum lumen, ordinem, breviter & rectitudinem in priscorum monumentis desideraret, quibusque justam medelam adhibendam censeret: quæ ut *Autor Artis cogitandi* Gallico idiomate non ita pridem editæ, *part. 4 cap. 9* erudite non minus quam eleganter exposuit; ita circa Geometriam (quæ *Barrovii in lect. mathematicis* judicio universam mathesin complectitur) laudabili industria emendare conati sunt *Tacquetus*, *Honoratus Fabri*, *Morgues*, *Barrovius*, *Pardies*, *Lamy*, aliique. Maxime tamen omnium de mathematicis studiis meruisse iudicandi sunt merito, tum qui pressam dissimulatamq; Antiquis analysin, (sub *Algebra* aut *analyseos speciosa* nomine hodie celebratam) mathesi propriam & domesticam, immenso Φιλομαθῶν commodum, in aprium produxere, productamque altius evexere, *Vieta*, *Harriotus*, *Oughtredus*, *Cartesius*, horumque vestigia legentes alii; tum peculiaribus methodis indivisibilium, infinitorum, maximorum & minimorum, pomæria matheseos protulerunt: de quibus post *Schediasma celeberrimi Leibnitii*, in *Actis A. 1686* p. 292 publicati, *Autor* noster consuli potest.

Horum ergo præeuntium conatibus non invitatus solum, sed adductus *Autor* noster, eorum consiliis sua jungere, inventis addere, expolita in usum transferre, nondum satis exulta porro perpõ-

re,

re, eaque omnia publici facere juris instituit: atque hæc in gratiam tyronum præcipue, ut dum sublimia ingenia aciem plerumque ad summa matheseos fastigia intendunt, & hi hodegetam habeant, qui ad radices se demittens, primos iisdem gradus plana faciliq; via pandat, ultiores digito commonstret.

Hac ratione *Libro Imo* palmaria veræ matheseos theoremata & inventa, quæ *Euclides in elementis*, *Archimedes de sphaera & cylindro, circuliq; dimensione*, longa propositionum secundariarum & concatenatarum consequentiarum serie plerumq; indirecte tantum demonstrarunt; *Libro vero IIdo*, sectionum conicarum, conoidis ac sphaeroidis, linearum etiam cycloidis, conchoidis & spiraliū proprietates præcipuas, apud *Apollonium & Archimedes* per tardio- las ambages confirmatas, hic in nucleum compactas, nunc Logistica speciosa, nunc indivisibilium infinitorumque methodo (in ipso operis progressu, prout hæc illave rei demonstrandæ accommodatorem se præbet, gradatim ex fontibus suis, ut occasio tulit, derivatis) per otiosum velut oculorum obtutum & applicationem ludibundam, profundis iudicii delassandi meditationibus minime obnoxiam, sic demonstrat, ut vim & rationem singularum harum methodorum ipso usu tyronibus commonstret. Hoc ipso veroplurimas Triumvirorum nominatorum propositiones, ex definitionibus & magnitudinum generationibus tanquam consecutaria infert; primaria eorum theoremata, citra antecedentium propositionum & extraneorum principiorum seriem, ex paucis, directis & intrinsicis principiis deducit; & hinc id consequitur, ut ordine magis naturali res proponat, ab universalibus ad specialia descendat, ex illis corollariorum loco Arithmeticæ puræ, decadicæ, tum etiam tetradicæ, a Clarissimo Jenensium Professore *Erhardo Weigelio* adinventæ, & Surdorum præcepta a prima sua origine exponat, iisque deinceps in specialioribus utatur. His porro praxes inædificat, in omni scientiarum genere, plurimisque vitæ humanæ occasionibus utilissimas, Trigonometria sc. planæ & sphaericæ; Canonisq; sinuum &c. fabricam & usum; Logisticam Logarithmicam, hoc est Logarithmorum constructionem & computum. Quibus denique tanquam præcipuum operis complementum subjungit *Introductionem ad Analysin speciosam, sive Geometriam Novam, ad Cartesii methodum accommodatam*, sed ex recentiorum inventis plurimum faci-

facilitatam, & quoad artis præcepta paucissimis pagellis comprehensam; exemplis vero per genera æquationum, ad quatuor dimensiones usque omnia, plus quadraginta illustratam. Quorum intuitu summo jure *Matheseos enucleata* a titulum Libro fecisse *Autor* clarissimus merito censeretur.

*L' IRREVOCABILITE' DE L' EDIT
de Nantes, &c. i. e.*

Edicti Nannetensis irrevocabilitas, ex principiis juris & politicis demonstrata, per C.A. Legum Doctorem, & Gallicæ nationis Judicem — — —

Amstelodami, apud Henricum des Bordes, 1688, 12.

Causa victa nondum desinit suos Catones habere, quibus placeat. Ex his, qui nomen suum literis tantum C. A. indicat, verum titulo libelli hujus præscripsit, spei judicii sui indicem:

Recta valent, obliqua cadunt, stat gloria veris:

Turpes eventus quæ simulantur habent.

Edicti *Nanneti* in Gallia Aremorica conditi, quo Henricus IV Galliarum Rex exercitio religionis reformatæ in Gallia perpetuam securitatem præstare voluisse visus est, contenta nemo, vel modice in historia temporum versatus, ignorare potest. Hoc nuper jure revocatum esse contendunt, qui *Reformatorum* in Gallia oppressionem procurarunt; negant vero id, & magnæ injustitiæ revocationem illam accusant, qui oppressi aut ejecti sunt. Horum sententiam tuetur *Autor*, & tria probanda sibi sumit: (1) quod omnes rationes, quæ pro revocatione Edicti in constitutione nupera allegantur, falsæ sint. (2) quod nullæ allegari possint, quibus defendi vel excusari valeat revocatio Edicti, aut quæ etiam nunc adversus Reformatos in Gallia statuuntur. (3) quod revocatio ista, & quæ adversus Reformatos adhuc fiunt, producere possint, & revera producuntur sint effectus plane contrarios iis, quorum Clerus spem Regi fecit. Inter falsas causas sive prætextus refertur *primo*, quod in exordio nuperi edicti revocatorii dicatur, Henricum IV tantum tranquillitatis in regno servandæ causa edictum suum condidisse, eaque

Part. I.
c. 1.

mente,

mente; ut interea ad Ecclesiam reducere posset, qui ab ea secesserant. His præsupponi putat Autor, Henricum serio persuasum fuisse de veritate Romanæ religionis, reformatam vero, & eam profitescentes odisse, & hos destruere voluisse. Hæc omnia refutantur, allegatis autoribus Romano-Catholicis, qui vitam ejus descripserunt, & ostenditur, quod Rex iste religionem reformatam satis intellexerit, & vehementer amaverit, nec nisi ex necessitate, quam sibi impositam esse persuadebatur, ab ejus publica professione recesserit; tum quod post Romanæ religionis assumptionem, nunquam hujus errores, minime vero *transsubstantiationis* dogma probaverit: & ita de eo omnes judicasse narrat, neque aliam mortis ejus causam fuisse. Simulationem itaque omnem in condendo edicto *Nannetensi* longe ab eo removeret Autor, ejusque sinceritatem in omnibus vitæ suæ actionibus demonstrat. Refellitur *deinde* prætextus ex verbis edicti, ubi in præfatione Rex dicit, nondum (pour encore) sive pro nunc non permissum esse a Deo, ut omnes subditi sui unam formam religionis tenerent; unde argumentum summisit ait adversarios, & nominatim Bernardum quendam in *explicatione edicti Nannetensis A. 1666* edita, ac si Rex ad tempus saltem sive *provisionaliter*, ut dici solet, statuere aliquid voluerit. Respondet igitur Autor, Regem diserte profiteri, se perpetuam legem condere, id quod cum provisionali decreto consistere nequeat; & ideo verba illa *pro nunc* ex clarioribus explicanda esse. Concedit quidem, conditionem intelligi posse sub illa formula, ita ut edictum cessaturum sit, si omnes Galli unam aliquando religionem profiteantur; sed nihilominus puram esse dispositionem edicti, quia conditio illa non pendeat a voluntate Regis edicentis, sed a Dei gubernatione, consensum illum aliquando suo jure & modo largituri. Huic præjudicare Clerum, & jus Dei invadere, dum violentis modis unionem illam producere molitus sit. Disquiritur *tertio*, an *Ludovicus XIII* (quod iridem asserunt revocationis assertores) edictum pro non perpetuo, sed revocabili habuerit. Negatur id, tum ob illius etiam Regis in fide servanda candorem, tum ex factis ejus, quibus edictum *Nannetense* semper executus est. Probat hoc etiam ex alio edicto Regis, qui nunc rerum potitur, A. 1656, d. 7 Septembris, ad Cleri suggestionem cum magna calliditate, ut ait Autor, ad inquirendum,

c.2.

c.3.

- an Nannetense edictum a Protestantibus servetur, impetrato. Ejus verba quæ afferuntur, inter alia hæc sunt: *Rex defunctus, Pater noster honoratissimus, semper sollicitè curavit, ut edictum hoc integrum servaretur, & dici potest, illum nihil plane circa illud mutasse.* Ostenditur quarto futilitas allegationis, quod numerus Reformatorum magna ex parte imminutus fuerit, & plerique jam ad Romana sacra transierint. Id enim aut falsum esse, aut non juvare dicitur, quia cæterus Reformatorum, ut corpus mysticum, jus suum retinuerit, etsi ad unum usque membrum redactus fuisset; id quod legibus & rationibus firmatur. Improbis inde *ulimi* prætextus arguitur, quod edictum aboleri debuerit, ut memoria motuum per Reformatos excitatorum, qui edicto causam dederint, interiret. Negat enim Autor, motus & seditiones religioni reformatæ imputari debere, licet per accidens sint secuti. Retorquet quædam hac occasione ex historia parricidii in Reges Gallos, ex instinctu quorundam ex Clero commissi aut tentati, (*Clementis* puta *Dominicani, Barriarii, Castelli, Guignardi, Ravalliacci*;) aut dogmatibus autorum, quos allegat, *Santarelli, Mariana, Bellarmini, Suarezii, Job. Oforii, Gabr. Vasquezii, Gregorii de Valentia, Andrea Eudæmono Johannis, Molina, Gresseri*, imo, ut putat, omnium ex illa schola. Addit quædam de exemptione Cleri a jurisdictione Principum, qua fieri dicit, ut corpus independens in regno constituatur.

- P.II. c.1. *Altera* opusculi parte demonstratum it Autor, quod nulla ratione legitima edictum Nannetense revocari potuerit, sed quod omnino obligatus fuerit Rex ad servanda, quæ prædecessores constituerant, & quod impius sit utilitatis prætextus ad rumpendam promissorum fidem, & ex schola Machiavelli depromptus. Examinatur, & adductis argumentis ex S. Scriptura rejicitur opinio, de fide hæreticis non servanda. Allegatur cum elogio *D. Balb. Meisnerus* p. 3. Phil. Sobr. Sect. I. c. 7. Indicatur tamen, quid Scriptores recentiores objicere soleant de historia Hussi, ut ostendant, fidem in ejus supplicio violatam non fuisse. Laudatur pagana Philosophia, quæ fidem servare præceptis & exemplis doceat. Caroli V etiam factum commendatur, ex historia ejus a *Job. Antonio de Vera* Hispanice scripta, & a *Peronio* quodam Gallice versa, in qua refertur, Imperatorem in comitiis Wormatiensibus, cum Eccius suaderet, Lutherum Hussi exemplo

emplo retinendum & puniendum esse, respondisse, senon defecisse cum in acie standum esset adversus Turcos, Gallos, & Proestantes Germanos, multo minus in fide, quam dederat, deficere velle. Hic tamen obiter notamus, erratum esse, typographi forte culpa, in adducto anno comitiorum 1519; nam A 1521 Lutherus Wormatiæ comparuit: nec allegari a Carolo tunc potuisse bellum cum Protestantibus, quod post annos XXVI secutum est: denique non constare, illius suggestionis autorem fuisse Eccium, cum alii & plures ejus facti insimulentur. Respondet inde Auctor jactatz a Clero conversioni Reformatorum, & quod ob tantum bonum tolerari possit, si quid in edicti abolitione peccatum esset. Parallelismos quosdam proponit inter doctrinam Romanam veterem, & novam seu Pontificiam, & pessime factum esse judicat, quod Reformati a prima illa orthodoxa, ad secundam corruptam, & ut ait, hæreticam per violentiam translati fuerint. Modum etiam conversionis, etsi vera esset, ad quam coguntur, religio, prorsus rejicit, quia conversio vera est opus Dei, per verbum & Spiritum agentis, (quod multis Scripturæ dictis confirmat,) cum quo non conveniant, quæ vi aut persuasionibus acta sunt, omni honestati & charitati contraria. Taxatur etiam oratio, Cleri nomine a *Danicle de Cofnac* Episcopo Valentino ad Regem anno 1685 habita, in qua, nulla divini auxilii mentione facta, totum illud opus oppressæ religionis reformatæ Regis virtuti attribuitur. Objectionem etiam diluit Auctor, quod Rex juramento, quod in coronatione sua præstare solet, ad violanda edicta Reformatis data obligatus fuerit. Adducit pro se locum ex *Motta Vayerii* libro de *instructione Delfini*; pluribus etiam ostendit, non esse faciendum malum, ut eveniat bonum; & pessima imo diabolica, ut loquitur, facta illorum describit, qui se pro instrumentis conversionis venditant, & ex opposito monstrat, quales esse & quomodo se gerere debeant, qui Deo operam in tanto negotio præstare velint. Tandem etiam illum prætextum rejicit, cum nihil referre dicunt, etsi Reformati non serio convertantur, sed hypocritæ fiant, quia nihilominus damnandi sint, si in religione sua perseverent. Nam non solum negat, quam temere præsupponunt, damnationem, sed & concessa illa, minime dicit licere hypocritas scienter in cœtum admittere, multo minus cogere; cum Christi

c. 5.

c. 6.

c. 7.

stus & Apostoli malos notorios ex communione ejecerint. Pessime igitur dici & agi ab adversariis, quod sufficere credant, si coetui publico accedant quos cogunt, quicquid intus sentiant & credant; & maiorem esse culpam cogentium, quod eos, quos damnandos esse judicant, damnationi tanto certius subiciunt, quia eos ad hypocritin violentis modis adigunt.

- Tertia* libelli pars brevissima est, in qua de effectibus & eventu
- P. III, c. 1.** persecutionis Autor judicat vel conjectat. Negat destructam esse aut destrui posse in Gallia religionem reformatam, non magis ac ipsam Ecclesiam; confirmari eam potius persecutionibus. Negat etiam incrementum religionis Romanæ, cujus spem fecerunt Regi persecutionis autores; contrarium potius eventurum esse existimat: neque enim, quos vi coegerunt, unquam credituros esse Clero, dogmata sua proponenti, cum facta crudelia omnem illis fidem & amorem adimant. Deinde paucis monet, Reformatorum exterminationem etiam in Politia noxiam esse, & allegat auctoris anonymi libellum A. 1686 de hoc argumento editum. Provocat ad manifesta incommoda jam secuta, tot civium spoliationem, tot aliorum ejectionem, non solum pauperum sed & opulentorum, neque aliud quam desperationem secururam esse, vi impeditis & retentis qui in exilium profecturi erant. Imminui denique tanti Regis gloriam, fraude inducti, ut tantum civium numerum in miseriam & servitutem redigeret, a quibus pro unico & supremo Domino agnoscebatur; cum jam non nisi iis imperet, qui Pontificis superiorem colant potestatem. Subjungitur epilodus, quo consilium de opprimendis reliquiis Reformatorum Autor detestatur, & afflictis spem liberationis facit.
- c. 2.**
- c. 3.**

L' EGLISE DE FRANCE AFFLIGÉE,
ou l'on voit les entreprises de la Cour &c.

par François Poitevin. i. c.

Francisci Pictonis Tractatus de Afflictione Ecclesiæ Gallicanæ, in quo apparent molimina Aulae adversus libertatem Ecclesiæ, & rigor, quo Episcopi, Presbyteri, Religiosi & Religiosa, aliique pii in hoc regno, qui aulica consilia: & doctrinam Jesuitarum non probant, tractantur.

Colo-

Coloniz, 1688, 8.

Hucusque Reformati in Gallia cœlum & terram querelis de per-
secutionibus suis implerunt: sed dudum socios quosdam ma-
lorum in ipsa patria sua invenerunt, & quidem si vera sunt, quæ de
zele quorundam, qui *Jansenistæ* dicuntur, jactari solent, ex illis
ipsis, quibus summo pere in visi fuerant, in quos atrocium poenarum
exempla reciderunt, quæ lætis forte oculis in Reformatos edi vide-
rant, aut ipsi procuraverant. Multa jam Actis nostris inseruimus de
vehementi inter *Jesuitas* & *Jansenistas* odio, neque horum calamitas
ignota est: sicut nec certamina ignota sunt, quæ de *jure Regalium*
in Episcopatibus, inter Regium fiscum & Episcopos quosdam, & cir-
ca jus nominandi antistites quorundam monasteriorum exarserunt.
Et primum quidem controversiarum caput ad dogmata pertinet;
disputatur enim de gratia & prædestinatione: accessit lis de pœni-
tentia, quam sacerdotes injungunt, cujus relaxatio *Jesuitis*, ab iis
quos *Jansenistas* vocant, imputatur. Reliqua ad jus libertatis & ex-
emptionis Ecclesiasticæ spectant, cujus tuendæ potestatem sibi Ponti-
fex Romanus vindicat, renitente aula Regia, magnæque vi omnes
persequente, qui præsidium causæ suæ Romæ quærunt. Maximas
itaque lamentationes de his omnibus per modum epistolæ ad Archi-
episcopos & Episcopos Galliz defert Autor, præpeditus tamen ne-
scio quo casu (ut in præloquio indicatur) quo minus laborem suum
reviderit & continuaverit: plurima ergo imperfecte narrantur, &
supplementum poscunt. In exordio graviter officii sui admonet
Ecclesiæ Gallicanæ Prælatos, ut autoritate & gratia, qua Regem ad
heresin, quam vocant, Reformatorum extirpandam movere potu-
erunt; etiam ad eundem a furiosa, ut loquitur, persecutione Catho-
licorum retrahendum urantur, qui hierarchiam Christianam & di-
sciplinam morum, veramque de gratia Christi doctrinam defendant.
Adhortatur eos, ut spreto periculo, omnes & singuli Regem adeant i-
sic sperandum esse, fore ut tantis malis remedia obtineant; sin mi-
nus, sufficere ait, si conscientiz suæ & officio satisfecerint. Taxat
inde congregationes à Clero habitas, tum quod exclusi fuerint, qui
zelum Ecclesiæ aulico favori prælaturi esse videbantur; tum ob
Præsidis, Archiepiscopi Parisiensis (quem toto hoc libello acriter
infectatur) affectus & spiritum schismaticum, autoritati Pontifi-

Hh 3

ciæ

ciz infensum, & conciliorum prærogativam intempestive asserentem. Nec mitius tractat *P. de la Chaise*, qui Regi a confessionibus est. His fere omnia imputat, quæcunque in synodis illis perperam & sæviter adversus doctores, Pontificiæ autoritatis defensores, decreta & executioni mandata sunt. Exaggerat imprimis, quæ statuta sunt adversus virgines *Charonnenfes*, quæ in exilium ejectæ & omnibus rebus spoliatæ fuerunt: dein capitale supplicium, quod adversus Vicarium generalem Episcopatus *Apamiensis*. (Pamiens) *Certum* decretum, & in effigiem ejus Tolosæ patratum est, non alia ex causa, quam quod injustis Aulæ jussis restiterit, & Pontificiis paruerit decretis. *Alcenfis* inde Episcopi fatum describit, cujus vitæ cum ob gravem senectam pepercissent adversarii, eripuerint tamen illi quos maxime amabat, & in exilium egerint præcipuos muneris illius administratos. Excusat quidem Autor Regem catenus, quod deceptus sit falsis suggestionibus; censet tamen evitari pideo non posse judicium divinum, *nec unquam impiorum consiliis subjici Principem, qui sit secundum cor Dei*. Sequitur longa relatio de iis, quæ magna, ut ait, cum injustitia & violentia in Episcopatu *Apamiensi* ab anno 1677 acta sunt, allegatis epistolis aliisque documentis. Summa est, Episcopum criminis læsæ Majestatis reum factum esse, cum tamen causam suam Concilii CCC Episcoporum, quod Lugduni olim habitum est, autoritate tueretur, & Pontificiis literis magno cum affectu ad Regem scriptis juvaretur. Refert verba epistolæ Pontificiæ d. 21 Septembris 1678 datæ, in qua Regis assertum de *Regali jure* vocat *errorem manifestum, tum conscientia Regis, tum Gallia regno, tum Ecclesia universa perniciosum*. Episcopum vero in literis ad eum scriptis Pontifex egregiis ornavit encomiis, & murum hostibus Israelis oppositum nominavit. Laudatur liber ejus de *Regali jure*, & alia scripta & gesta ejus recensentur. Decessisse dicitur d. 7 Aug. 1680 tam inops, ut adfuneris tenuissimi licet sumtum mutuanda esset pecunia. Famæ etiam post mortem per immanes calumnias insultatum esse, imputatis illi hæresis, hypocrisis, luxuriæ & seditionis criminibus. Inter alia aulæ decreta etiam hoc fuit, ut Canonici *Apamienses*, qui regulari disciplina sub Episcopo vivebant, seculares, ut vocant, posthac essent, & pulsus, qui Episcopo obediebant, nominati a Rege succederent. Qui adversus *Regali-*

per illos, quos vocant', protestatus erat, *Carlatius* Prior Capituli
 Claustralis, 75 annorum senex, in carcerem male sanum conjectus
 est, in quo post paucos menses decessit, negato etiam, quem exquisi-
 sitis precibus desiderabat, Sacramenti usu. *Rechini* Vicarius Gene-
 ralis, tam misere in custodia habitus fuit, ut pro beneficio maximo
 scriptis ad Præfectum Regium literis peteret, ut sibi aliquando per
 oppidum panem mendicare liceret. Alius qui jussis regis Episcopi
 ordinationes, Pontificiis præceptis firmatas, prætulerat, quatuor
 horis in foro publice expositus, non tamen derisus sed deploratus a
 plebe, inde vero in carcerem absconditus & hominum notitiæ sub-
 tractus fuit. *Dominicanorum* Prior, qui eadem constantia Pontifi-
 ciis decretis parebat, in exilium ejectus, sociisque ademta est lectio
 Theologica, & Jesuitis attributa; pulsa etiam Carmelitarum virgi-
 num Antistita; aliis confessores ademti sunt. Soror Episcopi Mar-
 chionissa *Mirepincensis* exilium passa est, disjectis pulsisque, quas suo
 sumtu constituerat, sœminis, quæ puellas informabant. *Ferrierius*
 quidam vir doctus, Canonicus, & Episcopo intima amicitia jun-
 ctus, octoginta licet annorum silicernium, ex Albigenis urbe in
 Burgundiam relegatus est, ut & in alium locum Procurator Epi-
 scopi, quod populum pro concione exhortatus esset, ut Dei in præ-
 sentibus Ecclesiæ calamitatibus auxilium imploraret. Multa in
 his aliisque patrandis, Jesuitarum molitioni tribuit Autor, licet
 non neget, omnia autoritate Archiepiscopi Tolosani, & secundum
 decreta Regia & Parlamenti gesta esse. Pontifex tanto cum rigore
 adversus ista omnia semet opposuit, ut excommunicaret omnes, qui
 Regio jussu in Diœcesi illa munia Ecclesiastica invaserant, nomina-
 tim Archiepiscopum Tolosanum & Jesuitas, utque omnes confessio-
 nes illis factæ, tum omnia matrimonia, quæ consecrarent, irrita
 essent. Notabile est & inter effectus Pontificiæ venerationis refe-
 rendum, quod decreto contra latitantem *Cerlium* (cujus supra men-
 tio facta est) a Tolosano Archiepiscopo & Parlamento mortis sup-
 plicio, (quod prolixè p. 76 & seqq. describitur) carnifex Apamiensis
 fugere maluerit, quam effigiem viri, ut jussus erat, de patibulo sus-
 pendere. His aliisque de illa diœcesi relatis subjungit Autor pluri-
 ma, quibus ostendat, persecutionem Ecclesiæ in Gallia universalem
 esse, & prætextum a *Janfenismo* sumi. Narrat, ut ex *Sorbona* sexa-
 ginta

ginta doctores eieci fuerint, quod noluerint damnare propositionem, quæ tota sit Chrysostomi, Augustini aliorumque Patrum, quod nempe *S. Petrus in tentationis sue momento non habuerit gratiam sufficientem ad eam vincendam*. Tantum vero rigorem exercitum esse adversus Doctores illos, ut & nomina eorum ex tabulis Collegii erasa & preces post mortem denegatæ sint, etsi pecuniam pro solitis expiationibus numerassent. Id speciatim accidisse notat Episcopo *I'ncienfi* & *Catalaunensi*. Arnaldi persecutionem, qui in decrepita senectæ exilium pati & latebras soli Deo notas quærere coactus sit, valde deplorat Autor, & notam illam de quinque propositionibus controversiam explicat, inque ea subreptum fuisse *Alexandro VII* contendit, qui non solum eas, uti conceptæ erant, sed in sensu Jansenii condemnaverit, quem tamen adversarii probare non potuerint. Distinguit itaque Autor in sententia Pontificia inter theses ipsas, quas iuste condemnatas esse, ob sensum, quem admittant hæreticum, non negat, & additamentum, quod condemnatæ sint in sensu *Jansenii*. Prius ait juris esse, posterius facti, in quo falli potuerit & falsus sit Pontifex, alio quippe lumine in quæstionibus facti, quam alii doctores, non præditus. Fraudem autem adversariorum in eo dicit versari, ut hoc modo Jansenii, & omnium, ut putat, orthodoxorum doctrinam de prædestinatione absolutâ, & de gratiæ efficacis necessitate, ut hæreticam denigrarent: illum enim esse sensum Jansenii, qui ex libris ejus clarissime percipitur, dubitari non posse. Refert inde, quomodo sævitum sit in eos, qui formulæ a Rege præscriptæ, in condemnandis quinque propositionibus, subscribere recusaverint, licet silentium promiserint, & aliqui tantum ob ignorationem quæstionis in subscriptione dubitaverint, quod Virgines monasticæ potissimum causari solebant. Quatuor tamen Episcoporum renitentium constantia pudefactam esse Aulam, ut eorum subscriptionem cum distinctione & explicatione acceperit, quo ipso tota de Jansenismo concertatio ut spectrum evanuerit. Narrat, ut idem postea denuo a Jesuitis productum fuerit, excitata persecutione adversus sacras Virgines monasterii *Portus Regalii*, quæ prolixè describitur. Sequitur relatio de *P. le Noir*, Sezenis sive Sagianæ in Neustria Ecclesiæ Theologo. Is Jansenismi inculpatus, absque cognitione causæ literis Regiis sub sigillo sive secreto minori

(de

(de cachet) expeditis in exilium pulsus, dein captus & Bastillæ, clauſtro Pariſienſi incluſus fuit, damnatusque poſtea, ut funem collo circumpoſitum, manu cereum gerens, & induſio amiſtus, ad templum cathedrale ſiſteretur, ut & factum eſt; ubi cum loco reuocationis preces recitaſſet, in aliud caſtellum ductus fuit, ad mortemque in eo detinendus. Longum foret alios Canonicos, Vicarios Epiſcopales, Presbyteros, Parochos, Monachos & monaſteriorum Præpoſitos, utriuſque ſexus, referre, quos eadem calamitas exilii carcerumque ipſa morte deteriorum oppreſſit, nominatim ab autore memoratos. Inſigne eſt celeberrimæ Abbatiz *Cluniacenſis*, quæ Benediſtini Ordinis primaria eſt, fatum. Cum enim monachi veteri more Abbatem elegiſſent, hic Regio mandato cum aliis primoribus monaſterii in exilium eiectus eſt, & reditus monaſterii ſiſco vendicati, donec Cardinalis *Bullionens* a Rege nominatus iis potiretur. *Urbaniaſtarum*, quas vocant, monialium clades ex eadem cauſa ſecuta eſt, quod Abbatiffam ſibi jure conceſſo eligere, nec admittere vellent a Rege datam. De *Charonnenſium* exilio ſupra dictum eſt, quod Pontificiis decretis impediri non potuit. Sententia enim Parlamenti extinctum & venditum fuit monaſterium, eiectis ſine omni miſericordia virginibus. Allegatur libellus, cujus titulus: *Innocentia oppreſſa*; in quo aliarum virginum, quarum Ordo ab *Infantia* Chriſti nomen habet, perſecutio deſcripta eſſe dicitur. Succedit querela de mutatis *Noſocomiis*, & quæ pauperibus alendis deſtinata fuere *Hopiſtalibus*, quorum reditus Nobilitati & militibus attributi eſſe dicuntur. Tres paſtores *Cadomenſes* in exilium actos eſſe notatur, quod pro concione dixiſſent, *amorem Dei in penitentia requiri*; quod & cuidam Bellovaceni Canonico contigit, qui in ſermone quodam docuerat, *omnia opera noſtra propter Deum fieri debere*. Claudit libellum index ſacerdotum & eccleſiaſticorum, qui ob veritatem cauſa, ut Autor affirmat, non cognita, vel per ſolas literas regias ſub ſigillo minori emiſſas, vincula aut exilium paſſi ſint, aut qui fuga ſibi conſuluerint; dein epiſtola erudita, quæ gravem perſecutionum cenſuram continet, Romæ ſcripta d. 18 Octobr. 1686; adjuncta verſione Gallica.

HENRICI HULSII THEOLOGI IN ACADEMIA ELECTORALI DUISBURGENSI DE PRINCIPIO CREDENDI LIBRI DUO.

Lugd. Batavor. apud Jordan. Luchtmans. 1688,

in 12.

NE quis disquisitionem hanc circa principium credendi in ipso latim limine aspiciat ut impiam aut superfluum, præfatur *Hulsius*, ejusmodi tractationem necessariam & utilem esse, quod athei sint, qui principia negent; quod conducat, fundamenta principiorum firma vestigare; quod post excussam Romanam, qua omnia ab Ecclesiæ dicentis suspendebantur auctoritate, servitutem, per trita illa: *contra negantem principia non agendum; athei theoretici non dantur, nec dari possunt*; tanta fuerit quoad principia securitas, ut argumentorum, quibus eorum constat veritas, defectus reperitur ingens. Profitetur autem, præsentem operam non tam ad principia confirmanda, quam naturam eorum interiorum vestigandam, mutuatque in se declarandam *ἐν τῇ φύσει καὶ ἐν τῇ ἀποκάλυψιν* ac immedationem destinatam esse.

Opusculum in duos libros dispescitur. In Priore ipsa *principia* credendi considerantur, eaque *tria* enarrantur, primum *Ratio*, alterum *Scriptura* testimonium, tertium *Res* earumque naturæ.

Ratio dicitur lumen Naturæ, in homine dignissimum persuasionis & fidei sive assensus principium. Non distinguenda illa gradu diversitatis & inferioritatis nimio, a Revelatione divina. Nam ratio (ut ait) est veri, ab unico Patre luminum & veri, simul profecta revelatio, hoc saltem cum discrimine, aut hac potius prærogativa, quod in lumine naturæ & rationis ea evidentiore modo contingat, & vicissim revelatio in multis sit ad majorem gradum elevata ratio. Improbatur tum *præ* in Academiis receptam, *qua Philosophia ante admissionem ad superiores facultates absolvi prius debet*, cum accurata speculationum & abstractionum perfectio, maturam ætatem & subactum iudicium requirat, tironi autem generalis philosophiæ & naturæ rerum cognitio sufficiat; tum *dictum* illud vulgatum, *Philosophiam esse ancillam superioris disciplinae ac Theologiæ*, quippe Philosophiam sibi esse dominam, suo superbire divino auctore, suo totum incl-

intellectum perfundere fulgore, sermonem fidei commutare in sermonem sapientiz, esse universale illud per omnes mundi gentes demonstrationis & convictionis principium; annuente philosophia, dum veritas revelata ad conscientiam se commendat, conversionem ad DEUM & Ecclesiam succedere. Et si rite putemus, *Theologiam* potius *Philosophia* famulari; in eum enim finem Revelationem datam esse, ut lucem rationis aberrantem corrigeret, & sermonem fidei in sermonem sapientiz proficere, nitique ut ad conscientiam se commendat. Si *injicit*, corruptam esse rationem, h.e. ratiocinium ex primis principiis concludens; respondet, non falli, cum clare & distincte rem percipit. Hanc claram ac distinctam perceptionem normam esse, juxta quam Ratio non solum totam Theologiam naturalem, cultum Numinis, & regulas æquitatis addiscat, sed & ad res novæ gratiæ assurgat. Licet enim modum & ipsam viam novæ salutis non assequatur; attamen esse apud DEUM iterum gratiam, sicque exstare condignam justitiæ DEI compensationem, gentilem probe attendentem variis edoceri posse. Ac posse forte hanc cognitionem & fidem generalem intemerate servatam, Spirituque comitatam, in se sufficientem esse, fundamento quamvis gratiæ & salutis ipso non similiter perspecto, cujus fidei generalis exemplum putat in Abrahamo Gen. 15, 1. in discipulis Christi Joh. 16, 24: at non servare rationem, solo naturæ lumine munitam, cognitionem illam & fidem intemeratam, sed dum in ratiociniis suis ratio irrequieta, fixum aliquod fundamentum quietis & gratiæ vestigat, ad verum autem fundamentum Trinitatis & Filii incarnati non assurgit, hinc necessario ad spurium, scilicet justitiam operum delabi, illaque niti, & sic Theologiam naturalem salutarem non esse.

Revelatio seu *Scriptura*, ut sit secundum credendi principium, auctoritatem condignam & divinam originem ante omnia requirit, quæ illi asseritur & confirmatur, *primo* ex congruentia, quam ratio cum vero & æquo proximam in plurimis, remotiorem in mysteriis videt. In quem finem allegatur 2. Cor. 4, 2. ubi veritas revelata se ad conscientiam cujusvis commendare dicitur: *secundo* ex remotione aliarum causarum; nimirum cum Scriptura non ab homine, non ab Angelo malo aut bono esse queat, relinquitor eandem a Deo esse profectam. Quam illationem ex variis confirmat, & quæ vulgo afferuntur ad divinam Scripturæ originem probandam criteria

& argumenta, in classes redigit, ac robur eorum expendit. Alteram conditionem, ut Revelatio divina principium fidei opportunum sit, ait esse, ut scripta sit: tertiam ut incorrupta ad nos pervenerit: quartam, ut credens ipse eam evolvat, ac vi coactionis ac lucis inde deductæ, assensum præbeat.

Succedunt porro *Res ipsæ*, quæ similiter Principium & norma in consequentis sunt, cum (1) in homine facultas seu potentia res concipiendi est; (2) verba ideam rerum excitantia intelligibiliter leguntur; (3) idea ipsa congrue naturæ rerum, actu formatus & expenditur.

At nihil adhuc fidei ex principiis his, petitisque inde & perceptis demonstrationibus constanter fuit, quædam ad DEUM ejusque perspectam veracitatem, in rebus clare atque distincte perceptis minime fallentem, cogitatione ac probatione non assurgitur. Id, quod ad principia credenda & roboranda perquam necessarium, sit partim ex intuitu microcosmi, quando homo suam realitatem ac perfectionem considerans, eam non a se, sed ab alio extra se, a DEO accepisse agnoscit; in specie dum animus suam originem recogitat; intellectus ideam seu conceptum DEI sibi objici & præsentari sentit; voluntas desiderio infiniti boni ac Dei trahitur, porro dum mens nexum suum naturalem cum corpore conspicit: partim ex consideratione macrocosmi. Nec infelicius *argumenta Cartesii*, modo rite urgeantur, procedere ex *idea*, adjicit. Hinc rejiciuntur Sceptici; qui universalem rerum omnium incertitudinem asseruere, aperiunturque fontes, & ex quibus tot errores in cognoscendis rebus exorti sunt, & ex quibus officia quæque practica pietatis & justitiæ fluunt.

Hactenus principia ipsa eredendi lustravit. Nunc libro altero disquirat, *qua sit principii in principium quædam ex quoque ac immensio, quam mutuo sibi præsent utilitatem, quodque primum aliorum principiorum, in quo quiescit fides, fundamentum sit.*

Atque Revelatio quidem Rationi præstat usum, ei in investigatione sua ad sanctum DEUM, ad legem, ad pœnas peccati adscendenti, & inde penitus cohorrescenti, omnemque scrutiniis seriem abruptere conanti, reconciliationem DEI per Christum factam exhibendo, atque sic cogitationem omnem legis suaviorem efficiendo. Ratio conscientię quietem ac salutem indagans, fundamentum spiritu-

rium

rium assumit; Revelatio ad verum in Christo deducta. Ad hæc Revelatio rationem in meditatione & ratiocinio opportune dirigere ac juvare, item coercere ac in veritatis tramite retinere potest. Tandem & ad incrementa majora per revelationem promovetur rationis scientia ac cognitio naturalis, præprimis in practicis & officiis faciendis. *Res ipsa* vero in natura sua bene considerata, triplici potissimum ratione *immacula solens*. Primo sermonem fidei in sermonem sapientiæ commutant, dum id, cujus veritas simpliciter credita est, qualitate ac ratione intrinseca perspecta, ad cognoscendum exhibetur, luceque ea se ad conscientiam commendat. Secundo res in sensu genuino loci assequendo operam sæpe conferunt unicam. Tertio res in natura sua intellectæ, consequentias & veritates in iis latentes menti attentæ aperiunt protinus. Sed de eo, quod *Ratio Revelationi* offert suffragio, latius deinde disserit. Sæpe, ait, ea illustrat, quæ sunt in Scripturis mysteria ac fide recipienda, comportatis in hunc finem omnibus iis, quæ ex libro naturæ, literis humanioribus, historiarum monumentis, disciplinis philologicis & philosophicis possunt haberi: post illustrationem confert Ratio, locum unum comparando cum alio parallelo, versiones exigendo ad fontes, conjungendo testes binos, vetus ac novum Testamentum, rem ipsam examinando ad fundamentum fideique immutatam analogiam. Excellit inter usus omnes ille, qui ex iis, quæ exstant, ea itidem, quæ non extant, per consequentiam educit. At *bi usus* rationis *organici sunt*, cum hic *de principali* inquirere maxime institutum sit. Tum vero se Ratio tanquam principium & fundamentum habet, cum (1) ipsa iudicium instituit, quo id, quod credendum, non attenda auctoritate ulla, se per lumen rationale commendare ac probare debet, ut accipiat & non rejiciatur, quando nimirum ratio sub obedientiam fidei se captivari non fert. (2) cum ratio normæ principem locum tenet, ad quam res exigi ita debet, ut assumatur, postquam eam tanquam congruam sibi approbarit, spernatur vero si eadem sibi disconvenientem improbarit. (3) ratio tanquam principium censetur, cum ejus cognita axiomata, causa & argumentum sunt, quare aliquid suscipitur fide & assumitur: sic enim existit illa principium, ex quo fides enascitur, & in quod ea rursus resolvitur.

Atque hunc *usum principalem Ratio potissimum exferere dicitur* in prima fundamenti confirmatione, seu *probatione divinæ Auctoritatis Scripturæ*. Ut enim gentilis ad Christianam professionem adducendus, divinam Scripturæ originem agnoscat, ratione sua eum adduci, quæ judicat hæc vel illa criteria, quæ Scripturæ conveniunt, divinitatis indicium esse. Quin plebejum etiam fidelem & idiotam de Scripturæ divinitate certissime persuaderi, ex ratione sua & notitia naturali veri & boni. Videns enim in Scripturis proponi id, quod verum & æquum est, ex conscientiæ innatis principiis sine examine in Scripturis id agnoscit, recipit & reveretur. *Probat* suam sententiam ex eo, quod Scriptura fidem vocet rationalem cultum, doctrinam fidei rationale lac; quod *ἀνέσσει* requirat *ἐν πᾶσι*; quod verbum DEI medullas penetrare, *λόγον ἐμψυχοῦ* esse, immo ad conscientiam omnium se commendare dicat; quod probare jubet Spiritus loquentes, num ex DEO sint. Addit hominis hanc esse indolem, ut nulli prorsus rei possit assentiri, nihil itidem debeat agere, nisi luce, axiomate & dictamine rationis præeunte, assensuique & actioni facem præbente. Hinc rejicit eos, qui Spiritus S. illustrationem immediatam principium esse putant, propter quod Scripturæ credimus, quod id ipsissimus Enthusiasmus sit, qui ad Scepticismum ducat, ad Epicureismum, imo & Atheismum. Refutat etiam alios, qui verum gustum rerum, & lumen ac alloquium Spiritus DEI ad animum laudant, quo fides & persuasio efficiatur. Pontificios tandem arguit, ad Ecclesiæ auctoritatem se recipientes.

Quibus de Ratione ejusque usu principali in confirmando fidei principio, qua principio, traditis, dispicit, quæ illius circa verba principii & canonis auctoritas & functio sit. Ubi docet, ad verborum certam significationem, ac sensum Scripturæ indubitatum erendum, interpretes non male in subsidium inprimis vocare contextum & circumstantias loci speciales, at tamen & hic ultimo ad axiomata & principia sanæ rationis innata, ad regulas bonæ connexionis recurrendum esse. Consequentiarum rationem, rei ac veritati ipsi revelatæ potissimum deberi, ideoque rationem instrumentaliter ac ministerialiter concurrere; eandem nihilominus fundamentales & principales partes agere, perspecta intime naturæ & quidditate rei, e qua consequentia elicitur, ut nimirum scire queat, quale consequens res patiatur.

Suc-

Succedunt ultimo *res revelatae in se*, quæ innatura & intrinsecè quidditate credi potius debent, quam sciri possunt, in quibus rationi minimus usus relinquitur, non ramen nullus. *Primo* Ratio percipit luce sua, posse DEUM infinitum facere, intelligere, habere multo plura; ac finita valet comprehendere acies. *Secundo* non permittit in mysteriis contradictionem ullam. *Tertio* generaliter & remote consam, quare hoc vel illud mysterium ita esse debeât, tradit. *Quarto* modum mysterii aliquo generali respectu denudat. Post quæ improbat *Socinianos*, rationis functiones adeo extollentes, ut omne id, quod non proxime, actualiter & plene perspicit ratio, non admittere velint; rationem autem judicem & normam credendi constituent. Confutat *Auctorem Tractatus Theologico-Politi-ri*, qui adscribit Rationi (1) videnti ac adstipulanti, certitudinem in revelatis, cum sine ea conjectura & certitudo moralis tantum sit; (2) receptionem eorum, quæ sine ejus calculo adjecto admitti nondum queant; (3) veritatem & sapientiam, religione regnum pietatis & obedientiæ tenente. Eidem supparem facit alterum *Anonymum*, qui in *Exercitatione Paradoxa de Philosophia Scripturae interpretæ* statuit, Rationem etiam sensum Scripturæ inferre, eo quod ipsa tam obscura & ambigua sit, ut ex ea sensus erui non queat; locum etiam Scripturæ per alium explicari non fert, dicens loci cum loco nullum esse commercium, nullam unius in alterum auctoritatem. Ex adverso Lutheranos deviare opinatur *Hulsius*, cum corpus Christi in coena substantialiter præsens esse docent, quod contra omnem rationem doceri existimat. In fine libelli indicat, *banc de principiis credendi præliminarem tractationem* esse; aliam proxime expectare jubet, qua veritas omnis revelata, ut ad conscientiam se commendat, proponetur.

JOHANNIS REGII PHILOSOPHIÆ DO-
ctoris ac Professoris de modo percipiendi S. Scri-
pturae Divinitatem Liber.

Francquera apud Henr. Arnama &c. 1688, in 12.

Cum præcedentem *Hulsii* libellum de principio credendi perle-
gisset *Regius*, cognovissetque, Auctorem nonnullos Philosopho-

phorum, qui ne falsis suis ideis S. Scripturæ auctoritate damnatis teneantur renunciare, ipsam Scripturam ad iniquum rationis tribunal rapiunt, omnemque ejus certitudinem, auctoritatem, veritatem, sensum, a rationis judicio accersunt, causam egisse, atque insuper sententiam communem Reformatis Enthusiismi, Epicureismi & Atheismi audacter damnaſſe, aggressus est hzc refutare. Initio duo constituit veritatis cognoscendæ principia, videlicet notionēs communes sive veritates nobis innatas, & testimonium fide dignum, Modos seu vias, quibus mens ad veritatis cognitionem perveniat, tres statuit: intelligentiam seu sensum intimum, ratiocinationem & fidem. Hisce præmissis transit ad scopum propositum, qui est *inquirere modum*, quo de S. Scripturæ divinitate homo pius reddatur certior; *utrum id fiat sola ratione, an vero Spiritus S. testimonio.* Prius asserit Hulsius, *rationem non alio modo, quam ratiocinando, ac divinitatis characteres & indicia in DEI verbo existentia cum innatis veritatibus conferendo, de ejus divinitate persuaderi, & certam esse posse.* Posterius sustinet Regius, *Spiritum S. efficacissime in anima operari, eamque reficere*, atque aliqua ex parte pristinam restituere integritatem, i.e. *mentem DEI imagine donare*, atque hinc cum magna oriatur proportio inter mentem, & ea, quæ DEI sunt, etiam talia cum ipsi proponuntur persentiscere: *Quando igitur Scriptura S. quæ tota quanta divino lumine coruscat, ad mentis ejusmodi perveniat notitiam, statim suo fulgore eam immediate ita afficere & convincere, ut ilico absque ullo argumentorum pondere, sola ejus certitudinis evidentia convincatur in assensum.*

Quam sententiam ut confirmet, ostendit primo, haud esse impossibile, mentem de veritate aliqua immediate reddi certiozem; secundo probabile esse, hoc modo Spiritum S. nobis S. Scripturæ divinitatem exhibere; tertio necessario Scripturæ divinitatem immediate percipi; tum quod homo natura respectu rerum spiritualium sit mortuus & cæcus, in quo vis, quæ Scripturæ inest animos afficiendi & convincendi, ob pravam dispositionem subjecti, sine Spiritus S. speciali illuminatione ac potenti operatione nihil efficere valeat: tum quod S. Scriptura unici doctrinæ salutaris principii rationem habere non possit, nisi vel innotescat nobis immediate, vel demonstratione a priori. Cum vero Scripturæ divinitas a priori non possit

fit

sit ostendi, reliquum esse, nos eam efficacissima Spiritus S. operatione usu immediato percipere.

Hoc istis rationibus probato, ut adversarium falsitatis redarguat, ante omnia *fontem* ejus *aperit*, *Philosophiam Cartesianam*. Etenim Cartesium opinari, omnium rerum in mente esse ideas, i.e. facultatem & potentiam eas producendi, dummodo per sensus justa præbeatur occasio. Hinc statuere oportere, mentem in se habere potentiam eliciendi ideas omnium rerum, quæ in S. Scriptura continentur, quando verbum DEI sensibus oblatum istam suppeditat occasionem. Unde patere, non supra mentis vires esse rerum divinarum formare ideas, sed duntaxat extraordinarium: insuper menti indita esse principia veri & recti, ad quæ reliquas veritates omnes exploret, & quorum ope verum a falso discernat. Cum igitur mens ad occasionem sibi per S. Scripturas factam rerum spiritualium se elicit ideas, ipsam utrum illæ veræ, utrum falsæ sint, prorsus ignorare, nisi eas ad principia per se nota examinaverit. Quibus Noster opponit, Theologiam ab omni scientia naturali prorsus distinctam esse; ergo principii Theologiæ, S. Scripturæ, divinitatē seu veritatem, sola ratione demonstrari non posse. Aliud argumentum a rationis per lapsum corruptione desumit, in qua nihil, quod spectat spirituale, sit recti, nihil veri. Concedit adversario, non extinctam esse ratiocinandi facultatem; concedit lucem primarum veritatum & discretionem non plane periisse, sed dicit rationem facultate percipiendi spiritualia destitui, eamque perfectionem ei a solo Spiritui S. regeneratione restitui, juxta consentientem Ecclesiæ Reformatæ doctrinam, a qua abeat adversarius nimium rationi circa res spirituales tribuens. Ulterius absurdorum ex opinione adversarii sequentium catenam nectit: totam Theologiam revelatam esse scientiam mere naturalem; fidem esse nullam, aut non nisi humanam; Scripturam nullam aliam habere auctoritatem, quam humanam; Scripturam rationi humanæ subjeci, eaque existere inferiorem; nos mysteria, ac consequenter totius nostræ salutis fundamentum ignorare; rationem esse Scripturæ interpretem, ac controversiarum Theologicarum normam ac judicem. Notat insuper, ipsum adversarium meliora passim & sibi contraria loqui.

Tandem Hulsii argumenta, quibus suam opinionem conatus

Kk

fuit

fuit adstruere, excutit. In prima acie ille collocaverat, *cultum* nostrum a Paulo vocari *rationalem*, & a Petro DEI sermonem *lac rationale*. Quod argumentum Noster ait vitio collectionis laborare: cultus noster rationalis est; ergo Scriptura divinitas sola ratione potest demonstrari. Dicit autem cultum nostrum rationalem, quia, postquam DEI naturam voluntatemque ex Scriptura agnovimus, ratio ipsa dicit, toto animo ad ejus gratiam & communionem nos conniti debere: posse etiam cum præstantissimis Interpretibus dici, Paulum respicere ad cultum V. T. in quo DEO pecora immolabantur. Deinde potissimum urget adversarius Pauli dictum, *verbum DEI se ad omnem conscientiam commendare*. Respondetur, id non habere Apostolum, sed dicere, Ministros declaratione veritatis se commendare ad omnem conscientiam. Respicere enim quorundam falsorum agendi modum, qui suam doctrinam ab Evangelio diversam verborum lenociniis inculcare satagebant, cum Apostoli puram Evangelii doctrinam simpliciter proponerent, cujus omnis conscientia, cui verbum Dei proponebant, testis esse poterat. Plura de hac materia desideranti, allegamus *Witsum*, ex cujus Epistolica ad Ulricum Huberum Dissertatione excerpta in *Sectione II. Supplementorum* pag. 88 & seqq. exhibuimus.

LEGATIO MARCHIONIS LAVARDINI

Romam, ejusque cum Romano Pontifice Innocentio XI dissidium; ubi agitur de jure, origine, progressu & abusu Quarteriorum, Franchitiarum seu Asyli &c. & refutantur rationes a Lavardini Advocato productæ, in Libello Gallico, cujus initium: si l'Auteur &c.

Anno recuperatæ salutis 1688, in 12.

AUtor hujus tractatus, qui nomen suum suppressit, est Illustrissimus Dn. *Celestinus* ex Marchionibus de *Sfondrati*, Mediolanensis, S. R. I. Princeps & Abbas S. Galli; cui etiam Regale Sacerdotium debemus, sub *Eugenii Lombardi* nomine paucis abhinc annis editum, & in *Actis* nostris mense *Augusto* 1685 memoratum, nec non *Galliam vindicatam*, cujus recensionem ad aliud tempus refer-

servamus, Tomo *Supplementorum* inferendam. Argumentum presentis libelli circa acerrimum Regis Galliarum ejusque Romam Legati Marchionis Lavardini cum Pontifice Romano hodierno dissidium versatur: & cum Pontificis causam jam egerint Autor libelli Italici, qui Pontificis Bullam contra Lavardini Apologiam defendit, & alius, qui Gallico sermone Talonii Regii Advocati declamationem confutavit, Reverendissimo Autori scriptum quoddam Gallicum ab Anonymo quodam Lavardini Advocato editum censura suæ, nec admodum proluxæ, nec lectu injucundæ subijcere placuit.

Ac primum quidem Principum, etiam hostium, Legatos omnium gentium jure inviolabiles esse concedit, sed asyli privilegium Legatorum domibus jure gentium competere negat; cum potius delicta reosque, maximo publicæ quietis damno impune ferri, juri gentium repugnet, ideoque nec in Parisiensi, nec in aliis quam plurimis Aulis jus illud asylorum vigeat. Progreditur deinde ad varia incommoda ex asylorum abusu Romæ imprimis nata, quæ Pontificibus necessitatem imposuerint, ut crescentem indies flagitiorum licentiam, cum nullibi magis quam Romæ grassari videretur, edictis coercere niterentur. Tum quid singuli Pontifices in hoc negotio effecerint exponit, ut simul ostendat, non esse tantam illius immunitatis, quam Galliarum Legati Romæ sibi vendicant, antiquitatem. Producit igitur Urbanum V, Julium III, Pium IV, Gregorium XIII, Sixtum V, & Urbanum VIII, qui jus asyli a Cardinalibus primum aliisque Magnatibus pessimo exemplo usurpatum, variis edictis persecuti sunt, & Legatorum aliorumque, immunitate ista frui cupientium, palatia justitiæ ministris impervia minime siverunt. Innocentio quoque X Pontifice, duos sicarios e Gallici Oratoris ædibus, Legato minime repugnare auso, ad suppliciumeductos, & adhuc sub Alexandri VII initis, quid Franchitiæ essent, Romæ ignoratum fuisse refert; nec Christinam Sueciæ Reginam, cum prima & secunda vice Romam perveniret, de asyli immunitate postulanda quicquam cogitasse. Hinc ad historiam conventionis Pisanae pergit, A. 1664 inter Ludovicum XIV & Alexandrum VII initæ, & inter articulos pacis, a Principe Matthia, Fratre Magni Hetruriæ Ducis, Romam transmissos, postulatam quidem memorat, ut ad majorem Legati Gallici securitatem, non amplius apparitoribus militibus-

que licentia plateam Farnesiam obeundi permetteretur; verum Pontificis nomine responsum fuisse, in hanc conditionem nulla ratione consentiri posse; tandemque in id fuisse conventum, ut Pontificis ministri debitam Gallix Legatis reverentiam exhiberent, & paucis post Pisanam conventionem mensibus *Crequium*, cum Romam repeteret, nihil de asyli jure tentasse. Clementem IX, etiam mitissimis inoribus & in Galliam indulgentissimis fuerit, nunquam tamen passum ait, ut Principum Legati Franchitias occuparent; neque Legati Gallici *de Chaulnes*, qui Crequio successerat, præsentiam obtinuisse, quo minus in caupona Farnesio palatio vicina in delinquentes animadversum fuerit. Postea vero sub Clementis X Pontificatu Franchitiarum usurpationem apud Legatos admodum invaluisse, quorum conatibus ansam dedisse credit similitates, ob novum de vestigalibus edictum cum Cardinali Alterio contractas. Neque tamen hinc legitimam possessionem aut præscriptionem Legatis nasci potuisse censet, Pontifice quidem vi & pœnis, nec tamen querelis abstinente.

Ad Innocentium XI devolutus, quanta cura is asylius extirpandis incubuerit, quas ob causas, quibus mediis, & quo successu tantæ molis opus aggressus fuerit, enarrat. Deprædicat summam hujus Pontificis & prudentiam, qui non præcipitanter sed lento gradu ad censuras processerit, & parem moderationi constantiam, cum ne Anglicum quidem Legatum, qualis centum retro annis Romam non pervenerat, nisi renunciato asylo admittere voluerit. Miratur contra, cur Rex Gallix, Hispano aliisque cedentibus, in re iustissima solus, contra promissa Varesio olim data, Pontifici restiterit, creditumque ait, *Esfraum* Ducem, cui non exigua a delinquentium patrocínio emolumenta subnata fuerint, in culpa fuisse; aliis quoque in mentem venisse, Regem Gallix, turbata Italia, Cæsaris victorias morari voluisse. His aliisque, quæ ad historiam rei pertinent præmissis, descriptoque militari Lavardini in urbem Romam ingressu, objecta ab Anonymo Autore diluit.

Lavardinum contra jus pro Legato se ferentem, & tamen de injuria sibi facta, & violato Legati jure querentem, lupo comparat, qui in fabula ovibus infra se aquantibus turbatos fontes objicit. Legatum non solum Principis mittentis, sed ejus etiam, ad quem mittitur

tur

tur, assensu & voluntate constitui assensit, idque multo magis in Legatis assiduis & ordinariis locum habere, quos salvo gentium jure respui posse, *Grotii* & *Wicquefortii* verbis confirmat. Adducit ex veteri historia varia Legatorum exempla, qui a Romanis aliisque gentibus vel non admissi, vel ad suos Principes remissi fuere. Ex recentiori historia adducit Paulum IV, & ipsum Galliarum Regem, qui ex causis sibi notis Legatos Gallia exire jussit, eosque neque conspectu suo dignatus fuerit, nec ad tractanda cum Ministris suis negotia admisit. Ex his concludit, Pontificem optimo jure Lavardino Legati honorem negare potuisse, imprimis cum toties per Varesium, Laurum & Ranuccium rogaverit, ne Lavardinus Romam mitteretur, & insuper Lavardinus non tam Legati, quam hostis in morem, Romam intraverit. Injustam poenam Lavardino Regis sui justuenti infligam negat, cum nulla poena sit, cum alicui non tribuitur, quod ipsi non debetur. Ad censuras, in quas postea Lavardinus incidit, respondet, id invito Pontifice a Lavardino sponte factum, nec accusandum fabrum, si quis gladio se perimat, sed ipsum qui in ferrum incubuit. Quod Lavardinus ex Regis imperio asylum occupaverit, nihil interesse statuit, cum juxta Apostolum digni morte sint & qui mala faciunt, & qui facientibus consentiunt, nec Principis imperium, sed causa innocentem faciat, idemque Heliodorus, etsi Antiochi jussu templum spoliare aggressus, flagella tamen divina non effugerit.

Ad argumentum, quod Pontificis in Christianos potestas, tanquam precaria, ex Principum arbitrio dependeat, ideoque Pontifici cavendum sit ne eos offendant, reget, etiam secularium Principum potestatem precariam esse, neque Pontifici persuadendum esse, ut offendendi Regis metu injusta concedat, cum nec ullus Principum seditionis metu omnia subditis indulgeat, & in Dei causa nihil æque metuendum videatur ac metuisse. Magna esse Regum Galliarum in Pontifices & Romanam Ecclesiam merita, quod Anonymus Lavardini Advocatus objecerat, lubens agnoscit, indeque spem concipit, hodiernum Regem majoribus suis nihil cessurum; negat tamen, Pontifices pro tot meritis ingratos fuisse, cum nec minora, nec pauciora in Gallos contulerint, meritoque dubitari possit, Romane an Gallia, dum beneficiis utraque certavit, superaverit. Id probatu-

rus ab ipso Petro auspicatur, cujus cura per Trophimum aliosque Religio Christiana in Gallias illata fuerit. Hinc ad varios Pontifices progressus, quid quisque in Galliarum regnum beneficii contulerit, exponit. Inter alia observat, hodiernum Galliarum Regem non futurum, nisi Clemens VIII paternum ejus avum Henricum IV a sterili matrimonio cum Margaretha Valesia liberasset, eique nuptias cum Maria Medicea indulgisset, ex qua Ludovicus XIII præsentis Regis pater natus est. Addit, si vel maxime Pontifices accepta beneficia remunerati non fuissent, non ideo Innocentium permittere debuisse, quod Ludovico postulare jure non licuit; peti Christi patrimonium, Petri hæreditatem, nec ullum Regis commodum, sed latronibus, parricidis & adulteris refugium; quo postulato cum cæteri Reges & Principes omnes promptissime cesserint, non ullam rationem superesse, cur Galli injuriam sibi factam putent a Pontifice, quem ipsi Calvinistæ amore & veneratione dignum censeant. Unicum hoc esse Innocentii delictum, quod Regnantium cupiditatibus non obtemperet, sed tot Martyrum, qui Romæ jacent, trophæis incitatus, liberam pro justitia vocem emittat. Si Innocentius ea tantum spectasset, quæ oculos incurrunt, facile persuaderi debuisse, ut ætate jam provecta, & ad viræ occasum vergens Regi tam potenti cederet; verum æstimantem, de Magno Ludovico post brevissimas annorum periodos nihil superfuturum, quam frigidus cineres, animamque nullo amplius regio apparatu, sed operibus tantum bonis malisve stipatam & obseptam, indulgere minime potuisse, quæ utriusque conscientiam onerarent.

Dixerat Anonymus, Rege tanto conatu & successu, ut religionis Catholicæ limites proferret, laborante, ejus Legatum accessu ad Pontificem prohiberi non debuisse. Respondet Illustrissimus Abbas, comparanti quæ Rex contra hæreticos inermes, nec resistere ausos in Gallia; & quæ Pontifex in Austria, Hungaria, Græcia, & Peloponneso, consiliis & auro contra Turcas præstitit; fatendum esse, nihil Innocentium Ludovico cessisse. Quæ Ludovicus contra hæreticos peregit, magno pretio compensata; plus regni quam religionis interfuisse, hæresin extinguere; & infinitos ex proscriptorum bonis thesauros in Regem redundasse; denique melius fuisse, si bona malis conferantur, hæresin in Gallia tolerari, quam impugnata Pon-

Pon-

Pontificis auctoritate, universam religionem Catholicam prostituere & periculo exponi. Ignorantiam Bullæ Pontificiæ a Lavardino præsentatam creditu difficilem asserit, nec ignorantiam juris clari vulgatique excommunicationis effectum morari potuisse; & frustra se Lavardinum ignorantia bullæ excusare, cui sciens jam & volens obsequium denegeret; nec opus fuisse, ut bulla Pontificis Parisiis affigeretur, cum & Regis edictum, quod Legatos Moscoviticos mercatura pellium interdixit, in Moscovia promulgatum non fuerit; & certum sit, Lavardinum nihilominus facturum fuisse quod fecit, si vel maxime Pontificis bulla in Gallia fuisset promulgata. Eum enim e le hodie Gallorum morem ait, ut diplomata Pontificia Galliæ inferri prohibeant, eaque postea non vulgata causentur; quod a Caroli M. aliorumque pristinatorum Galliæ Regum erga bullas Pontificias reverentia, & Episcoporum juramento alienum putat.

Lavardinum sine causa, sine ratione, non auditum, non defensum, pro excommunicato declaratum negat, qui contra Pontificis bullam jus asyli & quarteriorum, ut vocant, usurpaverit, tantoque fastu & derisu supremam Pontificis in rebus ecclesiasticis potestatem calcaverit, ut post Attilæ & Alarici ætatem, vix simile aliquid Roma conspexerit. His factis censuras Pontifici extortas asserit. Enimvero cum de Pontificis voluntate jam constaret, & Gallicis negotiis Cardinalis Estræus non modo sufficere, sed etiam abundare potuisset, nullam Galliæ Regi Legatum mittendi necessitatem fuisse putat, magnoque publicæ quietis periculo tam importune, tamque intempestive, non minimam Urbis parrem copiis militariis implendi. Æquius fuisse, ut Rex indignationem suam adversus Turcas & Barbaros, quam sufflaminatis Christianorum Principum in Oriente victoriis, adversus Pontificem convertisset; cum Gallicum Oratorem Constantinopoli a Turcieis Ministris mancipii more aula ejectum constet. Lavardini Advocatum sacrorum canonum & disciplinæ ecclesiasticæ imperitum statuit, quod Lavardinum in re mere temporali excommunicari non debuisse dixerit; cum tamen quæ semel ecclesiæ donata sunt, pro rebus sacris & Christi patrimonio habeantur; quod imprimis Parisiensis & Turonensis conciliorum A. C. 570 habitorum auctoritate probat. Æque falsum esse censet, quod Reges Galliæ eorumque Legati excommunicationi

cationi obnoxii non sint; quod ut probet, plurium Galliarum Regum exempla producit, in quos excommunicationis fulmen Pontifices vibrarunt. Addit, Galliam Pontificum censuris servatæ religionis Catholicæ beneficium debere, cum nunquam Henricus IV, & fortasse post ipsum nulli amplius Galliarum Reges Catholicam religionem amplexi essent, nisi illum Pontificis censuræ compulissent. Ad quaestionem, si Pontifex religioni sibi duxit asyla ferre, cur tanto tempore tulerit, nec primis statim Pontificatus sui annis deleverit? respondet, tulisse eum zizania, ut commodiorem evellendi occasionem expectaret, dum Principum Legati, qui tum vivebant, decederent; & vicissim quaerit: si Rex conscientia sibi duxit Calvinistas in regno tolerare, cur non statim ejecerit?

Ad exceptionem, quod generalibus Bullæ verbis personæ speciali charactere dignæ comprehendi non possint, regerit, ab Innocentio XI diplomata Julii III, Pii IV, & Gregorii XIII renovari, in quibus expressa Legatorum mentio; clausulam insuper additam, qua personæ quacunque dignitate & auctoritate, sive ecclesiastica sive seculari, feriantur non minus, ac si expressa earum mentio injecta fuisset: nec ob stare Innocentio XI, quod Sixtus V, cum asyli jure Legatos prohiberet, excommunicationis poenam non addiderit, imo jam ab Antecessoribus latam sustulerit; omnibus enim rebus tempus suum & maturitatem esse, & multa quoque a Rege Galliarum confecta, quæ ejus Majores non tentaverint. Sixtum V temporales poenas spiritualibus antehabuisse, & curandis delictis ferro quam cruce uti maluisse; Innocentium autem Chrysostomi, Ambrosii, aliorumque, quam Sixti exemplum imitari maluisse; nec inconsultis, quod Lavardini Advocatus objicit, Cardinalium suffragiis id aggressum, ut ex ipsa Bulla ejusque subscriptione pateat; neque remedium hoc ipso morbo pejor censendum esse. Anonymi postulatum, dicentis consultius facturum Pontificem, si non palatiis, sed ecclesiis asyla demeret, ad preces, non ad flagitia protegenda institutis, iniquum esse putat, cum templorum asyla a Deo in V.T. & in N.T. ab ecclesia, tot canonibus sancita sint, nec opus sit a Gallis Pontificem moneri, ne sceleratos sacris ædibus abuti permittat. Ad exempla Ludovici Sancti, Philippi Pulchri, & Ludovici XII, qui Pontificum excommunicationes nihili duxerint, respondet, viderendum,

dum, non quid Reges faciant, sed quid lex fieri jubeat. Adhuc suspecta esse, quæ *Matthæus Parisiensis* de Ludovico S. memoraverit, cum ejus historia primum ex bibliothecis Anglicanis sub regno Elisabethæ prodierit; Philippum Pulchrum in flore ætatis raptum, & tres filios relictos immaturo fato sine maribus defunctos Valefii coronam reliquisse; Ludovicum vero XII, quinquennio post pessima illa consilia, infelici morbo abreptum: ideoque hæc exempla silentio potius quam memoria digna.

Exprobranti Anonymo, quod Pontifices Romani factiones rebellium, qui sub prætextu religionis legitimum Regem Henricum IV impugnarunt, adjuverint, respondet, calumniam hanc non tam Pontifices Romanos, quam præcipuas Regni Gallici familias, & maxime Clerum Gallicanum tangere, qui adduci non potuerit, ut Regi Calvinistæ subjiceretur. Ipsam Galliam & maxime Sorbonam implorasse Pontifices, ne Calvinistam regnare paterentur. Gregorium oblatis Gallici fœderis legibus, probasse quidem, ut contra hæreticos ageretur, at motus populares & factiones regno fatales probare minime voluisse; neque Sixtum V, etsi Henricum regno inhabilem pronuntiasset, induci potuisse, ut fœdus cum Hispano jungeret; tandem vero urgentibus Gallis, Pontifices Henricum metu, ut hæresin defereret, compulisse, neque effectu id caruisse, cum Henricus religionem quam regnum relinquere maluerit.

Secretas instructiones, easque Pontifici gratissimas futuras attulisse Lavardinum, ob quas in conspectum Pontificis admitti debuisset, persuadere sibi Autor hujus libelli doctissimus non potest, cum Galli meliora non abscondere, sed piscantium potius more escam foris ostendere, & hamum intrus celare consueverint. Querelam, quod Hispani a Pontifice indulgentius quam Galli tractentur, injustam esse judicat, cum Hispanos etiam Legatos non alia conditione admittat, quam ut asyulis cedant. Excommunicationis abusum non probandum esse Anonymo concedit, neque tamen ob abusus quosdam omnem ejus usum auferendum arbitratur, cum bella quoque magna mala secum ferant, neque tamen Galliarum Rex Belgium, Austrasiam, Alsatiamque bello vastare abstinerit.

Pontificem sapientissimis quibusque Cardinalium seclusis, totum a consiliis Religiosorum ignorantium, & Prælatorum quorundam

dam minoris sortis dependere, qui præmiorum spe genio Pontificis adulentur, objecit Lavardini Patronus; cui Pontificis Hyperaspistes responderet, Religiosos illos, qui contra jus Regaliæ & quatuor propositiones Conventus Parisiensis calamum strinxerunt, ignorantia postulari non posse, cum nemo tota Gallia repertus fuerit, qui ignorantibus his respondere ausus fuerit, & vix aliquot Taloniorum fascies sufficere, ut unum ex minutis illis Prælatis componant; neque tamen ullum eorum, qui Pontificis causam egerunt, ad lautiores fortunam evectum, præter Cardinalem Aguirre, cui excellens doctrina purpuram meruerit. Se quidem, si pro lucro magis quam pro veritate certare velit, Parisiis quam Romæ operam locare malle. Occasione ab Anonymo suppeditata, de conventu Parisiensi disserit, eumque nullius autoritatis esse judicat, cum Præsules illius conventus alii odio & vindictæ cupiditate, alii metu corrupti fuerint, nec facultatem habuerint definiendi, quæ ad causas majores & soli Pontifici reservandas pertineant. Postremo loco quæ Anonymus de Legato personam Principis ejusque supremam & independentem autoritatem repræsentante, de possessione asyli immemoriali, de violata conventionione Pisana, de malo Pontificis erga Gallos animo, & de periculo quod ipsi impendeat, objecerat, refellit, tandemque verbis Ambrosii ad Imperatorem in simili causa dictis totum opusculum concludit; cui subjicitur Refutatio Talonii, Regii Advocati, ex Gallico in Latinum sermonem translata. Nostrium non est, tantas componere lites. Sufficiat igitur præcipua libelli hujus elegantissimi argumenta, pro instituti nostri ratione recensuisse, & benevolo Lectori communicasse, cujus judicio ulterius controversiæ examen relinquimus.

**Daniel Gaspar von Lohenstein / Großmüthiger
Feld-Herr Arminius / oder Hermann / als ein tapferer
Beschützer der teutschen Freiheit / nebst seiner Durch-
lauchtigen Thusnelda / h.e.**

Danielis Caspari a Lohenstein, Fortissimus Imperator Arminius, libertatis Germanicæ vindex, juxta cum Serenissima ejus Thusnelda. Opus rebus politicis ac casibus amatoriis

torius refertissimum, in gratiam præsertim Nobilitatis Germanicæ compositum; cum figuris æneis scitissimis.

Tom. I.

Lipsiæ, apud Jo. Fridericum Gleditschium, in 4, 1689.

Quæmadmodum Germanorum natio in excolendis, quas paulo serius accepit, bonis literis, reliquas omnes nationes, vel exterorum aliquorum candidissimo judicio, assecuta est & superavit; quod peculiari opera ostensurum se nuper pollicitus est celeberrimus *Morhofius*; ita neque in concinnandis ex arte fabulis, quas dicunt Romanensibus, minores hucusque fecit progressiones. Postquam enim *Serenissima* etiam *Capita* a celsissimo suo fastigio non existimarunt alienum, tam delicato ac nobili occupari argumento, adeo decore atque egregie in eo versata sunt, ut scitissima illorum monumenta omnibus gentibus, quarum operibus antea in nostram linguam saltem conversis fere usi fuimus, palmam interceptisse censi possint. Ac istud etiam opus, quod in præsentia præmanibus nobis est, & *Auctorem* agnoscit, non de illustri solum *Uratislaviensium* civitate, in qua splendido Syndici perfunctus est munere, sed de literaria republica & Germania tota immortaliter meritum, luculento esse potest testimonio. Ille enim, ut rectum a natura & excellens acceperat ingenium, quod pulcherrimis præterea institutionibus & præceptis, adhibita incredibili industria, inter medias etiam, quibus creberrimis distinebatur, forensium negotiorum curas, impense expoliverat: ita ære perennius monumentum admirando utique hoc opere patriæ suæ excitavit. Equidem quam eruditionis ingentem possideret supellectilem, quam limatissimo & raro inventionum acumine polleteret, poemata ejus in lingua vernacula evulgata testatum faciunt, inter primos præstantissimorum ingeniorum factus æstimata; testatum id faciunt ejus etiam dramata, quæ diversis temporibus summo studio elaborata *Hellados* simul ac *Aufoniæ* in his Musis artes ac venustates felicissime æmulantur. Sed hoc tamen libro, in quem omnes ingenii thesauros præcipue impendit, sine dubio semetipsum ac omnes prope, quos antecessores habuit, longum vicit, qui tanta mentis sagacitate, tantoque lepore compositus est, ut vix ejus similis in Germania hac-

Ll 2

tenus

tenus apparuerit, ipseque Italiae Hispaniaeque decora obscuraturus sit; nec causâ sit amplius magnopere celeberrimo *Huesio*, ut Galliz primas in hoc genere partes in eruditissimo *de origine fabularum Romanensium* libro, a nobis *mensis Septemb. 1683* p. 385 recensito attribuat; nec verendum nobis, ne plus, quam res patitur, dixisse videamur, cum facile nos promptam plenamque fidem impetraturos esse confidamus a lectoribus, qui *Auctorem* ipsum evolvere sustinuerint.

Studebat Vir patriæ amantissimus Germaniæ decori, quod amplificare pro viribus boni & egregii civis munus esse, semper existimaverat; cumque insuper a personis illustribus ad condendum ejusmodi monumentum subinde instigaretur, facile vinci se passus est, ut de argumento cogitaret, quo & Germanorum gloriæ velificaretur, ac linguam patriam expoliret, virtutumque præcepta & elegantiae sensum nobilioribus animabus instillaret. Quam in materiam assumere demum placuit *Arminium*, illum Germanicæ libertatis fortissimum assertorem, qui a se petitis rerum initiis, proculcatam patriam restituerat olim. Invidissimus ille Heros, qui non primordia populi Romani, sicuti alii Reges Ducesque, sed florentissimum imperium laceffit, idem expertus videbatur fatum, quod multi, qui vixere ante Agamemnonem, viri fortes, nullum virtutum suarum præter *Cornelium Tacitum*, fere nactus præconem, *Græcorum annalibus* ignotus, qui suatantum mirabantur; Romanis haud perinde celebris, qui vetera extollere in more habebant, recentium invidia, & meritis tamen esse videbatur, qui minimum a popularibus suis dignum laboribus ac virtutibus acciperet præmium. Sed hi tum temporis literarum secreta viri pariter ac femina ignorabant, fortia suorum facta memoria circumferre, ac carminibus & cantu celebrare quam scriptis consignare satius habentes. Repertus igitur est, qui post revoluta tot secula, serum quidem sed invidendum tantæ fortitudini erigeret monumentum. Ubi tamen tacendum non videtur, jam initio superioris seculi *Ulricum Huttenum*, virum nobilissimum, & ob studia in puriorem religionem ac humaniores literas clarissimum, *Arminium* emisisse, *Dialogum* lepidissimum elegantissimumque, quo introducitur *Arminius* noster de injuria conqueri, quod Minos inferorum judex præmia Imperatoribus statuens, se, quasi qui in vivis nunquam fuerit, præteriverit plane, idque tantæ eloquentiæ animi-

animique præsentia præstat, ut professus sit rigidus ille arbiter, si ambitiosus esse voluisset *Arminius*, & primo statim cum primariis illis belli Ducibus, Alexandro puta, Scipione, Annibale contendisset, sine dubio se ipsi palmam adjudicaturum fuisse, Mercurio interim illud imponens negotii, ut ubi ubi Deorum hominumque frequentia sit, *Arminium* pronuntiet liberum & invictissimum.

Cæterum, ut ad *Lobensteinium* nostrum revertamur, in duos opus suum Tomos dispescuit nobilissimus *Auctor*, quorum prior nunc in octo distributus libros in lucem prodit publicam, quem alter nundinis nostris auctumnalibus cum copiosissimis indicibus subsequetur. Apparet autem, dictionem adhibitam fuisse puram admodum, emendatissimam, ac nativo cultu & nitore exsplendescentem; genus ipsum dicendi totum apparet excelsum, quod sublimia animi cogitata pari cum dignitate referat, rerumque pondera verborum majestate constanter exæquet; orationis tamen tractu æquabili ubique contextum: quod præterea quoque gravissimis prudentissimisque sententiis, & ex universa natura depromptis hinc inde similibus quæ infinita pene sunt, & in quibus admirabilis est maxime, veluti flosculis quibusdam ac gemmis distinguatur, ut paucae sint periodi, in quibus ejusmodi amœnitatis aliquid non effulgeat. Res ipsæ vero concinno & accurato positæ sunt ordine, multique sese exhibent objecti negotiorum & rerum nodi, qui insperato demum, in quo quam maxime id generis narrationum eminet præstantia, evolvi conspiciuntur eventus. Cumque duplex sit utilitas, in qua *Photius* præcipuum lætionum fabularum Romanarum fructum judicat esse repositum, ut vitia nempe sistantur pœnis ad ultimum coercita, & virtutes ex adverso præmiis exornatæ, quorum averfari illa, has amplecti addiscat lector; non minus hic vitam dissolutam & vitiis ignominiosam, post longos ac varios triumphos, infelicissimum nancisci exitum; honestas autem actiones & virtutes, gravissimis laboribus casibusque exercitas, gloriosius semper attolli videbimus. Neque hoc tantum, sed ubique inspersam observabimus eruditionem omnigenam, ut pene nimius in eo fuisse, & illud ex vero dici possit, quacunque modo in historia antiquorum & recentium, (quam ultimam vel noviter, vel per literarum transpositionem effectis nominibus, solemner proponere solet,) Græcorum, Romanorum, Sinensium, Æ-

gyptiorum, Gallorum, Germanorum aliarumque gentium abstrusa & recondita sunt, ab inexhausto hoc eruditionis fonte in opus hoc fluxisse, neq; ullam fere quarumcunq; sectarum & nationum sapientia partem esse, ex qua elegantissimi subinde non afferantur discursus. Talia sunt, ut speciminis loco aliquid allegemus, quæ de regio ludo, Principumque deliciis & venatione, de Alchymia, de insula Atlantica, sive America, *Lib. II*: De discrimine inter causas & prætextus bellorum, de nobilitate, de vestigalibus subditis imponendis, de infelicitate virorum virtuti studentium, de fato, fortuna, & libertate voluntatis, *Lib. III*: De legibus naturæ & principiis rationis, de geniis, *Lib. IV*: De Amazonibus, Sirenibus, somniis, *Lib. V*: De legatorum inviolabilitate, *Lib. VI*: De religione & schismate superiori sæculo exorto, de laniena Parisiensi, de origine fontium, de cognitione sui, *Lib. VII*: De aloe, *Lib. VIII*. & innumeris aliis argumentis differit; ut intelligatur exinde facile, lectionem hujus libri & voluptati & studiis interservire posse. Sed in eo maxime ingenii vim exeruisse patriamque demeruisse videtur, quod pleraque potiora facinora, quæ in Græcia olim, Syria, Sina, Thracia, Hispania, Italia, Gallia, alibique locorum designata sunt, Germanorum fortitudine invicta patrata esse, ex historiis eruat, aut allatis ingeniose circumstantiis verisimillimum faciat. Quantumvis autem optandum fuisset, ut adjuncta *clavis* nominum mysteria explicatiora redderet, haud tamen lava mente augrabimur, quod ad rei summam pertinet, sub *Arminio* latere Invictissimum Imperatorem, LEOPOLDUM nostrum; id quod ex eo non tantum suspicari subit, quod in fine Præfationis, quanquam obscurius, illud innui videatur; sed cum primis quod *Lib. II*. cum *Armini* majores recensentur, illustrissimæ *Austriacorum* res gestæ a Rudolpho Habsburgico usque ad nostra tempora clarissime deduci animadvertantur. Sed de hoc certius & accuratius pronuntiare poterimus, ubi altera parte inventionis exitum contemplari licebit.

NOUVELLE MANIERE DE FORTIFIER les places, h. e.

Nova ratio construendarum munitio-
num.

Parisiis

Parisiis apud Stephanum Michallet, Anno 1689, in 8.

(Notandum: *circellum numeris superpositum, ubi longitudo lineæ exprimitur, semper denotare perticas hexapedas Gallis usitatas.*

PROdiit hic liber citra Autoris sui nomen: qui consulto id premere voluisse videtur, ut tanto liberius iudicium suum præstantissimorum Gallicæ gentis Ingeniariorum placitis interponere, tantoque sincerius aliorum in cogitata sua vicissim experiri posset. Novam enim hanc methodum, tituli indicio, ex scitis Triumvirorum celeberrimorum, Comitum *Pagani*, Equitis *de Ville*, & primarii hodie in Gallia Architecti *Vaubani* deductam, cum iisdem ita committit & comparat, ut quid eorum sequendum, quid cavendum corrigendumque sibi videatur, toto passim libro ingenue profiteatur. Liber ipse in sex capita, hæc in suos articulos dividuntur, pro argumenti diversitate & conditione.

Circa Munitionis intimas & velut essentielles partes, *alam* Cap. I.
figentem, *Villeo* usitatam, longe præfert radenti, *Pagano* & *Vaubano* p. 7.
 propriæ; illamque, quæ ex ala primaria & cortina hostem impetit, p. 15, 18.
 validiorem defensionem præbere altera, quæ ex ala propugnaculi p. 36.
 tantum constat, contra *Pagani* aliorumque argumenta, prolatis in p. 33.
 contrarium rationibus, contendit. *Angulum propugnaculi* robore p. 34.
 non inferiorem obtuso *Villeum* demonstrasse asserit; atque ex hoc
 principio, & quod faciebus propugnaculorum tantum ignis subsidarii ex cortina concedendum sit, quantum citra reliquarum partium munitionis debilitationem fieri possit, quantitatem huius anguli determinat; ita tamen ut octo decemve gradibus minorem recto, eidem huic robore parum concedere pronunciet: unde ne hexagono quidem angulum rectum assignat, ut tanto validiorem e cortina defensionem indispiscatur. E re porro futurum arbitrat, si *facierum*, ad angulum acutum concurrentium, *commissura* a summitate ad usque duos pedes horizontem campi (*du nive au de la campagne*) circumjecti, non constituat angulum, sed ex per 2° utrinque ab angulo communi in curvaturam flexæ jungantur. *Linæ defensionis* grandiorum munitionum ad 150° extendit, ut ut sclopetum militare non ultra 130° ad metam (*de but en blanc*) jaciatur: fortuitis enim jactibus (*a coup perdu*) quales in hostes assilientes dirigantur,

- p. 40. gantur, hominem ultra 160 trajici posse. *Latus polygoni interiori Autor ita disponit, ut sub certa proportionem semicollis ad hoc latus, certaque alæ longitudine, linea defensionis intra 150 consistat. Unde in munimentis*

	majoribus	mediis	minoribus
Latus Quadrati est 130.	120.	100.	
Pentagoni 140.	130.	110.	
Hexagoni 150.	130, & sic porro.		
Heptagoni 150, & sic porro.			

- p. 44. *Semicollum*, quod *Pagano* & *Vaubano* cum angulo circumferentiæ crescit, *Autori* a pentagono ad octogonum constanter est quinta pars lateris polygoni; in plurilateris vero, pro singulis dicti anguli ultra 135m gradibus uno pede ampliatur; in quadrato vero expandendis alis aliquantum contrahitur. *Facierum* longitudinem non solicite determinandam *Autor* existimat; dummodo circumjecto campo defendendo sufficiant, nec nimia extensione defensionis sui officiant. *Cortinas* rectas præfert aliis, easque infra alas & facies deprimit, ut tormentis & sclopetis ex ala cortinæ inum fossæ
- p. 55. & planta faciei impeti possit. *Alarum auricularis*, ob noxam, hosti fossam transituro & cuniculariis, ex tormentorum intra eas reconditorum jactibus inferendam, summe commendat; nec ullum fortalitium iisdem destitutum probe munitum pronunciat: crassitiem earum, ut ictibus tormentorum citra damnum excipiendis sufficiant, præcise 7 statuit. *Alarum quantitatem* minimum variat: est vero eidem sexta pars lateris polygoni 150; 24, si latus istud minus
- p. 60. sit; in quadrato autem mediæ formæ 23½, & minimæ 21. Ipsas porro alas cum *Vaubano* in arcus speciem introsum circumducit, hujusque figuræ non una ratione rectis præfert. *Suggestum* etiam *inferiorem* (*place basse*) inibi constituit: non obstante metu, quem a frequentibus pyrobolorum jactibus injici sibi passus est *Vaubanus*, qui in ejus locum prætenturam, succinctui valli (*fausse braye*) aliquo
- p. 67. modo similem, cortinæ alisque præstruit, media fossa a vallo distinctam. (*vid. fig. 1.*) *Suggestum* hunc *Autor* in majoribus munimentis alæ suggestui superiori (*flanc haut*) parallelum, in cæteris reatum efficit; fallendisque bolidibus igniariis fossulam, alæ supernæ & linæ defensionis prolongatæ præcingit, 2 profundam, latam 3.

In

TAB. V.
ad A. 1689. pag. 292. sqq. Meth.




Fig. V.






Fig. II

Methodus Villeana



Methodus





In omnibus præterea munimentis, quæ alæ secundæ locum præbent, alam superiorem² versus centrum loci producit: quod tormenta p. 71. eo collocata defendendis operum externorum recessibus (*retranchemens*) & facies oppositi propugnaculi, dejiciendis vero aggeribus hostilibus, viæ rectæ imminentibus, conducant. *Lorica Villeana* p. 74. quatuor pedes altæ vitium accusat; suam vero sex septemve pedibus attollit, cum uno duobusve scabellis, crassamque facit 20 pedes: quod ne directioni jactuum ex alis & faciebus incommodet, vel loricas desuper tanto magis versus oppositas facies inclinari, vel earum scabella levare tantisper debere indicat. *Propugnacula cava* p. 78. plenius præcellere arbitratur, recipiendis validis recessibus: *illorum* p. 80. *vallum*³ supra horizontem loci eminet; cortinæ², ut collibus tormentariis superimponendis aptum sit. *Antoris* autem *propugnacula* nec plane solida sunt, ut *Villei*; nec plane cava, ut *Vaubani*: quæ recessu insuper firmat, forcipulæ figuram referente, cujus frons totam propugnaculi latitudinem occupat, facies vero alis¹⁴ defenduntur; explicatque cæteras ejusdem conditiones & commoda. In munitionibus a solo excitandis *plateas* ita disponi jubet, ut adificia a tergo cujusque propugnaculi recessum forment, æque validum ac opus cornutum parmula armatum: (munitionum vero minorum quadratarum & pentagonarum, ubi colli angustia hujus formæ recessus non admittit, Autor propugnacula duplicat.) *Con-* p. 82. *tracuniculorum* hætenus usitatorum defectibus corrigendis, binas eorum formas alias, expositis earum rationibus profert. *Fossa* latitudinem versus angulum propugnaculi constanter facit², estq; ea p. 86. vel parallela rectæ, ab angulo alæ & cortinæ ad angulū propugnaculi oppositi ductæ; vel ductis rectis a contiguorum propugnaculorum angulis ad angulos humeri oppositos, a puncto intersectionis earum, lineis faciei utriusque propugnaculi parallelis determinatur; priorem tamen rationem potiorē habet: profunditatem ejus ante cortinam⁴ majorē periculosam existimat, ante facies non perinde. *For-* p. 99. *sulas depressiores* (*cuvettes*) pariter atq; *fossas anteriores* (*avant fossés*) nisi aqua plenas rejicit: harum tamen exemplum præbet, cujus imum, subducta ab hoste aqua, a lorica viæ coopertæ & vallo defendi possit. *Viam coopertam* equitatu reponendo infra horizontem loci deprimi, contra *Villeum*, inconsultum; eundem vero rectius p. 102. p. 104. p. 106.

Mm

intra

- intra fossam recipi, judicat: angulos etiam illius procurren-
 tes a reliqua parte lorica sex pedes alta præstruataque fossula disjun-
 git: *duplicatam* vero vix cooperta lorica varios ob usus insigniter
 commendat. *Præcincturam valli Paganianam* rejicit; adhibita tamen
 correctione quomodo usurpari possit, comonstrat. Succinctum
 vero valli quadantenus *cortina inferiori* (*cortine basse*) supplet, cujus
 aream (*terreplein*) horizonti ad libellam constituit; lorica vero
 sex pedibus elevat, eamque a cortina superiori diducit, quarum
 tres loricae, reliquæ quatuor areæ hujus cortinae, & declivitati su-
 perioris cedunt. Ante hanc cortinam suam, quam pluribus ex
 causis *Vaubiano* succinctui præfert, ab averfa unius auriculæ par-
 te (*revers d' orillon*) ad alterius oppositæ paralleliter receptum
 (*coffre*) statuit, aliquot pedibus fossa humiliorem, & lorica novem
 pedum testam, eruptionibus promovendis, amoliendisque alæ
 & cortinae inferioris ruinis accommodat. *Colles propugnaculorum*
 (*cavalliers*) secundum usus suos in tres species distinguit, eorum-
 que rationes & incommoda, & quomodo cortinae utiliter super-
 imponi possint, exponit: eorum vicem ipsi aliquam præstat ala
 superior producta. *Portas* munitioni esse vult quam paucissimas,
 in medio cortinae sitas, atque a plateis primariis averfas: de ne-
 cessariis earum partibus & præidiis amplissime, & quod sufficiat
 egisse *Villeum* proficitur; annexa ratione construendi pro eru-
 ptionibus *emissarii* (*poterne*). Circa *castella* urbibus imposita errorem
 notat plerorumque architectorum, eorum defensionem debilio-
 rem atque urbis adjacentis efficientium; cum contrarium fieri o-
 porteat; qua de causa & locum iisdem vendicat maxime validum:
 pro editiori tamen paludosum, si præsto sit, eligit; aut ad ostium
 fluvii majoris per urbem decurrentis. Inter alias *maritimi fortali-
 tati* conditiones & hanc præcipit, ut sua ipsius defensione, non ur-
 bis se tueatur: quo loco obiter vitium notat *castris portus Liburni*.
 Propugnaculorum civitatis, castro utrinque contiguorum, faciem
 alteram castro obversam versus faciem propugnaculi ipsius castri,
 quod extus urbi adsitum est, non ad id, quod intra urbis veluti com-
 plexum hæret, extendit; ut adeo hæc linea formam præbeat semi-
 propugnaculi & cortinae, satis utique defensæ, & aream urbis
 dilatantis.

Ex Ope

Ex *Operibus externis* reprobatur *forcipulas*, quod mediam frontem sive angulum retractum indefensum habeant; nec proinde cum munitiunculis stelliformibus temere, ab Italo quodam, Cometa, architectis & defensoribus suis fatali, comparari assentit. Cæterorum autem defensioni quam optime prospici demonstrat, si fossæ eorum subjectæ sint istibus, ab editiori & suppressiori aggere (*placée haute & basse*) faciei propugnaculorum defendentium; quos hanc ob causam & auriculis instruit tormentum recondentibus, cui torum præstructorum operum latus expositum est, quodque parmula minori, ad angulum colli intra opus externum excitari, hostilibus aggeribus subducit, viâ tectæ incumben-
tibus. Ipsa vero opera non necessario intra jactum sclopeti a munitione interiori consistere, sed exigentibus rationibus longius protendi posse affirmat; dummodo eadem ab aliis externis defendentibus, & hæc porro similiter, majori spatio non distent.

p. 141.


In specie: *Parmulas*, (*ravelins*, *démilunes*) ab autoribus ad *Vaubanum* usque omnibus perperam constructas animadvertit, facieb-
us earum ab angulo humeri propugnaculorum vicinorum productis; & ultra hunc errorem longius adhuc deviasse *Paganum*: Ipse vero lineam dictam § ab angulo illo designat, ita ut suggestus faciei inferior fossæ parmulae exacte respondeat, eamque propugnet. Angulum earum defensum 70° optimum reputat; cujus scilicet defensio minus obliqua sit, quique alas propugnaculorum melius obtuso regat. Post simplices parmulas contemplatur etiam *forcipulatas* & *corniculatas* (*démilunes tenaillées ou accornées*) hoc est quas forcipula aut opus cornutum amplectitur, easque ratione roboris & conditionis suæ inter se comparat. Circa *pratenturas propugnaculorum* (*contresgardes*) Autor Batavorum *lunulas* ridet, quæ nec angulo nec alis propugnaculorum tegendis sufficiant, nec ulli hostem fossam earum invadentem periculo exponant, nisi a granatarum noxa. *Villei* vero *pratenturas*, nec quadrare locis amplioribus, pronuntiat, nec quadrati & pentagoni propugnacula tegere, quorum angulus sit acutus & defensio radens; ipsasque adeo præcipuo suo usu, qui est conservatio alarum propugnaculi, privari. A *Paganianis* vero in eo dissidet, quod angulis propugnaculorum acutis, facieb-
us eorum aut fossæ tunicæ (*contrescarpe*) parallelas non faciat; versus fle-

p. 143.

p. 144.

p. 147.

- xuram enim hujus latitudinem eis largitur 10, versus alas illorum 8 tantum aut 10: deinde alas prætenturarum *Autor* non otiosas, ut *Paganus*, relinquit, sed iisdem auricula instructis, ex averfa ejusdem parte tormento hosti inconspicuo totam parmula faciem denudatam stringit. Pro *operibus cornutis*, tam propugnaculo quam cortinæ præponendis, juxta diversas eorum structuras, regulas tradit, indicatis eorum defectibus, quorum latera vel simplici ala, vel propugnaculo sunt instructa; quibus tollendis, extremos operis in fronte angulos integris propugnaculis firmat. Corrigit etiam cum *Vaubano* antiquiorum errorem, qui operum cortinæ præfixorum alas rectis, ab alis propugnaculorum productis, determinarunt. *Duplicato operi cornuto*, aut *cornuto parmula armato* præfert simplex, quod intra se parmulam simplicem grandiore, aut corniculatam comprehendat. *Operum coronatorum* usum potissimum statuit tegendis duabus cortinis contiguis, quarum defensionis alias duo cornuta paranda essent. *Lorice* operum externorum æqualem atque internorum tribuit crassitiem; *Vallo* vero eorundem dimidium altitudinis valli interioris demit, ut hinc quaquaversum pateat prospectus. *Fossæ* latitudinem ad 10 aut 12 extendit. *Pontes* qui externa opera interiori munitioni jungant, minime necessarios existimat, nisi illa portis civitatis præjaceant: *lineam* tamen *communicationis* concameratam a cortina inferiori aut receptu illi contiguo, subtus fossam intra eadem duci jubet, ne transitus ab aggeribus hostilibus
- Tab. VI. utrique lateri admotis intercludatur. Quæ pleraque ut Lectori vel Fig. I. ut in conspectu sint, munitionis ab *Autore* hæcenus descriptæ, octo-
- Tab. V. gonæ quidem, scenographiam adjunximus, una cum ichnographica Fig. I. II. delineatione munitionum ad regulas autorum sæpius nominatorum exactarum.
- III.
- Cap. III. His præjactis, postquam *Autor* illorum institutum improbas-
- p. 176. set, qui singulas polygoni partes ad certam cum latere ejusdem pro-
- seqq. portionem adstringunt: enumeratas supra partes tum ipsius muni-
- tionis, tum operum externorum, per tria muniendi genera, & pro-
- Cap. IV quibusque polygonis construere docet, subjunctis deinde singulo-
- p. 215. rum mensuris orthographicis (*profls.*)
- Cap. V. Circa *irregulares munitiones*, quarum anguli lineæve me-
- p. 224. thodi regularium plane incapaces sunt, præcepta tradit generalia,
- leges





leges partium munitionis concernentia, quibus deinceps casus earum & conditiones speciales cum rationibus muniendi subiungit. p. 230.

Ultimo *Autor* occupatus est circa muniendi rationes novissime ab aliis propositas, tum etiam a se excogitatas; utrasque a vulgari modo longius abeuntes: & suarum quidem descriptiones rudes tantum lineas esse vult, magis ut commonstret, nondum exhaustum esse aliorum industria hoc argumentum, a se ductas; quam quod spem concipiat, in usum exemplumque aliquando translatum iri. Illarum prima est, cui nomen *ordinis corroborati* (*ordre renforcé*) fecere: de cujus cortina 40 aut 44 introrsum ad angulos duos rectos flectuntur: alæ propugnaculorum, cortinæ perpendicularares, ipsiusque cortinæ, sunt 24; linea defensionis a 150 ad 200 excurrit. Hujus, utut inventoribus suis duplicare robur loci perhibeatur, binas alas *Autor* ultra sclopeti jactum porrigi notat; media tamen & constructionem suppedicat, quibus perfici firmarique ulterius possit. Huic ordini cognatæ aliquo modo censendæ sunt delineationes, quas *Marchi* Italus, in *epitome artificiorum muniendi* proposuit, quarum descriptioni ut supersedere possimus, ipsas & 4 Tab. VI. exhibemus: quarum utraq; hexagoni binas forcipes representat, quarum prioris latus interius est 140, posterioris 120. Circa priorem observat *Autor*, alas secundas cortinæ retractæ ita expositas esse tormentariis oppugnantium suggestibus; tamq; parum idoneas, vel iisdem impugnandis, vel tormentis statuendis adverso propugnaculo defendendo; in polygonis etiam ultra octogonum adeo exilium facierum, ut eidem ordinem corroboratum anteponat. *Posteriorem* ejus census inter opera architecturæ militaris esse sustinet, cujus opera Gothica in architectura civili habeantur: ejus cortinam, ea parte qua solo propugnaculo parvo defenditur, impressio-nibus obnoxiam esse; ipsa propugnacula justis recessibus locum non relinquere; casas armatas & semicollum nimium arctari.

Blondellianam methodum, quam Acta anni 1684, p. 225 compendio referunt, *Autor* eâtenus approbat, quatenus partes propugnacula defendentes insigniter multiplicat & amplificat; immatrem tamen impenfarum, & præcipue tormentorum operarumque tormentariarum, Blondellianis structuris necessariorum summam longe melius collocari posse, persuasum habet. Præter quod ani-

M m 3;

madver-

Cap. VI.

p. 248.

p. 249.

Tab. V.

Fig. IV.

p. 256.

p. 258.

Tab. VI.

Fig. II.

p. 249.

Fig. III.

IV.

p. 259.

p. 260.

p. 260.

p. 262.

madversione digna cenfet: quod 1. alæ ejus non usque quaque jactu sclopeti (juxta suum ipsius axioma fundamentale) defendant; 2. munitiones ejus citra præsidium externorum operum plane imbelles sint, nec etiam parmula & prætentura satis protectæ; 3. facies & prætenturæ propugnaculorum obliquitate sua accessus hostiles parum morentur, adeoque campum subjectum insufficienter stringant; 4. interiora parmula inutiliter excaventur; 5. fossula ejus depressior optatum præbeat nidum cuniculariis; 6. suggestus alarum adeo longi sint & angusti, ut exiguo tempore bombis & bolidibus repleantur; suggestus porro editor (*cavallier*) propugnaculum ita occupet, ut idem impossibile sit recessu firmare. Tandem nec sibi facilitatem persuadere potest *Autor*, qua *Blondellus* locis antiquo more munitis suas construtiones applicari posse profiteatur: cum eadem alis secundis, quibus tamen fere careant, præditas esse supponat; necessumque habeat, pristinas alas dejicere, infinita ædificia demoliri, &c.

p. 252.

Tab. V.

Fig. V.

Autoris nova Opera sunt bina. *Prioris* octogoni ichnographia est fig. 5. Tab. V. In ea alæ sunt 58 (interior 25, anterior 33) linea defensionis 150, facies 42, angulus propugnaculi 75. Ex angulo alæ & cortinæ per extremum alæ oppositæ, recta ducta faciem determinat propugnaculi interioris; vallum facierum anteriorum 2, interiorum 3 super horizontem elevatur. Fossa a planta anterioris alæ 4 profunda est, inde leni acclivitate assurgit, ut pone cortinam 1 tantum alta sit. Suggestus alæ anterioris inferior fossam 2 supereminet; superior vero ad horizontem finitur, arcumque 4 1 complectitur, & ante se fossam habet 3 latam profundamque; reliquum propugnaculi, retro suggestum superiorem, altitudine suggestui inferiori responderet. Suggestibus alæ citerioris concavis convexus arcus præcingitur, 1 depressior suggestu inferiori, reponeendis sclopetariis. Receptus cortinæ parallelus, ab eadem cum averfa auriculæ interioris parte æquidistat. Fossa ad modum supra memoratum secundum ducitur, ante facies propugnaculorum 16 vel 20 lata; hujus declivitatem exteriorem succinctus (*Paganiano*, nisi qua hic deficit, non abfimilis) ambit, cujus alæ ab angulo alterius succinctus opposito non ultra 150 absunt: hunc non minus oppugnantibus facessere negotii contendit *Autor*, atque præstantiores munitio-

munitiones possint. Contra cuniculos omnibus faciebus & auriculis substruit, detegendis non solum hostium similibus machinis, sed & evertendis ope furnulorum (*fourneaux*) ejus receptibus, sub ruinis succinctus valli anteriorisque propugnaculi. *Posterioris* scenographiam Fig 5, Tab. VI. adjunximus, ex qua & hactenus dictis ea facile intelligi potest: habet vero facies *priori* longiores, parmulae tanto fortius defendendae; alasque minus inclinatas, minusque suggestibus hostium ex obliquo obnoxias. Utriusque cum Blondellianis comparationem longum foret hic enarrare: quam, ut & cetera, quae pleniori eorum descriptioni desunt, *Autor* B. Lectori non ingrata brevitate suppeditat.

Tab. VI.

Fig. V.

p. 267.

DE ARTE EXCERPENDI LIBER SINGULARIS, una cum historia excerptorum propriorum
Vincentii Placcii, Hamburgensis. Accedit Invitatio amica
super symbolis promissis aut destinatis ad Anonymos & Pseudonymos suos.

Holmiae & Hamburgi, apud Gotfr. Liebrecht, 1689. in 8.

QUAM sollicitè priscis temporibus, quae lectu & memoratu digna fuere visa, in memoriales quos vocant libellos seu adversaria, a studiosis literarum relata sint, vel Plinii majoris exemplo patet, quem *nihil legisse quod non exciperet*, nepos ejus lib. 3. ep. 5. narrat, qui de suo etiam Livii historiarum libros excerpenti studio lib. 6. ep. 20. mentionem facit. In artem redigere hoc studium, ac certos modos, quibus memoriae consuli & potiora e libris decerpi ac colligi possent, complures studuerunt: quorum rationes expendens, earumque quae praestet ac reliquis commodior sit examinans, in literis concinnandis ac curiose scrutandis industrius vir *Valentinus Placcius*, quam commodiorem & accuratiorem invenerit, hoc libello docuit, ac praecepta artis tradidit, verborumque ac rerum locos communes qua ratione quis adornare optime possit, adjectis figuris ostendit, *scrinium* etiam *literatum*, cujus inventum e Joh. Adolphi Tassii schedis ad se pervenerat, & arcularum ei inservientium rationem monstravit; ac quem ipse per triginta & amplius annos in excerpando tenuerit, laboriosum sed utilissimum modum, proluxa

prolixa epistola p. 184. & seqq. exposuit, juventutis arbitrio relinquens, num hostramites cupiat sequi, quibus instituisse ipsum non poenituit.

Libro *de arte excerpendi* subjunxit prolixam epistolam, quæ de literarum cultu meritissimum virum Ant. Magliabechium, & alios eruditione ac literis insignes viros rogat, ut institutum suum recensendorum Anonymorum & Pseudonymorum collatis symbolis juvent. Nimirum anno 1674 *de scriptis & scriptoribus anonymis atque pseudonymis* syntagma emiserat, in quo circiter sesqui mille omnis generis, argumenti, linguarumque scripta, partim nullis, partim falsis nominibus præfixis edita, veris auctoribus vindicavit, & qui isti sint indicavit. Sed dum quindecim ab editione sylloges istius effluxere anni, plures anonymos pseudonymosque deprehendit, quorum illis verum nomen reddere, his larvam detrahare studuit, inque commentarium hæc reperta retulit. Qui ut majori apparatu instructior prodeat aliquando in publicum, omnes in orbe eruditos rogat, symbolas conferre ne graventur: quod præ cæteris Illustrem Magliabechium posse persuasus, illum potissimum rogat, ut desiderio huic satisfaciat. Cumque intellexerit, virum omni elegantiori literatura instructissimum *Adrianum Bailletum*, Bibliothecæ Lamoignonianæ in urbe Parisiensi præfectum, in eodem argumento versari, & de auctoribus personatis (*des auteurs déguisez*) commentarium moliri; eundem compellat rogatque, ut opus istud tam egregium collectaneis, quæ Auctor ipsi transmissurus esset, augere velit, totum edendi operis sui onus in Bailletum derivaturus. Sed postquam ex eodem cognovit, ipsum non Latina sed Gallica lingua opus suum esse conditurum, nec anonymos, nec plagiaros, ac ne omnes quidem pseudonymos recensiturum, sed illos duntaxat scriptores detecturum, qui dolo malo, scientes fucum in adsciscendis nominibus alienis facere tentarunt; adigi se animadvertit, ipse ut proposito insistat, & quæ de pseudonymis ac anonymis collegit, quorum numerum in schedis suis jam ultra quartum millenarium excrevisse affirmat, in publicum edat. Cui studio juvando socias & subsidiarias operas a quibusvis per orbem eruditis hac Invitatione clarissimus *Placcius* poscit.



ACTA ERUDITORUM

publicata Lipsiæ

Calendis Junii, Anno MDC LXXXIX.

*VITI LUDOVICI A SECKENDORF EQ. FR.
Conf. Sax. Int. Supplementum ad Librum primum
Commentarii Historici & Apologetici de Lutheranismò, maxi-
mam partem ex Archivis & MSS. collectum, & Tomo Se-
cundo Operis, loco speciminis & prodromi
premissum.*

Lipsiæ, apud Joh. Frider. Gleditsch, 1689, in 12.

Illustris Autor, promissi memor, continuationem operis sui de
Lutheranismò, non parvo labore moliens, impedimenta tamen
habuit, per quæ absolvere *Tomum Secundum* destinato tempo-
re non potuit. Moram itaque in præloquio hujus libelli excu-
sat, & spem facit fore, ut *Tomus iste*, quem magna ex parte affectum
habet, egregiis documentis locupletatus, in lucem prodeat, simul-
que indicat, unde *Supplementa*, quorum specimen nunc edit, hau-
serit aut adhuc expectet. Laudat inprimis Serenissimorum Saxo-
niæ Ducum Archivum, quod *Vinariæ* commune habent. Ex hoc
ad supplendam priorum annorum historiam, quam in *Actis nostris*
A. 1688 p. 1 & seqq. enarravimus, nunc producit lectu dignissima,
quorum pleraque nunquam edita fuerunt. Confidit igitur, gra-
tum fore hunc libellum, quem exiguo sumtu parare & paucis horis
pervolvere, quibus id lubet, poterunt, indeque judicium facere,
quantum intersit, num ex authenticis documentis, an ex dudum
vulgatis, commentarii scribantur. Cætera quæ ab Autore Illu-
stri intenduntur & desiderantur, ex præfatione cognosci præstat,
quam prolixius a nobis hoc loco enarrari. Accessit in fine
Index corrigendorum in Libro I, quæ Autor ingenue & denuo profi-

N n

teri

teri maluit, quam cum veritatis detrimento dissimulare. Si qui sunt, qui monumenta habent, quibus laborem hunc juvare possint, ab illis ad operis majorem perfectionem opem petit. Hanc enim ætatem, juvante Deo, magno cum studio ad exequenda, quæ destinavit, impendet, ut anno sequenti, tum Supplementum hoc, cum accessione insigni recudendum, Tomo secundo inferi posset, tum hic ex ingenti MSS. numero ita elaboratus exeat, ut in hoc scribendi genere eruditis & æquis lectoribus placere possit, & si qua Libri I editione æstimatio acquisita est, secundi publicatione non immi- nuatur.

*ULRICI HUBERI, SUPREMÆ FRISIORUM
Curie Ex-Senatoris, Praelectionum Juris Romani &
hodierni Pars II, quæ est ad Libros undeviginti priores
Pandectarum.*

Franequeræ, apud Henr. Amama & Zach. Tadmam, 1689, in 4.

Praelectionum harum Partem I in *Actis anni proxime elapsi, Mense Septembri pag. 464 seqq.* jam tum commemoravimus, pluribusque ibidem tam de Autoris Consultissimi scopo, quam operis ipsius accuratissimi methodo disseruimus: quæ adeo singula hic iterare non erit opus; cum quæ ibi relata sunt, huc pariter quadrent. Id modo lectorem denuo monitum volumus, ipsum Pandectas ita sibi tractandas proposuisse, ut quæ in parte prima, nempe ad Institutiones dicta essent, eadem scribendo aut explicando non repeteret, nisi quatenus rerum connexio id efflagitare videretur. Quemadmodum vero nova hæc & secunda Praelectionum Pars cum priore illa id commune habet, quod utrobique id imprimis ædum appareat, quo jus antiquum eo modo traderetur, ut in id, quod nunc usu servatur, desineret; ac vicissim, ut jus hodiernum ex fontibus suis, hoc est, ipsius antiquæ doctrinæ principiis educeretur, & ex humanioribus etiam disciplinis illustraretur: ita posterior hæc, quæ Pandectas respicit, sectio id præcipui habere videtur, quod in ea Nobilissimus Autor Jus Romanum ea ratione proponere fategerit, ut institutio ejus academica magis ad fori disciplinam utilis esse posset: hoc enim ut in prima Praelectionum parte, quæ est ad Institutiones, etiam

etiam quodammodo in conspectu habuerit; hic tamen, quia Pandectarū auditores iudicii fere maturitate & spe propinquiore tractandis rebus, studiisque suis ad usum deducendis admoventur, apertius id agendum arbitratus est: ut adeo hoc pacto & studiosi una cum fundamentis theoreticis usum eorum anticiparent, & qui jam fore se commisissent, dum exempla tractatusque rerum, quæ hic commemorantur, legunt, ad theoretica principia revocarentur, intelligerentque, nullam praxin nisi ex theoria profluentem dari. Quo etiam nomine imprimis commendat *Antonium Merendam*, Italum, eique præ aliis plerisque hoc intuitu palmam adjudicat; quod ipso fere nemo felicius acumen theoreticum iudicio conjunxerit practico: sententiasque forenses ex intima juris ratione potius, quam auctoritate Doctorum infinitisque citationibus deduxerit. Ut vero hoc ipsum tanto felicius præstaret Noster, passim id operam dedit, ut sententias notabiliores historiis rerum judicatarum explicaret: quæ quidem præjudicia hic commemorata omnia, paucis exceptis, post tempora *Sandii*, *ICri* egregii, prodierunt ex eadem, cui ille interfuit, suprema Frisiz Curia, jurisdictionis, ut ait, amplitudine causarumque varietate & multitudine nulli secunda; e quibus proinde decisionibus, cum hæcenus nondum innouerint, insigniores aliquas, uti alias facere suevimus, in lectorum gratiam exempli loco excerpere hic & communicare, non erit ingratum. Sic v. g. iudicatum refertur, dignitatem Locumtenentis in centuria militari non tollere patriam potestatem, *pag. 54.* Magistratus municipales de injuria suis personis, etsi in officio illata, ipsos judicare non posse, *pag. 97.* Credita summarum potestatum ex conventionione publica non esse subjecta arresto, *pag. 113.* Eum, qui in causa arresti concludit, ut arrestum declaretur validum, neque simul, ut sibi ex re arrestata satisfiat, ipso jure nihil agere, *pag. 115.* Pactum de futura successione, consentiente eo, cujus hereditas expectatur, initum, contrario ejusdem testamento posse abrogari, *pag. 146.* Pactum desistendi a lite, data valde modica pecuniæ summa in memoriam defuncti, non esse transactionem, sed potius pactum remissorium, nec adeo rescissioni propter læsionem obnoxium, *pag. 150.* Enarratis in transactione speciebus controversiarū & subjecta clausula, quod partes ab omnibus litigiis desistant, posse tamen moveri

litem de rebus in transactione non commemoratis, *pag. 158.* Juramentum, quod Advocati in suprema Frisiæ Curia præstent, permittere iis in causa, quam ex postfacto malam esse reperiant, continuare, modo nil dicant in ea vel scribant, nisi quod eis expresse a partibus demandatum, *pag. 165.* Condemnatum injuriæ, licet atrocissimæ, non fieri infamem, nisi id fuerit in sententia expressum, *pag. 171.* Moribus hodiernis, & in integrum restitutionem, & actionem de dolo contra parentes dari, *pag. 215.* Judicem, qui est frater aut parens Advocati in causa, non posse ideo reculari, *pag. 241.* Si mulier nupta cum marito subscripserit chirographo, & vir solus dein suam manum agnoverit, hoc ad condemnationem mulieris etiam, cujus ille legitimus curator est, respectu sufficere, *pag. 253.* Uxorem dissidentem & seorsim habitantem a viro, tamen eidem, quod vir habet, foro subjectam esse, *pag. 260.* Prodigos ratione fori habere privilegium miserabilium personarum, *pag. 271.* Personam miserabilem, quæ cessionem habeat a non miserabili, gaudere tamen privilegio fori, *pag. 272.* Viduam non posse exercere idem privilegium contra minorem; posse tamen contra militem, *pag. 273.* Prohibitionem factam testamento, ne pater habeat usumfructum bonorum filio relictorum, non pertinere ad legitimam filio relictam, *pag. 290.* Hereditatis petitionem non dari adversus eum, qui se dicit heredem, nec tamen ullas res hereditarias possidet, *pag. 304.* Si prius actum sit iudicio possessorio frustra, deinceps actor obtinuerit in petitorio, fructus venire præstandos, non a prima interpellatione possessoria, sed ab ultima petitoria, *pag. 322.* Emphiteutam teneri ad solvendum vectigal, etsi nihil fructuum ob vim hostilem percipere, nec fundum colere potuerit, *pag. 333.* Heredem, qui promisit, se omnibus testamenti articulis exacte paritutum, non tamen prohiberi exigere cautionem fructuariam in eodem testamento prohibitam, *pag. 358.* Professionem æris alieni ab his, qui sub juramento declarant res hereditarias & in inventarium relatas, non habere vim plenæ probationis, *pag. 406.* Parietem communem alterum sociorum pro sua parte altius tollere posse, altero quoque invito, *pag. 411.* Submissionem sive fori prorogationem factam in instrumento, cui inserta est hypotheca, non præjudicare tertio possessori hypothecæ, *pag. 430.* Eandem factam

etiam a duobus correis, cum tertio contrahentibus, non pertinere ad correos inter se, *ibid.* Asseverationem Mennoniticam, licet conjunctam cum submissione pœnæ perjurii, non tamen habere vim jurisjurandi, *pag. 453.* Ad renunciationem authenticæ, *si qua mulier. C. ad SC. Vellej.* si instrumentum sit publicum & tribus testibus subscriptum, non requiri jusjurandum, *pag. 531.* Mulierem, quæ pro viro intercedens renunciavit SCto Vellejano ea forma, quæ requiritur ad renunciationem *auth. si qua Mulier*, licet ejus mentio facta non sit, non posse tamen beneficio hujus authenticæ uti, *pag. 532.* Eum qui in jus vocatus accipit aliunde cessionem adversus actorem, posse quidem vi cessionis illius compensare, sed teneri ad refundendas actori impensas, *pag. 542.* Procuratorem in rem suam non agere ex falsa qualitate, si præ se ferat simplex mandatum, nulla juris in se translati mentione facta, *pag. 560.* Mercatorem, qui hominibus a se emere consuevis merces aliquas mittit domum, pretiumque in rationes refert, videri habuisse fidem de pretio, nec ideo præferri aliis creditoribus, *pag. 583.* Fratrem, qui vendidit hereditatem coheredi fratri, non teneri ad conferendum ei, quod a communibus parentibus ipse prius accepit; etsi frater emtor id ignoraverit, *pag. 599.* Retrahentem, qui minus offert emtori, quam in instrumento venditionis scriptum est, præsumptione fraudis, si hanc probare nequeat, deinceps quod pretio deest, supplere non posse, sed excidere retractu, *pag. 609.* Post emancipationem tacitam, quæ fit per nuptias, patrem non habere dimidiam ususfructus partem in bonis adventitiis, utut post expressam jus civile ipsi eandem largiatur, *pag. 655.* Sed forte decisionum amœnitate illecti debitos gratæ brevitatis fines jamjam transgressi sumus; quapropter pluribus excerpendis merito super sedemus; maxime cum eadem in peculiari indice uno quasi obtutu in fronte operis exhibitæ reperiantur: quemadmodum & quæstiones juris his in prælectionibus tractatæ, nec non digressiones in varias juris materias data occasione factæ, ut & leges aut illustratæ aut conciliatæ separatis catalogis comprehensæ fiuntur. De Responsionibus ad Scholia Lipsiensia, quæ pariter hisce prælectionibus inferuntur, non est cur dicamus adhuc, cum de iis jamjam ad Partem I loco supra citato abunde egerimus. Nil denique superest, nisi ut accurata hujus operis elegantia capti, No-

bilissimum Autorem publico nomine rogemus, velit quamprimum reliquos etiam triginta & unum Libros Pandectarum similiter collustratos publico largiri: quem in finem perennes ei corporis animique vires, suave otium & fausta quævis cordicitus apprecamur.

ספר בית דוד ושלמה

SEPHER BETH DAVID USCHELOMO;

i. e. Liber *Domus Davidis & Salomonis*, sive Commentarius in *Pirké Abbôth*, autore R. Salomone E. R. Zebhi Hirsch.

Pragz, a. 449, i. e. Christi 1689, in 4.

Inter antiquiores ac melioris notæ libros Judaicos non postremo loco collocari æquum est פירקי אבותר PIRKE ABHOTH, *Capitula Patrum*. Congessit ea anno a Christo nato centesimo trigesimo primo R. Nathan Babylonius, ac in iis tum seriem patrum traditionis non scriptæ enarravit, tum veterum magistrorum sententias morales in synopsis exhibuit.

Placuit viri opus contribulibus ejus tantopere, ut dignum judicarint, quod & *Talmudicis pandectis & libris precum* infereretur. Quin & tot commentariis illustratum fuit hætenus, ut eorum inire numerum perdifficile videatur. Ac Maimonides quidem, Rascbi, itemque Ephraim Orientalis simplicem פירוש (commentariorum) titulum operibus suis imposuerunt. A prudenti autem illa simplicitate proxime recesserunt R. Moses Almosninus, R. Joseph Chajon, R. Samuel de Uzeda, quorum ille commentario suo פירקי משה, alter דאבות מילי, ultimus מדרש שמואל nomen fecit. Remotius illi, quibus non nisi figurata nomina factuum suorum frontibus præfigere libuit. Hujus generis sunt R. Leonis Bezaleelidis דרך חיים, R. Isaaci F. Salomonis Jaebez חסד אבותר, R. Josephi Eliæ filii יוסף יוסף, R. Salomonis Isaacidis Levitæ רב אבות אבות יהודה, R. Judæ, Samuele Lerma Hispano nati לחם יהודה, R. Jechielis filii R. Jedidiz מנחה חדשה, Don. Isaaci Abrabanelis נחלת צבי, R. Zebhi Hirsch filii R. Simfonis Zuchsihrer נחלת צבי אבותר, R. Elchananis Filii Bezaleelis Uri Lipmanni קרית חנניה, alii, Nec

Nec paucos novimus Christianos Judæorum æmulos, qui & libri hujus versionem, & in illum commentaria Latino idiomate adornarunt, quales sunt celeberrimi viri, Paulus *Fagius*, J. *Drusius*, Fr. *Taylorus*, Joh. *Leusdenius*. E nostratibus Georgius Henricus *Lehmannus*, vir nobilissimus, *Capitula* illa Ebraice & Germanice cum *notis* Germanicis prolixis, ac varia eruditione refertis, Lipsiæ A. 1680 in octava forma edidit.

Nuperrime tandem novam lucem Nathani Babylonio accendere studuit R. *Moses*, R. Isaaci *Sprinkes* Cremnicensis, (אב"ד ור"מ רן שינאווי) Archisynagogi Genevensis filius. Is enim, cum forulos soceri sui R. Davidis (authoris טורי זרוב) excuteret, forte fortuna incidit in R. SALOMONIS filii R. Zebhi *Hirsch* *commentarium* MSCum in *Pirké Abbóth*. Huic ab autore *Salomone*, & *Davide* socero suo, nomen *Domus Davidis & Salomonis* Moses petiit, ac Pragensibus typis exscriptum cum pluribus hoc ipso anno communicavit. Quamvis autem scholiastes ille nihil fere novi, post tot tantosque supra laudatos viros attulisse, & fortassis in suum magis, quam aliorum usum scripsisse videri queat, cum tamen laude sua minime privandum esse opinamur, cum & brevitatis ac perspicuitatis studiosum, ac ab allegoriis longeve petitis digressionibus alienum deprehenderimus.

COLLEGIUM CHYMICUM CASP. CRAMERI

Med. D. & P. P. Erfurt. quinque dissertationibus editum a Jussu Vessi Med. D. & P. P. in eadem Academia; cuius additur Observationum Medicarum rariorum Decas prima.

Francofurti & Lipsiæ, ap. Joh. Jacobum Erthy 1688, in 4.

Chymicæ artis nobilitate & utilitate adductus Cl. *Vessi*, suam pariter ad limatius illam excolendam conferre symbolam decreverat. Elegit igitur regulas, quas olim *Cass. Cramerus* juventuti ad intimiora ejus penetralia admittendæ in collegio quodam chymico præscripsit. Quamobrem id ex pulvere in lucem protraxit, concinno ordine disposuit, & notis suis illustravit. Dissertationibus quinque rem proponit, quarum prima fermentationem in genere, & varias res naturales illarumque affectiones refert, adeoque &

que & generalia physices principia stabilire satagit. Itaque chymiam cap. 1. artem dicit, quæ per fermentationem corpora varie alterare possit. Alterationem vero hanc vel in usum pharmaceuticum, vel mechanicum, vel physicum terminari asserit. Fermentationem illam, non tam chymicam, quam naturalem, per actionem spirituum influentium in spiritibus insitis, ad generationis, nutritio- nis & transmutationis finem, definit. Spiritus influos esse substan- tiam ætheream, subtilissimam, summe activam, & prosapiam pri- migeniæ lucis, in se indeterminatam, sed ad recipiendas & ulterius continuandas formas spirituum insitorum apti simam. Illos esse vel universales, qui determinationes suscipiant, vel particulares, qui susceptas propagent. Spiritum insitum existimat ejusdem cum illo essentiz, sed cum materia jam concretum, salinam primigeni- am substantiam, quæ ab aliis natura, archæus, astrum &c. nomi- netur. Hunc vel indeterminatum in sale universali contineri, vel jam ad quævis mixta specificè accommodatum esse. Ab his spi- ritibus concurrentibus oriri in aqua & aere fermentationes univer- sales, a quibus omnes particulares dependeant, & sal quoddam naturæ produci, sine cujus accessu illæ pessumirent, & quod expro- pter insitum pariter & influum sit. Memor deinde, se spiritus lucis primigeniæ prosapiam appellasse, cap. 2. iisdem lumen asserit, in- primis quod omnes spirituum affectiones in luce contineantur, ei- que convenient. Lucem hanc non incongrue astris ascriptam, cum sit in rebus, specificas iisdem formas tribuere, hinc influentis affluxu restaurari, & ex rebus quandoq; collisione elici tradit. Cap. 3. magnetismos a salu horum, insiti nimirum & influentis, similitudi- ne derivat; quatenus hoc elatere quodam expansivo propulsum, non nisi ad ea loca, ubi simile illud reperit, & elatere minus efficaci renitens, secedat. Postea exemplis ea illustrat, & salis sui origina- lis existentiam probatum it. Recensitis igitur fermentationis prin- cipiis activis, spiritu scilicet & sale, illum ignem non urentem, hoc terram (non vero communem, utpote ob particulas heterogeneas elementi nomine indignam) nuncupat. Subjectum alterationi obnoxium passivum, aquam dicit & aerem. Adeoque hæc cap. 4. quod elementis destinavit, examinat. Etenim aquam materiale e- lementum unicum, argumentis ab Helmontio & Boyleo mutuo acceptis

acceptis innixus, pronuntiat. Quandoquidem vegetabilia sola aqua succrescunt, hæc vero in sal, oleum, terram &c. mutantur, imo omnia fere concreta in liquores resolvi possunt. Quippe nec aerem ab aqua ratione materiæ discrepare, nisi quod in hac atomorum ærtior, in illo laxior cohesio sit. Hinc enim, quod illa dissolvi valeat, aerem ex aqua generari, nec hanc continuo illius affluxu indigere. Atomos igitur, seu insectiles Democriti particulas admittit, & probat; aeris elasticitatem atque gravitatem, quibusdam recentiorum scriptorum experimentis asserit, & regulas motuum, & cohesionum inde dependentium tradit. Dissertationis IIæ cap. 1. vulgaria principia chymica examinat, ex quibus mercurium cum spiritu suo, salem vero eorum cum suo, spiritus hospitio, comparat. Sulphur vero non systaticum cum illis principium, sed utriusque actionem tantum cum Marco Marci proclamat; cum sulphur ex concretis vi ignis progenitum, nomen principii non mereatur. Cap. 2. contra Sylvianam, & Tachenii, aliorumque, qui acido & alcali patrocinantur, hypotheses disputat. Quibus præmissis, varia fermentorum genera exponit, & quidem cap. 3. de igneo, utpote potiore, agit. Hoc per spiritus luminosi vorticem quandam, in spiritum resinosis & oleosis insitum influentem describit. Lumen vero ab igne non differre, nisi modo & compactione, putat; siquidem ignis dispersus lumen sit, lumen vero, sive radii conjuncti, v. gr. in speculo ustorio, ignem constituent. Lumen hoc aliud nobis amicum atque intimioris admissionis esse, aliud vero contrarium. Illud in exsuscitatione spiritus nostri; hoc in constrictione illius consistere: ut exinde illud caloris, hoc frigoris nomine veniat. Lumen hoc quoque infrigidans, tenebricosum seu tenebras, & naturæ lunaris appellat, quemadmodum illi igneam & solarem naturam tribuit. Ab hujus elatere expansivo corporum rarefactione, ab illius constrictione eorundem firmitatem & connexionem derivat, atque utriusque concreta sub hisce modis alterandi vim enarrat. Enimvero sicut fermentum hoc igneum omnia tria regna invadere potens est; ita duo alia recenset, quibus tantum animalia & vegetabilia, utpote laxioris, oleosæ scilicet & humidæ texturæ, pareant. Cap. igitur 4to agit de vinoso, quod vegetabilia potius, & cap. 5. de putrefactivo, quod animalia inprimis aggreditur. Copiosum quippe in illis acidum, spiritum

O o

æthere-

æthereum figere in oleum, & attenuare in spiritum ardentem; hæc vero acido destituta ætherem dimittere, ut in putredinem resolvantur, & si quid oleosi subfit, in alkali facessat. Dein per quam utraque hæc fermentatio instituat, & quomodo pro concretorum diversitate variari debeat, edocet. Cap. autem 5to mediam etiam quandam admittit de utraque participantem, illamque exemplis ab urina & lacte defumtis explanat. Cap. 6to metallorum & mineralium ab aere mutationes, salium volatilium cum fixis combinationes, mercuriorum ex metallis eductiones, horum per aquas fortes solutiones, transmutationes, tandem & exaltationes fermentationis quodam modo contingere proficetur, & variis instantiis roborat. Transitus hinc ad operationes chymicas facturus, dissertationis III cap. 1. eas in tres classes dispescit. Alias aliquid a subjecto separare, alias illud per ignem immutare, alias compositas pronuntiat. Ex istis alteram humidam vocat, distillationem scilicet & digestionem; alteram siccam, nimirum sublimationem. Illis calcinatione & liquefactionem attribuit. Sub his denique solutionem, partim impræcipitabilem seu radicalem, partim præcipitabilem, item solutorum combinationem comprehendit. Proinde cap. 2. a distillatione orditur. Illam variare furnorum, vasorum & ignis adhibiti ratione, per exempla declarat. Ex illis, quæ distillatione producantur, cap. 3. primas tribuit aquis. Ubi non genuinum tantum eas eliciendi modum, sed varia etiam circa illas præjudicia & errores delineat. Pariter cap. 4. in spirituum & oleorum quorumvis distillationibus modos concinnos, enchireses congruas & cautelas non inutiles describit. Diss. IV. cap. 1. digestionem, eam vero tantum humidam; cap. 2. sublimationes salium volatilium, sulphurum, florum mineralium, item mercuriales; cap. 3. calcinationem. & per hanc salia fixa vegetabilium (quæ specificam herbarum virtutem retinere affirmat) & animalium, calces mineralium & metallorum &c. conficiendi modos selectiores tradit. Dum dissertat. V. seu ultimæ cap. 1. de liquefactione agit, vegetabilium salia facile, animalium contra difficulter aut nunquam in vitrum converti asserit. Vitra mineralium pariter atque metallorum, & circa gemmarum originem, confectionem; & tincturas quædam exponit. Metallorum liquationes, depurationes, probationes, reduci-

reductiones, & in regulas mutationes docet. Cap. 2. de solutione, quæ opæ menstruorum peragitur, disserit: & quidem hanc fieri ait, quod illa poros concreti subeant, & vim cohesionis destruant. Hinc menstruorum universalium, & ex his primo Alkahesti historiam enumerat, & ejus existentiam admittit. Postea menstruum quoddam æthereum, quod in aere, aqua, terra contineatur, statuit, & de menstuis spirituum nitri, vitrioli &c. æthereis loquitur. Alkalica, sulphurea & acida menstrea particularia vocat, quod extimam tantum concretorum superficiem recludant, & quæ illis auscultant, explicat, ubi simul de tincturarum extractionibus verba facit. Cap. 3. de præcipitatione, & variis soluta a menstribus liberandi modis, item de unitorum fixatione & concentratione agens, operi huic chymico colophonem imponit. Sane pleraque Autoris limatum judicium, & diuturna laborum chymicorum experientia locupletem eruditionem abundanter testantur.

Altera hujus libri parte Cl. *Vesti* observationum medicarum rariorum decadem exhibet. Obs. 1. ut paucas indicemus, glandulam pinealem lapidibus viridibus refertam; glandulas ventriculi in humano subjecto satis conspicuas; ductus epaticum & cysticum valvulis bilis ex intestinis regurgitationem impredientibus instructos: Obs. 2. strumam in viro pituitoso unico mane desubito ortam: Obs. 3. vermium quadrupedum instar lacertæ, in vetula reptorum, & ejectionum historiam refert.

DE INVENIENDA CUJUSQUE PLANI DECLINATIONE, ex unica observatione projectæ a stylo umbra, per I. B.

PRO hac inveniendi varii varias dederunt methodos. Sed cum ad artis perfectionem conducatur, in re præsertim non adeo facili & obvia nosse vias plurimas, quibus eadem conficiatur, exponam hic modum, quo declinatio plani cujuscunque, ex unica observatione umbræ in illo projectæ, mediante tamen Solis Azimutho reperiri possit. Quem quidem modum ut omnibus accommodarem casibus, sequenti typo inclusi:

In Plano proposito ducantur duæ lineæ rectæ, una horizontalis,

lis, altera perpendicularis, priorem ad angulos rectos secans; in intersectione linearum erigatur stylus notæ longitudinis normaliter ad planum, & splendente Sole notetur longitudo umbræ de illo sparsæ, angulusque quem umbra cum perpendiculari constituit; quibus cognitis, tum declinatio Planî a verticali Solis, tum altitudo Solis, indeque ejus Azimuth, planique declinatio a meridiana investigabuntur, ut sequitur:

Planum autem *Verticale* appello, quod cum Horizonte angulum rectum constituit: *Reclinatum*, quod obtusum: *Inclinatum*, quod acutum.

Inclinationem voco ipsam quantitatem anguli acuti, quem planum inclinatum cum horizonte constituit: *Reclinationem* vero anguli illius obrusi, quem planum reclinatum cum Horizonte facit, complementum ad 180.

Azimuthum Solis est Arcus Horizontis interceptus inter quadrantem Solis verticalem & punctum meridiei; qui arcus quadrantem majorem esse potest.

In omni Plano:

Sicubi necesse est, explorare distantiam Solis a polo plani, fiat:
Ut stylus ad umbram, ita Sinus totus ad Tangent. distantiam Solis quæsitæ.

In Verticalibus:

- I. *Si nulla Umbra:* Planum non declinat a Solis verticali, & Sol est in Horizonte.
- II. *Si umbra perpendiculariter deorsum vergit:* Planum non declinat a verticali Solis; altitudo Solis autem est æqualis distantia illius a polo plani.
- III. *Si umbra cadit horizontaliter:* Sol est in Horizonte; declinationem autem plani a Solis verticali mensurat vicissim ejusdistantia a polo plani.
- IV. *Si umbra cadit inter horizontalem & perpendicularem; & altitudo Solis supponitur quadrante explorata:* erit:
Ut sinus tot. ad tang. perpendicularis & umbræ; ita tang. altitudinis Solis ad sinum declinationis plani a verticali Solis.

non supponitur cognita, utrumque sic explorabitur:

a Ut

α. Ut stylus ad umbram; ita sin. ang. perpendic. & umbræ ad tang. declinat. plani a verticali Solis.

β. Ut sin. tot. ad tang. compl. ang. perpend. & umbræ; ita sinus declinat. plani a verticali Solis, ad tang. altitudinis Solis,

In Reclinationis:

I. *Si nulla umbra:* Planum non declinat a Solis verticali; altitudo vero Solis est æqualis complemento Reclinationis.

II. *Si umbra perpendiculariter deorsum vergit,* erit aggregatum ex distantia Solis a polo plani & complemento reclinationis (siquidem quadrante minus sit) Solis altitudo, nec declinabit planum a Solis verticali: at si aggregatum illud sit quadrante majus, erit ejus complementum ad 180 Solis altitudo, planique facies ab illius verticali abest integro semicirculo.

III. *Si umbra perpendiculariter sursum tendit,* non declinat planum a Solis verticali, sed distantia Solis a polo plani subtracta ex complemento reclinationis, erit residuum Solis altitudo.

IV. *Si umbra cadit horizontaliter, & altitudo Solis quadrante explorata habetur,* erit

ut sin. tot. ad tang. altitud. Solis: ita tang. reclinationis ad sin. compl. declin. plani a Solis verticali.

non habetur per quadrantem, utrumque sic invenitur:

α. ut sin. reclinationis ad sin. tot. ita tangens distantie Solis a polo muri, ad tang. declin. plani a Solis verticali.

β. ut sin. tot. ad sin. compl. declin. plani a verticali Solis: ita tang. compl. reclinat. ad tang. altitudinis Solis.

V. *Si umbra cadit inter horizontalem & perpendicularem, & altitudo Solis cognita habetur,* erit

ut sin. compl. altit. Solis, ad sin. ang. perpend. & umbræ, ita sinus distantie Solis a polo plani, ad sinum anguli, qui ipsam exhibet declinationem plani a verticali Solis (siquidem hæc declinatio quadrante non sit major) secus enim anguli illius compl. ad 180 est quæsitæ declinatio, ubi hæc quadrante excedere debet: quod cognoscitur perpendiculo, cujus umbra si infra lineam horizontalem cadit, indicio est, murum plus 90 declinare.

Si non est cognita, utraque sic investigabitur:

α. Ut stylus ad umbram, ita sin. compl. ang. perpend. & um-

bræ, ad tang. segmenti cujusdam (addendi ad reclinatiōnem, ubi umbra styli supra lin. horizont. spargitur; aut subtrahendi a reclinatiōne, illave minuendi, ubi infra dictam lineam projicitur.)

β. Ut sin. summæ vel residui, ad sin. segmenti modo inventi; ita tang. ang. perpend. & umbræ ad tang. anguli, qui ipsam exhibet declinatiōnem plani a Solis verticali (ubi segmentum modo dictum minus est reclinatiōne) secus enim illius anguli compl. ad 180° declinatiōnem plani modo dictam metitur, sicubi segmentum illud reclinatiōne majus fuerit.

γ. Ut sin. compl. segmenti (modo additi, ablati, minutive) ad sin. compl. summæ vel residui; ita sin. compl. distantie Solis a polo plani, ad sinum altitudinis Solis.

In Inclinationis:

I. Si umbra perpendiculariter deorsum vergit: Planum non declinat a Solis verticali; complementum vero Inclinationis subtractum a distantia Solis a polo plani relinquit Solis altitudinem.

II. Si umbra cadit horizontaliter: Sol est in Horizonte, planumq; stringit; quare declinatio plani a Solis verticali est 90° gr.

III. Si umbra spargitur inter perpendicularem & horizontalem, & altitudo Solis

Per Quadrantem habetur, erit

Ut sin. compl. altit. Solis, ad sin. ang. perp. & umbræ, ita sin. distant. Solis a polo plani ad sin. declinat. plani a verticali Solis.

Si non habetur, utraque sic investigabitur:

α. Ut stylus ad umbram; ita sin. compl. ang. perpend. & umbræ ad tang. segmenti, a cujus complemento ad 180° subtrahatur inclinatio.

β. Ut sin. residui ad sin. segmenti; ita tang. ang. perp. & umbræ, ad tang. ang. declin. plani a verticali Solis.

γ. Ut sin. compl. segmenti, ad sin. compl. residui; ita sin. compl. distantie Solis a polo plani, ad sin. altitudinis Solis.

Exploratis ita Declinatione Plani a verticali Solis hujusque altitudine (unde Azimuthum ejus via communi elici potest)

potest) ita porro Declinatio Plani ab ipsa meridiana investigatur: Observatione facta

Ante meridiem:

- I. Si umbra respectu tui ante planum constituti a linea perpendiculari spargitur dextrorsum: adde Azimuth ad declinationem plani a Solis verticali: Aggregatum (si minus est 90) dat declinationem a merid. in ortum; (si 90) orientale directum; (si majus 90) ejus compl. ad 180 dat declinat. a septentr. in ortum; (si 180) septentr. directum; (si majus 180) demtis 180 relinquitur declin. a septentr. in occasum; (si 270) occident. directum; (si majus 270) ejus compl. ad 360 relinquit declinat. a merid. in occasum.

- II. Si umbra spargitur sinistrorsum: subtractis vel

Declinatione plani a verticali Solis ex Azimutho; (si nihil remanet) est merid. directum; (si quod remanet, est minus 90) declin. a merid. in ortum; (si 90) Orient. dir. (si majus 90) ejus compl. ad 180 dat declinat. a septentr. in ortum.

Azimutho a Declinatione plani a Solis verticali: (si nihil remanet) est merid. dir. (si remanet minus 90) declin. a merid. in occasum; (si 90) occident. dir. (si majus 90) ejus compl. ad 180 dat declin. a septentr. in occasum.

Post meridiem:

- I. Si umbra cadit dextrorsum: subtractis vel

Declinatione plani a verticali Solis ex Azimutho; (si nihil remanet) est merid. dir. (si minus 90) declin. a merid. in occasum; (si 90) occid. dir. (si majus 90) ejus compl. ad 180 dat declin. a septentr. in occasum.

Azimutho a declinatione plani a Solis verticali: (si nihil remanet) est merid. directum; (si minus 90) declin. a merid. in ort. (si 90) orient. dir. (si majus 90) ejus compl. ad 180 dat declin. a septentr. in ortum.

- II. Si umbra cadit sinistrorsum: adde Azimuth ad declinationem plani a Solis verticali: Aggregatum (si minus est 90) dat declin. a merid. in occasum; (si 90) occid. dir. (si majus 90) ejus compl. ad 180 dat declin. a sept. in occ. (si 180) sept. dir. (si majus 180) demtis 180 relinquitur declin. a septentr. in ort. (si 270) orient. dir. (si majus 270) ejus compl. ad 360 dat declin. a merid. in ortum.

Obfer-

Observanda.

1. Non necessum est, ut stylus muro sit infixus perpendiculariter: possumus uti gnomone quocunq; fortuito inserto; dummodo (quod facile fieri potest) determinetur in muro punctum illud, quod omnium brevissime distat a styli apice, & per hoc punctum normaliter agantur duæ illæ lineæ horizontalis & perpendicularis: tum enim distantia inter apicem styli & hoc punctum repræsentabit longitudinem styli, distantia inter punctum istud & extremitatem umbræ referet longitudinem umbræ, &c.

2. Sed nec opus est, cuilibet plano examinando stylum infigere: poterimus instrumento uti ad id jam præparato, omnibusque indifferenter planis applicando, quale ex. gr. pro planis verticali-

TAB. VII. bus esse potest gemina norma ABC & GFE, quarum (vid. fig. 1.) illa sit

Fig. 1. crurum æqualium, & utrique cruri inscriptas habeat divisiones si-
num pro singulis gradibus, sumpta longitudine alterutrius cruris
pro radio; in concursu vero crurum erectum normaliter stylum
AD, cujus longitudo sit æqualis radio. Volens enim explorare de-
clinationem plani verticalis, applica alterutrum normæ hujus latus
lineæ perpendiculari in plano ductæ IH, sic ut umbra de stylo sparsa
AL utrique cruri interjaceat: dehinc volve alterius normæ GFE
crus brevius FE super lineam perpendiculari plani IH sursum deor-
sumve, donec crus longius FG (quod capiat divisiones tangentium
ad 60 vel 70 (vid. fig. 2.) transeat per apicem umbræ; tum enim gra-
dus abscissi FL exhibebunt declinationem plani a verticali Solis: hos


Fig. 2. ipsos gradus numera simul in crure horizontali normæ BAC, atque
in fine numerationis applica illi crus brevius normæ GFE; sic ab-
scindet umbra gnomonis in crure longiori gradus altitudinis Solis.

3. Observatio non instituat prope meridiem, aut Sole mul-
tum elevato, sed duabus tribusve horis ante vel post, tempore & lo-
co, ubi paralleli Solis sunt maxime declives: quia error unius mi-
nuti prope meridiem integros gradus in Azimutho involvere pot-
est.

4. Pro operationis certitudine consultum est, eodem aut dif-
ferentibus diebus illam ter quaterve repetere; cum vix caveri pos-
sit, ne in singulis aliquot minutorum differentia reperiatur: quare
tum inter omnes declinationes mediam assumere expediet.

DION.

TAB. VII.
ad A. 1689. pag. 316. 599.
Fig. 2.



A Fig. 6.




Fig. 3.





Fig. 5.



DION. PAPINI ROTATILIS SUCTOR ET
*Pressor Hasfiacus, in Serenissima Aula Cassel-
 lana demonstratus & detectus.*

Siphonem Wurtembergicum, ex liberalitate & jussu Principis Serenissimi D. D. Friderici Caroli Ducis Wurtembergici Administratoris, in lucem anno 1684 edidit celeberrimus vir Salomo Reiselius D. Consiliarius & Archiater Wurtembergicus: solas autem proprietates novi illius siphonis características ibidem recensuit, neque aperuit causam, cur tales effectus producerentur. Verum, sic jubente illustri Regia Societate Londinensi, machinam ego construxi, quæ iisdem illis in libro enumeratis proprietatibus gauderet; prout videre est in Transact. Philos. Londin. n.º 167, pag. 847, & in Novellis Batavis Mensis Maji, anni 1685: (videatur Fig. TAB. VII. ra 3.) visaque mea descriptione declaravit clarissimus Reiselius, totum rei artificium a me fuisse detectum, Animos mihi addidit tam felix successus; quumque sub auspiciis Serenissimi Principis Caroli Hassiæ Landgravii operari mihi jam detur, *Rotatilem Suctorem & Pressorem* in eodem libro memoratum itidem imitari indubitanter sum aggressus: & quanquam nullam ibi dictæ machinæ notitiam inveniamus, nisi quam ex solo nomine expiscari licet, me tamen hac etiam in parte haud infeliciter divinasse confido. Ac sane quum Marpurgi nuper commoraretur Princeps noster Serenissimus, me jussit Celsitudini suæ quædam exhibere experimenta, quæ novitatis gratia commendarentur; quumque inter ceteras illam, de qua nunc agitur, machinam observasset multis in locis posse esse valde utilem, statim mihi mandavit, ut dictum inventum sedulo publicarem. Sequentem igitur descriptionem, qua potui ingenuitate & claritate exaravi; neq; dubito, eam a Litteratis magno cum gaudio acceptum iri, quum manifeste satis perspicere inde liceat, quod Serenissimus Princeps, quanquam tot tantique momenti curas in res bellicas hisce temporibus quotidie impendat, humaniores tamen scientias & artes solito suo favore ac generositate semper prosequatur.

Machina hæc constat ex unico vase cylindrico exiguæ profunditatis (quale est AAAA, fig. 4.) per cujus centrum transmitti- TAB. VII.
 Pp tur Fig. 4.

tur axis BB, cui infixæ sunt alæ CCCC, quæ a dicto axe ad circumferentiam extenduntur, ipsamque tantum non attingunt; adeo ut immoto vase ipsæ alæ liberrime possint circumrotari. Patet quod si dictus axis una cum alis circulari motu cieatur, simul etiam necessario circumagetur aqua contenta in vase AAAA, ac proinde continuo tendet a centro recedere. Optime enim sub initium Principiorum Philosophiæ observavit Cartesius, hanc esse Naturæ legem, ut corpora omnia motus suos secundum lineas rectas continuare tendant, sicq; fiat in circulari motu continuus conatus recedendi a centro, secundum directionem tangentium circuli. Sequitur ergo, quod si exacte ocludatur vas AAAA, ac relinquantur foramina aliqua prope axem, quæ aquam extrinsecus ingressuram admittant, fiatque in circumferentia aliud foramen, cui applicetur tubus AD secundum directionem lineæ tangentis, sequitur, inquam, quod aqua in vase AAAA circumacta toro suo impetu subingredietur tubum AD; ac proinde ad eam altitudinem ascendet, ad quam corpora ejusmodi velocitate mota secundum illam directionem pervenire possunt. Si igitur velocitas esset percurrendi 32 ped. intra 1, aqua illa (abstrahendo a resistentia aeris) posset perpendiculariter ascendere ad altitudinem 16 pedum; ac si major vel minor esset aquæ velocitas, majus etiam vel minus foret spatium ascensus in ratione duplicata velocitatum (prout demonstrari potest ex Doctrina Galilei in Dialogis Mechanicis.) Facili igitur calculo investigari poterit, qui velocitatis gradus requirantur, ut aqua ad optatam quancunque altitudinem possit assurgere. Quumque in infinitum augeri possit velocitas, nulla potest dari tanta sublimitas, ad quam machinæ hujus ope perveniri non possit, modo vires suffecerint, & a resistentia aeris abstrahatur.

Valde commodum foret hoc inventum, non solum ad decorandas villas amœnitatis gratia extructas, ubi possent pauci homines ejusmodi machinas exercere, atque insignes aquæ saltus, quando & quamdiu liberer, in locis etiam excelssimis exhibere: quumque simplicissima sint hæc instrumenta, neque ullis deductoriis tubis indigeant, vix ullus requireretur sumptus, præterquam ad conscien-
da receptacula, quæ aquam semel in altum delatam ad saltus & cir-

cuius

cutus omni data occasione iterandos conservarent: verum etiam utilissime adhiberentur hæ machinæ ad restinguenda incendia, atque aquam e longinquo & copiose immittendam, quocunque necessitas exigeret: unicuique vas cylindricum, cujus diameter esset unus aut alterius pedis, profunditas vero unicum digitum æquaret, cum alis paratu facillimis, plus posset præstare, quam quævis machina hæctenus ad ignem restinguendum comparata: etiam si plerumque instrumenta illa constent ex duabus antliis satis amplis, quibus aptata sunt duo pistilla, quæ per totam longitudinem apprime congruere debent, cum quatuor valvis affabre etiam elaborandis: ut raceam quod si vel hæc vel illa per sordes aliquas impediatur, quo minus claudatur exacte, sæpenumero fiat, ut maxima parte optati effectus frustremur. Possent etiam novæ hæ machinæ, utpote exigui sumptus, in multis hortis adhiberi, ad aquam tempestare calida & sicca inspergendam.

Ad Instrumentorum horum usum, facillimū juxta ac tutissimum foret ipsa in aquam immittere, ut foramina prope axem infra superficiem demergerentur, atque ita aqua proprio pondere sine suctione posset ingredi. Verum tamen, si ita res postularet, possent etiam hæ machinæ in loco commodo supra aquam elevandam collocari, prout videre est fig. 5, in qua exhibetur vas A A A A undique clausum, foraminique prope axem ab anteriori parte adferruminatus est tubus P P, adeo ut pars ejus inferior immersa aquæ elevandæ ipsam necessario sugere debeat, ad replendum spatium ab aqua per tubum A D erumpente derelictum; modo machina eo impetu exerceatur, qui columnam aqueam altitudinis P P elevare valeat. Difficultatis tamen aliquid reperiretur a parte posteriori vasis A A A A, ubi axis B B pertransit: necesse enim est, ut dictus axis circumagatur, & cavendum tamen, ne per foramen qua transmittitur ille axis, transitum etiam aer inveniat. Si enim intraret aer, non posset aqua per tubum P P attolli: facili tamen negotio superatur illa difficultas coriorum ope, quæ ejusmodi foraminibus applicantur: axis enim cylindricus foramen aliquod in corio dilatans, illud exacte replet & obturat. Verum tamen, quo possit omnis suspicio amoveri, plura ejusmodi coria adhibentur, & facile procuratur, ut spatium inter coria interceptum syrupo aut alio aliquo liquore crasso ple-

num semper remaneat, adeo ut locus ille contra aeris ingressum non minus sit tutus, quam quivis alius in tota machina. Si igitur reliquæ partes eadem sedulitate obturentur, atque axis, ut par est, circumrotetur, necessario sugetur aqua per tubum PP, ac deinde ab alis pressa & expulsa erumpet per tubum AD: proindeque hæc machina, juxta ac Reiseliana, *Rotarius suctor & pressor* nuncupari meretur.

Omitto hic exhibere ligneum apparatus, cui inferenda est ejusmodi machina, quo possit facile & commode in motum cieri: id enim a quovis, pro data occasione, diversimode potest alterari. Atque ego ad primum hoc specimen nihil aliud adhibui, quam vulgarem machinulam, quæ ad nandum usui esse solet. Hujus funem circumvolvo trochleæ RR, quæ axi BB firmiter adhæret: adeo ut circum acta dictæ machinulæ rota, trochlea una cum axe atque alis ipsi affixis necessario etiam circumgyrentur; tumque manifestissime observamus, quod quo major imprimitur velocitas, eo etiam majori cum impetu aqua per tubum DD erumpit.

Cæterum præter utilitates hujus machinæ superius recensitas, adjici etiam possit, quod illa pro præstantissimo folle facile inferviat, ipsique motus a fluviis, ponderibus, aliisve potentiis hujusmodi multo facilius communicetur quam follibus vulgari jam usu receptis. Hic enim ad aperiendum & claudendum follem contrarios motus alternis imprimere necesse non foret: neque opus haberemus corio, quod ab ignis calore facillime vitatur: quumque solus aer, cujus pondus admodum exiguum est, movendus hic occurreret, mediocris aliqua vis motrix sufficeret ad alas machinæ velocissime movendas, vehementissimumque ventum excitandum. Longe tamen plures ex hoc invento utilitates percipi posse judicavit Princeps Serenissimus; sit enim multo sæpius ut aqua per tubos evehenda sit, quam ut per apertum aerem salire debeat. Si igitur legitima proportionem observata parentur tubi, per quos sine ullo impedimento aqua possit ascendere, poterunt illi, ubi res postulabit, inferi aperturæ D, ut per eos attollatur aqua: atque ita usus hujus machinæ occasio multo frequentius offeretur, quam alioquin factum fuisset. Id autem valde optandum esse nemo inficiabitur, quandoquidem admodum simplex est hoc instrumentum, sine frictione partium, nec
vitiatu

vixiatur facile: & hoc igitur præstare me iussit Clementissimus Princeps, neque dubito quin res felicissime cedat: constat enim aquam tubis inclusam æque facile sursum ferri, ac si in aere aperto saliret: quin imo observatur aqua saliens ad eandem altitudinem nunquam pertingere, ac si per tubos ascenderet. Hoc igitur saltem erit observandum, ut tuborum capacitas eadem proportionem augeatur, quæ velocitas aquæ ascendendo minuitur: sic enim fiet, ut eadem aquæ quantitas eodem tempore ubique præterfluat. Facile autem demonstrari potest, quod dictum capacitatis incrementum legitime procedet, si recta AC (fig. 6.) æqualis altitudini ad quam aqua propellenda est, dividatur in partes quotlibet, quales sunt CD, EF, FG &c. ducanturque per puncta divisionis perpendiculares dD, xX, yY &c. sumptaque cD semidiametro tubi in infima parte, fiat EX ad CD in ratione subquadruplicata ipsius AC ad AE: & FY ad CD in ratione itidem subquadruplicata ipsius AC ad AF: sicque deinceps usque ad ultimam TZ, cujus ratio ad CD debet etiam esse subquadruplicata rationis AC ad AT. Sumantur deinde ab altera parte rectæ GA distantia cd, Ex, Fy &c. æquales ipsis CD, EX, FY &c. ductisque curvis per puncta DX, Y, &c. d, x, y, &c. spatium zZ dD erit canon, unde desumendæ erunt diametri competentes variis tubi altitudinibus, dum tornabitur argilla, cui liquefactum metallum ad conflandum tubum circumfunditur. Vel potius, quoniam tubi sic per fusionem conflati nimii sunt ponderis, præstabit tubos conficere quadratos ex quatuor laminis sibi invicem adferruminatis, quæ signatæ atque resectæ fuerint ope canonis alicujus modo supra descripto efformati. Observandum tamen erit, quod ejusmodi laminæ non perpendiculariter sursum tendunt, sed ad ampliandam tubi capacitatem necessario divaricantur: ideoque non sufficit, ut ipsarum longitudo perpendicularem ascensuræ aquæ altitudinem æquet; verum ipsam tantundem superare debent, quantum curva DXY &c. superat rectam perpendicularem æque altam: atque eadem illa observatio in singulis linearum partibus locum habet. Fateor equidem, non posse in principio ejusmodi tubos sine magno temporis & laboris dispendio confici; verum, postquam semel Canones ad varias altitudines parati fuerint, dicti tubi æque facile ferme ac vulgares confluentur. Insigni autem hac proprietate gaudebunt, quod neque

TAB. VII.
Fig. 6.

validitatem, neque magnam in conferruminatione *ἀνεξέστη* requirent, quantacunque sit ipsorum altitudo. Ascendentis enim aquæ pondere nequaquam gravabuntur, quoniam impetus sursum vim gravitatis semper superabit, atque impediet, quominus in tubi latera agere possit. In aliis autem machinis aquam ad insignem altitudinem evehentibus, magna admodum reperitur difficultas in conficiendis tubis, ita validis tamque firmiter adferruminatis, ut gravitatis aquæ intus prementi ipsosque continuo distendenti per longum tempus resistant. Forſan etiam supra dicti Canones facili satis negotio confici poterunt, ope alicujus aquæ saltus, cui, ex parte luci directe opposita, admoveatur planum perpendiculare: ductis enim lineis per margines umbræ in planum projectæ, verisimile est descriptum iri figuram a canone requisito perparum discrepantem. Poterit etiam fabricari instrumentum ad describendam curvam DXYZ: exiguus autem ejusmodi Canon majori construendo facile inserviet, modo exiguus juxta ac magnus in partes æquales dividantur, & earum numerus utrobique sit æqualis: e. g. si minor in 16 digitos; major vero in 16 pedes divideretur. Varia, meæ machinæ ope, circa ejusmodi tubos experimenta, Deo juvante, instituam: ac si quid in praxi, ut fieri solet, inexpectatum mihi occurrerit, publici id juris facere satagam. Spero interim fore, ut Clar. Reifselius dignetur declarare, utrum hic æque feliciter ac in *Siphone Wurtembergico* rem acu tetigerim: aut si quid discriminis hunc inter & ipsius *Rotarilem fultorem & pressorem* intercedat, id non ulterius reticeat; quo possint ex utroque invento majores in orbem utilitates emergere, palamque fiat, quid quisque de publico meruerit.

*IN J. B. APPENDICEM illam AD PERPETU-
um Mobile, Actis Novemb. A. 1688 pag. 592.
ſqq. insertam, Observationes D. P.*

PAucula hic subnectere liceat, quo possint Lectores Hydraulicorum minus periti, ex scriptis circa Perpetuum illud Mobile editis, aliquid tandem percipere, in quo, ex communi disputantium consensu, acquiescant. Observabo igitur, contra quam existimar clarissimus

rissimus Bernoullius, nos in computanda virium machinæ quantitate nequaquam dissentire. Easdem enim Physicas hypothesas, gravitatem aeris, pressionem liquidorum pro ratione altitudinis, &c. admittimus; reliquus autem discursus est pure mathematicus, ac proinde fieri non potest, quin ad easdem consequentias deducamur: & si quæ inter nos oriatur controversia, id ex eo fieri necesse est, quod alter alterius mentem recte non capiat, vel quod ad omnes easdemque circumstantias non attenderimus. E. G. mihi in superioribus objecerat Vir excellens, quod Prisma Pyramidis ejusdem basis atque altitudinis duplum esse statuerem: id autem ex eo factum fuerat, quod ad mea scripta satis non attendisset. Sic etiam me nunc asserere existimat, in proposita machina solam mercurii altitudinem esse spectandam, ita ut consideratio vectis & latitudinis alarum in censum nequaquam venire possit. Si vero Acta A. 1688 pag. 338 attente perlegisset, sine dubio vidisset, me contrarium prorsus tueri. Ibi enim dico, ejusmodi circumstantias mihi favere, esse subsidia, esse suppetias, quas vero omitto utpote superfluas: non me igitur provocasset ad experimentum, de cujus eventu futuro jam prorsus inter nos convenit. Non nego, quin ex ipsius objectionibus viri Hydraulices periti satis eruere possint, unde machinæ vitium demonstrent; verum pauci sunt illi periti, neque examinibus nostris indigent: quumq; expresse asseruisset clarissimus Bernoullius, se ex vectis ratione machinæ defectum deducere; machina autem facili negotio ita construatur, ut nulla ibi vectis ratio haberi queat: Lectores, quibus instruendis scripta hæc destinantur, statim judicassent, corridente præcipuo objectionis fundamento, ipsam quoque objectionem stare non posse. Non igitur immerito metuebam adhuc, ne Publicum spe successus perpetui mobilis in posterum deluderetur. At inquit: alæ folliis non possunt parallelo motu ferri, nisi in ambabus extremitatibus æqualiter premantur: ac proinde sponte rationem vectium induent. Hæc altera inter nos controversia procedit ex altera causa a me superius allata, quod nimirum Vir clarissimus ad omnes circumstantias non attenderit: ejusmodi enim folium alæ per virgas ferreas facili negotio ita diriguntur, ut a parallelismo deviare nequeant, etiamsi in alterutra extremitate multo fortiore quam in altera pressionem

nem

nem patientur. Sic igitur patet, omnes inter nos lites facillime dirimi. Fateor enim, mobile perpetuum valide satis ab eo fuisse impugnatum, pro peritioribus, ut supra dixi: neque proculdubio ipse inficiabitur, quin in meis contra eandem machinam scriptis, quæ tum in Ephemerid. Anglic. tum in Novell. Bat. extant, intentum profus obtinuerim: si saltem ad id animum advertat, quod expressis ibi verbis declaravi; me velle novas machinæ alterationes aliis refutandas relinquere. Superest ut addam, verissimam esse clarissimi Bernoullii observationem, quod si axis motus inter centrum gravitatis & dimidiam machinæ altitudinem applicetur, poterit vasculum ita collocari, ut motus perpetuus inde sequuturus foret, si sola mercurii altitudo spectaretur. Hoc igitur casu aliarum causarum alterutra, ratio scilicet vectis, vel alarum inæqualis latitudo, in subsidium necessario vocanda foret: jamque nullum circa propositæ machinæ futuros successus dubium relictum iri spero; qui fuit utriusque nostrum unicus scopus & finis. Quemadmodum enim ex Novell. Bat. anno 1687 pag. 710 satis patet, de detecti hujus erroris gloria me parum esse sollicitum; sic etiam idem de se asserit clarissimus Bernoullius, facileque fidem inveniet: quis enim miretur, Virum magno cum successu gravioribus intentum leviora parvi facere?

SENTIMENS DES-INTERESSES SUR
la Retraite des Pasteurs de France, &c. i. e.

Judicium integrum de abitu Pastorum ex Gallia, sive
 Examen libri, cui titulus est, *Historia & Apologia recessus Pastorum propter persecutionem Gallicam.*

Daventriæ, apud hæredes P. Hamel, 1688, in 12.

Afflictis addendam non esse afflictionem, vetus & tritum verbum est, verum idem & humanitati maxime conveniens. Agnoscit id libri hujus Autor, ideoque ab initio statim, intempestivi rigoris invidiam a se amoliturus, causas indicat, quibus propositum suum tueatur. Veritum se esse dicit, *primo* ne silentium ad Apologiam pro fuga Pastorum ex Gallia, non ita pridem editam, eo ab adver-

adversariis Reformatæ religionis traheretur, quasi totum Reformatæ Ecclesiæ corpus ejusdem cum Apologista sententiæ esset, & vincula, Pastorum officium adstringentia, plus justo laxaret: deinde ne evenientibus paribus casibus, alii Pastores exemplum Gallorum imitandû sibi proponerent, & rationibus ab Apologista adductis desertionem gregis sibi commissi defendi posse existimarent. Testatur tamen, se fugitivos illos ita respicere, ut ex infirmitate peccayerint, neque ideo commiseratione & auxilio, quod apud externos invenerunt, indigni sint. Optat ut pensiones, quas nunc ab iis, a quibus recepti sunt, obtinent, prænumeratas accipiant, & ad prædicandum sub cruce Evangelium in Galliam redeant.

Liber ipse tribus constat partibus, ad exemplum *Apologia* quæ refutatur. Hanc fateamur ad nos nondum esse perlatam; putamus tamen ex illis, quæ ex ea a Censore referuntur, statum questionis, quibusque argumentis disceptetur, satis pro instituto nostro explicari & intelligi posse. Præfatur Autor censuræ in *parte prima* iterum de intentione sua, & quod minime nocere cupiat exulibus, cum culpam ex infirmitate commiserint, quam forte alii in eodem periculo constituti non magis evitassent. Autorem etiam Apologiz ab eruditione aliisque dotibus non parum laudat, facturus id, ut innuit, apertius & prolixius, nisi vereretur gravem se illi futurum esse, qui latere malit, quam elogiis, licet bene meritis detegi: ad suum vero nomen reticendum causas idoneas sibi esse asserit. In prima hac parte brevis est, cum non multum discrepare se dicat in narratione & judicio de persecutione, contra Reformatos Gallos excitata & peracta. Erratum esse a Pastoribus, cum ipso Apologista observat, quod motam ab initio particulariter adversus cœtus persecutiones, non satis ad animum revocaverint universi, & varietate se decipi passi sint, quia adversus se nil duri statuebatur, etsi cœtibus variz inferrentur injuriæ. Putat igitur, si Pastores pro cœtibus sese satis animose opposuissent, & consilia junxissent, multa non fuisse secutura, quæ secuta sunt, dum persecutores viderent, singulos, eosque maxime qui zelum quendam ostendebant, a reliquis, tanquam importune repugnassent, argui ac deserui. Hoc modo per octodecim aut viginti annos afflictas fuisse unam Ecclesiam post aliam; dein periculum factum esse in subversione integræ *Pisto-*

num provinciarum, ut & postea *Vivarensium*. Quod vero tunc non statim contra reliquas vis adhibita fuerit, in causa fuisse putat Autor, quod tunc Angliæ Rex *Carolus II* adhuc vixerit, qui illam seditiam æquo animo laturus non fuisset. Describit inde artificia Aulæ Gallicæ in mittendis Legatis aliisque emissariis, qui in exterorum aulas perrepentes, falsa persuasione, per multas calumnias, Reges & Principes eorumque ministros implerent, ac si non ob religionem sed ob rebellionem, aliaque crimina in Reformatos animadverteretur; unde factum esse ait, ut initio persecutionis exules parum aut nihil præsidii invenerint. Singulari autem Dei bonitate evenisse, ut e-rumpente postea universali illa persecutione, consilium Aulæ & Cleri patesceret, & exterorum mentes ab omni cunctatione in recipiendis profugis, & maxime Pastoribus, tanto numero adventantibus, liberarentur. Ad extremum autem illum rigorem descendisse persecutores, cum in Anglia regnare Jacobus cepisset, Pontificiis sacris addictus.

Parte secunda iterum in multis consentit Autor cum Apologista; dissentit in sequentibus. Defendit tractatum sub titulo *Epistola captivorum quorundam in Gallia* editum, quem Apologiz Scriptor reprehenderat, injustas captivorum illorum querelas de fuga Pastorum esse statuens. Cenfor itaque iustas esse promuntiat, licet non neget, Pastores fuga illa sua confessionem veritatis edidisse, quosdam etiam martyrii quandam speciem subiisse, carcerem nimirum aliaque mala, antequam exirent, passos, eoque ipso commiserationem & beneficentiam apud externos meritos. Improbat inde methodum Apologistæ, quod præjudiciorum allegatione prius, quam rationum deductione, fugam Pastorum excusare annixus sit. Ostendit ergo diversitatem casuum, quos Apologista de fuga ex sacris literis aut historia veteris Ecclesiæ allegaverat, a Pastorum Gallicorum recessu, eosque non obstantibus mandatis regis obligatos fuisse deternit, ut occulte in Gallia remanerent, vestitur mutato lacebras quærerent, interdiu latitarent, noctu prodirent, fideles visitarent, aut si alloqui eos non liceret, literis aliisque, quibus possent, modis erigerent & consolarentur, & fidem officii sui præstarent, licet id sine periculo fieri nequiverit; hoc enim evitari tandem a fidei Pastoribus non debere. Occurrit objectionibus

bus Apologizæ, quod multi cœtus jam defecissent, nec Pastores suos amplius agnoscerent, neque exempla constantiæ deessent, quibus confirmari, qui sequi vellent, potuissent: modos enim nihilominus superfuisse, & obligationem mansisse arbitratur, quæ Pastores a fuga retineret. Capitalem itaque errorem esse pronuntiat, quod mandato regio paruerint, & cœtus suos regnumque deseruerint. Illustrat ista similitudine a ducibus & præfectis militum, copias suas etiam fusas & fugientes revocantibus & colligentibus. Regio vero jussui divinum opponit præceptum, cui magis parendum fuerit. Imputat hic Pastoribus aliam timiditatem, quæ ultimam persecutionem præcessit; obsecutos enim esse nimis facile mandato regio, quo vetabantur contra religionem Romanam & Regis sui concionari, indeque ausos amplius non esse, ut superstitionem & idololatram nominarent abusus Pontificios, quo tamen clencho Reformatores primi masculine usi erant, & sic populo illorum abominationem inspiraverant. Dum ergo sive per metum, sive quod deliciori & ad seculi mores composito ingenio essent, veterumque magnanimitatem, ut horridam & rudem fastidirent, a mascula refutatione abstinere, plurimos auditorum emollosos fuisse, ut accedentibus scriptis Episcopi Condomensis, & formulis a Clero callide præscriptis, quibus controversiarum tractatores utebantur, tanto facilius in apostasiam laberentur. Non minus improbat obsequium, quod regiis edictis præstiterunt, quibus vetabantur in cœtus suos recipere relapsos, monachos, Judæos, Paganos, tandemque omnes Catholicos. Incubuisse iis putat, ut destructis licet templis, secretos conventus instituissent, titubantes confirmassent, ægrotos visitassent, & nihil omisissent eorum, quæ ad salutem auditorum pertinebant. Verum jamdudum ad obediendum assuefactos, & molestias refugientes, etiam ultimo mandato promte nimis paruisse, cum tamen extrema potius expectare & pati debuissent; frustra itaque jactari, quod divina providentia periculo mortis subtrahati fuerint. Destruit inde exousationem, quod cœtus jam ante Pastorum abitum defecerint: coacte enim id fecisse ait, & reduci ad veritatem potuisse. In fine laudat, quæ Autor Apologizæ adversus *Brueysium* scripsit.

Intertia parte argumenta, quibus fuga Pastorum defenditur,

Q 9 2

prolixè

prolixè examinat. Nihil tamen peccasse faretur eos, qui vi & ad-
ditis satellitibus ex regno educti sint; sed eorum exiguum nume-
rum fuisse existimat: plerosque enim, ut iussi erant, promptè cessisse,
& com meatu literas ultro & acervatim petiisse, ne rebellionis cri-
men incurrerent; id tamen frustra metuisse, cum jubenti, quæ
Deus prohibet, impune & absque rebellionis culpa non obediatur.
Longa inde sequitur disputatio de dicto Matth. X, 23. quo fuga Apo-
stolis a Christo permittitur, & Joh. X, 32. quo eadem prohibetur.
Examinantur primum, quas Apologista adduxerat, interpretationes
Patrum, Tertulliani, Athanasii, Augustini, Origenis. Horum
quosdam rejicit Autor, alios pro se facere statuit. Contrarium
fere in omnibus asserit, & opere se demonstrat; exempla etiam ex-
pendit Moysis ex Ægypto, Eliz Jezabelem, Sacerdotum Antiochi
sævitiæ fugientium; tum ex Novo Test. ipsius Christi & Aposto-
lorum; denique ex historia Ecclesiastica Polycarpi, Cypriani,
Gregorii Neocæsarensis sive Thaumaturgi, aliorumque; nihilque
ea omnia ad culpam Pastorum minuendam facere decedit. In expli-
catione dicti Matth. X, 23 multus est, ut omne, quod in eo pro ex-
cusanda fuga a Pastoribus queritur, præsidium eripiat. Allegat
Patrum sententias, qui dictum illud Christi temporale fuisse statuant,
ad primam missionem restringendum. Refutat itaque Apologi-
stam, qui existimat, id etiam ad successores Apostolorum pertinere.
Notari inprimis vult, quod Apostoli in aliam civitatem fugere iussi,
idem subierint persecutionis periculum; cum Pastores fugientes
omne discrimen vitent, & a munere suo plane desistant. Peccasse
etiam dicit Apostolos, cum Christum captivum deferrent, & Pe-
trum ob temeritatem culpari, quod suis fideret viribus; non vero
quod fugam cæterorum non esset imitatus. Confirmat dicta testi-
monio, quod adscribit, *Calvini & Musculi* ex Reformatis; item *Corneli*
a *Lapide* ex Romano-Catholicis; *Wolzogii* ex Socinianis; ideo
que nihil minus probabile esse ait, quam quod Christus illo dicto
fugam Apostolorum jubere aut approbare voluerit, sed potius quod
continuationem laboris sui illis injunxerit, etsi ex uno alteroque lo-
co expellerentur. Respondet dein ad ea, quæ Apologista regesse-
rat ad dicta Christi Joh. X. de fuga mercenarii: rejicit, quam is ar-
tulerat, restrictionem, quasi Christus, ea dicens, casum præsuppoverit,
quo

quo Deus Pastori sufficienti evidentia voluntatem suam manifestaret, mortem ei pro grege obeundam esse; nec minus in censuram vocat, quæ de boni pastoris & mercenarii characteribus commentatus erat, suamque de iis sententiam luculenter exponit, & adducto Calvinii loco corroborat. Quamvis vero non neget, dari casus, quibus Pastoribus fugere liceat, & quosdam ipse exponat, concedere tamen generatim non vult, sat graves fuisse, ob quas Pastores Galli aufugerint, & conditiones quibus fugam illam Apologista defendit, omnes rejicit & enervat. Excipi nihilominus aliquos posse existimat, qui ante mortem gravem illam persecutionem, & personalem maxime insectationem, abierint, aut qui senio vel morbis fracti officio suo, clam præsertim & moleste exerceendo, superare non potuissent. At reliquos ætate & viribus valentes nequam excusat, & si hic casus, qui in Gallica persecutione accidit, Pastores ad manendum etiam cum vitæ periculo non obligaverit, nullum excogitari posse arbitratur, quo doctrina illa Christi *Job. X.* locum habeat. Laudat quendam *Fulcranum Rejum*, quem illustrem martyrem vocat, ejusque historiam typis vulgatam esse notat. Repetit quædam in præloquio dicta, & de sua infirmitate, quibus rigorem emolliat. Denique ad reditum in Galliam exules adhortatur.

*DEFENSE DE L' APOLOGIE POUR LES
Pasteurs de France. i. c.*

Defensio Apologiæ pro Pastoribus Gallis, adversus Librum cui titulus est: *Judicium integrum &c.*

Francofurti, apud Johannem Corneliū, 1688, in 12.

AUtor Apologiæ pro Pastoribus ex Gallia profugis, adeo non a sententia sua dimoveri se passus est scripto illo, quod modo retulimus, ut potius ad eandem tuendum fortius insurrexerit. Palma utiq; inter viros, ut apparet, paribus viribus congressos, in medioposita est. Agnoscit quidem Defensor in præloquio, duriores sibi conditionem incumbere, cum præiores plerique omnes ad accusandum, aut accusationibus & satyris credendum, quam ad excusationes accipiendas esse soleant. Fortassis tamen a suis partibus non pauciores habiturus est, omnes puta, qui mitiorem senten-

tiam in dubiis casibus rigori præferunt; tum quia rem ita repræsentat, ut conceptam adversus Pastores sequiorem opinionem non parum diluissè videatur. Refert, tres Pastores post revocationem edicti Galliam pervagatos esse, neque tamen ullum ex iis, qui Reformati fuerint, invenissè, qui de fuga Pastorum quereretur. Dein utut vestitu mutato, alioque modo summe elaboraverint, ut laterent, cognitos tamen & captos, atque ex regno, additis custodibus, eductos fuisse, ægre evitata ad triremes damnatione; frustra vero toto illo tempore laborasse, ita ut nec unum ad religionem abjuratam denuo convertere potuerint. Addit, Pastores alios ne a suis quidem gregibus tutos fuisse, quo minus regiis executoribus, antequam abirent, proderentur. Memorabile est quod narrat, quinque aut sex ante abitum Pastorum mensibus consultatum fuisse Lutetiæ, quomodo Ministerium Reformatum in regno conservari posset, & judicatum fuisse, requiri (1) Pastores, qui vellent & possent remanere; (2) media ad eos sustentandos; (3) cautelas, quibus observatis latitare, & per provincias loca subinde mutare possent, ne deprehenderentur; (4) administratores pecuniæ ad eos alendos destinatz; (5) modum commercii literarii de loco in locum instituendi. Ad priora quatuor, inventa esse consilia & media sufficientia, sed quintum nullatenus expediri potuisse; aut enim non fuisse, qui id onus suscipere vellent, aut non idoneos, aliquos etiam suspectos fuisse, ita ut nihil concludi nec effici potuerit. Unde judicari posse existimat, si ante revocationem edicti præstari non potuerit, ut parvus aliquis Pastorum numerus in regno conservaretur, quæ securitas speranda fuerit post publicatum Regis mandatum, & distributos per totum regnum milites, secutamque universalem omnium consternationem, sublata denique omnia ad sustentationem media. Non dissimulat tamen, mutatam esse aliquatenus post annos duos rerum faciem, ita ut si nunc de redditu Pastorum quærat, aliter forte decidi possit. Optasse ideo se, ut illis qui in Gallia nuper denuo coetus facere ausi sunt, sapientes quidam & moderati viri adessent, quorum consilio tutius & cautius agerem. Post præfationem alia sequitur admonitio de epistola pastorali, haud ita pridem a viro, quem non nominat, sed a navata dudum ad ædificationem & consolationem Ecclesiæ opera commendat,

edita

edita, in qua media sententia proponatur. Hanc quidem non improbat, licuisse tamen sibi putat ulterius progredi, & cum Autor epistolæ concedat, mansionem Pastorum in Gallia impossibilem & inutilem fuisse, apertius pro exilibus pronuntiare. Hæc & alia in præfationibus leguntur.

Liber ipse, qui duplo major est, quam is cui opponitur, *septem partes* habet, quarum contenta pag. 9. & 10. paucis referuntur. In *prima* scopus & labor Censoris, cui respondetur, generaliter consideratur, & ab initio reprehenditur, quod tam studiose nomen suum occultare voluerit, cum Apologista ita scripserit, ut non facile latere potuerit. Affectatum etiam ab adversario rigorem accusat, & quod majori specie, quam veritate & pietate, periculosa & præcipitia urgeat; dein quod singularem opinionem proponat, nulla necessitate aut vocatione, nulloque applausu, quem tamen Apologia invenerit; porro quod falso se integrum & extra partes jactet, incognitus tamen esse cupiat; quod statum quæstionis non recte intellexerit nec formaverit &c. Maximum disputationis in parte secunda Apologiæ (de prima enim parum controvertunt) momentum in eo ait versari, an Galli qui ad sacra Romana transierunt, justam causam habuerint, culpam in Pastores eorumque fugam rejiciendi. Hoc ab Apologista negatum esse; & a Censore vel tacite vel expresse idem fieri. Nec ad rem facere, quæ is contra tertiam partem scripserit, cum legitimam contradictionem non formet, & tandem multo verborum ambitu, idem quod Apologista dicat, fugam nempe quandoque licitam, quandoque vetitam esse. Imputat itaque ei perpetuam petitionem principii, dum statum Ecclesiarum Reformatarum in Gallia eum fuisse præsupponat, ut a præsentia Pastorum sustineri aut juvari utiliter potuerit.

Parte secunda imprudentiam Censoris culpat, quod reditum Pastorum in Galliam aperte suadeat, & promovendum illum commendet; cum eo ipso adversarios excitet, ut eum tanto diligentius præcaveant & impediant. Examinat quæ Censor de obedientia commentatus est, Deo potius quam hominibus præstanda, itemque de patientia, quam ab obsequio differre notat. Ignorantiam in factis adversario tribuit: ex ea enim fluere impurationem, quod Synodorum nationalium convocationem Reformati sua culpa omiserint;

ferint : quomodo enim res illa se habeat , ex historia , in qua componenda laborari dicit , appariturum aliquando esse. Neque Angliæ res satis penetrasse Censorem existimat. Dudum enim consilia illius aulæ a Gallicis dependisse , neque mortem Caroli II Regis ad Reformatorum cladem in Gallia conferre aliquid potuisse , cum eo tempore vix decem Ecclesiæ in regno superfuerint , in controversiam non vocatæ. Ita nec admittit , quæ de industria emissarium Gallicorum in aulis exterorum retulit Censor. Asseverat potius , interitum Reformatorum in Gallia decretum fuisse , etsi nullus apud externos Legatus regius fuisset , qui consilia illa insinueret aut excusaret. Præcipitatos esse censet ab Aula ultimos adversus Reformatos insultus , non sine errore ; quia non præviderint , tot homines regnum religionis causa deserturos esse. Itaque ex suo ingenio de aliis improvide judicasse aulicos , qui nullum Numen quam utilitatem colant. Denique contemptum notat , quo Galli post conclusas cum Germanis , Hispanis & Batavis inducias , dissolutasque eo ipso æmulum vires , omnes externos tractaverint , iisque susque deque habitis , ad oppressionem Reformatorum festinaverint.

Parte tertia defendit Autor , quæ ad epistolam nomine capitivorum in Gallia compositam , in Apologia animadverterat , & vulgare scriptorum vitium notat , qui personis , quarum nomine loquuntur , ineptos tribuunt sermones , idque Autori epistolæ speciatim exprobrat. Tuetur deinde methodum Apologiæ , quod præjudicia prius quam rationes allegaverit , eaque occasione erudite de usu & abusu præjudiciorum disserit. Docet inde amplius , quale crimen sit desertio gregis sine justa causa , & quod cum confessione veritatis consistere non possit. Rejicit quæ Adversarius de fuga Apostolorum tempore passionis scripserat , eamque ab ipso Domino iussam aut approbatam fuisse monstrat , qui eorum præsentia juvari , ut Defensor opinatus est , nullo modo potuerit. Cum vero potissimum circa factum quærat , an Coetus Reformati præsentiam aut reditum Pastorum desideraverint , & per eos juvari potuerint , pluribus ostendit , neutrum fieri potuisse. Tritemium enim vel capitis poenam omnibus Pastoribus non abeuntibus interminatam & inevitabilem fuisse ; ideo qui Pastores retinerent aut revocarent , ad nullam suam utilitatem , sed ad eorum præsentaneum

taneum exitium retenturos aut vocaturos illos fuisse. Paralleli-
smum inde instituit inter veteres Christianos, quomodo illi perse-
cutionis tempore erga Pastores suos se gesserint, & inter Reformato-
ros Gallos, eorumque erga suos affectus & actiones; quibus ostendit,
quam parum a Cœtibus suis præsidii aut fidelitatis sperare potue-
rint, & quam injuste illi de absentia Pastorum querantur. Indicat
speciatim, quo statu fuerint Ecclesiæ Reformatae, cum Edictum Nan-
netense revocaretur. Destructa enim jam fuisse pleraque Reformato-
rum templa. Pastores eo usque in universum infestatos non
fuisse, quanquam adversus quosdam particulares instituta fuerint
vexationes. Mutatum inde consilium Aulae subito & ex impa-
tientia fuisse, condito adversus Pastores edicto, idque anno 1682 de-
mum factum esse, cum jam viginti per annos persecutio Ecclesi-
arum durasset. Versam itaque omnem iram in Pastores fuisse, om-
missis Cœtibus; omniumque edictis vetabantur, transgressionem
Pastoribus imputatas, ita ut ad rationem de omnibus reddendam
ipsi adstringerentur & condemnarentur. Ita Pastores vel in vin-
culis habitos, vel ad ea damnatos, vel in causa dicenda occupatos &
ab Ecclesiis avulsos fuisse, cum milites in provincias ad exequenda
regia jussa mitterentur; ita ut vix 40 Ecclesiæ toto regno superfue-
rint, quarum vel templa non diruta, vel Pastores iis, quos retulit,
modis non remoti aut impediti fuerint. Nullam vero Ecclesiam, ne
unam quidem, a Pastore suo sponte desertam fuisse, quamdiu is ali-
quid, quod proficeret, agere potuerit. Quocunque autem milites
venerint, a captura Pastorum, quos præsentem deprehendebant, ini-
tium factum esse, ita ut cœtibus suis plane essent inutiles. Ante-
quam etiam Pastores regno exirent, plus quam dimidiam Reformato-
rum partem jam pactam fuisse de transitu ad sacra Romana; imo etiam ante adventum militum provincias quasdam, terrore &
metu præventas, conditiones obtulisse. Pastores neque in provin-
ciis, quæ primum insultum passæ sunt, neque in reliquis, a cœtibus
suis auditos, imo a visu, colloquio & hospitio remotos fuisse, ita
ut qui humanissimi fuerint, blandis solum verbis sese excusaverint.
Ad summam tandem mali accessisse illam edicti clausulam, qua pri-
vatis quies promittebatur, condemnatis solummodo Pastoribus &
iis, qui vel minimum cultus religiosi actum exercerent; inde enim fa-

R r

ctum

ctum esse, ut nemo eos amplius admitteret, Exploratores quoque constitutos fuisse, qui cum Pastoribus colloquentes observarent, idque pro crimine capitali habitum & punitum fuisse. In eo itaque statu omnes fuisse, ut aut jam succubuerint persecutioni, aut a Pastorum accessu destituti cruciarentur, aut ad transigendum festinantes omne cum Pastoribus commercium vitarent. Quosdam denique edicto fidem habentes, sperasse, si a Pastorum consortio abstinere, fore ut quieti tolerarentur; itaque etiam eos, qui postea insignia constantiæ exempla ediderunt, aspectum & colloquium Pastorum fugisse. Hæc prolixius recensemus, tum ad cognoscendum persecutionis ingenium, tum quia fatendum est, quæstionem in facto potius quam in jure versari. Ex his enim concludit & pluribus deducit Apologista, præsentiam Pastorum neque necessariam, neque utilem, neque possibilem fuisse, quicquid censores de constantia & perseveratione declament. Applicat hic exemplum S. Cypriani, & ex ejus epistola VII locum memorabilem adscribit, quo hoc ipsum genus persecutionis morte pejus, quod Gallorum dimachi exerceverunt, nervose repræsentat; dein ad objectiones & comparationes Adversarii prolixè respondet. Tangit etiam, quæ is objecerat de nimis prompta paritione ad regia edicta, in omittendo elencho Romanorum abusum. Notat ipso edicto Nannetensi dudum provisum fuisse, ut modestia in concionibus uterentur, neque motus in populo excitarent: interim tanta severitate a Pastoribus errores, non obstante prohibitione, taxatos fuisse, ut eo nomine plerique ad tribunalia tracti fuerint & pessime vexati. Monet etiam, non omni tempore opus esse, ut veræ religionis doctores acerbis increpationibus utantur, idque Christi & Apostolorum exemplo demonstrat.

Partis quarta summa tantum capita, cum jam plus satis excreverit relatio, indicabimus. Respondetur hic cap. I. ad loca ex Tertulliano, de quibus Censor disputavit. Cap. II de Athanasio agitur, cujus historiæ occasione notabilia de persecutione, per sexaginta millia in regno dispersorum militum adversus inermes exercita referuntur. Cap. III. Augustini dicta examinantur, & emendanda esse ostenditur, quæ jam senex non satis accurate hac de materia tradiderit. Plurima de natura persecutionis & officio Pastorum

rum

rum in ea vel sustinenda, vel fugienda, magna cum industria explicata hic invenient lectores.

Parte quinta ad alias Cenforis observationes, & exempla ex historia sacra de Moyse, Elia, aliisque ex Vet. Test. tum de Josepho, ipsoque Christo & Apostolis, denique etiam de Patribus & Doctoribus quibusdam, ita respondetur, ut ostensa disparitate casuum, argumentationes Cenforis ad fugam Pastorum condemnandam elidantur.

Parte sexta examen instituit Autor omnium, quæ Cenfor ad dictum Christi Matth. X. de fuga ex una civitate in aliam commentatus est: suam vero sententiam operose & evidenter proponit tuereturque, ut Pastorum fugam licitam fuisse evincat. Quæ enim Christus Apostolis majoribus præsidiiis instructis permittit, nulla ratione Pastoribus longe inferioribus denegari posse contendit. Calvinus etiam opinionem pro se interpretatur non minus, ac *Musculi & Corn. a Lapide*. Ad ea vero quæ ex *Wolzenio* adducta sunt, eadem notanda esse dicit, quæ ad *Grotium*; hujus enim exscriptorem esse Socinianum istum. Tandem contradictionibus & paralogismis Adversarii id effici dicit, ut nullo tempore ac casu fuga permittatur. Transit inde ad examen dicti *Job. X.* & imputationem enthousiasmi a se amolitur, eoque minime opus esse dicit in cognoscenda voluntate divina, quo casu fugere liceat. Sequitur ampla de characteribus mercenarii dissertatio, & concluditur, ex collatione utriusque dicti *Matth. X.* & *Job. X.* statuendum esse, quod certæ sint causæ & conditiones, quæ fugam licitam aut illicitam faciant, ita ut nulla in divinis illis effatis contradictio admitti debeat.

Igitur *Parte septima* has ipsas condiciones sive circumstantias, quas in Apologia octo capitibus consideraverat, denuo stabilit, & refutatis quæ Cenfor opposuit, pluribus ostendit, distinctionem inter persecutionem contra personam Pastorum, & contra Cœtum, multis illusionibus subjectam esse, nullumque in hac quæstione usum habere. Irridet quæ de permissa senibus infirmis fuga concesserat Adversarius, & vana esse dicit, nisi jure divino fuga permissa sit; multoque probabilius dici posse, senes & infirmos quod restat vitæ in discrimen mittere debere, quam juvenes & validos, qui ad meliora tempora reservare se possint. Sic etiam ad præsup-

posita Censoris reliqua habet, quæ regerat, ostensurus eum nec facti notitiam accuratam habuisse, nec casus, ut revera erant, proposuisse, neque jus & censuram justo & debito modo applicasse. In epologo de reditu Pastorum vota potius concipit aut ominatur, quam decernit, & divinam vocationem ex temporum & rerum facie, & conscientiarum dictamine æstimari debere monet. Confundi non vult quæstiones de fuga & de reditu: iuste enim fugere potuisse, qui reditum injuste omitterent. Distinguendum esse præteritum & præsens tempus. Fugam Pastorum non pro desertione, sed pro suspensione, interruptione & dilatione ministerii haberi posse. Ex casibus particularibus particulares etiam decisiones nasci. Ita non omnes, qui fugerint, a se defendi; sed qui causas legitimas, suo iudicio atque conscientia invincibiles, ad fugiendum habuerint. Sicut enim doceri non debeat, omni tempore aut occasione fugam licitam esse; ita nec docendum esse, nunquam aut nulla occasione esse licitam. Utramque igitur sententiam veram, & de ea consensum esse inter se & adversarium. Casus nimirum dari, quibus fugere liceat; dari quibus non liceat; id modo quæri qui sint illi casus, qui licitam aut illicitam faciant fugam. Ipse vero minime dubitat, statum in quo Pastores sexcenti versati sunt, ut vel ad mortem, vel poenas morte peiores rapisse paterentur, aut, ut iussi erant, regno excederent, talem fuisse, in quo posterius facere, id est, fugere, & sese servare, fas & licitum fuerit; quanquam condemnare nolit eos, qui manserint & prius elegerint. Summam disputationis hanc repetit: (1) an permissum sit aliquo casu fugere? (2) An permissio hæc sit juris divini? (3) In quibus casibus liceat fugere? (4) An his casibus, in quibus Galli constituti erant, fugere licuerit. Horum 1. 2. & 4. affirmat Apologista; tertium distincte explicat, subjuncta tandem excusatione quadam, quod acrius responderit, & quantum in se est, finem litis aut facit aut optat.

ספר מנחת יעקב SEPHER MINCHATH
IAAKOBH. i. e.

Liber (inscriptus) *OBLATIO JACOBI*, sive commentarius
in *Torath Chattath* R. Mosi Iserles; autore R. JACO-
BO Josephi filio, Judice.

Pragæ, a. 449, i. e. Christi 1689, in fol.

An-

A Nous agitur supra centesimumdecimus septimus, quod R. MOSES משה ישראל ISEERLES, Synagogæ Cracoviensis antistes, ad plures abiit. Innotuit is literato orbi tergemino cum primis opere, quorum uni שולחן ערוך *Schulchan Aruch*, alteri תורת העולה *Torath Haolâ*, ultimo תורת חטאת *Torath Chattrâth* nomen fecit.

De prioribus duobus non est, quod multa in medium afferamus. Liber autem postremo loco memoratus, ac metaphorico titulo TORATH CHATTATH, (*Legem sacrificii pro peccato* notante) exornatus, Juridicus est, agitque de re Judæorum cibaria. Is, si verba spectes, succincte, si res, fuse satis docet, quicquid circa edenda & bibenda miserrimæ genti, tot observatiunculis sibi met ipsi gravissimæ, sive licitum, sive vetitum habetur, idque juxta moderatorum Judæorum Europæorum consuetudines potius, quam antiqua & sæpiusculæ antiquata Talmudistarum decreta.

Prodiit hic liber Cracoviæ annis æræ contractioris Judaicæ 330. 337. 351. (h. e. annis Christi 1570. 1577. 1591.) in quarto; & cum R. Petachja additionibus Hanovia anno 388, Christi 1628. in octavo. Latet Pragæ MSCus in eum commentarius vastissimus, tribus voluminibus constans, ab authore R. Jom Tobb Lipmanno תורת אשכנז *Torath Ascham* inscriptus, nobis ex R. Schabbethai Strimeri Sopher Siphthé Jeschenim titulorenus notus. Dum vero hic cum blattis teneisque conficitur, ac mole forte sua typographos a sumptibus faciendis absterret, eoque loco ipse R. Moses Iserles in lucem iterum protruditur, stipatus scholiis satis perspicuis R. Jacobi Josephi F. Jacobi N. Judicis, (*Bambergensis* nempe, uti ex Responso primo patet,) qui & voluminis hujus priori parti, (*Torath Chattath* cum scholiis complexæ,) nomen MINCHATH JAAKOBH, Oblationis Jacobi, omnium optime convenire judicavit.

Excipit hanc pars altera; verius *mantissa* vel *supplementum* dicenda, tituloque תורת שלמים *Torath Schelamim*, (*Legis sacrificiorum completiorum*,) insignita. Videas hic consuetudines bene multas circa fluxum mulierum menstruum, ex alio *Mosia Iserles* opere, *Schulchan Aruch* dicto, transcriptas; itemque varia circa cibos dubia, maximam partem ex R. Schabbethai Ben R. Meir Siphthé Cohén deprompta. Utrisque scholiis suis non temendam

lucem foeneratus est *Jacobus* noster, qui & superpondii loco, octo-
decim adjecit de diversis Juris Judaici materiis *Responsa*, quæ ad ma-
gni nominis Rabbīnorum quæsitā reposuit.

JOHANNIS DEKENI E SOCIETATE JESU

*Observationes Poeticæ exemplis illustratæ. Edi-
tio altera auctior & emendatior.*

Antvverpiæ, apud Michaelē Cnobbarum, A. 1688. in 8.

Qui in re poetica eximii quid elaborare discipit, is non nativa
tantum ad poetandum propensione, sed lectione quoque opti-
morum Poetarum, Maronis puta, Horatii, Nasonis, Catulli, Ti-
bulli, Propertii, aliorumque id genus, instructus sit oportet. Ha-
bet enim simile quid Poesis cum re pictoria, statuaria & architec-
tonica. Ad harum vero peritiam non trivialem acquirendam neces-
se est in laudatissimorum pictorum, statuariarum atque architec-
torum operibus observari tum dispositiones concinnas, tum apta per-
sonarum lineamenta, ut ad exemplaria videlicet proposita imagi-
nes pulcherrimæ, vivæ pene statuz, & ædificia plane Dædala effor-
mari ab hujusmodi artium sectatoribus queant. Quod autem rem
poeticam attinet, prudentia quadam opus est in annotandis illis,
quæ in optimorum Poetarum carminibus lectitantur. (Neque
enim sufficiunt solæ phrasæ poeticæ ex illis collectæ seu Loci, ut vo-
cant, communes.) Qua cum plerique adolescentes ad Poetas legen-
dos ablegati destituantur, clarissimus atque in lectione optimorum
Poetarum per septuaginta annos versatus Auctor accendere illis fa-
cem in his observationibus poeticis voluit. Divisit autem eas in qua-
tuor partes. Prima agit de Amplificatione poetica, quæ varia com-
plectitur capita, eaque ex loco inventionis & aliunde petita. Ca-
put I exhibet descensum ad singularia, adeoque & distributionem
generis in species, speciei item in individua & totius in partes; II
Enumerationem antecedentium, causarum & consequentium seu
effectuum; III Descriptionem temporum, locorum, rerum, perso-
narum; IV Egressionem longiorem & breviorē; V Epithetum,
& quæ ejus vices subeant; VI Adjuncta seu rem circumstantia; VII
Collationes & comparationes; VIII Inductiones; IX Synony-
morum

morum congeriem. X Periphrases; XI Mutationem rerum; XII Narrationem & expositionem; XIII Invocationes Deorum ac Deorum; XIV Sermocinationes seu orationes longiores ac breves; XV Prædictiones; XVI Figuras, præsertim sententiarum; XVII Fisiones poeticas; XVIII Carminum variorum artificium, e. g. epithalamii, generthliaci, panegyrici, epinicii, dirarum seu imprecationum, votorum, propemptici, soteriorum, epicedii & eclogarum. Pars II tractat de iis, quæ affectus movent, ut sunt, amor, desiderium, odium, commiseratio, gaudium, dolor & tristitia, invidia, ira, audacia, timor, pudor, spes & desperatio; quibus annectuntur omina bona & mala. Pars III continet ea, quæ delectabile & amœnum poema reddunt, ut sunt, acumina, allusiones, sensibus grata, errores, inscriptiones, imitationes concinnæ, numeri seu pedes metrici elegantes & cum natura convenientes. Pars IV complectitur ornamenta poematis, ut sunt figuræ poeticæ, tropi, formulæ & particule poeticæ, (quarum index statim quoad titulos & materias subnectitur) modi loquendi singulares, sententiarum, & ritus antiquorum, Romanorum imprimis, de quibus Autor in fine libri Joh. Kirchmannum de funeribus Romanorum, & Joh. Rosinum de antiquitatibus Romanorum cum additamento Dempsteri jubet consulere. Additus est libro Index specialis partium, capitum & paragraphorum. Quodsi judicii quid nobis de hoc libro sit exponendum, non dubitemus cum libris aliis de re poetica scriptis non æquare tantum, sed & nonnullis anteferre, præsertim cum non alia ubique exhibeat exempla, quam ex optimis Latinorum poetis, Virgilio imprimis atque Ovidio, deprompta. Sed liber se ipsum legentibus & intelligentibus sat approbabit.

EMANUELIS KOENIG PHILOS. ET MED. D.

Basil. Regnum Vegetabile &c.

Basilæ, apud Eman. & Joh. Georg. König, 1688, in 4.

Quod ante novem hos annos publici jam juris celeberrimus Autor fecerat, *Regnum Vegetabile*, distractis dudum exemplaribus, denuo superiore anno edidit, sed altero tanto auctius, ac Remediorum e triplici Regno Selectu juxta normam Pharmacæ Ludovicæ.

dovicianæ, aliaque Appendice locupletatum. Itaque non ingratum fore Lectori Benevolo existimavimus, si brevissima elegantissimi & utilissimi hujus operis recensio hoc loco institueretur. Continentur autem integro libro 53 capita, quorum prioribus tribus de nomine, definitione & divisione agitur; mox IVto anima vegetans in spiritibus volatilibus maxime subtilibus, mobilibus, & expandi semper nitentibus fundata, cum facultatibus suis, nutrice, auctrice & generatrice, enucleatur, ita tamen ut hæc ad particularem & pororum varias modificationes, ratione figuræ, situs, magnitudinis, motus &c. referantur. Dum vero cap. Vto nutritio vegetabilium exponitur, contra Helmontium, Boyle, Borellum &c. negatur, aquam solam pro nutrimento eorum inservire posse; quin potius salinum & nitroso-volatilem esse liquorem illum balsamicum, qui nutriet, ac aeris in isthoc negotio elasticæ vi tribuendum esse plurimum, pluribus asseritur. Augmentationem & durationem plantarum contingere pro contenta in illis principii nitro-salini vel copia vel paupertate, cap. VI. probatur, & hinc VII. ætates illarum, quo scilicet anni tempore singulæ germinent, floreat, fructus ferant, durent, in crassitiem mirandam excrecant &c. colligendas esse Cl. Auctor arbitratur. Cap. VIII. morbos vegetabilium, comparatione cum morbis animalium instituta, simulque quorundam curam explanat. Sic v. g. steriles arbores scarificatione reddi fertiles: vulnera plantarum emplastris curari, ut emphyteutico Laurenbergii &c. A morbis autem vegetabilia præservari posse per sedulam culturam, cap. IX. tradit; quo refert transplantationem, resectionem, tonsuram, irrigationem, locum seu solum, & tandem aerem. Hinc cap. X. & XI. feminis naturam pervestigat, non solum qua ratione in novam se explicet plantam, sed & quibus in specie partibus constet, involucris nimirum variis, & ipso corpore, resuscitationem plantarum ab aliis assertam simul quoque memorans. Mox cap. XII. propagandi modos per inoculationem & insitionem, eorumque rationes tradit, Kircherum simul allegans, qui fructus non tantum alimentarios, sed simul medicinales, v. g. proprietate laxandi, vi somnifera imbutos producere doceat, nec non Tonge Anglum, qui sanguinei coloris pyra insitione surculorum pyri in morum enascentia memoret. His cap. XIII. spon-

te pro-

re prodeuntium exortum, & qua ratione una planta in aliam, v. g. sifymbrium in mentham, hordeum in avenam &c. degeneret, exponit. Quemadmodum vero hactenus tradita ad animam vegetantem, ejusdemque facultates & operationes spectare arbitratur: ita nunc in sequentibus alteram totius essentialis partem, corpus nimirum, perquisiturus, illud cap. XIV anatomicè & chymicè considerat. Scilicet organicum esse corpus plantarum, variaque in illo, sicut in corpore humano peragi, ut v. g. circulationem succi nutritii, velut sanguinis in homine, celeberrimi Malpighii experientia potissimum comprobat. Igne autem reclusum corpus in spiritus volatiles, sulphur, sal, aquam & terram reduci, fufius declarat. Cæterum tribus insequentibus capitibus XV, XVI, & XVII divisionem corporis plantarum proponit, partesque tum similes, ut fibras, nervos, venas, carnem, medullam, lignum & corticem; tum dissimiles, ut radicem, caudicem, ramos, folia, flores & fructus, quidve circa singula notatu dignū examinat, subjiciendo statim c. XVIII plantarum partes, quas excrementitias vocant, nec tam partes, quam partium vitia notantur, v. g. in robore gallæ, in cynosbato spongiolæ &c. Quemadmodum vero cap. XIX species vegetabilium seu plantarum commodissime dispesci putat in herbas & arbores: ita cap. XX ex innumerabili fere copia, notissimas & usitatissimas plantas, earumque nomina generaliora quasi in horto duodecim pulvinis instructo, ob oculos ponit. Simul autem Morisonii methodum, qua a feminum forma, ceu potissima herbæ parte, character proprius earum ac naturalis deducendus, in totum non valere asserit. Porro cap. XXI de horti continuo virentis adornatione ex Laubenbergio potissimum & Hiebneri Horticultura breviter tradit, annexens statim cap. XXII modos colligendi, exsiccandi, & conservandi plantas, ita ut pro herbario vivo inservire queant & in usum Medicum rite vocari: in quo negotio ad astrorum constellationem respiciendum quoque esse, cum aliis arbitratur. Cum vero collectæ studio plantæ non adhiberi facile soleant crudæ, præparationem illarum variam in aquas destillatas, spiritus, tincturas, siropos, extracta, elixiria, olea, salia & pulveres, cap. XXIII subdit. Mox quinque aliis capitibus, XXIV ad XXVII usque, sapes per- vestigat, partim simplices, ut acrem, acidum, pinguem, salum,

Sf

austic.

austerum, dulcem, amarum, insipidum; partim compositos, ut acido-dulcem, v. g. in tamarindis; dulc-acrem, v. g. in aromaticis plerisque; acido-salsum, ut in salibus essentialibus. Singulorum naturam, modum efficiendi & vim pluribus deducit, respiciendo plerumque ad particularum variam dispositionem. Sic, ut vel unicum exempli loco huc trahamus, acidum describit, cujus particulae sint tetrahedricae, (scilicet cuspidate tereti & acuta, & dein corpore instar cunei majorem in molem acuto constantes) adeo, ut quovis modo applicatae sensorio, hoc pungant, & comprimendo nonnihil constringant, ac propterea foveas & incisiones ampliores, quam quodvis aliud sapidum in ipso relinquant. A saporibus ad odores procedit, eosque cap. XXIX & XXX tam in genere, quam in specie fragrantium & suaveolentium nomine declarat. In sequentibus vero 3 capitibus, XXXI scilicet, XXXII & XXXIII, colores plantarum evolvit, divisionem in veros & apparentes cum Regio explodens; aliam vero in extremos, album & nigrum, & intermedios, ut viridem, flavum, caeruleum, rubeum, quos ordine explicat, adducens. Quibus missis figuram cap. XXXIV quoque intuetur, ex qua vel sola plantarum naturam, & cui in corpore humano parti inserviant, innotescere posse, Theophrastus tradidisse fertur. Verum cum illa, quam dicunt, signaturam semper quicquam certi comprehendere non valeat, ideoque illam Helmontius ludibrio habeat, media incedendum via clariss. Auctor arbitratur, ita ut non in universum omnibus, sed quibusdam saltem, v. g. radici saryrionis ob figuram suam testiculos confortandi vis, pulmonariae quercinae pulmonibus opitulandi virtus &c. assignetur. Tandem ad qualitates tactiles cap. XXXV progreditur, adeoque densitatem, raritatem, duritiem, mollitiem, &c. cum superficie hirsuta, pilosa, angulata, laciniata expendit, annexo hinc cap. XXXVI modo cognoscendi vires vegetabilium. Cum vero haec vel nutrant, vel alterent, vel venenum exhibeant, idcirco singula separatim pertractaturus, primo cap. XXXVII ad considerationem esculentorum & potulentorum e vegetabilibus descendit, mox cap. XXXVIII medicamenta, eorumque operandi modum in genere explanat, existimans non in qualitate ulla absoluta, sed in corpusculis minimis virtutem plantarum esse positam, quarum diversitas a diversa succi nutritii percolatione fiat. Cum

vero

vero juxta veterum doctrinam qualitates primæ, pro varia sui missione, secundas pariant, & pro diverso effectû varia nomina fortiantur, quatuor capitibus illorum mentionem injicit. Sic cap. XXXIX anodyna, maturantia, attenuantia, abstergentia, discutientia, digestiva, vesicantia &c. tanquam a caliditate emergentia memorantur; sicut cap. XL a frigidityte incrassantia, repellentia, astringentia, narcotica; cap. XLI ab humiditate emollientia, laxantia, attrahentia, & cap. XLII a siccitate sarcotica, conglutinantia, epulotica, vulneraria. Quemadmodum vero a primis & secundis qualitatibus tertiæ emanant: ita illas pariter enumeratas cap. XLIII videre licet, scilicet semen & lac argentia & imminuentia, diaphoretica, diuretica, vermes necantia. Cap. XLIV qualitates plantarum occultæ dictæ evolvuntur, quarum tamen vim omnem in accidentibus illis conjunctive sumptis, situ scilicet, figura, magnitudine, motu, quiete, a quibus corpora modificantur, diversasque fortiuntur qualitates, consistere clariss. Auctori videtur. Pergit inde cap. XLV ad purgantia & vomitoria, & utrobique excessum & defectum improbat, modo agendi simul explicato. Cap. XLVI apophlegmatifantia, errhina & sternutatoria exponit, sicut cap. XLVII de vegetabilibus alexipharmacis agit, quæ cum clariss. Wedelio triplicis generis statuit. Cap. XLVIII remedia splanchnica seu appropriata, ut cephalica, ophthalmica, otica, pneumonica &c. explanat, quorum vim in dubium vocatam sub certa tamen limitatione asserit. Cap. XLIX in magnetismum plantarum seu sympathiam & antipathiam inquiri, ac cap. L transplantationem morborum in certas arbores aut herbas ita rimatur, ut modos ejusdem varios, scilicet infeminationem, ut vocat, implantationem, impositionem, inescationem &c. simul memoret, & exemplis declaret. Cap. LI venena tangit vegetabilia, quorum antidota tam acida, ut acetum & succos acidos, quam urinosos nominat, non exclusis tamen vino & aqua fontana, sed hac largius sumpta. Caput LII de remediis contra veneficia & incantationes inscribitur; varios tamen præterea effectus magis naturalis recenset. Tandem cap. LIII de plantis neutris agitur, illis nimirum *oudeniegis*, quæ nec nutriunt, nec alterant, nec necant, nisi immoderate assumantur; quo frustulum li-

gni, nucleos prunorum, ceraforum, lapides cornorum &c. relictos invenire licet. Atque sic brevi obtutu & quasi per transeuntem modo inspeximus hoc Regnum Vegetabile, quod magno rerum hinc inde insertarum pollet apparatu.

Cæterum Pharmacia Ludoviciana moderno seculo applicanda, cum selectioribus quibusdam, & facile parabilibus medicamentis, ut & observationibus aucta, hic annexa conspicitur. Cumque is liber, ut olim editus ab Auctore suo, tribus tantummodo dissertationibus, & parenthesisibus attentionem Lectoris hinc inde nimium morantibus, alias constet, in sectiones nunc, articulos ac paragraphos distributus traditur. Sic Sectiones omnino novem continent, quarum I. purgantia quinque articulis includit. Art. 1. agit de purgantibus vegetabilibus, 2. de laxantibus, 3. de purgantibus externis, 4. de vomitoriis vegetabilibus, & animalibus, 5. de catartidis mineralibus. Singuli articuli suos sub se paragraphos complectuntur. Sect. II. diaphoretica, & quidem artic. 1. vegetabilia, 2. animalia, 3. mineralia exponuntur. Sectionis III. contextus constat ex diureticis, lithontripticis, aliisque aperientibus ac detergentibus; hinc articulus 1. quæ ex regno vegetabili, 2. quæ ex animali, & 3. quæ ex minerali depromenda ostendit. Supervacaneum autem foret, si reliquæ materiæ par ratione in sectiones, articulos atque paragraphos digestæ, nunc quoque recenserentur. Ipsa enim Ludovici Pharmacia manibus fere omnium teritur, ut quid in illa contineatur, latere queat neminem. Hoc tamen addidisse sufficiat, quod studio Auctoris clariss. haud parum illustrata lectionem omnino mereatur. Atque eandem laudem referunt quoque excusa simul annotata in librum celeberrimi Wedellii, quem de compositione medicamentorum extemporanea inscriptum ante decennium, & quod excurrit, in lucem emisit. Cachinnus autem digni videremur, si illa scholia in scholiorum compendia huc transferre sustineremus. Quin ad perlustrationem ipsius scripti (haud pœnitebit operæ) lectorem, imprimis medicinæ studiosum, remittimus.

**DELLA BIBLIOTECA VOLANTE DI GIO:
Cinelli Calvoli, Scanzia festa.**

id est:

Biblio-

Bibliothecæ Volantis Johannis Cinellii Calvuli, Patri-
cii Florentini, Academici Gelati & Dissonantis, Series
sexta.

Romæ, impensis Francisci de Lazaris, 1689, in 8.

JOHANNEM CINELLIUM, multis abhinc annis, vel ob editam
Bibliothecam Volantem, docta per ora virum volare, superiori
mense, cum *Vitam D. Hieronymi* abs eodem conscriptam, ad Eru-
ditorum Acta referremus, p. 249 diximus. Nec immerito; cum
in Diariis Eruditorum, *Parisiensi, Parmensi, Roterodamensi* aliisque,
orbi literario universo commendatus fuerit. Edidit is hoc demum
anno novam eamque sextam, ac (quantum ex præfatione Seriei ter-
tiæ colligere licuit) ultimam *Repositorii* primi *Seriem*, quæ nuper ad-
modum celeberrimi Magliabechii beneficio ad nos pervenit. Hinc
ansam arripere, ac de optimo doctissimi Authoris instituto differe-
re quædam, non erit dividia.

Iniquum indignumque is ratus est, memoriam opusculorum
mole exiguum, cum judicio tamen, tersoque ac eleganti stylo
scriptorum, incuria illorum intercideret, qui hætenus Bibliotheca-
rum universalium catalogos scripto consignarunt. Quicquid igitur
abhinc peccatum fuit, id omne peculiari opere corrigere quadan-
tenus ac resarcire aggressus est. Opus illud, quod *Bibliothecam vo-*
lantem inscripsit, dispescitur in *Repositoria*, hæcque in *Series*, qua-
rum quævis ordine alphabetico *Orationes, Epistolæ, Disputationes,*
Apologias, Poemata & id genus alia, sex ad summum plagulis con-
stantia, cujuscunque sint idiomatis aut argumenti, una cum loco,
anno & forma impressionis, recenset. In *Serie* hac sexta, (quæ se-
ptem omnino plagulis absolvitur,) opuscula videas trecenta, a du-
centis viginti duobus *authoribus* exarata. Ex illis pauca specimi-
nis loco adduxisse juvat:

Lucem Veneream non esse morbum novum; Oratio, habita in Archi- pag. 16
lyceo Patavino d. 5. Nov. 1687. a Carolo Patino, Equite D. Marci,
D. Med. Paris. Primario Pract. extraord. Professore. Patavii
1687. ex Typ. Seminarii in 4.

Regola certissima e sicura per ritrovare i Semplici exotici più dif- pag. 102.
facili a raccogliersi, ne' luoghi più nascosti e per le montagne più aspre, nella
sf 3 *quale*

quale s'insegna il vero modo di scavarli e di conservarli con la virtù e temperamento proprio per adoprarli a tempo a' malori; Opera del Siculo Mascherato, Botanico del gran Re del Magor, primo Sarapo dello stesso, e Soprintendente generale del suo giardino e delle materie medicinali. In Palermo per Pollocronio Malatesta 1682. in 4.

pag. 50. Osservazioni intorno a' pellicelli del corpo umano, fatte dal D. Gio. Cosimo Bonomo e da lui con altre osservazioni scritte in una lettera. In Firenze 1687, in 4.

pag. 36. Oratio parentalis ad cenotaphium Illustr. & Excell. D. D. Helene Lucretiae Cornelia Piscopiae, Patritia Veneta, Philos. Laureata a P. D. Francisco Caro Cler. R. Congreg. e Somaescha elucubrata; jussu sacri Collegii DD. Philos. & Med. ab Illustr. D. Campolongo Campilongio coram eodem habita in templo S. Justina PP. Casinens. Patavii, 1684, d. Julii 28. Typ. P. M. Frambotti, in Folio.

pag. 24. Le Machine artificiose di Bertolino Ribelli da Braga, nella quale s' insegna alla milizia il vero modo di travagliar con moto continuato il nimico, con molte sottili invenzioni per scagliar da lontano sassi, lanciar frecce ed altri arme offensive, per far furtivamente buon colpo, e nasconder l'ordigno col quale s'auventano per inquietarlo nel proprio alloggiamento e quartiere. In Borgheria per Nearco Malingegni 1684, in 4.

Neque vero solos titulos libellorum exscribit Cinellius, sed ut plurimum elogia authoris addit, aliaque non indigna memoratu memoriae prodit. Refert e. l. Andream Pesciullium poetam Italum hodiernum superstitem, ipso nonagesimo ætatis anno versus scribere, sed adversissima fortuna uti. Tempore Urbani VIII in Agro Romano captum fuisse animal, quod Salamandram esse conjecerint Philosophorum ac Medicorum non pauci: In Collegio igitur Sapientia dicato animal illud igni satis grandi injectum, tantum humoris emisisse, ut ignem plane extinxerit ac vivum rogo excesserit; mox tamen alii igni impositum exspirasse. Vitam Petri Lasena a J. J. Buccardo conscriptam, ac nobis nuper p. 251 memoratam, bis Romæ impressam ait, annis nempe 1637 & 1666. *Paganinum Gaudentinum* hoc epitaphium sibi metipso scripsisse:

Rhetor me genuit, doctusque Italia, Roma

Deti-

Detinuit, nunc audit Hetruria cuncta docentem.

Sed cum hoc hæredibus ambitiosum nimis videretur, pro *cuncta*, in tumba sepulchrali Pisana, *culta* repositum fuisse narrat.

Pseudonymis non unis vera nomina restituit Noster, uti videre est *p. 32. l. 22. pag. 43. l. antepen. pag. 47. l. antepen. pag. 74. l. 22.* Felicissimum est anagramma *P. Finardi* Monachi Augustiniani a Cinellio obiter commemoratum:

ANTONIUS MAGLIABECHIUS.

IS UNUS BIBLIOTHECA MAGNA.

Sed hæc de libello hoc lectu jucundissimo sufficiant. Dedicatus est *Prospero Mandosio* Nobili Romano ac *S. Stephani Equiti*, a quo (post quinque Centurias Bibliothecæ Romanæ jamjam impressas) prelo parantur *Bibliotheca Romana pars secunda, Vita celebriorum Academicorum Humoristarum, Bibliotheca Equestris, Tractatus de Familiis Romanis.* Quæ universa æque avide expectamus, ac *Cinellii Scriptores Florentinos* toties promissos.

ACTII SYNCERI SANNAZARII OPERA LATINA OMNIA
& integra. Accedunt Notæ ad Eclogas, Elegias & Epigrammata.

Amstelodami, apud Henricum Wetstenium, 1689, in 12.

Jacobi a *S. Nazario*, seu quod nomen sibi met postea adscivit, *Actii Synceri Sannazarii*, Neapolitani quondam & Equestris quidem ordinis Poetæ excellentissimi, Opera multoties licet typis exscripta, disparere tamen in officinis librariis ab aliquo tempore cœperunt. Itaque bene de re litteraria meritis censeretur *Vir*, quisquis est, (nomen enim suum studio profiteri noluit) doctissimus, qui novam hanc editionem adornavit, & ita quidem adornavit, ut Notis etiam suis quædam Sannazarii poemata, ut intelligi ab omnibus possent, illustraverit, perquam eruditis iis, & quas perlegisse neminem, ut arbitramur, pœnitebit. Quin & præmissa editioni huic elegans cernitur Præfatio, qua de Poëscos Latinæ fatiis erudite disseritur, ac inter primos bonarum litterarum restauratores, post *Franciscum Petrarcam* & *Johannem Jovianum Pontanum*, Sannazarius noster merito laudatur. Præmittuntur etiam Epigrammata in Sannazarium, a doctissimis poetis diversis temporibus condita: sed ut aliorum quoque litteratorum de eo testimonia conquirerentur, opus non esse

Editor

Editor censuit, quod passim illa prostant, nec limatissima ejus carmina ulla hedera indigerent. Et verum utique est, magno consensu inter felicissimorum Poetarum principes Sannazarium publicis quamplurimorum elogiis censer; nec dissimulandum tamen, eundem nonnullorum sat acrem reprehensionem incurrisse, quod in tribus *de Partu Virginis* libris, quibus componendis summum studium omnemque vim ingenii annis viginti impenderat, profanius quam Christianum decet, res sacras tractaverit, gentilesque fabulas sanctissimis religionis nostræ mysteriis irreverenter miscuerit. Sed de his clarissimum *Bailletum* consuli malumus, qui in *Judicis doctorum virorum de precipuis Auctorum scriptis*, Tomi IV Parte III pag. 135. seqq. studiose undiquaque collegit, quæ vel ad laudem, vel ad vituperium ac censuram Poetæ nostri, litteris a gravissimis Viris consignata pertinent.

TRIUM FRATRUM AMALTHEORUM, HIERONTMI, JO-
hannis Baptiste, Cornelii, Carmina.

Amstelodami, apud H. Wetstenium, 1689, in 12.

Edita hæc doctissimorum Fratrum, qui in Italia seculo superiore floruerunt, Carmina Venetiis A. 1627 fuere, *Hieronymo Aleandro* curante. Novam vero hanc nitidissimamque editionem *Johanni Georgio Grævio*, viro celeberrimo, debemus. Hic enim, cum tantam in poematibus illis venustatem, leporem, cultum, Latiniq; sermonis splendorem deprehendisset, ut digna reputaret quæ ab omnibus legerentur, ac nosset tamen, in paucissimorum ea versari manibus; non solum auctor *Wetstenio*, viro integerrimo & harum litterarum minime experti fuit, ut una cum Sannazarii operibus, hæc etiam *Amaltheorum* carmina typis denuo excudenda committeret; sed & tum doctorum virorum de Fratribus hisce testimonia, tum Præfationem tersissimam libello præmisit. Inter carmina vero hæc, præcipuam laudem, Grævii exactissimo judicio, ea sibi vindicant, quæ *Hieronymum*, fratrum natu, maximum, auctorem habent, quem *M. Antonius Muretus* etiam, in Epistola ad Dionysium Lambinum, omnium qui eæ ætate vixerunt Italorum Poetam præstantissimum dixit: proximam, quæ a *Johanne Baptista*, qui ætate etiam Hieronymo proximus fuit, profecta sunt; minimam, nec nullam tamen, ea quæ *Cornelius* fratrum minimus reliquit. Quin vero vel sola tanti viri (*Grævium* innuo) auctoritas ad degustandas lautitias, quæ libello hoc proponuntur, omnes talium cupidos invitatura sit, nulli dubitamus.



ACTA ERUDITORUM

publicata Lipsiæ

Calendis Julii Anno M DC LXXXIX.

FRID. HOFFMANNI, FILII, D. MEDICI ELECT.
Brandenburgici, Exercitatio Acroamatica de acidi &
viscidis pro stabiliendis omnium morborum causis, & alkali
fluidi pro eisdem debellandis insufficientia.

Francof. ad Moen. sumptibus Christ. Genschi, 1689, in 8.

Constat plagulis 5.

Postquam Medici Peripateticorum qualitates in phaenomenorum explicatione insufficientes deprehenderunt, Chymia & Mechanica, tanquam solidiora fundamenta, licet non eadem ab omnibus methodo, adhiberi cœperunt. Non ignobilis initio videbatur doctrina, quam imprimis *Tachenius* & *Sruvalve* de acido & alkali eum in finem profitebantur; sed tertium jam vertitur lustrum, ex quo cum a celeberrimi *Bohnii* nostri, tum *Illustris Boylei* arietibus ita concussa est, ut pauciores hæcenus propugnatores obtinuerit. Verum ab eadem originem suam trahere videtur, variata licet aliquantum, hypothesis, quæ *Bontekoe* præsertim & *Blankardi*, celeberrimum satis in foro medico nominum, auspiciis augmenta hæcenus summisit. Nimirum omnium morborum causam acido & viscido adscribunt, curationem ab alkali fluido expectant. Etenim œconomix nostræ integritatem non tantum in congrua partium solidarum corporis conformatione, & convenienti fluidarum mixtura & moto, sed imprimis in utrarumque aptitudine & harmonia quæsiuerunt. Hanc vero destrui asserunt, si humores fiant crassiores & viscidiores, adeoque canaliculos partium transire nequeant, & obstructions aliaque mala producant; & contra unice conservari existimant, aut amissam restitui ab illis, quæ incidendo, attenuando illorum fluiditatem procurant, adeoque sola ad obstructions

T t

referan-

referandas, & evacuationes juvandas conveniunt. Quare cum acida succos nostri corporis inspissent, alkalia eosdem fluidos reddant, illa ex alimentorum pariter & medicamentorum numero proscribunt, hæc vero, inprimis salia volatilia, potum infusi theæ &c. unice commendant, & cuncta medicamenta purgantia, frigida dicta, &c. item venæsectionem, cucurbitulas &c. tanquam inutilia & noxia, eane pejus & angue fugiunt. Itaque ne in Scyllam incidamus evitaturi Charybdim, novorum ejusmodi principiorum pondus & robur curatius examinari oportuit. Suscepit hoc in se laboris Frid. Hoffmannus, celeberrimi illius Hallensium Medici, *ῥῶν ἐν ἀγίοις*, filius paternis vestigiis presse insistens, & recensiti (cap. 1.) dogmatis (cujus auctores silentio præterire modeste voluit) insufficientiam erudito hoc scripto probare annixus est. Equidem tantum abest, ut ab acido multos morbos in corpore humano gigni, atque secretiones & excretiones naturales impediri diffiteatur; ut potius cum a natura bilem (quam alkali esse, adeoque cum aqua forti effervesce, & syrupū violarum viridem reddere affirmat) tanquam succum laudabilem ad acidi correctionē concedi, tum Medicum eundem in finem alkalicis medicamentis vix posse carere (cap. 2.) ambagē largiatur manibus. Siquidem nec infusi theæ (quam salem medium, naturæ nostræ non inimicum, possidere probat) moderatum usum dissuadet, (cap. 3.) effectum tamen potiore aqua calidæ, quod visciditates corrigere, & salia hostilia evacuare apta sit, assignans. Similiter enim cum aliis vegetabilibus, e. gr. cum rad. asari, & sem. fœnicul. in ophthalmia inveterata; cum herbis bezoardicis in febribus Hungarica & malignis aliis, propinatam eandem insigniter profuisse asseverat. Nihilò tamen secius, ut, quod titulus promissit, acidi & visci in morborum ætiologia insufficientiam demonstrèt, alkalium medicamentorum dominatum destruat, & acidorum, frigidorum &c. genuinum usum vindicet, id per plura capita in effectum dare laborat. Quamobrem quod nimia fluiditas æque ac visciditas humorum æconomiam animalemevertat, imò alkalia venæ vivi animalis infusa texturam eorum ad lethaliatatem usque dissolvant, volatiliū abusus hæmorrhagias, syncopen &c. inducant, theæ infusum copiosius justo haustum & requisita ad vitalitatem nostram conservandam salia una cum superfluis exterminet, (cap. 4. & 5.) per exempla edocet. Ut

autem

tutem porro ostendat, morbos etiam ab alkali, inprimis volatili oriri, humorum nostri corporis præcipuorum anatomen (cap. 6.) instituit. In sanguine igitur, saliva, &c. diversas, imo & acidas naturaliter contineri particulas, per experimenta concludit. Humor enim nostrorum temperiem ex apta & proportionata, diversarum licet particularum mixtura; intemperiem vero ex quarundam præ aliis, seu acidæ seu alkalicæ illæ fuerint, prædominio derivat. Plurimos deinde morbos, scabiem siccam, variolas & morbillos, scorbutum, arthritidem vagam, podagram, diarthroeam, dysenteriam, morbum Hungaricum, pestem ipsam, vermes, hydropem, & quæ funesta idus animalium venenatorum excipiunt symptomata, alkali cuidam accepta ferenda esse, eruditis satis argumentis (cap. 7.) evincere studet. Exempli gratia, de podagra historiam ex Actis Hafniens. allegat cujusdam ea affecti, qui unicum levamen a sudoris profluxu capiebat, hic vero in patinam collectus sal præbuit celerrime cum acidis consilgens. Febre pariter Hungarica ultima obsidione Budensi mortuorum sectionem docuisse refert, bilem & contenta ventriculi cum acidis vehementissime efferbuisse, secus ac in hominis sani violenta morte interemti cadavere contingat. Quoniam igitur & nimia fluiditas corpori infesta est, eam vero medicamenta acida, ite frigida dicta corrigunt, experientia suffultus, iisdem simul cum alimentis valorem pristinum (cap. 8. & 9.) restituit, modo debita cum cautela, prout omnia etiam probatissima remedia, assumantur; simulque præstantissima quorundam exempla enarrat. Quin imo acida & frigida non tanto corpori nocumento esse, quanto sint alkalia & calor, contendit. Illud probat per experimentum in Transact. Angl. descriptum, ubi canis, cujus venæ olei sulphuris infusum est, mortem evasit, quam alius subito obiit, cui simili modo oleum tartari instillabatur. Notat item, quod frigori facilius quam calori ferendo pares simus, aqua frigida in cholera conducatur, septentrionalesque populi meridionalibus vividiores & fecundiores existant. Ut proin quam exorsus est, telam pertextat, (cap. 10.) ostendit, etiam alia dari eaque excellentissima remedia, quæ non sint alkalia. Exempli loco opium, mercurium, sulphurea medicamenta, camphoram &c. in scenam producit, & penitus examinat. Quando in miras ab opio proficisci solitos effectus inquirat, illos nec salî cuidam volatili o-

leoso, nec sulphuri, sed ætheri particulis terrestribus, viscosis &c. immixto tribuit, quæ spiritus nostros immediate afficiant, in motu illis remoram injiciendo: ejus vero optimum corrigens alkalia, & hinc tincturam antimonii tartarisatam, item cinnabarim antimonii asserit. Mercurii pariter operationem nec acido, nec alkali volatili, sed salicuidam æthereo penetrantissimo adscribit. Eam ob causam (cap. 11.) demonstrare satagit, medicamentorum effectus non tam ab alkali, aut acido, quam a textura & dispositione particularum, & insito spiritu dependere. Imo nec alkalia fixa tantum absorbendo acidum vires suas exercere, sed specifica inter se textura differre, per exempla exponit a lapidibus cancr. coralliis, martialibus, saturninis, jovialibus &c. deprompta. Ultimo (cap. 12.) venæsectioni, cucurbitulis &c. patrocinator, quod illa præsens in hæmorrhagiis, suppressionibus mensium &c. auxilium ferat, indicationibus satisfaciatis, plethora ad vasa dicta revera contingat &c. Cathartica tandem vehementiora & ipse damnat; genuinum vero usum, ubi mixtura sanguinis inturbata, sero non eget, primæque viæ sordibus scatent, corroborat, imo & alterandi causa in pauca quantitate talibus medicamentis mixta præscribi debere præcipit.

GOTTOFREDI HENNICKII, D. ILLUSTRISS.

Comit. Erpacensium Archiatri & Physici provincialis, de Panaceis Tractatio Medico-Chymica.

Francos. ad Mœn. sumptibus Christiani Genschii, 1689, in 8.

Constat plagulis 3.

Medici gratiosi omnino interest, ut sanitati aut conservandæ, aut restaurandæ unice incumbens, sine suo cito, turo & jucunde potiatur. Hoc per panaceas in effectum deducere alii vane gloriantur, alii feliciter expediunt. Illi qui nubem pro Junone amplecti assolent, unico remedio inevitabilem mortalitatis necessitatem eludere ut plurimum satagunt, ut sterili spe lactatos pecunia emungant. Hi vero quibusdam, at selectioribus remediis, circumstantiarum diversitati accommodatis, firmos morborum insulibus arietes, quantum possunt, objiciunt. Simili his gaudet instituto clarissimus Auctor, qui brevi hoc tractatulo panaceas ejusmodi recludit; & ex thecis

thecestribus, quæ circa illas animadvertenda sint, depromit, quarum prima quinque, secunda tres, tertia unam continet capsulas, literis alphabeti distinctas. Quippe iisdem medicamenta indigitat, non quæ actu omnem aboleant exstinguantque morbum, homines ex arci faucibus eripiant, & ad feros annos perducant, sed quæ summe activa vel simplicia, vel manu ortho-chymici elaborata, blande, cito, parvaque dosi vires suas exerant. Quoniam vero a saliva, humore ventriculi, succo pancreatico, bile &c. quæ in ventriculum assumpta medicamenta per venas demum lacteas, adeoque vias longiores, ad receptaculum chyli, & exinde ad M. S. feruntur, insignem mutationem experiri necesse sit, ea aliis præstare ait, quæ spirituosæ sint, & immediate magis M. S. subeant. Ejusmodi vero remedia a Chymicis promittit ingenuis, qui eadem per ignem, non vulgarem, utpote sale suo aereo plurimis impuritatibus sæto concreta notabiliter adulterantem, sed per congrua instrumenta temperatum, reclusa intima & specifica mixtorum connexione, evolvunt, subtilisant, perficiunt. Atro proin calculo notantur purgationes violentiores & venæ sectiones annuatim aliquoties repetitæ: quod per illas male causæ morbificæ, quam non attingant, remotio ex quantitate excrementorum, quæ semper multum spirituosæ foveant, æstimetur; per has vero tantum absit, ut semina morbosa cum sanguine educantur, ut potius illa sese postea validius exerant, & hinc febrium intermittentium duplicaturæ &c. superveniant. Quippe causam morborum in idea morbi residere putat, quam e. g. in morbis hæreditariis cum semine delatam ad fœtum Formator ob teneritudinem facile recipiat, ut secundum illius ceu potentioris indolem tota dein temperies determinetur. Quoniam autem in minimo illa consistat, etiam dosi minima opponendas esse panaceas. Archeum enim nostrum in regularitate sua balsamico-salina, vigoris nostri custodem esse & conservatorem, in statu autem p. n. a degeneribus, ac per varios in sextuplici digestionem Helmontiana commissos errores genitis cruditatibus, tanquã totidem morborum ideis in ataxias conjici exorbitantes. Et hæc theca prima conduntur. Secunda ipsas exhibet panaceas. Ducem hic veneratur celeberrimum *Ludovici*, quem limatissimæ chymix, & saluberrimorum remediorum promum condum *Medici* unanimi applausu mirantur. Eas vero vel naturales appellant,

vel artificiales. Illarum in numero recenset radicem Ninsi, spiritum mundi, seu sal universale Hermeticum seu aereum, theam, baccar. junip. & sambuc. infusum simili instituto sorbillandum, caffè &c. item opium. Ex his vero alias universales nuncupat, particulares alias, nempe vel in omni morborum genere, vel aliquibus tantum celebratas. Q. E. huc nullo liquore præcipitabiles, item Poterianas, salia volatilia aromatica, aliaque remedia celebrium medicorum refert. Ex minerali regno aliis palmam præripere contendit ex mercurio & antimonio paratas, & a variis chymicorum coryphæis commendata medicamenta; effectus vero, qui a Sole desiderantur, aut frustaneos esse, aut ab additamentis pendere. Ex regno animali panaceas quasdam vix innotescere, nisi quod melli insignes *Langius*, lapidibus cancrorum omnes a margaritis & lapide bezoar specificè vix differentes tribuant virtutes. Verumenimvero quamvis ideas has suas lucis primigeniæ scintillas, eodem recidere asserat, quod alii per singularem corporum crasin, seu modificationem, proportionem, texturam particularum specificam, & motum dispositivum explicant; abs eorum tamen sententia recedere videtur, quod theca ultima morborum causam immediatam non in humoribus, sed in archæo constituat. Quod tandem panacearum operandi modum attinet, cum *Helmontio* & *Thomsono* conspirat, eas spiritus vitales vel debiliores multiplicare, vel vitiosis ideis inquinatos iisdem liberare, vel anomalos corrigere, acres edulcorare, partesq; a vitali consortio segregatas, per convenientes vias, sine digestionum naturalium læsione evacuare. Pro hisce scopis obtinendis panaceas vegetabiles spiritus magis confortare, animales novas ideas imprimere, minerales causas occasionales remove, & humorum massam commovere affirmat.

TRACTATUS DE CONCURSU CREDITORUM in foro civili formando, editus ab Antho-

nio a Mara D.

Brunsvigæ, sumptibus Christoph. Frider. Zilliger, 1689, in 4.

Constat plagulis 42.

Quanquam non exiguus est eorum numerus, qui de concursu & prioritæte creditorum scripta consignant; tantum tamen abest

est, ut præsentis operis Autor (cujus genuinum nomen esse *Elie Schnegasse*, compertum habemus) Iliada post Homerum se scribere putarit, ut potius rectiorem se hac in parte, quam quidem alii hætenus, viam adinvenisse, quin & errores plurimorum, celeberrimorum alioqui juris interpretum detexisse atque refutasse, sibi, vel ipsa rubrica teste, persuadeat. Hac vero usus est methodo, ut libris quatuor universam hanc materiam complecteretur, & in *primo* quidem de personis tractaret, quæ in concursu creditorum concurrere debeant vel non debeant. Scilicet cum creditoribus nequaquam concurrere, sed præ istis eximios esse innuit omnes illos, qui in re, quæ in bonis debitoris reperitur, ullo modo dominium retinuerunt aut obtinent: quos inter etiam refert venditorem ratione rei venditæ, quam tradidit, sed non expresse fidem de pretio habuit; patrem ratione nummorum, quos filiusfam. contra SC. Macedonianum mutuo sumpta pecunia creditori solvit ex patris pecunia, si nummi in bonis creditoris adhuc extent; pupillum ratione rei ex pecunia sua emtæ, si res extet & in bonis emtoris creditores concurrant; uxorem ratione rei pecunia ejus emtæ, quam constante matrimonio marito donavit; venditorem ratione rei, quam dolo inductus vendidit; dominum feudi aut emphyteuseos ratione fundi, qui ob delictum aut non solum canonem ad eum rediit, & adhuc in bonis vasalli aut emphyteutæ remansit, aliosque hujus generis complures, quos latius hic recensere nimis tædiosum foret; cum Autor ubivis id egerit, ut casus quosvis specialissimos undique ex jure civili corraderet, ac suo quemlibet loco sigillatim commemoraret; subnexa etiam responsione ad singulos textus, quos suis subinde assertionibus obstantes offendit. Nec positive tantum in primo hoc libro se gessit, commemorando nempe, qui ob competentem rei vindicationem cum creditoribus concurrere non habeant necessum; sed remote etiam, prolixum scilicet eorum catalogum recensens, qui modo recensitis primo quidem intuitu non absimiles, ob concurrentes tamen circumstantias diversas eodem jure gaudere, creditorumve censu semet eximere nequeant. Porro in *libro secundo* ad certas prioritatis classes, quas *otto* statuere placuit, creditores concurrentes redigere occupatus est. *Primam* classem facit eorum, qui in concursu omnibus aliis præferendi sunt: quorum v. g. refert eum, qui in confectionem inventarii, item conservationem aut venditio-

ditionem bonorum, culturam agrorum, exactionem nominum ad-
vorum, processum prioritatis instruendum sumtus fecit; nec minus
sportulas iudicis & actuarii, salarium curatoris bonorum, impensas
necessarias in funus non ipsius debitoris tantum, sed & ejus uxoris fi-
liarve factas: sumtus tamen in morbum erogatos, nec non salaria fa-
mulorum domesticorum huc spectare negat, nisi specialis introducta
ea de re sit consuetudo, in cujus requisitis determinandis perquam
serupulosus est. Istos autem aliosve hujus generis creditores classis pri-
mæ æqualiter pro rata debiti concurrere statuit. In classe *secunda*
collocat eos, qui hypothecariis anterioribus ex hypotheca & privi-
legio potentiori præferendi sunt: uti fiscum, aut civitatem etiam
municipalem ratione diversarum præstationum publicarum; cre-
ditorem qui ad militiam seu officium publicum vendibile & hæredi-
tarium emendum expresse in scriptis pecuniam credidit; denique u-
xorem ejusve liberos intuitu dotis illatæ: ubi in recensione casuum
separatorum admodum prolixus est, quo evidentius edoceat, quan-
do hæ personæ ad secundam hancce classem aut spectent, aut non spe-
ctent; varias enim & minimas quandoque circumstantias evidenter
hic jus variare ostendit. *Tertiam* classem constituunt, qui ex hypo-
theca, uti loquitur, minus potenti creditoribus hypothecariis ante-
rioribus sunt potiores: quorsum præprimis refertur creditor, qui ad
refectionem seu reparationem rei, in qua alii jam hypothecas habent,
pecuniam credidit, item ad ædificationem domus, in cujus area vel
solo jam alii hypothecæ jus obtinent; pupillus cujus pecunia res aliis
obligata fuit emta, alique, quos huc transcribere nimis prolixum
foret. Classe *quarta* Autor complectitur illos creditores, qui ratio-
ne dominii recognoscendi hypothecariis præferendi sint, nimirum
dominum privatum superficiei aut emphytheuseos ratione solarii aut
canonis; nec non eum, cui annui reditus ex alieno solo debentur, si
consuetudine certa prioritas ei tribuatur hoc nomine. *Quinta*
classis eos habet, qui creditoribus hypothecariis ex auctoritate instru-
menti anteferuntur, puta, quibus hypotheca per instrumentum aut
judiciale, aut Notarii, aut tribus testibus corroboratum, constitu-
ta fuit: hos etenim in separata classe ponendos noster autumat, eo
quod ex singulari ratione aliis hypothecariis præferantur. Jam ulte-
rius in classe *sexta* reliqui sequuntur, qui hypothecam cum privile-

gio temporis habent, cujus intuitu sibimet invicem praponuntur. Classe *septima* comprehenduntur creditores, qui dum hypothecam non habent, sed duntaxat actionem personalem & privilegium prælationis, præferuntur Chirographariis; qui ipsi denique *octavam* classem constituunt. In *Libro tertio* tractat Autor de Rebus, in quibus potiores creditores secundum classes aliis aut præferantur, aut non præferantur; ubi maxime de usuris aliisque accessoriiis agitur ostenditurque, ad quænam eorum jus prioritatis aut queat aut nequeat extendi: & in *quarto* tandem delineat, quomodo secundum jus civile (id enim unice in scripto hoc ante oculos sibi posuit) processus sit formandus in concursu creditorum, sive hic contingat post mortem debitoris, sive eo adhuc vivente; tam post cessionem bonorum, quam sine ea, ex pacto solum cum emtore, qui nempe rem magni pretii sibi comparare volens, ratione rei & pretii securus esse cupit & hypothecarios citari desiderat. Denique sub finem adhuc agitur de Probatione in concursu obtinente, nec non de variis cautelis, in eodem tam a iudice, quam a partibus, siquidem secure incedere velint, observandis. Cæterum singula sua asserta adductis juris textibus (quos quidem non per titulum rubricas, uti alias fere moris est, sed per numeros, modo librorum titulumve citat,) Autor stabilire satagit: alios vero Doctores nusquam allegat, nisi ut refutes aut errores arguat. Qua quidem ex parte adeo rigidum semet exhibuit censorem, ut alicubi ipsum quoque Ulpianum errasse contendat; dum nempe is in *l. i. §. 5. D. quand. appell. sit*, scripserit, a sententia definitiva sub conditione lata statim esse appellandum: cum tamen sententia talis nulla potius dicenda fuisset, cujus adeo vires per appellationem suspendi nec possint, nec debeant: ne de aliis recentioris quidem ævi, maximi tamen nominis Jureconsultis dicamus, utpote quos liberrime ubivis perstringit, si vel minimum ab ejus opinionibus deflexerunt. Diffidendum tamen non est, ipsum non semel inter errores ea quoque numerare, quæ Autores isti aut expressa sanctione provinciali, ad quam scripserunt, aut certe plerorumque juris interpretum calculo, ipsaque adeo praxi, optima legum interprete, freti asseruerunt; uti cuilibet vel leviter librum pervolventi apparebit. Unde verendum non sine ratione est, haud paucos fore, qui cum magnis istis viris sic errare, quam cum Autore hoc secus sentire satius ducent.

Verum de his, ut &, an per novam istam methodum intricata hæc alioqui materia multum lucis nacta fuerit, aliorum esto iudicium: nobis enim, quibus librorum contenta nude referre propositum est, censorum partes hac in re nequaquam sumimus.

DISQUISITIO THEOLOGICA DE SENTENTIA Augustini, an heretici & schismatici vi ad fidem sint cogendi? Ubi simul ingens discrimen ostenditur inter causam Donatistarum & Protestantium. Autore Elia Veichio, Doctore & Professore Theol.

Ulmæ, literis hæred. Christian. Balthasar. Rishn/1689, in 4.

Continet plaguas 8.

Nuperas Hugonottarum in Gallia aliasque huiusmodi persecutiones probantibus nihil frequentius, quam ut Augustinum in partes suas vocent. Quocirca celeberrimus dissertationis huius Autor in Augustini scriptis haud mediocriter versatus paulo accuratius inquirendum censuit, quid de hac controversia Hipponensis ille Præsul statuatur. Ac primum quidem insignia quædam ex ejus operibus loca colligit, quibus probari potest, tantum abesse ut religionem vi cogendam existimaverit, ut potius violenta inducenda & propaganda religionis media omnibus modis disluerit. Postea vero ad ea, quæ ex epistola 48 ad Vincentium in Gallicum sermonem haud ita pridem traducta objiciuntur, respondet Augustinum fateri, quod a Collegis persuasus, & exemplis eorum, qui severitate poenarum ad sanio rem mentem redacti fuerant, permotus priorem sententiam quodammodo retractaverit; neque tamen Augustinum, dum priorem sententiam retractavit, ex scriptura solide probare potuisse, quod vis humanis conscientiis inferri debeat, cum in argumentis, quæ ex historia Saræ ancillam suam castigantis, item ex Joh. VI, 44. ubi de divino tractu agitur, aliisque nonnullis sacri codicis testimoniis deprompsit, non disputantem sed rhetoricantem Augustinum quilibet deprehendat, ideoque Autorem *disquisitionis de persecutione Gallica in Reformatores exercita & autoritate Augustini defensa* acriter in hanc Augustini retractionem inquisivisse. Adducit & Grotium, qui in Annot. ad Luc. XIV, 23. Augustini exemplo constare animadvertit, quanto aliter judicemus, cum res ipsas sine affectu

affectu introspicimus, quam cum quaestio facti incidit, quo saepe fiat, ut *θεωρεῖται* & *Περίτρετες* non semper sint *οὐκ ἀπὸ τῆς αἰτίας*. Cum vero Augustinus in hoc negotio Collegis cesserit, Gallicus Augustiniana illius epistolae Interpres Autori nostro se minime probavit, cum Augustinum Principibus absolutam in haereticos sibi subiectos potestatem tribuisse pronunciat. Quod si vel maxime Augustinus diserte & absolute affirmasset, haereticos ad fidem cogendos esse, haudquaquam tamen id iudicium Veielius noster amplectendum putat, nisi idoneis Sacrarum Literarum testimoniis confirmari possit. Augustini enim auctoritatem tantam non esse, ut ab ejus sententia discedere nemini liceat, doctissimi Jesuitae *Petavii* suffragio comprobatur. Præterea illam Augustini sententiam si decretoriam & a nemine in dubium vocandam esse concedatur, ad Protestantes non pertinere ex eo demonstrat, quod Protestantium religio a causa Donatistarum tantum absit, quantum cælum a terra. Contra Pontificios ad Donatistas propius accedere, inter alia inde probatur, quod saepe Reformatorum infantes rebaptizaverint, ut ex Pii V decreto, cujus *Lannojus* in historia Gymnasii Navarraei meminit, & ex Concilio Rotomagensi constat. Postremo concludit, morem haereticos ad religionem cogendi debilioris & pessimae causae indicium esse, & ex *Petro Matthæo* ostendit, Romano-Catholicos in Anglia iisdem rationibus conscientiae suae libertatem postulasse, quas ipsorum Doctores alias in Protestantibus repudiare & impugnare solent.

DU DROIT DES FRANCHISES DES QUARTIERS de Rome, ou logent les Ambassadeurs de France &c. i. c.

De jure Asyli sive Franchitiarum in regione urbis Romanae, in qua Legati Gallici diversantur, & de nullitate excommunicationis a Pontifice in Marchionem Lavardinum vibratae. Accedit consideratio Canonis XII secundi

Concillii Lugdunensis de Jure Regaliae.

Amstelodami apud Josuam Rousseau, 1688, in 8.

Constat plagulis 6.

LII 2

Abru

Abrupta nuper est, quæ tot sermonibus scriptivæ occasionem dedit, legatio Lavardini, & expectat Europa eventum irarum primogeniti Ecclesiæ Romanæ filii in parentem. In earum interim causam in otio literario disquiritur, & relata a nobis est mense *Majo* proximo illustris Autoris assertio juris Pontificii, adversus Gallicas prætensiones. Jam anonymum alium producimus, qui Gallici juris vindicias suscepit, argumentis, quibus eruditionis & acuminis laudem mereri possit; accedet etiam magnanimitatis, si vera sunt, quæ typographi nomine in præloquio ex aliis audita referuntur, nempe quod spreta fama, & quæ per *P. de la Chaise* oblata fuerint præmiis, tacitus suæ conscientiæ, in iudicio de controversia hac, satisfacere, quam ad Jesuitas gloriam scripti hujus transferre maluerit. Tres autem sunt ejus partes vel sectiones. In *prima* de jure asyli agitur, & tali quidem, quod non constitutum concessumque sit subditis a supremo aliquo Principe, ex gratia justa causa revocabili, sed de tali, quod Princeps itidem supremus, Rex puta Galliarum, in Principis, æquali majestate in temporalibus præditi, Pontificis nimirum ditio, jure servitutis cujusdam acquisiverit. Hujus antiquitatem eandem esse statuit Autor, quam Pontificum temporalis in urbem Romam imperii, quod magna ex parte Gallicorum regum beneficiis deberi putat. Si enim recentior esset prærogativa illa, futurum non fuisse conjicit Autor, ut scriptores Romani, ceremoniarum & pomparum satis memores, initium rei parum usitatæ silentio prætermiserint. Vetustatem etiam ex prima A. 1552 a Julio III edita constitutione liquere, in qua diuturnam, quam prohibet & abusum vocat, consuetudinem falsus est, impedire tamen non potuit, non magis, ac qui ei successerunt ad hunc usque Pontificem. Verum ne tot Christi vicariis injustum & irritum conatum imputet, aliam iis mentem fuisse statuit, negans edicta illorum adversus Reges condita esse, quia eos non nominaverint; quod tamen fieri debuisset, si obligatos illos vellent, autorum non vulgarium ex Canonistarum ordine testimonio comprobatur. Quod igitur adversus *Primates & Cardinales & Oratores Principum* constituerunt, ad illos solū pertinere contendit, qui Pontificum temporali imperio subiecti sunt, & adversus eos crimen majestatis committere possunt; hoc enim transgressoribus in edictis impingitur. *Bullam* quam vocant *cana Domini*, nihil ad

hil ad hanc rem facere existimat. Præterquam enim quod illa, ut censet, in universum iniqua, toti Ecclesiæ contumeliosa, Principum majestati adversa, ideoque a plurimis rejecta sit, (quam in rem Caput VII. n. 55. *de probationibus libertatum* Ecclesiæ Gallicanæ allegat) in illos tantum fulminari eam dicit, qui bona sive *domania* Pontificum invadunt; id quod ad Reges Galliæ trahi non possit, qui nihil tale Pontificibus auferant, sed jure servitutis, in aliena licet ditione acquisitæ, utantur; gentium etiam jure tuti, cum res inter Principes paræ potestatis versetur. Aliud argumentum ex conventionione Pisana inter Regem Galliæ & Alexandrum VII inita elicitur, qua cavetur, ut Legatis tanti Regis & primogeniti Ecclesiæ filii debita reverentia Romæ præstetur; nec dubium esse Autor putat, quin etiam jus asyli innuatur, cujus usum & exercitium Legati conventionis illius tempore habuerint. Notum præterea esse, quomodo Pontifices supremum in urbem imperium adepti sint, indulgentia nempe Principum, qui successores D. Petri eo modo honorare voluerint; unde triplici nomine a Pontificibus mutuam merito exigant reverentiam, nempe (1) quod fidem Christianam profiteantur, (2) quod Ecclesiæ, & (3) quod provinciarum Pontificiæ potestati subjectarum protectores sint. Sed hoc axioma Galliæ Regibus præcipue, & ut videtur, unice vindicat Autor, allata Gregorii, quem Magnum vocant, blanda hyperbole ex *Lib. V. cap. 6.* ubi Francorum Reges *tantum antistare aliis Regibus dixit, quantum Reges ceteris præferantur hominibus.* Notat tamen, Gregorium illum Imperatoribus subditum, & in exequendis eorum jussis non raro occupatum fuisse, idque ex *Lib. II. ep. 62.* aliisque locis constare asserit. Tanto magis, ait, successores ejus & Innocentium hunc XI revereri majestatem Regum Galliæ oportuit, a quibus tot beneficiis affecti sunt, & quibus imperium in urbem aliasque Italiæ partes debent, & ad honorum præstationem sese obligarunt. Comprobat id ex Caroli Magni & Ludovici Pii actis, & ad Galliæ regnum trahit, quicquid illi non solum ut Reges Galliæ, sed & ut Imperatores Romani exercuerunt. Citat etiam Innocentii III dictum ex veteri *Bullarum collect. III. Lib. II. de judic. cap. 3. quod exaltatio Regum Francorum sublimatio sit Apostolicæ sedis.* Accedit recentissimi meriti ostentatio, plus satis ab aliis jactata, nec a paucis elisa, quod nuper ad agnoscendam Pontificis majestatem vices cen-

tena hominum in Gallia millia adducta sint, tanta pietate & potentia Regis, quanta ab alio sperari non possit. Respondetur inde objectionibus, quod Pontifices pro supremo, quod Romæ habent, jure, de asyulis statuere potuerint & debuerint, ne crimina per asyulorum abusum impunita manerent. Ait enim Autor, Principes ita tueri potestatis suæ axioma debere, ne aliorum acquisita in provinciis suis jura sive servitutes illegitime auferant. Cum igitur Pontifex in regnis quibusdam ea, quæ sibi jure clientelæ debentur, exigat, eodem jure illum aliis & speciatim, Galliæ Regibus ad servanda, quæ illi in Pontificia ditione quæsitæ habent jura, teneri. Prætextum autem de criminum impunitate vanum esse, cui absque læsione alieni juris occurrî possit a Pontificibus, si de abusibus Legatos moneant, aut, his renitentibus, a Rege remedium petant, qui nunquam illud sit denegaturus.

Alter libelli parte nullitatem excommunicationis A. 1687 mense Majo adversus Lavarinum Romæ fulminatæ, demonstrandam sumit Autor. Distinguit ante omnia Pontificis potestatem Ecclesiasticam a Politicā: illam a D. Petro derivatam agnoscit; hanc Principum & Regum Gallicorum maxime beneficio accessisse illi dicit, neq; cum ea confundi debere. Jus autem asyli vel concedendi, vel auferendi, non priori, sed posteriori potestati adhzrere statuit, nec alio modo exerceri aut defendi posse, quam quo Principes non Ecclesiastici sed Politici uti possunt, ita ut excommunicationis fulmini locus hic non sit. Hæc ulterius demonstraturus, disserit (1) de utriusque potestatis scopo & mutuis adminiculis, eo tendentibus, ut Ecclesiastica Politicæ succurrat, hortando ad obsequium subditos, & si opus sit, excommunicationis rigore adigendo: Politicæ vero Ecclesiasticæ patrocinium præstet, ad exequendum leges sævas & puniendum refractarios. Sic adversus delinquentes in jura Magistratus, subsidiariam censurarum sive excommunicationum vim peti posse. Ab hoc vero casu diversum plane esse ait, de quo inter Regem & Pontificem disceptatur; neq; enim agi de subditiis ad officium per excommunicationes compellendis (quas exerceri a Pontifice posse, nemo facile negaverit) sed de Rege maximo, jus asyli extra regnum quidem, sed jure antiquæ servitutis in ditione Pontificia asserente; & sic quæri, an Rex alia quam amicæ aut legitimæ disceptationis via ad jus illud suum cedendum

dum per Ecclesiasticam potestatem adigi potuerit. Id vero Autor prorsus negat, nec magis ferendum esse Pontificis factum putat, quam si Pontifex, ut olim, sola Ecclesiastica dignitate; Imperator vero aut alius Rex vel Princeps temporali potestate in urbe Roma potiretur: licet enim jam utraque in persona Pontificis concurrat, distinctos tamen singulis terminos manere. Urget (2) discrimen utriusque potestatis, quod neutra alteri formaliter subjiatur, sed quæque in suo genere independens & libera sit. Licet enim Reges & Magistratus quoad personas, & quatenus Christiani sunt, Ecclesiasticam agnoscant potestatem, subordinati tamen illi non sunt, ratione muneris sui politici. Affert ad sententiæ hujus, alioqui satis notæ, confirmationem insignia loca Tertulliani, Optati Milevitani, Gelasii & Nicolai I. Pontificum. Conscit inde, censuras a Pontifice ad jus asyli Galliarum Regi eripiendum, nullo jure expeditas esse. Ostendit (3) neminem ignorare, quod Principes ex Paganismo ad Christianam religionem conversi, nihil ex pristina majestate juribusque suis amiserint, ideoque fieri non posse, ut Pontifices illos per censuras Ecclesiasticas a juribus suis depellant, & iudices in sua causa sint, ac veluti divina dictatura in Reges utantur. Unde iterum patere existimat, nulliter processisse Pontificem in pronuncianda adversus Legatum Regis excommunicatione, in re politica, qualem esse censet jus illud asyli. Si tamen hoc pro Ecclesiastico habere aliquis velit, nihilo magis tamen fas fuisse Pontifici, ut ad excommunicationis rigorem progrediretur: hunc enim non nisi adversus atrocium criminum reos locum habere, omnium Doctorum sententia constare dicit. Negat autem talis accusari posse Lavardinum, qui Regis sui mandatis obedientiam, quam jure divino & naturali debebat, præstiterit, in negotio Legi divinæ per se non contrario, & de quo præsumere potuerit, quod Rex bona fide & antiquo usu & more niteretur; quia Reges Galliarum non obstantibus Julii III & successorum ab annis centum quinquaginta interdictis, exercitium immunitatis illius retinuerint, & Rex ex tractatu Pisano supra dicto satis tutum se in possessione hac esse, haud immerito existimaverit. Quod si tamen res dubia fuerit, illegitimum nihilominus fuisse arbitratum excommunicationis fulmen, & Gregorii Magni dictum observari debuisse Lib. VIII. ep. 30. *Constantio Mediolanensi Episcopo rescribens: grave satis est & indecens, ut in dubio certa di-*

catum

catur sententia. Hoc cum neglexerit Pontifex, a turbata pacis & nascentium periculorum culpa excusatum non esse.

Sequitur alia & separata ab isthac materia tractatio *de jure Regalia*, quam vocant, de quo ab aliquot annis inter Galliæ Regem, & Episcopos quosdam ipsumque Pontificem, acerrime disceptatum esse novimus, magno quidem cum Episcoporum, & qui illis adstiterunt, infortunio. Cum vero jus regium, quo vacantibus Episcopatibus, & beneficia quæ vacant conferre, & redditus fisco applicare solet, a Pontifice & Episcopis ex canone sive decreto *Concilii Lugdunensis secundi* A. 1274. habiti, maxime oppugnetur, Autor hic nullum in canone isto præsidium Pontificiis assertis esse existimat. Verba Canonis hæc sunt: *Generali constitutione sanctimus, universos. & singulos, qui Regalia, custodiam sive guardiam, advocacionis, vel defensionis titulum in Ecclesiis, monasteriis, sive quibuslibet aliis piis locis de novo usurpare conantes, bona Ecclesiarum, monasteriorum aut locorum ipsorum vacantium occupare præsumunt, quantecunque dignitatis honore præfulgeant, Clericos etiam ecclesiarum, monachos monasteriorum, & personas ceteras locorum eorundem qui hæc fieri procurant, eo ipso excommunicationi subjacere; illos vero Clericos, qui se, ut debent, talia facientibus non opponunt, de præventibus Ecclesiarum seu locorum ipsorum pro tempore, quo præmissa sine debita contradictione permiserint, aliquid percipere districtius inhibemus.* Qui autem ab ipsarum Ecclesiarum, ceterorumque locorum fundatione, vel ex antiqua consuetudine jura sibi hujusmodi vindicant, ab illorum abusu sic prudenter absterneant, & suos ministros in eis sollicitè faciant abstinere; quod ea, quæ non pertinent ad fructus sive redditus provenientes vacationis tempore, non usurpent, nec bona cetera, quorum se asserunt habere custodiam, dilabi permittant, sed in bono statu conservent. Quicquid ex hoc decreto contra jus Regis adduci concludique solet, invalidum esse statuit Autor, qui clausula illa, *quantecunque dignitatis honore præfulgeant*, Reges comprehendendi negat, totamque illam constitutionem adversus minores dynastas, quorum tunc multi in Gallia & vicinis regionibus Regalia jura usurpabant & clero iniqui erant, sancitam esse contendit. Assert speciosa ex aliorum conciliorum illius temporis Canonibus argumenta, & insignium Doctorum testimonia, qui affirmant, expressam mentionem Regum & Imperatorum in decretis requiri, si obligati

iis de-

tis debeant; generalibus autem istiusmodi enunciationibus non teneri. Speciatim citat concilii Tridentini definitionem Sess. XXII cap. II, & quæ de ea *Paulus Venetus*, (catenus ab Aristarcho suo Pallavicino non reprehensus) annotavit, & magni nominis Canonistæ commentati sunt, ut & veteris commentatoris, qui pro Durando habetur, ad dictum Can. Lugd. explicationem. Subjungit denique etiam hic, quod supra in quæstione de jure asyli monuerat, dubiam ad minimum canonis istius sententiam esse, cui inniti excommunicatio Pontificia tuto & legitime non potuerit.

L' INNOCENCE OPPRIME'E PAR LA CALOMNIE, ou l' Histoire de la Congregation des Filles de l' Enfance de nôtre Seigneur Jesus Christ, &c. i. c.

Innocentia per calumniam oppressa, sive Historia de Congregatione Virginum Infantæ Jesu Christi, & quomodo subreptum sit religioni Regis Christianissimi, ut abolitionem Congregationis illius decerneret, &c.

Tolosæ, apud P. de la Noue, 1688, in 12.

Constat plagulis 16:

Libellum hunc nobis nuper indicavit *Franciscus Pisto*, vel quisquis autor est tractatus de Ecclesiæ Gallicanæ Afflictionibus, mense Majo proximo p. 265 a nobis relati; nec mitior est Scriptor hic, quam Pisto ille, in Jesuitas & eorum patronos. De Rege magna cum reverentia loquitur, malletque eum ab iis, quæ contra jus fasque acta sunt, excusatum habere. Injusta quidem illa coram Deo & per se, & maligne obreptum esse Regi maximis negotiis occupato, non dubitat; novum tamen hoc obreptionis malum non esse, & optimis Principibus accidere fatetur, exemplo Davidis, qui servuli nequam calumniis ad injustum decretum inductus fuit. Talia scilicet ista esse ait, qualia Samuel inter jura Regis populo Israelitarum proposuit, facti, non legis, i. e. illegitima & inhonesta, sed quæ ferri debeant, Oportet autem & petit, ut Regi tanto, tamque perspicaci & reli-

& religioso veritas innotescat; quo facto futurum esse confidit, ut innocentibus damna resarciantur, & in calumniæ autores recidant. Quo fundamento & jure hæc dicantur, penes alios judicium esto; nos factum ut proponitur, compendio enarrabimus.

Johanna de Juliard, vidua *Caroli de Turle Domini d. Mondoville*, nobilis in urbe Tolosana matrona, pro amplis quas habebat facultatibus, & pietatis studio, ante annos plus minus triginta consilium ceperat de sodalitie Virginum instituendo, quæ nuptias averfata, neque tamen ad omnem monasticæ disciplinæ rigorem adstrictæ, piis exercitiis incumberent, tum puellas a tenera ætate in pietate, & virtutibus atq; artibus sexum ac conditionem decentibus instruere, viduas etiam & conjugatas, quæ solitudinem aut secessum ad sacra exercitia desiderarent, recepturæ; dein ut ægrotantibus in contagiosis etiam morbis succurrerent. Probavit consilium *Petrus de Marca*, Archiepiscopus eo tempore Tolosanus, magni nominis Præsul, & statuta Societatis a *Gabriele Cironio*, Canonico & Academiæ Tolosanae Cancellario, pio & docto (ut refertur, multisque testimoniis probatur) viro, composita, per *Vicarium* suum *generalem* confirmavit. Eadem ab octodecim in Gallia Episcopis magnis elogiis excepta fuerunt: inter quos ob eruditionem & zelum in disciplina famigeratissimi nominantur *Antonius Vincienfis*, *Franciscus Apamienfis* & *Gilbertus Tornacensis*. Post impetratam Archiepiscopi Tolosani d. XV Januarii A. 1662 confirmationem, robur instituto ex summi Pontificis *Alexandri VII* diplomate d. 6 Novembris accessit. Secuta est mense Octobri A. 1663 regia concessio, amplissimis clausulis munita. Nec quicquam tamen his præsidis innixa fundatrix Jesuitarum, ut Autor narrat, odia evitavit, quod *Cironii* aliorumque Theologorum & Presbyterorum consilio & spiritali directione uteretur, qui a Jesuitis in dogmatibus & disciplina dissentiebant. Accusata itaque sunt novi instituti Virgines apud successorem Petri de Marca *Burlemontium*, quod Catechesi uterentur Jansenistarum erroribus corrupta, docerentque *Christum non esse mortuum pro omnibus, & gratia resisti non posse*. Sed vanus tunc fuit hic impetus, cum probari, quæ delata erant, non nisi ex relationibus impuberum puellarum possent, & istæ minis ad testimonium se compulsas esse assererent. Absolvit itaque virgines Archiepiscopus, & statuta earum, mutatis quæ

mutanda

mutanda esse judicabat, confirmavit. Successit illi Cardinalis *Bonzius*. postea Narbonensis Archiepiscopus, qui iidem Congregationem hanc tutatus & insigni elogio prosecutus esse dicitur. Huic successus *Josephus Monpesatius*, habita A. 1683 visitatione deprehendit, virgines pie, modeste & extra commercium cum viris, etiam propinqua cognatione junctis vivere, puellas in Catechesi & Sacrae Scripturae lectione aliisque artibus utiliter informare, eoque fine sex scholas in urbe instituisse, ægrotis etiam egregie succurrere. Itaq; insigni attestazione d. XII Januarii dicto anno earum institutum collaudavit, posteaque mense Octobri 1684 solenni diplomate confirmavit. Eundem favorem *Aquis Sextiis* Congregatio invenit, impetrata ab Archiepiscopo, Cardinali *Grimaldo*, permissione instituendi collegia & scholas. Ita A. 1686 in utraque Diœcesi quinque Conventus virginum ab *infantia Christi* denominatarum erecti inveniebantur, magno honore & applausu a populo & Episcopis matatarum; unde maxima gloria ad patronam Societatis Mondonvillanam redundabat, ita ut digna habita fuerit, cui Galliarum Regina *Maria Tereisa* literas scriberet, & puellas quasdam educandas commendaret. Hæc in *prima* libelli parte inter alia plura enarrantur.

In *secunda*, deplorabilis Congregationis ruina describitur. Occasionem huic dedit *Guilielmina Probenquia*, quæ annos viginti in Societate versata, A. 1682 ex fenestra cœnobii desiliit, & Jesuitarum patrocinium imploravit, multa de sodalibus quæstæ, quæ tamen in visitatione Archiepiscopali, de qua diximus, probari non potuisse, Autor memorat. Desertrix ista, postquam nihil apud Archiepiscopum profecerat, Jesuitarum, ut refertur, consilio & ope Lutetiam misit, & *P. de la Chaise*, tum etiam Archiepiscopo *Harleo* commendata est. Illorum potentia & favore inquisitio iisdem, adjuncto Secretario Regio, Marchione de *Castello novo* (Chasteauneuf) demandata fuit. Hi tres aut quatuor Theologos delegisse dicuntur, qui ad Regem retulerunt, statuta Congregationis, a tot licet Archiepiscopis, Episcopis, multisque Doctoribus approbata, erroribus tamen periculosis infecta esse. Accessit nova offensa & delatio, cum Mondonvillana puellam quandam in Societatem recipere recusasset; unde iterum testimonia per Jesuitas conquisita fuerunt, iis similia, quæ A. 1683 collecta erant. Perspecto quod sibi imminabat periculo, Lutetiam pro-

fecta est Mondonvillana, & ab initio non inhumaniter ab Archiepiscopo excepta, & spe accessus ad Regem sustentata, mox tamen ex improviso in exilium ire iussa, destinato ei oppido, in Normannia inferiori sito, *Constantia*; in eodem vero non multo post monasterio cuidam inclusa fuit. Inauditum iniusti processus exemplum hoc esse statuit Autor, quo foemina illustris, quæ octoginta librarum Galliarum millia pio instituto impenderat, nulla juris forma, nulliusque criminis convicta, ab omni defensione arcebatur, in locum ducentis a patria leucis remotum, & ob situm palustrem insaluberrimum abdita, sermonis & literarum commercio, famula etiam privata & miserrime habita. Secutum inde est d. 12 Maji 1686 decretum Regium de abolenda Congregatione, summoque cum rigore executioni datum. Raptæ fuisse dicuntur vi militari, aut ab apparitoribus ex claustris suis virgines quædam, licet ægrotæ & moribundæ, projectæ in cœnum, verberibus contusæ. Expilata & destructa sacella, profanata omnia, ingenti cum populi mœrore, nec obscuro in auctores odio. Maxima rigoris causa erat, quod Virgines ad Pontificem Romanum provocassent. Desertrix illa *Probenquia* ruinam sodalium lata aspexit, & ad matrimonium, spreto voto & invita matre festinavit, ut appareret, illud solum relinquendi monasterii causam ei fuisse.

Parte tertiâ exponuntur, quæ Aquis Sextiis, vacante Archiepiscopatu, a Vicario ejus, *Bercherio*, Episcopo Vauſinenſi (La Vaur) non minori cum violentia, ad exequenda contra virgines decreta gesta sunt.

Parte quartâ ostenditur, quanta contumelia Pontificiæ auctoritati hoc processu illata sit. Referuntur contenta appellationis & literarum, quas virgines ad Pontificem dederunt, in quibus omnem calamitatis suæ culpam Jesuitis, & nominatim *P. de la Chaise* palam tribuunt; id maxime querentes, quod non solum in summa egestate & miseria vivant, sed & in periculum veniant violandi vota, quibus se in professione vitæ monasticæ Christo obstrinxissent. Patheticæ & flebiliter scripta sunt ista, iisque ipse Pontifex illachrimasse dicitur. Ad Regem eadem fere multaque cum modestia scripserunt, sed dubitat Autor, an literæ in ejus conspectum venerint; confidens, & id factum esset, futurum fuisse, ut virgines restituerentur & earum persecu-

persecutores non impune ferrent, quæ perpetraverant. Pontifex per Nuntium suum apud Regem de injuria exposulavit, sed responsum ei fuit, plurimos abusus in statutis virginum contra regulas & consuetudinem Ecclesiæ deprehensos esse, maxime quod Virgines extra cœnobium scholas haberent, & directoribus Jansenistis uterentur. Regerenti, probata ista non fuisse, & ad cognitionem tribunalis Ecclesiastici pertinuisse, replicavit Rex, omnia in Consilio suo recte examinata esse, & inde sermonem hunc cum Nuntio abruptit. Refertur postea auctus in *Mondoullanam* rigor, arctiori custodia, & severa in duas virgines, quæ eam invaserant, animadversione. Causa vehementiæ erat, quod literas ad Pontificem scripsisse, falso quidem, diceretur. Refutantur calumniæ adversus mores & pudorem Virginum, cum in Gallia, tum Romæ sparæ, nulla, ut dicitur, ne specie quidem veri, quia nihil tale in decreto Regis aut Archiepiscopi memoretur.

Parte quinta accurate expenditur subreptio Regi facta, & defectus cognitionis & processus in ipso decreto observati indicantur. Nulla enim in eo fit mentio, quod auditæ fuerint virgines, neque ulla abolitionis causa adversus institutum tot approbationibus firmatum, & per annos 24 magno cum fructu pariter & applausu populi exercitum adducitur. Invalida tamen & nulla pronuntiatur, quæ ordinata & statuta fuerant, hac sola ratione, quod Doctores quidam ita judicaverint. Eorum tamen responsum nemini innotuisse, nec ullam reis excipiendi de personis aut dictis Consultorum facultatem permissam fuisse notatur. Vitium obreptionis etiam inde colligitur, quod regiæ quidem confirmationis A. 1663 datæ & statutorum Congregationis, nulla vero Pontificiæ aut Archiepiscopalis approbationis mentio fiat. Si enim Regi relatio de his facta fuisset, ut fas erat, fieri non potuisse censet Autor, ut se ad sententiam istam per moveri passus fuerit; absolutæ vero potestati in tali causa locum fuisse negat. Pessimas etiam sequelas ab exemplo inaudito profluentes monstrat, nullumque collegium aut foundationem esse existimat, quæ hac ratione subverti non possit, cum summo omnium detrimento, qui Pontificiis Regisque concessionibus consisti, personas aut opes sacris addicunt & impendunt functionibus. Examinat inde quasdam regii decreti clausulas, illam maxime, qua restitutori jubentur, quæ Congregationi donata fuerant: id quod plane illegitimum & sacrilegum esse contendit.

Parte sexta in censuram vocat decreta Archiepiscopi Tolosani & Vicarii Aquisensis, quæ illi nulla necessitate, ut aula placerent, reclamante conscientia, & Jesuitarum instinctu edidisse perhibentur. Culpatur ante alios *Roquius* quidam, Jesuita Tolosanus, cujus consilio & stylo Archiepiscopus usus fuerit. Indicantur, quæ etiam contra ipsûm decretum Regis durius gesta sint, cum neque spatium a Rege ad evacuandum monasterium virginibus concessum indulgeretur; neque spiritualis provisio de votis & conscientia illarum, ut decretum erat, præcederet; nec jussui Regis obtemperaretur in restituendis, quæ Mondonvillana contribuerat, aut alimentis illi vel virginibus debito modo præstandis. Adduntur quædam de nexu votorum monasticorum, & quod nullo jure per regium decretum solvi potuerit. Subjungitur epilogus acerbis in Jesuitas querelis reſertus, & de damno religioni Romano-Catholicæ illato, abolendo institutum, quod hæreticos, ut Autor putat, convincere potuisset, superesse in Ecclesia sanctimoniam, cujus exemplum illustrissimum & utilissimum virgines illæ dederint. In additionibus exhibentur quædam documenta, quæ ad historiam Societatis, factæque contra eam executionis pertinent. Notabilis inter alia est Pontificis ad Archiepiscopum Tolosanum, non multo post mortuum, epistola d. 15 Julii A. 1687 data, in qua serio de pœnitentia ob injurias Virginibus & Episcopo Apamiensi illatas admonetur. Adjiciuntur denique literæ *P. de la Chaise*, ex quibus constat, quæ illius in hoc negotio partes fuerint.

Finita hac recensione, nacti sumus breviorẽ de hac ipsa infeliciũ Virginum causa narrationem itidem Gallicam, quæ ab aliqua ex illis conscripta esse dicitur, & titulum habet:

**RELATION DE L' ETABLISSEMENT DE L'
Institut des Filles de l' Enfance de Jesus, avec le recit
fidele de tout ce, qui s' est passe dans le renversement
du mesme Institut. i. e.**

Relatio de instituta Congregatione Virginum Infantie
Jesu, cum enarratione omnium, quæ in subversione e-
jus contigerunt.

Tolosa, apud Petrum de la Noue, 1689, in 12.

Constat. plagulis 8.

Quam-

Quamvis autem in priori, quem excerptum dedimus libello, accuratior temporum aliarumque rerum ratio habita sit, & documenta accefferint non pauca, qualia hic non reperiuntur; tum etiam, quoad præcipua rerum momenta, nihil novi in hac relatione inveniatur; legetur tamen & hæc ob styli ingenuitatem, multosque pietatis, castimonie & moderationis characteres, ut confidimus, absque fastidio, imo non sine delectatione; movebit etiam ad commiserationem erga Virgines, meliori, ut apparet, fortuna dignas, & ad indignationem adversus vaferrimas adversariorum, quos habuere, machinationes, & indiscretam rigide sententie executionem. Ad historiam ipsam, quam ex priori tractatu exposuimus, ex Virginis hujus narratione particularia multa de Archiepiscoporum Tolosanorum, & de aulicorum, maxime vero de Jesuitarum moliminibus disci possunt, ad noscenda seculi & hominum ingenia. *Mondonvillana* plurima dantur elogia. Insignis ejus in viduitate pietas commendatur, qua primo magistras puellarum in parochia S. Stephani in urbe Tolosana constituerat, pauperesque & ad religionem Romanam conversas suo aluerat sumtu; postea A. 1657 ex consilio *Cironii* (qui Abbas vocatur) Congregationem virginum instituit, omnibus quidem monasticæ disciplinæ legibus obligatas, sed absque habitu seu vestitu. *Infantia Jesu* nomine indicare voluit imitationem simplicitatis, & occultæ quidem sed divinæ bonitatis, quam puer Jesus jam ea ætate in zelo pro gloria Dei Patriæ ostendit. Charitatis exercitium non solum in recipiendis absque dote in Societatem, quæ idoneæ ad hoc institutum videbantur, alendisque & educandis, ut dictum est, puellis aliis, sed maxime in mittendis ad ægros medicis & chirurgis (fundatricis salario constitutis) & præbendis alimoniis convenientibus, exhortandis denique ad pietatem iis, qui decumbebant, consistebat. Eleemosynis largis fruebatur virginum hæc societas, quia magnum civium numerum, nec paucos ex illustribus & opulentis, in recipiendis aut instruendis puellis sibi devinciebat. Sed liberaliter etiam omnia erogasse dicitur patrona instituti, ita ut nunquam calculum poneret, an continuare erogationes posset, ne in studio benefaciendi, ut aiebat, ista computatione & inventa angustia facultatum retardaretur. Virorum conversatione, etiam si Sacerdotes & religiosi essent, speciatim Jesuitarum, virgines

gines plane abstinebant. Nulli ex illis (etsi non nisi ad ægrotos visitandos, aut instruendas puellas in urbem prodirent) absque socia conspici, aut cum quoquam, rarissime etiam cum parentibus aut proximis conjunctis colloqui licebat. Nullam exemptionem a potestate Episcopali affectabant, imo ne immunitatem quidem a tributis, quo facto ex diversitate instituti in invidiam tanto majorem adductæ sunt. Fundatrix etiam fratres suos, viros togæ muneribus claros, offendit, quod patrimonium ad illos post mortem sororis deferendum, his impensis consumeret, & precum atque exercitiorum sacerdotum assiduitate caput turbare, & prorsus fatua fieri velle existimaretur.

MATTHIÆ ZIMMERMANNI, SS. THEOLOG.

*D. Past. & Superintend. Misnens. Florilegii Philologico-Historici aliquot myriadum titulorum &c. Pars II.
cum figuris & appendice.*

Dresdæ, apud Michaellem Guntherum, 1689, in 4.

Constat plagulis 60.

DUO jam anni effluxerunt, quod venerandi Autoris primam hujus Florilegii partem in Actis nostris anni 1687 pag. 464 recensuimus. Nunc fidem suam liberaturus apud eruditos, alteram excerptorum varii ac rarioris argumenti partem ex scriptoribus non cuiusvis obviis collectam exhibet: qua cœptam semel industriæ suæ telam, secundum Alphabeti ordinem pertexere laboravit. Nam animo suo perpendens, multis eam librorum copiam deesse, unde non minus curiosa, quam utilia colligi possint; rem curiosos lectoribus gratissimam se facturum esse speravit, si hac in parte eorum desideria, communicatis variorum librorum & materialium indicibus, juvaret. Initium facit a litera G, ubi primum de *Galeis* veterum, de *Gebenna*, de *Gemmis* varii generis, de *Genetriariis*, h. e. ancillis in gynæceo ministrantibus, de *Geniis*, *Gladiatoribus*, de *Gymnastica arte*, & sic porro juxta Alphabeti seriem, pergit tum argumenta singularia, tum autores qui de illis scripserunt, annotare. Ultimo loco in litera Z de *Zonis veterum* & inde petitis proverbiiis agit. Quia vero curiosos rerum paucis raris figuris aut lemmatibus signati oblectare solent, talium

talium, ut & aliarum rerum, v. g. baptisterii, caligarum militarium & similibus icones æri incisas adjecit. Quare non dubitandum est, fore, qui huic *Viri Amplissimi* industriæ pretium tanto labore dignum statuere velint.

ΚΕΒΗΤΟΣ ΘΗΒΑΙΟΥ ΠΙΝΑΞ,
CEBETIS THEBANI TABULA GRÆCE ET

Latine. Multis in locis restituta ex MSS codicibus, unde etiam Græca in fine reposita, ab Jacobo Gronovio, cujus accedunt Nota & Emendationes.

Amstelodami, apud Henr. Wetstenium, 1689, in 8.

Constat plagulis 15.

CEbes Thebanus philosophus, Socratis discipulus, vitam mortaliū brevi libello, seu tabula quadam, vivis coloribus depictam exposuit, memoratam Diogeni Laertio lib. 2. de Vitis Philos. & Chalcidio sub fin. comm. in Plat. Timæum, ac Suidæ; *Tabuleque* (πίνακος) nomine scriptum isthoc insignivit, quod descripta in isto esset picta tabella in æde Saturni dedicata, varias vitæ hominum rationes in bonam malamque partem proponens, & virtutes ac vitia sub Fœminarum schemate exhibens, ac sub Genii persona vitæ rectam viam, quam qui ingressus sit & persequatur rectius vivat & beatius, ostendens. Interpretatione & commentariis tabulam hanc illustrarunt Lud. Odaxius, Hier. Wolfius, Jo. Camers, Jo. Caselius, Justus Velsius, Casp. Barthius, Sneecanus, Mer. Casaubonus, Aug. Mascardus, Cl. Salmasius, ab eoque editus Arabs interpres, & qui Notas horum junctas evulgavit Abr. Berkelius, Plurima tamen corrupta depravataque loca omnes hi, quorum alter alterum expressit, reliquerunt, nec Plantiniana 1585, aut Tornæsiāna 1613, aut Lugdunensis Batava 1634, aut Salmasiana 1640, aut Oxoniensis 1680 editiones invicem multum differunt; quarum nulla optimam Parisinam Martini Juvenis A. 1557 exeusam secuta est. Quapropter studio erga egregium istud ac utilissimum, licet exiguum, antiquitatis monumentum accensus doctissimus *Jac. Gronovius* serio de ratione, qua Cebetem ex fœditate cui immersus erat eriperet emendatioremque redderet, cogitavit.

vit. In quo studio defixum insigniter iuvarunt tres Codices in Regia bibliotheca Parisensi per Jac. Gallæum collati, e quibus clarissima lux multis in hac tabula obscuris locis affulsit, & non contemnendæ emendationes suppeditatæ fuerunt, ut patet ex Not. & Emend. p. 93, 101, 102, 114, 122, 123, 124, 129, 133, 142, 145, 149, 152, 154, 166, 167, 170, 171, 187, 189, 192. Supplementum etiam & finem tabulæ hætenus detruncatæ & mutilæ reddiderunt Parisini hi Codices, integritatemq; conciliarunt: adeo ut absolutiorem eam ob additamentum quod pag. 83. 84. exhibet, & emendatiorem jam habeamus. Nec abs re correctiones fuisse adhibitas, criticæ Notæ subiectæ ostendunt: in quibus passim interpretes & commentatores Ceberini notantur, ut Wolfius pag. 90, 92, 127, 132, 157, 188. Caselius pag. 123, 143, 172. Casaubonus pag. 144, 197. Odaxius pag. 93. Snecanus pag. 174. Velsius pag. 174. Berkelius pag. 102, 114; alii item doctorum Virorum errores deteguntur, ut Vossii pag. 179, Petri Petiti pag. 180. Ovidii autem locus corruptus pag. 199 feliciter restituitur. Sed cum uberiore commentarios in præstantissimum hoc Pythagoricæ philosophiæ monumentum sperare nos iusserit in fine Præfat. & pag. 142, 178 clarissimus Editor, multa ad vim meditationis Ceberinæ profundissimæ concervata se habere professus; non minori desiderio eos expectamus, quam jucunditate evulgatas jam Notas & Emendationes legimus.

**CHYMIA PHILOSOPHICA, CUM DOCTRINA
salium, medicamentis sine igne culinari parabilibus,
& exercitio chymia, auctore Jacobo Barnero Phil.
& Med. D.**

Noribergæ, sumptibus Andr. Ottonis, 1689, in 8.

Constat plagulis 40.

Inclutum Jacobi Barneri nomen dudum jam literato orbi innotuit. Postquam ille Lipsiam reliquit, Elbingam in Borussia secessit, atque ibi ante aliquot annos rebus humanis exemptus est. Spes adeo omnis videbatur erepta, ab ingenio ejus, quo gaudebat alacri, quosdam adhuc fructus percipiendi. At ferme præter omnem expectationem, nunc in lucem prodit ejus Chymia Philosophica, quæ tamen num ab ipso

ab ipso Auctore ultimam experta fuerit limam, nostrum non est determinare. Enimvero cum in hoc studio plurimæ difficultates ejus sequatores circumstant, in primis eo incubuit Auctor, ut operationem maxime causas traderet. In parte prima generaliora exponit. Chymiam artem dicit, quæ corpora ope ignis, & ex iis purum ab impuro separaret, extrema conjungat, & hinc medicamenta efficacia efficiat. Itaque finem ejus primum physicum esse perhibet, (scilicet separare partes mixtorum, ut ex quibus illa consistunt, & in quæ redigantur, demonstrari possit:) secundarium vero medicum. Chymiam autem unicam agnoscit, quæ circa objecta tantum diversa occupetur. Principia ejus constituit alia essendi, alia cognoscendi. Principia essendi porro vel naturalia appellat, vel artificialia. In naturalium numerum sal, sulphur, & mercurium, verum ut principiata philosophica, reponit, & (cap. 2.) uberius explicat. Verum artificialia consistere ait in horum applicatione, adeoque a doctrina salium in primis petita (cap. 3) ponit axiomata, quæ chymicum ubivis attendere oporteat. Ad principia cognoscendi terminos technicos, tum lapidem philosophorum, tum res nativas, operationes chymicas, earumque effectus denominantes refert. His addit instrumenta, cum primaria, aerem, ignem, aquam, terram & menstrua; tum secundaria, furnos, vitra, luta &c. Pars II de operationibus chymicis per diversa capita tractat. Chymiam enim vel diacrisin intendere, nimirum in purificatione, digestionem, fermentationem, sublimationem &c. vel syncrisin involvere, utpote in incineratione, crystallisatione, præcipitatione, & quæ his affines sunt. Dum vero singulas contemplatur, ea quæ operationi cuiusque conveniunt, subiecta, causas, modos, & enchireses detegit. Quæ parte III effectuum chymicorum adornatur consideratio, id in primis agit, ut circa aquas, spiritus, aceta, &c. diversitas, enchiresis, ætiologia, variæque compositiones innotescant. Specimen igitur sectione II de traditionibus, concretorum naturalium analysis, præparatorumque atque processuum chymicorum examen, secundum regulas ex antecedentium cognitione desumptas, instituere docet. In doctrina salium, quæ libro huic annectitur, ea vel ut alkalia, vel ut acida, vel ut enixa considerat: duo priora vel volatilia dicit, vel fixa, vel mediæ consistentiæ; ultima vero pariter vel volatilia, vel fixa, vel fixo-volatilia. Differentias has sequuntur pro-

positiones, nempe qualia se illa vel in mutua mixtione, vel singillatim exerant, explicantes. Agmen denique claudunt quidam medicamenta sine igne culinari conficiendi processus, atque brevis manu ductio, quomodo secundum operationes & effectus diversos medicamina præsertim selectiora obtineri possint, demonstrans, quam exercitium chymia vocat.

CHRONICON SARACENICUM ET TURCICUM VVolfgangi Drechsleri, a Georgio Fabricio & Johanne Rosino emendatum auctumque; nunc in libros IV & capita divisum, notisque ac supplementis, nec non Appendice secunda ad Annum usque 1689 addita, illustratum ac locupletatum a M. Joh. Reiskio, &c.

Lipsiæ, apud Joh. Christianum Wohlfart, 1689, in 8.

Constat plagulis 25.

SECULUM integrum cum triginta & octo admodum annis jam effluxit, ex quo *Wolfgangus Drechslerus*, vir ab eruditione atque diligentia omnino commendandus, *Chronicon de Saracenis & Turcis* memoriæ non intermissuræ tradidit. Quod opusculum cum *Georgio Fabricio*, viro de literis ac de pube scholastica non Minori tantum, sed totius Germaniæ meritissimo, sese oppido approbasset, non emendare illud auctiusque de suo reddere non potuit; quod & accurate illo A. 1550 in lucem prodiiit. Hanc editionem alia atque alia exceperunt, quæ a Clarissimo *Reiskio* in Præfatione ad Lectorem referuntur; sed sexta præ cæteris memoratu digna est, *Johannis Rosini* videlicet, Viri ab opere Antiquitatum Romanarum toties recuso perquam famigerabilis, quæ Lipsiæ A. 1594 in publicum evulgata est. Nam is Appendicem Chronico Drechsleriano a Fabricio emendato atque aucto subjunxit, illudque ab A. 1550 ad sua usque tempora, h. e. ad A. 1594 continuavit. Quamvis vero ex illo quoque tempore id Historiæ Saracenicæ-Turcicæ plus vice simplici fuerit editum, aliisque id genus Chronicis Saracenicis insertum (quod & ipsum a Reiskio d. l. prænotatum est) solum tamen illius ad hæc usque tempora deductum nondum fuerat. Hunc itaque laborem in se suscep-

fufcepit Reiskius; Vir πολύγλωττος, & varia eruditione instructiffimus; præfertim cum libellum Drechsleri non Germanis tantum, sed & Helvetiis, Belgis, aliisque exteris in historia Saracenico-Turcica singulariter probari intellexisset. Saracenicam autem Historiam cum Drechslero exorditur ab anno post C. N. 596, eamque in libro I, quem in capita VII divisit, ad annum Christi 1290 perduxit. Huic notas, animadversiones & supplementa quoad singula capita subnectit, quæ ex Arabicis scriptoribus fide hac in re dignissimis desumpsit. In ipso autem limine monet Autor doctissimus, autorem Chronicon suum de Saracenis Turcisque tanquam distinctis nationibus recte inscripisse, perperamque adeo gentem utramque, ac res utriusque gestas confundi. Saracenos enim Arabes ex Arabia oriundos; Turcos e Turkeстана sive boreali Asiatica Scythia, portisque Caspiis fuisse effusos. Saracenos suis olim tribubus distinctos ad Joktanem seu Kathanem, Semi posterum, suas revocasse origines; Turcos tanquam gentem obscurissimam nihil certi hæcenus de ortu suo tradidisse. Porro res Arabum præcorum & reges in sacro V. & N. Testamenti codice, imo & in libris Græcorum historicis suum hodieque invenire locum; Turcorum vero omnia in tenebris profundis latitare. Denique Saracenos & Arabes omnem elegantioris doctrinæ partem, Mathesin, Physicam & Medicinam maxime, attigisse, suamque linguam non sine summo studio excoluisse; Turcas vero nihil aut parum elegantiae in suam intulisse gentem, & lingua sua in hunc usque diem non nisi barbara & inculta admodum uti, nisi quod Arabicæ cum Muhammedismo locum in sacris precibusque dederint. Ulterius cum nativitas Muhammedis inter Arabes & Christianos historicos valde sit controversa, ex omnibus Elmacinum se sequi profectur Reiskius, tanquam antiquum in historia Saracenica scriptorem, & ex seculo post N. C. septimo superstitem. Emergit vero sic annus nativitatis post N. C. 572, diesque 22 mensis Nisan, h. e. Aprilis. De cætero cum Drechslerus Chronicon Saracenicum ad annum C. 1290, ut jam indicavimus, deduxisset, Reiskius novem annos in supplementis capituli VII subjunctis adjecit, illudque adeo ad annum usque 1299 extraxit. Plura enim & certiora ex ipsis Arabum scriptoribus, quos MSSos pariter atque editos Bibliotheca Guelpherbytana per orbem literarium decantatissima cum eo ex prompte communicavit,

haurire ipsi licuit; de Chalifis inprimis Saracenorum, unde & dissertationem politicam de *Chalifatu Saracenicis*, h. e. de Imperio rerum civilium sacrarumque summo, sive Pontificatu inter successores Muhametis continuo conscripsit; quam ut publico diu haud invidere velit clarissimus Autor, rogatum eum quam humanissime heic volumus. In libro II, quem in capita III dissecuit, Historiam Turcicam incipit ab A. C. 1300, quo ipso Ottomannus rapinis & prædationibus ditatus intra decennale spatium bonam Bithyniæ partem, & adjacentia Ponto Euxino loca suo imperio adjecerat, & primi Regis Turcarum nomen meruerat. Huic suas quoque, prout in libro I cum Historia Saracenica fecerat, notas, animadversiones ac supplementa capitulatim annexuit Reiskius, Arabes, quos Pocokius in supplemento Historiæ ad Abul-Pharajum addito laudaverat, nec non Annales Ottomannicos Joh. Gaudieri, Joh. Leunclavii, & Joh. Baptistæ Podestæ, aliosque bonæ fidei scriptores secutus. In libro III exhibet *Johannis Rosini Appendicem* in capita IV a se dispartitam, quam *primam*, appendicis suæ huic subjungendæ intuitu, appellare ipsi placuit. Continuavit autem Rosinus hanc telam ab A. C. 1550, quo Dragutes Raifus, pirata celebris, Solimanni auspiciis Aphricam seu Aphrodisium Barbariæ oppidum occupaverat, præsidioque muniverat, usque ad A. C. 1594, quo Amirates, cum annum ætatis L, & imperii XX explevisset, calculi doloribus confectus vita excessit. Inferuit in hoc quoque libro Reiskius gemmulas ubique suas, h. e. notas, animadversiones, & supplementa necessaria. In libro denique IV, quem Chronici Turcici *Appendicem secundam* vocat, historiam Turcicam a Rosino ad annum usque 1594, quo Mahometes III sedem vacantem, strangulatis mox XVI fratribus, occupaverat, continuatam, ad annum usque sæculi jam invergentis 1689 Reiskius noster perduxit, paratus illam in subsequentes etiam annos, si vitam Numen indulserit, laborque hic eruditus non displicuerit, extendere. Quantumvis autem Scriptores Turcicos consulere ipsos quoad sæculi hujus historiam non potuerit, ex probatissimis tamen omnia scriptoribus, v. g. Sleidano, Thuano, Gothofredo, Tavernierio, Joh. Cluvero, Isthuanfio, Metterano, Lundorpio, Brachelio & Struckhusio, nec non ex Theatri Europæi autoribus, & Diarii Europæi collectoribus excerpsit, & secundum annorum rerum, que gestarum ordinem enarravit. Chronico sic ad nostra tempora

perexto

per textum annexa est tum ob affinitatem materiz, tum ob exemplorum raritatem dissertatio de *Imperio Turcico*, sub præsidio celeberrimi Jo-
nensium Polyhythoris, *Joh. Andrea Bossi* ab Alhardo Hermanno
Kummen, Hannoverano, A. C. 1662 habita, in qua universa Impe-
rii Turcici Ratio Status breviter quidem, sed accurate & magno cum
judicio excutitur; quam eo nomine legentibus quibusque non com-
mendare non possumus.

**DN. VARIGNONII RESPONSIO AD ANIMAD-
versionem Dn. Abbatis de C. quæ habetur in Actis**

*Erud. 1688 mens. Augusti p. 414, ab ipso ad Collectores A-
ctorum Gallice transmissa, & in Latinum
conversa.*

Dominus Abbas de C. hanc suam Animadversionem ita incipit:
*Neque Autor nova Mechanica, neque ulli, qui ad hac usque tem-
pora scripserunt, imo ausim dicere scripturi sunt de mechanicis, aut sta-
biliverunt aut inveniunt aliquod principium hujus scientiæ, quod de-
monstrare non possim (dummodo verum sit) esse tantum casum parti-
cularem aut simplicem consequentiam principii Cartesiani. Quæ cer-
te propositio maximi esset momenti, si legitime foret demonstrata;
quoniã sive quis acquiesceret principio hoc, sive minus, labore tamèn
melius aliquod indagandi esset levatus. Verumenimvero Dominus
Abbas demonstrationis loco exemplum duntaxat aliquod affert, quod
tamen ita comparatum est, ut vel illud unicum sufficiat ad proposi-
tionem ejus falsitatis convincendam. Nimirum advocat sententiæ
sue testem Principium nova Mechanica; sed ut appareat, quod ex hoc
ipso exemplo contrarium potius ejus sequatur, quod ille inferre ex
eo prætendit, non opus est, ut omnia ipsius legamus vestigia, neque
ut tantum subeamus laborem, quantum ipse impendit, ut hoc prin-
cipium habitu Cartesiano indueret; sufficit enim illud cum Dn.
Cartesii principio contendere. Principium Mechanicum Cartesii
in eo consistit, quod neque major, neque minor vis requiratur ad ali-
quod corpus grave certam ad altitudinem elevandum, quam ad elevan-
dum*

*Cartes.
T. I. EP. 73.*

dum alterum minus grave ad altitudinem tanto majorem, quanto ipsum minus grave est; vel ad elevandum aliud gravius ad altitudinem tanto minorem. Id quod generaliter ita efferrī potest: *Potentias fieri æquales, quando agunt, aut agere intendunt, eodem tempore per spatia reciproce proportionalia corporibus, quibus sunt applicata; ex quo sequitur, quod in aliqua machinā opposita se in æquilibrio detineant, & hæc corpora maneat quæta.* Ex quo deinde Dominus Abbas de C. concludit, quod *Æquilibrium sit quies, quæ ex oppositione duorum motuum æqualium oriatur, atque hinc unice in motuum æqualitate & oppositione æquilibrii causa sit quærenda.*

Delia.
Nov. Mech.
Præfat.
&c.

Principium novæ Mechanicæ vero eo redit; quod, quando duæ aut plures potentia una agunt, impressiones ipsarum particulares, quæcunque proportionem servant, in unam quasi coeant, quæ tota agit in omne illud, quod ipsi obstaculo est in directionis linea (e. g. in pondus, quod solum funiculis sustinetur; centrum trochleæ, sive mobilis ea sive immobilis sit; punctum superficiæ, quod perpendiculariter subjacet centro directionis ponderum, quæ super ipsis sustinentur; hypomochlium &c.) ita ut hoc obstaculum, quando majus est, aut minimum æquale, viribus hujus impressionis compositæ, (illamque adeo sustineat non secus ac si esset effectus unius cujusdam potentia, a qua superari non posset) necessario sufflaminet concursum actionis potentiarum omnium, quæ conspirant ad hanc impressionem faciendam, atque illas in quiete & æquilibrio retineat.

Hæc ergo sunt duo illa principia, de quibus disputatur, eaq; tam essentialiter diversa, ut licet utraque de Æquilibrio agant, illud tamen non solum sub alia, sed plane contraria specie concipiant. Vidimus enim modo, quod, si Cartesii sequamur principium, *considerandum sit Æquilibrium, tanquam quies, quæ ex duobus motibus æqualibus & oppositis oriatur*; cum contra, secundum principium novæ Mechanicæ, quies hæc non oriatur, nisi ex oppositione invincibili alicujus obstaculi, quod existit in directione communi plurium potentiarum conjunctim agentium. In priori potentia illæ omnes non solum ut diversæ considerantur, sed etiam quatenus sibi invicem opponuntur: in posteriori vero, tanquam unitæ in eadem directione, cui obstaculum aliquod objicitur, non secus ac si solum unam potentiam constituerent. Verbo, Dn. Cartesii principium ex divisione & contrarieta-

trietate directionum particularium duarum potentiarum, dispositarum ad motus æquales & incompatibiles, Æquilibrium deducit; contra vero principium novæ Mechanicæ ex reunionem & consensu non solum duarum, sed quotcunque potentiarum, in unam eandemque directionem concludit æquilibrium ratione adeo obvia, ac si omnes illæ potentiz non constituerent nisi unam totalem, cujus hæc directio communis esset effectus.

Ex quo apparet, quod principia illa duo, Cartesii nimirum & novæ Mechanicæ, nulla alia ratione convenient, quam quod ambo de Æquilibrio agant, sed vias adeo diversas insisterendo, ut, quando in nonnullis consequentiis conveniunt, id non accadat, nisi ideo, quia ambo vera sunt.

Patet etiam, quod principium novæ Mechanicæ eo simplicius sit altero, quo facilius potest concipi, quomodo obstaculum in directione alicujus potentiz existens, a qua vinci nequit, illam sistat, quam quomodo duæ potentiz se in Æquilibrio detineant per oppositionem duorum motuum, quos non habent.

Haerent vero motus æquales, forsitan dicet aliquis, si una vinceret alteram, id quod impossibile est secundum principium Dn. Des Cartes. Fateor id quidem, hoc tamen non est probare æquilibrium nisi indirecte & per necessitatem consequentiz; cum in nova Mechanica illud in se ostendatur & per ipsam generationem, quæ consistit in modo, quo potentiz illæ inter se disponuntur & uniuntur, ut omnes in unam directionem conspirent, quæ tota in punctum agit, ubi sit Æquilibrium.

Cartesii principium solum dicit, quantum virium necesse sit cuivis ex his potentiis, ut maneat in Æquilibrio, ob inconveniens aliquod, quod in motu ipsarum oriretur, absque hoc si esset. Sed principium quod nova Mechanica habet, id explicat ulterius, qua ratione potentiz illæ ordinandæ & componendæ sint, ut debiliores a fortioribus ne superentur; adeoque, si scholarum velimus terminis uti, dici potest: Principium Cartesii ad summum nihil aliud exhibere, quam Æquilibrii causam *efficientem*, novæ Mechanicæ vero principium dare etiam causam ejus *formalem*, hoc est modum, quo illud fieri intelligitur.



Et profecto Dn. Abbas non attendisse videtur ad hæc duo causas generæ, cum dixit: *quod nemo stabiliveris, nec unquam inveniturus*

venturus sit aliquod principium Mechanicum, quod demonstrare non possit (dummodo verum sit) esse tantum casum particularem, aut simplicem consequentiam principii Cartesiani: aut minimum credidisse, quod causa formalis Mechanicorum inventu esset impossibilis. Evidens enim est Cartesii principium istam non magis attingere, quam magnum illud principium physicum, ex quo illud deduxit (effectus suis causis esse proportionales) attingit effecta naturæ. Atque forsitan ipse Dn. Abbas, si majori cura examinasset hoc Cartesii principium,prehendisset, id ipsum non adeo plene satisfacere circa causam efficientem æquilibrii, ut solum sufficiat ad cognoscendam rationem potenciarum aut ponderum, quæ manent in Æquilibrio. Certe si quis dicat: duas potentias in Æquilibrio existentes esse inter se in ratione reciproca viarum, quas emittuntur, si una vinceret alteram, parum admodum ille docet, nisi regulam generalem afferat non solum ad has vias cognoscendas, sed etiam rationes, quas servant, quæ nonnunquam æque ignotæ sunt, ac potenciarum rationes, quæ per illas debebant nobis innotescere. Quocirca cum supra diceremus, hoc principium afferre causam efficientem æquilibrii, adjecimus verba ad summum. Possemus etiam addere omnibus istis differentiis, quod hac ratione, qua Cartesius alique Æquilibrio considerant, h. e. quamdiu ad nihil aliud respicient, nisi contrarietatem actionis potenciarum, aut ponderum in hoc statu manentium, quancunque etiam ratione illorum principia explices, ad summum nihil aliud possit detegi, quam ratio, quæ est inter potentias illas aut illa pondra; nunquam vero onus aut directio hypomochliorum aut obstaculorum, quæ illa in Æquilibrio detinent, nisi metamorphosi reciproca potenciarum in hypomochlia fixa, & hypomochliorum in animatas potentias utaris. Quoniam illud omne non dependet, nisi ab impressione & directione, secundum quam omnes illa potentia inter se invicem componuntur atque ununtur. Contra vero per principium novæ Mechanicæ, quod actionem potenciarum istarum non contemplatur, nisi sub ratione illius unionis & coneursum, primum, quod se intellectui offert, est directio & onus hypomochliorum, aut generalius loquendo, omnis illius rei, quæ impressioni communi se opponit: ex quo deinde statim detegitur ratio, quam inter se servant, sed tam facili negotio, ut omne illud uno eodemque tempore nobis innotescere videatur.

E.g.



ad A. 1689. pag. 383. § 99.



E. g. Non opus est, nisi mediocri cognitione motus compositi ad videndum, si vectis MN applicaretur puncto O, per quod transiret DA linea directionis impressionis communis potentiarum X & Z, quæ ipsi applicatæ sunt in extremitatibus M & N, illas non solum mansuras in æquilibrio, sed etiam onus hypomochli O, ad quamvis istarum potentiarum X & Z fore, ut Diagonalis DA parallelogrammi BC ad quodvis suum latus DB & DC. Et per consequens potentias quoque illas fore inter se, ut ipsa illa latera, aut uti AC & CD, h. e. (per lemma Trigonometricum, quod probat *latera trianguli resiliendi esse inter se, ut sinus angulorum, quibus opponuntur*) ut sinus anguli ADC ad sinum anguli CAD, aut ipsi æqualis ADB; vel quod eodem redit, in ratione reciproca distantiarum linearum directionis particularium, a quovis puncto lineæ directionis communis DA. Debuisset ergo Dn. Abbas experimentum sumere principii Cartesiani tali in casu, aut in Problemate aliquo proposito in nova Mechanica, ut videret, quantum hujus Mechanicæ principium antecelleret Cartesianum, tantum abest, ut nihil aliud sit, nisi casus particularis aut simplex ejus consequentia.

Principium ergo Mechanicum Dn. Cartesii tale non est, ut cuiquam spem demere debuisset aliquid melius inveniendi, teste, ut patet, hoc ipso, quod Dn. Abbas pro exemplo in contrarium afferebat. Verum equidem est, quod supponat pro principio nova Mechanicæ, quod *potentia X & Z applicata Machinæ cuidam aut pondus H se invicem in Equilibrio teneant, quando sunt reciproce ut sinus angulorum ADZ & ADX, factorum a funiculis DZ & DX, quos potentia trahunt, & a directione DA communis impressionis earum versus A, ubi videtur Dn. Abbas subintelligere: dummodo adsit aliquod obstaculum, v. g. sustentaculum machinæ, aut pondus H, juxta directionem DA hujus impressionis communis, cujus resistentia sit ad aliquam ex his potentiis, v. g. Z, ut sinus anguli XDZ, quem funiculi ipsarum faciunt, ad sinum anguli ADX, comprehensi inter funiculum alterius potentia X & directionem impressionis communis.* Absq; hoc enim propositio absolute falsa esset, ut apparet ex Corollario 14 propos. 1 hujus Mechanicæ, ubi demonstratur, non esse possibile, ut mutetur directio funiculorum DZ & DX, quibus potentia X & Z sustinent pondus H, sine mutatione Equilibrii, quamvis possint mille diversis modis variari,

ut tamen ratio singulorum angulorum ADZ & ADX, qui constituuntur ab illis funiculis & linea impressionis communis non mutetur. Sed & hoc ipso in casu solum illud est simplex aliquod Corollarium principii, de quo controversia est, quale est septimum propositionis primæ hujus Mechanicæ.

Quod vero sinus attinet, non equidem placet Dn. Abbati, ut hæc expressio illi, quæ longo jam tempore in usu fuit, & perpendicularium nomine utitur, præferatur. Sinus, inquit ille, angulorum, quos facit concursus linearum directionis, tam potentiarum motricum, quam communis illarum impressionis, non differunt nisi solo nomine a perpendicularibus, ductis ab hypomochlio harum potentiarum super lineas directionis. Notissimum sane hoc est, dixitque hoc autor novæ Mechanicæ compluribus in locis. Sed ut nihil dicamus, quanto sit facilius invenire angulos directionum illarum mediante aliquo Instrumento Goniametrico, quam distantias illarum a quocunque puncto ope normæ, non solum ob vitium normæ nonnumquam satis magnum, sed etiam, quando sustentacula, aut lineæ, quæ terminare debent illas distantias, tantummodo sunt imaginariæ. Ut, inquam, hoc latius non exsequamur, vel minima attentio ad generalitatem omnium illorum, quæ Autor per sinus exprimit, sufficit, ut intelligatur, illum non debuisse loqui aliter, nisi seipsum obscurum reddere voluisset.

Projet.
d' une
nouvell.
Mech. Pre
fac. Prop.
des Cor-
des, cor. 1.
des Levier
Cor. 12.
13. &c.

E. g. si velimus exprimere rationes, quæ sunt inter potentias X, Z, & pondus H, quod sustinent solum funiculis, si, inquam, velimus exprimere eas ope perpendicularium, quæ respondent tribus angulis XDA, ADZ & XDZ, quos format concursus linearum directionis DX, DZ & DA; postquam concepimus in duabus ejusdem directionis lineis duo hypomochlia æqualiter a puncto D distantia; a quorum uno v. g. O ductæ duæ perpendiculares in lineas DZ & DX, & ab altero, quod suppono in C, iidem una in DX; dicendum jam esset, quod potentia Z, X, & pondus corporis H, quod funiculis tantum sustinent, sint inter se, ut perpendiculares ductæ a puncto O in DX & DZ, & ex puncto C in DX, posito quod puncta C & O sint æqualiter distantia a D, ubi hæc linea concurrunt. Cum, si per sinus fiat expressio, simplicissime & absque ulteriori præparatione, nisi quam ipsa dispositio chordarum exhibet, diceretur, quod sint inter se ut sinus angulorum

lorum

lorum XDH, HDZ & XDZ, quos funiculi eorum inter se invicem faciunt, & sic in cæteris. Judicandum vero cuivis relinquo, quænam harum expressionum sit simplicissima & maxime intelligibilis. Sed quocunque modo se res habeat, quum controversiæ nostræ momentum plane nihil commercii habeat cum istis diversis loquendi modis; quicquid hætenus differentiæ, aut potius oppositionis & proinde independentiæ, ut ita loquar, inter principium novæ Mechanicæ & Cartesianum intercedere ostendimus, firmum ratumque manet.

Quod ad Æquilibrium liquorum attinet, Principium Dn. Cartesii ejus tantum rationem vagam & superficiariam affert, quæ nos nihil eorum docet, quæ in ipsorum particulis accidunt, neque modum, quo sese impellunt aut disponunt, ut hæc liquida vel reducant ad illum statum, vel retineant in eo. Cum contra, si consideremus parvula ista solida tanquam totidem globulos, qui se impellunt aut se retinent in cavitare tubi, quo includuntur, omnia hæc manifeste *ex propositione de superficiebus* Novæ Mechanicæ consequantur. Brevitas autem illius sciagraphiæ, quam sibi Autor propositam habebat, non permisit hanc materiam explicandam sumere; forte tamen propositum illud, quod cœpisse se dicit, applicandi hanc Mechanicam ad Philosophiam naturalem, aliquando occasionem dabit hæc omnia fusius demonstrandi.

Interim videamus quæso, quomodo ratio *physica effectuum*, *quos maxime in machinis admiramur, possit esse ratio motuum compositorum*, atque ideo jam de generatione omnis Æquilibrii agamus. Nihil certe simplicius est, & per se genuinum magis, quam concipere, quod obstaculum aliquod in directione corporis alicujus occurrens necessario debeat id sistere in motu, hoc ipso tantum, quod illi invincibiliter & directe oppositum est, non vero ideo, quia hæc impressio potius ab hac, quam illa causa oritur, quoniam diversitas illarum causarum nullam plane mutationem infert. Sive ergo hæc impressio resultet ex concursu plurium potentiarum, sive ab una solum oriatur, qualis est pondus, Æquilibrium semper eadem ratione existet, ob solam oppositionem obstaculi alicujus, quod ab hac impressione superari nequit, modo certe æque naturali ac ille est, quo pondus a plano aliquo Horizontali ipsi subjecto retinetur, & per consequens

Præfat.

A.E.p.418

sequens sine omni alia dependentia ab his potentiis nisi in hoc, quod ipsæ omnes conspirant in hanc impressionem communem. Quocirca ex oppositione inter hanc impressionem totalem & obstaculum invincibile, quod in ipsius via occurrit, omnes æquilibrii species immediate sequuntur, non autem ex oppositione motuum æqualium circa punctum aliquod fixum, uti Dn. Abbas de C. putat, licet vel maxime illos haberemus pro potentiis, quas reciprocatio viarum æquales redderet, quoniam, præterquam quod videmus illas nihil conferre ad Æquilibrium nisi ratione ejus, quod impressiones particulares confunduntur semper in unam solum, quæ tota agit in punctum, quod illas eo in statu detinet; hæc oppositio non convenit Æquilibrio, ubi onus hypomochlii tantum concipitur, ut effectus unius potentiz, v. g. quando pondus manet quietura super plano horizontali.

Ratio ergo physica maxime immediata & universalissima Æquilibrii consistit in æqualitate actionis & resistentiæ inter impressionem totalem corporis, quod est in æquilibrio, & hypomochlion, quod ipsi objicitur. Adeoque cum hæc impressio, quando resultat ex concursu plurium potentiarum, non accadat nisi ope motuum compositorum, fatendum erit, quicquid Æquilibrium hoc rationis physice habere potest, ex parte istarum potentiarum, unice hac via investigandum esse, h. e. solum deduci debere ex modo, quo potentiz hæc se disponunt in hac compositione, ut conspirent omnes in unam impressionem, quæ per hypomochlion transit, ubi omnia in Æquilibrio manere debent; non vero ex æqualitate aut oppositione motuum. Hinc ergo, quocumque fuerint illæ potentiz, sufficit considerare illarum impressionem communem, ut cognoscatur, utrum corpus, cui applicatz sunt, super hoc aut illo hypomochlio in Æquilibrio manere debeat, nec ne? Ita in corpore AG satis est, si sciamus impressionem ejus totalem sequi lineam AB, neque superiorem esse resistentia hypomochlii G, quod in illa linea existit, ut concludamus, illud corpus ab hypomochlio necessario retentum iri in Æquilibrio. Quod si ergo respiciamus causam impressionis, & reperiamus illam esse effectum unius tantum potentiz, qualis gravitas hujus corporis esse concipitur, nihil prohibet, quin dicamus onus hypomochlii G esse æquale viribus hujus impressionis. Sin

vero

Fig. 1.

velo inveniatur, impressionem hanc oriri ex concursu duarum potentiarum, huic corpori applicatarum secundum lineas AC & AD, completo parallelogrammo CD, cujus AB sit diagonalis, ulterius reperietur, quod potentia sequens lineam AC sit ad illam, quæ sequitur lineam AD, ut AC ad AD, & quod duæ illæ potentie sint ad impressionem totalem ut AC & AD ad Diagonalem AB. Eadem ratione, si impressio juxta lineam AB procedat ex concursu actionis duarum potentiarum applicatarum huic corpori secundum lineas AM & AN, si itidem parallelogrammum MN compleatur, eodem modo inveniatur, quod potentie & impressio, quæ sit juxta AB, sint inter se ut lineæ AM, AN, & AB. Atque non secus judicandum de omnibus potentiis imaginabilibus, quæ conspirare possunt in impressionem, quæ sit juxta lineam AB, aut generalius, in impressionem totalem corporis, quodeunque etiam fuerit.

Atque ita Autor novæ Mechanicæ naturam sequitur, omnia æquilibria ad simplicissimum reducens, h. e. ad æquilibrium corporis, quod ab unica potentia premitur contra obstaculum invincibile, e. g. ponderis super plano Horizontali, & deinde aperiens, ope motuum compositorum, quomodo natura, cum hoc æquilibrium est inter plures potentias, uniat omnes illarum impressiones particulares in unam, quæ tota agit in hypomochlion corporis, cui applicatæ sunt, non secus ac si hæc impressio composita esset solum effectus unius potentie. Hinc apparet, quantum Dn. Cartesius aliique abeat ab uniformitate & simplicitate viarum, quibus natura uti solet, quando præter illam æquilibrii speciem, quam negare non possunt inter unam solum potentiam & obstaculum, quod illam remoratur, intercedere, aliam volunt insuper introducere, quam in oppositione & æqualitate, quas credunt hypomochlion ponere inter potentias, quæ in hoc statu manent, consistere contendunt, & quam non aliter probant, nisi ab inconvenienti, motus scilicet fore æquales, si æquilibrium cessaret, h. e. tantum per deductiones ad absurdum, quas tamen natura plane ignorat, quæque proinde nihil habent physici, si conferantur cum eo, quod hæcenus ostensum est circa generationem æquilibrii per motus compositos.

His ita absolutis, nihil superest, nisi ut satisfaciam quoque Dn. Abbati ratione illius difficultatis, quæ motus renuit concedere, ut lineæ duæ, quæ angulum infinite acutum constituunt, habeantur pro
parall.

parallelis: quasi nesciret ea, quæ in infinitum appropinquant cuidam rei, pro hac ipsa haberi posse; atque ideo circulum ab omnibus Geometris pro Polygono infinitorum laterum haberi, idemque de omni alia figura, quacunque curva terminata, procedere. Fallitur autem in eo, quod non observat, quod finis omnium angulorum possibilem, dum maxime acuti fiunt, sit initium parallelismi, quodque duæ lineæ non possint esse in uno ex his statibus, nisi eodem tempore in altero quoque reperiantur. Id ipsum vero quoque hac ratione demonstrari potest: *Propos.* sint duæ lineæ AD & DB, quæ in D faciunt angulum infinite acutum, h. e. minimum omnium angulorum possibilem. Dico, quod hoc in casu lineæ sint inter se parallelæ.

Fig. 3.

Demonst. si non essent, duci possent duæ aliæ AE & BE, quæ essent tales, & in hoc casu lineis AD & BD anguli DAE & DBE forent percurrendi, antequam parallelæ fierent. Sicque cum lineæ istæ existerent v. g. in AC & BC, alium adhuc facerent inter se angulum ex parte C, qui minor esset, quam is, quem supponuntur constituere in AD & BD, & proinde posterior ille non esset minimus omnium angulorum possibilem. Id quod est contra hypothesin. Ergo lineæ, quæ supponuntur constituere inter se angulum infinite acutum ex parte D, sunt inter se vere parallelæ. Q. E. D.

MELCHIORIS FRID. GEUDERI MED. DOCT.

Diatriba de Fermentis variarum corporis animalis

partium specificis & particularibus. Cui subijcitur

Dissertatio de Ortu Animalium.

Amstelodami, apud Joannem Wolters, 1689, in 8.

Constat plagulis 22.

POSTquam Chymia hoc nostro seculo insigni cum fructu apud Medicos vigere coepit, plurimi eorum *Helmontii* famigeratissimi illius per ignem Philosophi vestigia legentes, quo solennes corporis Animalis functiones, inanibus Facultatum nominibus explosis enodarent, sæpius non sine applausu peculiaria in subsidium vocarunt Fermenta, ratione partis certæ solidæ, cui insideant & propria sint, insita & specifica ipsis appellata. Verum annon hæc easdem

CUM

eum facultatibus experiantur difficultates, i. e. annon supponantur magis, quam solide demonstrantur, paucis abhinc annis *Borellus*, *Bohnius*, *Charleonus*, alique mechanicam rationem in actionibus plerisque animalium extricandis seligentes, multum hæsitaverunt. Quibus subscribere nec Autor noster in Diatriba præfenti veritus, rem omnem duplici absolvit sectione. *Prima* harum fermenta corporis animalis in genere examinaturus, ante omnia ingenue fateretur, eandem de fermentis hypothesin aliquamdiu sibi arrisisse, utpote mox sub incunabulis a plurimis approbatam, nec aliorum dogmatum novorum ad instar multis contradictionibus vexatam; postea nihilominus modernorum, cum primis *Borelli*, *Bohnii*, *Rivini* & *Kemperii*, scriptis sedulo evolutis sententiam se mutasse, methodumque phænomena in animalibus obvia mechanicas ad leges revocandi arripuisse, ceu magis expeditam, omnibus etiam si difficultatibus haud destitutam. Hinc diverso fermentationis sensu considerato, hanc sanguini modo denegat, modo attribuit: scilicet fermentatio si intestinum saltem denotet motum materiam ad perfectionem tendentis, cujus effectus spiritus sit sulphureus sive ardens, nullam sanguini similis spiritus experti inesse; ast ubi generalius paulo pro quovis liquidi alicujus heterogenei motu intestino, a corpusculorum subtilium nisu expansivo dependente, accipiat, quem variæ insequantur alterationes, fermentationem omnino sanguini videri concedendam, ita tamen, ut minus repugnet, si quis neglectis effervescentiæ, fermentationis aut ebullitionis nominibus litigiosis, genericos magis vel rarefactionis, vel tumultuationis, commotionis aut agitationis terminos malit adhibere. Fermenta vero ab *Helmontio* obscurius, clarius ab aliis descripta, quemadmodum in animali machina vel adventitia perhibentur, vel innata sive insita; ita horum præsertim existentiam multis destruere rationibus nititur. Etenim primo, si fermenta ejusmodi in corpore animali præsto essent, partium ejusdem mereri titulum; interim nec solidas partes dici, nec fluidis, nec spirituosus, cum propriis hæc non contineantur terminis, posse accenseri. Ad hæc genuinam eorum originem, non minus ac naturam, dubiam esse & ignotam, secus ac *Willisio*, *Helvetio* iisque, qui spiritus insitos somniant, videatur. Porro ipsam viscerum structuram fermentationi adversari, velut intuitu strictissimorum canaliculorum omnem fermentationis motum

tum vertiginosum & rarefcentem impredientem. Sanguinis denique circulationem celerrimam tantum temporis haud largiri, ut fermenta in canalibus adeo multis iisque angustissimis, tum in omnes partes fluidi misti sese diffundant, tum easdem absque substantiæ partium destructione ab invicem separent, tum corpusculorum discretorum inter se homogeneorum in unum locum colligendorum ergo, novus dissolutioni factæ motus superveniat; nisi forsan ex momentanea fermenti actione idem sanguinis massæ contingere deberet, quod in filtrationibus solutionum v. g. auri, sulphuris &c. intenpestive adornatis solet observari, quippe quæ confestim ab instillato præcipitante, v. g. sale tartari, aceto &c. filtro commissa, sub liquoris turbidi specie integra chartam bibulam permeant. E diverso ad Retentionum mentem convenientius longe fluidorum in animali corpore indagari secretiones, si motu sanguinis intestino, pariter ac progressivo a corde & arteriis jugiter ad seecernentium partium canaliculos vibrato, una cum diversarum particularum e sanguine seecernendarum aptitudine, suppositis, sola pororum (præter debitum fibrarum aperturam animalium influxu dependentem totum) in visceribus, glandulis aliisque partibus probe perpendatur dispositio, figura & magnitudini separandarum molecularum congrua, a variis demonstrata phenomenonis, & tunc etiam, ubi vel maxime fermenti cujusdam quæcunque ratione corpuscula segreganda ad secessum disponentis concederetur præsentia, in ipso secretionis actu omnino admittenda. Isti tamen porulorum configurationi forsan particularum ex conformatione varia oriundum nifum, tendentias, ad hunc illumve motum facilius suscipiendum promittitudinem, indeque sub utroque sanguinis motu resultantes impulsuum differentias, adjungi posse; cum corpus aliquod versus proportionatum foramen projectum pro diversa vel recta, vel obliqua, vel alia incidendi ratione, modo facilius, difficilius modo, modo plane non pertranseat. Quæ singula quidem quamvis in genere facilem mereantur assensum, attamen ubi ad explicationem minimorum perventum fuerit, propter ignotam partium configurationem internam nihil prorsus de speciali secretionum modo constare. Atque sic fermentis solidarum partium unitis in genere rejectis, antequam priorem sectionem dimittat, in *Gulielmi Cole & Johannis Pascalii* inquiri sententias, quorum ille de *Secretione animalis*

animali succo nervoso in fermentorum numerum recepto primas in mixtis secretionibus efficiendis defert, hic vero *Explicatione nova fermentationis in corpore humano*, fermenta vel fixa, vel volatilia constituens, fixorum existentiam ab effectibus demonstrat, volatiliū autem originem a nervis petit spiritusque animales acidos declarat: utrumque nihilominus ficulneis insistere fundamentis sapiusque sibi met contradicere, fusius exponit. Ad *posteriorem* vero *sectionem* perveniens, qua de certis corporis animalis partium fermentis in specie disquirat, mox salivam, liquorem gastricum, bilem, succum pancreaticum, liquorē nervosum &c. ceu fermenta ad secretiones præcedanea ab allegato modo *Cole* salutata, e fermentorum genuinorum classe propterea expungit, quod non in exigua, sed insigni satis ad corpora proportionē admisceantur. Argumenta dehinc, quibus vel fermentum ventriculi acidum propugnari, vel chylicationis negotium per fermentationem explanari solet, promte diluit, ac ad chylicationem absolvendam salivam & alimentorum reliquias; liquorem gastricum, fluidum nervorum, nec non viscerum ventriculo adjacentium calorem concurrere, se invicem juvare, adjuvari quæ a proprio ventriculi motu, probabilius asserit. Neque in ullam bilis cum succo pancreatico consentit effervescentiam, cui utriusque ductus insertio magno potius sit obstaculo. Fermentum autem stercoreum in intestino cæco ab *Helmontio* locatum, merum appellat figmentum: præterquam enim, quod *Helmontius* sibi contradicat, omne fermentum vitale, stercoreum vero corruptivum nuncupans, in intestinis jamdū tenuibus a faculentis emitti foetorem, multaque animalia, quorum nomina adduntur, cæco penitus carere. Glandularum itidem conglomeratarum, præsertim parotidum, æque ac conglomeratarum mesenterii aliarumque fermenta, acida quæ creduntur, constanter negat: ibi namque salivam minime acidam, etiamsi sola colatura segregetur, idcirco tamen haud penitus coincidere cum sero, eo quod novo spirituum accessu sit roborata simulque acre facta; nec pleraque interna salivam moventia acida esse, v. g. masticatoria, sale potius volatili acri turgentia, item Mercurius ratione molecularum rotundarum, lavium, summeque mobilium serum fundens; hic vero sive in conglomeratis glandulis acido præsentē, nec chylum, nec lympham, nec lac suam tueri posse consistentiam, cum fluida nominata ab acido quovis, teste experientia,

coagulentur. Lympham præterea qua maximam sui partem secedere potius a massa sanguinea, per poros tum tunicarum arteriæ antequam in vas capillare minimum desinat, tum vesicularum minimarum a vasis capillaribus formatarum, quam operose glandularum, seu plurium vasculorum contortorum, ministerio secerni; eam vero lymphæ portionem, quæ in glandulis mesenterii ex sanguine arterioso ibidem deposita, una cum insigni fluidi nervosi copia chylo accedit, menstrui potius & vehiculi, quam fermenti titulo venire insigniendam. Unde & lympham a vasculis lymphaticis excipi, ne in partium solidarum nutritione gelatinosarum molecularum coagulationem impediat, a calore sanguinis absque ulius inexplicabilis fermenti assimilantis adminiculo præstandam, concurrentibus saltem spiritibus animalibus debitum fibræ & poris tonum conciliando. De cætero sensibilem Cordis texturam musculosam nullum in Ventriculis ejus concedere fermentum innatum, multo minus, ut tale vel per calcinationem, vel per acescentiam inibi produci possit. Similiter spiritus animales subtiliores longe esse, quam ut in cerebro a fermento peculiari sive sale, licet maxime volatili, possint ac debeant acui & volatilisari: sal siquidem volatile destillatione acquisitum a nullo fermento oriri, sed particulas esse feri roseidas, intra cerebri poros congestas ac putrefactionis motu resolutas; neque cerebri fermentum pro spirituum ad sensum & motum determinatione exigi necessarium, cum hæc partim pororum dispositioni, partim ipsis spiritibus commode assignari possit. Rationes insuper quibus a diversis aliquid lieni fermentum affingitur, evidenter ostenduntur vanæ; lienem namque hepatis inservire, in quantum sanguis in amplioribus ejus cellulis nervorum fluido copiose irroratus, a lymphæ liberatus, simulque a membrana fibrosa conquassatus, ad bilificationem disponitur. Nec bilem, etiamsi non qualitate eadem sanguini inesse concedatur, necessario fermentum requirere transmutans, quia simplex particularum ab aliis liberatarum unio, mediante pororum dispositione facile efficienda sufficit; in hoc saltem bilis secretionem ab aliorum humorum percolatione differre, quod tardius & facilius peragatur absque eo, ut sanguis tanta vi ad hepatis colatorium propellatur. Quoad renes, nulla in his fermenti, vel putrefactivi, vel fusorii, deprehendi vestigia, quin seorsum urinosum laxius Massæ Sanguinæ coheræns, sine præcedanea fermenti divellentis energia, median-

dianre

diante solo sanguinis per strictissima vascula capillaria impulsu & pororum certa configuratione secedere posse. Tandem quod testiculorum in viris, ac uteri & mammarum in foeminis attinet fermenta, hæc non magis quam reliqua concipi posse; mutationes quandoquidem pubertatis tempore in utroque sexu evenientes, neutiquam a testium vel uteri connato dependere fermento, sed causam imprimis ipsam massam sanguineam agnoscere, quatenus hæc sua sponte tunc a particulis nutritiis & spirituosis, in solidarum nutritionem non adeo copiose amplius absumentis, magis axaltatur, prætereaque a subtiliori seminis portione ad ipsam e testibus & ovario regurgitante vigoratur & commoveretur. Circa mammarum vero fermentum plane non apparere, quidnam illud per tantum temporis spatium iners & latitans integrum servet, & quid illud ipsum tunc demum, ubi lac generari incipit, in actum deducat.

In Dissertatione autem, quæ annectitur, de Animalium ortu ad Excell. *Sturmium* exarata, diversis circa generationis negotium hypothesebus, quibus hoc vel facultati formatrici, vel Animæ rationali aut sensitivæ, vel formæ substantiali, vel ideis seminalibus, vel seminibus motis, vel spiritibus ideis instructis acceptum fertur, probe ponderatis iisque repudiatis, in *Swammerdamii*, *Malebranche*, *Perraltii*, *Peyeri*, & ipsiusq; *Sturmii* concedit sententiam, quibus non sine rationum momentis, in ovulis singulis integram & absolutissimam partium omnium admirandum in modum constructarum ideam ac delineationem subtilissimam latere videtur, a summo omnium Creatore immediate inditam, ac a spirituofo seminis virilis contagio evolendam & in motum suscitandam. Cui equidem dogmati a multis multa objici dubia, quæ tamen non solum hic recensentur, sed & solide evelluntur. Unius *Leeuwenhæckii* hic adduxisse sufficiat rationes a nostro labefactatas, quibus ille & contra ovulorum assignatum usum disputat, & novam quoque Hypothesin proponit. Scilicet ipsum semen masculinum non necessario matricem intrare debere, galli gallinacei exemplo, in momento tantillo seminis ejecto integrum ovorum racemum fecundantis. Nec semper eandem ovulorum in foetibus magnitudinem, sicut in adultis observari; quin posito quoque hoc phænomeno perpetuo, nondum tamen exin ovulorū ad generationem elici ineptitudinem, quoniam non magnitudo hæc ovu-

la ad officium suum apta reddat, sed liquoris quem continent laudabilis constitutio, & reliqua tum ad intromittendam seminis masculini auram, tum ad sui a reliqua ovarii substantia liberationem dispositio, imo ovulum, observante *Bohnio*, post sui ab ovario secessum, minus, quam antea, deprehendatur. Interim quæ ovula intra brutorum aliquot post eorum coitum diebus sectorum, uterum ejusque cornua *Leeuvvenhœckio* non apparuere, ab aliis Anatomicis oculatissimis fuisse visa, neq; metuendum, ne vel reliquæ seminis virilis in globuli formam coagulatæ, vel alterius generis particula excrementitiæ undiquaq; æquali vi compressæ, adeoque globosæ redditæ, pro veris ovulis habitæ fuerint, cum nec semen masculinum ad tubas usque pertingat, nec excrementitiarum particularum origo innoscat, aut concipi possit, quomodo. excrementa æquali vi pressa ideo statim in vesiculas membranaceas liquore turgidas efformentur. Quod Vermiculos autem concernit, in semine masculino microscopii ope incredibili copia annoratos, ac secundum *Leeuvvenhœckium* foetuum stamina constituentes, primo questionem de ortu illorum redire, insignemq; difficultatem remanere expediendam, quomodo illi vermiculi præcise in corpore maris tam artificiose elaborati ad testes vasaq; seminalia reliqua deferantur, & superstitibus ibi aliquamdiu existentes in uterum maternum provenire queant. Deinde minus patescere, cur in tanta vermiculorum copia omniumq; pari vigore non plures uno in foetus excrecant tam in utero, quàm hujus tubis: etenim si animalcula ejusmodi cum semine virili injecta aliquot post coitum diebus utrobique, *Leeuvvenhœckio* narrante, supervixerunt, opus omnino habuisse nutrimento non aliunde, quàm ex utero hujusque tubis sugendo. Quo concessio, utrobique ingentem foculorum copiam; ex quibus animalcula ista alimentum sugere queant, necessario adesse, consequenter majorem semper foetuum numerum gigni, ac frequentius conceptiones quoque tubarias contingere debere, cum nil impediatur, quo minus animalcula, si semel locum invenerint nutrimentum suppeditantem, ibi persistant & in foetus excrecant. Tandem *Leeuvvenhœckii* hypothesin enervari, quod ovarii femellarum castratione ademptis, aut casu vel morbo destructis, femellæ pariter ac mares exfectis testibus sterilecant nec amplius concipiant.

CASUS

CASUS CONSCIENTIÆ SIVE QUÆSTIONES

*Practica novem, soluti pro re nata atque decisi per**Robertum Sanderfonum, Episcopum nuper Lincolnien-**sem. Ex Anglico sermone (post repetitas edi-**tiones) recens in Latīnum conversi.*

Cantabrigiæ, apud Henr. Dickinson & Rich. Green, 1688, in 8.

Constat plagulis 9.

Quamvis Casus Conscientiæ in præsentī opusculo propositos, eo tantum animo, ut privatis quorundam desideris velificaretur, deciderit clarissimus Autor, in manes tamen illius haudquaquam injurius fuisse videtur, qui eosdem in Latinam linguam traductos publici juris fecit, utilitatemque ex his percipiendam nemini invidere voluit. De qua ut, cui libellus ille nondum visus, constare possit, ex Casu VII, Scandalī naturam concise pariter atque erudite exhibente, specimen aliquod dabimus. Ibi primum observat, in casibus de scandalo disjudicandis non tam eventum, quā is sit vel esse poterit, quam causam ex qua oriatur, esse spectandam. Interdum enim justam dari scandalī causam, neque tamen inde sequi scandalum, quia non accipitur: alias accipi scandalum, neque tamen justam dari causam: alias denique tum justam dari scandalī causam, tum inde scandalum accipi. Deinde in modos, quibus aliquis scandalī reus vere reddatur, inquit, & ad quatuor revocari omnes posse asseverat. *Primus* illi est, cum quis coram altero fecerit, quod per se malum est, illicitum & inhonestum. Eoque in casu ostendit nullū habere momentum aut facientis intentionem, aut eventum respectu illius qui factum videt: quippe nihil referre, utrum facienti propositum fuerit alterum illum exinde in peccatum pellicere; nec etiam referre, utrum alter ille ad peccatum admittendum exinde adductus fuerit: etenim ipsam materiam & substantiam actus, utpote mali & coram aliis perpetrati, sufficere ad hoc, ut agens scandalī dāti reus efficiatur, quamvis neque ipsi illud præbendi consilium esset, neque revera quisquam inde scandalizaretur. *Alter* modus ipsi est, ubi quis coram altero quid fecerit, cum directā intentione & formali proposito eum inde ad peccati admissionem pertrahendi. Illoque

loque in casu declarat neque materiam actus omnino attendi, neque eventum: nihil enim prorsus interesse, (quoad scandalizandi crimen) utrum quis exinde ad peccatum admittendum efficaciter illicitur; neque etiam interesse, utrum res perpetrata per se illicita sit nec ne; dummodo speciem mali habeat, adeoque aptitudinem inducendi alterum ad id ex imitatione faciendum, quod sit realiter & intrinsece malum. Solam scilicet intentionis pravitatem, quicumque demum fuerit effectus, aut quibuscunque mediis adhibitis promoveatur, sufficere ad culpam scandali dati agenti assignendam. *Tertius* modus eidem est, ubi quis coram altero fecerit aliquid, quod per se malum non est, sed adiaphorum, ideoque quod ex Christianæ libertatis norma agere licet vel non agere, prout cuique videbitur (imo forsitan quod alias ipsi utile est, & fieri expedit) a quo tamen probabile fore providet, ut alter ille accipiat scandalum, atque inde occasionem arripiat malum perpetrandi. *Quartus* tandem illi modus est, cum quis coram altero quid fecerit, quod non licet solummodo, sed etiam admodum expedit, imo & aliquatenus ipsi factu necessarium est, verum prævidet valde verisimile, fore, ut alter ille male eo utatur, inde semet ad peccatum admittendum confirmet, nisi simul summa adhibeatur cura scandalum, quod exinde accipi poterit, quantum fieri queat, præcavendi. Singulis his modis certas regulas subiicit Autor. Primo quidem: *Non facies aliquid mali, ut ne scandalum des.* Secundo: *Ne quid sive bonum sive malum feceris cum intentione scandalum præbendi.* Tertio: *Nil agas, quod commode poteris omitti, unde probabile est scandalum acceptum iri.* Quarto: *Ejus rei, que commode omitti nequit, actionem ita dirigas, ut nullum exinde scandalum tua quidem culpa accipiat.* Reliquos casus, quorum I. de Sabbatho. II de Voto temerario cum deliberatione iterato. III. de formula sponsonis Anti-monarchicæ, Anglice *the Engagement.* IV. de Liturgiæ usu. V. de Nuptiis cum Papista contrahendis. VI de Syngrapha obligatoria mentito Regis nomine accepta. VIII de Amore illicito. IX de Vita Militari, agunt, perlegisse non poenitebit.

Errata nonnulla.

Pag. 152. lin. 11. pro *Toron* lege *Tobben*. p. 168. l. 5. pro *Gace* lege *Græca*. p. 170. l. antepenult. lege *maximus*; *de* *et* *de*. p. 182. l. 20. pro *quam* *amariorem* lege *quam* *qualcm* *amariorem*. p. 228. l. 25. pro *Currierium* lege *Currierium*. p. 233. l. 8. post *Martinus* dele comma. p. 289. l. 10. pro *oſto* lege *noſum*.

ACTA ERUDITORUM

publicata Lipsiæ

Calendis Augusti Anno M DC LXXXIX.

REFLEXIONS SUR LES LIVRES DE L' ECRITURE Sainte, pour etablir la verité de la religion Chrétienne. Tome II.

id est:

Tomus Secundus Considerationum in libros Sacræ
Scripturæ, ad stabiliendam veritatem Religionis
Christianæ.

Amstelodami apud Paulum Marret, 1689, in 8.

Constat plagulis 24.

Tomum hujus operis *primum* partesque ejus duas non immerito, ut confidimus, in Actis anni præteriti p. 237 laudavimus, & continuationem illius optavimus. Ejus voti compotes, *alterum* eumque postremum Tomum nunc exhibemus. De Autore, etsi nomen ejus *alteri* huic *Tomo* præfixum non legatur, minime tamen dubitandum est, quin idem sit *Allixius*, quem d. l. indicavimus. *Dua* etiam hujus secundi libri *partes* sunt. In *prima* capitibus XXV tractatio instituitur ex libris *Veteris Testamenti*: in *altera* ex *Novo Testamento*. Veritas librorum historicorum Veteris Testamenti deducitur ex serie non interrupta eventuum, quos autores sacri referunt. Egregia conexio rerum a scriptoribus traditarum ostenditur, quarum una alteram vel ut prædictam & præteritam respicit, vel futuram indicat. Ita v. g. in libro Josuæ divisio terræ Cananæ describitur ut executioni data, quæ a Moyse jam ordinata erat. Idem liber quoad futura fundamentum præbet casui Gabaonitarum, qui post annos 430 regnante Davide accidit. Eadem observatio ad libros sequentes applicatur, & in parvo illo, cui *Ruth* Moabitidis nomen dedit, annotari tamen,

Cap. I.

Bbb

ut Au-

- ut Autor monet, possunt, quæ connexionem cum antecedentibus & consequentibus habent libris & historiis. Accedit consensus quidam profanorum historicorum, quorum fragmenta Josephus & Eusebius conservarunt, ex quibus maxime memorabilia breviter adducuntur, additis observationibus haud inutilibus. Indicatur exacta impletio vaticiniorum de rebus vel cito vel tarde secutis, nec solum Judaicis, sed & aliorum populorum. Ex cito impletis exempla præbent Josuæ ducatus & expeditio, a Moyse; Baraci victoria, a Debora; exaltatio Sauli & Davidis, & illius rejectio, a Samuele; Absalonis defectio, a Nathane; Jeroboam regnum ab Ahia prædicta, & alia quibus Prophetarum auctoritas secuto mox implemento stabilita est; unde & fidem merebantur de iis, quæ serius eventura erant, v. g. quæ Josua voverat & prædixerat de infortunio ejus qui Hierichuntem restauraret, quod non nisi post annos 570 accidit, & nativitas Josiæ annis 350 antequam fieret, indicata. Sic memoria Prophetarum in seris etiam seculis renata quasi est, & venerabilis mansit. Neque solum facta & fata singularia, sed & publica prædicebantur, licet aliquando tardiori, certissimo tamen eventu, v. g. quod Abrahami posteritas Palæstinam sit acquisitura; eversio tribus Judæ ad regnum; divisio regni in duas partes; captivitas Babylonica & restitutio ex illa, & quæ sub regibus Alexandrum secutis, & denique sub Romanis passuri essent Judæi. Vicinorum etiam & peregrinorum regum & populorum res non minus Prophetarum vaticiniis designabantur, e. g. ruinæ Syrorum, Moabitarum, Ninivitici, Babylonici & Persici Imperii. Tales autem libri, tot insignibus prædictionibus & oraculis referti, quæ tempora annorum 3500 complectebantur, toto orbe nunquam sunt reperti. Ex iis Danielis prophetia tam evidens est, ut capitalis ille Christianorum hostis Porphyrius non potuerit se ab argumento, quod ex ea depromebatur, expedire, quam impudenti calumnia, quod post Antiochi tempora ex eventibus composita esset; cum tamen constaret, eentum ante id tempus annis in Græcam linguam traductum Danielis librum fuisse. Nec indignum notatu est, quod Judæi veteres prophetias jam ultra tot secula, postquam novæ edicessarunt, magno studio conservarent, neque tamen similes fingere aut producere unquam potuerint aut ausi sint. Respondet inde Autor objectioni, quod etiam oracula ab idolis gentium magno numero edita fuerint, & licet concedat,
- falso

falso quoque Prophetas extare potuisse & extitisse, monstrat tamen plurimas differentias divinorum oraculorum ab iis quæ gentiles jactabant, & ex illis ipsis prærogativam & veritatem Judaicarum prophetiarum deducit. Exactius postea ostendit, quare supponi libri sacrarum prophetiarum non potuerint, ex insignibus temporum, quæ in iis notantur, & factorum publicorum characteribus. Urget etiam versionem Græcam trecentis ante natum Christum annis factam, & quod Judæi ex iisdem libris, etiam hodie, quanquam pro literali aut falso sensu, argumententur. Notat, quod alii sunt qui vaticinia conscripserint, alii qui implementa; quodque diverso stylo omnes & singuli scripserint. Speciatim expendit mixturam & connexionem historiarum & prophetiarum, & quod officium Prophetarum elenchticum & paræneticum cum historia temporum, quibus vivebant, apte cohzreat, & suspensionem corruptionis omnem amoveat. Personæ etiam Prophetarum & diversæ eorum conditiones, fidem & auctoritatem illorum confirmant: alii enim sacerdotes erant, alii reges aut regii generis viri, alii plebeji. Materiarum etiam pondus, de quibus vaticinati sunt, considerat, & effectus secutos, qui ad tot populorum notitiam pervenerunt. Memorabile etiam est, ut ait, quod post Malachiam nullus Prophetarum liber supersit, cum tamen æque facile fuisset post illud tempus quosdam fingere, quam antea. Negat ulla ratione Judæis suppositionem tribui posse: si enim id ausi essent, vaticinia de Messia, & de vocatione gentium, quam tantopere detestantur, ante omnia alterassent aut fustulissent. Ista ad stabilendam auctoritatem sacrorum scriptorum externo quodam modo, ita tamen pertinent, ut atheis & scepticis satisfacere possint. Jam C. VII. ulterius progreditur Autor, & contemplatur, cur prædictiones de Messia commixtæ sint cum aliis materiis, aut in eas dispersæ, quæ ab eo valde remotæ & alienæ sunt; cum majorem fidem inventura forte fuerint vaticinia, si uno libro & ordine conscripta essent, itaque videri adversariis possit, ac si Apostoli loca quædam Veteris Testamenti per allusionem allegent, aut centones ex iis depromant, quos non secus ac ex Virgilio aut Homero Nonnus & Eudoxus fecerunt, Evangelio adaptent. Respondet igitur, Deum rationes suas habuisse, cur isto modo vaticinia de Filio suo cum rebus alienis mixta obscuraverit, quarum rationum quædam ad ipsius Messie personam pertinere po-

tuerint, ne diversæ ejus naturæ evidentèr propostæ fidem amitterent & chimericæ esse viderentur; aliæ ad Judæos spectabant, & partem eorum, quæ de Messia prædicebantur, exequi debebant, quod non fecissent, si tota Messia historia aperte descripta fuisset. Denique gentilibus etiam tam clare proponenda non erat, quia post rejectionem demum Judæorum vocari ad Evangelium debebant, ejusque probationem ex conservatis eo usque, cum Judæorum libris, vaticiniis percipere. Interim etiam animadvertit Autor; Judæos & Gentiles ex prophetiis utcunque obscuris & dispersis, characteres tamen Messia insigniores satis percepisse. Sciebant tempore nativitatis Christi locum, in quo nasci deberet, licet ante multa secula prædictum, & sic alia quoque non ignorabant, & dicta Prophetarum de Messia ita intelligebant, ut Apostoli illum sensum præsupponere possent, nec opus haberent, ut prius demonstrarent, quod hoc vel illud dictum ad Messiam referendum esset. Ita licet Pharisei respondere non possent ad quæstionem Christi de intellectu Ps. CX, minime tamen dubitabant, Psalmum de Messia loqui; alias inepta fuisset interrogatio, & illi ad eam non siluissent, sed qualem hodie Judæi malitiose fingunt, responsionem dedissent, qua Psalmum ad quemvis alium, quam ad

- C. VIII. Messiam applicassent. Regulas inde proponit, secundum quas vetera oracula & vaticinia Messia applicari debere existimat. (1) ait, antiquiores prædictiones, licet generaliores, ideâ tamen sequentibus præbent. (2) Deus populum Israelis in expectatione Messia, post multa secula demum venturi, conservare voluit, per ideas vivas & prædictiones magis particulares. (3) Ideo, si quem illustrem virum aut magnam aliquam prosperitatem populo prædixit, tali promissioni semper etiam illam de Messia immiscuit, ut ad objectum illud primarium populus continuo respiceret. Quædam igitur oracula ad neminem alium quam ad Messiam applicari possunt, v. g. de semine mulieris, Gen. III, 15. de Propheta a Moyse prædicto, Deut. XVIII, 15. Quædam ad alium etiam referri posse videntur, sed ita, ut propter quosdam characteres particulares nulli alii exacte conveniant. Ita Baalamini vaticinium Num. XXIII, ut Julianus Apostata cavillatus est, Davidi applicari potuit, ut & quæ Psalmo II leguntur. Notat hic contra Judæorum recentiora commenta, antiquiores eorum doctores pleraque oracula, ut Christiani faciunt, de Messia intellexisse, v. g. Ps. CX, Ps. II, & Michæ

Michæ prædictionem de loco nativitatis: dein cum duos Messias finxerint, quibus convenirent, quæ contrario modo prædicta videntur, nil prohibet, (ait,) quo minus unum idemque dictum de Messia & de alio diverso respectu explicari possit, sicut & veteres Rabbinæ & Apostoli fecerunt; antiquis autem longe plus deferendum esse, quam recentioribus, tanto odio & invidia jam excæcatis. Addit quædam de Prophetarum stylo, vaticinia de Messia cum mediis ad ejus adventum promovendum necessariis sæpe commiscendum. Notat etiam, vaticinia eorum non una vice edita aut conscripta, nec eodem, quo prolata sunt, ordine temporis compilata & conjuncta esse; unde sapius inter Prophetas, præsertim contemporaneos, ad connexionem & seriem materiæ, quam ad ordinem libri seu capitum, ut hodie extant, respiciendum sit. Subjungit alias observationes, puta quod necesse sit, vel Maimonide teste, ubi vaticinia videntur naturæ rerum repugnare, ut ad sensum metaphoricum confugiat, v. g. cum dicitur fore, ut lupi & agni simul pascerentur: deinde ut quæ de Messia diversimode prædicuntur, ad diversas ejus naturas statusque referantur. Licet vero his jungi possit regula, quod, quæ dicta Veteris Testamenti ab Apostolis ad Messiam applicata sunt, indubitanter de illo accipi debeant; agnoscit tamen Autor, hæc ab iis tantum concedi, qui in Apostolis spiritum propheticum fatentur, adeoque a Judæis & non credentibus exigere nondum posse. Viam posthæc præstruit ad præcipua oracula de Messia ex omnibus libris Veteris Testamenti adducenda, & rationes allegat, cur ordinem temporis potius quam materiæ secutus sit, quia nempe divina sapientia eundem tenuit, & posteriora vaticinia semper clarius & specialius quam priora proposuit, & quidem uno tempore per plures Prophetas, qui inter se non consultaverant. Ex adductis autem vaticiniis constare docet, (1) quod Deus Ecclesiæ suæ infallibilia argumenta suppeditare voluerit de Filii sui missione, ejusque memoriam ad salutem generis humani semper conservare. (2) quod diligenti illa circumstantiarum annotatione præcavere voluerit scandala & stulta hominum judicia, quæ Messiaæ vita abjecta & humilis producere potuerat. (3) quod irrefragabiliter demonstrare voluerit, missionem hanc esse opus sapientiæ & veritatis suæ, statim post lapsum hominis revelatæ. Quamvis autem referri dignissima sint, quæ Autor ex libris Veteris Testamenti de

C. XXV. Messia producit, & insignibus observationibus illustrat vaticinia, prolixitas tamen relationis vitanda est, & liber ipse consulendus, in quo a capite IX ad XXIV omnia aut præcipua, quæ de Christo ejusque Ecclesia prædicta sunt, egregie proponuntur & asseruntur. Cap. XXV subnectit Autor observationes quasdam haud vulgares de tempore post cessationem prophetiæ, sive a Malachia usque ad Christi nativitatem, v. g. quod odia Idumæorum aliorumque vicinorum adversus Judæos imminuta fuerint, sublata veteri de Messia æmulatione, qui jam satis clare revelatus fuerat; quod Deus quatuor seculis cessare fecerit prophetias, ut ex jam extantibus characteribus Messia tanto diligentius discerentur, & desiderium ejus magis accenderetur; quod intermedio hoc tempore Biblia Hebraica in Græcam linguam translata ad omnium nationum notitiam pervenerint, sublata hoc modo cavillandi oracula de Messia occasione: memorabile enim est, quod longe ante exortas Judæorum cum Christianis rixas, vaticinia de Messia, v. g. quod ex virgine nasciturus esset, a septuaginta interpretibus verbotenus translata fuerint. Ista ergo Gentiles ex Græca versione intelligere & simul discere poterant, se non simpliciter ad auctoritatem Judæorum sequendam adstringi, cum rejectio eorum satis clare prædicta esset. Status etiam Judæorum illo tempore observari meretur, ut honoris ab Alexandro Magno habitus fuerit; quomodo a Regibus Syris & Ægyptiis tractati fuerint; quæ pro religionis suæ passi sint; ut ex persecutionibus emerferint; ut favore & decretis Regum adversus Samaritanos prævaluerint, & sacerdotes suos diademate regio ornatos viderint; ut postea divisionibus internis occasionem Romanis ad evertendum regnum Judaicum ipsi dederint, & tamen, ortis licet inter eos hæresibus multisque corruptelis, Legem tamen Moysaicam & libros sacros, ex quibus Christus demonstrandus erat, retinuerint, & ab idololatria sese abstinerint, & sic omnes notæ temporis advenientis Messia a Prophetis prædicti satis evidentes extiterint.

De parte altera sequenti mense, Deo volente, agemus.

LES OEUVRES POSTHUMES DE M^r.
Claude. Tome V. i. c.

Operum

Operum posthumorum Joh. Claudii Tomus V.

Amstelodami, apud P. Savouret, 1689, in 8.

Constat pagulis 43.

Qui priores IV Tomos hujus Autoris posthumos in compendio recensuimus, ultimum hunc, epistolas 45 ad diversæ sortis, illustrioris etiam, viros foeminasque exaratas complectentem, cui similem operam impenderemus, apprime dignum reputavimus. Paucitatis culpa in eos, qui cum plures penes se habeant, in facienda tamen earum copia parciores se præbuerint, rejicitur; addita invitatione, ut, quibus integrum hoc sit, uberiori literarum Claudianarum suppeditatione alteram editionem locupletare haud negligant. In Præfatione vindiciæ præmittuntur contra relationem Mercurii Politi, (*Mercurie Galant*), *Claudium* sub vitæ clausulam de fide sua interrogatum, obverso quærentibus tergo, nihil respondisse, & cum ita religionis suæ incertus oculos clausisset, ut nonnulli affectu sui Pontificiis accederent, ansam præbuisse. Quam parum vero fidei Mercurio illi, non nisi farraginem, citra boni & mali, veri & falsi discrimen coacervanti, tribuendū sit, autoritate libri *Les caractères des mœurs de ce siècle* (Characteres morum hujus sæculi) adstruitur, qui verbis: *Le Hermes ou Mercure Galant est immédiatement au dessous du rien* (Hermes seu Mercurius ille politus minoris ipso nihilo faciendus est,) valorem ejus admodum extenuet. Sed fraudulentam hanc propagandæ fidei in Romana Ecclesia viam non inusitatam esse monetur, nec simplici vice jamdudum Parisiis alibique de mutata Claudii religione famam increbuisse; quin & Archi-Episcopus Parisiensis, quod datam de amplectendo Papismo fidem Claudius sefellerit, asserere non erubuisse, cum tamen neuter alterum convenit, vel quicquam commercii cum altero habuerit.

Ex-Epistolis ipsis intra A. 1664 & 1686 scriptis, potiorum saltem argumenta, prolixitatis evitandæ studio, indicabimus. Et quidem Epist. I de difficiliore loco I Cor. XV, 28 & 29 consultus, mentem suam ita aperit, ut *subjectionem* Christi non de humana, secundum quam in Scriptura nunquam filius Dei appelleretur, sed divina natura intelligat, quia opponatur regno, quod vero in divinitatem solum cadat. Eam porro subjectionem non permanentem sed momenta-

pag. 8.

neam.

- neam fore, seu ultimum actum regni oeconomici, quo, sine aequalitatis tamen personalis praedicio, Patri de data sibi omnipotentia, ejusque extremis actibus, veluti mundi judicati, demonum in abyssum praecipitatorum, Ecclesiae liberatae, infidelium condemnatorum, mortis in victoriam absorptae, electionis aeternae completae, & coeli multitudine sanctorum referti, rationem redditurus, & hac ipsa subjectione omnibus manifestaturus sit, quicquid fecerit, jussu Patris se fecisse. *Ute Deus sit omnia in omnibus*, i. e. ut cesset oeconomia, qua pro Patre Filius ad extremum usque diem ecclesiae imperavit, & tota Trinitas sine personarum subordinatione coelites quantos quantos ita bect, ut nihil in iis humani, nihil diabolici remaneat, sed universis Dei *χαρισματα* in summo gradu exornati Deo similes reddantur. *Ep. III. Araldum magni nominis, & id genus conflictibus aptum natum exercitumque, adversarium se nactum esse, laetabundus innuit. Ep. V. circa susceptam praesentiae vel absentiae realium refutationem Amici cujusdam judicium Logicum expetit, eo quod tota haec materia ad Logices fere potius, quam Theologiae tribunal pertineat. Ep. LX difficultati ex Jac. IV, § sibi proposita ita occurrit, ut verba: *anputatis, quia inamiter Scriptura dicat* (quae ad omnia ab initio Capitis haecenus prolata, ac in Jobo & Psalmis obvia respiciant,) versui praecedenti adhuc annectenda; verba vero: *ad invidiam concupiscit Spiritus, qui habitat in vobis*, contra Vulgatam & Gallicam Translationem ita legenda esse censeat: *contra invidiam &c. habitat in nobis*, ut iste sensus emergat: *Spiritum Dei invidia* (quae nobis persuadeat, majorem nos gratia dignos, eamque inaequaliter distributam esse,) *contrarios motus in nobis operari*; ut accepta gratia plane nos indignos agnoscentes, tam coram Deo quam coram hominibus nos humiliemus, & hoc ipso juxta v. 6 majorem nos obtenturos gratiam. Ep. XVII circa perseverantiam Sanctorum, cum Lutheranorum opinionem de perseverantia finali, & fidei amissione totali, ob Paulinum assertum Ebr. VI, 6 (ubi licet de peccato in Spiritum Sanctum agatur, a minori tamen ad majus, si vere fidem fidem & regenerationem totaliter amittere contingat, idem concludi possit) non sustineri posse putet, aliorum quoque sententia sua incommoda habeat, mediam hypothese tutissimam esse docet; nimirum I.D. eum in prima justificatione, si fidem & poenitentiam actuali inveniat, praeterita peccata remittere, conditione*

tionem perfectæ obedientiæ imposita, ita tamen ut imperfectiones si dei & obedientiæ leviores, modo generalis poenitentia sincera fuerit, misericordia sua tegere, & enormiora quoque peccata, quoties actualis poenitentia sequatur, remittere velit. II. Si in enormius peccatum incidat fidelis, primam justificationem non revocari, nec jus ad vitam æternam concessum tolli, nec a communione Jesu eum rejici. III. Nihilominus durante tempore peccati *in reatu mortis* eum constitui, & non quidem *sub odio Dei*, *sub ira* tamen *paterna* esse, veram condemnationem, sed non irrevocabilem producente, cujus executio per expectationem poenitentiae suspendatur. IV. Hunc statum neque gratiæ, neque odii absoluti esse vel totalis derelictionis, sed amoris suspensi & iræ paternæ. V. Ob *Electionem* tamen *obstantem*, in tali statu mori eum non posse. Si per impossibile supponatur eum mori, tunc Deum ob frustraneam poenitentiae expectationem, peccata remissa revocaturum, & jus ad vitam æternam aboliturum; quod vero ob dictam rationem fieri nequeat. *Ep. XV* ad objectionem hujus asserto factam, quomodo adoptio & jus ad vitam æternam, seu actus indivisi plus & minus non recipientes, ex parte subsistere & ex parte revocari dici possint, respondet distinguendo inter *rem* & *rei statum*; & secundum hunc saltem actus istos revocari. Ita fidelem in peccato suo manere filium quoad rem, sed non quoad rei statum; h. e. esse filium rebellem; qui Deum quidem pro patre, sed irato habeat; & jus ad vitam æternam retineat, sed remotius, quo, nisi obstaculo per poenitentiam & novam remissionem sublato, frui nequeat. *Ep. XVI* ad questionem: *ubi anima miraculose resuscitatorum durante mortis spatio fuerint?* cum de facto hoc particulari nulla extet revelatio, tutissime responderi ait, *quod nobis non conficit*. Interim Papicolarum, Græcorum, Anabaptistarum, & Socinianorum opinionibus explosis, ex tribus probabilioribus: 1. in celo fuisse, primitiis quasi æternæ gloriæ fruētes, nec bonitati divinæ reductionem earum repugnare, nec unquam majori gaudere gloria animas, quæ ubi gloriæ divinæ miraculo tali manifestandæ inserviant; 2. ad exiguum tempus fuisse in certo dispensationis loco; 3. in corpore fuisse, ita tamen ut huic nec instar informantis, nec assistentis formæ vitam aut motum communicaret: hanc ultimam ob auctoritatem Pauli, *Eutychi* animam in ipso esse dicentis, seu verosimillimam ample-

pag. 64.

68.

- pag. 76. *clendam esse autumat. Dubium, quomodo Apostoli a Patre dati Joh. XVII, 6. a Christo tamen electi dici queant Joh. XV, 19. dituit, & utramque electionem tam ad fidem, quam munus Apostolicum admittens, loca illa ita explicat: erant tui per æternum electionis decrerum; dedisti mihi eos, non solum in discipulos meos & fideles eos destinans, sed etiam executionem decreti mihi committens, & Spiritus gratiaque conversionem ipsorum effecturæ dispensatorem me constituens. Ep. XVII circa materiam de efficacia baptismi in provinciis aliquid turbæ enatum esse dolet Claudius, & triplicis efficaciz Sacramentorum in genere, nempe 1. *immediata*, quatenus Sacramenta sunt, 2. *mediata* per objecta Evangelica, 3. *concomitantia* ex pacto & promissione divina, expositione prævia; in specie, ratione *Pædobaptismi*, ait quinque Infantum genera distinguenda esse.*
78. I. In Infantibus, qui adulti facti nunquam se convertant, quosve Deus in impoenitentia sua mori debere prævideat, baptismum aliam efficaciam actualem, nisi condemnationis, non exerere. Quæ enim de peccati originalis remissione tradantur, absurda esse. II. In Infantibus, qui in adulta ætate serius actualiter se convertant, etiam tum demum, cum convertuntur, baptismi efficaciam se prodere, tempore vero intermedio in fœdere Dei eos non fuisse, nec in baptismo aliquam mensuram Spiritus sanctificationis accepisse; quomodo enim hic per 20, 30, & plures annos sine efficacia latere potuisset? III. Infantes, qui post baptismum, ad mensuram rationis magis magisque exerentis, piæ educationi respondent, a Deo, qui ab una parte nativitatem in confederatione Christiana, ab altera futuram fidem communioni Christi jam quasi incorporatorum aspicit, harum qualitatum intuitu adoptatos gradum Spiritus accipere, qui eos ad recipiendæ objecta Evangelica idoneos reddat; quæ gratia statim ab utero matris collata, ratione tamen declarationis publicæ in ipso etiam baptismo, licet non præcise hujus virtute, concessa dici possit. Et his, non ratione sui ipsorum (quod demum in adultis fiat, quando Deus fidem in ipsis format) sed ratione Dei, & Ecclesiæ, baptismum in signum, pignus, arrham & notam cedere. IV. De infantum ante ætatem cognitionis decedentium salute dubitandum non esse, non fidei future intuitu, sed vel germinis fidei a Spiritu Sancto in ipsis formati, vel si hoc admitti non debeat, fortis nascendi in confederatione
80. *tione*
- 87.
- 90.

tionem Ecclesiæ. V. Infantes ante baptismum morientes itidem intui- pag. 99.
tu fortis nascendi salvos pronunciandos esse. Quoad difficultatem
ratione parentum hypocriticorum opponi solitam, respondetur, non
ad proximos parentes, sed avos, atavos &c. respiciendum esse, divi-
na misericordia usque ad millesimum gradum se diffundente; deinde
& totam ecclesiam matris adoptivæ vices subire, quæ oranes infantes
in sinu suo natos Deo offerat & consecret. *Ep. XIX. prima parte* 123.
methodum studii antiquitatis, & selectum autorum Historiæ Eccle-
siasticæ, inter quos *Centuria Magdeburgenses* extantiorum errorum
insimulantur, Collectaneorum item suorum dispositionem suggerit, 130.
addito de Patribus Græcis & Latinis iudicio, quod inter hos *Augu-
stino*, inter illos *Rasibus* primas deferre videtur; ita tamen, ut de qui-
busdam Augustini operibus, sermonibus puta & enarrationibus in
Psalmos, Johannem & epistolam ad Romanos abjectius sentiat.
Alteram partem justificationis materia XI propositionibus inclusa 134
*ingreditur: 1. Justificatio ab Electione est distinguenda. 2. Electio ir-
revocabilis est, justificatio per se revocabilis. 3. Justificatio ubi est ir-
revocabilis, talis est non ex sua natura, verum ob qualitates justificati con-
ditiones divinitus requisitas implentis. 4. Conditio justificationi appo-
nitur, fidei scilicet, poenitentia & perseverantia. 5. Qualis sanctitas re-
quiratur? 6. In justificatione peccata præterita remittuntur, non futu-
ra. 7. Quomodo conditio sanctitatis temperetur? 8. Vere justificatus
in apostasiam non dilabitur. 9. Quomodo justificati permissione Dei,
in sui humiliationem, etiam in enormia peccata dilabuntur? 10. Fidelis
pendente peccato non est in statu justificationis sed condemnationis,
in quo tamen mori non potest. 11. In hoc eodem statu prima justifi-
cationis non est sublata. *Epist. XX. Carolam, Caroli Ludovici E-* 175.
lectoris Palatini conjugem obtestatur, ne in divortium, quod quidam
suaserant, consentiat. Epist. XXVII. Amicum B. quem a peritia re- 195.
rum Orientalium propria experientia acquisita laudat, rogat, ut apo-
graphum mittat Epistolarum circularium Paisii, Patriarchæ Hiero-
solymitani, hujus & Anglicanæ Ecclesiæ unionem confirmantis,
itemque Confessionum publicarum Græcorum & Paisii Ligariæ,
nec non Commentarii in I. Cor. XI, 26, 27, 28 Germani Rasceffa, ut ha-
beat, quod adversariis, Græcorum in dogmate transubstantiationis
*& adorationis Eucharistiæ consensum confidenter jactantibus, oppo-**

- pag. 198. nere possit. *Epist. XXVIII.* autorem Libri *Jugulum causa* monet, sibi non probari, quod sub prætextu destruendi *Potestatem Papalem*, omnem simul *Potestatem Ecclesiasticam*, intra simplicis persuasionis cancellos eam recludens, subruere conatus fuerit, quæ tamen omnino salva relinqui debeat. *Epistola XXIX.* ænigmatice scripta est ob materiam nimis delicatam, consilium nimirum Protestantium Galliæ in Carolinam regionem Americanam fugam meditantium, ut clavis in Præfatione hujus Tomi innuit. *Epist. XXX.* est responsoria ad Episcopum *Tornacensem*, qua autor Responsionis ad Episcopi Condomensis *Monita salutaria* excusatur, de quo Episcopus ille questus fuerat, quod in *Epistolam* suam *Pastoralem* acerbius invecus esset. Subjunctæ sunt & literæ Episcopi, cum copia literarum Cardinalis *Bone*, circa *Monita* illa, & *Epistolam Pastoralem*, judicium suum ferentis.
207. *Epist. XXXII.* formulis loquendi ex Catechismo alterius sinistre acceptis commoda explicatione succurrit; in Catechismis non adeo rigide verbis Scripturæ inhaerendum, sed sensum potius exprimendum esse, cumq; Autor Sacramenta instrumenta gratiæ vocasset, male se, posuisset, *canales* seu *media*, per quæ Deus gratiam communicet. *Ep. XXXIV.* consolatur foeminam illustrem, cujus maritus Pontificiis accesserat, eique ex displicentia, quam idem testatus erat, ellychnii nondû extincti, & egressus ex palatio Caiphæ cum Petro accelerandi spem facit. Cumque ex eo, quod in *Defensione Reformationis*, ante hanc in communione Romana salutem obtineri potuisse concesserat, hanc consequentiam, *ergo etiam hodie idem ibi fieri posse*, exculpi intellexisset, differentiam temporis reformationem antegressi & subsecuti attendendam esse excipit. Illic multos instar tritici inter *zizania* conservatos, per libertatem conscientiæ relictam, bonum a malo potuisse secernere, nec anathemata Tridentina viguisse, nec abjuratorem exactam fuisse; hodie vero, si quis ad illam regredi velit, aut idololatram, aut hypocritam fore. Illic simplicem corruptionem, hodie cum furore conjunctam esse. Quis enim, inquit, salvari posset in tali communione, quæ per horrendas illas persecutiones apertum Anti-Christianismû proficitur, & conversionem suam terribili principio superstruit, religionē & fidem ab unius hominis arbitrio pendere, & absoluta voluntate Regis, mutationē religionis per milites, carceres, & tiremes imperantis? Hæc & similia seqq. duabus *Epist.* ulterius persequitur

sequitur, dictæque fœminæ conditionem in custodia sua, præ libera-
te eorum, qui fuga sibi consuluerint, extollit. *Epistolis XXXVII*, pag. 253.

& seqq. dissidium Episcopatum & Presbyterianorum in Anglia
argumentum præbuit. Utrunque ait peccari, tam ab iis, qui regimen
Episcopale necessarium, quam qui pro reliquiis Anti-Christianismi
illud venditent. Deo placuisse, ut Anglicanæ Ecclesiæ Episcopi,
Protestantibus Galliæ Presbyteri præessent. Utrumque regimen suis
laborare incommodis, quæ tamen temperare satius sit, quam violenti-
is remediis & separatione vinculum unionis rumpere. Circumferri
querelas, (ita ad ipsum Episcopum Londinensem scribit) de despo-
tica, quam in Ministros Episcopi sibi arrogent, potestate; rigida ce-
rimoniarum observatione; de non admissis ad ministerium, nisi qui
Episcopos de jure divino sub jurisjurandi vinculo agnoscant; de Sa-
cerdotibus Romanis, si qui in Angliam veniant, denuo ordinari
non solitis, veluti in Ministris ultramarinis, si qui accedant, id obti-
neant. Hæc, si vera sint, tolli suadet, & prærogativam quæri potius per
charitatem quam per dignitatem. *Epist. XL*. cum §. seqq. ad Fili-
um Latino idiomate scripta, sed & ut desiderio nonnullorum satisfacere,

270.

Gallice reddita, de controversiis inter Protestantes & Pontifi-
cios agitata agit. Distinguit eas in *primarias*, quæ justam statim Reforma-
toribus contendendi causam præbuerunt; v. g. de *justificatione*,
transubstantiatione, *purgatorio*, *invocatione sanctorum* &c. & *secun-
darias*, quæ ex primariis propter vitiligationem Adversariorum na-
tæ, circa principia fidei versantur. Missis prioris generis quæstio-
nibus, de controversiis secundi generis prolixius acturus, memorat,
quomodo Adversarii, cum probe scirent, tam crassos errores ex Scri-
ptura defendi non posse, auctoritatem hujus declinare ausi, tandem
non solam neque perfectam regulam esse tradiderint. Hinc I. de
norma fidei disputari cœptum, & Adversariis ad Verbum Dei non
scriptum, quod in Traditionibus & Definitionibus Ecclesiæ consistat
confugientibus, inde 8. quæstiones enatas fuisse: 1. an Scriptura sit
norma, ad quam omnia exigenda sint, quæ ad Religionem Christianam
pertinent? 2. an Scriptura quam habemus, sit perfecta perfectione
suarum partium, h. e. in se? 3. an Scriptura sola sit norma seu norma per-
fecta? 4. an Scriptura habeat per se auctoritatem quoad nos, an ve-
ro per Ecclesiam, sive unde nobis innotescat, Scripturam esse divinam?

Ccc 3

5. an

5. an Traditiones possint esse norma? 6. an Ecclesia sit infallibilis? 7. an Pontifex Romanus sit infallibilis? 8. an Concilia sint infallibilia? II. Adversariis dicentibus, non tam de Scripturæ autoritate, quam legitimo ejus sensu querendo agi, & ad Ecclesiam solam, non vero ad privatas personas pertinere, de vero Scripturæ sensu definire, 4. quæstiones enatas esse. 1. an Scriptura sit perspicua aut obscura? 2. an unicuique fidelium liceat legere Scripturam? 3. an unusquisque fidelis jus habeat interpretandi Scripturam, ejusque verum & genuinum sensum inquirendi? 4. an interpretationibus Ecclesiæ simpliciter acquiescendum? III. De Judice controversiarum disputatum esse, 4. quæstionibus inde emergentibus. 1. an Pontifex Romanus solus jus habeat definiendi controversias? 2. an Concilium sine Pontifice possit controversias definire? 3. an judex controversiarum teneatur judicare ex Scriptura? 4. an acquiescendum simpliciter & sine ulla disquisitione sententiæ judicis? IV. disceptatum esse de partibus integrantibus Scripturæ, h. e. de numero librorum divinarum, atque hinc duas ortas quæstiones: 1. an ex sola Ecclesiæ autoritate pendeat, quod liber alicuius habeatur pro Canonico vel Apocrypho? 2. an Libri, qui a nobis habentur apocryphi, revera sint apocryphi? V. disputatum esse de Bibliorum editionibus Hebræis Veteris Testamenti, & Græcis Novi Testamenti, nec non de Versionibus; & hinc quæsitum fuisse, 1. an fontibus Hebræis & Græcis acquiescendum tanquam authenticis? 2. an Editio LXX sit authentica, & per illam Hebræa corrigenda? 3. an Vulgata sit authentica? 4. an Scriptura vertenda sit in linguam vernaculam? Has XXII. quæstiones omnes momentosas & vindice dignas accurate tractandas Autor sibi proposuerat. Sed cum non nisi priores quinque nervose Epistolis 41, 42, 43, 44. discussæ compareant, ex egregio hoc solidi judicii specimine, utilissimi operis telam non ad finem perxtam esse, non immerito dolemus.

LUDOV. CAPPELLI COMMENTARI ET
Note Critica in V. T. Accessere Jac. Cappelli Obser-
vationes in eosdem libros, item Lud. Cappelli Arcanum
Punctuationis ejusque Vindicta.

Amstelodami, apud Wolfgang, Janſonio-Waesbergios, Boom,
 Someren & Goethals, 1689, in fol.

Constat plagulis 253.

Clariss.

Clarissimum non minus in Gallia, quam universo orbe literario, Cuno alteroque abhunc seculo fuit CAPPELLORUM nomen. Hoc ut tanto magis pateat, utque facilius sit Lectori *Cappellor* *ouavvūas*, a se invicem distinguere, non abs re erit, præstantiores a Ludovico Cappello nostro in commentario de Cappellorum Gente volumini huic præmissio laudatos, compendiose ac in schematismo exhibere:

Dionysius Cappellus. † VII. Id. Sept. 1482.

Gervasius Cappellus.

Jacobus Cappellus, Francisci I. R. Gallia Consiliarius & Orator Regius in supremo Senatu Parisiensi. Pro Rege suo causam egit fo-lennissime xviij. Kal. Febr. 1534 contra Carolum V. Austriacum, ut demonstraret, hunc, utpote infidelem clientem, a Francisco I. exuendum esse possessione Comitatum Flandriae, Artesiae & Carolefii. Edidit quoque *libellum* pro eodem Rege & ecclesiae Gallicanae immunitatibus, vulgatum inter alios id genus a *Puceani* fratribus, volum. I, p. 27. — 58. editionis 1651. † xxi. Kal. Aug. 1541.

<i>Jacobus Cappellus</i> , natus IV. No- vas Oct. 1529. Senator in su- prema curia Pa- risiensi; sed ob religionem Re- formatā a. 1570. officio remotus, obiit XI I. Kal. Jun. 1586. Octo ejus ad Jacobū Fil. <i>epistola</i> vo- lumini huic præmittuntur.	<i>Guillelmus Cap- pellus</i> , <i>Pregna- ei Dominus</i> , re- ligioni Pontifi- ciae addictus, Curio Planæi juxta Valdæum; natus 5. Idus Jan. 1530. Vide <i>Crucium Ceno- manum</i> in Bi- blioth. Franci- ca.	<i>Ludovicus Cap- pellus</i> de Moni- ambert, Relig. Ref. Ecclesiastes & Professor Se- dani & alibi; n. 18. Kal. Jan. 1534. † postridie No- vas Januarii 1586. Pluribus de eo agit <i>Meursius</i> in A- thenis Batavis.	<i>Angelus Cap- pellus</i> , Luati Dominus, Gallia regi ab Epistolis fuit librosq; aliquot edi- dit; natus 12. Kal. Nov. 1537. Relig. Pontif. † 1623 Confer de eo <i>Crucium Cenomanum</i> l.c.
-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--------------------------------------------------------------------------------------------------------------------------------------------------------------------------------------------------------------------------------------------------------	---------------------------------------------------------------------------------------------------------------------------------------------------------------------------------------------------------------------------------------------------------------	---------------------------------------------------------------------------------------------------------------------------------------------------------------------------------------------------------------------------------------------

JACO-

JACOBUS CAPPELLUS, natus m. Mart. 1570. Minister ecclesiæ Sedanensis, ibidemque tum L. Ebr. tum Theol. Professor. † 7. Id. Sept. 1624. Hujus *Observationes in V. T.* nunc eduntur.

LUDOVICUS CAPPELLUS natus Idib. Oct. 1585. V. D. M. S. Theol. & Ebr. Linguz Prof. in Acad. Salmuriensi. † 14. Kal. Jul. 1658. Hujus *opera* maximam voluminis recensendi partem constituunt.

Jacobus Cappellus, patris adhuc vivi in Lingua Ebræa Salmuri publice docenda successor; natus postrid. Id. Aug. 1639, nunc ob religionem exul. Huic *editionem* hanc *operum posthumorum Cappellianorum* philologiæ sanctioris cultores debent.

Inter hæc *posthuma* primus locus datus est *Ludovici Cappelli* annotatis in *Esaia* caput *LIII*, & finem capitis *precedentis*. Heic, quæ de servi Dei statu duplici, tenui altero, altero glorioso, vaticinatur *Esaia*s, de Cyro quidem succincte, mox tamen prolixè ac solide (utinam unice!) de Christo Cyri antitypo explicantur. Neque enim insolens Nostro est, diversissimas authorum de vocis alicujus sententias conjungere & utriusque simul veritatem assertum ire; quemadmodum v. 8. vocem *דור* *generationem*, qua interpretum alii *longævitatē*, alii *sobolem* notari ajunt, utrumque h. l. significare, unicaque adeo heic voce innui statuit, quod duplici v. 10. h. m. offeratur; *Videbit semen, prolongabit dies*.

- Sequuntur ejusdem in *Abdiam*, *Micbeam*, *Nabum*, *Habacuc*, *Sophoniam*, *Aggeum*, *Zachariam* & *Malachiam* annotata, porro tractatus de ecclesia Christiana supra Judaicam prerogativa. Huic subnectitur dissertatio accurato theologorum examine oppido digna, de statu animarum post mortem ante resurrectionem corporis, a statu tum vitæ præsentis, tum vitæ post judicium extremum futuræ, maximopere diverso. Hinc commentarius comparet in octo capita *Genesis* a II ad IX, in quo prolixa de *Sabbato* disputatio omnium maxime legi meretur. Huic adjecti sunt tum *Zobari* Cabbalistica expositio initii cap. II. *Genesis*, tum *Abrahamus*, *Isaacus*, *Jacob*, *Esaia* *דמיון* *דמיון*, quibus ob argumenti similitudinem separatim addi par fuisse, Josuam & Samsonem *דמיון* *דמיון*, quin & Samsonem.

mo-
bo-

μυθολογούμενον-five cum Hercule collatum, qui *Notis criticis* in 426.
 Veteris Testamenti libros plerosque proximum a supra memoratis lo- 396.
 cum occupantibus inseruntur. Has excipiunt *nota Critica* in 560.
 plerosque libros apocryphos. Atque hi universi foetus posthu-
 mi unum parentem *Ludovicum Cappellum* agnoscunt, atque mole
 sua dimidiam voluminis partem excedunt. Quæ reliquam partem
 constituunt, titulo tenus jamjam in relationis hujus inscriptione in-
 dicata satis, alio tempore ad Acta referemus.

Præter ea vero, quæ post alios monuit Clarissimus Philologus,
 multa passim habet, quæ novam eamque præclaram lucem literis
 sacris fœnerari videntur. Ea aut versionem illam antiquissimam
 LXXviralem, aut textum Hebræum concernunt. Et illam quidem,
 ubi ab hoc dissentire creditur, sæpenumero tum integritati suæ inge-
 niosa conjectura restituit, tum Ebræo satis bene cum eadem conveni-
 re demonstrat. Sic *Habakuk II, 5.* pro κατοσόμενοι legi jubet κατοι-
 νόμενοι; *Malach, II, 16.* ἐνδύματα pro ἐνδυμήματα; *Ecclef. II, 3.* εἰς
 οἶνον pro ὡς οἶνον; *1. Sam. IX, 24.* pro ἤψησεν, ἤψωσεν; *Psal. II, 12.*
 δρᾶξάδε παιδὶς pro δρᾶξάδε παιδίως; *Jerem. V, 31.* ἐπεκράτη-
 σαν pro ἐπικράτησαν; *Jos. XVII, 16.* pro ἐκ ἀρέσκαι, non placet, ἐκ
 ἀρεκίσει non sufficit; *נִצְחָה נָל*; quo pacto optime respon-
 dent Hebraicæ veritati universa illa τῶν ὁ interpretamenta.

Nec infelicioribus conjecturis assequitur Criticus noster, qua
 ratione LXX. in suo Codice Hebræo proculdubio non punctato, nec;
 ut videtur, ullis spatiis distincto, aliquid legerint, aut legere se puta-
 rint, cui consonum quid in Exemplaribus Masoreticis frustra quæsi-
 veris. Ita namque *Ezai IX, 6.* pro מְלִיכָא דְּבִרְשִׁית *pater* 500.
aternitatis, princeps pacis, legerunt מְלִיכָא דְּבִרְשִׁית
ἄξω τὴν εἰρήνην ἐπὶ τὰς ἀρχοντας. *Jerem. VI, 6.* dicitur: *Lupus* 521.
solitudinum vastavit eos; At apud LXX: λύκα ὥς τῶν
οἰκειῶν ὠλοθρευσεν αὐτούς. Nimirum legerunt לֹבֶלֶת עַד
ad do- 430.
num meum. *1. Sam. II, 1.* pro עָלַי *Exultat cor meum,* legerunt οἱ ὁ
ἔτερεώθη ἡ καρδία μου; nam עָלַי significationem habet forti-
 tudinis, undè aliquoties redditur a LXX. per ἰσχύειν & ἀνδρεῖν. *Caput*
XI. 1. Samuelis LXX. ita ordiuntur: καὶ ἐγενήθη ὡς μετὰ μῆνα καὶ ἀνέ-
 βη Νόα; Priores nempe voces quinque ex capitis præcedentis sine de-

ferunt, ubi nostri codices habent: ויהי כמחרש *Et fuit quasi furds.* Ast LXX. legerunt: נחש ויהי כמחרש ויערל נחש.

Quandoque notat Cappellus, aliter lectum a LXX, sed quomodo, non indicat. v. g. *Isai. XVI, 1.* pro שְׁלַח בְּרִמְסֵי אֲרָץ (*mittite agnum dominatoris terra*.) LXX. hæc habent: ἀποστέλλω ὡς ἐρπετὰ ἐπὶ τὴν γῆν. Nobis hic extra dubium videtur esse positum, illos, qui in codice suo nulla puncta, nullaque spatia distinctiva habebant, legisse: אֲשֶׁלְּחַר כְּרִמְסֵי לְאֲרָץ *mittam sicut reptilia super terram.*

Complura quoque glossemata, quæ in textum septuaginta viralem irrepsert, accurate a genuino textu distinguit, illorumque origines investigat ac detegit. Sic illud εἰς ἄδρα *Jerem. XXXIV, 5.* esse statuit ipsamet Hebræa הִי אֲרֹן (*Ve Domine*), quæ Septuaginta senes jam αἰ καὶ κς reddiderant, a quodam vero margini codicis sui Græcis literis allita ac dein, imperitia librariorum, ipsi textui illata fuerint. *Jes. XXXIII, 18.* memoratur סוֹפֵר חַבְנֵרִים *scriba (seu numerator) turrium*, qui Cappello vernacule dici videtur *le Sergent major de la ville.* Longe aliter ei ὁ. Legerunt quippe, pro מְנַרְלִי *turrium* מְנַרְלִי *educatorum.* Hinc verterunt: ὁ ἀρχιμαὶών συντροφομέας. Et Hieronymus, illorum vestigia premens: *ubi doctor parvulorum?* Quæ autem apud LXX. sequuntur, μέγαν καὶ μικρὸν λαόν, glossema esse autumat Cappellus. Adscripsisse nempe aliquem margini μέγαν λαόν, eo quod respiceret ad significationem vocis מְנַרְלִי *magnus*, unde illud מְנַרְלִי videbatur derivandum. Alium adscripsisse μικρὸν, quia מְנַרְלִי sunt *parvuli.* Vertente dein tempore utrumque glossema textui irrepsisse.

Hujus generis innumera excerpere possemus; quæ omnino observatu digna sunt, iis cumprimis, qui antiquissimam illam Bibliorum versionem a mendis repurgatam edere volunt, id quod ut a Clarissimo Paulo Colomesio propediem fiat, isque tandem fidem suam literato orbi datam liberet, vehementer desideramus. *Confer sis Acta Erud. 1687. p. 223. lin. antepen.*

Sed hæc de Cappelli in versionem Græcam meritis speciminis loco sufficiant. Circa Textum Hebraum modo rigidi censoris, modo inter-

precio

pretii partes in se suscipit. Et illius quidem personam sustinet c. c. *Thren. IV, 2.* ubi vulgo legitur: *Filii Sion pretiosi* **הַמְסִרִיִּים בָּפֶז** *estimati auro;* cum enim radix **כָּלָה** nec in Bibliis Ebraeis, nec vicinis Ebrae linguis occurrat, Cappellus texum in mendo cubare, adeoque legendum suspicatur: **הַמְסִרִּים לָאֵזֶז בָּפֶז** *auro vineti*, enchassez en or. Hac significatione **מֵרָא** in Piel & Pual haberi *Exod. XXV, III, 17.* & *Cant. V, 15.* Quin & forte **בְּנֵי** (filii) heic positum esse pro **אֲבָנֵי** (lapides,) aut saltem eo alluisse & respexisse prophetam. Sicque oppositionem redditum iri elegantissimam, si filii Sion, qui instar lapidum pretiosorum auro vinetorum in annulo sint, reputati dicantur instar vasorum testaceorum. Nec minus confidenter praefert lectionem **לֹא אֶעְבֹּר** *ἐγὼ οὐκ ἐλεύσω* 520. Judaeorum lectioni **לֹא אֶעְבֹּר** non transibo. *Josue I, 10.* pro **בָּעִיר** 417. voce composita legi jubet simplicem **בָּעִיר**, quam post notare, atque hac ratione magnum **ἐν ἀνέμοις** sublatum iri opinatur.

Interpretationum autem insolitarum exempla haec sunt: *Prov. XV II, 1.* extat paroemia: *Melior est* **פֶּת הָרֶבֶךָ** *buccella secca domo plena vitellinis jurgii.* Sic interpretes ad unum omnes praeter **שֶׁסָּו**, qui **רֶבֶךָ** **פֶּת** **שֶׁסָּו**, *desolatum reddidere.* Sed cum **פֶּת** *buccellam panis* passim notet, *secci* epitheton superfluum videtur Cappello; Ex harmonia igitur linguarum Chaldaicae & Arabicae probat, **פֶּת הָרֶבֶךָ** *siliquas*, & **פֶּת הָרֶבֶךָ** *buccellam panis ex siliquis confecti vel edulium aliquod ex siliquis confectum*, significare, huncque adeo locum alii c. *XV. v. 17.* parallelum esse. *Prov. XXI, 8.* **הַפֶּכֶךְ הָרֶךְ אִישׁ** *vertit: Perversus via (est) vir delicti* (sive homo peccati) *at qui purus est, rectum est opus ejus;* adeoque nova voce **רֶךְ** Ebraeam linguam auctiorem reddidit, quam interpretes universi haftenus ex **וָא** copulativo & **אֲ** alienus compositam crederant. Vexatissimam vocem **אֲחֻשְׁתָּרִים** *equos celeres* interpretatur & ex Graeca **ὄζυπτοι** corruptam censet. *Jobi VI, 6.* (quod vitellum vulgo vertunt,) aequae ac Arabicum **הָלֶמָּה** *extremities mamilla* significare sensumque loci hunc esse adserit: *Num sapor est in eo, quod instar salivae ultero de extremitate mamilla defluit?* Hoc sane est res non insipida modo, sed & gustui ingrata. *Locus Esai. XXXVII, 30, 31.* ex mente Cappelli ita exponendus est: *Hoc autem erit tibi signum (i. e. simile,) quod hoc anno (Sabbathico)* 515.

comedetis sponte — natum. (רפס), anno vero sequente (שדס) sponte — renatum, anno autem tertio serite, metite, plantate vineas & comedite fructus illarum. Nam quemadmodum experientia didicistis, anno sabbathico demessas segetes, absque hominis ope, sequenti anno in pauperum usum protrudere novam messem, unde anno subsequente novæ spicæ renascuntur: ita & exigua vestra reliquia, quæ campo demesso similes sunt, radices agent deorsum & fructus ferent fursum, &c.

524.

Ad Jerem. XI, 18. Ego autem fui, sicut agnus aut bos, qui ducitur ad mactationem, neque novi, quod cogitarent in me hanc cogitationem: נשחתה עץ בלחמו (perdamus arborem vel lignum cum fructu suo, h. e. extirpemus hominem funditus) Cappellus annotat, verba de Christo magis, quam de Jeremia esse dicta, crucisque Christi supplicium innui, ac נשחתה עץ בלחמו, manifesta hypallage, dici pro נשחתה בעץ לחמו h. e. Perdamus ligno carnem ejus. לחם enim carnem notare Soph. I, 17. & apud Arabes passim.

432.

I. Sam. II, 35. mutatis punctis pro לפני משיח coram Christo meo legi vult לפני משיח coram me Christus meus. Totumque vaticinium verba esse dicit Dei patris non de Zadoco, sed filio suo, loquentis: Coram me ambulabis omnibus diebus Christus (unctus) meus.

Plura id genus afferre liceret. Sed ne nimis diu aversæque patientia abutamur, verbo tantum monemus, fol. 405. seq. de annis 430. peregrinationis Israeliticæ ab ipso egressu Abrahami ex Ur Chaldæorum ordiendis, ad Exod. XII, 40; f. 422. seqq. de voto Jephthæ, inter anathemata, (de quibus legem tulit Deus Lev. XXVII, 29,) referendo, ad Judic. XI, 41; alibique talia legi, quæ cum superius excerptis juncta, non poterunt non, nisi fallimur, horum studiorum cultori salivam movere, ac ut integro volumini pellegendo tempus suum impendat, facili negotio ei persuadere. Nec minoris momenti sunt, quæ proximo mense de reliqua voluminis parte referre, apud animum nostrum constituimus.

LA POLITIQUE DE LA MAISON D'AUTRICHE, par Mr. Varillas. t. c.

Anto-

Antonii Varillasii Tractatus de Politicis Domus Austriacæ Artibus.

Hagæ Comitum, apud Abrah. de Hondt & Jacob. van Ellinghusen, 1689, in 12.

Constat plagulis 10.

ETI *Augustæ Domus Austriacæ* ea, quæ esse debet, mentibus nostris infixæ sit veneratio, nec nisi cum dolore percipiamus quæ verbis aut factis illius Majestati adversantur, maluimus tamen libellum hunc Gallici scriptoris, jam satis noti, in Actis nostris producere, quam dissimulare, ut ingenium & Autoris & gentis appareret, & quia æquis lectoribus Gallica hæc meletemata considerantibus, refutationis argumenta ex ipsa lectione offerentur. Belli tempore scriptum esse satis apertum est, sed non hujus, cujus impetum superiorum autumno erumpere vidimus, sed quod pace Pyrenæa finitum esse credebatur, certe debebat. Ingens apparatus operi præmittitur, in quo non solum politicarum argutiarum copiosa notitia ex veteribus recentibusque libris scholisque hausta, sed & magnum veritatis & modestiæ studium ab Autore ostentatur. Scopus ex initio præfaminis elucet. Profitetur Autor, se revelaturum esse interioris senaculi Austriaci, (quod adulescentes ab annis centum & viginti pro æterno venditaverint) arcana; destructurum esse incantationem, qua omnes nationes Europæ, Gallica etiam, fascinatæ fuerint, donec *Ludovici XIII* Galliarum Regis & Cardinalis *Richelii* fortuna & audacia fatali opportunitate fucum, ut ait, sustulerit. Exactam tamen expositionem sibi non arrogat, illamque suas supra vires & cujuscunque esse agnoscit, qui omnibus & secretissimis consultationibus non intervenerit, aut cuncta belli pacisque negotia vel ipse tractaverit, vel a supremis arcanorum in aula Hispanica magistris (quorum aliquos nominat & describit) edoctus fuerit. Fatetur itaque, se in rimandis consiliis profundiori cognitione destitutum, conjecturas sensu communi secutum esse. Explicari in compendio non possunt, quæ de ventilatione consiliorum per gradus & vices in Belgio & Hispania, tum de conformitate Cæsaris & Hispaniarum Regis intentionum, anno demum 1636, ut putat, stabilita commentatur. Reducturum se tamen esse velum Hispanici

p. 38-39.

Ddd 3

Consilii

- Consilii, quod Madriti haberetur, promittit, magno cum Galliz, patriæ suæ, commodo; juramento etiam se obstringit ad sincerum de omnibus, quæ comperta habeat, iudicium, & quod virtuti etiam in hostibus non sit detracturus. Laudat itaque summam aliquam Austruacorum consilia & gesta, & fidem mereri se confidit, si in censuram vocet, quæ ambitiose aut inique acta esse putavit. Exaggerat inter alia periculum religioni Catholicæ ab Hispanis structum, cum Lusitanos (post motum Braganatinum) ab omni commercio cum sede Romana per multos annos arcuerunt. Scripsit hæc vero, antequam paria exempla in Gallia ederentur. Notabilis est, sed quæ limam poscit, Consilii Viennensis & Hispanici comparatio. Longus inde est in suæ industriæ & fidei commendatione, creditque se prætextus & simulationes sufficienter deprehendisse; eandem tamen fiduciam in censuris & ratiocinationibus suis non habet, errorisque periculum maluisse se subire dicit, quam simplici relatione defungi, aut agytas imitari, qui curiositatem excitant, non solvunt. Libertatem in iudicando & arguendo (quam multi pro licentia habebunt) non dissimulat, majorem in verbis & sermonibus efformandis fatetur, eo tamen moderamine (ut ait) usus, ut ingenio quidem & gloriæ indulgeret, conscientiam vero non læderet. Inter eos, ex quorum informatione profecerit, duos tantum jam defunctos nominat; vivorum modestiæ, ut scribit, parcens. Transitionum artificia, ut coherere videantur, quæ re aut tempore disjuncta sint, & usum digressionum; tum Philosophorum, Aristotelis maxime, allegationes, regulas denique, quas statuit & sequitur, pluribus exponit & defendit. Multa tamen præterita a se esse dicit indecora & odiosa, aut moderate proposita, ne scriptoribus maledicis, & in narratione rerum pessimarum gloriam aut delectamentum quærentibus, similis fieret; solenne etiam sibi esse scepticorum disciplinam sequi, quando res non satis cognitæ & certæ appareant. In stylo singularitatem agnoscit, quæ censuram vix sit evitatura, nisi novitatis gratia sublevertur: submittit se tamen, quoad sententias & conjecturas suas iudicio eorum, qui ingenio valent, & usu rerum in magnorum Principum negotiis exercitati sunt, maxime Italorum, & quoad stylum Academicæ Gallicæ, vel exactissimis, qui hodie florent, scriptoribus gentis. Ceterum duas operis partes designat. In una de rebus Hispanicis a tempore

pore Philippi I. ad IV; in altera de Austriacis in Germania acturus: de illis tamen prolixius, ita ut singulis Hispanorum regibus volumen integrum destinaverit, Germanica vero uno volumine in decem libros sive capita diviso comprehensurus sit. Ab his ob Imperii Romani axioma initium facit, & nunc quidem librum primum solummodo de Caroli V. gestis exhibet.

In hujus principio duo præsupponit, & explicat. Primo agit de vera forma regiminis Imperii Romano-Germanici, & innovationibus, quas ut ait, Domus Austriaca adversus eam molita fuerit. *Secundo* in quo consistat imperialis dignitatis character, quibusque artibus hunc sibi contra leges, ut putat, Austriaci asseruerint, exponit. Quoad primum mirari non debemus, quod Autor suæ nationis principia teneat, formamque Imperii cum in modum mixtam statuatur, ut Imperator non tam caput ejus, quam pars præcipua sit; cui consequens est, ut Principes absolutam superioritatem habeant, & obligationum erga Imperatorem vinculis non nisi nexus quidam inter Cæsarem & Principes conservetur. His cætera innituntur, quæ de administratione Imperii philosophatur. Altero capite Austriacis infractionem legum exprobrare non dubitat, in libera electione impedienda, & dignitate in sua familia retinenda. Probari hoc posse existimat, si acta eorum examinentur in fœderibus vel ineundis vel dissolvendis; in perpetua exercitus prætextu belli Turcici collectione; in habendis aut impediendis conciliis Ecclesiæ; in sequestratione regionum & locorum, de quibus lis est; denique in feudorum Imperialium confiscatione. His utcumque præstructis (quam vere & firmiter, jam non disquirimus, & erunt qui perperam dicta arguent) Caroli V. historiam, quatenus ad suum scopum pertinet, percurrit, iterum tamen protestatus, se. jam nunc revocata & non dicta haberi velle, quæ in calore dissertationis minus verecunda adversus Dñm Austriacam sibi exciderint. Ante omnia Carolo confidenter tribuit propositum, *de acquirenda Monarchia universalì*, coque plurima ejus acta refert & applicat; præsertim adversus *Franciscum I.* Galliar Regem, & Pontifices. Eodem trahit bella contra Turcos, & nescio quam jurisdictionem in Imperio & abusum fœderis Suevici, cujus dissoluti laudem Gallicis consiliis & Langæ industriæ tribuit. Excusat tamen Carolum aut excusantis specie insinuat, quod Lutheri hære-

pag. 94.

97.

99.

107.

108. no.

- hæresin, quam vocat, sciens lubensque ferre & promovere, quam extinguere maluerit. Ista, & quæ de bello Smalkaldico operose subiungit, vix sustinebunt censuram, si cum historicis fide dignis conferantur. Nos id non agimus; exempla tamen neglectæ vel veritatis, vel studii, ex notissima nobis nostrarum rerum historia annotabimus, quæ vel ipsum Autorem, si patiatur, admoneant, vel lectores ab errore præmunire possint. Non sufficit Autori Caroli Imperatoris solertiam retulisse, quæ *Johanni Friderico Saxonia Electori* agnatos *Mauritium* & *Augustum* opposuit, sed analogum aliquid non invenit sed finxit, cum scribit: *Philippo Landgravio Hassiæ fratrem fuisse, qui Zuingliani schismatis autor fuerit, aliudque in familia sua molitus sit, pactus ab Imperatore, ut divisa cum fratre regione partem sub titulo Landgraviatus Darmstadtini obtineret. Nemo tamen nescit, Philippo fratrem non fuisse, & Darmstadtinam separationem in filiis demum ejus secutam esse. Turbat paulo post temporis ordinem, & condemnationem Electoris in castris ad Wittenbergam factam, post captivitatem Philippi collocat, alioque non magis concinno loco summam Principis illius laudem, indigna annotatiuncula ad marginem corrumpit, nescio quid *Damoniacum* illi impingens. At religiosissimam *Johannis Friderici* mentem etiam hostes & æmuli admirati sunt, ut infani hominis sit, diabolici raptus infamiam illi aspergere. Quæ de civitatibus Imperii, cum Carolo in comitiis A. 1548. de calliditate politica veluti certantibus, commentatur, suo quidem loco relinquimus, sed imperitiam rerum Germanicarum ostendit, quod Legatos civitatum inducit, apud Cæsarem excusantes, quod *Principum suorum decreta corrigere sibi non liceat*, quasi scilicet liberæ illæ Imperii civitates Principes pro Dominis agnoscant, & ab eorum placitis, quandocunque id e re sua esse putant, non discedant. Impertinenter etiam edictum Imperatoris, quod *Interimisticum* vocatur, favorabile Protestantibus fuisse dicit, cum vix unum eorum vel modice sapientem lateret, id in perniciem suæ religionis conditum esse, idcoque a nemine nisi invito acceptum, ab aliquibus manifeste rejectum fuerit. Persequi non possumus, quæ de gloriosissimæ memoriæ Principe *Mauricio* Electore contumeliosa aut falsa afferuntur, adeo varia illa & multa sunt, & quæ ad famam pertinent majori studio tractari merentur. Ex historia obiter pauca monebimus. *Lazarum*
*Suendum**

Suendum Consiliarium & Legatum Cæsaris, nescio quem familiarem Mauritiæ facit, qui ab exilio revocatus & Lipsiæ præfectus fuerit. Pro arce Ehrenbergenfi, quæ ob angustiam faucium in montibus, claustrum (die Clause) vocatur, oppidum facit inter optima Germaniæ referendum. *Jobanni Friderico* e captivitate sua dimisso contraria plane tribuit, quam ille publicis scriptis professus est. Totam enim ille liberationis suæ gratiam non agnato & sociis, ut *Vasilasius* tradit, sed Imperatori acceptam ferre voluit. Conjecturæ itaq; locus hic non erat, cum res ex actis narrari deberet. Sed ista eo quò diximus sine, & speciminis loco adducta sunt. pag. 197. 200.

ANALECTA EX DISCURSIBUS ACADEMICIS Christophori Lynckeri ad D. Gabrielis Suederi Introductionem in Jus Publicum Imp. Rom. Germ. novissimum.

Jenæ, apud Joh. Bielcke, 1689, in 4.

Constat plagulis 11.

ANnus jam nonus agitur, ex quo *Introductionem in Jus Publicum Imperii Romano-Germanici novissimum*, Vir Consultissimus *Gabriel Suederus*, Consiliarius Wurtembergicus & Placitorum Feudaliū in Academia Tubingenfi Professor, publici juris fecit, non sine multorum applausu exceptam, & nobis etiam in *Actis A. 1681, pag. 255* laudatam. Quod vero aliis, qui idem argumentum pertractandum magno quidem numero ante Suederum susceperunt, contigit, ut in tanta de Imperii Romano-Germanici rebus liberrime, & prout quisque vel partium studiis ducitur, vel præjudiciis occupatus est, diversimode sentientium multitudine, aliorum experti censuras & animadversiones fuerint: idem & Auctori huic usu venit, in eo tamen præ aliis felici, quod in Censore incidere & dignitate amplitudineque muneris, & doctrinæ fama illustrem, quemque adeo a se subinde dissentientem æquo passurus videatur animo. Nimirum cum *Nicolaus Christophorus Lynckerus*, Consiliarius Saxo-Vinariensis intimus, ac primarius in Academia Jenensi Juris Professor cognovisset, Suederianam illam *Introductionem* studiosæ harum litte-

E e e

rarum

rarum Juventutis manibus assidue versari, in hujus inprimis gratiam sub accuratius eam examen vocare, suamque de ea sententiam cum pluribus communicare constituit. Ex quo factum, ut Academicis Discursibus & quædam obscurius ab Auctore dicta dilucidarit, & suppleverit quæ prætermissa ab eo fuerant, & quæ sibi minus probarentur, adjecta animadversione emendaverit, dissensum candide ubique sed sine opprobrio professus. Neque male de re litteraria censeri debet meritis, qui ex Discursibus illis Analecta, quæ nunc exhibemus, publicæ lucæ exposuit, Auctore, ut arbitramur, non invito. Nam & addisci ex illis multa poterunt, quæ frustra alibi, & in magnis etiam Juris Publici voluminibus quæsieris, & jucundum est, in nobilissimo hoc doctrinæ genere doctissimorum virorum diversa sensa prospicere, eorumque momenta, cui id integrum est, expendere. Nam id quidem persuasum habemus, eandem in se libertatem relicturum Lynckerum aliis, qua in Suederum usus ipse est, neque nobis succedere

pag. 114. posse, si quod in Suedero ipse reprehendit (Imperium nempe hodiernum Romano-Germanicum a veteri Romano solite distinctum)

In Actis

A. 1681.

P. 255.

idem viderit præcipuum quondam fuisse, quod in Suederi Instituto laudandum nos quidem existimavimus. Cæterum uti ex *Analectis* Analecta dare incongruum, quodque liber ipse brevi tempore perstrari a quovis possit, supervacaneum ducimus: ita quantum circa capitalem in hac doctrina quæstionem, a Suedero non solum, sed plerisque scriptoribus aliis Lynckerus dissentiat, operæ pretium fuerit obiter indicasse. Subscripserat nempe Suederus, cum de forma Reipublicæ dicendum esset, sententiæ in scholis magno consensu receptæ, neque vel Cæsareæ hæcenus Aulæ, vel Imperii Principibus Statibusque, quod constet, improbatæ: *divisam in Imperio maiestatem sit esse, ut quædam ejus jura soli Cæsari, alia Cæsari & Electoribus aliisque Principibus Statibusque conjunctim vindicentur, mixtæque adeo esse regimini ex monarchia & aristocratiâ formam.* Contra Lynckerus, resuscitata Reinkingii opinione, quam & ab Henrico Henniges non ita pridem justo propugnatam opere meminimus, *statum Imperii Romano-Germanici monarchicum esse censet, ita ut plenam maiestatem ejusque exercitium sit penes Cæsarem, Ordines autem Imperii, in jurebus certis exercendu, non tanquam concausa vel causa sociæ, sed solum tanquam conditio sine qua non concurrant.* Atque huic hypothese, velut

pag. 18.

funda

fundamentali passum eum inservire videas. Hinc enim majestatem integram Cæsari per electionem conferri, neque per capitulationem imminui contendit, quippe qua officium tantum Imperatoris describatur, modusque exercendæ potestatis determinetur: quod ita tamen accipi cupit, ut: etiam contra Capitulationem susceptum nullum fateatur, non quidem quod a principio impotenti procedat, sed quod moraliter agens, vi antecedentæ voluntatis, actui a se processuro nullitatem inducere possit. Negat, Cæsarem recte dici *in consortium majestatis Status Imperii recepisse*: consortium enim hoc esse tantum quoad modum exercendi, ne quidem quoad exercitium ipsum. Rejicit *Lampadii* aliorumque sententiam, soli quidem Cæsari partem majestatis quæ *in jure reddendo* versatur, non soli vero eam quæ *in jure constituendo* consistit, tribuentium: legislatariam enim potestatem Cæsaris esse statuit, ita ut comitialium etiam decretorum causam efficientem solus Cæsar constituat, Statibus locum *conditionis sine qua non* habentibus: & comitalem quidem inter Cæsarem & Status conventionem, materiam legislationi præbere eamque antecedere non diffitetur, ipsam vero legislationem, quoad formam suam, totam & solius esse Cæsaris contendit. In *Instrumento* etiam *Pacis Osnabrugensis Artic. 8.* potestatem legislatariam Statibus nequaquam tribui docet, sed iis tantum de requirendo eorum consilio & consensu prospici. Denique quando Status fidem suam *Cæsari & S. Imperio* obstringunt, negat *Imperii* nomine Ordines accipiendos esse, sed *integritatem & salutem universi* intelligendam ait, cui fidem vasallus debeat. Sed hæc speciminis loco suffecerint.

pag. 9.

10.

9.

11.

57.

42.

33.

DECAS PROPOSITIONUM DE MOMENTIS

Gravium, ad Illustriss. & Reverendiss. D. Joann.

*Ciampinum, autore Joanne Francisco Vannio
& Societate Jesu.*

Romæ, typis Joann. Jac. Komarck, 1688, in 8.

Constat plagula unica.

QUæ circa propositionem staticam de momentis gravium, aliquot annos abhinc inter viros doctos vigerit controversia, plerisque

Ecc 2

que

que contra *Joannem Franciscum Vannium* receptam doctrinam asserentibus, ex non uno Actorum ab anno 1684 publicatorum loco apparet. His vero objectionibus effectum non est, ut doctissimus Pater victas dederit manus, sed potius ut (falsius se perlegentem, quæ subinde Romæ, Lipsiæ, Neapoli & Florentiæ a celeberrimis Mathematicis impressa fuerunt, observasse tum aliena impugnari, tum sua stabiliri posse rationibus magis propriis & immediatis) novam instruxerit aciem hac propositionum decade, a celeberrimo *Magliabechio* nobis communicata. Qua quidem magis laborare videtur, ut sententiæ communiter receptæ probationem confutet, quam ut placita, quæ propria ipsi sunt, confirmet. Quoniam enim D. Alexander Marchetti (& ante ipsum M. Marci) *schol. propos. 1. fundamentorum universæ scientiæ de Motu uniformiter accelerato*, propositionem controversam his verbis fere demonstrare conatur: Cum (vid. fig. 1.) *bina puncta O & E sint veluti fulcra ponderum equalium D & B, distet autem centrum gravitatis D a fulcro O per rectam DO; centrum vero gravitatis globi B a fulcro E distet per FE: palam est, gravia D & B æqualia suspendi ex inæqualibus longitudinibus DO, FE; idcirco ut DO (EB) ad FE (b. e. VS ad ST) ita momentum globi D suspensæ ex O, ad momentum globi B suspensæ ex E: negat Vannius propositione 2, 3, 4, & 5, momentum globorum D & B esse compositum ex gravitate eorum totali & distantii DO & EF. Deinde vero, si vel maxime quis considerare velit distantiam gravitatis, quæ producit descensum globi B super plano declivi SV, contendit tamen propositionibus sequentibus, lineam directionis respectu descensus naturalis globi B super plano declivi esse lineam BA, non BC, atque hinc gravitatem non habere distantiam FE a contactu E. Cæterum in scholio *propos. 4.* perstringit quoque propositionem Staticam receptissimam: *Momentum gravium desinentium in æquilibrio vestem primi generis, proportionem habere compositam ex proportionibus ponderum & longitudinum.* Cum enim hoc in casu centrum gravitatis commune utrique ponderi incumbat hypomochlio, implicare dicit, ea pondera habere centrum gravitatis commune incumbens fulcro, & tamen utriusque ponderis gravitates habere suas certas distantias ab eodem hypomochlio; adeoque falsum esse, in illo veste dari compositionem momentorum. Hanc vero & alias propositiones plures, in quibus Auctoris doctrina*

TAB. IX.
Fig. 1.

*O & E sint veluti fulcra ponderum equalium D & B, distet autem centrum gravitatis D a fulcro O per rectam DO; centrum vero gravitatis globi B a fulcro E distet per FE: palam est, gravia D & B æqualia suspendi ex inæqualibus longitudinibus DO, FE; idcirco ut DO (EB) ad FE (b. e. VS ad ST) ita momentum globi D suspensæ ex O, ad momentum globi B suspensæ ex E: negat Vannius propositione 2, 3, 4, & 5, momentum globorum D & B esse compositum ex gravitate eorum totali & distantii DO & EF. Deinde vero, si vel maxime quis considerare velit distantiam gravitatis, quæ producit descensum globi B super plano declivi SV, contendit tamen propositionibus sequentibus, lineam directionis respectu descensus naturalis globi B super plano declivi esse lineam BA, non BC, atque hinc gravitatem non habere distantiam FE a contactu E. Cæterum in scholio *propos. 4.* perstringit quoque propositionem Staticam receptissimam: *Momentum gravium desinentium in æquilibrio vestem primi generis, proportionem habere compositam ex proportionibus ponderum & longitudinum.* Cum enim hoc in casu centrum gravitatis commune utrique ponderi incumbat hypomochlio, implicare dicit, ea pondera habere centrum gravitatis commune incumbens fulcro, & tamen utriusque ponderis gravitates habere suas certas distantias ab eodem hypomochlio; adeoque falsum esse, in illo veste dari compositionem momentorum. Hanc vero & alias propositiones plures, in quibus Auctoris doctrina*

de

TAB. IX. ad A. 1689. pag. 424. sqq.

Fig. 1.




Fig. 2.





Fig. 4.




Fig. 5.




Fig. 7.






Fig. 6.





de momentis nova methodo exponitur, typis edendi facultatem cum obtinuerit, (ut in fine monet,) propediem dubio procul plura, nec ea minus paradoxa, cum Mechanicæ peritis communicabit.

*PROVE DELLE CONCLUSIONI INTORNO
a' Momenti de' Gravi sopra i Piani decli-
vi &c. h. e.*

Probationes Conclusionum circa momenta gravium,
quas contra quemcunque opponentem defendendas
proposuerat Angelus Marchetti, Alexan-
dri filius.

Florentiæ, 1689, in 4.

Constat plagulis 10.

Jungimus Vannio adversarium *Marchettum*, parentis Alexandri partes erudite libello hoc, quem itidem Dn. *Magliabechio* debemus, defendentem. Hunc enim cum in specimine de momentis gravium nominatim impetivisset Vannius, filius ejusdem A. 1687 conclusi-
onum decadem edidit Vannio e diametro oppositarum, quas etiam prolixius demonstrare hoc opusculo aggressus est. Putat vero Vannio, cui laudem ingenii non denegat, erroris causam fuisse libidinem contradicendi magno illi & nunquam satis laudato *Galileo*, nec non quod evidentiam demonstrationis Marchettianæ non attente satis considerarit. Quo factum sit, ut duo supposuerit falsissima, quorum primum est, Momentum totale globi F esse æquale summæ TAB. IX.
momentorum partialium ejusdem globi (fig. 2) super duobus Fig. 2.
planis inclinatis BC & DC. Sequi enim ex hoc, globum incumben-
tem duobus planis cujuscunque declivitatis semper unum idem-
que momentum habiturum, quod *ἀτόμῳ*, cum in confesso sit, in pla-
nis pro diversa declivitatis ratione variari quoque momenta gravi-
um. Hunc vero errorem procul dubio originem traxisse ex eo,
quod statuatur, plana BC & DC premi toto globi pondere, & momen-
tum globi F in plano BC (DC) æquale esse pressioni, quam exercet
secundum lineam FH in planum DC (BC), quum tamen globus ille
non premat plana secundum directiones FG & FH, sed secundum

Ecc 3

lineas

lineas GM & HN, momentumque ejus æqualeat potentia, quæ applicata in K aut L potest sustinere globum deorsum ruentem; quoniam propensio ejus ad descensum est secundum lineam FL, non vero juxta lineas FH aut FG. Hoc enim Vannii assertum si ponatur, colligi posse exinde, centrum F in casu proposito per duas diversissimas lineas FG & FH simul tendere, quod absolum. Licet autem non neget Marchettus, incumbentis globi centrum, remoto plano DC, ferri ob planum suppositum per lineam FH; hunc tamen motum actualem ab ipsa propensione, energia, momento & exigentia gravis probe discernendum esse monet, idque exemplo libræ inflexæ declarat. Alterum quod falso Vannius supposuisse dicitur, est: Momentum globi super duobus planis inclinatis conjunctis esse æquale summæ momentorū ejusdem globi super iisdem planis separatim sumtis; quod æque absurdum, ac si quis dicere vellet, momentum globi

Fig. 3. Q (fig. 3.) pendentis ex puncto B lineæ GC, bifariam divisæ in B esse æquale summæ momentorum ejusdem globi pendentis ex GB & BC separatim sumtis. Illa vero momenta qua ratione sese habeant, ut specialius determinet Marchettus, aggreditur propositionum sequentium demonstrationem: (1) Momentum gravis super duobus planis declivibus conjunctis, esse minus tam momento totali, quam aggregato momentorum ejusdem gravis, super iisdem planis separatim sumtis. (2) Hoc vero aggregatum nunc æquale, nunc majus, nunc minus esse momento totali. (3) Momentum globi incumbentis

Fig. 2. planis æqualiter declivibus conjunctis (fig. 2.) esse æquale momento ejusdem globi incumbentis unico ex his planis separatim sumto, & esse ad momentum totale ut BA ad BC. (4) Momentum globi incumbentis duobus planis diversæ declivitatis esse minus momento, quod haberet, si plano, quod ex his duobus minus declive est, separa-

Fig. 4-5. tim incurberet. (5) Momentum globi incumbentis (fig. 4. & 5.) duobus planis CD, DB æqualiter declivibus, ad momentum ejusdem FG, GC, globi positi super alijs duobus planis EG, GC declivitatis inter se ejusdem sed diversæ a declivitate planorum CD & DB, esse ut BC ad FC.

Fig. 6. 7. (6) Si globus incumbat (fig. 6. & 7.) planis CA & BA inæqualiter declivibus, nec non EG & GF diversæ declivitatis; sit vero summa linearum CL, XB, ductarum ex punctis contactus ad lineam LV, quæ ex centro perpendiculariter cadit in horizontalem AK, æqualis summæ

summæ linearum EM, FO; Momentum globi super planis CA, AB esse ad momentum ejusdem super EG, GF, ut rectangulum CLXB ad rectangulum EMOF. (7) Iisdem positis si summa linearum CL + XB, non sit æqualis summæ EM + FO, momentum globi super planis CA, AB esse ad momentum ejus super planis EG, GF, ut Parallelepipedum, cujus basis rectangulum CLXB, altitudo CL + XB, ad parallelepipedum, cujus basin constituit recta EM + OF divisa secundum rationem CL ad BX, altitudinem vero EM + OF.

HENRICI COETSII ARNHEMIENSIS HORO-
logiographia plana seu Methodus in superfic-
bus planis omnia horologiorum genera descri-
bendi Methodus.

Lugd. Batav. apud Jacob. Moukée, 1689, in 4.

Constat plagulis 11, tabulis item æneis 20.

Cum maxima semper ratio habenda sit temporis, quod etiam nobis nihil tale opinantibus subducit sese furtim, atque rerum gerendarum oportunitatem secum abripit, procul dubio non solum optime de humano genere meritis est, quisquis ille fuit, qui horas per umbram gnomonis in plano erecti observare primus docuit, sed illi etiam operam suam non male collocare censendi sunt, qui scientiam gnomonicam vel inventis novis locupletant, vel perspicue ex genuinis fundamentis deductam proponunt. Quorum in numero suo loco merito suo commemorati a nobis fuere doctissimi Galli, *De La Hire & Ozanam*, (eruditissimæ enim notæ & auctuaria celeberrimi *Sturmii*, quæ *Welperi* Gnomonicæ fuerunt addita, initium Actorum nostrorum anteverunt) & nunc quoque eidem accedit Auctor præsentis opusculi, qui methodum suam adeo breviter & perspicue se tradidisse proficitur, ut ad clarum illius intellectum vel semel id perlegisse sufficiat. Absolvitur vero hoc ipsum capitibus octodecim, in quorum primo Horologia in 28 genera dispescuntur; sequentibus vero octo descriptio eorundem problematibus 28 proponitur. Succedunt his capita quinque, in quibus clarior explicatio & demonstratio Methodi, quæ in superioribus circa horologiorum descriptionem

nem adhibita fuit, traditur. Capite XV sciatherica, in quibus angulus inclinationis & reclinacionis major est complemento elevationis poli, aut etiam excedit ipsam poli elevationem (quippe cum in antecedentibus de illis actum non fuerit) explicantur. Ultima tandem tria capita modum describendi quavis horologiorum genera (exceptis declinantibus) succinctiorem per triangulum aliquod fundamentale edocent. Est vero Auctoris institutum unice, ostendere rationem horas in linea Æquinoctiali Geometrice inveniendi, omit-tendo inscriptionem signorum Zodiaci, horarum Italicarum &c. quam ex *Clavio* & *Claudio Franc. Milliet Dechaies* petendam monet.

LETTRES DU PRINCE DE CONTI &c.

id est:

Epistolæ Principis Contii, sive Informatio de concordia liberi arbitrii cum gratia Jesu Christi, quam Princeps ille Serenissimus P. Stephano des Champs e Soc. Jesu, quondam Primario Professore Theologiæ, Rectori Collegii Parisiensis, & ter Provinciali, nunc vero Superiori Domus Professæ impertivit; cum aliis quibusdam scriptis de eadem materia.

Coloniæ, apud Nicolaum Schouten, 1689, in 12.

Constat plagulis 17.

A *Rmandi Borbonii*, Principis de Conti, ex Regio in Gallia sanguine nati, (cui Condæus, Germaniæ nostræ bellorum superiorum casibus notissimus, frater fuit) nomen & memoria majori & recentiori fama celebratur, quam ut de eo multa hic referri opus sit. Verum de eruditione in Principibus rara, & de pietate ejus minus innotuit exteris; neque malam gratiam apud eos iniit, quisquis hujus libelli editionem procuravit, sive *Arnaldus* is sit, haud obscuri nominis & sæpe nobis memoratus scriptor, sive alius non imparis doctrinæ & eloquentiæ, quod in dissertatione epistolis præmissa non sperendam de eo narrationem præmisit. Laudat in ea ingenium Principis, exactamque controversiarum Theologicarum notitiam, quæ factum fuerit, ut inter magna licet, quæ pro generis sui conditione sustine-

sustinebat, negotia, ex disputatione cum magistro horum studiorum veterano, imo. & suo (discipulus enim ejus fuerat) inita, haud inglorius discesserit. Addit notabilem, & quæ a Clerico Romano-Catholico vix expectari potuit, animadversionem in eos, qui vulgari præjudicio occupati, a judicio de sublimibus in religione contraversis eos arcent, qui non sunt ex Clero aut Doctores Theologi. At enim, non minus præstari posse ab iis, quos Deus solido ingenii acumine donaverit, & quicum diligentia & fide lectioni sacrarum literarum & traditionum ecclesiasticarum cognitioni vacaverint; neque obscurum esse, primos & celeberrimos fidei defensores non nisi laicos fuisse. Episcopos quidem decere, ut fundamenta fidei ponant, catholicas veritates determinent, & errores cum autoritate damnent. Sed Deo non ita ligatas esse manus, quin & in alios lumen veritatis sue diffundat, & laico pro sufficienti vocatione & missione esse talentum cognoscendi & explicandi veritatem, accedente Ecclesia utilitate & divino quodam instinctu, & sic ex bono laico excellentem cooperatorem veritatis, sive per colloquium, sive per scripta publica promovende evadere posse. De Principe inde refert, quomodo in adolescentia sacris destinatus sit, ut Doctor fieret Sorbonicus, creatus etiam Baccalaureus Theologiæ, quam in collegio Jesuitarum didicerat, magistro illo ipso, qui in titulo libri nominatus est, *Stephano des Champs* sive *Campiano*, Paulo ante disputari satis rigide, ut refert, & notum est, corperat occasione libri, quem sub Augustini titulo *Cornelius Jansenius* Episcopus Yprensis ediderat; & tractatus D. *Arnaldi* de frequenti communione, Jesuitæ de *Sersmaisons*, quanquam non nominato oppositus, ad acerrimam defensionem Jesuitas accenderat, qui inter alia autoritatem & gloriam quaesiverunt ex disputatione publica, quam sub præsidio Coadjutoris Parisiensis, postea Cardinalis Radefiani (de Retz) Princeps Contius A. 1646 d. 10 Julii in Sorbonica palæstra habuit de *gratia, penitentia & eucharistia*, tanto elogio a Campiano ea de causa mactatus, ut suffragio Cleri Gallicani pro Augustino haberi diceretur. Theses istas Jesuitam illum tractatum suo de libero arbitrio, hoc ipso anno, sub nomine *Antonii Richardi*, tertia vice excuso, denuo publicatas adjunxisse, notat Auctor, eandemque editis a Jesuitis, sub titulo *Bibliotheca Janseniana & Triumphus veritatis Catholicae*, libris conservatas fuisse, & Doctoribus Catholicis

annumeratum ab iis esse Contium, ut sententiæ Jesuiticæ approbarem. Sed quacunque tunc mente fuerit Princeps, sedecim annorum adolescens & alienum sequens ductum, divina tamen providentia & lumine gratiæ, ab opinionibus, quarum defensor tunc esse voluit, retractum esse. Lumen vero illud in admittendo a moribus minus probatis ad pietatem singularem conversione ei prius affulsisse. Accidisse id illi memoratur die quodam festo Apostolorum Philippi & Jacobi, post afflictiones in quas per tempora motuum civilium in Gallia inciderat, cum ex Evangelio festi ad mentem revocasset verba: *santo tempore vobiscum sum, & non cognovistis me.* Adjutum inde libris piis, sed maxime brevi quodam tractatu Meditationum Christianarum Doctoris cujusdam Sorbonici *Feydeau*, Theologi Bellocensis, annitentibus Jesuitis postea relegati. Sed plus profecisse ex *Nicolas Pavillonii* Episcopi Aletensis instructione, cujus etiam consilio duos nobilitate & pietate insignes viros in familiam adsumserit, quorum monitis, remotis, quibus ut plurimum Principes corrumpuntur, adulatoribus, in Christiana disciplina proficeret. Laudatur inde immensa & per *milliones* effusa liberalitas in pias causas, tam a vivo, quam condito testamento, & quod raro continentiarum exemplo pensionem annuam quadraginta aureorum millium, quam etiam post relictos sacros ordines & ductam uxorem, concessione Pontificis retinere potuerat, ultro dimiserit, nolens sacris redditibus sine legitimo titulo frui. Tam religiosus etiam fuit, ut gubernatione amplissima Occitanicæ, cui a Rege præfectus erat, & quam sanctissime administraverat, ob infirmitates quasdam abdicare se voluerit, nisi monitus a pio conscientiarum directore fuisset, Principis conditioni convenire, ut poenitentiam se dignam exercent, vires suas in publico ministerio consumendo. Scripta ejus commendantur *contra comedias*, de officio *magnatum*, & de *sua æconomia*, quorum omnium præcepta ipse prius in usum & praxin deduxisse, quam literis mandasse dicitur. Vertit etiam librum Augustini de *predestinatione Sanctorum* & de *dono perseverantiæ*, sed cum eodem tempore alia egregia versio prodisset, suam suppressit. Hanc ejus conversionem in moribus exceperit, ut Autor indicat, altera in doctrinâ, cum sententiam ex Jesuitarum dogmatibus haustam, ut supra dictum est, mutavit. Id autem ex epistolico, quod ei cum magistro

stro

stro suo intercessit commercio; probatum it Auctor, qui ad publicationes literarum istarum permotum se esse dicit Jesuitæ ejusdem in discipulos Augustini rancore, quo nuper admodum librum ante annos quadraginta titulo *Secreti Janseniani* editum recondidit fecerit; ejus enim calumniis refutandis, præter ea, quæ olim & non ita pridem responsa sint, sufficere posse has epistolas. Fateretur tamen, non in omnibus convenire Principi cum Jansenii defensoribus; sed illum Thomæ dogmata exacte sequi, quod corrigere Jansenistæ volunt, qui se Augustini genuinos discipulos venditant.

Clarius patet hæc differentia ex subjuncta, alterius præloquii loco, explicatione status controversiæ, quæ in literis Principis & Jesuitæ ventilatur. Exponit itaque Auctor tres in materia de gratia sententias sive opinionum sectas. *Primam* facit *Augustini*, ejusque quos vocant discipulorum, qui *predeterminationem*, sive auxilium gratiæ efficacis, ut in statu hominis post lapsum necessarium requirunt, in integro autem non admittunt. *Alteram* *Thomæ* & *Thomistarum*, qui prædeterminationem seu concursum causa primæ etiam in statu innocentie præsupponunt, alio tamen modo in statu corrupto. *Tertiam* denique *Jesuitis* tribuit, qui *Molinam* secuti, omnem *gratiam prædeterminantem & efficacem per se*, absolute rejiciunt, tam in statu innocentie quam corruptionis, ejusque loco sufficientem substituent, a voluntate hominis, debili quidem & morbida determinandam, adeoque vincibilem, & ut Princeps loquitur, *versatilem*, cujus efficacia a scientia media dependeat, quam Jesuitæ vel invenisse, vel a Semi-pelagianis mutuati esse dicuntur, ut liberum arbitrium hominis eum gratia Dei conciliant, quia aliter subsistere id non posse putant. Hanc controversiam jam annos centum inter *Dominicanos* & *Jesuitas* agitam esse & adhuc agitari, nemini ignotum est, eaque nec Concilii Tridentini definitione, neque operosa illa, quæ Romæ sub Clemente VIII. habita, & ex publicatis nuper relationibus in Actis nostris indicata est, consultatione sopiri potuit. Utraque quidem pars Concilii Tridentini placita pro se allegat. Notavimus in relatione Tractatus de traditione Ecclesiæ, qui sub *D. Germani* nomine A. 1687. prodiiit, in Actis A. 1688, p. 363 & 402, ut Jansenianæ sententiæ patroni verba concilii, quod homo dissentire a gratia, sive resistere ei possit, si velit, ad facultatem restringant, & de actu secundo negent. Idem offerit in epistolis hisce Princeps Contius, allata & acriter defensa di-

inctionis scholastica formula, inter *sensum divisum & compositum*. Hæc præcipua totius disceptationis, quam cum magistro suo habuit, materia est. Explicatur autem hæc distinctio in præloquio hoc, & qui eam intelligit, simul etiam cardinem hujus controversiæ percipit, quam hic prolixius exponere non possumus. Redeunt, ut diximus, omnia ad distinctionem potentia & actus resistendi gratia; illam admittunt Thomistæ & Jansenistæ, hunc negant. De illa loqui dicunt Concilium Tridentinum *sensu diviso*, de hoc *sensu composito*. Exemplum proponit Autor noster in præloquio, de quo agimus. Gratia (dicit) *movet voluntatem hominis efficaciter, ut velit ipso actu diligere inimicum, & ita efficit gratia, ut non possit eum non diligere; gratia enim prædeterminat voluntatem ejus efficaciter, invincibiliter, insuperabiliter sive infallibiliter, sensu nempe composito, ut non possit odisse inimicum. Eo tamen ipso tempore retinuit homo & ejus voluntas* (ita ajunt) *potestatem, ut odio habeat inimicum, & ita libertatem hanc habet sensu diviso*. Ista sive subtilitate sive argutia putant se ab hæresi Calvinii, cujus insimulantur Jansenistæ, quæ gratiam irresistibilem facit, immunes esse, ut jam d. l. in Actis 1688 p. 404 notavimus. Operose autem & acute id passim agit Princeps, & Jesuitam, qui Augustinum speciose a Calvinianis allegari posse non dissimulat, satis rigide reprehendit, ut ex epistolis constat. Sed statu quæstionis ex præloquio satis prolixè exposito, in recensione epistolarum breviores erimus.

Exhibentur autem Principis epistolæ ad Jesuitam octo, hujus novem; prima enim Principis, quæ ex conversatione cum Jesuita occasionem habuit, perdita est: reliquæ omnes, manu utriusque scriptæ & editioni paratæ, inter chartas Principis repertæ esse perhibentur. Licet vero, ut diximus, quæstionem ipsam tractare nolumus, sciendum tamen est, Principem pro materiæ perplexitate tam perspicue & acute scripsisse, ut summam in *Theologia Scholastica* & maxime *Thomistica* peritiam satis demonstraverit; neq; tamen Jesuitæ laus sua auferenda est, licet Autor noster victoriam causæ ei plane abjudicet, qua in re cuique judicium suum relinquendum est. Nos parerga quædam sive ex epistolis ipsis, sive ex editoris annotationibus, relatu haud indigna subiciemus. Allegaverat Princeps epistola sua altera d. 7 Augusti A. 1664 data, pro sua sententia, *acta congregationis de an-*

religio (de qua in Actis nostris sæpius, & præsertim A. 1687 p. 353 & seqq. prolixè dictum est.) Male id habuit Jesuitam; ideo commonefecit Principem epistola sua secunda, acta illa a Pontifice *Innocentio X* pro apocryphis declarata esse, ita ut opponi Jesuitis non possint. Sed Princeps Gallos obligari decreto illo negat; dein authenticum actorum exemplum Lutetiæ extare asserit, quod pro apocrypho haberi nequeat; neque illico librorum materias ipsas reprobari, etsi editiones censuram subeant; prohiberi non sine judicio Romæ libros quosdam, quorum tamen veritas ideo non pereat; p. 44. Persistit in assertionem hac tam firmiter, ut dicat, Inquisitionis Romanæ decreta, etsi sub Pontificum nomine publicentur, absque rebellionis vitio rejici in Gallia posse, jure libertatis Ecclesiæ Gallicanæ competentis, ex observatione veterum sanctorum canonum, (resp. II, p. 53.) Jocos in his epistolis uterque aliquando intermiscet, acriores Princeps. Cum enim hic se Thomistam sæpius professus esset, Jesuita (epist. IV. p. 86) cavere eum jubet, ut credat, omnes Thomistas angelos esse, additque historiolum. Accepimus (ait) Barcinone litteras, ex quibus intelligitur, Franciscanum quendam per exorcismum foeminam obsessam liberaturum, exire dæmonem jussisse nomine immaculatæ conceptionis Beatæ Virginis; sed dæmonem respondisse: *nihil agis, sum enim Thomista*. Ad hæc Princeps (p. 97) respondet, si Thomistæ non sint angeli, angelos tamen suo judicio esse Thomistas, quia ad horum sententiam de omnipotentis Dei operationibus loquantur. Ad historiam vero illam regerit, unum solum diabolum, miserum nempe illum, qui monachum deluserit, Thomistam fuisse, cæteros omnes esse Molinistas. Sed falsius id explicat (Ep. V, p. 116) & Molinistas cum diabolis comparat, qui ad Luciferi exemplum plus justo suæ naturæ tribuant, & ei assignent, quæ solius sunt Dei. Plura consulo omitimus. Ex annotationibus Autoris memorabilia sunt, quæ de scriptoribus aliquibus Principi memoratis hinc inde commentatur, maxime de Jesuitis. Ita ad III Contii responsum p. 69 *Theophili Raynaldi* ambitionem & summam maledicentiam viginti librorum voluminibus exercitam taxat, quæ nec suis pepercit, scripto in eos libello sub *Theophili Eugeni* nomine, cui titulus est *Prolocutastasis seu Prima Societatis Jesu institutio restauranda*, & alio, cui *Hipparchi* nomen dedit, in quo mercaturæ studium Socie-

tati exprobravit. Approbatione etiam Jesuitarum carere dicitur tractatus ejus de *exsolutione a votis*. *Gregorium de Valentia* in Congregatione de auxiliis Pelagianismi convictum esse refert, quod incaute majorem quandam Syllogismi propositionem *Lemosio Dominicano* concesserit, ita ut egressus consistorio a Generali suo objurgaretur, quod Societate illa concessione funditus perdidisset: in falsificatione etiam Augustini deprehensum esse, ab ipso Pontifice Clemente VIII, & ita conterritum, ut tunc in animi deliquium inciderit, nec multo post Neapoli clanguerit. Hunc tamen encomio Doctoris Doctorum a Clemente ornatum esse, gloriantur, ut ait, Jesuitæ. *Stephani Bauni* plurima scripta moralia tum Romæ, tum Parisiis condemnata esse refert, quibus vehementer contra pietatem impegerit, quam nec illa laudare cessent Jesuitæ. *Dionysio Petavio* multimodæ eruditionis laudem non invidet, sed judicii debilitatem imputat, in primis, quod patres eorum priorum seculorum cum magnò scandalo pro fautoribus Arianismi habuerit. Obscuriores sunt *Nicolaus Taronius* & *Claudius Tiphanius*, quorum acta & scripta refert. His addi possunt, quæ de P. Nicolaio qui ex *Jansemita*, fictus *Molinista* vel *Thomista mitigatus* factus esse a Principe & Notarum autore dicitur (p. 62, & 88) & de *Didaco Nunnez* Dominicano, alioque qui *Cabezado* dicitur (p. 51) item de *Benedicto Pererio* & *Henrico Henriquez*, (p. 169. denique etiam de libris ipsius Jesuitæ *des Champs* (p. 143) notantur, aliaque ejusmodi. Succedit dissertatio Autoris, qua Augustinum a Calvinismo, cujus cum Jesuita in epistola sua VII insimulare videtur, absolvit, & demonstrare vult, eum quidem gratiam efficacem per se & determinantem cum Thomistis & Janenio, non vero necessitatem cum Calvino statuisse. Respondet etiam ad allegata ex *Sadoletto*, *Contareno*, *Bellarmino* aliisque. *Pighium* vero, quem Jesuita magni facit, contentum tractat, & Pelagianismi haud obscure accusat. *Genebrardum* & *Claudium Sanctium*, dum hæreticis sese opponunt, in excessum lapsos esse dicit. Addit deinde & exagitat, quæ adversus liberum arbitrium Calvinum, & ex parte etiam Lutherum docuisse dicit, & ostendere contendit, quomodo ab Augustini sententia longissimè dissideant. Multum præsidii querit in distinctione *voluntatis* & *volitionis*, sive voluntatis & volentis. Deinde verba Præsulum & Theologorum in Concilio Tridentino ad sua senten-

sententiæ confirmationem trahit; Jesuitarum testimoniis etiam usus, ex quibus Bellarminus statuit; nullam opinionem Augustini deserendam esse, quam ipse testetur esse de fide Ecclesiæ. Denique exhortatio ad Jesuitas juniōres valde pathetica subjungitur, ut obligatos se esse agnoscant Thomæ Aquinatis doctrinam sequi. Id vero ut iis persuadeat, *Ignatii Lojola* & primorum ejus sociorum sententiis adducit, idem inculcantes. Dein *Claudii Aquaviva* Jesuitarum Generalis epistolam circularem, post consultationes ultra biennium habitas, d. 14 Decembris A. 1613 editam, & decretum eodem die, quod alibi citatum a nobis est, integrum apponit: nec non *Mutii Virellesii* itidem Generalis adhortationem A. 1617 conscriptam; ex quibus aliisque manifestum esse dicit, abusibus in Theologia tam speculativa, quam morali, per Jesuitas introductis remedia dudum provisæ esse, ut scilicet novis opinionibus abstineant, & Thomæ placitis adhæreant. Hoc tyronibus Societatis faciendum esse, speretis quæ aliqui ex hodiernis Doctoribus suis proponant, ante omnia vero inventum *scientiæ mediæ*, quod cum Augustini & Thomæ systemate consistere nequaquam possit, explodendum; neque tamen ita eos Thomisticis opinionibus adstringit, ut non a quibusdam, quæ ipse levius tractavit, & a quibus alii ejus sectatores discesserunt, dissentire iis liceat.

L' IMPIETE' DES COMMUNIONS

Forcées &c. i. e.

Impietas vi obtrusæ Communionis seu sacræ Synaxeos demonstrata, una cum quibusdam animadversionibus in pœnas iis infligi solitas, qui sumere Sacramentum detrectant &c.

Daventriæ, 1689, in 12.

Constat plagulis quindecim.

IN eo maxime occupatur Autor anonymus, Reformatæ olim in Gallia ecclesiæ Pastor, ut *sacriligii* Clerum convincat Franciæ, cuius impulsu tot miseri homines ad sumenda Romano more Sacramenta, & audiendam Missam, tantæ secundum illos mysterium sanctimoniæ, quantumcunque reluctarentur, abrepti novissime fuerint. Quo
fines

sine relatis in *præfatione* specialioribus historiis, vim ejusmodi factam omnino esse demonstrantibus, cum ex celeberrimi *Jurii* Literis Pastoralibus, ipsius Pontiiopolitani in Occitania episcopi scriptam tribus abhinc annis testem stitisset epistolam, lectu sane ob dictionis & argumentorum pondera dignissimam: animadverti vult in Pontificem Romanum *Innocentium XI*, cujus censuram ipsa *S. Ludovici*, ut loquuntur, ecclesia, quod Marchionem *Lavardinum* excommunicatum Regis Legatum ad sacra audienda & accipienda, in Sacramenti ecclesiæque profanationem sacrilege admisisset, Romæ eodem tempore subiit, quo in Galliis decreta fuerunt poenæ Sacramenta Romana recusantibus durissimæ. Impudentiæ vero inculcat *Dionysium Sammarthanum*, Benedictinum e Congregatione *S. Mauri* Monachum, qui libro *Réponse aux plaintes des Protestans*, h. e. *Responsum ad querelas Protestantium* inscripto, falsissima pronuntiavit, quæ dicta vulgo fuere de persecutione Gallica, ac si nihil fere severitatis in Reformatos fuisset adhibitum. Dicta nihilominus in Sammarthani gratiam causa, cur ipsi in Anglia Reformati severioribus se muniverint contra Papisimum legibus, *Becanum* Jesuitam laudar, qui Gabaonitarum exemplo aliisque evicerit rationibus, teneri omnino ad fidem subditis herodoxis sancte servandam Principem, si semel illis libertatem fidei promiserit.

Verum in ipsa tractatione fatetur Autor, ex multis Franciæ Regis declarationibus illam sese consideraturum potissimum, quæ A. D. 1686, d. 19 Aprilis, contra nove, ut vocant, conversos, Sacramenta in morbo recusantes, publicata Versaliis est, quippe quæ spiritum profanationis & impietatis regnare in persecutoribus, omnium apertissime demonstret, non modo quod constitutas poenas, sed & quod decidendi rationes attinet. Ac profecto copiose satis ex Scripturis, ex Ecclesiæ antiquæ in administrandis Sacramentis legibus, ex Patribus, Cypriano inprimis, ex sana ratione, ex ipsorum adversariorum testimoniis & conciliis, imo ipsius Inquisitionis praxi, contra Gallos sacrorum suorum nimis prodigos, & in ipsum Deum suum nimis truces disputat. Nos quidem cum argumentum ipsum luce sua radiet, & nemini non constet priscorum Patrum in dispensandis Sacramentis disciplina & circumspectio, veniam a Lectore impetrabimus, si missis aliis, pauca quædam huc transferiperimus, quæ Gallos ex Gallis mo-

nuit

nuit Auctor. Neque enim post synodum Rhemensē A. 1564 habitam, & secutam paulo post Burdigalensem, solum producit *Albaspinum*, Aurelianensem episcopum, eumque in sacra antiquitate verissimum: aut *Thiersium*, qui Albaspinæ libro *de Antiqua Politia Ecclesie* laudato, peculiari scripto *de Expositione Sacramenti* invenitur in monachos, qui in quæstum indignum converterint frequentem nimis Sacramenti expositionem populo factam, introducta hoc pacto consuetudine, quam pro sacrilegio prima habuisset ecclesia: aut Sorbonicum Doctorem *Dyrou*, qui libro, *Preuves & Prejuges pour la Religion Chrétienne*, h. c. *Argumenta & Præjudicia pro veritate religionis Christianæ*, (quem in *Actis* A. 1683 pag. 364 recensuimus) vim illam, qua pagani externam in idola sua venerationem extorsere, cacodæmoni acceptam referri debere ex eo contendit, quod parum deinde fuerint solliciti, animo quis simul & serio, an ore tantum, gestibus & lingua Deos adoret suos: sed & e recentissimis Gallis ipsum *Maimburgium*, in *Historia Gregorii M. in Actis* A. 1686. p. 343. nobis recensita, judicem habet, tot fuisse olim commissa sacrilegia, quot quidem Judæi unquam ad suscipiendum baptismum adacti ævo sequiore fuerint; Gregorium M. autem laudari oportere magnifice, ob inhibitam istam in Judæos violentiam, Christiano nomine indignam. Miratur igitur Auctor, cur Jansenistæ, qui quadraginta aut quinquaginta abhinc annis, Sacramenti honorem Jesuitarum indulgentiore disciplina convelli, tanta clamant voce, rebus nunc longe in deteriora lapsis conticescant omnes, aurem vellit istorum sat acriter, neque Cardinalem *Camium* respondisse digne superiorum zelo censet sola illa epistola, qua clericos dioceseos suæ Gratianopolitanæ ab obtrudendo reluctantibus Sacramenti usu abstinere iussit. Caterum quod prælaudatus *Thiersius* optasset, corporis Christi Sacramentum populis monstrari quam rarissime, nec nisi festo corporis Christi, durante festi octava, ut loquuntur, aut urgente casu quodam singulari, approbante episcopo; extra illa vero tempora conspici publice, aut conspectui dari, absque profanatione non posse venerabile mysterium censuisset: admonet Auctor, primitivæ quidem Ecclesiæ simpliciter, & sine ulla exceptione temporis, damnatam fuisse Sacramenti expositionem, ut loca evincant ab ipso *Thiersio* allegata.

Absoluta in Clerum Franciæ sacrilegii actione, pœnas consi-

G g g

derat

derat, in regia illa declaratione, recusantibus in morbo Sacramenta viris foeminisve statutas, quæ sunt, si viri revaluerint, deprecatio publica cum nota infamiæ (*amande honorable*,) bonis fisco additis, & corpore ad remos in perpetuum damnato: sin foemina, præter deprecationem illam publicam, & bonorum additionem, carcer in claustro perpetuus: sin obierint, bonorum jactura, & cadaverum super erate tractio, inque locum jumentorum cadaveribus destinatum (*à la voirie*) abjectio. De singulis singulatim differit, adjectis in fratrum sororumque fidei talia patientium gratiam variis consolationibus: omnium autem fusillime persecutorum in cadavera sævitiam castigat, Arianorum susceptam exemplo, quos primos corpora lacerasse fidelium, Athanasius auctor est. Qua occasione veteris ecclesiæ in sepeliendis corporibus cura exposita, undecimo demum seculo episcopos introduxisse censet sepulchralis jurisprivatorem, non quidem propter hæreticos, sed excommunicatos, sed latrones, sed invasores bonorum ecclesiæ, sed interfectos in spectaculis publicis, & id genus homunciones alios, ac, quod probe vult notari noster, sepultura prohibitos fuisse ejusmodi sceleratos, non omni omnino, sed ecclesiastica tantum, benedicta, & Christianis reliquis communi. Hæreticos demortuos quod spectat, authenticam hac de re constitutionem aliam sibi non obvenisse, nisi Concilii Lateranensis tertii, sub finem seculi XII, præside Alexandro III P. R. habiti, cujus, ut & Lateranensis quarti, annos triginta sex post celebrati, decreta adhuc nonnisi de sepultura loquantur ecclesiastica, etsi secutis temporibus duriora scripserint Gregorius IX, Innocentius IV, Alexander IV, Nicolaus III, præcipue Concilium Albigense seu Albigense in Gallia anno Christi 1254, quo severius quid de effodiendis publiceque comburendis omnium hæreticorum ossibus decretum fuerit. Eodem seculo Bonifacium VIII jussisse memorat *Hermannum* quendam Italum, qui longo tempore sanctus Ferrariae habitus fuerat, terra erutum cremari: ex quo deinde mos effodiendi ossa, rapiendi ad locum cadaveribus bestiarum destinatum, aut cineres combustorum in ventum projiciendi, in ludum abierit. Ut igitur Gallis suis, qui tot hætenus in consecratis locis sepelivere, quos non immortuos fuisse fidei Romanæ hodiernæ sat bene noverant, aut nosse poterant, novam juris Pontificii violationem noster objicit: ita

capite

ventriculos cordis a sanguine irruente dilatatos consideranti, nec *Borello*, mutuam succi tartarei ac nervei ebullitionem intuenti, describit, sed novum dogma quoad cordis motum hic proponere constituit. Ventriculos liquidem cordis a sanguine per venam cavam propulso non ita dilatari, ut fibrarum muscularium distractionem hanc a sanguine factam spontanea cordis contractio insequatur, exin suspicatur, quod in corde vel e viperis exempto non solum immediate a sanguinis ab auriculis ad ventriculos transfluxu cordis vigoratio sive contractio contingat, sed & notabilis intercedere observetur morula, priusquam cordi a vigoratione jamdum cessanti auricularum denuo vigoratio sive contractio superveniat, adeoque ventriculorum capacitas vigorationi cordis magis cessanti, quam sanguini irruenti debeat. Multo minus spirales cordis fibras ab ebullitione tendi fermentativa, quam tartareus succus cum spirituoso, aliquantum viscido, e strictissimis nervorum osculis guttatim exstillante concipiat, sibi habet persuasum, cum primo spiritus animalis sive succus cerebri spirituosus viscidam indolem neutiquam redoleat, utpote partem quamcunque ad lubitum oculi momento agilem reddens; dein infinita propemodum nervorum propagines deprehenduntur aliquid spirituosum ad cor adportantes; hinc per alios exilissimos nervorum furculos eadem motus spirituum interrupti oriatur necessitas; tum e cylindro, e quo aqua guttatim effluere supponitur, nullo ordine guttæ elabuntur, multo minus e pluribus; tandem pars quælibet in tono suo, non nisi a continuo spirituum affluxu expectando, conservari debeat. Propriam vero sententiam interrupto sanguinis per cordis substantiam motui superstruit, quia ex lege circulationis certum videatur, systoles cordis tempore sanguinem intra arteriam saltem, non venam coronariam propelli, diastoles autem e diverso momento eundem sanguinem intra fibrarum interstitia tantummodo & venam, non arteriam coronariam moveri. Hinc namque ab interrupta sanguinis intra cordis substantiam periodo reciproci motum cordis vigorationis sive systoles, & desinentiæ vigorationis sive diastoles ad fibrarum muscularium cordis interstitia vibratus, vel cum spiritibus animalibus novam luctam suscipiendo, vel vestis adinstar easdem fibras distrahendo & elevando, systolen ipsam efficiat. In-

terum

terim si queratur, a quam causa tunc vigoretur cor, quando sanguis hujus ventriculos subit, antequam mediante vigoratione ad arteriam magnam, consequenter coronariam quoque, in vigorationis promovendæ gratiam propellatur? responsum non aliud, quam in cordis rudimento seu puncto saliente motum tremulum & inordinatum inchoari, a quo nutrimentum ad partes in embryo augendas possit dispensari, suppeditat. Quemadmodum denique vigorationem auricularum cordis eidem sanguini auricularum substantiam interrupta periodo subeunti fert acceptam, ita ne auricularum systolen cum ventriculorum cordis contractione synchronicam plane admittere cogatur, resistentiam fibrarum auricularum promptius a sanguine irruente superari posse, quam fibrarum cordis resistentiam, inculcat.

Ceterum in *Appendice*, quæ annectitur, de motu arteriarum & pulsum differentiis simplicibus ad Illustrissimum Dn. Cartium Tresanum conscripta, Autor aliorum vestigiis insistentium sanguinem, tum debitam arteriarum trutinat structuram, quorum ille a corde intra arterias plus minus copiose aut celeriter propulsus diastolen arteriarum pulsumque, vehementem vel debilem, magnum vel parvum, celerem vel tardum, frequentem vel rarum, effingat; hæ autem sive arteriæ ex lato in angustum protensæ ac plus minus rigidæ, tam vi elastica propria, quam spiritibus animalibus succurrentibus, ubi a sanguine dilatatæ fuerint, sese contrahendo systolen ac pulsum durum aut mollem producant.

LA TOISON D' OR, OU RECUEIL DES STATUTS & ordonnances du noble ordre de la toison d' or, leurs confirmations, changemens, additions, ceremonies, immunités, exemptions, preeminences, honneurs & bulles Papales, depuis l' institution jusques à present. i. e.

Vellus aureum, sive Collectio statutorum & decretorum nobilissimi Ordinis aurei velleris; ejus confirmationes, mutationes, accessiones, ritus, libertates, exemptiones, prærogativas, dignitates, & Pontificias bullas, ab institutione prima ad hoc usque tempus exhibens.

Amstelodami, apud H. Desbordes, 1689, in 8.

Constat plagulis 51.

Inter

Inter ordines militares primus ac augustissimus habetur, nec nisi Imperatoribus, Regibus, Principibus, ac illustri dignatione conspicuis conferri soletis, qui anno 1429 a Philippo Bono Burgundia Duce institutus, *Aurei velleris* ordo dictus ex Argonautarum & Iasonis fabula, ad Potentissimos Hispaniarum Reges summossitius Praefectos devolutus est. Plenam ac luculentam ejus historiam condidit *Jp. Jac. Chiffetius*, quae tamen in lucem prolata non est, facta tamen ab ipso Recensio gentilitiorum insignium hujus Ordinis Equitum CCCLXXVIII, Gallice & Latine anno 1632 Antverpiæ prodit. Auctor vero quem jam recensemus, qui nomen suum occultavit, bis libellis historiam ornam complexus est: quorum primus institutionem & foundationem Ordinis a Philippo Bono 1431 sancitam, & leges quibus is contineri eum voluit, statuta item & decreta consecutus temporibus edita, quibus numerus Equitum amplificatus est, alia etiam immutata fuerunt, juramentorum quæ recipiendi eum præstare tenentur formulas, insignia item, vestitus, a Pontificibus concessa privilegia, Cancellarii quoque, Thesaurarii, Secretarii & Heraldii munia exponit, & Notationibus p. 259 & seqq. pleraque illustrat. In his p. 301. S. Andream Ordinis hujus Patronum esse indicatur, idque cum primis notandum e Wolfsg. Lazio profertur p. 263. quod Johanni Intrepido, qui pater fuit Philippi Boni Ordinis hujus fundatori, Vates quidam prædixerit, futurum ut ex posteris ipsius, qui in pectore ignem (hoc est filice excussam flammam, quam torques Ordinis insigne refert) gestet, Turcarum potentiam & imperium sit fracturus: quam prædictionem in gloriosissimo Imperatore Leopoldo impleri manifestum est. Carmen ordinis hujus originem & laudes decantans, quod p. 157. & seqq. exhibetur, auctorem habet Godefridum Wendelinum, qui anno 1631 istud conscripsit, quod subjectum extat Chiffetii libro supra memorato. Altera pars quæ inscribitur *le Mausolée de La roison d'or, ou les tombeaux des chefs & des chevaliers du noble ordre de la roison d'or*, nomina, ætatem, elogia, monumenta, symbola, numismata & inscriptiones exhibet Equitum hujus Ordinis; cujus supremi Principes fuerunt

Philippus Bonus Burg. Dux, qui obiit A. 1467. p. 1.

Carolus Dux Burg. qui in prælio Nannetenensi occubuit anno

1475. p. 44.

Maximi

Maximilianus Imp. qui obiit 1519. p. 59.

Philippus I. Hisp. Rex, qui obiit 1526. p. 75.

Carolus V. Imp. qui obiit 1558. p. 102.

Philippus II. Hisp. Rex, qui obiit 1598. p. 181.

Philippus III. Hisp. Rex, qui obiit 1621. p. 264.

Philippus IV. Hisp. Rex, qui obiit 1665. p. 331.

Carolus II. modernus Hispaniarum Rex, qui Serenissimo Hungariae Turcis crepta Regi Josepho anno 1687, cum is coronaretur Posonii, per Invictissimi Patris Leopoldi manus velleris aurei insignia tradidit. Omnes Galliae, Angliae, Hungariae, Bohemiae, Arragoniae, Navarrae, Siciliae, Poloniae, Sueciae, Lusitaniae, Daniae & Scotiae Reges, qui hujus Ordinis augusti insignibus decorati sunt, recensete &c Mausoleo hoc depromere longum foret, & ipse libri hujus auctor Part. I. p. 270. 271. brevi velut tabella quadam eos enarravit.

LIBRI NOVI.

D. Philippi Jacobi Speneri Illustiores Galliae Stirpes Tabulis Genealogicis comprehensae. Franeofurti, apud J. D. Zunnerum, 1689. in fol.

Critica Historico-Chronologica in Annales Ecclesiasticos Cardinalis Baronii, auctore R. P. Antonio Pagi. Lutetiae, apud J. Boudor, 1689. in fol.

Magistri Fr. Dominici de Brancaccinis Florentini de Jure Doctoratus libri IV. Romae, apud N. A. Tinassium, 1689. in fol.

Christophori Wittichii Theologia Pacifica defensa. Amstelod. apud J. Wolters, 1689. in 4.

De Jure Gladii Tractatus & de Toparchis qui exercent id in Dioecesi Ultrajectina, auctore Antonio Matthaeo. Lugduni Batav. sumptibus Auctoris, 1689. in 4.

Theodori Craanen Tractatus Physico-Medicus de Homine, edente Theodoro Schoon. Lugd. Bat. apud P. Vander Aa, 1689. in 4.

Johannis Vander Waeyen Summa Theologiae Christianae. Pars prima. Franequer apud J. Gyselaer, 1689. in 4.

Engelands Gods-Dienst en Vryheid herstelt door sin Hoogheid

heid den Heere Prince van Oranien. t' Amsterdam, by Marcus Doornik, 1689. in 4.

Petri Petiti Homeri Nepenthes, sive de Helenæ medicamento luctum abolente Dissertatio. Trajecti ad Rhenum, apud Rud. a Zyll. 1689. in 8.

Histoire de Louis XI par Mr. Varillas. A Paris chez Claude Barbin, 1689. in 4. & A la Haye chez Abraham de Hond, 1689, in 12.

Second Voyage du P. Tachard & des Jesuites envoyés par le Roy au Royaume de Siam. A Amsterdam chez P. Mortier, 1689, in 12.

Traité de la Divinité de Nôtre Seigneur Jesus Christ. A Rotterdam, chez R. Leers, 1689. in 12.

La Monarchie Universelle de Louys XIV, traduite de l' Italien de Mr. Leti. A Amsterdam, chez Abraham Wolfgang, 1689, in 12.

La Juste Idée de la Grace immediate, ou Réponse a la Critique de la Doctrine de Mr. Jurieu sur les Habitudes infuses & la Grace immediate. A la Haye chez Abraham le Hond, 1689. in 12.

Histoire de Guillaume I. Prince d' Orange, avec les Actions de Guillaume III. Roy de la Grande Bretagne. A Amsterdam chez Paul Marret, 1689. in 12.

Histoire des Revolutions d' Angleterre sous le Regne de Jaques II. jusqu' au couronnement de Guillaume III. A Amsterdam chez H. Desbordes, 1689, in 12.

Guerres des Turcks avec la Pologne, la Moscovie & la Hongrie, par le Sr. de la Croix. A la Haye, 1689. in 12.

Voyage de Dalmatie, de Grece & du Levant par Mr. George Wheler. A Amsterdam, chez Walters, 1689. in 12.

Histoire de la Guerre de Hollande depuis l' année 1672 jusques en 1677. A la Haye chez H. van Buldern, 1689. in 12.

Anti-Bailler, ou Critique du livre de Mr. Bailler intitulé *Jugemens des Savans*, par Mr. Menage. A la Haye chez Est. Foulque, 1688. in 12.

Pag. 426 delectantur in margine literæ FG, GC.



ACTA ERUDITORUM

publicata Lipsiæ

Calendis Septembris Anno M DC LXXXIX.

REFLEXIONS SUR LES LIVRES DE L'

Ecriture Sainte &c. i. c.

Considerationes in libros Sacræ Scripturæ ad stabili-
endam veritatem Religionis Christianæ. Tomi se-
cundi Pars altera.

Amstelodami, apud P. Marret, 1689, in 8.

Primam secundi Considerationum harum tomi partem in Actis
nostris mense proximo Augusto pag. 397. seqq. recensuimus.
Nunc promissi memores alteram perlustrabimus. Postquam ni-
mirum ex Veteri Testamento demonstravisset doctissimus Au-
tor religionis Christianæ veritatem, dum ostendit, quomodo scopus
Dei in mittendo Messia, eoque per evidentissima signa manifestan-
do, per omnes Scriptores sacros observatus & traditus fuerit; jam
ad Novum Testamentum progreditur, in quo exactum propositi di-
vini implementum exhibetur, & agnoscendum est, ut ista veritatis
demonstratio sibi recte constet.

Monstrata autem ante omnia accuratam convenientiam Novi
Testamenti cum Veteri, illiusque perpetuum ad hoc respectum,
Præsupponunt nempe libri Novi Testamenti indubitata Veteris ve-
ritatem. Sicut autem hujus finis primarius fuit, ut spem Messie cer-
tam daret, ejusque personam & officium singularibus insigniret cha-
racteribus; ita Novi Testamenti scopus est, ut promissa & prædicta
Veteris Testamenti impleta esse ostendat. Unum idemque igitur
(ait) utriusque objectum est, ab ipso Christo Joh. XVII, 3. expressum:

Hhh

Hæc

Cap. L

Hæc est vita æterna, ut cognoscant te solum Deum, & quem misisti Jesum Christum. Mittendum nimirum significavit Vetus, missum asseruit Novum Testamentum. Eadem etiam est utriusque disciplina, tam cœtus quam singulorum; & Dominus sermone illo suo in monte Matt. V, 5 & seqq. nihil aliud docuit, quam purum sensum legis moralis a Deo per Moysen promulgatæ. Precatio etiam Dominica plena est ideis Veteris Testamenti, quibus Judæi adsuæti erant, ira ut & panis quotidianus, quem quarta petitione poscimus, ad Manna Veteris Testamenti respicere videatur. Lustrationes Veteris Testamenti Baptismus representat, agnum Paschalem & sanguinis effusionem & asperfusionem Sacra Coena. Talia plura addit Autor, ex quibus utriusque Testamenti nexum & respectum ostendat, licet Vetus, quoad ceremonias typicas, secuto antitypo, necessario aboleri debuerit. Utilis etiam est observatio, quod Judæi sub adventum Christi opinione & spe venturi Messia plenissimi fuerint, neque ullum ex vaticiniis Veteris Testamenti, quod singulis Sabbathis publice recitabatur, magis ad animum revocarint. Inde in historia Evangelica tot disquisitiones de Messia leguntur. Eodem pertinet imaginatio discipulorum de regno Israelis, & petitio filiorum Zebedæi, omnesque conatus impostorum, qui se pro Messia gerebant; quamvis hodie ea sit Judæorum malitiosa obstinatio, ut Messia characteres & temporum supputationes magis magisque negligant, imo execrentur, postquam ad argumenta Christianorum de impleto calculo nihil sanæ & solidi respondere possunt. Interim tempore adventus Christi meliori statu erat Ecclesia Judaica, corrupta quidem in moribus maxime, sed Scripturarum intelligentior & cultu religiosior. Vigebant tunc omnes Veteris Testamenti ritus, neque latere poterant notæ & characteres adventantis Messia, nisi ad eos agnoscendos, ob causas profanas oculos perversè clausissent. Manifesta erat sublatio sceptri Judaici a Jacobo Patriarcha prædicta, & ipsi Talmudistæ (Sanhedr. XXIV, 2.) fatentur, quadraginta ante excidium urbis annis ademta Judæis a Romanis fuisse judicia capitalia. Occurrit Autor cavillis Judæorum, quos ex statu Babylonicæ servitutis formant, & notat brevem illam fuisse, & finem ejus post annos 70 a Prophetis clare prædictum, cum nihil tale de restitutione post cladem a Romanis illatam promissum fuerit, & Prophetia donum Judæis prorsus ablatum

Cap II.

III.

IV.

V.

ablaturum, ad Christianos transierit. Allegatur inter alia accuratum implementum temporis, quo Christus mortuus est, a Daniele predictum. Accedit inde Autor ad considerata specialia quædam, ad adventum Christi pertinentia. Commentatur non vulgaria de præcurfore Christi Johanne, & duo ejus vaticinia observat Matth. III. II. 12. unum clarissimum de effusione Spiritus Sancti, obscurius alterum, sed non minus eventu probatum, de excidio gentis. Adducit rationes, cur minime suspecta esse possint, quæ Evangelistæ de Johanne narrarunt, toti Judæorum populo notissima. Genus Mariæ virginis ex tribu Juda & stemmate Davidico, inter alia ex itinere ejus in montana Judææ ad Elisabetham, & ex cantico illius, ut & Zachariæ confirmat. Impleta enim in se esse cætat Virgo, quæ de Messia nascituro promissa erant, quod asserere non potuisset, nisi generis sui conscia; notissimum enim erat, ex Davidis posteris Mesiam prædictum esse. Zacharias autem ex trimestri cum Maria conversatione de mysterio incarnati Messie jam edoctus, profiteri non veretur, in domo Davidis erectum jam esse cornu salutis. Virginitas Deiparæ inter alia ex Prophetico illius dicto percipitur, cum canit: *Eccce beatam me dicent omnes generationes*; id quod non nisi vera & divina vaticinanti applicari potuisset, corruptæ & mendaci nullo modo convenit. Qualis vero descriptus promissusque erat in Veteri Testamento Propheta, Moyse successurus, talis secundum omnia Prophetarum vaticinia in tempore comparuit. Incepit docere in tribu Naphthali & Zabulon, prædicavit pauperibus, annunciavit remissionem peccatorum, ex plebejo & fabro repente doctor absque ulla institutione prodit, moribus tam sanctis, ut provocati ab eo inimici nullum illi crimen objicere potuerint. Miracula omnia, quæ prædicta erant, edidit, congruentibus omnibus temporis, loci & personarum circumstantiis, & tanta facti notorietate, ut a nemine in dubium vocari potuerint, extantibus tot testium millibus, quos per totam Judæam a variis morbis liberaverat, & diu (ut verisimile est) superstitibus tribus hominibus ex morte ab illo resuscitatis. Secutum est exactum implementum omnium, quæ Christus ipse prædixerat, tot Scriptorum testimoniis comprobatum, per totum orbem divulgatum, & in disputationibus Christianorum cum paganis clarissime assertum. Mors ejus qualem sustinuit, & omnia quæ eam præ-

Cap. VI.

VII.

VIII.

IX.

X.

XI.

XII.

C. XIII.
XIV. XV.

XVI.

XVII.

C. XVIII.

XIX.

XX.

XXI.

cesserunt & comitata sunt, accurate erant prædicta, nec minus præcise sunt impleta, consciis multis Judæorum & peregrinorum millibus, ut nulla falsitatis suspicio locum inveniat. Idem apparet de prædicta & secuta resurrectione, ad ascensione in cælum, & de effusione Spiritus Sancti in discipulos, quæ omnia doctis & piis observationibus illustrat Auctor, & ab objectionibus vindicat. Repetit inde quod ab initio operis præstruxerat, religionem Christianam evidentissimi facti probationibus niti, quæ nullius incertitudinis convinci possint; id quod succincta enarratione omnium aut plerorumque, quæ Christus fecit & passus est, demonstrat, & explodendos esse omnes pronuntiat, qui illa in dubium vocare audeant. Si quis vero ambigat, an libri Novi Testamenti vere ab Apostolis scripti sint, considerare eum jubet stylum librorum simplicissimum, auctoritatem Veteris Testamenti, quæ ubique substruitur, sinceritatem narrationis, quæ etiam ea complectitur, quæ nullus impostor propalasset. Observat etiam, quod libri Evangelici primitivæ Ecclesiæ tempore in celeberrimis & populosissimis urbibus publice prælecti, epistolæ etiam Apostolorum ad illustres & numerosas civitates & ecclesias missæ fuerint, nemine de autoribus librorum aut epistolarum dubitante; ut propagato illo per tot secula testimonio, frivola sit omnis de autoribus hæsitatio. Addit plura ad eundem finem, & insignes veritatis characteres erudite eruit & confirmat. Pro conclusione operis duas subiungit observationes. Notat *primo*, quod aliud implementum prophetiarum Veteris Testamenti neque dari neque excogitari possit, quam quale in historia Evangelica describitur. Respici inprimis jubet totalem illam Judaismi dissipationem & confusionem, qua inter alia factum est, ut stantibus Veteris Testamenti principiis, nullus unquam Messias præter Christum demonstrari possit, aut plane nullus unquam sperandus fuerit, quod absurdum & impium dictum est. *Secundo* ad Judæorum oblationes respondet, siue religionem Christianam pugnare dicant cum ratione, (in asserenda v. g. Trinitate personarum, & virginitate Mariæ) siue sectis & divisionibus Christianorum impediri se dicerent, quo minus ad eorum sententiam accedant. Primæ objectioni revelationis & testificationis divinæ certitudinem opponit; altera negat moveri debere Judæos, quia hæreses ad examinandam & firmitus stabiliendam veritatem conducunt,

ducunt, & de quæstionibus facti nullus aut exiguus est inter Christianos dissensus, dum capitales fidei articulos quoad factum uno ore omnes consentiunt.

JOHANNIS COCCEJI, THEOL. D. ET PROF.
Lexicon & Commentarius Sermonis Hebraici & Chaldaici. Editio altera, Lugdunensi longe correctior atque auctior, opera atque studio Jo. Maji.

Francofurti ad Moenum, apud Balthas. Christoph. Wustium,
 1689, in fol.
 Constat plagulis 152.

EX eo tempore, quo Johannes Reuchlinus, (Capnio vulgo dictus) Ebraicæ linguæ studium in Germaniâ potissimum excitavit, Grammatica & Lexico primum Pforzhemii anno 1506 publicatis; non pauci viri hujus industriam æmulati, nova Lexica Ebraica adornarunt, quorum auxilio studiosa juvenus sermonem Propheticum veteris divini codicis intelligere posset. Sed tamen dissimulandum non est, fuisse interea temporis viros harum literarum callentissimos, qui in omnibus, quæ prodierunt lexicis, aliquid desiderarint, adeoque perfectius aliquod requisiverint. Id quod in præfatione sua hic etiam Clarissimus Majus animadvertit. Huic eruditorum desiderio satisfecerit doctissimus Coccejus, qui instinctu Serenissimæ Principis Palatinæ Viduæ, Mariæ Eleonoræ Brandenburgicæ, A. 1669 Lugdun Batavorum hoc Lexicon primum in lucem publicam emisit, nostrum non est determinare. Id tamen in eo novum deprehendere licet, quod ex B. Lutheri versione Bibliorum Germanica interpretamentum inferuerit, & collatis Sacræ Scripturæ sententiis, proprietatem tum singularum dictionum, tum phrasium indagare atque exprimere fideliter laboraverit. Ex LXX interpretatione etiam Græca subinde vocabula inspersit, ut, quid distet illa versio a fontibus Ebraicis, appareat. Qua occasione multa simul Veteris Testamenti loca illustrat; admixtis tamen quandoque suis hypothesibus, quas in Theologia ab aliis in Belgio Theologis diversas fovet. Clarissimus Editor illud a mendis, quibus Lugdunensis editio infecta erat, purgavit, signifi-

cationes vocum diversas numeris distinxit, auctorumq; a Coccejo adductorum loca indicavit: quin & Animadversiones ac Supplementa seorsim excusa adjecit, brevia quidē, & ut ipse vocat, subitaria, sed quæ specimen tamen exhiberent perfectioris, tum in restituendis radicibus oblitteratis, tum in constituendis significationibus genuinis, Operis; quali elaborando si impendere ingenium viresque Vir doctissimus voluerit, de publico præclare merebitur.

DEFENSIO ANTIQUITATIS REGALIS SCOTORUM *pro sapia, qua ostenditur, a quo primum tempore Scotia regibus gubernata sit: libris episcopi Asaphensis, & doctissimi Stillingfleeti S. S. Theol. Doctoris opposita: autore Georgio Mackenzie, Regii in Scotia Advocati. Ex Anglicana in Latinam linguam versa a P. S.*

Trajecti ad Rhenum, apud Franciscum Halma, 1689, in 8.

Constat plagulis 14.

DE antiquitatis prærogativa ut armis olim inter Anglos Scotosque certatum fuit, ita calamo etiam contendì superiori seculo cœpit. Primus eum contra Scotos *Luddus* quidam strinxit, sed cui obviâ strenue itum est a *Buchanano* in primo & tertio historiarum suarum libro. Cum vero postea *Luddi* vestigia *Cambdenus* juxta ac *Usserius* legissent, Scotorum causa in ambiguo fuit, controversia vero ipsa tantum non sepulta jacuit; Anglis post regnorum sub Jacobo I. conjunctionem Scotiam Angliæ, Scotis Angliam Scotiæ, quoties decreta Comitiorum recensionem tituli regii postularent, postponentibus, Resuscitata vero paucis abhinc annis lis fuit, cum vir celeberrimus *Wilhelmus Lloyd*, Episcopus Asaphopolitanus, in Historica sua Relatione de regimine ecclesiastico magnæ Britanniæ & Hiberniæ, quale id fuerit, cum primum Christianam fidem susciperent, Anglico idiomate conscripta (quam excerptam Acta anni 1685 p. 120 exhibent) arrepta occasione nullum genti Scotorum in Britannia ante annum Christi 503, nullam religioni Christianæ Scotos inter locum tribuens, Scotorum præ Anglis antiquitati adeo derogasset, ut XL etiam nationis Scoticæ ante Coranum, quem anno 501 rerum potitum esse ajunt, reges, quasi fuissent haut unquam, rejecerit, severamque in Historicos

Historicos alia edifferentes strinxerit censuram. Offensi enim Scotorum animi instituto isthoc vehementissime fuerunt, ac *Mackenzius*; eques auratus, quod Comes Perthenensis, supremus Scotiæ Cancellarius, librum Asaphani ad se misisset, multique stimularent alii, Vindicias antiquitatis regiæ familiæ Scotorum sermone Anglico promulgavit, quarum summam Acta nostra concisissime exhibent anno 1686 p. 317. Sed patrociniū episcopi Asaphani doctissimus vir *Edwardus Stillingfleet* paulo post suscepit, in Antiquitatibus Britannicarū Ecclesiarum, earumque præsertim præfamine; atque illud hoc magis, quod episcopo Mackenzius crimen læsæ majestatis intentasset, siquidem reges magnæ Britanniæ, qui ratione Scotiæ antiquissimi in orbe monarchæ sint, tali pacto ultimos fecerit, imo ipsam regalis prosapiæ successiōem prorsus intempestive adduxerit in discrimen. Opus Stillingfleeti Anglicum in Actis recensuimus p. 24 A. 1688. Nec destituit tamen *Mackenzius* suam causam. Nam Stillingfleetō peculiare scriptum opposuit, sed quod nostras ad manus nondum pervenit, nisi in hac, quam nunc exhibemus, *Defensione*, in qua interpres P. S. ex consilio Mackenzii utrasque, ad Lloydum & ad Stillingfleetum directas responsiones, in unum congestas librum donatasque Latinitate publici fecit usus. Ille vero liber lectori primo in limine sistit dedicationem Mackenzii ad Jacobum II Regem magnæ Britanniæ, epistolam insuper ejusdem ad Perthensem Comitem; quibus interpres dedicationem suam *Job. Georg. Grævio* inscriptam addidit, efflagitans, utis atque *Gronovius* arbitrium causæ haud gravatim velint suscipere. Opus ipsum XIV vel rectius XIII capitibus (nam in sexto numerus fallit) absolvitur. In primo Auctor prolixius edocet, quæ fundamenta sint historiæ veritatis. Animadvertit, quod historia omnis nec mathematicas demonstrationes, nec solennes legibus constitutas probationes requirat; quin firmâ satis sit, si communi indigenarum natiuræ consensu, utpote cum exteri aliam nullam, quam ab his traditam notitiam hausisse possint. Eum vero consensum tum justum esse pronuntiat, quando fide dignis traditionibus, codicibus ac testimoniis domesticis absolvatur, tandemque exterorum suffragiis, rationibus probabilibus, & omnium adplatu obfignetur; quemadmodum gentium quarumlibet, Judaicæ quoque, historia fulcris aliis atque talismodi haudquaquam sustineatur. Reliquis capitibus præmissa

hæc

hæc hypothesis Scoticæ historiæ ordine applicatur. Etenim in secundo Traditiones, quæ Scotos inter antiquos vigerint, e quibus sequaci tempore Historici copiam mutuo acceperint scribendorum, & probat Autor, & vindicat, perhibens Scotos, quorum majores ex Græcia in Gallaciâ, ex hac in Hiberniâ, tandemque in Britanniâ partem, quæ hodie Scotia audit, trajecerint, cum Druidas suos habuisse, qui Græco idiomate publicas æque ac privatas rationes consignarint; tum Sanachios & Bardos, quorum hi numeris, illi soluta oratione traditiones de genealogiis nobilium posteris transmiserint; præterquam quod, *Forðono* ac *Majore* testibus, in priscorum inaugurationibus regum inque illorum exequiis, nobilis quidam annis & dignitate venerabilis more consueto genealogias regalis Scottorum prosapiæ a primo usque fundatore retexuerit; quemadmodum id non constet tantum de inauguratione Alexandri III facta anno 1249, deque exequiis Davidis anno 1150 mortui, verum adhuc hodie moris sit atque consuetudinis. Addit Lycurgum vetuisse scribi suas leges, ac tamen dicente Plutarcho, eas ultra 600 annos in hominum memoria servatas: pariter Judaicam historiam primis bis mille annis non nisi traditionibus constitisse. Eapropter liquidum satis esse ait, res Scotticas traditione ab initio probe fuisse conservatas, maxime quod ad annos tantum 800 ea, monumentis postmodum studiosius exaratis, persisterit; istis etiam temporibus, quibus vita hominum longior fuit; quodque Scoti, qui ipsis Romanis obicem posuerant, a nulla gente fuerint subjugati, secus ac in Angliâ factum, cujus genealogiæ a tot victoribus sint turbatæ, mutatæ, ac suppressæ. Capite tertio MSSis vetustisque monumentis Scotticam historiam, & quidquid de antiquitate nationis ea comprehendit, niti ostenditur. Declaratur namque, in monasterio Hy sive Jonæ, circa annum Christi 506 condito, ac sepulcra XLIIX priscorum Scotticæ regum totiusque gentis annales continente, abunde MSSorum existisse, nec caruisse ejusmodi thesauro cœnobita alia, quæ magnam partem nominantur; quippe cum singulis duo libri fuerint, unus, quem Registrum aut Chartubarum adpellarunt, jura & instrumenta monasterii continens; alius Niger dictus, complectens res memorabiles cujuslibet anni. Insuper testes MSSi, ad MSSa hujus generis antiqua provocantes, adducuntur magnam partem ex *Chambers de Ormond*,
Verimur-

Verimundus Hifpanus Fani *Andræ* anno 1076 Archi-Diaconus; *Turgotus*, quem *Scoticæ nationis* annales a primordiis ad annū 1098, quo vixit, interpolasse dicunt; *Aluredus Rivalleſſis*, qui hiftoriam *Davidis* concinnavit, mortuus anno 1166; *Joannes Campbellus*, qui ab origine gentis *Scotorum* hiftoriam ad annum 1260, quo floruit, perduxit; *Bartholomæus Anglicus*, a quo ſcriptum *Scoti-Chronicon* circa annum 1360, alii que. Quartum caput *Historicos Scotorum* adducit, diſtam antiquitatem adfirmantes: *Joannem Fordonum*; *Joannem Majorem*, Scholæ *Theologicæ Lutetiæ* *Parif. Gymnaſiarcham*; *Buchananum*; *Leſtium* episcopum; *Dempſterum* ac alios plures: adductos ab objectionibus cum *Lloydii* tum *Stillingfleeti* adſerit. Sexto (nam quintū caput abeſt) reſtimonia ex *Historicis* exteris conſiſtitur, Autor monet, Romanos quidē, quod in *Scotiam* intimius nunquā penetrarint, de rebus gentis non ita potuiſſe ſcribere, uti de *Brittonib9* ac *Gallis*, populis a ſe devictis: nihilominus tamen locū *Eumenii* in *Panegyrico* ad *Constantinū*, cujus verba recenſentur, explicantur, vindicantur; item aliū *Latini Pacatii Drepanii* in *Panegyrico* ad *Theodoſiū ſeniorē*; adhuc alia *Seneca*, *Valerii Flacci*, *Martialis*, *Taciti* &c. *Scotis* favere probat. *Florum* poetam *Scotorum* etiam mentionem feciſſe vult, in carmine ad *Adrianum* ſcribentem: *Ego nolo Caſar eſſe, ambulare per Britannos, Scoticas pati pruinas*; perperam enim *Scythicas* legi, ſiquidem *Adrianus* nunquam in *Scythia* fuerit, attamen bellum *Scotis* intulerit & *Adriani* ſtrui curarit vallum. Septimum caput decem argumenta a ratione petita complectitur. Octavum & decimum objectiones, episcopi *Aſaphopolitani* aggreditur. Præcedens nonum criticos & antiquarios, *Scaligerum*, *Sigonium*, *Seldenum*, *Lipſium*, ac *Baronium* in partes vocat, æquum judicante Autore, ut adverſarii, cum *Scotos* repudient, exteris, quales plerique ſint, commiſſum arbitrium relinquant. In cap. XI Autor errores notat, in quos ſint prolapſi *Antagoniſtæ*. Perſtringit *Lloydium*, quod *Stanibuſtum* & *Giraldum* *Cambrenſem*, longe alia innuentes, ad ſuas partes invitos traxerit. Hinc *Liſſerium* culpât, qui *Sedulium* atque *Marianum* *Hibernos* vocet, cum fuerint *Scoti*. *Vardaum* etiam ridet, quod integrum librum concinnarit, *Lovanix* cum commentariis *Sirini* anno 1662 vulgatum, eo probaturus, *Rumoldum*, Archi-Epiſcopum *Mechlinenſem*, *Hibernum* fuiſſe; cum tamen ex regum

Scotiæ stirpe oriundus insignia ejus regni usurparit, ac omnibus fenestris Basilicæ, uti adhuc conspiciatur, inseruerit. In XII. recensetur, qua ratione Scotiæ reges, ex Hibernorum regio stemmate oriundi, sanguinis necessitudine mixti successive Brittonibus fuerint, Pictis, Danis, Anglis, Normannis ac Cambro-Britannis. In XIII. disputat cum Stillingfleeto super genealogia regum Scotiæ, ipsiusque objectiones ex genealogia supra nominata, quam montanus aliquis nobilis in Alexandri III inauguratione anno 1249 recitavit, quæve in fine capitis adjecta legitur, discutit. Demum in XIV evincere nititur, Scotorum Historicos Hibernis anteferendos, cujus contrarium Stillingfleetus Hibernos sæpe adhibens adfirmarat. Argumenta quibus utitur Autor, præcipua sunt: (1 Stillingfleetum ipsum in sua præfatione probare conari, Hibernos nullum solidum Historici columnen ante XI. seculum habuisse, adeoque multo post eam ætatem, qua cum ipse, tum Lloydus gentem Scotticam in Scotia confedisse agnoscant. (2 Hibernos multa, quæ intra proxima sex a Japheto secula gesta fuerint tradere, v. g. quosdam 40 diebus ante diluvium ex Hibernia profectos; Bartholanum cum quibusdā aliis anno 312 mense Majo, quarto a novilunio & Mercurii die post diluvium, in Hiberniam venisse &c. quæ fabulosa sint, neque abs alio ullo Historico animadversa. (3 In genealogiis Hibernicis errores Chronologicos, item circa successionem regum Scotticorum contineri: imo nec Stillingfleetum cum Asaphopolitano convenire, neque huic cum Cambdeno, Usserio atque aliis.

VERA CONSTRUCTIO GEOMETRICA PRO-
blematum Solidorum & Hyper-solidorum, per
rectas lineas & circulos, Autore J. B.

Quadratura Circuli, Inventio quarundam mediarum proportionum inter datas rectas, Cubi Duplicatio, Trisectio Anguli, &c. Problemata fuere ab omni retro memoria vexatissima & antiquitus usque adeo celebratissima. Inter illa hoc intercedere notatur discriminis, quod Circuli Tetragonismus nullatenus vel calculo exhiberi, vel constructione accurata confici hucusque potuit, dum cætera construi quidem possunt, sed ita, ut ad ipsorum



Fig: 1.




Fig: 5.





Fig: 3.



ipforum constructionem requirantur lineæ, quas Veteres ob difficilem & incommodam earum delineationem, non omnino in Geometriam admittere ausi fuerunt: quapropter præstantissimi omnium seculorum Geometræ in rei arduæ molimine quærentes gloriam, eo semper omnes suas vires intenderunt, ut tum circulum si qua possent arte quadrarent, tum reliqua memoratorum Problematum linearum rectorum & circularum ope construerent; quorum tamen utrumq; pari difficultate involutum senserunt, quousque a perspicacioribus ingeniis omnimoda utriusque impossibilitas hoc nostro ævo detecta fuit. Hac itaque visa, alia sibi incedendum esse via rati sunt; cumque Circuli exactum valorem uno aliquo numero exhiberi posse impossibile ducerent, eundem saltem per seriem infinitorum numerorum exprimere sunt annisi; qualem omnium primus initio horum Actorum vulgavit Cel. Leibnitius. Ei, quod hic in quadrando circulo præstitit, simile nunc ego quiddam circa reliqua illa, & in genere circa omnia solida multaue etiam hyperfolida Problemata aggredior, & quod circini normæque ope una aliqua constructione accurate consequi hactenus non licuit, hoc per seriem, ut sic dicam, constructionis certa lege in infinitum continuandæ exequor; eaque ratione id obtineo, ut quæsitæ radici ita continuo magis magisque appropinquetur, ut error tandem data quavis quantitate minor fiat, totaque adeo constructionis series exactum ejus valorem exprimere debeat.

Notum, omnes Æquationes Cubicas, ad quas Problematum Solidorum difficultates referuntur, ad unam harum Formularum reduci posse: $x^3 = -apx + aaq$, $x^3 = -apx - aaq$, $x^3 = +apx + aaq$, & $x^3 = +apx - aaq$; quarum prima habet unam radicem veram, altera unam falsam, tertia unam veram cum duabus falsis, & quarta unam falsam cum duabus veris.

I. Pro inveniendâ Radice vera Æquationis $x^3 = -apx + aaq$, aut falsa bujus, $x^3 = -apx - aaq$.

Constr. Ductis (fig. 1.) indefinitis rectis BP, GV, normaliter se decussantibus in puncto A, assûme in earum una AH = a, & ex eadem parte AG = $\frac{1}{2}p$; in altera AB = q, & in parte opposita punctum utrunque P; tum ita perge:

TAB. X.
Fig. 1.

Dia- metro	{ R P Q BR BS	{ defec. arc. sec. secant AV in	{ V X Y Z	psique	{ AV AX AY AZ	=	{ AC AD AE AF	dis- tan- ciaeque	{ GC GD GE GF	suma	{ GL GM GN GO	diame- troque	{ HL HM HN HO	{ defec. arc. sec. secant AP in	{ Q R S T, &c.

Ubi observandum, quod si punctum P casu sic assumptum fuerit, ut facta deinceps circini revolutione punctum Q coincidat cum puncto P, erit AP vel AQ ipsa quaesita radix accurata: sin minus, rectæ AP, AQ, AR, AS &c. ad verum valorem radices continuo magis magisque, & tandem data quavis quantitate propius accedent.

2. *Pro inveniendâ Radice vera Aequationis* $x^3 = \pm apx \pm aaq$;
aut falsa hujus, $x^3 = \pm apx - aaq$.

Fig. 2. Constructio (fig. 2.) eadem, quæ præcedens, nisi quod AH & AG ad partes oppositas sumendæ, & GL, GM, GN &c. non deorsum versus A, sed sursum abscindendæ sunt; quâ ratione lineæ AP, AQ, AR &c. valori radices, ut prius, magis magisque appropinquabunt.

3. *Pro inveniendis Radicibus falsis Aequationis* $x^3 = \pm apx \pm aaq$;
aut veris hujus, $x^3 = \pm apx - aaq$.

Fiat ibidem AB = AB, sumtoque AR quam minimum & insensibiliter differre a radice vera prioris, aut falsa posterioris Aequationis (prout illa per præcedentem constructionem reperta fuit) jungatur RH, eique parallela ducatur bh; factisque As = $\frac{1}{2}$ AR, & Ag = Ah, diametro gH describatur arcus circuli secans AP in l, aliusque centro s radio As, quem secet recta lq parallela ipsi AG in punctis p & q; eruntque lp, lq, binæ radices quaesitæ. *Not.* si circuml centro s descriptum non secet vel tangat recta lq (quod fit, cum ultimus æquationis terminus major est quarta parte cubi, aut quantitas cognita penultimi minor tribus quartis partibus quadrati radices AR; aut etiam cum quadratum semissis ultimi majus cubo trientis quantitatis cognitæ penultimi:) indicio est, duas reliquas radices esse imaginarias.

Fig. 3. *Alter per peculiarem constructionis seriem:* (fig. 3.) Fiant eadem, quæ supra, nisi quod rectæ AC, AD, AE &c. (Ac, Ad, Ae &c.) non jam capiendæ sunt in linea AB, sed applicandæ semicirculo super diametro AG descripto; distantiisque GC, GD, GE &c. æquales abscindendæ GL, GM, GN &c. sursum pro majore radicum quaesitarum (saltem in primo sequentium casuum:) & ipsis Gc, Gd, Ge &c. æquales Gl, Gm, Gn &c. deorsum pro minore: Ubi cavendum, ne punctum

punctum P (p) quod constructionem inchoat, assumatur vel prope vel remote nimis a puncto A; fieri enim posset, ut sic assumtum alterutram rectarum AC vel AD (Ac, Ad) majorem exhiberet, quam quæ circulo inscribi posset: facile autem assignari possunt limites, intra quos si capiatur punctum P, id incommodi evitabitur; nam

1. Si *Quadratum ultimi termini minus est Cubo semissis quantitat*
is cognita penultimi: Sumatur (fig. 4.) ad BA & AG tertia propor-
tionalis AM, ut & tertia ad HA & inventam AM, quæ sit AL, major
scilicet futura ipsa AG: hinc semicirculo applicetur GC = GL, jun-
ctaque AC quaratur tertia proportionalis ad AB & AC, quæ sit AN;
eruntque puncta M & N limites, quos intra quodvis punctum accipi
poterit pro inveniendâ radice majore: pro minore nullo indigemus
limite ex parte A, sed quodvis punctum inter A & M pro initio con-
structionis accipi poterit; quod & de radice majore intelligendum,
quando ipsa GL major est, quam ut semicirculo inscribi possit.

2. Si *Quadratum ultimi termini aequale est Cubo semissis quant*
itatis cognita penultimi; limites M & N indistantes fiunt; proinde
ipsa AM vel AN est radix major.

3. Si *Quadr. ultimi termini majus est Cubo semissis quant. cogn.*
penultimi, radix major consistit in indivisibili, hoc est, quo diutius
continuatur constructio, eo longius ex utraque parte ab ejus genuino
valore receditur: quare tum sola minor appropinquando inveniri
poterit: qua tamen cognita nec major latebit amplius, quandoqui-
dem ambarum summa tertiam radicem supra per construct. fig. 2. in-
ventam perpetuo, ut notum est, in istis æquationibus æquat. Sumto
igitur rectam AR huic tertiæ radici proximè accedere, ut statuminen-
tur porro limites pro inveniendâ altera, biseccetur AR, poteritque
punctum quodvis in sinistra ejus medietate acceptum pro operatio-
nis initio statui.

4. Si denique *Quadr. semissis ultimi termini aquet cubum tri-*
*entis quantitat*is *cognita penultimi*, erit quæ sita radix utraque æqualis
semissi rectæ AR: *sin cubum hunc superet*, constat, utramq; esse imagi-
nariam; quare nec per hanc constructionem ulla inveniri potest.

Cæterum observare non injucundum, quo pacto in omnibus
istis constructionibus rectæ AP, AQ, AR, AS &c. (Ap, Aq, Ar, As
&c.) fig. 1. 2. 3. continuis vel incrementis vel decrementis vero radi-

cum valori appropinquant; præterquam pro sola radice majore figuræ tertiæ, ubi alternis nunc decrementis nunc incrementis ad ejus valorem accedunt; sic ut verus radicis valor ibi exprimat per seriem infinitam: $AP + PQ + QR + RS \&c.$ vel $AP - PQ - QR - RS \&c.$ hic per seriem: $AP + PQ - QR + RS - ST \&c.$

Quemadmodum vero nulla jam dari potest Æquatio Cubica, quæ non eo reduci possit, ut juxta allata præcepta solius circini & normæ ope construi queat, ita similes omnino afferre possem regulas pro constructionibus Æquationum 4 dimensionum, si Lectori voluptatem eadem proprio Marte eruendi præcipere vellem. Unam exempli loco dabo pro Æquatione $x^4 + a p x x - a a q x - a a r = 0$, ad quam construendam eadem prorsus observanda, quæ fieri jubentur in figura 1. nisi quod insuper in recta BP abscindenda est ex A in alterutram partem recta Ar, quæ sit media proportionalis inter a & r; & tunc rectæ AC, AD, AE &c. non ipsis AV, AX, AY &c. sed distantis rV, rX, rY &c. æquales capiendæ.

Subjungo nunc applicationem novæ hujus construendi methodi ad nobilissimum Problema de Inventionem quarundam mediarum proportionalium:

Fig. 5.

α. Invenire duas medias proportionales inter duas datas: (fig. 5.)

Constr. Ductis normalibus indefinitis CB, NR, sese ad rectos angulos secantibus in A, abscindantur ex earum una rectæ AC, AB; æquales datis: quo facto

$$\begin{array}{l} \text{Dia-} \\ \text{metro} \end{array} \left\{ \begin{array}{l} BC - - \\ - CH - \\ BD - - \\ - CI - \\ BE - - \\ - CL - \\ BF - - \end{array} \right\} \begin{array}{l} \text{deser.} \\ \text{arc.} \\ \text{circ.} \\ \text{secans} \end{array} \left\{ \begin{array}{l} AN - - \\ - AR - \\ AN - - \\ - AR - \\ AN - - \\ - AR - \\ AN - - \end{array} \right\} \text{in} \left\{ \begin{array}{l} N - - \\ - R - \\ O - - \\ - S - \\ P - - \\ - T - \\ Q - - \end{array} \right\} \text{ipsique} \left\{ \begin{array}{l} AN - - \\ - AR - \\ AO - - \\ - AS - \\ AP - - \\ - AT - \\ AQ - - \end{array} \right\} \text{fiat} \left\{ \begin{array}{l} AH - - \\ - AD - \\ AI - - \\ - AE - \\ AL - - \\ - AF - \\ AM - - \end{array} \right\} \&c.$$

Hac ratione rectæ AD, AE, AF &c. magis magisque appropinquabunt primæ & rectæ AH, AI, AL &c. secundæ duarum mediarum proportionalium inter datas AC & AB, quousque easdem post infinitam operationis seriem præcise assequantur.

Fig. 6.

β. Invenire quatuor medias proportionales: (fig. 6.)

$$\begin{array}{l} \text{Dia-} \\ \text{metro} \end{array} \left\{ \begin{array}{l} BC \text{ deser.} \\ BD \text{ arc.} \\ BE \text{ circ.} \end{array} \right\} \left\{ \begin{array}{l} N \\ O \\ P \end{array} \right\} \text{ipsique} \left\{ \begin{array}{l} AN \\ AO \\ AP \end{array} \right\} \text{fiat} \left\{ \begin{array}{l} AH \\ AI \\ AL \end{array} \right\} \begin{array}{l} \text{hinc quærat} \\ \text{per præced.} \\ \text{prima 2. med.} \\ \text{proport. inter} \end{array} \left\{ \begin{array}{l} AH \\ AI \\ AL \end{array} \right\} \text{quæ sit} \left\{ \begin{array}{l} AD \\ AE \\ AF, \&c. \end{array} \right\}$$

AC &


Hac

Haeratione ipsa AD, AE, AF &c. accedent primæ, & AH, AI, AL &c. tertiæ quæ sitarum quatuor proportionalium inter AC & AB,

γ. *Invenire sex medias proportionales:* (fig. 7.)

Fig. 7.

Datæ sint sicut antea, CA & AB; & fiat AQ = AC; tum vero



Quo pacto ipsa AD, AE &c. appropinquabunt primæ; AR, AS &c. secundæ; & AH, AI &c. quartæ sex mediarum proportionalium.

In plerisque harum, ut & superiorum, constructionum hoc peculiare annotamus, quod delineatis semel normalibus indefinitis & abscissis rite datis, cætera constructio seu appropinquatio fieri possit; ut circinus non amoveatur e charta, sed perpetuo alternis super illa pedibus incedat, & quasi in orbem ambulet; si modo concedatur rectæ bisectionis mechanica, quæ nunc aperiendo, nunc claudendo circinum peragitur.

Observandum etiam, non necessum esse, ut diametro CB arcus describatur, ad determinanda puncta H & D: potest enim alterutrum horum initio statim operationis accipi ad lubitum, & ab illo inchoari constructio: & quidem si constructionem compendificare desideres, poteris rectas AH vel AD tales assumere, quas iudicio oculorum æstimaveris, aut aliunde sciveris, quæ sitis proportionalibus quam proxime accedere.

Qualescunque vero assumantur, plerumque pauca admodum circini revolutiones requiruntur, ut error penitus insensibilis evadat; adeo ut præter Geometricam huius negotii *expensæ*, ad ipsam quoque praxin mechanicam vix quicquam accuratius & expeditius dari possit; quod si quis secum rite pensitaverit, fatebitur, & hoc invento non levem Geometrix accessionem factam esse.

In Actis huius anni p. 3 12. lin. pro antepenult. pro *sang. perpendis. lege, sang. ang. perpendit.*

Voyage

ACTA ERUDITORUM
 VOYAGE DE DALMATIE, DE GRECE ET DU
 Levant, par MS. G. VVbeler.

sive,

Dn. Georgii Wheleri, Armigeri Angli, Iter in Dalmatiam, Græciam, aliaque Maris Mediterranei loca.

Amstelodami, apud Joh. Wolters, 1689. in 12.

Constat plagulis 36.

Librum exhibemus, qui Gallicum noviter indutus habitum ad nostras nuper demum oras pervenit; ut ut jam ante aliquot annos, & quidem ut videtur, non ita diu post *Jacobi Sponii* Itinerarium, Anglicè conscriptus prodierit. In præfatione, cujus quidem non integrum contextum expressit Gallicus Interpres, sed potiora tantum ejus contenta, genii utriusque linguæ discrepantiam causatus, rationes reddidit Autor, cur post editam licet a Sponio itineris sui cum illo peracti descriptionem, quippe quæ & ipsum *Wbeleri* nomen in rubrica præ se fert, non tamen omiserit suum hocce scriptum orbi communicare. Nimirum etsi hoc Itinerarium cum Sponiano in plerisque consonet, haud paulo locupletius prædicari nihilominus meretur: nam cum Sponius cognitioni antiquorum monumentorum præcipue semet impenderit, aliarum rerum minus curiosus; noster e diverso præter istorum descriptionem, variis observationibus res naturales maxime concernentibus immorari voluere duxit: aliquot etiam septimanis diutius in Græcia commoratus, regiones quasdam lustravit, quas Sponio, reditum scilicet festinanti, videre nondum contigerat: præterea & in circumstantiis nonnullis hujus sui comitis relationibus contradicere necessum duxit, quod istum semel iterumque commentaria atque diaria sua fefellisseprehenderet.

Divisus autem omnis hic labor est in duos tomos, quorum uterque rursus in tres separatos libros dispescitur. Nimirum Tomi I. libro primo persequitur Autor historiam itineris ex urbe Venetiarum Constantinopolin usque peracti; secundo describit civitatem Constantinopolitanam, cum locis quibusdam vicinis & antiquitatibus ibi obviis, ac tertio iter per Asiam minorem: Tomi II. liber primus idem

CONTI-

continuat ex Zacyntho versus Athenas; cujus urbis plenariam delineationem *secundus* largitur; ac *tertius* denique diversas excursionis ex eadem civitate in Atticam, Corinthum, Boeotiam factas enarrat. Eadem methodus a Sponio quoque observata reperitur: qui & ipse cum jam in omnium manibus dudū versetur, non opus fore credimus quicquam eorum hic commemorare, sive seriem & loca itineris, sive ejus tempus, sive denique res notabiles ubivis observatas concernant, quæ ab isto jam tradita fuere: sed iis potissimum excerptis operam dabimus, quæ ab ipso prætermissa, aut certe non ita plene explicataprehendimus. Et omnium quidem primo mentionem meretur nova ista *Achaia*, quousque ab Autore peragrata est, quam communicat, Mappa Geographica; quippe quam omnibus aliis, quotquot hac de regione hætenus extent, correctiorem esse confidit; in qua quod promontoria, flumina, portus, montes, provincias concernit, nomina antiqua simul cum recentioribus exprimere pensit habuit: at urbium nomina moderna modo adscribere fuit contentus, quarum tamen exactam descriptionem in *Tractatu Latino de Attica* dare promisit. Delineavit vero potissimum hanc mappam e vertice diversorum montium ope pyxidibus magneticæ, reductis nempe ad certa triangula locorum positionibus & adhibita dein scala secundum distantiam cognitam duorum locorum: quam quidem methodum magis accuratam autumat ea, quæ fit per longitudinum indagationem, nimis puta incertitudini obnoxiam; unde optat, ut tabulæ Geographicæ universales simili ratione concinnarentur; quod quo pacto fieri posset, quodammodo in præfatione docuit. Porro cum scientia botanica maxime delectaretur, in plerisque, quas perlustravit, terris sedulo annotavit plantas potiores, quæ ipsi occurrerunt; rarioribus etiam subinde figura ænea expressis atque depictis: de quibus tamen vel ideo dicere superfedemus, quod earum præcipuas jamjam a solertissimo *Rajo* Historicæ Plantarum, nequaquam suppresso nobilissimæ *W. beheri* nomine, inseras reperimus. Plurima quoque in effigie communicavit numismata, partim in itinere coemta, partim post reditum in Angliam ipsi transmissa, ad declarandas antiquitates variorum locorum haud parum facientia, quæque una diversis observationibus philologicis ansam dederunt: sed cum eorum plurima pariter jam a Sponio publicata fuerint, quodque reliquas attinet, selectum

- instituire difficile, omnes vero commemorare prolixum nimis sit, malumus ad librum ipsum ablegare talium curiosos, ubi eorum figuras quidem in frontispicio uno in cumulo, explicationem vero sparsim in ipso contextu, ubi ipsorum mentio facta, reperient secundum numeros in paginarum margine expressos. Jam ad specialia magis ut descendamus, indeque in gratiam lectoris unum alterumve excerpamus, exempli loco memorat Autor, se *Zara* in Dalmatia vidisse famosum illud, quod creditur, corpus S. Simeonis, Christum puerum quondam in templo amplexati: quod simillimum ratione coloris albicantis & speciei incorruptæ esse perhibet iis cadaveribus, quorum Tolosæ ad quingenta fere spectaverit, in cœmeterio templi Franciscanorum; cuius nempe loci ea sit natura, ut corpora ibidem humata intra anni spatium mumiarum instar evadant, colore albido, ita quidem, ut exsiccata paulatim omni humiditate, muscoli, nervi atque pellis suam retineant consistentiam, & digitis quoque compressa resiliant locumque tueantur; quemadmodum & sese rem habere cum cadavere S. Catharinæ, quod miraculis clarum Bononiæ spectatur, adstruit. Prope aliam ejusdem nominis urbem, sed quæ ad differentiam *Zara vetus* dicitur, observavit tellurem velut crosta quadam saxeæ ac squamosa operiri, qua de superficie sublata humus emergat fertilissima & olearum vinique feracissima. Tragurii, quæ nunc *Traon* dicitur, perlustravit Autor celebre illud MSC. Fragmentum Petronii Arbitri, a *Valesio* quidem pro suspecto habitum, at a *Lucio* & Romano Abbate *Gradi* propugnatum, & a *Reinesio* quoque nostro cum solida Epicrisi, suisque & *Job. Schefferi* notis Lipsiæ a. 1666 editum: sicut & aliorum MSCC. mentionem facit, in insula *Corfu* apud Hieronymum *Machi*, abbatem Palæopolitanum repertorum plusquàm viginti, nunquàm hactenus typis impressorum, e quibus nominatim commemorat Origenis Commentarium Græcum in Evangelium S. Johannis; item Augustinum de Trinitate ex Latino in Græcum translatum, ut & Sermones Ephrem antiqui monachi, aliaque. Quoad insulam *Zacynthum* annotat, montem urbi primariæ adjacentem adeo fortiter percutere solares radios, ut media etiam hieme tantum caloris circa eum sentiat, ac in Anglia per æstatem, dum caletur maxime: fontibus etiam quamplurimis irriguum hunc montem reperit, utur mari adeo vicinum, ut vix viginti passibus ab eo distent istarum scaturiginum

ginum aliquæ, in istud etiam semet exonerantes: unde argumentum peti posse noster existimat adversus eos, qui aquam ex mari per canales subterraneos ad fontes istos evehi persuasum habeant; id enim fieri non posse, nisi prius probetur, qualitates contrarias, gravitatem & levitatem, uno eodemque tempore aquæ inesse; licet alio sensu, mediantibus scilicet vaporibus a Sole elevatis, nolit inficiari, rivos ex mari habere originem. De uvis porro Corinthiacis vulgo vocatis (utut hodie non amplius circa Corinthum crescant, sed ex modo dicta potissimum insula petantur) earumque cultura & modo colligendi plura differit: observans insimul, maximum harum uvarum commercium fere ab Anglis exerceri; nec sine ratione, eo quod soli Angli, plurima nempe ferculorum genera iis condire soliti, fere sexies maiorem earum quantitatem insumant, quam Galli atque Batavi conjunctim: Zacynthi vero incolas, harum Anglicæ gulæ deliciarum ignaros, non alios ad usus uvas has ab istis adhiberi, quam ad tingendos pannos, credere. Insulam *Tine*, quæ olim Tenos dicta est, unicam nunc notat superesse ex insulis Archipelagi, quæ Turcarum ab invasionibus defendere sese hactenus potuerit: ac eam quidem Venetorum dominationi subesse; attamen ita cum hisce pactos esse insulanos, ut quamprimum ipsi aut nolint aut nequeant eos amplius protegere, teneantur castellum incolis restituere, ut ipsorum dein stet arbitrio, quemnam sibi protectorem adsciscere velint. In *Myconensium* fœminarum, pulchritudinis laude inclytarum, habitu, quem etiam depinxit, observavit, earum tunicas, breves licet ac vix ad genua pertingentes, tam luxuriante tamen plicarum ordine distendi, ut ad unam earum conficiendam 80 aut 90 ulnis telæ gossypinæ opus sit. Mirum etiam est, quod de insulæ *Scio* incolis tradit, eos nempe ne per mortem quidem a Tributo Capitationis, *Caratsch* dicto, omnino liberari, sed integro adhuc post obitum triennio id ab heredibus, eorum nomine, Sultano exolvi debere. In *Constantinopoleos*, (quam non 43, ut plerique moderni Geographi volunt, sed paulo plus quam 40 gradus latitudinis tantum habere probat Auctor,) descriptione, cui integrum librum dicavit, ita versatus est, ut diversorum, quos simul citat, scriptorum observationes per compendium in gratiam lectoris recenscat, ac propriis dein, quas ibidem fecit, illustret: de quibus tamen, cum pleræque jam a Sponio perhi-

pag. 63.

80.

99.

102.

129.

- pag. 135. bita sint, multa dicere non attinet. Dolet vero, quod non licuerit Sultani Bibliothecam inspicere, vel ideo, quod Livium integrum in ea asservari fama sit: addit nihilominus, eundem hactenus ibi reperi non potuisse, ingentibus licet argenti summis Bustangi Bassæ, Bibliothecario, oblati: id quod fortean Turcarum invidiæ, qua Christianos insectantur, tribuendum est; quemadmodum alibi narrat, periculosum quodammodo nostratibus esse, istic manuscripta Arabica exquirere: horum enim inspectionem infidelibus, quos vocant, minime indulgendam putare Turcas. Lectu digna sunt, quæ de Græcorum ceremoniis & fide circa Sacramentum cœnæ differit; ex diversa se ipso data opera habitis discursibus probans, quantopere circa hunc articulum, ex crassa in materiis religionis ignorantia, communiter vacillent ipsi sacrorum antistites iis in terris; aliquibus nempe aut transubstantiationem, aut certe præsentiam realem diserte asserentibus, aliis vicissim eandem tanquam rem dictu absurdam & inter suos inauditam explodentibus. Quæ de Turcarum victu, ac speciatim familiari eorum ferculo, quod *Pillan* vocant, ex oryza semicocta & carne gallinæ composito, poru item *Sorbet* dicto ex uvis passis aqua maceratis, aut etiam melle saccharove cum succo citri parari solito, ut & abstinentia a vino (quod inde pretio cariori, nec nisi ad pondus ibi vendi soleat) affert, ex aliis autoribus jam satis nota sunt, adeoque non est, cur iis multum immoremur. *Thyatira*, (quæ nunc *Akeisar* seu Castellum album vocatur, prisca ista appellatione ipsis quoque incolis tantum non penitus incognita,) inter varias inscriptiones duas reperit, vel ideo notabiles, quod in iis dei cuiusdam, *Tyrimni* nomine, vel istius loci quondam protectoris mentio sit; quem tamen, cum nulla ejus apud Historicos mentio injiciatur, merito inter deos incognitos referendum putat noster. *Smyrne* dum versatus est, (cujus urbis celebre, ac Aleppensi civitati æmulum, cum Europæis nationibus, præsertim Anglis atque Batavis commercium pluribus describit,) occasionem habuit accuratius in naturam & proprietates Chamæleontis, ibi locorum nempe frequentissimi, inquirendi; ac certe haudquam vanum esse deprehendit, quod de colorum variatione in animalculo hoc vulgo prædicatur. Nimirum ordinarium quidem ejus colorem ait esse viridem, fusco circa humeros mixtum, sub ventre vero flaventem, ac maculis jam candidis, jam rubentibus interstinctum:

Arum: aſt eundem ſæpiuſcule tranſire in colorem pullum aut nigrum, maculas vero nunc diſparere penitus, nunc obſcurari, nunc purpuream induere tincturam, inquietato præſertim animalculo: quod ipſum porro ſi ſub tegmine albo aut rubro dormiat, album fieri obſervavit, ſub viridi viride, ſub fuſco aut nigro fuſcum pariter ac nigricans: rubrum tamen aut cæruleum colorem nunquam induere vidit, licet ſatis diu iſtiusmodi tegmine opertum jacuiſſet. Credit vero, hanc facultatem ei a natura ad ſui tutelam atque conſervationem conceſſam eſſe, narratque, ſibi ipſi contigſſe, cum aliquando tale animalculum captaret, viridi ramo inſidens & ipſum viride, ut inde in terram delapſum tantum non ejus oculos penitus eluſerit, extemplo ſcilicet adoptato pullo humi ſubſtrata colore. Ait vero eadem quo juniora ſint, eo ad tranſmutationem hanc aptiora eſſe, id quod ferociæ eorum magis adhuc vegetæ tribuit. Oculos in ipſis habita proportionem corpusculi ſat magnos obſervavit, piſum nempe adæquantes aut excedentes, qui tamen toti cuticula calloſa obtegantur, rugis circularibus ſtriata, cujus in medio foraminulum ſit, vix aciculæ capiti æquale, per quod lumen recipiant; unde neceſſum ſit, angulum viſionis perquam acutum in iis fieri. Id quoque præ aliis, quantum conſtat, animantibus præcipui habent, quod cum natura caput immobile ipſis dederit, in hujus compenſationem eorundem oculis motum largita ſit expeditiſſimum, & talem quidem, qui ad lubitum alterutro oculo ſeparatim fieri queat, alterius actione ab altero minime dependente, ut ita uno eodemque momento liberrime chamæleon oculorum unum ſurſum, alterum deorſum, unum dextrorſum, alterum ſiniſtrorſum flectere valeat: quod ipſum quidem jam olim a *Peireſkio* obſervatum eſſe, apud Gaſſendum legimus; quamquam is alterum illud experimentum, colorum mutationem concernens, tantum non penitus inſicietur. Alibi quoque Autor noſter mentionem facit incognitæ apud nos *ranarum* ſpeciei, magnitudine & colore dimidiam juglandem referentis, in arboribus degere & cantare ſolita; quæque eum in finem a natura pedibus peculiaribus inſtructa ſit, quorum digiti in formam acus capitata delinant materiam glutinoſam continuo exſudantes; ut adeo horum ope & arbores commodius ſcandere, & de ramo in ramum expedite, ad modum ſciuri, ſaltare, & vel ab unico pede ſemet ſuſpenſas e fronde

- pag. 242. sustinere queant. Aliis in locis upuparum meminit, ut & querque-
 596. dularum, *calcarium* quandam speciem in aliis habentium, iis similitum,
 353. quæ galli in cruribus gestant. *Parnassum*, poetarum quondam fabu-
 lis adeo celebratum, quoad situm Geographicum perinde ac alia, per
 358. quæ transit, loca accurate descripsit, eundem non Græciæ solum,
 sed & totius orbis altissimum montem reputat. Non ita procul in-
 de dissitus mons *Stiri* Caloyerorum seu Græcorum monachorum
 famosum satis cœnobium habet, dedicatum S. Lucæ, non Evangeli-
 stæ, sed Stiriote, ita dicto a monte hoc, quem quondam eremita in-
 coluit; quorum monachorū instituta & vitæ ratio pluribus recensetur.
 Inter alia de iis narratur, quod non ita pridem Gallico legato,
 364. Dn. de Nointel, experienti ab ipsis, ut in Ecclesia sua Missam Latinam
 celebrari permitterent, id nullo pacto indulgere voluerint, causati
 se, id si fieret, deinceps ministerio suo eo in templo defungi am-
 383. plius licite non posse. *Athenarum* civitatem olim nulli secundam;
 ast hodie ad extremum miseræ delapsam Autor, ceu supra diximus;
 integro libro descriptam dedit: talem enim, ut ait, relationem de
 hac urbe concinnare studuit, quæ non ita censuris pateret, ac aliæ
 quæ hæcenus extiterint. Hinc non modo de prima ejus origine &
 antiqua politia per compendium differit, sed & illius incrementa &
 historiam persequitur ad Justiniani usque ævum; a quo ipso nempe tem-
 pore vix ullam ipsius mentionem amplius factam, sed memoriam tan-
 tum non in obscuro penitus mansisse ait, usque ad seculum decimum
 tertium; a quo proinde filum narrationis redorditur & ad hæc usque
 tempora continuat. Porro ejusdem hodiernæ regiminis formam
 delineat, dum in octo parochias divisa est, quarum quælibet Epitro-
 pum sibi ex melioribus familiis constituit, qui lites inter ipsos enatas
 dirimat, ne eapropter ad Cadi seu prætorem a Sultano ipsis præse-
 ctum, adeoque rigidum Turcarum tribunal ire opus habeant; ma-
 398. xime cum incolarum vix quarta pars Mahomedani, sed plerique Chri-
 stiani sint. Archiepiscopus quoque Atheniensis ibi residet, a quo
 402. episcopatus Salonæ, Libadiz, Bodinizæ, Talantzæ atque Granizæ de-
 pendent. Sacra tamen satis frigide ibi tractari innuit Autor, eum
 rarissime ac vix festis diebus sermones ad populum habeantur, & con-
 tenti sint diebus dominicis prælegere homilias quasdam antiquas;
 quarum tamen stylus ita obsoletus nunc sit, ut vulgus auditorum pa-
 rum

rum aut nihil inde percipiant. Etenim testatur, tantam ibi Græci sermonis (antiqui puta, non moderni quem ipsi non ἑλληνικόν, sed ῥωμαϊκόν ad differentiam vocitant) ignorantiam invaluisse, ut præter Archiepiscopum vix unum alterumve Athenis repperit ejus gnarum. Per singulas quoque alphabeti literas ostendit, quantum hodierna Græcorum pronuntiatio ab antiqua discrepet; optatque ut utraque simul in scholis nostris doceretur, id quod nempe iter istuc aliquando facturis magno usui esse posset. Victum Atheniensium quod concernit, perhibetur ipsorum vinum quidem admodum bonum in se esse, ast dum aliquid picis ei indere soleant, quo melius conservetur, austerum nonnihil & ingratum inde gustui reddi. Olivæ quoque istius loci summopere commendantur, maxime earum species quædam, nunquam ad maturitatem pertingere, sed dum vi ret, sale condiri solita; quippe quæ tanto in pretio sit, ut tanquam res rara & neutiquam vulgaris ad aulam Turcicam sæpius portetur. Ac certe olivarum proventum latiore inter potissimas soli Attici divitias jam ab antiquo habitum esse constat; unde dubio procul factum, ut in *Templo octo ventorum*, quod Athenis hodiernum superest, curiose tam a nostro, quam a Sponio delineatum, inter alias ventorum effigies lapidi in parietibus incisas, Euroboreas figuratus sit specie barbati senis lancem olivis onustam effundentis: id quod Sponius quidem ita interpretatus est, ac si ventus iste Atheniensibus acceptus fuisset, olivarumque culturæ favens: ast autor noster contrarium potius ex effusione lancis colligit, existimans id significare, quantum noxæ arboribus ac speciatim oleis ventus ille afferat; quemadmodum hodiernum in Anglia nec hominibus, nec pecoribus conducere communi proverbio judicetur. Obiter & hoc notavit, ventos in ista turri seu æde non inflatis buccis representari, sed facie elegantî & nativæ: unde miratur, pictores sculptoresque modernos id velut necessarium reputare, cum tamen istius sæculi, quo ars sculptoria maxime floruit, artifices id neutiquam curarint. Post lustratas Athenas Autor quoque loca circumfita varia invisere lægit, speciatim montem Hymetrum, apum cultura mellisque præstantia & olim & hodie celebrem: qua occasione forma alvearium Græcorum, apumque cura istis in terris vicens & non parum a nostratibus regulis æconomicis discrepans pluribus exponitur: speciatim mirati perhibentur Græci,

pag. 412.

410.

407.

407.

477.

491.

Græci, ad Sponii relationem, mel Narbonense in Gallia ob albedinem suam maximo in pretio haberi, cum tamen ipsi colorem hunc pro signo habeant mellis non satis cocti, ac neque a natura, nec ab apibus sufficienter elaborati. Porro Corinthum sollicitè peruestigavit Auctor, modernæ tamen amplitudinis intuitu pagis potius, quam urbibus accensendam. Pauli epistolarum ibi nullam aut exiguam superesse mentionem testatur, ac minorem pro ejus dogmatibus zelum: facellum nihilominus restare eidem Apostolo dictum rupique incisum. Diogenis Cynici sepulcrum in eadem urbe quæsit, at reperire non potuit: perhibet tamen, sese Venetiis in Palatio Dn. *Ercii* ipsius epitaphium marmori insculptum reperisse, istuc fortean delatum, dum Morea adhuc Venetorum imperio subesset: ait vero, in illo repræsentatam videri canis figuram, cum duobus distichis Græcis, quæ simul communicat. *Lacum* quoque de *Livadia* invisis, ibidemque curioso oculo contemplatus est famosa illa *Catadactylus*, seu meatus subterraneos numero plus quam 50, a natura quidem factos, sed ab arte magis elaboratos, quorum ope lacus iste sese in mare exonerat, ac sine quibus alioqui Bœotia facile ab aquis, quæ circumcirca a montibus delabuntur, inundaretur; dum ab his velut unicam catenam formantibus undiquaque cingitur, inter se quidem disjunctis, non ita tamen in planitiem desinentibus, ut undis exitus pateat: id quod inter alia diluvio Deucalionæo, utpote quod has potissimum terras vastavit, occasionem dare potuisse conjicit auctor. Sed nimis forte jamjam gratæ brevitatis terminos transgressi sumus, dum paucissima saltem eorum, quæ a Sponio prætermissa Whelerus recensuit, delibare conati fuimus. - Longe plura superessent, quæ in medium afferri digna forent, Geographiam partim concernentia, utpote quam sedulo corrigere & Scriptorum tam antiquorum, quam modernorum errores detegere, cordi habuit; partim ad explicanda varia Strabonis, Pausaniæ aliorumque loca, ut & eruditam antiquitatem facientia: verum ea commodius ex ipsius libri inspectione hauriet cupidus lector: perinde ac perspiciet figuram atque situm variorum monumentorum, ruderum, ædificiorum atque locorum, utpote quæ ubivis æri incisa delineantur.

MELCH!

MELCHIORIS ZEIDLERI, S. THEOL. D. ET
P. P. in Academia Regiomontana Notæ & Ani-
madversiones in Scrutatorem Veritatis, &c.

Helmſtadii, ſumtibus Georg. Wolfg. Hammii, 1689, in 4.

Conſtat plagulis 31.

PRæmittitur huic Animadverſionum operi 1. Autoris Vita, 2. Operum ab ipſo editorum hætenus, & impoſterum ab aliis edendorum catalogus, & 3. ipſa, in quibus refutandis labor hic verſatur, Scrutatoris anonymi Poſtulata. Horum architecto quoniam pro ſcopo fuit, onus probandi, quod Eccleſiæ Chriſti ſint, in eos devolvere, qui Romanum Præſulem non agnoſcunt pro Oecumenico Eccleſiæ capite; negat Zeidlerus ſtatim, Lutheranis onus hoc incumbere, quod fidei Symbolum, & neceſſaria doctrinæ Chriſtianæ capita in ſenſu Catholico hi amplectantur: quodque cum Civili, tum Canonico jure, bonus aliquis ſit tamdiu præſumendus, donec ab adverſario velut actore, liquido probatum fuerit contrarium. Et licet immunis ab eo negantis ſententiæ patronus vulgo habeatur, id tamen, juris Canonici autoritate, capiendum non de negationi-
bus qualitatum eſſe, affirmationem aliquam involventibus. Huic
negationi itaque, *Lutherani non ſunt in Vera Eccleſia*, cum affirmatio diſerta ſubſit, *Lutherani ſunt extra eccleſiam*, eamque ſuam faciat
adverſarius, poſſe eum probandi officium nulla ratione ſubterfugere.

Cæterum *ſcrutinium veritatis*, quod quidem promittit titulus, nullum in hoc ſcripto reperiri, quoniam Autor non doctorum ſcientificorum more, certa ſuſſerit principia, ex quibus concludat, ſed quæſtiones tantum propoſuerit dialecticorum in modum, non veritatem, ſed opinionem indagantium. Imo non Dialectici, ſed Sophiſtæ perſonam eum induiſſe, ex eo manifeſtum facit, quod diſſidentes jam tumultuario ordine collocentur, jam Neo-Evangelicorum nomen Concionatoribus evangelicis per injuriam tribuatur, eoque aperte τὸ ἐν ἀρχῇ petatur: quodque plurium interrogationum impoſtura regnet in Poſtulis paſſim, jam aperte, ubi de Lutheranis, Reformatis, Socinianis, Anabaptiſtis, Mennoniſtis, Quakeris conjunctim quæſtiones proponuntur; jam occulte, dum quæſtiones ubi-
que

pag. 13. que particulis exclusivis constantes, in veritatis fraudem adhibentur. Neque observatione indigna sunt, quæ de discrimine inter Arianos & Socinianos; item inter Socinianos, Anabaptistas, Mennonistas, Quakeros ex una, & Calvinianos ex altera parte; nec non inter Ecclesiam Romanam & Papatum: quaque de valore Concilii Tridentini, & Transactionis Passaviensis effectu hoc loco adferuntur.

39. Animadversiones *Primum* Postulatum destruentes, regulam a iudice, & fidem a peritia theologica distinguendam volunt. Iudicem in theologicis quoad *fidem* esse quemvis fidelium, ductu locorum I. Cor. II, 14, 15. I. Joh. II, 27. II. Cor. XI, 13. I. Thess. V, 21. I. Joh. IV, 1. Regulam, Dei verbum esse. Quoad *peritiam* vero theologicam non quemvis fidelium iudicis personam sustinere; sed eos solum, qui sint *πρωταδευμένοι*. Ideo enim controversiarum decisionem Conciliis, vi Canonum Apostolorum, & Nicenæ Synodi competere, & Ecclesiæ doctores non fide solum, verum & scientia Theologica instructos esse oportere. Scripturam, unicam esse regulam absolute sic dictam, unanimem vero ecclesiæ catholicæ consensum dici posse regulam secundum quid & *κτ. μέτεξιν*, Lutherano-
rum Libris Symbolicis non repugnantibus. A Lutheranis haberi pro
47. 50. regula Scripturam, verum *non depravatam*, ubicunque etiam invenitur illa, quod non ab hominibus, verum a Deo autoritas ejusdem pendeat. Non levem vero *ἀπαιδευσίαν* esse, demonstrativa argumenta postulare pro hac regula, quod regula proprie dicta sit in suo genere primum quid & principium, principia autem proprie demonstrari nequeant. Imo Paganos ipsos sine ulla demonstratione, Scripturæ assensum esse præbituros, si *θεόπνευστον* illam crederent, ut veri nominis Christiani faciunt, certe facere tenentur. Majoris *ἀπαιδευσίας* esse, a Lutheranis postulare, ut argumentum apodicticum, quale Postulator expectat, ex ipsa illa regula desumant. Nihil hoc enim aliud esse, quam exigere, ut idem per idem probent, hoc est, ut petant dari & concedi sibi, quod in principio quæsitum est. Argumenta vero inducentia hic discernenda monet a ratione prima, ob quam fidelis homo assentitur libris sacri codicis. Prioris quippe generis dari varia, auctoritatem v. g. & singularitatem styli, sanctitatem doctrinæ, efficaciam & modum propagandi per homines simplices, miracu-

miracula in Scripturæ confirmationem edita, imperium quod in dæ-
mones exercuerint doctrinam hanc amplexi, doctrinæ antiquitatem,
vaticiniorum in Scriptura contentorum impletionem, consensum
profitentium, martyrum constantiam, mirabilem Scripturæ doctri-
næque conservationem, efficaciam percellendi hominū animos,
subitanæ morum in iis qui eam assument, mutationē, &c. Hanc ve- pag. 59.
ro non aliam esse nisi hanc ipsam, quod divina sit ipsorum auctoritas,
eoq; per & propter se fidem mereantur. Controversias, quæ Lu-
theranis cum aliis intercedunt, ad unam eandemque regulam utique
decidendas esse, quod oppositorum una sit regula, quodque adver-
sarium non aliunde, quam ex principiis, quæ probat, fas sit convin-
cere.

Refutatio *secundi* ostendit inter alia, gaudere Lutheranos per-
fecto canone tam Veteris, quam Novi Testamenti, licet non soli cum
habeant, verum simul cum aliis. Varias in Codicibus, quibus utun-
tur, lectiones non ob stare, quo minus certo sensu dici possit, quod
authentico etiam Scripturæ canone instructi sint; de versione tamen
authentica neminem illorum gloriari. Nullum concilium, neque
universalem quidem ecclesiam, ista pollere facultate, ut versionem
non - authenticam, *authenticam* facere queat. Authentica itaque
versione cum Pontificii non minus, quam Lutherani careant, illis æ-
que ac his ad fontes recurrendum esse. Notatur & hoc loco Scr-
utatoris absurditas, probationem versionis Lutheranis authenticæ ex
Scriptura postulantis.

In *tertio* examine definitur, quousque suam Scripturæ exposi-
tionem a Spiritu Sancto intentam Lutherani statuunt, videlicet ratio-
ne credendorum atque agendorum, & quæ his annexa sunt. Non
enim ullum reperiri hominem, qui gloriari queat, absolute in omni-
bus se Scripturæ sensum perfecte assequi, obscurioribus præsertim in
vaticiniis. Dissonas Scripturarum interpretationes apud Sanctos etiā
Patres occurrere; idq; ex diversis Hieronymi, & Augustini sententiis
de Angelorum creatione, de creatione Paradisi, de Samuele Levita,
de Prædestinatione, de reprehensione Petri a Paulo profecta, non ob-
scure intelligi. Non omnium Lutheranorum interpretationes ab
ipsis Lutheranis approbari, sed eas quæ libris Symbolicis continen-
tur. Interpretandi leges habere Scripturam cum scriptis aliis com-
munes,

munes. Quo loco prima regula, quæ scopum investigandi causa, ad antecedentia & consequentia respicere: ut & altera, quæ loca parallela consulere & excutere jubet, ex autoribus profanis pariter & sanctis Patribus illustrantur. Has interpretationis regulas quoniam observarint studiose Libri Symbolici, & consensum Ecclesiæ Catholicæ pro sensu Scripturæ allegarint, admodum absurdum esse, amplius quid a Lutheranis postulare. Sensum hæreticorum proprium nunquam probari ab Ecclesia Catholica.

pag. 87.

Quæritur vel eo nomine ineptum esse observat, quod a parte postulet, ut se totum integrale demonstret, siquidem nusquam a Lutheranis asseratur, quod sint Catholica Ecclesia, verum quod partem ejus constituent. Elenchum ergo hic pervertere scrutatorem subdole, & homonymia fallere, imo falli turpiter. Exceptioni scrutatoris ut tanto facilius occurrat, ad id, ut aliquis in Catholica Ecclesia sit, non requiri contendit consensum circa omnia, sed solum circa necessaria, quod simili desumpto ex humano corpore, in quo nonnulla ad esse, alia ad melius esse comparata sint; & aliarum Societatum exemplo illustratur. Inter moratas gentes catholicum esse quoddam omnibus commune, Jus naturæ nempe & gentium, alia vero propria singulis. Catholicam item ecclesiam Societatem esse diffusam per totum orbem. Ad consequendum istius scopum requiri cognitionem Dei, non qualemcunque, sed revelatam, quæ non nisi fide possit apprehendi, eoque fide opus illi esse, qui in Catholica Ecclesia haberi velit. Signacula hujus fidei baptismum esse & Eucharistiam: fidem, in quam baptisemur, esse fidem Symboli Apostolici. Symbolum vero apostolicum non quoad verba tantum, verum & quoad genuinum sensum ab unoquoque recipi debere, qui membrum Catholicæ ecclesiæ censeri cupiat; tum vero sensum in œcumenicis confessionibus manifestatum legi. Utendum præterea eidem esse Sacramentis, & eo quidem modo quo Christus ea instituit; ac proinde ad Catholicam ecclesiam neutiquam eos pertinere, quorum audacia materia & forma Sacramentorum immutetur. Ex his & aliis requisitis, ut sunt, vitæ studere sanctimoniam, amplecti scripta ab Apostolis ecclesiæ tradita, Scripturæ & catholicæ ecclesiæ sensum sequi, constitutionibus ecclesiasticis conformare se, fraterni amoris documenta exhibere, solventem pariter & ligantem clavem custodire; definitio denique

niq; istius coetus, qui catholicus nominari mereatur, colligitur. Pontificios ansam dedisse schismati non illi tantum, quod Græcæ ecclesiæ intercessit cum Latina, verum & alteri, quod in occidentali ecclesiæ est obortum; eoque Catholicorum titulo se indignos reddidisse, licet quidam inter illos sint vere Catholici, quemadmodum & aliis in cætibus boni malis reperiantur mixti. pag. 131. 151.

Ad *quintum* transiens, scrutatorem notat infallibilitatem & perpetuitatem a Lutheranis fraudulenter requirere, quod longe alia universalis, alia particularis ecclesiæ sit conditio. Probare eos tamen ex Scriptura posse, fidem quam tenent, certam esse, infallibilem, atque perpetuam. 163.

In *sexto* retundendo sic versatur, ut concedat, obscuriora quædam in Scripturis contineri; in quibus tamen si quis offendant, non eum esse propterea removendum ab Ecclesia: in prædicatione verbi, rudiorum habendam esse rationem, eaque propter in homiliis abstinendum ab obscurioribus. Quod si aberrare in his aliquem contingat, salvo credendorum agendorumque fundamento, dicendum esse nihilominus, pure ab eo verbum prædicari, quod non omnis defectus essentiam rei tollat. Secus si statuatur, de nullo Ecclesiæ doctore affirmari posse, quod verbum Dei pure prædicarit. ad puram igitur prædicationem verbi sufficere concludit credendorum & agendorum justam doctrinam, qualem suis in ecclesiis haberi, Lutherani satis certi sint. 166. 168.

Septimum profligaturus, sufficere Lutheranis asserit, quod certi sint de legitima Sacramentorum administratione in sua ecclesia. In aliis quoque ecclesiis legitima esse Sacramenta secundum substantiam, licet accidentales ritus varient. Lutheranos reprehendere in Pontificiis, quod in Eucharistiæ celebratione abusus minime probandos introduxerint, veluti, quod cum integrum quidem Sacramentum habeant, laicis tamen non dent integrum, sed specie, seu parte altera truncatum: quod, cum sacramentum hoc a Christo non alio fine institutum norint, quam ut fideles illic esu corporis, & potu sanguinis ipsius reficiantur, atque una memoriam sacrificii ejus semel in ara crucis pro se oblatis peragant, in alios etiam usus illud convertere non vereantur, de quibus nihil novit vetus ecclesia, utpote, quod hostiam consecratam circumgestent, quod adorare illam jubeant &c. In 170.

Græcis reprehendere eosdem, quod non seorsim panem, non seorsim vinum consecratum communicantibus porrigant, ut constat Servatorem porrexisse Apostolis, sed utrumque conjunctim incochleari. Hujusmodi abusus rejicere, quodque abusus sint, ex regula fidei, Scriptura Sacra, demonstrare Lutheranos.

- pag. 172. In octavi examine Lutheranis satis esse ostendit, quod ministros habeant vocatos legitime atque ordinatos. Vocandi enim ministros verbi potestatem connexam esse cum regni cælorum clavibus. 174. Has vero non soli presbyterio, sed ecclesiæ toti a Christo fuisse traditas, ut pote quæ sponsa sit, Joh. III, 29. & uxor Christi, Psal. XLV, II. cum Episcopi & Pastores, ejus solum æconomi & ministri sint I. Cor. IV, 1. usu & ministeriali dispensatione clavium gaudentes, quarum possessionem ecclesia acceperit. Excommunicandi quoque potestatem, & jus vocandi ad totam ecclesiam pertinere, per Apostolorum, & priscæ Ecclesiæ praxin confirmatur ulterius. Quod autem vocatio a certis alicubi in ecclesia personis pendeat, id non aliunde esse, quam quod histota ecclesia suum jus, quo antea fuit gavisa, cesserit, easque propterea quod hic agant, non suo, sed ecclesiæ nomine & auctoritate agere. Lutheranorum ordinatio probatur porro exemplo Timothei a presbyterio ordinati. Unde concluditur, & vocationem & ordinationem ministrorum in Lutheranis cœtibus Scripturæ admodum esse conformem. Quo vero exceptioni de ordinatione abs episcopo peragenda satisfiat, Episcoporum Romanorum nimio rigore, & prurigne excommunicandi eos, qui nihil minus quam tale quid commeruerant, factum esse ait, ut Jus Episcopale, consentientibus omnino Imperii Statibus, Romanæ etiam parti addictis, ad Principes, liberasque respublicas tamdiu devolveretur, donec controversæ religionis negotium transactum esset, & omnia in pristinum ecclesiæ vere catholicæ conformem statum redacta. Jam sine eorum directione, qui jus episcopale possident, nullam ordinationem inter Protestantes peragi. Ordinationem a presbytero collatam probat etiam e corpore Canonico. Ut vero Lutherani probatum eant, ministros ecclesiæ suæ solos legitime vocatos & ordinatos esse, nulla specie necessitatis postulari ideo, quod hi negent minime, alias quoque ecclesias verbi ministros habere vocatos rite ordinatosque: unde a Pontificiis ordinatis ordinationem non magis, quam

quam baptisatis eorum ministerio, baptismum denuo impertiant. Non enim sufficere rite vocatum esse & ordinatum, nisi cetera paria existant; quam in rem Phariseorum in cathedra Moysis sedentium, & Judæ proditoris exemplum adducitur. Mores Pontificiorum Sacerdotum pravos esse, & repugnare Scripturæ juxta canonumque voluntati.

Noni occasione de jure agitur reformandi, & de ipsa reformatio- pag. 186.
ne recte peracta. Illud probatur ex Scriptura, quod ad officium Spiritus Sancti elenchus pertineat, quodque Magistratus sit, corruptelas in religione tollere. Totius ecclesiæ curam a quovis ministro habendam esse ex Patrum sententia; Romanum, sicubi deflexisset ab officii curriculo, ab aliis episcopis notatum libere, a Græcis v. g. quidni Lutheranis idem licuerit? A Lutheranis igitur qui postulat, ut solos se habuisse probent jus Ecclesiam reformandi, is elenchum se ignorare prodit, & nescire quid in controversia ponatur.

Decimum eversurus, monstrat initio tautologias Scrutatoris, fallique eum consequente, ubi erroneum & falsum cum hæretico sic conjungit, ut idem esse arbitretur: falli præterea homonymia in *fidei* & *symboli* vocibus manifesta. Hinc de Confessione, & Lutheranorum Libris Symbolicis eorumque probatione disseritur; quaque ratione non soli Lutherani Symbolo fidei orthodoxo gaudeant. 187.

Undecimum denique & *duodecimum* non minus tautologiis laborare ostenditur, imo utrumque coincidere cum præcedenti: rem eandem vero mutatis verbis iterato proponere, Sophistarum esse. Si Lutheranorum doctrina vera sit, fieri quidem aliter non posse, quin sit falsa eidem opposita; ut tamen omnia dogmata ei opposita sint hæretica, non esse necessarium. 191.

Postulatorum jam pretio & valore ad unguem ita excusso, junda ratione docet Zeidlerus, quam vanum sit Scrutatoris anonymi institutum, & quam lepide is sine suo excidat. Nimirum, voluit adversarius ostendere, *Nullam ex iis quas nominavit ecclesiis, adeoque nec Lutheranam veram esse Ecclesiam, in qua certo promittere sibi salutem viventes queant*: idque exinde confectum dare, quod *istatum nulla præstare queat, quæ hisce postulatis ab iis requirantur*: hoc est, nullam posse probare, quod soli instructi sint unica, sufficiente, & adæquata fidei regula; quod soli versione gaudeant authentica; quod 192.

quod soli verum & legitimum Scripturæ sensum teneant; quod soli una sint, sancta, Catholica Ecclesia, quæ sit infallibilis ac perpetua; quod soli puram prædicationem verbi & Sacramentorum administrationem legitimam, veros legitimeque vocatos ministros, & jus reformandi ecclesias; soli item orthodoxum, catholicum, & Apostolicum symbolum habeant, librosque dogmaticos, qui soli sanam in se doctrinam contineant. Deinde cum persuasus sit, *Calvinianos etiam, Socinianos, & Anabaptistas præsupponere, unicam fidei suæ regulam atque normam Scripturam esse; Lutheranos, si probandi munus vel maxime explere velint & in se recipere, nihil allaturos esse credit, quod sibi non & reliqui appropriaturi sint*, indequæ effectum iri, quod vel omnium religiones & doctrinæ veræ & Apostolicæ, vel nulla talis sit habenda.

pag. 193.

Respondetur vero per *ἐνστάσις* ad primum, neque Romanam, neque Corinthiacam, neque Ephesinam, neque Galatarum, neque Colossensium Ecclesiam de se probare posse, quæ hic a Lutheranis requiruntur: universalem enim & particularem Ecclesiam aperte nimis in his confundi: a Pontificiis autem talem probationem requiri multo rectius; quod se solos esse Catholicos contendant, neminemque ad ecclesiam pertinere, ac salutem consequi posse doceant, nisi Pontifici Romano sublit. Alteri tendiculæ subesse fallaciam monet accidentis & consequentis. Non enim sequi: *Sociniani, Anabaptistæ, & alii additi sectis, non minus quam Lutherani ad Scripturam velut unicam fidei regulam provocant; Ergo Lutheranorum ecclesia non minus, quam Socinianorum & Anabaptistarum falsa est*. Neque enim horum ecclesiam falsam ideo censeretur, quod ad Scripturam ceu regulam fidei provocent; cum & Christum, Apostolos, atque Evangelistas idem fecisse constet; sed propterea, quod dictam regulam distorqueant & pervertant, & quidem in iis etiam, quæ ad ipsum salutis fundamentum pertinent; licet inficiantur se id facere. Immotam ergo manere Scripturam controversiarum decidendarum regulam, quod res fidei non nisi ex divina revelatione, vel ipsius Pythagoræ, Platonis, Aristotelis suffragio sint dijudicandæ. Fraudes autem eorum, qui regulam pervertunt, adhibitis justis interpretationis mediis delegendas atque coercendas esse; quod cum a Lutheranis studiosè sancteq; observetur, ab Anabaptistis vero & Socinianis negligatur persume,

196.

sime, in eundem hos cum istis censum inique admodum & præter meritum referri. In calce denique libri subjiçuntur, instar syllabi totius operis atque indicis, Notarum & Animadversionum argumenta.

MELCHIORIS ZEIDLERI, S. THEOL. D. ET P. P.
in Academia Regiomontana REFUTATIO
TUBÆ PACIS &c.

Helmæstadii, sumtu Georg. Wolsf. Hammii, 1688, in 4.

Constat plagulis 19.

IN suspicionem animi ad Papatum non parum inclinantis adducere Autorem laboraverat Matthæus quidam Prætorius, in libello Romano Pontifici dedicato, qui *Tuba Pacis* inscribitur. Expurgare igitur & dimovere suspensionem illam hoc cum primis scripto Zeidlerus voluit: natumque id fuisse fatetur ex *Animadversionibus*, quas in Prætorii hujus *Dissertationem de Pace in Ecclesiâ restauranda*, antequam edita fuisset, Tubæque pacis nomen indepta, eo fine scripserit, ut monstratis erroribus in Dissertatione admissis, retraheret hominem ab instituto, caveretque, ne is pacificatione intempestiva novas in ecclesia Lutherana turbas excitaret.

Præmittitur ergo in hoc volumine ea *Dissertationis Prætorianæ* pars, quam Autor virga censoria notavit. In ipsis dein animadversionibus, iis argumentis & elogiis, quæ pro agnoscenda jurisdictione, & infallibilitate Romani Pontificis erant a Prætorio adducta, fucum Zeidlerus detrahit, & ostendit antiquis Ecclesiæ doctoribus nunquam venisse in mentem, ullius jurisdictionis in reliquos omnes episcopos potestatem Romano sui temporis Pontifici tribuere: tantum abest, ut istis elogiis Pontificem ornandum Zeidlerus ipse duxerit. Docet enim præterea, pacis & unitatis gratia neminem quicquam illâ conscientia, verum pronunciare posse, quod non verum esse arbitretur, quare nec infallibilem dici a Lutheranis Pontificem pacis causa posse: in cassum item autorem Tubæ laborare, ubi ostendere conetur *rationem* sub qua, aut propter quam idem Pontifex sit infallibilis, antequam evictum dederit, quod ulla ratione infallibilis

M m m

existat,

- pag. 123. existat; stultitiam sapere, illud manifestare velle, hoc neglecto. Esse quidem sibi non ignotum, quod dictus Pontifex, *Pontifex maximus*, & *episcopus episcoporum*, a Tertulliano; *Catholica ecclesia Papa*, abs Athanasio; *summus sacerdos*, ab Hieronymo; *Antistes ad quem propter sedis dignitatem cura omnium pertinet*, a Chrysostomo; quodq; *Petrus omnium Apostolorum caput*, abs Oprato. Milevitano nominetur; ex his tamen honorum titulis jurisdictionem, de qua quærat, nullam posse extorqueri. Primum siquidem & ultimum inquirere duntaxat primatum ordinis; in secundo Catholicam Ecclesiam non particulari, sed falsæ & hæreticæ opponi: reliqua prætonia Romano cum cæteris episcopis esse communia. Attendendum & hic esse
126. Theodoreti monitum: *Qua in ecclesia panegyricæ & declamatoricæ dicuntur, non constituunt dogmatum regulam*. Eoque Ecclesiam
128. Christi universam paci & concordiz non posse restitui, nisi juri ficto, quod inique hætenus prætendit Pontifex, suapte sponte renuntiet.
132. 134. Ex *cathedra Petri* occupata, non majori certitudine effici infallibilitatem Pontificis, quam Phariseorum, ex occupata Moysi. Et
141. quamvis Romana olim ecclesia, *prima ecclesiarum omnium, ecclesia eminentia digna*, abs Ignatio: *maxima & antiquissima*, ab Irenæo: *Ecclesia catholica radix & mater*, Cypriano: *mater & caput omnium ecclesiarum*, Athanasio dicatur, manere eam particularem nihilominus, & esse Lutheranis sermonem hic de ecclesia Romana non temporum præcedentium, sed sequiorum, in quibus nimium quantum mutata fuerit istius facies. Bethel fuisse quidem locum sanctum Jacobi Patriarchæ tempore; minime vero, imo Bethaven, Jeroboam: idem Hierosolymorum urbi, idem ipsi Dei templo contigisse. Ab ejus vero generis mutatione Romanam non exini, aperte nimis experientiam testari; adversus quam disputare, nihil aliud esse, quam cucurbitas pingere, seu oleum, quod ajunt, & operam perdere. Concludit tandem, quamdiu Romani Præsules donum infallibilitatis sibi concessum crepent, frustra Romanam curiam inter, & Græcam aut etiam Protestantium ecclesias concordiam sperari. In libri extremo epistola in lingua legitur vernacula, quæ aisdem penè argumentis Principi suo se purgat Autor de eodem crimine, quam ipsam index rerum excipit.

SECOND VOYAGE DU PERE TACHARD.

id est,

Guidonis Tachardi e Societate Jesu, alterum iter in regnum Siamenſe, cum aliis Jeſuitis a Rege Galliaꝝ eo miſſis.

Ad exemplar Pariſienſe.

Amſtelodami, apud Petrum Mortier, 1689. in 12. Plagul. 16.

DE rebuſ Siamenſibuſ, in Actis noſtris A. 1687 p. 107, & A. 1688 p. 6 & 507 ex *Chaumontii, Choſelli, Gervafii*, & hujus ipſius *Tachardi* relationibuſ ſatis multa recensuimus. Ad cognoscendam tamen hiſtoriz ſeriem novuſ hic Tachardi libelluſ utiliſ erit, nec injucunduſ lectu. Regreſſuſ ex India in Galliam *Tacharduſ* cum Legatiſ Siamenſibuſ, poſtulata eorum in aula eo ſucceſſu inter alia commendavit, ut quatuordecim mathematicaruſ ſcientiaruſ periti, ex variſ Galliaꝝ collegiis Jeſuiticis delecti, in Indiam deſtinarentur. Hoſ Rex Galliaꝝ ad ſe a Tachardo introductoſ, ipſe allocutoſ & ad exequenduſ, ad quaꝝ mittebantur, exhortatoſ eſt, hiſ inter alia, quaꝝ Latine verſa referri merentur, verbis: *Difficillimuſ eſt, Patres, iter quod aggr. dimini, ſed cauſa, quaꝝ voſ movet, longe gravioreſ ſunt, quam ut voſ deſicere in propoſito ſinant. Ite igitur ad promovendam gloriam Dei & honorem Gallia, implete ſpeſ noſtraſ. Apprecor vobis proſperam proſeſſionem, & precibuſ veſtriſ me commendo.* Eoſdem in literiſ ad Regem Siamenſem d. 20. Januarii 1686 datiſ, quibuſ Legatiſ ſuiſ *Luberio & Cebereto* fidem faciebat, ampliſſime commendavit. Idem fecit *P. la Chaiſe*. Claiſiſ, quaꝝ vehebantur, regio ſumtu inſtructa, naveſ bellicaſ duaſ & treſ celoceſ habebat. Hæc Legatoſ Gallicoſ, nec non Siamenſeſ ex Gallia reduceſ, & copiaſ militareſ Galloruſ cum ducibuſ in regnuſ Siamenſe transportandaſ ferent, ex portu Aremorica *Brivatendi* (Breſt) Kal. Mart. A. 1687 ſolvit, & d. 11 Junii ad famoſuſ Africaꝝ promontoriuſ *Bona Spei* appulſit, morbiſ tamen vehementer afflicta, ita ut trecentoſ ægrotoſ in terram exponeret. Diſceſſerunt inde, benigne, ut in primo itinere, a Gubernatore Batavo habiti, d. 25 Junii, & Javam d. 25 Auguſti attingerunt, non pauciſ ex militibuſ vi morboruſ amiſſiſ, itemque uno ex Jeſuitiſ. Receptio in Batavoruſ iſthoc emporio non æque comiſ

M m m 2

fuit,

7.
u.

- fuit, ac in priori itinere: delata enim illuc fama erat, de *Reformato-*
rum in Gallia oppressione, ita ut Præfectus dubitaret, an Jesuitas ab
 insultu plebis tutos præstare posset. Neque tamen veritus est Ta-
 pag. 79. chardus asseverare, *nihil duri a Rege passos esse Reformatos, sed omni*
circumspectione & bonitate tractatos. Navigatio hæc, quæ libris tri-
 bus prioribus describitur, septimo mense finem habuit; die enim 17
 Septembris litus Siamicum classis tenuit. Digressiones his libris
 50. insertæ sunt non paucae; de fluxu nimirum & refluxu maris, cujus
 tempora eadem ad litus promontorii *Bona Spei* ac in Belgio observa-
 53. ta sunt; de Legatione Persica ad Regem Siamensem missa, de ejus
 recipiendæ ceremoniis multa fuit disceptatio. Refertur epistola Sia-
 58. mensium Legatorum *Oc Pravisu, Oc Luan, Oc Contu*, (cognomina ejusdẽ
 soni præterimus) ad P. la Chaise ex littore *Bona Spei* data. Descriptiones
 & icones plantarum in ora illa Africæ repertarum exhibentur; ut &
 observationes de acus magneticæ variatione, ex quibus & aliis appa-
 65. ret, nihil certi de ea statui posse, longa denique narratio de rebellionē
Macassarorum, quos Rex Siamis e patria profugos benignissime ex-
 88. ceperat, & sedibus donaverat, quorum horrenda perfidia & fero-
 119. cia, tum innata, tum oppii usu provocata, prolixè describitur. Refe-
 ritur etiam ejusdem gentis hominum conjuratio in nova Batavorum
 colonia Javensi inita, quam secuta est animadversio in sceleris auto-
 res, & reliquorum fuga, sed & Batavorum non exigua clades ab eis
 accepta, cum profugos persequerentur. *Libro IV.* enarrantur, quæ
 post appulsum classis Gallicanæ in regno Siamensi gesta sunt, ex qu-
 bus pauca quædam observabimus. Dictum jam est alibi, de servili &
 superstitiosa miseræ gentis erga Reges suos reverentia. Hujus speci-
 124. men notat *Tachardus*, dum narrat, attonitos fuisse & plane tacuisse
 procures quosdam Siamenses, cum e navi egressus, de valetudine Ro-
 gis bona mente & solita humanitate eos interrogasset. Didicit vero
 postea, nemini ne sic quidem licere de Rege quicquam inquirere
 aut loqui. Admiranda est & fortassis sine exemplo promptitudo,
 185. qua Rex barbarus omnia a Legatis Gallicis proposita admisit & ex-
 cutus est, neque tamen absque deliberatione, sed sciens volensque,
 ita ut agnosceret, foret, ut incredibilia videantur Europæis, quæ Gal-
 lis concederet. Non enim solum plenissimam, & qualem deside-
 rabant, commerciorum & sacrorum libertatem illis indulxit, sed &
 duos

duos præcipuos portus & claustra regni, *Bancoq & Mergny*, Gallorum ducibus & copiis commisit, suaque ipsis præsidia subesse iussit. Multum ad hæc contulerunt Siamensium, qui ex Gallia redierant, Legatorum relationes. Scribit enim *Tachardus*, dixisse eos, cum a regio ministro *Constantio* interrogarentur, *se in Gallia non homines, sed angelos, non regnum sed mundum inuenisse*: cum vero de Rege loqui cõpissent, a lacrymis abstinere non potuisse, tantoque affectu & tam ingeniose de illo disseruisse, ut Constantius negaret, sibi unquam talia audita esse. In ceremoniis quibus Gallici Legati excepti sunt, nihil fere mutatum narratur ex illis, quæ in prima Legatione observatæ fuerunt, nisi quod *Luberius* stans & nudo capite Regem allocutus est, licet aliud pactus esset. Integra ejus oratio refertur. Magna benevolentia exceptus. quoque est dux copiarum Gallicarum *Fargefus*. Notavit tamen *Tachardus*, ut aliquid singulare & insolitum, quod ex duodecim corporis Regii custodibus, qui latera ejus claudabant, quatuor converso ad Regem vultu, dorso vero accedentibus obverso, adfiterint, forte ut nutum ejus facilius observarent. Inserta est huic libro proluxa relatio *Fontenai* Jesuitæ, de itinere ex regno Siamensi in Chinam infelicitè & frustra suscepto. *Libro V.* varia annotavit Autor de Legatorum Gallicorum, maxime vero de Jesuitarum ad Regem admissione; de exstructis a Constantio ædificiis sacris & profanis; de jussu Regis, ut Jesuitæ linguam Siamensium sacram addiscerent, qua de causa tres ex illis sacerdoti cuidam idololatæ, quanquam invito & ægre parenti, erudiendi traditi fuerint; de venatione elephantorum; de spe metalla, Gallorum industria, inveniendi; de itinere *Fontenai* ad rupem quandam magneticam; quam tamen propter periculum a belluis aliaque impedimenta satis diligenter explorare non potuerit. Fabula inde de Deo sive heroe Siamensium *Sommonoradono* recensetur, quod ex virgine natus esse dicatur, multa que egerit & passus sit, quæ si quid judicamus, ex historia Christi detorta esse videntur. Spulissimum est, quod vestigium pedis ejus saxo impressum ostenditur, quinque pedes longum, unius latitudine. Irrisisse hoc barbarus quidam ex vicina *Camboja* regione dicitur, festive quærens, cur Deus Siamensium uno tantum pede illos accesserit. Læta referuntur de successu missionis apud Sinenses, & ut Episcopi eorumque Vicarii (quibus Rex Siamen-

pag. 187.

195.

198.

127. 165.

223.

230.

246.

253.

Mmm 3

sis 500

- sis 500 aureos quotannis largiri dicitur,) anno 1686. decem incolarum millia, *confirmationis*, quod vocant, Sacramento initiaverint, & mille baptizaverint. Diploma regium exhibetur, quo Jesuitis ad preces Constantii, (quem Rex *Oya Vitechaigen* vocat) locus ad construendum observatorium astronomicum assignatur, & centum mancipia cum omni progenie donantur. *Libro VI.* post descriptiones quarundam arborum, plantarum & ferarum, literæ Regis Siamensis ad Gallicum inferuntur d. 22 Decembris anni 1687 datæ, quem Barbari 2231 numerant, quæ plenæ sunt submissionis & venerationis erga Galliarum Regem, & laudum Tachardi, cui, licet titulos & præmia aulici ministerii recusasset, negotia tamen sua commisisse se proficitur.
264. Eadem comitate, nec minori in Tachardum fiducia, ad *P. la Chaise* scripsit. Oratio Luberii, cum dimissionem a Rege petit, brevis sed elegans exhibetur, ut & relatio ultimi inter Regem & Tachardum colloquii, quod cum tempore festi Christianorum natalicii haberetur, occasionem sumsisse se dicit Tachardus, de mysterio illo aliquid commemorandi. Illa libenter se percipere Rex dixisse perhibetur; nihil tamen ad rem respondit, neque alius huc usque ex omni illa Jesuitarum familiaritate, in aula Siamensi effectus ad Regem Christiana religione imbuendum extitit. *Libro VII.* pauca habet de reditu Gallorum in Europam, longa vero narratio occupatur Mandarinum cujusdam Siamensis, de naufragio, quod ante aliquot annos ad oram Africæ passus erat, quæ tamen fabulæ simillima videtur. Retulit enim ille, ut totos triginta dies per loca inaccessa vagatus, omni prope alimento hominibus convenienti, aqua etiam plerumque destitutus, & ignotis herbis, corio etiam calcæorum vitam tolerans, ad Batavorum coloniam in promontorio Bonæ Spei penetraverit. *Libro VIII.* qui ultimus est, Auctor historiam itineris sui, & classis quæ vhebatur, ab ora Africæ in Galliam usque persequitur, utque Regi suo mense Novembri A. 1688 gestorum rationem reddiderit. Jussum autem se esse dicit, ut cum Mandarinis Siamensibus, quos adduxerat, Romam festinaret, idque ita executus est, ut hospites illos d. 23. Decembris Pontifici stiterit. Remissus fuit illis ritus pedem Pontificis osculandi, recusabant enim illum, ut actum religiosum, suæ superstitioni inhaerentes. Tachardus verba Regis Siamensis nomine fecit, literasque ejus, die supra notato, 22. Decembris 1687 datas, & aureis laminis
- pro

pro more inscriptas exhibuit. Blandis illæ verbis, & promissis de protegendis in regno Jesuitis & Christianis refertæ erant, titulus etiam sanctissimi patris Pontifici datus. Accessit munus regium, cistula aurea quindecim marcarum pondere. Constantius argenteam capsam insignis ælaturæ miserat, tredecim librarum. Offerebant hæc Siamenses, trina genuflexione, erectisque ad frontem manibus, & postea ad pedes demissis, inclinato etiam capite, & apice pileorum acutorum quos gestabant, simbriam stolæ Pontificiæ tangentes, venerationem testati. *Tinquenensium* quoque catechistas, quos vocant, tres adduxerat Tachardus, qui Pontifici literas ducentorum nullium Christianorum in illo regno nomine exhibuerunt. Adstebant Pontifici Siameses admittenti octo Cardinales, omniaque ad pompam composita erant, quam impense mirati esse dicuntur Barbari, maxime cum Missam solennem in sacello Pontificio celebrari vidissent; unde magnam de religione Christiana existimationem concepisse dicuntur, duoque ex illorum famulitio baptismum desiderare visi sunt. Responsum Pontificis ad Regem Siamesem aureæ pyxidi inclusum fuit, & præmia Tachardo & Mandarinis exhibita sunt. Inter ea fuerunt numismata: effigiem Pontificis, & in altera parte iconem charitatis representantia, cum dicti Paulini inscriptione: *Non querit quæ sua sunt.* Discesserunt Roma Tachardus & Siamenses d. 7. Januarii hujus anni 1689, & sequenti die conscensis navibus Galliam reperiunt.

Atque sic æconomiam præsentis Itinerarii delineasse suffecerit. Cæterum cum in eo inter alia *Anatomicam* etiam, eamque satis accuratam animalculi cujusdam, in Siamesi regno non infrequentis *Descriptionem*, in eo quidem librorum genere inexpectatam, deprehenderimus: id Medicorum filiis, aliisque qui vel Historia Animalium delectantur, vel Anatomen comparatam in deliciis habent, dandum existimavimus, ut separatim ea e Gallico in Latinum sermonem translata hic exhiberetur. Itaque sequitur nunc.




DESSCRIPTIO ANATOMICA ERINACEI SIAMENSIS; excerpta ex Tachardi Itinere altero Siamesi lib. 6. p. 250. seqq.

Animal

TAB. XI.

Fig. 1.

A Nimalia inter exotica non ultimo considerari meretur loco, quod in Figura adposita delineatur, ac longitudine duos pedes & dimidium circiter cum cauda adæquans, a Siamensibus *Lin*, a Portugallis *Bicho Vergenhofo*, i. e. insectum verecundum appellatur; ab Autore vero Erinaceus seu echinus (*l' Herisson*) eo salutatur, quod metu perterritum, erinaceorum nostrorum adinstar, in se ipsum se contrahat, omnesque squamas, quibus cutis undique tegitur, ventre solummodo ac interna crurum parte exceptis, erigat. In sylvarum alias degit cavernis; nonnunquam arbores conscendit, ac granis quibusdam durissimis saltem vescitur, utpote præter quæ, lapillis nonnullis sociata, in ejus ad minimum ventriculo, quem Autor dissecuit, repertum fuit nihil. Et permirum omnino, nec fructus, nec oryzam, nec legumina, neque carnem, neque pisces, neque aliud quidpiam, quod porrigebatur, ab eodem fuisse assumptum. Fauces ei erant admodum angustæ, lingua vero longa & stricta, quam interdum e faucibus instar serpentum evibrabat, ita nihilominus ut neminem læderet. Pilis satis longis stipabatur inter squamas prodeuntibus; cauda superius rotunda, inferius plana, perquam gaudebat longa, in parvam quandam excrescentiam carneam albicantem finiente, squamisque durissimis cooperta. Pedes tribus munebantur ungulis incurvis majoribus, duabusque minoribus, in arboribus ascendendis admodum commodis. Cum post obitum mox apertum esset, sanguis deprehendebatur frigidus, corq; rubicundissimum, eo, quo sectio instituebatur, momento ab omni pulsatione cessans. Pulmones ejusdem coloris cum humanis e quinque lobis, quorum nonnulli in extremitate in multas alias dividebantur partes, coalescebant, ac inflati totum includebant cor. Ventriculus similem ac in porco obtinebat situm, secundum longitudinem vero pylori apertus (1) observandam præbebat texturam ejus e tribus coagmentatam membranis, altera externa carnea, satis crassa; altera interna nervea, rugosa admodum & glandulis copiosissimis, imprimis pylorū versus intertexta; tertia denique intermedia tenuissima. (2) Membranam inter ventriculi internam, & pelliculam hanc subtilissimam, duo exiles perquam, sensibiles tamen annotabantur ductus, qui a duabus exiguis glandulis, circa medium ventriculi, aliquanto nihilominus magis versus inferius, quam superius orificium situatis, exoriebantur, ac a supe-



a superiore parte ad inferiorem progrediendo, semicircuitum ventriculi oblique absolvebant, tandem multis tortuosis circuitibus cernens, intus angusto quodam orificio carnosio & in marsupii morem corrugato, quo coibant invicem, terminati. (3) Pylorum crassities quædam sub ovi columbini specie circumdabat, perquam rubicunda & musculo crasso admodum similis; interiorem vero pylori partem parva quædam obsidebat glandula, crassitiem juglandis minoris æquans, & substantiam albicantem ac conglobatam referens, a qua exilis quidem canalis exsurgens, atque sub interna duodeni membrana excurrens, osculo idem intestinum, ad trium digitorum transversorum distantiam, prope insertionē meatus biliarii pertundebat. Eadem glandula totam pylori cavitatem occupando ipsum constituere pylorum videbatur. Cavum præterea ventriculi, uti jamjam indigitatum, non aliud, quam semina quædam parva durissima, Autori minus nota, lapillis nonnullis mixta, continebat: parum saltem substantiæ mucilaginosæ ingratum odorem nequaquam spirantis jungebatur. Mesenterium glandulis obsitum erat eo majoribus, quo propiores accederent ad centrum: deerat tamen hic glandula illa magna, Pancreas Asellii dicta, & in canibus aliisque animalibus obvia. Uterus in duo expansus cornua, in alterutro horum unicum more consueto gerebat fœtum, duabus equidem membranis, crassa altera & sanguinea, altera tenuissima & albicante inclusū, nulla tamen placenta sustentatis. Cæterum animalia hæc pusilla, quo per foramina & antra quæcunque comitentur matres, harum semper dorso extremitati & principio caudæ superius insidere (confer figurā appictam) ipsisque plicis, quæ in perterrefactis corrugandum inter formantur, ita sese accommodare, ut squamas solum dorso ostendentia nullo inde modo amoveri queant, *ἀντίπτης* Autor testatur; a pauca alias aqua dorso adspersa eadem animalia in se contracta cogi, ut denuo sese extendant, simul advertens.

EXCERPTA EX LITTERIS Dn. DION. PAPINI

*ad— de Instrumentis ad flammam sub aqua
conservandam.*

Nnn

Refert

Refert Illustriſſimus Dominus Boyleus in ſuo tractatu de *Aerea Voſitica*, quod præter alios uſus non contemnendos, Phosphorus ille poſſit etiam noctu piſcatoribus eſſe utilis: quum enim ſua in obrurata phiata lucem diu conſervet, poteſt ad quamlibet requiſitam profunditatem ſub aquas demitti, ubi retia tenduntur, atque ita piſces, quos ad lumen allici compertum eſt, in eum locum concurrent, & plurimi capiuntur. Hinc mihi venit in mentem, poſſe conſtrui inſtrumentum aliquod, cujus in hunc finem utilitas Phosphoro eſſet anreponenda: ejus enim ope candelam ſub aqua ardentem quamdiu libet, conſervare poſſum, quæ lucem profundat longe majorem, quam quæ ex Phosphoro emittitur. Londini inſtrumentum illud Regiæ Societati exhibui, viſoque experimento celebris ille Cœtus rem approbare dignatus eſt: ejus igitur deſcriptionem publici juris facere non vereor.

TAB. XI. ... Orificio vaſis vitrei AA fig. 1. imponitur operculum BB, quod ibi ſtatim retinetur & premitur ab elatere CCCC: ac ſimul exercendus eſt folliſ DD, qui valvis ita inſtructus eſt, ut ventus per tubum EE-EEE in vaſ AA impellatur, reſreſſu vero prohibeatur, ac proinde per tubum FF erumpens fumos ſecum abripiat: candela igitur in vaſe AA ardens novo ac puro aere continuo alluitur; unde flamma, quamdiu libuerit, conſervari poteſt. Quum autem vaſ AA undiquaque ſit exacte clauſum, poteſt ſub aquam ſine extinctionis periculo demergi, modo ſuperius orificium tubi FF extet ſupra ſuperficiem aquæ: illius autem tubi longitudo, ut & tubi EEE poteſt pro lubitu produci: ac proinde vaſ AA ad quamvis optatam profunditatem demitti poteſt, & piſces candela incluſa magis allicientur, quam ope Phosphori, cujus lumen multo languidius eſt. Poteſt verò hoc inſtrumentum in alios etiam uſus non minus expetendos adhiberi: ad diſtillandas nimirum materias, quæ actu inflammari debent, quale eſt ſulphur, ex quo ſpiritus acidus extrahitur. Notum enim eſt, quod juxta vulgarem methodum, ſpiritus plerique fere omnes diſperdantur, quum propter exiguam moram per pauci condenſari queant, ſed ſtatim ex campana, ſub qua comburitur ſulphur, exitum inveniant atque in auras avolent: at noſtri inſtrumenti ope tanta poſſet fieri longitudo tubi FF, & ſi opus eſſet, in tot ſinus incurvari, totque variis vaſis ſub aqua frigida demerſis ſucceſſive inferi, ut ſpiritus omnes condenſari

laffi atque in liquorem refolvi deberent, priusquam per extremum orificium poffent egredi, atque ita nihil amitteretur.

Videtur præterea ejusmodi artificium ad meliorandam *campanæ urinatoriæ* non mediocriter etiam poffe conferre. Conatus eft equidem Clariffimus Dominus Sturmius flammam in campana vitrea fub aquis confervare, prout in ipfius Colleg. Exp. part. 2. videre eft; verum tam exiguo tempore flammam ibi durare expertus eft, ut nullam inde utilitatem liceret percipere: rem igitur alio modo aggreffus fum. Vasis vitrei AA fig. 3. orificium deorfum fpectat, TAB. XI. atque ipfum amplectuntur laminæ metallicæ BBBB, quæ fuprà centrum fundi fuperioris connexæ, inferius ad centrum orificiî concurrunt, ibiquè adferruminantur & candelam C fuftinent; ipsis etiam annectuntur pondera, quantum fatis ad vas demergendum, ita tamen ut cum æquali volumine aquæ in æquilibrio ferme remaneat: tubus autem EDDDF, variis fuis flexuris orificium vasis inferius fubit, immiffum aerem verfus fummitatem defert, atque altero fui extremo ad follem aut antliam pertingit, unde novus continuo aer fuppeditatur.

Fig. 3.

In utendo utroq; hoc inftrumento quædam mihi occurrerunt obfervanda, quæ relatu forfan non indigna videbuntur. 1. Si removeatur follis DD, fig. 2. atque ore admoto in tubum EE aerem impellamus, videbimus quod aer ejusmodi ad confervandam flammam non folum inutilis, verum etiam noxius invenietur: quoniam verò in vafe exacte claufo tam brevis eft duratio flammæ, ut differentia parum fit fenfibilis, five aerem ore impellamus, five nullus immittatur aer; ad rei veritatem manifeflius comprobandam operculum BB ita difpofui, ut vas AA totum ferme apertum remaneret, etiam fi orificium tubi EEE ad fundum vasis AA tantum non pertingeret: tum vero diutiffime durabat candelæ flammæ, neque fpon te extinguebatur: at fi aerem ore admoto per tubum EEEE immitterem, brevi temporis fpatio extinctio fequuta eft: hinc itaque concludi poffe videtur, quod aer per expirationem ex pectore noftro emiffus, partibus ad flammam confervandam idoneis non folum defraudatus eft, verum etiam alias continet, quæ funt inftar veneni igni admodum exitialis. 2. Obfervavi, flammam in inftrumento fig. 3. multo difficilius quam in altero confervari; cujus phænomeni caufam adfcribo fumis, qui fuprà flammam afcendentes verfus eandem repelluntur ab aere, per orifici-

um F subintrante, sicque ipsam suffocant; at in instrumento fig. 2. fumus ex flamma ascendentes recta per tubum FF transire possunt, neque versus candelam regrediuntur, unde minus imminet extinctionis periculum. Lectores igitur existimo monendos, quod si simplex follis DD (qualis pro instrumento fig. 2. felicissime inservit) ad instrumentum fig. 3. adhibeatur, intentum obtineri non potest, at semper flamma extinguitur: quapropter necesse est follem adhibere duplicem, qui ventum constantem sine intermissione suppeditet: tum vero poterit instrumentum fig. 3. optatum effectum non minus feliciter quam alterum præstare. 3. Observavi, quod si flamma in instrumento fig. 3. per semiquadrantem horæ aut circiter sub aqua duravisset, aqua illa tenuibus sebaceis laminulis tota conspersa reperiebatur: cujus rei causam adscribo fumis, qui ex inferiori parte vasis AA. egredientes ambientem aquam penetrant, ipsiusque frigore condensati, sebi formam iterum induunt: non tamen propterea existimem, totum ardentis candelæ sebum hac arte posse recuperari (ex quibusdam enim Boilianiis experimentis patet, corporum naturam per inflammationem penitus alterari; spiritum vini e. g. dum comburitur in aquam puram converti; verum arbitror solas flammæ partes interiores, quæ aeri minus exponuntur, minus etiam perfecte accendi: unde fit, ut formam sebi nondum prorsus mutatam facile reassumant, dum in aqua condensantur.

Commoda autem insignia ex hoc invento in campanam urinariam emersura, manifestissime patent. i. Aer per tubum DF ingrediens aquam sibi subjacentem deprimit, & ex campana expellit, quæ proinde semper vacua remanens, idem ferme æquilibrium cum aqua ambiente semper servat, sive ad fundum demergatur, sive in superficie aquæ hæreat; atque ita homines in dicta campana inclusi ipsam quaquaversum, pro data occasione, facillime transportant: & quo facilius id fieri possit, superiorem partem tubi DE ad magnam longitudinem conficio ex corio, quod facile flecti & reflecti potest, prout campana huc vel illuc transfertur; at in aliis machinis comprimitur aer a pondere aquæ super incumbentis, & in angustias spatium redigitur; campana ergo, aqua repletur plus vel minus, prout ad majorem vel minorem profunditatem demittitur: tanto igitur pondere gravata nequaquam potest ab hominibus in ea inclusis de loco

loco in locum moveri: id autem multis in casibus valde incommodum est. 2. Aqua illa campanam subintrans & pro parte replens, impedit quominus fundum aquæ satis detegatur, ut ibi plurima pro voto exequi & videre queamus: nostra vero campana, quum semper ab aqua remaneat vacua, potest fundo aquæ ita applicari, ut pars subjacentium non sicca remaneat, hominesque ibi inclusi omnia videre atque operari ferme tam facili negotio possent, ac si in aere libero versarentur: nec dubito, quin hac ratione maxima impensarum pars devitari queat, dum ædificia aliqua in aquis extruenda sunt. 3. Nullus hic esset metus, neque a defectu luminis, neque a frigore, de quo sæpissime urinatores conqueruntur: possent enim ignis & candela, quantum satis in campana conservari. Postremo etiam si ignis & candela aerem brevi inquinare respirationique ineptum reddere queant: non tamen impedirent, quo minus urinatores in fundo aquæ remanerent, quamdiu ita luberet; campanæ vero urinatoris vulgares identidem extrahi necessario debent, quo possit aer in iis inquinatus nova & pura aura commutari, quod sine magno laboris & temporis dispendio fieri nequit.

Si in insigni profunditate folles ex corio confecti minus validi reperirentur, quam ut aerem ad sufficientem compressionis gradum redigere possent: huic difficultati facile esset remedium ferre, adhibendo nimirum follium loco antlias metallicas, quarum ope intentum procul dubio obtineretur, modo vires adhiberemus, quantum satis ad aerem hominibus & igni sufficienter suppeditandum: tubus autem coriaceus DE certo certius poterit inservire; quandoquidem in machinis ad incendia restinguenda comparatis reperiuntur tubi coriacei, qui non minus validas distensiones patiuntur, quam quæ in machinis urinatoris ad insignem profunditatem demersis perferendæ essent: præterea vero in his minor requireretur tuborum diameter, ac proinde minus foret ruptionis periculum.

LVDOVICI ET JACOBI CAPPELLORUM

opera posthuma.

Amstelod. 1689, fol.

Quem superiori mense p. 410. orsi sumus voluminis hujus recensum, redordiri nunc ac ad finem perducere constituimus. Su-

N n n 3

persunt

per sunt autem memoranda, tum *Jacobi Cappelli* in selecta librorum V. T. loca observationes, tum *Ludovici Cappelli* Arcanum punctuationis revelatum, cum vindictis hactenus *avendörus*.

578-695.

Quod ad illas, generatim monuisse juvat, eas maximam partem ex Rabbiorum veterum ac recentiorum scriptis depromtas ab Autore esse, non eo quidem animo, quod universa illa Judæorum placita fide aut admiratione saltem digna crederet, sed quod inde phrasin aliquam Scripturæ sacræ, ac præsertim Levitici cultus ritum non perfunditorie illustratum iri confisus esset. Multa tamen heic videas recutitæ gentis commenta, quæ cordatioribus non magis sese approbabunt ac vilissimi scurrarum mimi. Unde in his talibus non amœnitatem, quæ in Judæorum scriptis nulla sit, quæri cupit, attamen novitatem eorum aut peregrinitatem Lectori non displicituram arbitrat^{ur} Cappellus. Exempli loco sint seriz illæ Judæorum nugæ de loco

628.

Num. XXXI, 18: Omnes parvula inter feminas, quæ non agnoverant cubitum masculi; Hoc est, (inquiunt Talmudistæ, Jebbamoth, c. 6. fol. 60) quæ majores non erant annis tribus & uno die. Nempe (addit Cappellus,) si major trium annorum fuerit puella, Judæi volunt jam incertum esse, sit ne virgo nec ne. Sic, quam sæpe exceptionibus suis

639.

Legi fraudem faciant Judæi, observat: E. c. *Deut. XXII, 14. seqq.* poena constituta cavere voluit Deus, ne innocenti foemina injuria fieret a marito, qui illius forte pertæsus, læsæ ante nuptias pudicitia per calumniam ream agere posset. Quid heic Judæi? Vaferrime illi legem ad puellam 12. modo annos natam restringunt, rimamque adeo, qua tantum non omnes legis transgressores elabantur, aperiunt. Ita enim *Maimonides*, Constit. de Virgine c. 3. §. 2. Misnæ tom. II. f. 106. ex versione Cappelli: *Qui famam læserit קטנה minorennis, vel בוגרת ונתקדשה, adultæ, insons est tam a multa quam a verberibus, nec penas luere tenetur, nisi læserit famam נדה puellæ. Filia, donec duodecim a natali suo solidos annos expleverit, dicitur קטנה minor, ubi 12. annos & diem unum attigerit, vocatur נדה naara puella. Ubi sex præterea menses impleverit, vocatur בוגרת adultæ, Inter puellam & adultam interj. sibi sunt, tantum sex menses.*

596.

Majoris momenti sunt, quæ Cappellus ex proprio ingenio ad difficiliora Scripturæ dicta commentatur. Hujus generis est, quod *Gen. X, 3.* gentes Europæas אי הגרים insulas gentium vocari putat

putat ex sententia popularium Mosis, qui isthmum ignorarint, quo Asia Europæ connectitur, sed pelagus notissimum habuerint, quod Europam ab Asia Africaque determinat; Asiam autem Africamve insulam nunquam vocarint, quod ambas isthmo sibi invicem coherere probe nosset; ideoque Continenti Asiam Africamque complexæ, contradistinxerint *insulas* h. e. Europam, mari a continente illa sua diremtam.

Gen. XIV, 12. nove omnino vocem רכיש (facultates) vertit pag. 598. *equitatum*, & vocem מל (cibum, annonam,) *exercitum* reddidit; an feliciter, philologi dispciant.

Exod. XXXII, 17. lex habetur: *Festum azymorum observabis septem diebus; ede azyma, prout praecepi tibi: praestituto mense (Abib) novarum spicarum; quia mense novarum spicarum egressus es ex Aegypto.* Cum autem *Abib* incipiat a Martio vel Aprili, Cappellus monet, non spectandum heic nostrum clima, sed *Judææ & Aegypti*, in qua *Plinius* L. 18. c. 18. messem dicit ante Kal. April. inchoari, finiri mense Majo. Quin, *Leone Africano* teste P. VIII. Descript. Africae cap. IV, messem in Aegypto finiri solere ante XX. Maji; ac (quod idem *Leo* P. III. c. III. habet) in Ansa civitate Temesna in regno Fessano melones & citrea mala circa medium Aprilis maturefcere.

Eccles. II, 8. ושררה ושררה aut de alveo & siphonibus aquam ejaculantibus, aut de instrumentis hydraulicis explicandum conjicit. Nove sane; an vere, judicatu difficillimum est, cum voces illæ τῶν ἀπαξ λεγούτων sint.

Nec magistrata sunt, quæ ad *Eccles. VI, 9.* de voce נפש (anima) habet: *Melius quidem est ambulare cum oculorum aspectu (hoc est, cum perspicacia,) quam ambulare cum cupiditate; hoc est, melius est, judicio mentis, quam cupiditati accedere sive parere, tamen etiam illi sua vanitas est & afflictio spiritus.* נפש cupiditatem significat, ἐπιθυμία, libidinem, ut Ps. CV, 24. Prov. XIII, 2. XIX, 2. XXIII, 1. XXV, 11. Hinc ψυχὴ ἀνθρώπου dicitur is, qui suæ cupiditatis est servus, 1. Cor. II, 14.

Locum *Jer. XI, 18.* de Christo explicandum censet, æque ac Ludovicus Cappellus, de quo proximo mense dixisse meminimus; eo tamen cum discrimine, quod *Ludovicus* hypallagen adhibeat, h. m. *Perdamus lignum carne ejus, i. e. perdamus carnem ejus ligno crucis*

617.

666.

667.

677.

crucis: *Jacobus autem Cappellus*, neglecta hypallage, & *Perdamus lignum carne ejus* exponat: *Lignum, carne ejus ei affixa perdamus*, h. e. execrationi devoveamus. Ingeniose uterque. Caterum, quod vulgaris versio: עץ בלחמו נשחורו *perdamus lignum cum fructu ejus*, h. e. *perdamus hominem funditus*, simplicior longe & forsitan verior sit, Ebrææ linguæ gnari in dubium vix vocabunt.

pag. 676.

Jer. XX, 14. 15. diræ habentur, quæ interpretibus multum negotii faceffunt. Alienum enim esse videtur a spiritu prophetico id genus execrationibus uti, præsertim in innocuos. Verum Jacobus Cappellus autumat, Jeremiam non ex mente sua illas protulisse, sed per prosopopœiam tantum dixisse ac vaticinico spiritu prædixisse, quid desperandum impii dicturi sint; ubi poenæ, quas præcedentibus verbis iis interminaverat, suo tempore exantlandæ fuerint. Hinc versu 13. post clausulam: *apoteftate maleficorum*, vocem, *dicturorum*, supplementi loco adjicit.

681.

Sed ne exemplorum copia nauseam cieamus lectori, trestantummodo in Daniele observationes coronidis vice addamus. Prima spectat 4. animalia totidem Monarchias denotantia, cap. VII. Nimirum quartum *animal* Romanum esse putat Imperium, decem *cornua* sive imperatores habens, Pompejum nempe, Cæsarem, Augustum, Tiberium, Caligulam, Claudium, Neronem, Galbam, Othonem, & Vitellium. Pompejum (Xiphilini exemplo) Imperatoribus adnumerat, non tantum propter immensam & civili majorem potentiam, qua spoliatus est a Cæsare, sed & eo quod Pompejus reliquias successorum Alexandri subegit, Seleucidas quidem ipse, Ptolomæos autem per Gabinium. *Parvum cornu* ipsi est Vespasianus reliquorum omnium obscurissimus, *ascendens inter alia* (*Ner. Galb. Orb. Vitellium*,) & *deiciens tres* (posteriori loco memoratos); *proferens verba contra excellsum & perdens sanctos excelsi*, (Hierosolyma scil. Matth. XXVII. 53.) & *proponens sibi mutare tempora* (legem & festivitates Judaicas) *intra tempus, tempora & dimidium temporis*, h. e. intra tres annos & serius, quorum initium ab A. D. 66. Contra hunc Vespasianum *judicium stetit & abolutus est ejus Dominatus &c.* tam, dum filii ejus erepta est vita una cum regno, quam quia æternum est impiorum exitium: *Et regnum datum est populo sancto*; Christianis, 1. Petr. II. 9. Apoc. I, 6.

Dan.

Dan. X, 13. per Principem Regni Persarum ad infensissimum pag. 682.
Judæorum hostem *Cambysem* Cyri F. respici, author est.

Denique *Dan. XII, 11. 12.* παρὰ τοῦ θεοῦ. A tempore, quo sublatum fuerit ab Antiocho iuge sacrificium, idque ad substituendum illi abominationem desolatricem fluent dies 1290, ad sublatum videlicet Antiochum ipsum. Beatus, qui expellaverit dogec pervenerit ad dies 1337, additis diebus illis 1290. Ita colligit dies 2625, quorum initium ducit ab A. V. C. 586. 17. vel 27. Novemb. quibus diebus conveniat jugis sacrificii abolitio, desinit vero in A. V. C. 594. sub finem Januarii aut Februarii initium, circa quod tempus Jonathan ultus est fratrum suorum Johannis & Judæ cædem. *Macc. IX, 35.* quam ultionem deinceps prosper rerum Judaicarum successus secutus est.

683.

Et hætenus quidem de observationibus *Jacobi Cappelli* dictum est. Restat *Ludovici Cappelli* Arcanum Punctionationis revelatum, auctius post priorem Editionem Erpenianam editum. Refutare id fatigat peculiari opere *Buxtorfius* Filius. Huic in hac demum editione opponuntur *Vindiciae* prolixæ sæpiusque nimium quantum amarulentæ. *Vindice* sane digna est de *punctionum antiquitate* controversia, & si quid contra hanc in medium proferri potest, id certe omne cum pulvillo quasi corrasum in *Cappelli* operibus, tum præsentibus, tum *Critica Sacra* offendere est. Momenta vero quæstionis sigillatim enarrare non consultum videtur; quod si enim pauca ac in compendio de iis dissereremus, non possent ea non tritissima esse. Si autem prolixius ea enarraremus, ut *Lectori* de robore universo argumentorum *Cappellianorum* accurate constaret, relatio nostra præter morem in nimiam molem excresceret. Meretur tamen hic, si quis alius, acutissimus Criticus, ut illius sententia ab harum rerum peritis nulloq; partium studio fascinatæ sub examen iterum revocetur. Neque enim dubium forsan erit, magnum illi a *Clariss. Buxtorfio* relictum esse spicilegium.

796-979.

Voluminis hujus extrema occupant locorum *Scriptura*, vocum *Hebraicarum*, rerum denique indices. Eidem vero præmittitur *index operum Cappellianorum* tum editorum, tum suo tempore edendorum. E posterioribus cum primis avide expectanda videtur *Historia Christi & Apostolica*, item de *Mensuris* volumen unum, autore *Jacobo*

O o o

Cappell-

Cappello; porro *Ludovici Cappelli* Confutatio IV. librorum *Socini* de Christo Salvatore, ejusdem *epistola* variaz ad eruditos, ut & dissertationes *ἀπορίαι* ejusdem *Ludovici Cappelli* & *Primerozii* Pastoris Burdigalensis. Cetera utriusque Cappelli opera affecta magis, quam absoluta esse, Clarissimus editor indicare videtur.

ANTIBAILLET, OU CRITIQUE DU LIVRE
de Mons. Baillet intitulé Jugemens des Scavans, par Mons. Menage.

id est,

Antibailletus, sive examen libri Antonii Bailleti qui inscribitur *Judicia eruditorum de precipuis Auctorum libris*, auctore Ægidio Menagio.

Hagæ Comitum, apud St. Foulque &c. 1688. in 12.

Tomis duobus, plagulis 37.

Quod in collisione filicum accidere cernimus, ut scintillæ profiliant, id in eruditorum contentionibus similiter usu venire videmus, ut dum libellis se mutuo isti petunt ac cæduntur, &, ut Horatius ait, totidem plagis hostem consumunt, eruditionis variaz quidem lumen accendatur, ac proinde verum omnino reperiatur istud Hesiodum, ἀλαθὴ δ' ἔργα ἵδη βροτῶν; sed simul ab utraque parte dictoria proficiantur, quæ ii magis quos ea non tangunt, quam hi in quos sparsa sunt, ferre possunt. Non prorsus autem indecoras Dædis sed utiles & doctrinæ salutare habendas esse hujusmodi rixas, vel Ciceronis testimonio patet, qui in ipsa *Gracia philosophiam tanto in honore nunquam futuram* affirmat, nisi doctissimorum contentionibus dissensionibusque viguisset. Igitur modo contumeliæ verborum absint, haud improbandum est, si exemplo boni illius & prudentis viri ab Horatio descripti, Doctorum scripta quæ prodeunt ad vivum resercentur, ac super iis doctæ Aristarchorum lites exoriantur. Tale certamen inter doctissimos duos in urbe Parisina viros, ÆGIDIUM MENAGIUM, & ANTONIUM BAILLETUM, superioribus annis excitatum fuisse accepimus: quorum cum neutri ad summam doctrinam quicquam desit, nos arbitrium ferre, quis eorum vel argumen-

to va-

to vicerit, vel elegantia verborum superior extiterit, superfedemus; quippe extra instituti rationem ducentes omne partium studium, potissima saltem concertationis & exprobrationis mutuae capita recitaturi.

Emittere in publicum Antonius Bailletus, Bibliothecae Lamontianae celeberrimae praefectus, judicia eruditorum de praecipuis scriptorum praestantium libris (*Jugemens des Sçavans sur les principaux ouvrages des auteurs*, coeperat, ejusque operis priores quatuor libros anno 1685 evulgarat, a nobis in Actis mens. Maji anni 1686 p. 251 memoratos. In his Menagius se aequae ac alios amicitiae & studiorum communione junctos cum animadverteret notatos, ægerrime id tulit, & Hendecasyllabos, (qui in postrema Poematû ejus editione, quæ octava est, p. 156 leguntur,) scripsit in hæc Bailleti de Doctis iniquiora quæ existimabat judicia; alii etiam venusti in Gallia Poetae, Valesius, Lucas, Comirius, evulgatis satyricis carminibus Bailletum infectati fuerunt. His, cum anno 1686 quinque volumina Judiciorum de Poetis ederet, respondit Bailletus, & Declarationem atque Praefationem enarrationi istius Poetarum (a nobis in Actis mensis Octobris anni 1687 p. 574 recensitæ) præmisit, in qua cum alios tum imprimis Menagium adortus est, multa; illi tum in Praefationibus istis, tum in ipso opere, (cum primis *Tom. IV. Part. V. p. 246 seqq.*) objecit. Hæc diluenda ratus Vir doctissimus, probrosa dicta ferre nescius, in provecta adeo ætate (cujus septuagesimum sextum annum cum agere, e *Tomo I. Antibailleti p. 263* patet, ubi se natum dicit d. 23 Aug. 1613) ab humanioribus literis & elegantioribus Musis nondum alienus, sed earum gloriam sustinens, librum duobus abhinc annis (ut ex Praefatione apparet) conscripsit Bailletæ oppositum, & superiore anno Hagienfis in Belgio typis sub *Antibailleti* elogio evulgavit: nam Parisiis imprimendi ejus facultatem non concessam sibi fuisse, sub finem queritur. Praecipuum Auctoris in hoc opere institutum est, objectas sibi a Bailletæ criminationes quæ vel mores vel studia spectant repellere, commissos etiam Adversarii errores notare, alios eruditos viros a reprehensionibus ejus vindicare, denique recte ab eodem posita confirmare ac eruditis Dissertationibus illustrare.

Quæ Menagio ipsi Bailletus crimini dedit, ad tria ferme redigi possunt capita: nam & philautiam, & plagium, & carminum lasciviam

viam, in eo inculcavit; quas & alias sibi obiectas culpas rectissime amolitur Vir doctissimus. Laudibus suis nimium addictum eum esse, *Adoprivorum carminum* libro, quem *Miscellaneis* suis anno 1652 editis inseruisset, & quod elogiorum suorum collectionem instituisset, probare sategerat Bailletus: cui *cap. 81* respondet, & exemplo Heinricorum Danielis & Nicolai, Balzaci item, & Ferd. Furstenbergii Episcopi Monasteriensis, librum *Adoprivorum* tuetur: laudes autem poetam sibi tribuere posse, tum rationibus, tum pluribus Græcorum & Latinorum veterum, Gallorumque hodiernorum exemplis *capitibus 136. 137. 138. 139. 140* ostendit; nec se tamen adeo magnifice semper de se locutum fuisse, sed sæpius modestissime pronuntiassse, *cap. 141. 142* demonstrat, ac nunquam laudum suarum recensum instituere sibi in animo fuisse *cap. 143* affirmat, etsi alii de carminibus suis præclare senserint, quorum elogia iis tributa Bailletus eadem elevanti *cap. 84. 85. 86. 118* opponit. Supplicem libellum Dictionariorum Gallicorum, (*la requête des Dictionnaires*) per jocum a se conscriptum, ab illustri Societate Academiæ Gallicæ haud male acceptum fuisse, quod Bailletus dixerat, *cap. 82* docet, ibique late exponit causam, ob quam ipse in Societatem istam toto orbe clarissimam nec receptus fuerit, nec recipi admodum expetiverit. Furtum poeticum, cuius turpitudinem ipsi Bailletus adperserat, quod in sua poemata e veterum poetarum scriptis multa transtulisset, & dimidiatos interdum eorum versus suis carminibus inseruisset, excusat & impune hoc licere docet, ac unde quædam in sua poemata derivavit indicat. De furtis & imitationibus Poetarum (*du larcin & de l'imitation des Poëtes*) Dissertationem se condidisse in *Observat. ad Malherb. p. 255* proficitur. Sua autem carmina si in comparisonem aliorum veniant, qui idem argumentum tractarint, sive veteres ii sint, sive recentiores, sive Græci, sive Latini, sive Galli, sive Itali, palmam istis facere ambiguum demonstrat a p. 202 ad p. 277 *Tom. II.* nam capitum numerus hic profus est turbatus. Amatorios versus, quos Bailletus potissimum in crimen vocavit, & doctissimo Abbati exprobravit, nullum crimen habere, imo laudem mereri, quod sine Venere Apollo frigat, (ut *cap. 99* asseritur) nec ab ordinis sacri dignitate alienum censeat, aut sanctitati vitæ adversari, quod vel Phillidem in Italico carmine nimium sibi adamatam queratur & doleat, (*cap. 4*) vel postquam

quam studio isthoc se abstinere posthac velle ætate ingravescente dixerat, tamen denuo istud sumserit, *capitibus 123. 124. 125* probat; cum primis autem *duobus postremis capitibus a pag. 324 usque ad finem libri*, carminum eroticorum causam diserte agit, & exemplis veterum æque ac recentiorum sanctissimorum Virorum ostendit, religioni sacræ haud adversari studium hujus poëtos, quæ in castis amoribus describendis excitandisque exercetur.

Hæc mota sibi crimina dum repellit Menagius, aliorum simul, quibus iniquiorem se Bailletus præbuerit, famam & existimationem vindicat: ut Balzaci *cap. 1.* Salmasii *cap. 2 & 3.* Bodini *cap. 19.* Lipsii *cap. 11 & 28.* Malherbei *cap. 102.* Henr. Valesii junioris *cap. 105* & quorundam aliorum. Prioris autem tomi capita ferme omnia (quæ enumerare longum foret) in erroribus Bailletii notandis versantur, quos inde ortos existimat Auctor, quod non ipsos auctores, sed eos qui istorum excerpta collegerunt, consuluerit Bibliotheca Lamonianæ præfectus. Vide *Tom. I. p. 37. 66. 149. 173. 174. 246. 284.* *Tom. II. p. 151. 266.* Nec tamen ubique Menagius Bailletum se præbet adversum, sed sæpius dicta ab eo confirmat & illustrat, ac memorabilia quæ alibi non reperiuntur profert. Prolixa & lectu digna est quæ de Marco Antonio Mureto ejusque vita & moribus *cap. 83* legitur dissertatio; nec minus memoratu digna de Johanne Casa Archiepiscopo Beneventano *cap. 119* digressio, ubi potissimum disquiritur, an is auctor sit carminis *de Sodomia laudibus*, quod ipsi tribuitur, scriptorumque id affirmantium testimonia *cap. 120* excutuntur: ejus quoque in Petrum Paulum Vergerium invectiva oratio ab Illustri viro Antonio Magliabechio suppeditata sub calcem operis *p. 355* exhibetur. Continet ea vehementem objurcationem ob mendacia de Paulo III Pontifice a Vergerio disseminata *p. 385*; ob beneficium & homicidium in uxorem commissum *p. 357 369*; ob levitatem in religionis mutatione, cujus ipsum paulo post pœnituerit *p. 370*; ob maledicentiam in Cardinalem Polum *p. 372*; ob paupertatem *p. 370 & passim*; ob crimina Petro Aloisio Farnesio falso objecta *p. 379*; ob lauream poeticam inepte affectatam *p. 381*. Mutii laudes Vergerio tributas *p. 377* evertit Casa, suum autem *de Furni laudibus* carmen (quod plerique Sodomiz encomium continere persuasi sunt) cum juvenis esset, conscriptum ait, ejusque lasciviam excusat *p. 376*, & qua occa-

sione Vergerius Pontificius Nuncius factus sit *p. 384* exponit, ac Germanorum laudes sub finem attextit *p. 390*. Cæterum in ipso Menagii libro multa præterea occurrunt, quæ Bailleti de auctorum scriptis iudicia illustrant: & præ cæteris observari merentur, quæ de Aristophanis editionibus *cap. 113*, ut & de sexaginta *Βασιλικών* libris *cap. 40* annotavit, quæ de eclogis & pastoralibus carminibus item observavit *cap. 54*, & an sublimiori in istis stylo liceat uti, *cap. 127* docuit. Nec vulgaria sunt quæ de doctis viris copiosius exposuit: de Demosthene quodam Massiliensi medico *cap. 20*, de patria Æmari Ranconeti *cap. 36*, Berniæ *cap. 37*, Torquati Tassi *cap. 38*, de Berengario *cap. 39*, de Zenonibus quatuor *cap. 41*, de Carolo Stephano typographo Parisiensi ejusque eruditione & libris ab eo conscriptis *cap. 59*, de Roberto Stephano & Johanne Thierrio *cap. 69*, de Gulielmo Morello *cap. 68*, de Scaligeris *cap. 79*, de auctore Erymologici magni *cap. 76*, de Jacobo Bonfadio *cap. 89*, de Carolo Labbeo *cap. 106*, de Theophilo Viaudio, qui *Parnassi Satyrici* habetur auctor, *cap. 90* de Antonio Bayfio, qui versus Gallicos ita conformari voluit, ut certo saltem pedum numero gaudeant, instar Latinorum Græcorumq; rhythmum autem nulla ratio habeatur, *cap. 111*, deque aliis qui clariliter extiterunt. Nomina etiam doctorum virorum investigandi studiosum ipsum fuisse & *cap. 14*, ubi de Angeli Politiani nomine, & *cap. 77*, ubi de Suidæ nomine agit, apparet: nam quæ de Bailleti nomine *cap. 42* disserit, & an *Bajuletus* Latine appellandus sit disquirat, animi potius causa, quam ut veram ejus rationem exponeret, ab eo dicta putamus.

HISTOIRE DE LA GUERRE DE HOLLANDE.

id est,

Historia belli Belgici ab A. 1672 usque ad A. 1677.

Juxta exemplar Parisiense. Hagæ Com. apud Henricum van Buldern, 1689, in 12.

Constat plagulis 25.

Liber hic non magnæ molis est, & cui typis excubendo modici sumptus impendendi fuere. Nihilominus ut indemnitati suæ rectius caveret bibliopola, Ordinum Hollandiæ privilegio munitum illum censuit, quod amplum satis operi ipsi præfixum legitur. Mireris tamen, in eodem privilegio, quo bibliopolæ quicumque alii, præter editorem, intra annos quindecim recudere librum, aut recu-

sum

sum alibi venum, exponere prohibentur, protestari. Illustrissimi Ordines, minime se hoc facto fidem ac auctoritatem conciliatam cupere iis, quæ in libro enarrantur, sed editorem ad respondendum de illis omnibus obstrictum velle. Ita vero suspecta quodammodo reddita per protestationem hanc Historia videri poterit, cujus autor præterea Gallus est, & Regi in hoc ipso bello, quod describendum suscepit, militarem præstitit operam, ut adeo in Gallos non potuerit non esse propensior. Profitetur tamen sancte in Præfatione, se omni partium studio seposito candide singula, ut gesta fuere, recensuisse, ac lectores optat obtingere libro suo, qui æque sint a partium studio alieni. Quicquid ejus sit, de quo judicare nostrum non est, nulli tamen dubitamus, quin lectu jucundissimus liber futurus sit quamplurimis, tum ob casuum, quibus illustratum illud bellum fuit, miram varietatem, tum eo etiam nomine, quod expeditionibus bellicis plerisque Autor ipse interfuerit, longeque adeo accuratius eas enarrasse præsumendus sit, quam qui non nisi ab aliis audita tradiderit. Quemadmodum nec id dissimulandum, Autori quoque nostro, ubi aliena tantum fide & rumoribus vulgi nititur, excidisse quædam aperte falsa. Ita enim e. g. cum de fœdere inter Galliarum & Angliarum Reges adversus Fœderatos Belgii Ordines inito sub initium Historiæ suæ dixisset, subjicit, bellum ipsum tamen non erupisse, nisi postquam Rex Angliæ Parlamentum, quod vocant, convocasset, illiusque consensum de bello Batavis inferendo impetrasset. Tametsi vero nemo ignorat, eundem Regem Angliæ Carolum II, cum A. 1664 bellum adversus Fœderati Belgii Ordines moliretur, Parlamenti suffragio niti voluisse, ut eo facilius, nervum rerum agendarum adipisceretur: palam tamen est, A. 1672. sua unius auctoritate, Parlamento inconsulto, Regem bellum illud suscepisse, sumptus eam in rem necessarios Gallo abunde subministrante. Sic anno 1675, cum Sueci Gallorum partes amplexati palam essent, ac Marchiam Brandenburgicam invadere constituissent, exercitum Specicum in Pomerania a Rege ipso Tom. I. frustratum fuisse memorat: cum constet tamen, Sueciæ Regem, qui pag. 326. jam tum regnare propriis auspiciis cœperat, regnatque hodiernum, hactenus quidem Germaniæ pedem nunquam intulisse. Ita anno 1677 Regem Daniæ Malmogiam, munitissimam Scaniz urbem, quam prima aggressionem frustra, nec sine accepta clade oppugnaverat,

Tome I.

p. 9.

Tom. II.

Pag. 174.

rat, cum alterum assultum pararet, in deditionem, a præfecto urbis honestis conditionibus factam accepisse, solennemque in eam ingressum cum ducum bellicorum præcipuis celebrasse: quod quam sit a vero alienum, cum potiri ea urbe Rex nulla ratione potuerit, norunt omnes. Præterimus consulto alia: neq; hæc in opprobrium Autoris notata volumus, sed ut lector de cautela adhibenda, iisque quibus Autor ipse interfuit, ab aliis quæ fama sola, sæpe fallaci, accipere potuit, probe discernendis admoneretur. Cæterum in duas partes divisum opus est, quarum prima quatuor libris recensentur, quæ annis 1672, 1673, 1674 & 1675 contigerunt; altera duobus libris, quæ annis 1676 & 1677 gesta fuere, donec pax Noviomagi coaluit, enarrantur. Promittit vero Autor, se, ubi cognoverit laborem hunc suum publico non displicuisse, peculiari opere descripturum, quæ a pace Noviomagensi ad hæc usq; tempora agitata fuere memoratu digna.

JOHANNIS LUTTS, PHILOSOPHIÆ PROFESSORIS,
Astronomica Institutio: in qua Doctrina Spherica atque Theorica, intermixto usu Sphæra Cælestis, & variis Chronologicis, pertractantur.

Trajecti ad Rhenum, ex officina Francisci Halma, 1689 in 4.

Constat plagulis 40.

PAUCIS indicandum censemus præfens scriptum, quod Astronomi-
 cæ Institutionis nomen gerit. Cum enim elementa solum spha-
 rica pariter ac theorica doceat, supervacaneum foret ea, quæ alibi
 passim prostant, prolixius huc transferbere. Interim Auctore ejus-
 dem clarissimus, qui Introductionem quoque ad veterem no-
 vamque Geographiam cum Sansonis chartis propediem edendam
 pollicetur, haud exiguam perspicuitatis meretur laudem, ad quam
 quoque pertinet, quod Schematismi ita concinnati sunt, ut non li-
 teris, uti communiter fieri solet, sed in gratiam tyronum integris vocibus,
 quid per schema intelligatur, in ipso schemate sit annotatum.
 Cum autem hæc Institutio prolixior sit, quam ut intra spatium semestris
 privatis prælectionibus explicari possit, summa rerum in Synopsin contracta est, quæ Institutioni subjicitur.

*Non ignorare Lectorem Benevolum volumus, intra octiduum proditura
 ram quoque tertiam Supplementorum sectionem.*



ACTA ERUDITORUM

publicata Lipsiæ

Calendis Octobris Anno M DC LXXXIX.

CHRISTOPHORI WITTICHII THEOLOGIA *Pacifica Defensæ.*

Amstelod. apud Joh. Wokers, 1689, in 4. plag. 138.

Chrisrophorus Wittichius, cum inter eos esset Theologos in Belgio, qui Cartesianam philosophiam præferunt omni alii, atque per eam multa detegere conantur non bene dicta nec recte docta ab aliis, more Scholastico Theologiam tractantibus; auditoribus suis privatis Systema Samuelis Maresii explicans, defectus & errores in eo simul annotavit. Cujus Commentarii partim dictati, partim ex ore docentis a diligentioribus auditoribus excepti exemplar nactus Maresius, tractatum integrum edidit *de abusu Philosophiæ Cartesianæ* in rebus Theologicis & fidei. In quo novatores Cartesianos accusat agitare nocentissima Ecclesiæ Reformatæ consilia, de universa Theologia per novas suas hypotheses & cogitationes funditus enervanda, ut sic vel Papismo, vel Muhammetismo, vel etiam Indifferentismo & Gentilismo via complanetur: dicit eos oves lupis committere, qui Theologiæ studiosos ejusmodi doctorem Cartesianorum institutioni committant. Quæ crimina a se removere suscepit Wittichius in *Theologia Pacifica A. 1671. primum edita*. Non acquiescens autem Maresius, *Indiculum Contraversiarum præcipuarum* emisit, in quo ostenderet controversias, quæ inter se atque Wittichium agitentur. Wittichius igitur in Appendice ad Theologiam Pacificam facta, ad Indiculum illum respondit. Maresius indignatus adversarii pertinaciam, novam Systematis sui editionem paravit cum annotationibus, Groningæ A. 1673. in quibus Wittichii errores repetiit & exaggeravit. Biennio post, nimi-

Ppp

rum

rum A. 1675, altera editio *Theologia Pacifica cum Appendice* prodit; quam tertia infecuta dicitur, sed quā videre nobis non contigit. Inter ea Wittichius non territus argumentis aut auctoritate Mareſii, quam inter Reformatos is habuit, *Defensionem Theologia Pacificæ* elaboravit, quam tamen post mortem suam demum in lucem proferri suis de causis voluit. Ex quibus prolixis Vindiciis potissimum controversias seligemus, de quibus Wittichius Cartesianus ac Coccejanus cum Mareſio egit, omiſſis fere iis, quæ jamdudum inter Theologos vigerunt, aut in quarum tractatione querela est, mentem disputantis non recte acceptam fuisse.

Cap. I.

- Distribuitur Opus in duas partes. In priore quæſtiones Philosophicæ tractantur, quæ in Theologia usum habere possunt. Defendit itaque Wittichius, contra Mareſium, personas divinas non congrue dici *αἰώνιος ὡς ἀεὶ ζῶν*; easdem inter se nec realiter, nec modaliter distingui, sed personaliter; Philosophiam non esse ancillam Theologiæ, sed liberam. Conclusiones mere philosophicas ex Scriptura non esse probandas, atque hinc male ex eadem Physicas, Mosaiscas & Christianas, atque systema mundi concinnari; mundo nullum centrum posse assignari, cum ejus ignoremus extremitates; nec ex ratione, nec ex Scriptura constare Solis motum, aut terræ quietem; non esse impium dicere, Scripturam loqui aliquando secundum apparentiam sensuum, & non juxta rei veritatem. Affirmare & negare esse diversos modos volendi; judicium pertinere ad voluntatem; voluntatem seipsam determinare; de voce *Irresistibilis* non esse litigandum cum Remonstrantibus; pugnam inter rationem & affectus oriri ab impulsione glandulæ pinealis per spiritus animales, contraria impulsioni illi glandulæ, quæ ab anima proficiscitur; male affectus in communi philosophia ad appetitum referri.
7. Non differre, nisi ratione, conservationem mundi a creatione; uniuscujusque diei opera non momento, sed successive fuisse peracta.
8. Mundum non esse finitum extensione, neque infinitum, sed indefinitum; nullam tamen implicari contradictionem, si infinitus extensio-
ne diceretur. Omnia propter hominem facta esse, non legi in Scriptura. Mentis naturam & essentiam consistere in cogitatione, non in rationalitate. Voluntatem nobiliorem nostro intellectu esse, eamque se extendere ulterius quam intellectum; esse suo modo infinitam, quod

quod quodammodo possimus voluntatem nostram offerre in infinitum, sive quod possit se extendere ad omnia objecta, ad quæ se extendit voluntas divina; animam humanam post solutam unionem, similiter & æque naturaliter existere sine corpore, ac Angelos, nec appetere ex sua natura conjunctionem cum corpore; voluntatem recte distingui in iudicium & voluntatem stricte dictam; voluntatem non determinari ab intellectu, sed a se ipsa; subiectum fidei salvificæ esse solam voluntatem; intellectum rerum credendarum præsupponi, tanquam necessarium antecedens ad fidem; omnes facultates animæ posse reduci ad intellectum & voluntatem; axioma, nihil esse in intellectu, quod prius non fuerit in sensu, esse falsum, & per explicationem vulgarem everti: falsum aut errorem subesse non posse iis, quæ luce rationis humanæ percipimus; æqualem esse certitudinem ex evidente demonstratione ortam illi, quæ clara verbi divini revelatione nititur; bestias carere sensu vel perceptione; distinctionem fidei in historicam, temporariam, miraculorum & salvificam, esse divisionem potius generis in species, quam vocis ambiguae in sua significata; Infantes non salvari citra ullum suum actum, quem Spiritus Sanctus regenerans animam infantis, in ea producit; fidei actus essentiales esse tres, primum quidem assensum, secundum amorem Christi sincerum, tertium fiduciam, qua nobis persuademus auxilium certum divinum a Christo &c. Actus autem accidentales, & qui solum fidei firmæ conveniunt, esse unum *fiduciam*, qua quis persuasus est sibi remissa esse sua peccata propter meritum Christi, alterum *gaudium* in fidei ex sensu & conscientia remissionis peccatorum sibi factæ, & tertium *pacem* & tranquillitatem conscientię; & pro diversitate illorum actuum, etiam varia fidei objecta esse assignanda; charitatem erga Christum pertinere ad formam fidei, si generaliter de forma loquamur; si formam stricte accipiamus, charitatem esse fidei salvificæ proprietatem. Animam immediate præsidere isti cerebri parti, ubi concursus est spirituum animalium, quæ a forma glandula pinealis dicitur; formam hominis non esse animam rationalem, sed humanitatem, i. e. conjunctionem animæ cum corpore; vitam corporis non dependere ab anima rationali; ubi definitivum non pertinere ad rerum spiritualium existentiam. Animas separatas tam perfectas esse, quam Angelos; easdem ibi tantum

Cap. II.

13.

Cap. 14.

15.

16.

esse, ubi operantur; posse esse Angelum quodammodo in pluribus locis; non valere eundem producere novum motum, cum maneat eadem motus quantitas in tota rerum universitate, quamvis in singulis ejus partibus mutetur. Habere mentem hominis ideam Dei innatam, i. e. potentiam eliciendi actualem cogitationem Dei; non recte dici, Deum seipsum determinare; vitam Dei consistere in unico illo & simplicissimo illius actu, quo omnia intelligit & vult; a voluntate Dei omne verum & bonum pendere, omnemque realitatem, adeoque & possibilitatem; abstinendum esse a phrasi, Deum non posse ea, quæ implicant contradictionem a parte rei. Non proprie dici Deum esse ubique, vel esse ubique repletive; rectius loqui nos, si res omnes dicamus esse in Deo. Accidentia esse tantum modos substantiarum, sine quibus non possunt concipi, neq; habere distinctam existentiam ab existentia substantiarum, sed essentiam accidentium, ut & eorum existentiam, esse ipsam essentiam & existentiam substantiarum; decreta Dei non debere appellari Dei actiones; immutabilitatem divinorum præceptorum duplex habere fundamentum, aliud pendens ex natura Dei immutabili, aliud ex natura rerum, quas Deus voluit esse immutabiles; distantiam inter ens creatum & nihil non debere cogitari infinitam; Angelos & creaturas non posse dici alio sensu operari, quam quod posita tali eorum voluntate, aliud quid sequatur in creaturis, quod tamen totum quoad omnem suam realitatem Deus efficiat; circumscriptionem non convenire corpori quæ corpori, sed tantum competere corporibus particularibus, quatenus ab aliis sunt distincta; Christum adorandum esse quæ mediatorem, si particula *quæ* sumatur pro *qui*, non vero si designet rationem formalem adorationis, quæ sit sola divinitas; motus celeritatem in infinitum posse augeri; justificationem hominis peccatoris coram Deo non fieri formaliter per imputationem Christi justitiæ, sed variis aliis actibus; melius distingui justiciam in universalem & particularem, quam injustitiâ causæ & personæ; ad omnes & singulas actiones a Diabolo non incitari homines, sicque eum posse injuste accusari, atque adeo justum esse particulariter; ex bonis operibus nos justificari, quatenus ea sunt signa, ex quibus colligamus, nos in gratia esse apud Deum, sicque postquam justificati si mus, justificemur adhuc; hinc Paulum cum Jacobo in dissensu de justificatione non melius concilia-

conciliari, quam si dicamus, Paulum loqui de Justificatione prima, Jacobum de Justificatione secunda, quam distinctionem, alio tamen sensu, quam Pontificii intelligunt, tradiderint etiam alii Theologi; pudorem & poenitentiam esse virtutes imperfectas; falso dici in axioma, partes se mutuo perficere; Sacramentorum rationem recte posse institui, etsi ambiguis notionibus formæ & materiæ non utamur.

In altera parte hujus Theologiæ Pacificæ Defensæ tuetur Auctor quæstiones Theologicas problematicas & dissensiones, quæ particulares aliquot locorum expositiones spectant. Coloss. 2, 8. nomine Philosophiæ intelligi doctrinam Rabbiorum, inter quos Pharisei prædominabantur; ex 1. Cor. X, 15. recte colligi, quod revelatio revelationem supponat; locum 1. Joh. V, 7. ex quibusdam exemplaribus fuisse deletum non ab Arianis, sed ab antiquioribus hæreticis, Artemone scilicet & ejus discipulis; Sublapsariorum sententiam non posse conciliari cum summa Dei & perfectissima independentia & sapientia; se inclinare in mediam sententiam, h. e. objectum prædestinationis esse hominem creandum; secretionem aquarum, quæ erant super terram, earumque in maria & flumina collectionem, factam esse non die creationis tertio, sed secundo. Triplicem observandam esse oeconomiam fœderis gratiæ, primam ab Adamo usque ad legem latam in monte Sinai sub promissione, secundam a Mose ad Christum sub lege, tertiam a Christo usque ad finem mundi sub Evangelio; sub Veteri Testamento non fuisse gratiam, neque ἀφεσιν, i. e. peccatorum remissionem plenam, sed solum ὑπόσπον, dissimulationem & tolerantiam peccatorum, adeoque fideles Veteris Testamenti habuisse spiritum servitutis, fuisse perpetuo subjectos metui mortis seu contrariæ promissioni, fuisse subjectos Angelis tanquam Legis vindicibus, fuisse subjectos Senioribus populi, Principibus, & Legislatoribus atque Sacerdotibus, a quibus servitutibus fideles Novi Testamenti a Christo sint liberati. Psalm. 82, v. 6. 7. Deorum nomine non intelligi quosvis Magistratus supremos, sed Magistratus Judaicos; nec Magistratus Christianos sub Novo Testamento unquam titulo Elohîm vel Deorum designari a Deo in Scriptura; nec Angelis in Novo Testamento vocem Elohîm tribui. Nomen *Rabbi* Matth. 23. denotare majestatem aliquam

- atque præminentiam inter Judæos, iisque, quibus conferebatur hic titulus; simul collatam fuisse jurisdictionem; καθηγητὴν loco dicto non recte exponi *doctorem*, potius verti debere *ductorem*. Eph. I, 21. verba *sub hoc seculo*, pertinere ad statum Veteris Testamenti, mox penitus finiendum cum destructione Urbis; libertatem Novi Testamenti pedetentim & per gradus fuisse concessam fidelibus.
- Cap. 19. Ecclesiæ Repræsentativæ appellationem relinquendam Pontificiis; regnum Dei in Veteri Testamento fuisse comparate loquendo clausum; traditionem Satanae pertinuisse ad potestatem Apostolicam, quam habuerunt in corpora; titulum Legati κατ' ἐμφασιν & exusu Scripturæ competere solis Apostolis; Adamum & Evam ex paradiso, & Cainum a facie DEI expulsos, male adduci tanquam exempla excommunicationis ecclesiasticæ; Joh. 20, 23. sermonē esse de auctoritate Apostolis immediate concessa; potestatem cum jurisdictione conjunctam ex jure divino nullam competere ministris Ecclesiæ, sed qui eam habuerunt Episcopi, accepisse a summis Principibus delegatam & dependentem; neque in Veteri neque in Novo Testamento, jus prædicandi verbum divinum & administrandi Sacramenta ita obligatum fuisse Levitis, & ministris Ecclesiæ, ut non Magistratibus & aliis hoc licitum fuerit, & nunc etiam, si ita res ferant, & nihil incommodi metuendum, id licitum esse possit; falso doceri, per ordinationem jus conferri exercendi ministeria, & per electionem exercitium illius juris; vi ordinationis neminem ad ministerium obstringi, quoad vixerit; posse ordinationem fieri ab illis, qui non sunt ordinati; Ambrosium excessisse limites sui officii, quod Theodosium Imperatorem etiam pœnitentem nollet admittere. Επιλαμβάνειν Hebr. 2, 16. non debere exponi per *assumere*, sed cum Coccejo per *vindicare*; Gal. 3, 19. per mediatorem intelligi non Christum, sed Moysen; sub Veteri Testamento sacrificium propitiatorium typicum locum habuisse rei inanimatæ, quod in sola ejus destructione constiterit, adeoque sic fuerit incruentum; Cocceji interpretationem Hebr. 4, 4. 5. esse genuinam; pœnitentiam stricte acceptam designare tristitiam de malo commisso, late sumtam esse idem cum conversione, atque adeo tria sub se comprehendere, tristitiam de malo commisso, remedium contra istam tristitiam, atque studium emendationis & novitæ vitæ; 1. Thess. V, 22. mali speciem sumi rectius ethice quam logicè; 19.

ee; solennem Judæorum & Turcarum conversionem, introitum plenitudinis gentium in Ecclesiam, & Antichristi everfionem, expectari oportere in Ecclesia Christi ante diem judicii; Hebr. 10, 25. *ἐπισυναγωγῶμεν* non coeundi actum, nec cœtum Judæorum infidelium notare, sed cœtum Judæorum fidelium; Actor. 15, 21. *συναγωγῶμεν* etiam significare cœtum Christianorum; vocem Ecclesiæ apud profanos auctores aliquando designare locum conventus; hinc nihil repugnare, quo minus & pro loco sumatur a Scriptoribus sacris, sicque sumi 1. Cor. 11, 18, 22; Barnabam & Paulum in locum Jacobi gladio percussisse electos; Actor. 14, 23. *χρηστίας* designare constitutionem ministri simpliciter, non electionem per suffragia; per vocē Ecclesiæ Matth. 18, 71. non posse intelligi senatum ecclesiasticum constantem ex Pastoribus & Senioribus. Joh. 13, 4. & seqq. lotionem pedum designasse ablutionem peccatorum; conventum Hierosolymitanum non fuisse Concilium proprie dictum; in Papatu retineri suo modo fundamentalia dogmata, iis additos errores fundamentum quidem evertere per se, sed non in conscientia simpliciorum; Matth. 28, 20. per consummationem sæculi non indicari finem mundi, sed sæculum Veteris Testamenti, cujus finis concurrat cum everfione Reipublicæ Judaicæ & templi: Arborem scientiæ boni & mali non fuisse Sacramentalem; 1. Pet. 3, 21. aquas diluvii arcam sustinentes appellari baptismi *ἀντίτυπον*, ita ut baptismus & aquæ diluvii sint duo *ἀντίτυπα* seu signa & typi ejusdem rei significatæ, salutis æternæ; 1. Cor. 10, 2. per baptismum in mari intelligi purificationem illam, quæ injuncta fuit Israelitis Exod. 19, & per baptismum in nabbe, quod dum extra castra purgarentur leprosi & immundi, protegerentur a nube contra vim hostium.

Plura afferre superfedemus, cum ex adductis abunde constet, de quibus inter se disceptarint pertinaciter duo Theologi Reformatæ Ecclesiæ non incelebres.

L' HISTOIRE DE FILIPE EMANUEL DE
Lorraine, Duc de Mercœur, dédiée à sa Ma-
jesté Apostolique.

ad est:

Histo.

Historia Philippi Emanuelis Lotharingi, Ducis Mercuriani, dedicata Majestati Apostolicæ.

Coloniæ, 1689, in 12. plag. 16.

Autoris nomen in Dedicatione ad JOSEPHUM, Serenissimum Hungariæ Regem (cui *Apostolici* nomen veteri more tribuitur) per literas G. G. D. M. significatur, addito *Protonotarii Apostolici* titulo, ut appareat, cloricum esse. Idem in præfatione, quæ amici nomine præmissa est, indicatur, referendo, quod Autor sit Nobilis Ecclesiasticus (*Gentilhomme Ecclesiastique*) in confinibus Lotharingiæ vivens, & castrensi aliquo beneficio gaudens, quod non multam animorum curam, sed otium habeat ad studia literarum. Sed absque hoc indicio, ex ipsa indole descriptionis haud difficulter conspiciendum se dat character clericus aut monachalis, tum frequenti cultus erga sanctos contestatione, tum acribus contra Protestantium partes affectibus, quos compensari posse putat præfationis Autor, candida virtutum *Fr. incisci de La Noue*, celebris olim inter Reformatos Gallos viri, commendatione. Si quis tamen hac excusatione non contentus, nihilominus monasticum improbet ingenium, ei *Theophili Raynaldi*, Jesuitæ satis noti, effatum veluti scutum Gorgoneum in eadem præfatione objicitur. Scripsisse enim is dicitur, *quod odium contra monachos sit signum reprobationis, & amor ac patrocinium eorum prædestinationis argumentum*. Notatur porro, Autorem diu in Gallia versatum esse, & quicquid boni in illa est, omnis malis, inde reportasse. De linguæ cultu & elegantia, & quæ in præloquio laudatur, orthographia recentiori, peritiores judicabunt. Rerum Gallicarum copiosam notitiam ostentat, non æque Germanicarum, Putat enim *Magisterium Ordinis Teutonici* cum Imperatoriis sive opibus sive axiomate, comparari posse (*n'est pas moins qu'un Empire*) & Norimbergenses pro Calvinianis habet. Sed mittimus ista & alia ejusmodi: Quod historiam ipsam attinet, non admodum fecundam ejus materiam delegit. Licet enim Dux Mercurianus inter magni nominis Principes superioris seculi non immerito referatur, tum ob splendorem natalium, ex Serenissima stirpe Lotharingica, tum ob regiam affinitatem, cum soror ejus Henrico III. Galliarum Regi nupta esset: virtuti tamen suæ angustum & infelix stadium descriptum habuit,

Dedic. p. 7.
pag. 257.
Historiæ.

buit, in bellis civilibus Gallia, triumphus gloria carentibus occupatus, tum & in angulo illo regni, Britannia Aremorica veluti constrictus. Cum vero laudabili ausu fortitudinem suam auspiciis Cæsareis contra Turcos exercendam destinasset, vix biennium supervixit, improvisa morte in vigore ætatis & fortunæ subtrahitur. Iusta tamen præconia a gravibus illorum temporum scriptoribus denegata ei non sunt; inter quos principem locum haud immerito dari posse existimamus Illustri Thuano, qui præter res ab illo in Gallia gestas, (quas noster consulto præterit) expeditiones ejus Hungaricas libris CXXIV & CXXVI diligenter enarravit; mortem vero Ducis libro CXXVII ita retulit, ut simul morum characterem & vitæ compendium egregie expresserit. Merentur verba magni Historici, cum pauca sint, hic inseri. Postquam enim memorasset, Mercurianum ex aula Cæsarea, ubi ob res ad *Albam Regalem* bene gestas ingenti cum gratulatione exceptus fuerat, in Galliam iter suscepisse, ut inde impetrata a Rege venia denuo ad bellum Hungaricum rediret, sed inopinata morte Norimbergæ oppressum esse; hæc subjungit: *Fuit elato ingenio & ad magna nato, profunda prudentia, cunctantior natura; ubi periculum instaret, in eo discutiendo solers & præsentis animo. Cum vero primum armorum robur in Gallia ultimis bellis secundum Meduanum penes illum fuisset, magnum etiam laudis decus Cratumensi prælio meruisset; pace facta in ordinem cogi agere ferens, ultero præclaræ huic militiæ nomen dederat, in ea potius procul a patria, dilectissima conjuge, & unica filia, opulentissimorum bonorum herede, certius consensescere, quam ignavo otio domi marcescere, ut gloriam jam partam, & porro majorem his initiis secuturam, inertis aula nostra fumis posthabuisse videretur. Obiit XI Kal. Martias cum ætatis XLIII annum attigisset.*

Autor noster, ut librum alicujus magnitudinis efformaret, maximam operis partem Gallicarum rerum narratione replevit. Prolixus est in *Liga*, quam vocant, Catholicæ descriptione, cui Henrici IV transitum ad religionem Romanam acceptam refert. Producit primum fœderis illius instrumentum, ab Equestri Picardiæ Ordine compositum, culpato *Maimburgio*, qui rationes habuit ut omitteret. Eundem taxat, quod gente Lotharingus, in oppidulo *S. Nicolai* prope Nancejum, ut refert, natus, rationem tamen *Henrici Guisii*, Lotharingici

pag. 31.

- pag. 60. ringici sanguinis Principis ab Henrico III necati, non habuerit. In
 140. 148. hujus igitur laudes diffunditur, sed nec vitia tacet, quæ ita describit,
 152. 157. ut Maimburgii silentium fortassis huic elogio præferendum sit. Hen-
 ricus IV amores & liberos, tum mortem intra paucas pagellas bis nar-
 rat, ut appareat a relectione scripti exclusum fuisse autorem. Di-
 7. 44. 179. gressionibus etiam aliis indulsit. Inseruit catalogos Ducum Lotha-
 ringiæ, & Aremoricæ, tum Regum Hungariæ; literas etiam Cæsa-
 351. reas ad Jacobum Angliæ Regem, nuper expulsum, produxit. Je-
 39. suitarum, qui Regibus Gallicis a confessionibus fuerunt, insigne elo-
 gium composuit ad *Franciscum* usque de *La Chaise*, quem nobilem
 Lugdunensem vocat, omnibusque instructum dotibus ad tantum
 munus requisitis prædicat. Multus quavis occasione est, in extol-
 lendo & venerando *Francisco Salesio*, cui Sancti nomen Roma dedit.
 275. Integram ejus Lib. IV exhibet orationem, in exequiis Ducis Mercu-
 riani die 27. Aprilis A. 1602. habitam. Erat tunc Franciscus Episco-
 pi Genevensis Suffraganeus, eique postea successit. Huic orationi ple-
 raque debet Autor, quæ de vita Mercuriani paulo rariora commen-
 tatur: sed majorem forte gratiam apud cordatos lectores iniisset, si
 illam orationem non interpolatam retulisset. Excusat id quidem
 styli recentioris nitore, quo vetustior illa Salesii dictio caruerit; sed
 habet quæque ætas suum decus, & si quod est archaismi fastidium,
 aliis virtutibus compensatur. Qui igitur flumen novæ orationis
 veterum scriptis importune affundunt, flammam sensus plerumque
 extinguunt. Cæterum ut ad Mercuriani historiam redeamus, cum
 duo potissimum, quæ ab illo in Hungaria gesta sunt, fama celebren-
 tur, tentata *Canisia* liberatio, frustra quidem, sed cum magna reducti
 sine damno exercitus Cæsarei, ab hostium longe majoribus copiis,
 gloria; dein capta *Alba Regalis*: in utriusque expeditionis relatione
 omisit Autor, quæ Thuanus non tacuit, & memoratu non sunt indi-
 gna. Ad incolumitatem Cæsarei exercitus a *Canisia* reducti, indu-
 striam Ducis non parum contulisse non dubitatur, sed manifestum
 etiam auxilium a cælo adfuit. Tempestas enim horribilis Christia-
 na castra prætervecta, Turcica disjecit, & terrore perculit, ut nostri
 noctu per tenebras evadere potuerint. *Alba* vero *Regalis* expugna-
 tæ felicitatem corripit miles Belgicus, magnopere licet ab Autore
 laudatus. Non enim tantum urbem crudeliter diripuit, & Germa-
 nos

nos simul socios spoliavit, sed & sepulchra Regum Pannoniæ effregit, & ossa eorum disiecit. Sed his atque aliis omnis institutum sum tenuit Autor, qui panegyricum potius quam historiam moliri se ostendit. Occasionem sumsit ex dicto quodam, quod morienti Mercuriano excidisse asseverat, (Salesio quidem non memoratum,) fore, ut olim aliquis Lotharingicæ stirpis Princeps, sibi nomine tantum dissimilis, Turcorum vires frangeret. Id pro vaticinio habet noster, & in Serenissimo *Carolo Lotharingia Duce*, qui Cæsareis copiis cum summo imperio præest, impletum esse asserit, ejusque historiam libro V subnectit. Nos omen merito accipimus, & tanto Heroi, post profligatum bellum, Germaniæ a Gallis injustissime & sævissime illatum, ad subjugandos penitus Turcos, liberandumque eorum tyrannide Hungariæ regnum, divinum apprecamur auxilium.

HISTOIRE DE LOUIS XI, PAR Mr. VARILLAS. i. c.

Antonii Varillafii Historia de Ludovico XI. Galliæ Rege.
Volumina duo.

Hagæ Comitum apud Abrah. de Hont, 1689, in 12. maj.

Constat plagulis 38.

DE Autore toties nobis sermo fuit, ut nihil supersit, quod præfaminis locum suppeditet; Historiam vero, quam post tot alios, maxime post *Cominaum* operose tractat, in compendium redigere, longe minus convenire nobis existimamus. Procedemus itaque, ut in aliis hujusmodi scriptis, & annotabimus, quæ singularem quandam observationem mereri nobis visa sunt. Offert Autor Regi suo in dedicatione quartum & quintum decimum, ut computat, historiarum suarum hæc volumina, & tres parallelismos proponit, ex quibus ostendat, quanto majori prudentia & virtute Ludovicus XIV præditus sit, quam fuerit Ludovicus XI. Hic, ut ait, Franciscum Brionum Ducem, vassallum obsequentem & quietum, persequi non destitit, eaque iniquitate magna sibi mala conciliavit; at Ludovicus XIV (*si Autori credas*) Carolum IV Lotharingicæ Ducem mitissime tractavit, restituto ei per tractatum Vincenis initum Ducatu suo,

conditionibus tam æquis, ut felicissimus inter Europæ Principes esse potuisset, si generositate illa regia uti scivisset. (2) Ludovicus XI occasionem neglexit, Belgicas provincias a Maria Burgunda, nuptias Delphini ultro ambiente, oblatas acquirendi; Ludovicus XIV ab usurpatione vicinarum ditionum (*sic scribit*) alienissimus, Mamer-
tinos sive Messinenses Siculos, veteres Galliarum subditos, deditionem offerentes accipere noluit, sed liberæ Reipublicæ formam assu-
mendi media illis dedit, nulla alia conditione, quam ut pro subditis
amicos haberet. (3) Ludovicus XI educationem filii sui prorsus
neglexit, ita ut omnium bonarum artium pacis & belli rudis, veluti in
carcere, inter scæminas & homines viles pueritiam consumeret; sed
Ludovicus XIV Delphinum suum ita educavit, ut diligentia, quam
adhibuit, exemplum omnibus Regum & Principum filiis instruendis
posthac præbere possit; tandem vero ejus ductu, capto *castro Phi-*
lippino, Rheni claustra obstruxit, & Germanorum formidandis copiis
aditum in Galliam præcluserit. Hæc legentes si sciant & considerent,
quid cum Carolo Lotharingo actum sit, quid cum Messinensibus &
quo cum eventu, & qualis Delphini A. 1688 irruptio in Germaniam
fuerit, judicabunt de ingenio Autoris, singularem blandæ laudatio-
nis speciem invenientis. Nobis etsi succurrerent quæ moneremus,
& patriæ clades querelas haud paucas provocet, judicium tamen
multis ex causis suspendendum nobis esse agnoscimus.

In præloquio, paragrapho I, apologiam quandam præmittit
acerriam, quam in tota historia proposuit, Ludovici XI censuræ.
Annotat II, quod nothi sive *bastardi* appellationem illo seculo non
refugerint, sed ultro ipsi assumerint illustrium parentum filii ex con-
cubinis suscepti. Probat id exemplo Johannis Comitis Dunensis,
ex quo Longavillani Principes propagati sunt. III. Ex scriptore hi-
storiarum de familia Lucemburgica, quem *Parvillonium* nominat, quædam
de *Ludovico Comite S. Pauli*, & de *Johanne Croio* adducit, morem illius
temporis observans, quo impuberes liberi ex parentum conventionem
matrimonio jungebantur, ducta etiam in sponsi aut parentum ejus
domum puella. IV. Philippum Cominatum, cui maxima pars histo-
riæ Ludovici XI debetur, adversus objectiones quasdam Meyeri, Bel-
gicæ historiæ scriptoris haud incelebris, defendit; fatetur tamen, se
in quibusdam a Cominæo discessisse, ea potissimum ratione, quod
libri

libri ejus perfecte nunquam editi fuerint, truncati nempe a *Johanne Selva* Præfide Senatus Parisiensis; id quod testimonio *Francisci Belcarri*, illustris Gallorum historici, confirmat. V. Ampliorem quandam relationem de supradicto *Ludovico Comite S. Pauli* ejusque opibus & gestis quibusdam subjungit. VI. Multa de Ducibus Lotharingæ tradit, in quibus sunt, quæ examen mereri videntur, ea maxime, quæ de mora Antonio (ex quo Duces descendunt,) a Claudio fratre secundogenito, (Guilianæ familiæ propagatore) natalium controversia afferuntur. VII. Considerat conjugium Caroli Burgundi, Lancastrensis licet in Anglia familiæ addictissimi, cum Margaretha ex opposita gente & factione Eboracensi, & observat, quam raro felicia sint matrimonia, ex sola ratione status contracta. Cum vero plurima in hoc opere commentetur Autor, de quibus easdem, quas expertus est circa alias historias suas, dubitationes & rixas orituræ esse conjicit, fontes unde tradita sua hauserit, indicat. Laudat imprimis *Colletaneæ MSS. Marchionis Bethunii*, bibliothecæ regię postmodum illata, eaque secum ab A. 1648 ad 1652, cum Historiographus *Gastonis Aurelianensis Ducis* esset, communicata esse refert, sed eo tempore nondum compacta fuisse volumina, itaque allegari ea non potuisse; dubitat etiam, an omnia in bibliothecam Regis pervenerint. Secundo loco allegat *Lomenii*, senioris ex tribus hujus familiæ Secretariis regiis, Compilationes MSS. Tertio manuscripta regia in *thesauro* quem vocant *chartarum*, Colberti benignitate sibi ab A. 1661 ad 1671 domum missa; sed & inter hæc pauca memorat conglutinata fuisse, ita ut nec volumen, nec loculorum numerum indicare potuerit: remittit ergo curiosos ad octo indicum volumina, quæ in chartas illas a *Puteanis* & *Gothofredo* composita esse dicit. His adversus æmulos, qui de fide allegatorum litigare solent, Autor præmunire se voluit. Jam ex historia ipsa pauca seligemus.

Primum locum mereri nobis videtur descriptio, sive ut hodie Galli loquuntur, magnamque industrię laudem in scribendi hoc genere affectant, effigies (*pourtrait*) Ludovici XI. Proponitur illa Lib. pag. 3. I hoc sensu: Ludovicus XI habebat omnes bonas malasque qualitates, quæ ad magnas acquisitiones quovis modo faciendas & conservandas aptæ sunt; sed metus, ne vel uno prælio infelicitè commissio regnum in discrimen mitteret, omnes illas dotes prorsus fere inutiles

reddidit. Specie erat Rege digna: corpus habuit grande, congruentibus membris, robustum, omniumque militarium functionum capax; ingenium penetrans, callidum, negotiosum, & non minus in nugis quam rebus arduis occupatum. Religionem plerumque ad statum suum accommodabat, & exiguum quod ex ea habebat, ad superstitionem flectebat, qua populus capi solet. Ab omni prope affectu & naturalibus etiam inclinationibus intactus pene erat, itaque nec bonus erat filius, nec bonus pater, nec maritus, nec frater, nec amicus, nec herus aut princeps bonus. Omnes moralis disciplinae regulas spernebat, quæ cum axiomatibus politicæ suæ non conveniebant. Etsi vero virtuti & meritis per se nihil daret, nemo tamen Principum majori pretio dotes illas prosecutus est in ministris aliisque, dummodo sibi utilitatem aut inimicis incommoda parerent. Ad scopum suum nunquam recta via pergebat, semper anfractus quærens & vestigia sua occultans. Amabat bella, sed vix cœpta infelicis eventus metu sopire nitebatur; pacem vero aut inducias tam anxie sectabatur, ut ab hostibus eo nomine despiceretur. In rebus prosperis multorum Principum more animum relaxabat, sed errores ea occasione commissos diligentissime corripiebat, nullis sumptibus parcens, dignitatis etiam suæ oblitus, cum se vilioribus quoque, quos offenderat, submitteret. Conciliationes absque aliorum ministerio ipse procurabat, successu, quem frequenter expertus erat, animatus. Si ministris opus esset, ob locorum distantiam aut alias causas, nihil nisi industriam & versutiam in iis quærebat, de experientia aut probitate parum sollicitus. Ministris infimæ conditionis impense lætabatur, secretiora ratus negotia fore, aut facilius acta illorum rescindi posse. Mandata inscriptis dabat, sed tam obscura, ut nunquam prætextus deesset, alia mittendi. Exempla mandatorum non retinebat, memoriæ suæ fidens, a qua etiam nunquam destitutus fuit. Tota vita cum hostibus tractatus habuit, nec facile iniis erravit. Maximum ejus vitium erat, quo suam & regni tranquillitatem misere turbavit, *vehementia odii*, quod vincere aut moderari nunquam potuit; irreconciliabilis statim fiebat, & excessus ille cum ætate semper ingravescens, luculentius percipi non potest, quam ex mira illa aversione a Maria Burgunda, Belgii herede. Ita factum est, ut maluerit amplissimarum illarum provinciarum, quas in dotem afferebat, posselli.

possessione Galliam privare, quam Mariam nurum, aut agnati, qui Francisci I Regis parens fuit, uxorem habere.

Hanc ejus obstinationem acriter & sæpe taxat Autor, illicque tribuit quicquid mali ex bellis, inter Austriacos Principes, ad quos Mariæ opes dotali jure transferunt, & Galliæ Reges per duo secula gestis, secutum est. Eodem hoc libro I memorabilis est relatio de abolita anno 1461 a Ludovico in Pontificis Pii II (ingratissimi licet) pag. 57. gratiam, *sauctione*, quæ dicitur *pragmatica*, quæ libertates Ecclesiæ Gallicanæ continebat. Nec tacet Autor, quæ Parlamentum & Clerus Galliæ adversus Regis impetum, frustra quidem, opposuerunt, gravissimas nempe de abusibus curiæ Romanæ querelas, quæ acrius vix ab ullo ex Protestantibus proponi possent. Urgebant maxime ingentem pecuniæ vim, quæ variis titulis, injustis plerisque, ex Gallia Romam deferabatur. Computabant ex viginti tribus Episcopatibus nuperrime cellatos 520000 aureos, totidem ex sexaginta Abbatibus; 100000 intra triennium ex Prioratibus, tantundem ex *Gratiis*, quas vocant *expellativis* corrasa. Majorem summam Libro XI (Tom. II p. 399) ex Procuratoris Regii actione indicat Autor, intra triennium, ab anno 1461 ad 1464, Romam delatam, duorum nempe millionum auri; licet alterum tantum solvi debuerit, nisi variis modis fiscus Pontificis (*Datariam* vocant) defraudatus a Gallis fuisset. Libro II originem refert nexus feudalis & tributii, quo regnum Neapolitanum Pontifici devinctum est, & ex *Leone Hostiensis* narrat, Henricum II Imperatorem ex Bambergensi territorio, quod sub titulo Ducatus Franconici possederit, tributum constituisse, equum nempe magnifice ornatum & centum marcas argenti a Principibus Bambergensibus Pontifici quotannis solvendas: mutatum autem hoc fuisse anno 1053 ab Henrico III, & Bambergæ substitutum Ducatum Beneventanum in regno illo Neapolitano, quod postea totum onus illud subiit. Non examinamus cætera; videtur tamen latuisse Varillasium, aut quem citat autorem, quod Henricus II Bambergam nunquam possederit titulo Ducatus Franconici, (illum enim Wurzburgensis Episcopatus sibi vindicat) sed quod jure belli aut fisci Comiti Bambergensi ditionem illam abstulerit, neque in Ducatum, sed in Episcopatum mutaverit. Libro IV notat, redditus regni annuos, qui sub Carolo VII patre Ludovici non

85.

256

ci non nisi nongenta librarum millia conficiebant, sub Ludovico, tributa contra veterem morem & inconsultis Ordinibus imponente, ad quatuor milliones & septingenta librarum millia adauctos fuisse. Eodem libro octodecim exempla refert disfidiorum, astu Regis inter magnates regni seminatorum. Ingenue ut alia multa, ita & magnam Ludovici imprudentiam taxat, quod in potestatem Caroli Burgundi Peronæ concesserit, ad iniquissima pacta adigi se passus, & quod illa vili mente executus sit, cum quadringentis equitibus in castris Burgundi adversus Leodienses militans, quos turpiter destituerat & in summam adduxerat perniciem. Notat hic insigne erratum

- pag. 308. Cominæ, qui licet negotiationi Peronenſi adſuiſſet, omnium Regis conſiliorum & actorum particeps, ſcripſerit tamen, unum ſolum pactum inter Regem & Carolum initum tunc eſſe; cum tamen in chartario Regis & MSS. Lomenianis 22 variorum capitum formulæ extant, uno die 14 Septembris 1468 ab utroque Principe ſignatæ. Sed ſi vera ſunt, quæ de ingenio utriusque refert, quod pleraque abſque arbitris & miniſtris geſſerint, & gloriari ſoliti ſint, ſi equo inſideant, totum ſenatum ſuum eodem vehi; facile fieri potuit, ut in illo conventu etiam intimæ admiſſionis miniſtros a conſcientia actorum abſtinerent. Libro V memorabile ſubreptionis Pontifici Calixto III factæ exemplum aſſert, qui permoveri ſe paſſus eſt, ut matrimonium inter Comitem Armeniacenſem ejusque ſororem, (vitiatam antea ab ipſo fratre) concederet: ſed eam indulgentiam Pium II reſcidiſſe, ſeveramque pœnitentiam delinquentibus injunxiſſe; dato tamen inſigni documento, non inſallibiles eſſe Pontifices. Diſputat paulo poſt Autor de cauſis, ex quibus Cominæus reliſto Carolo Burgundo, Ludovico Regi operam ſuam addixerit, & refutat ſcriptores Belgas, qui contumeliam quandam Cominæo a Carolo illatam fuiſſe ſcribunt.

378.
389.
90. Subjungimus quædam ex Tomo II. Notabilis eſt comparatio Libro VII inter priores Burgundiæ Duces, & Carolum ultimum. Illi ita regimen ſuum inſtituiſſe dicuntur, ut patres potius quam domini ſubditorum eſſe viderentur. Nihil, ait, magni neque pace, neque bello agebant, abſque conſultatione cum proceribus ex Nobilitate. Quod ſi non ſemper horum placita ſequerentur, nihil tamen invitis illis moliebantur. Sed Carolus maluit Ludovicum XI, hoſtem licet

licet suum, imitari, qui rigore dominationis libertatem Ordinum pessumdedit, & illos quidem multis modis infelices reddidit, regni tamen opes consumpsit, & infinitis malis sese cerebrosa illa imperandi intemperie implicuit; idemque Carolus magno suo malo expertus est. Eodem libro insigne astrologiæ judicariæ experimentum exhibit, dum refert, *Angelum Cattum* Neapolitanum, ob illam scientiam Burgundo charum, cum ex hujus horoscopo deprehendisset, illum propediem in acie periturum esse, deserto illo in aulam Ludovici Regis concessisse, benigne exceptum, & Archiepiscopatus Viennensis dignitate donatum. Hunc vero Cattum, cum sacra faceret, accedenti ad altare Regi insurrexisset, hoc die Carolum in acie casum esse; fuisse autem eundem diem, quo ad Nancejum pugnatum est. Alia ejus prædictio Adolfo Geldrici Duci, celebri ob militiam homini, a Catto hoc facta traditur. Libro IX artes & sumtus Ludovici memorantur, in corruptendis omnium pene Regum & Principum ministris, Anglis maxime, multaque exempla afferuntur, quantum ista calliditate & prodigientia commodi sibi, vicinis vero damni Rex conciliaverit. Tam aperte tamen & confidenter inter Ludovicum & pensionarios illos Anglos actum est, ut hi non vererentur datis apochis acceptos nummos confiteri, quas adhuc in scriniis regis extare asseverat Autor. Cæterum tanta cum libertate de Rege hoc commentatus est Varillafius, ut non solum in ipsa historiæ serie, quicquid in regia gubernatione peccaverit, palam reprehendat, sed & integrum librum X destinaverit, in quo interioris vitæ labem detegeret. Nec mitior est Libro XI, in quo comparationem inter Ludovicum hunc, & Ferdinandum Arragonium cognomento Catholicum instituit, eum quidem in modum, ut incertum relinquat, utrum altero gravius vituperet. Vix certe quidquam ex veterum tyrannorum Græcorum aut Barbarorum historia concinnari poterit, in quo tot perfidiæ, sævitæ, avaritiæ, injustitiæ, impudiciæ, aliorumque criminum, multarum etiam ineptiarum exempla coacervata legantur, tanto quidem magis detestanda, quanto plus lucis ex Christiana religione Reges hi habuerunt, majoremque devotionis & sanctimonie speciem induerunt. Num vero omnia indubitæ sint veritatis, & an non consultius fuerit, post duo secula non omnia tantorum Principum crimina, malignitate forte famæ in majus aucta, aut partim plane

274.

232.

conficta refodere, alii judicabunt. Non pepercit quidem Autor *Carolo Burgundo*, nec Imperatoribus *Friderico III & Maximiliano I*; sed quæ duobus hisce imputat, levia sunt præ illis, quæ in *Ludovico & Ferdinando* infectatur. Neque tamen deessent, quæ ex bonis autoribus & documentis, pro duobus illis Imperatoribus adversus aculeos *Varillafianos* opponere possemus; sed alterius hoc est laboris pag. 209. & temporis. Unum modo speciminis loco exhibemus. Scribit noster, *Maximilianum Mariæ Burgundæ nuptias more Germanico, i. e. plane incivili (à la mode de son pays, c'est à dire dans les formes les plus grossières)* ambiisse. Extat *Maximiliani oratio* coram Ordinibus Imperii anno 1507 *Constantiæ* recitata, & tunc quidem typis excusa, sed quæ hodie raro invenitur. In hac historiam conjugii sui hoc modo proponit *Cæsar*: *Cum post cladem Muratensem Carolus Burgundia Dux Friderico Imperatori conjugium inter filium ejus Maximilianum suamque filiam Mariam denuo offerret, nullam aliam conditionem stipulatus est, quam ut Fridericus Lotharingia Ducem revocatis Germanorum Alsatio faderet (Elsassische Vereinigung) junctorum auxilium desereret, cum antea easdem nuptias proponens, dignitatem Vicarii Imperialis conferri sibi postulasset. Sed nec illam deserendi Lotharingi conditionem Fridericus admisit, operam tamen suam & arbitrium obtulit, ut Carolo satisfaceret, si quid adversus illum Gallorum instigatione Lotharingus injuste egisset. Accepit hoc Carolus, & de matrimonio filie fidem scripto dedit; destinavit etiam Legatum (Haslerum Protototarium vocat) ad Cæsarem, qui pacta nuptialia perliceret. Verum hic dilato negotio Romam properavit, Cardinalitiam purpuram ambiens; inde (spe sua quidem delusus) serius ad Imperatorem accessit. Cum igitur mandata sua exposuisset, & Fridericus de iis deliberaret, quarto post die nunciatum est, occubuisse ad Nancejum Carolum. Hoc intellexit Fridericus splendidissimos Legatos misit, *Ludovicum Palatinum Veldentianum, & Georgium Badersem Episcopum Metensem, adjungendo ipsi Haslero. Hi literæ Caroli, quibus filia conjugium promiserat, tradita, & Ordinibus provinciarum Belgicarum propositæ fuerunt, petitumque, ut conjugii illius effectum procurarent; quod etiam facile impetratum est, Galli mala fama apud Belgas laborantibus, quod suis artibus Carolo perniciem aetherassent. Hæc a tanto Principe inausulto Ordinum consensu publice dicta fidem utique plenissimam merentur,**

rentur, neque quisquam facile ex narratione hac exculpet, quod ut indecens & barbarum cum contumelia nationis Germanicæ fugillari debeat. Actum est, ut inter magnos Principes fieri solet, per Legatos & scripta. Procandi enim elegantia privatarum familiarum fere sunt, earumque exempla plura in fabulis Gallorum heroicis (*Romans*) quam in historiis Regum inveniuntur.

LA JUSTE IDE'E DE LA GRACE IMMEDIATE, ou Réponse à la Critique de la doctrine de Mr. Jurieu &c. i. e.

Vera Idea Gratiæ Immediatæ, sive Responsio ad Criticam doctrinæ D. Jurii, de habitibus infusis, & de gratia immediata.

Hagæ Comitum, apud Abrah. de Hont, 1689, in 12. Plag. 13.

Præmittitur brevis relatio de libro, cui hic oppositus est: *Essais de Theologie &c. i. e. Specimina Theologica de providentia & gratia.*

Francofurti, apud Fridericum Arnold. 1687, in 12. Plag. 24.

Repetendum est ad ea, quæ ex hoc libello enarrabimus, rectius intelligenda, quod in *Actis anni præteriti* 1688 p. 602 notavimus; prodiisse nempe adversus D. Jurii libros, *de methodo rigida & laxiori in articulo de providentia & gratia*, item *de natura & gratia*, scriptum anonymi, cui titulus est: *Specimina Theologica de providentia & gratia*. Ejus autorem Jurii Papinum Pajonii nepotem esse conjectavit, ut & alterius libelli, qui inscribitur: *Critica doctrina D. Jurii de gratia immediata*; & licet quædam adversus illum in iterata tractatus *de methodo rigida & laxiori* editione sparserit, tum dogmata, tum mores ejus in censuram vocans, refutatione tamen abstinere se professus est, quod cum tyrone congredi nollet. Idigitur certamen, quod Theologus veteranus detrectavit, in hoc libello suscipit alius, qui nomen in titulo omissum dedicationi subjecit, *Arbusi*, nobis quidem neque fama, neque ex aliis scriptis notus, sed ejus & eruditionis & eloquentiæ, ut quisquis Critices autor fuerit, de oblato sibi

impari adversario queri fortassis non possit. Dudum a nobis edi potuisse fatemur excerpta ex anonymi supra memorati libris. quibus hic opponitur, sed varia nobis impedimenta, quo minus id hucusque præstare potuerimus, oblata sunt, & fortassis rectius fuerit, opiniones receptis sententiis Theologicis nimium adversantes, non facile in Actis nostris produci, aut non prius, quam examina & refutationes earum extent, & simul recenseri possint. Pauca igitur de libris, quos D. Jurius *Papino* tribuit, præmittemus. Prodi-erunt anno 1687, si titulo fides est, Francofurti ex officina *Fride-rici Arnoldi*, volumine sat magno. Habet enim tres partes. *Prima* opponitur D. Jurii libro de *methodo rigida & laxa*, cujus compendium in Actis 1687, p. 148 exhibuimus. Altera tractatus de *natura & gratia* impugnatur, anno 1688 p. 566 & seqq. a nobis recensitus. Accessit tertia, versio nempe, sed quam ipse Autor liberam vocat, capitulum II & XIV Methodi Theologicæ *Richardi Baxteri*, quæ Londini anno 1684 in fol. edita est. In duabus prioribus partibus sive tomis operose defenditur Pajonii & sequacium, qui magistrum superasse opinandi novitate dicuntur, hypothesi, qua negata immediata in animis hominum Spiritus Sancti operatione, fidei salvificæ productio ratiocinationi humanæ ex Scriptura informatæ asseritur, acri cum insectatione D. Jurii, quæ in præfationibus potissimum elucet. In adjuncta versione ex *Baxtero* id agitur, ut *Jurinus* a Theologo illo inter Presbyterianos Anglos celeberrimo, refutatus esse demonstretur, iisdem scilicet argumētis, quibus eos adortus est, *qui prædeterminationem physicam ad peccatum statuunt*; hanc enim sententiam a Jurio adoptatam esse, Criticus dicit. Parti istī tertiæ prolixum præfigitur præloquium, in quo multa ex *Job. Launoi* tractatu afferuntur, quem is anno 1636 pro *Durandi* opinione de concursu Dei & creaturæ edidit, & quem raro inveniri notat Autor. Adscribuntur itaque Launoi verba Gallice versa, in quibus cum *Durando* consensisse contendit ex eadem schola Parisiensi *Petrum Aureolum* vulgo *Capreolum*, *Nicolaum Bonnetum*, *Richardum Armachanum*, *Petrum de Aquila*, qui omnes seculo decimo quarto vixerunt. Subjungit testimonia *Jobannis Gersoni*, *Jacobi Merlini*, *Guilielmi Petiti* & *Nicolai de Martimbor*, itidem Parisiensium Doctorum seculi XV & XVI, qui *Durandum* magnopere commen-

darunt,

runt. Licet vero Launoius non neget, disputatum esse adversus *Durandum*, & adhuc disputari, negat tamen sententiam illam condemnatam esse, eoque allegat *Hurtadum Mendozam*, Jesuitam, aliosque. Post hæc Anonymus adversus *D. Jurium* insurgit, & quam ille sententiæ Pajonianæ inurere voluit, notam Epicureismi & Paganismi in ipsum retorquet, Baxteri argumentis per compendium recensitis. Alia deinde ex se promit, quibus objectiones *Jurii* a *Baxtero* non prævisas refellit. Elevat denique auctoritatem (cui multum innititur *Jurius*) Synodorum Gallicarum, in quibus anno 1677 opinio Pajonii damnata est, & septem Ministrorum artibus, adversus pacta inter Pajonium & Claudium inita, decreta ista malo more procurata esse dicit.

Hæc de tractatibus illis criticis retulisse sufficiat; nunc ad *Arbussii* libellum accedimus, ex cujus relatione primaria controversiæ capita (quorum aliqua ex libro *D. Jurii de natura & gratia* d.l. Act. 1688 recensuimus) denuo haud difficulter intelliguntur. Præfatur etiam hic Autor, ad exemplum *D. Jurii*, aliqua de insigni eruditione & stylo *Pajonii*, sed non minus novitatis studium in eo reprehendit, magis vero impetum eorum, qui id secuti & supergressi sunt. Excusat inde moram refutationis, quam altero post publicatam Criticam mense conscriptam fuisse indicat, monetque lectores, ne actum a se agi putent, quod post *Jurii* tractatum *de Natura & Gratia*, in quo doctrina de gratia immediata eruditissime proposita sit, scripserit. Neq; enim ab illo responsum esse objectionibus Critici, & se, licet in quæstione ipsa prorsus cum *Jurio* consentiat, alia tamen in ejus explicatione via progressum esse. Fatetur dein, se quædam ex destinatis omisisse, cum sufficere crederet, quæ eduntur; quia præter *Jurii* tractatum *de natura & gratia*, extent libri, quibus eadem sententia fortissime defendatur, *Claudii* nempe, (quorum editio propediem speranda sit) & *Turretini*, qui parte II Theologiæ Elencticae materiam hanc egregie tractaverit. Libellus ipse, pro materiæ amplitudine, brevis est & octo capitibus absolvitur. I. Ostendit Autor, sententiam de gratia pag. 1. immediata & de habitibus infusis novam non esse, sed novatores esse, qui eam pari, ut ait, cum impudentia, novitatis accusent, qua ii, qui quotidie clamant, ubi fuerit religio Protestantium ante Lutherum aut Calvinum. Affert inde pauca, quibus antiquitatem dogmatis de gratia immediata probet, ex *Augustino* & *Fulgentio*, & ut recen-

riorum consensum indicet, ex *Calvino, Chamierio, Bocharto, Riveto, Amyraldo*, & denique ex Synodi Dordracenæ & Gallicarum quarundam decretis & actis. Cum vero adversarius, *Petri Martyris & Georgii Calixti*, quem incomparabilem Theologum vocat, assensu juvari se putet, id agit Autor, ut demonstret, hos minime cum Pajonio consentire. Novitatis igitur reum facit censorem Jurii, nec ab eo crimine absolvi statuit, licet jam quinto seculo pessimus hæresiarcha *Pelagius* insanum illud contra gratiam immediatam dogma produxerit, & Concilium Tridentinum id, ut ait, renovaverit. II. Probationem thesisi suscipit. Quemadmodum autem in præfatione jam notaverat, confundi non debere, ut Criticus in titulo libri sui fecerit, gratiam immediatam cum habitu infuso; cum illa causæ, hic effectus locum habeat: ita hic monet, per habitum infusum se non intelligere cum Adversario actiones Dei immediatas in corpus hominis, ad mutandas ejus malas habitudines & dispositiones innatas, sed eas, quibus facultates animæ corrigantur, aut capaces fiant ad cognoscendam & credendam veritatem Evangelii. Talem vero actionem Dei immediatam probat (a) ex comparatione, qua Scriptura utitur, cum intellectum hominis oculo assimilat, sed qui omnipiane visu post lapsum privatus sit, & immediata illuminatione opus habeat in rebus fidei; (b) ex necessitate mutationis, qua homo velut arbor mala, prius bona fieri debet, quam fructus bonos ferat; (c) quod inter objectum & facultatem proportio requiratur; (d) adducit ex innumeris Scripturæ locis Pl. CXIX, 3: *revela oculos meos*; Act. XVI, 14: *aperuit cor Lydiæ*; Eph. I, 18: *illuminatos oculos cordis vestri*. Quærit inde ex Censore, cur immediatas Dei operationes in mutandis corporis pravitatibus admittat, easdem tamen ad tollenda animi vitia non requirat. Dicit enim (ait) absque impietate non potest, minus dependere spiritum seu mentem a Deo quam corpus, & major utique proportio sive affinitas est inter mentem quæ est spiritus, & Deum patrem spirituum, quam inter Deum & corpus. Rejicit igitur, quæ Criticus in præfatione libri & p. 237 commentatus est. Concedit homines a Deo non regi ut bruta, aut ut truncos & saxa, sed pro naturæ & facultatibus animæ, quibus a Deo ornati sunt; ut proinde veritas Evangelica per usum rationis, ut instrumentum, cognoscatur. Negat autem, cognitionem hanc viribus naturæ absque lumine gratiæ acquiri

acquiri posse, & eos, qui hoc excludunt, Pelagianismi accusat. Ad-pag. 50.
 dit, mysteria fidei, v. g. incarnationis & redemptionis Jesu Christi, nul-
 lam habere cum cognitionibus, quas ratio hominis acquirit, analo-
 giam seu connexionem; itaque Spiritus lumine opus esse, ut dociles
 fiamus ad mysteriorum cognitionem. Negat postea, quod, ut di-
 xerat Censor, persuaderi menti non possint veritates divinæ absque
 prævio examine nostro, ex quo nobis constet, an divinæ verita-
 tes sint, quæ proponuntur. Duas enim esse notat vias persuasionis,
 unam per sensum sive assensum, alteram per ratiocinationem & exa-
 men. Priori modo plebejos credere, iisq; persuaderi, esse Deum, item
 animam esse immortalem, licet rationes, cur id credant, non exa-
 minent, nec examinare possint. Qui igitur, ait, persuasionem ex
 sensu sive assensione cordis tollit, atheismum inducit, quin imo, etsi
 non nisi per ratiocinationem persuasio fieri posset, superesse tamen
 quæstionem, num ratiocinatio illa viribus mentis humanæ fiat, an
 opus habeat lumine gratiæ. Negat præterea verum esse, quod d. p.
 237 Censor statuit, Deum alio modo in spiritum seu mentem agere
 non posse, quam producendo ideam. Aliam methodum Dei esse
 existimat in ideis Evangelicis, quam in aliis, quæ ad fidem non per-
 tinent. Has percipit homo rationis beneficio, at illas non magis per-
 cipit, quam cæcus, cujus oculis lumen offertur. Aperiendi igitur
 sunt prius per gratiam divinam oculi, qui ad mysteria illa omnia v. g.
 de Trinitate, de incarnatione, morte & resurrectione filii Dei prorsus
 cæci sunt. Ideas igitur illas, quatenus ratione solum comprehen- 60. 61.
 duntur, stultitiam esse Græcis & scandalum Judæis; si enim per se
 convincerent rationem, ab omnibus utique hominibus acciperentur,
 quibus illæ ex Evangelio proponuntur: aut cum blasphemia dicen-
 dum esset, a Deo quibusdam ut veras, aliis ut falsas proponi. Nec
 multo sapientius esse, si dicatur, quibusdam magis efficaces, vivas &
 pulchriores quam aliis offerri. Addit quædam de modo converten- 66. 67.
 di infideles & infantes, absque productione idearum; item quod
 stante Censoris sententia, gloria conversionis ad hominem rediret,
 qui ideas perceperit, cum ab aliis rejiciuntur. Denique cum Scri-
 ptura conversionem attribuat omnipotentia, eamque comparet cum
 creatione, resurrectione, regeneratione, cordis immutatione ex la-
 pideo in carneum; omnia ista frustra dici notat, si solum per idea-

rum

- pag. 69. rum productionem conversio fiat; & Paulum non potuisse Thessalonicensibus prædicationem suam commendare, ut *virtutem Spiritus Sancti* i. Thess. I. 5. nec Ephesiis *supereminentem magnitudinem virtutis & operationis potentiam*, qua crediderint, Eph. I, 19. Perpetuam itaque illusionem, mala fide sæpe repetitam, & sophisma Censori imputat, cum in præfatione & alibi negat, hodie revelationes immediatas dari, quasi de his quæstio esset: neque enim de his, sed de operationibus Spiritus Sancti immediatis quæri, quibus facultates mentis humanæ ad recipiendam veritatem cœlestem disponuntur & moventur. Differentiam denique enthusiasmi & habitus infusi ostendit; illum enim absque verbo fieri, & animæ ecstasiam secum ferre, excluso sæpe usu rationis, neque commutare, ut ex Balaami exemplo constet: at per habitum infusum operationem gratiæ intelligi, quæ verbi prædicationem comitetur. III. Examinat sententiam Adversarii, qua (ut invidiam prorsus negatæ operationis divinæ in mentibus hominum leniret) explicare conatus est, quid sint habitus infusi. Totam vero explicationem ejus eo recidere ait, ut intemperies humorum in corpore, quæ ad affectus tendit, corrigatur. Hoc immediate a Deo fieri posse, concedit Pajonii discipulus: negat autem, idem fieri in illuminatione mentis. Sed Autor multis argumentis absurditatem hujus opinionis ostendit, tum quoad terminos, quos ridicule ad materiam hanc trahi existimat, cum quæstio non sit de temperamento corporis, neque de habitibus acquisitis per crebras actiones, sed de infusis in animam ejusque facultates; tum quoad modum agendi quem Deo tribuit, qui utique non esset immediatus, si per temperamenti in corpore emendationem ad animæ medicinam perveniatur. Arguit etiam superbiam Censoris, qui tandem fateatur, se ista non alio fine invenisse aut concedere, quam ut infirmioribus consuleret, pro quibus habeat omnes, qui operationes divinas immediatas statuunt, i. e. *Hieronymum, Augustinum, Orosium, Prosperum, Fulgentium*, patres conciliorum, doctores ex reformatis præcipuos & totas Gallicarum ecclesiarum synodos. Occurrit denique difficultati, quam Censor iterum moverat, quod ex sententia immediatam operationem asserentium sequatur, habitus etiam cognitionis infundi & revelationes novas fieri. Distinguit enim inter dispositionem ad recipiendam persuasionem, & hanc tribuit immediatæ Dei in animis

mis hominum operationi, & inter cognitionis actum; ultro confessus, cognitionem actualem non ex revelatione immediata, qualis Prophetis contigit, sed ex auditu, lectione, meditatione verbi acquiri, prævia Spiritus Sancti ad salubrem applicationem gratia, quæ, ut loqui-
 tur, velut ignis, materia Evangelii alitur. IV. Inquiritur, an vires naturales ad veritatis salvificæ comprehensionem sufficiant, & quæ sit vera causa inefficaciæ verbi divini. Summe improbat auidax Censoris assertum, & Pelagianismo pejus figmentum esse existimat, cum p. 236 statuit, *plus nobis adesse virium, quam opus sit, ad veritatis salutaris cognitionem.* Concedit sane Noster simplicem perceptionem seu comprehensionem viribus naturæ fieri posse; sed talem, quam Deus requirit, & quæ salutem operatur, a Deo immediate donari, allegatis Scripturæ dictis firmiter concludit. Distinguit itaque inter co-
 gnitionem mere theoreticam & historicam, quæ naturæ viribus acquiritur, & practicam atque salutarem: illam absque hac esse posse & sæpissime inveniri, non inficiatur; at alteram, quæ ad salutem hominis pertinet, a lumine gratiæ immediate; eo quo docuit modo, proficisci, sine dubitatione statuit. Confirmat hoc ex consideratione immanis corruptionis nostræ, qua sit, ut absque Dei operatione nihil salutariter & debito modo cognoscamus. Adducit ad id probandum & explicat insignia Scripturæ loca, ea que ab insultu Censoris vindicet, qui hyperbolas & metaphoras scriptoribus sacris in isthac materia tribuit. Addit, si illius opinioni locus esset, frustra in Scripturis tantopere urgeri necessitatem gratiæ, frustra vim salvificam Legi a Paulo abjudicari, imo peccatum originale tolli, & vires liberi arbitrii, Pontificiorum more adstrui. Examinat inde & rejicit tradita Censoris, quibus contendit, passiones humanas in causa esse, quod verbum non semper & in omnibus sit efficax, quia nempe affectibus & cupiditatibus nostris non convenit. Concedit quidem Autor, inter obstacula salutis merito referri cupiditates illas, sed longe difficiliora esse ex cæcitate & tenebris animæ, quæ post lapsum Adami lumen intellectus & sanctimoniam voluntatis perdidit, ita ut homo loco Dei se ipsum pro ultimo fine habeat. Ad reparandum hoc damnum, remedia naturalia, moralia & supernaturalia quæri. Ad primum genus referri correctionem temperamenti; ad alterum præcepta philosophica; utraque tantum palliativa esse, nec per ea Christianos, sed hono-

pag. 99.

103. 106.

109.

120.

121.

127.

- pag. 134. hos paganos effici, quorum summæ virtutes proprii amoris labe
 & gloriæ affectatione ita inficiantur, ut pro vitis haberi mereantur;
 abesse enim scopum verum, respectum invisibilium & amoris divini;
 137. quapropter verum remedium non nisi ex gratiæ auxilio superesse.
 Respondet postea ad exempla, quibus Censor asserta sua adstruere co-
 natus fuit, & egregie ostendit, quæ sit differentia veræ fidei & pietatis
 a divina gratiâ productæ, ab illa cognitione, quæ ex rectæ rationis di-
 145. ctamine nascitur. Summam vero difficultatem non ponit in per-
 ceptione veritatis theoreticæ, sed in defectu practicæ, quæ oritur ex pro-
 funda cæcitate & surditate nostrâ spirituali, & ex ingenti distantia
 inter facultates animæ nostræ & objecta fidei. Huic remedium nul-
 lum esse, nisi Deus nobis dederit cor ad intelligendum, oculos ad
 148. videndum, aures ad audiendum. V. Sequitur disputatio de impo-
 tentia nostrâ morali, cujus correctionem a divinæ gratiæ immediata
 operatione Autor accersit. Censor, ut hac carere posse homines evin-
 eat, impotentiam illam quærit in depravatione corporis & cogitatio-
 nibus perversis, ob intemperiem corporis in anima exorientibus:
 hac igitur correctâ & mutata, corrigi statuit & mutari animæ incli-
 nationes. Hic notat Autor, illam corporis intemperiem physicam
 potius esse quam moralem, & non nisi certo modo moralem dici
 151. posse, quia arma, ut Paulus loquitur, injustitiæ & peccato suppeditat;
 monet autem, terminos hos, licet parum æstimentur a Censore, non
 154. confundendos, sed accurate distinguendos esse. Negat impotentiam
 moralem consistere in modo agendi aut cogitandi, sed in naturali &
 invincibili per naturam indocilitate, obstinatione & induratione ad-
 versus res spirituales, ex peccato, ut malo morali, consequenti & ideo
 sedem, ex doctrina Christi, in corde habenti. VI. De peccato origi-
 nali ita sentit Criticus, ut consistere id dicat in intemperie corporis &
 162. in cogitationibus malis, ex corporis dyscrasia orientibus. Ex his prius
 admittit Noster eatenus, quia etsi sedes peccati proprie non sit corpus
 sed anima, in hoc tamen consummatur peccatum & perficitur, quia
 corpus est animæ domicilium: alterum rejicit; neque enim pravas
 cogitationes ex intemperie corporis potissimum, sed ex corruptione
 facultatum animæ nasci, tanquam malos fructus ex mala arbore.
De corde exeunt &c. Matth. XV, 19. Cum igitur de facultatum cor-
 ruptione nihil loquatur Censor, prodere mentem suam dici-
 tur,

tur, quod peccatum originale, siue corruptionem illam omnino neget, aut si verbis confiteatur, re tollat. Id pluribus urget, & peccati originalis naturam describit, ut non solum sit privatio virtuti opposita, sed & habitudo injustitiæ & corruptionis, ideoque aliquid positivi habeat, ex doctrina *Thomæ* I. II. q. 82. art. 1. Addit & explicat Scripturæ dicta, Gen. V, 3, VI, 5, VIII, 21. Ps. LI, 7. Joh. III, 3. Denique notat, peccatum originis malum universale esse, quod omnia corrumpit; quia ultimum finem mutat, qui erat amor Dei, & pro eo nobis substituit amorem nostri; unde necesse esse ait, ut non solum cogitationes, sed & facultates animæ corruptæ sint, cum omnes a fine aberrent. VII. In examen vocantur, quæ de viribus rectæ rationis Censor disseruit, & quicquid de illis jactatur, ad spirituum cognitionem non sufficere ostenditur, ex dictis Eph. IV, 17. 18. Rom. I, 28. Tit. III, 3. Cum Pelagio itaque errare dicuntur, qui statuunt, rationem in se rectam mansisse; eo enim ipso peccatum originale & corruptionem per lapsum negari, ex quo omnis rationis in spiritualibus defectus ortum habet. Vehementer itaq; reprehendit Autor dictum Censoris p. 242. (*des Essais*) ubi concludit: ad regenerationem animæ & conversionem cordis nil requiri, quam ut *primo* corporis intemperies quocunque remedio corrigatur; *secundo*, ut ad vivum represententur objecta intellectus, & voluntatis, mendacium & veritas, vitium & virtus. Hæc, ait, Pelagianismum in summo gradu exhibent. Refutat inde quæ Censor statuit, quod ratio humana saltem per subreptionem fallatur, & ad lapsum Adami applicat. Impugnat iterum, quæ Criticus de immediata Dei operatione ad corrigendam intemperiem corporis admittit: ait enim, si ea sufficeret, necessariam non futuram fuisse missionem Jesu Christi in carnem aut ejus mortem, nec operationem Spiritus Sancti, & hanc tantum physicam fore, cum suo modo moralis dici debeat: fatetur tamen cum Augustino & Synodo Dordracena, non posse accurate & perfecte cognosci & definiri, cujus illa sit generis & naturæ, licet actio ipsa sit verissima & credi debeat, sicut plurima alia etiam in rebus naturalibus, quæ non comprehendantur: hyperphysicam dictam esse ait ab Amyraldo, sed post *Franciscum Cummelem*, & sensum illius phrasim explicat. VIII. Concludit tandem Autor, Censorem nullam place Spiritus Sancti operationem in conversione hominis admittere.

pag. 168.

175.

183.

189.

185.

196.

208.

210.

214.

219.

S ff 2

Addu-

- pag. 225. Adducit loca quædam ex Critica p. 243, 252, 271 & 272, in quibus satis aperte dicere videtur, sufficere ut temperamentum corporis emendetur, idque per causas secundas fieri posse, jejuniis & patientia afflictionum. Refellit ista plurimis & egregiis rationibus, ostendens, minime sufficere istam correctionem, in aliquibus etiam hominibus
231. bono temperamento præditi superfluam esse: ea admissa, conversionem, adversus tot dicta Scripturæ, hominis viribus tribui: ob stare etiam exempla conversionum, quæ subito peractæ sunt, absque ulla
233. temperamenti corporis correctione, v. g. per conciones Johannis Baptistæ, & ipsius Christi, uno momento quosdam a telonio aut vita impura revocantis. Nullum Scripturæ locum produci posse, quo Censoris sententia juvetur; omnem potius conversionis causam in Dei operatione, cor novum creantis, oculos intellectus illuminantis, & nos regenerantis poni. Jejuniis conversionem minime dicit deberi, ideoque in toto Novo Testamento nunquam præcipi, etsi encomia &
239. exempla habeant & corpus doment. Idem de afflictionibus monet. Acriter deinde asserta Censoris infectatur, immediatam Dei operatione contemnim rejicientis, unde pessimas consequentias elicit. Monstrat etiam, ut Criticus Pajonii magistri sui sententiam in deterius verterit.
245. Ille enim ad potentiam moralem non solum correctione temperamenti, sed ut Censor ipse fatetur, illuminationem intellectus & cognitiones salutare requirebat: hic vero in correctione temperamenti omnem potentiam moralem consistere facit. Nihilo tamen magis Pajonii sententiam probat, quia istam illuminationem & cognitionem ex solo verbo absque auxilio Spiritus Sancti accersebat; pejorem tamen
263. Critici errorem esse indicat, & potentiam moralem longe aliter cum schola Theologorum definit, quam quæ in sola correctione temperamenti corporis consistat, quæ physica potius dici debeat, nec ab operatione Spiritus Sancti immediata pendeat. Duo igitur requirit ad conversionem hominis, primo instructionem ex verbo Dei, secundo donum docilitatis ad recipiendam instructionem: illa, ait, per verbi auditum & lectionem fieri potest; hoc a Spiritu Sancto immediate proficiscitur. Explicat hoc similitudine a lumine Solis, oculis representato, qui aperiendi sunt, si lumen percipere velint. Aperire autem oculos hominum, naturaliter ad spiritualia plane cæcorum, divini est

ni est operis: ideo ex Esaia Salvator noster asseverat Joh. VI, 45. pag. 278.
Erunt omnes docibiles Dei.

EDUARDI BERNARDI DE MENSURIS ET *Ponderibus antiquis libri tres.*

Oxoniz e Theatro Seldonio, 1688, in 8. Plag. 22.

ANceps semper fuit inter eruditos de ponderibus & mensuris antiquorum disceptatio, notique satis sunt circa hanc rem Pæti, Budæi, Alciati, Agricolæ, Villalpandi aliorumque labores: non tamen invenias facile, qui feliciter in hoc argumento versatus fuerit clarissimo Eduardo Bernardo, qui quæ apud alios habentur varie dispersa, summo cum judicio in librum hunc congescit, ita tamen, ut ex instructissima sua penu multa addiderit de Talmudicorum, Arabum, Sinarum &c. mensuris, quæ frustra apud alios quærantur. Quamvis autem scriptum hoc ex editione priori, Eduardi Pocokii in Prophetiam Hoseæ Commentario subjuncta, & a nobis in Actis A. 1686. pag. 586 indicata, notum satis sit: non possumus tamen non monere, id & purius, & duplo locupletius altera hac vice in lucem prodiiisse, adjectis binis epistolis, in quarum altera clarissimus Vir *Thomas Hyde* doctrinam de *mensuris & ponderibus Sinensium* explicat uberius; in altera vero Vir doctus, cujus nomen litteris initialibus, N. F. D. innuitur, structuram *maris aenei* Salomonis nova ratione exponit, atque TAB. XII. schemate quodam, quod & hic exhibemus, objicit oculis. Cum enim profanum quoddam genus hominum multa de *ἀγνοῦσθαι* Scripturæ quoad hunc locum oggerere soleat, operam dedit, ut sua figura & explicatio non solum cum descriptionibus in libro Regum & Paralipomenon, nec non illis, quæ apud Josephum, & Eusebium ex Eupolemo, habentur, sed & cum optime constituta a clarissimo Bernardo bati magnitudine conveniret. Præterea se rationem decori atque verisimilis in hac delineatione aliquatenus quoque habere voluisse dicit, idque ab insignibus interpretibus iisque architecturæ peritissimis neglectum fuisse demiratur. Cum enim *Villalpandus* (quem verbis præcedentibus haud obscure petit) non solum ita in angustum cogat duodecim boves, quos Scriptura docet mari aeneo subjectos fuisse, ut necesse sit eorum posticas partes simul confundi,

monstrumque unicum ex duodecim bobus emergere, sed etiam amplissimum vas & ponderosissimum in altum extollat, interpositaque inter ipsum & boves exigua quadam basi, sustentaculo gracili imponat, ut tota structura appareat labilis & lubrica; (*Vid. Schema, quod habet Villalp. Tom. II. Part. II. Explanat. in Ezech. p. 488.*) aliam proponit formam ex duabus partibus, cylindrica scilicet & hemisphaeroidica constantem, ita tamen ut neque hanc suam accuratissimam & prototypo simillimam esse pertinaciter velit contendere. Ipsum schema mare æneum a latere adspiciendum exhibet ea projectione, quæ supponit oculum ad maximam distantiam remotum. In superiore tabulæ parte ichnographia ejus adposita est super horizontali plano projecti, ad dextram vero figuræ partem sectio ipsius per axem. Quantitas autem linearum hæc est: $ab = 10 \text{ Cubit. } c p = 5 \text{ Cubit. } fg = 1 \text{ Cubit. } ee \text{ vel } da = 9, 549 \text{ Cub. Semidiam. Circ. } bi b = 9, 355 \text{ Cub.}$ Ex hisce si investigetur Geometrice corporis totius soliditas, reperietur ea 3000 batorum, prout vult liber II. Paralipom. IV, v. 5; ac proinde quoque 2000 capiet, uti in I. Reg. VII, 26 extat. Boves distant circuli parte decima sexta, inter ternos quosque vero dupla intercedit distantia. Ipsum præterea mare columnæ innititur, cujus diameter cubiti unius, quam & fundi latitudo postulare videtur, & per spiram in helices decem circumductam a Josepho intelligi Auctor Epistolæ conjicit, qui etiam hinc circa eam spiram unicam in helices decem complicatam delineavit. Plinthus, quæ in columnæ capitulo cernitur, non contigua est cum maris ænei fundo, sed ab eo remota dimidia parte cubiti, intercedente corpore quodam rotundo, ne capitulum intra basis orbem occultaretur. In circulis *nn* delineati sunt duo ordines nodorum seu capitum bovinorum, quorum decem in unoquoque cubito continentur, & trecenti in tota colli circumferentia. Cætera fere addita sunt ornamenti causa, & ad quinos quosque nodos distinguendos, qui cum essent minores & in una linea dispositi, inelegantem alioquin & nudatam formam præbuisent. Nihil addimus, nisi quod iterum Bernhardo celeberrimo otium atque vires aprecamur, ad novam operum *Flavii Josephi* editionem, quam dudum molitus est, & ante hos novem annos jam auspiciatus, propediem absolvendam. Ejus enim desiderio non poterunt non incendi, quotquot vel ex hoc de mensuris & ponderibus libello ingenium Viri & eruditionem cognoverint.

DISCUS-

DISCUSSIO QUÆSTIONIS, AN FILIA-FAMILIAS a nexibus patriæ potestatis, etiam adversante Jure Communi Justiniano, in omnibus provinciis Germaniæ indistincte, præsertim autem in Ducatu Brunsvico-Lancburgico Wolfenbüttana partis, per Nuptias ita liberetur, ut statim in solius Mariti potestatem transeat? Negativè facta atque edita a D. Hieronymo Andreæ.

Helmestadii, apud Frid. Ludervvald, 1689, in 4.

Constat plagulis 13.

TRactatum hunc non ita pridem ad nos transmisit Nobilissimus Autor, Ducalis Fisci & Cameræ Guelpherbytanae Advocatus, humanissime simul rogans, ut calculum judiciumque nostrum super eodem ipsi aperiremus. Quandoquidem vero judicium partes nobis sumere haud solemus, utpote qui recensere quidem libros, non censere suscepimus, contentum fore eundem speramus, si, quod potuimus, scripti argumentum nude & quam brevissime pro instituti ratione retulerimus, epicrisi aliis in totum relictæ. Quæstionem itaque hanc, cujus tenorem ex rubrica repetere non erit opus, pertractavit secundum methodum in consiliis juridicis plerumque adhiberi solitam, per rationes nempe tam dubitandi, quam decidendi; ita quidem ut has primo loco perhibeat, illas vero dein proponat, & aptis tandem responsionibus diluere satagat. Ante omnia ergo ex jure communi deducit, nuptias non esse modum dissolvendi patriam potestatem, utut non inficietur, quosdam ejus effectus per illas alterari, nuptæ domicilium, forum, operas & similia potissimum concernentes; hinc porro ex diversis ordinationibus provincialibus Serenissimorum Ducum Brunsvicensium probat, strictam juris communis Cæsarei observantiam illis in terris introductam, usum vero juris Saxonici ibidem expressis verbis abrogatum esse: id quod vi juris territorialis, facultatem puta legislatoriam simul annexam habentis, valide fieri potuisse evincit: unde tandem concludit, modum hunc solvendi patriam potestatem, tanquam Saxonici juris inventum, illo in Ducatu plane pleneque cessare debere. Inde progressum facit ad rationes dubi-

dubitandi ab adverſa parte allegatas, quæ quidem in his maxime conſiſtunt: initio urgetur, in Germania vigere notorie conſuetudinem generalem, quod per matrimonium fiat emiſſio a nexibus patriæ po- teſtatis, eamque in rem, (præter etymologiam vernaculæ vocis *ſreyen* / propria vi jamjam *liberationem* involventis) ingens Jctorum, Germanorum potiſſimum, cumulus adducitur hoc de negotio te- ſtantium: quin & idem apud omnes fere moratiores nationes & gen- tes (ſpeciatim vero in regionibus Ducatui vicinis) communi allên- ſione introductum eſſe; ipſique ſocietatis conjugalis proprietati di- vinæque institutioni congruere; ex natura quoque dominii fluere, quod nempe in eandem perſonam duobus in ſolidum, patri & mari- to, competere nequeat: denique patriæ poteſtatis, ex jure Romano reſultantis, multorum judicio vix umbram in Germania ſupereſſe; adeoque quæſtionem tantum non penitus pro otioſa reputandam. Singula hæc jam reſutare occupatus eſt Noſter: & primo quidem al- legatam conſuetudinem nec intuitu generalitatis, nec ratione noto- rietatis ſatis probatam autumat; autores quoque allegatos aut ini- doneos teſtes eſſe, aut aliud plane ſibi velle, factò ſingulorum exa- mine demonſtrare nititur; argumentum ab aliorum populorum, vi- cinorum etiam, obſervantia inſufficientiæ arguit, cum inde nulla ju- rium dependentia aut legum conſuetudinumve identitas inferatur; rationem vero ex etymologia vocis *ſreyen* petitam, non fragilem mo- do credit, ſed plane falſam: cum ejus origo rectius deducatur aut a *Freia*, Germanorum præſcorum Venere, aut a vocabulo *ſrygan*/quod *amare*, aut a *ſryan*/quod *eligere cum affectione quadam ſingulari*, anti- qua Gothorum lingua ſignificet. Nec minus in reliquarum objectio- num diſcuſſione ſuam in cauſis perorandis dexteritatem atq; promti- tudinem oſtendit; cujus tamen vis ex ipſius ſcripti perfectione melius percipi poterit, quam quidem ex compendiaria, quæ nobis familia- ris eſt, relatione; ubi nempe periculum eſt, ne argumentorum pon- dera, concifa nimis verborum brevitate minuantur.

ANTONII MATTHÆI, ANTECESSORIS

*Lugdunenſis, Tractatus de Jure Gladii, & de
Toparchis qui exercent id in Diœceſi Ultra-
jeſtina.*

Lugduni Batavorum, ſumptu Autoris, 1689, in 4. Plag. 91.

La

IN Proœmio Clarissimus Autor affectum fidemque eorum collaudat qui acta & monumenta, nunquam antea præter unum aut alterum publicata, veritatis stabilien- & gratia ipsi communicarunt; sententiam deinde suam, qua in Tractatu de Nobilitate, anno 1686 edito & a nobis in Actis illius anni pag. 460 seqq. recenseo, l. 2. c. 1. Ultrajectum a Wiltis etiam Wiltenburch appellatum esse dixerat, Historica fide confirmat; & locum denique, ex quo probari potest, Frisones olim corpus occisi terræ non mandasse ante, quam homicida vel aliquis ex ejus familia vindictæ nomine vicariam quasi mortem perpeffus esset, in ipsa tractatione c. 38 omiffum supplet. Hinc ad materiam ipsam conversus, in cap. 1. quid sit jus gladii, quid merum mixtumve imperium, quid notio & jurisdictio, explicat. Cap. 2. tradit, in qua re merum imperium consistat; ubi inter alia pœnarum genera, a diversis gentibus usurpata, etiam quid sartago cinerumque supplicium fuerit, commemorat, & in cap. 3. præter reliquos gravius coercendi modos de excæcatione, membri mutilatione, & exilio tractat, atque hoc moribus proxime ad relegationem accedere, per se autem nec bona nec civitatem auferre asserit. Cap. 4. exhibet eos, qui jure gladii apud Romanos usi sunt, & iis non semper jus gladii in universum, sed nonnunquam pro parte tantum, concessum fuisse docet. His pro instituti ratione præmissis, ad mores hodiernos accedit, & c. 5. jus gladii adeo in commercio & patrimonio esse confirmat, ut vendi, donari, in feudum dari & quovis modo in alium transferri possit; unde contra *Vinnium*, Toparchis jus mandandi aliis merum imperium denegantem, disputat. Præterea c. 6. Toparchis jus constituendi præfectum, prætorem, scabinos, edicta proponendi, multas statuendi & exigendi &c. largitur; cognitionem vero de causis venaticis, publicam securitatem respicientibus, similibusque gravioribus negotiis, non æquali ratione omnibus concedit, sed potestatis amplitudinem hac in parte ex singulorum usurpatione & speciali concessione colligere jubet. Cap. 8. illi, quem Toparcha tanquam superiorem agnoscit, jus capiendi reum in illius territorio denegat: Toparcham nulla necessitate ad superiorem ejusve milites præfidiarios in castrum suum admittendos cogi affirmat, & pacti, quo dominus superior hoc jus sibi reservat, utilitatem commendat, atque exemplis declarat. Sequentia capitula ab octavo ad trigesi-

rum tertium usq; sollicite recenset Toparchas dioceseos Ultrajectina, eosq; qui in ea jure gladii fruuntur, in qua tractatione iniriū facit a Præpositis Ecclesiarum S. Johannis, S. Martini & S. Salvatoris, hanc potestatem in tractu inter Illam & Eccam interjacente habentibus: ab his progreditur ad Dominos de Dyckvelt, Montfoort &c. Toparcham de Amerongen, Vreesvvyk, Zuylestein, Vreland, Oudegein, Baern, Eem, Soest, Emmenes, Rensvroude, Odyk, Scyst, Gasbeek, Wyck, Abcoude, Nyenrode, Amstel, Woerden, Ysselstein, Jaersvelt, Zuylen &c. Groningæ olim jus gladii majori Ecclesiæ competiisse, ejusque facto id aliis concessum esse, c. 28 probat, & altam jurisdictionem habenti mediam plerumque etiam competiisse commemorat, c. 29. Quæ ratione Episcopo per diocesis suam jus gladii datum fuerit, c. 30. explicat, interq; reliquos coercendi modos *studii panale*, vi cujus pœnam hanc meritis per aliquot annos studiis in certa Academia vacare jussus est, c. 13. refert. Quin etiam Chomarchis in c. 32. merum imperium non omnino denegat, & de revenatica quis cognoscat, c. 33. exponit. De militari judicio c. 34. loquitur, & c. 35. determinat, quousque se Magistratus Ultrajectini jurisdictio oppidana extendat. Sicut autem Ultrajecto plenissimam jurisdictionem & jus gladii quoad omnes partes largitus est, ita reliquis ejusdem dioceseos oppidis paria jura tribuere non audet c. 36. Tandem a c. 36. ad finem usque hæc præcipue circa meri imperii explicationem reliqua, persequitur: in quos jus gladii exerceatur? quinam sit procedendi modus? quid circa confiscationem bonorum, quam juri gladii non adhaerere tradit, Ultrajecti & in vicinis locis observetur? quatenus condemnato livum sit appellationis remedium, & quomodo rei mors interveniens, pœnæ remissio, & præscriptio crimina extinguant? cui postremo crimina tollendi modo circa finem capitis ultimi prohibet inquisitionem annumerati.

THEODORI CRAANEN PHIL. ET MED. D. & C.

Tractatus Physico-Medicus de Homine, in quo status ejus tam naturalis, quam præternaturalis quoad Theoriam rationalem mechanice demonstratur. Edente Theodoro Schoon, M.

D. Hagicensi, cum Figuris aeneis & indicibus tam Capitum quam Rerum & Verborum locupletissimis.

Lugdu-

Lugdunū Batavorum, apud Petrum van der Aa, 1689, in 4.

Constat plagulis 104. præter figuras.

DE Homine equidem *Nobilissimi des Cartes* jamjam inclaruit Tractatus: hunc tamen, si ullibi, certe hic ingenio magis, quam veritatis litasse, quod experientia exactiori, Anatomica cumprimis destitutus, structuram Hominis tantum non meris adaptarit ideis, omnes inter, ad experientia pariter atque rationis lydium lapidem res physicas & medicas libere examinantes, videtur convenire. Tanto majorem proin præsens de Homine opus merebitur applausum, etiamsi Recentioris præmemorati Philosophi potius, quam Veterum methodo insistat, quo minus præsumi poterit eum, qui Autor ab Editore perhibetur, multa, dum viveret, experientia pollentem, ad eundem allivisse scopulū. Et omnino in capitibus fere singulis, numero CLVI, quibus corporis nostri status & naturalis, & præternaturalis, nec non multa ad manus huic auxiliatrices ferendirationē spectantia edocentur, adeoq; Physiologia, Pathologia & Therapeutica propemodū absolventur, Experientiam Rationi prælucere, vel perpauca subsequētia & multis annotata sufficienter attestabuntur. Scilicet cum non nisi in adultis Anatomica hauriri possit cognitio, qua demum perspecta tum generationis negotium, tum morborum natura commode explanari possunt, adulti potius hominis, quam infantis fabrica automatica primum consideranda proponitur, secus quidem ac *Cartesio* ex primis initiis mundi hujus sensibilis machinam deducere fuit visum. In hac pinguedinem ad salivæ essentiā nihil conferre censetur, quia ob pinguedinem intermixtam minus evaderet penetrans, gladii instar vagina reconditi ad secandum & pungendum prorsus inepti. Loco pulveris dentificii, tartarus vitriolatus deprædicatur præstantissimus. Alimentorum diversitati concoctio ventriculi maximam adscribitur partem, in quantum in translatione tam diverforum & discrepantium particularum, diversi relinquuntur & efformentur pori, diversæ magnitudinis & figuræ, ad quos vacuo omni exulante replendos materia ætherea pariter requiratur diversa, pro magnitudinis & figuræ diversitate ubique sese accommodans, coque ipso alimenta ingesta ulterius comminuendo & fermentando concoctionem in ventriculo absolvens. Acidum æque ac salinum sanguini nostro inesse, ex iis, quæ solent assumi, colligitur, nam non; solum condimenta inter obler-

pag. 4-

II.

15.

29. 47-

39-

- pag. 53. vatur acerum, sed & multa alia facile v.g. cerevisia, acescunt, aut acidis particulis abundant, e. g. panis secalinus. Lac ab acido Ventriculi fermento, aliisque quæ ingeruntur, semper coagulari, adeoque lactis in Ventriculo coagulationem vix, nisi excessivam, metuendam esse traditur, inprimis cum ætate lac ab acido ventriculorum vitulinorum succo coagulatum, aliisque temporibus caseus sine detrimento assumi soleant. Medicamenta vero Ventriculo extrinsece applicanda non tam regioni epigastricæ, quam dorso debere admoventi, quia dorsum facilius, quam tot integumenta abdominis, a medicaminum spiritibus penetrari queat. Circa vermium in corpore nostro preventum ova præsertim in aere volitantia, & vel cum alimentis, vel cum aere ipso inspirandum inter haurienda, perpenduntur; dari siquidem ova ejusmodi subtilissima, intuitu insectorum adeo exiguerum, ut in oculum nisi microscopio armatum haud incurrant, declaratur. Clysteres tum ratione, tum experientia affirmantur nutrientes: primo namque hominem phrenitide laborantem per decem dies solo clysteris nutrientis usu in vita fuisse servatum, item angina laborantibus vix nisi iisdem succurri posse; deinde intestina crassa lacteis vasis non penitus carere, cuniculorum exemplo, in quorum recens mastatorum intestinis crassis lactea apparuerint. Quin etiam si vasa lactea in crassis intestinis deessent, operari nihilominus adhuc posse clysmata nutrientia, per poros intestinorum blandos vapores ad sanguinem emittendo, simili prorsus ratione ac clysteres anodini & emollientes in dolore colico deprehenduntur proficui. Vapores alias in cavitate abdominis obvolitantes, aliquam ad minimum urinæ in vesica contentæ partem reputantur constituere, quod poros vesicæ foras intro spectantes facile ingredi, ob valvularum vero impedimentum minus regredi, sed coagulari potius & condensari in urinam possint ac debeant. Lien in thorace aliquando repertus simul amotatur. Sanguinis arteriosi major præ venoso fluiditas chylo cum primis tribuitur admixto. Fixorum in genere triplex constituitur differentia, ratione vel ad ignem, vel ad aerem, vel ad nostrum denique corpus habita. Omnes interim morbi cum ab obstructione primum oriri videantur, panacæ vel medicamenti alicujus universalis adstruitur possibilitas, attendendo una, remedium efficaciam non solum a particularum subtilitate, respectu cujus sapius reflexa mox e corpore
- 71.
- 83.
- 93.
- 95.
- 109.
- 133.
- 135.
- 173.
- 184.

corpore avolant, sed a stabilitate quoq; pororum, certam, stabilem & copiosam primi elementi materiam sanguinis nostri ætheri amicam secum vehentium, dependere. Febres omnes censentur putridæ, quatenus putredo tum introduci dicatur, quando ordo rerum compositarum turbatur & tollitur a causa levi, sensim atq; sensim particularum nexum destruente. Vix ubi adsignandæ, per quas materia purulenta e pulmonibus ad vesicam possit deferri & cum urina excerni, partim pori venarum pulmonalium subtiliorem puris partem recipientium, circulationis beneficio dehinc in renibus cum urina secernendam, partim diaphragmatis pori vaporibus purulentæ materiæ in thorace e pulmonibus extravasatæ transitum ad abdomen concedentes, quo in hujus cavo oberrantes vesicæ tandem poros foras intro spectantes subintrent, proferuntur in medium. Anastomoses sive inosculaciones arteriis cum venis intercedere, ex celeri sanguinis effluxu e vulnere vasi inflicto demonstratur, propterea siquidem, quod Anatomico cultro minus detegi queant, existentiam earum haud itegrandam esse. Causa fontium vera in diurno telluris nostræ motu constituitur, quo rapidissime ab occidente in orientem procedente tellus sine negotio ab aliis separetur, præsertim iis, quæ nexu parum firmo gaudent, uti aqua copiose tunc superfici ei ipsius adhærens. Arteriotomia ob periculum, cui exponitur, dissuadetur; arteria enim in cephalalgia secta quod opem tulerit, non arteriotomiæ simpliciter, sed repetitæ potius sanguinis educationi venire adscribendum. Quemadmodum inter omnes constat, in membris vulneratis male denuo consolidatis sæpius variam aeris percipi mutationem, ita hæc omnis diversitati pororum certam saltem aeris materiam transmittentium adsignatur. In animi deliquio homines, ut citius ad se redeant, supini poni censentur, quo in situ tali corporis horizonti parallelo sanguis promptius & copiosius ad caput assergens majorem separationi spirituum, a quorum novo influxu omnis recreatio, suppeditet ansam. A remediis autem somniferis, v. g. opio & camphora, somnium conciliari propter coagulationem in sanguine & humoribus horum auxilio introductam, similem ei, quæ a spiritu urinæ rectificatissimo alcohol vini addito fieri deprehenditur. Item ex acidorum usu dentes stupere, quatenus nervorum radicibus dentium insertorum fibrillæ solvantur, ut tensione ad tempus amissa sensationi haud inser-

pag. 126.

258.
692.

292.

297.

326.

382.

416.

440.

477.

- xiant, æque ac narcotica nervorum quasdam fibrillas solvendo stuporem inferre soleant. Respirationem a diaphragmate, tanquam vero instrumento ejus activo, dependere, vel ex sola respiratione difficiliiori, cum quis se ingurgitaverit, comprobatur, ventriculo tunc ab ingestis distento diaphragma sursum urgente, ut non nisi majori cum vi deorsum ferri queat. Medicamenta multis pro memoria confortanda extolli solita flocci penduntur, quod omnia talia assumpta in primis viis ac massa sanguinea ita invertantur, ut ad cerebrum delata, nec humiditatem hujus nativam corrigere, nec fibras siccas flexiles reddere ullo modo valeant. Sapor fumi tabaci perquam gratus fertur ei, cujus lingua oleo vel spiritu vitrioli fuerit imbuta, indicio manifestio, saporum diversitatem ac mutationem a rerum proficisci mixtura. Ligaturæ in affectibus soporosis supponuntur conferre, in quantum nervorum tubuli a materia viscida obstructi, dum in una parte vinculo arcte ad se invicem comprimuntur, in extremitate altera magis ab invicem recedant, adeoque apertiores evadant, ut spiritus novi a cerebro adfluentes pituitam removere ipsumque soporem tollere possint. Bilis ad ventriculum in biliosis deferri dicitur, non quod per pylorum e duodeno regurgitet, sed potius, quod ab arteria gastrica ad ventriculum eodem modo deponatur, ac in hepate ab arteria hepatica fieri animadvertitur. Foetus respiratio in utero materno asseveratur necessaria, quo pulmonum cellulæ exiguæ conservari possint cavæ, neque nervi phrenici intuitu obstructionis omnino ob quietem suppositam subsequenti inutiles emergant, ita tamen, ut loco aeris aqua potius, cui foetus innatat, quemadmodum in piscibus inspiratur, hinc & pulmones foetus propter cellulas aqua repletas graviores esse & fundum aquæ petere, secus ac ubi in lucem edito aer jamjam inspiratus fuerit. Infantibus alimenta potius liquida exhibenda suadentur, quam solida, ne horum assumptione ossa tam cito ad statum perfectæ duritiæ perveniant, adeoque in longiorem excrecere staturam impediantur. Tandem cum Cartesio ex eo non mori statuitur, quod corpus ab anima recedat, i. e. tum animam cogi a corpore secedere, quando ineptum hoc ad illi amplius inserviendum existit; animam quippe immortalem omnisque varietatis expertem nequaquam mortis posse dici causam, sed corpus potius, vel per morbum, vel per meram senectutem labefactatum.

THEO-

MENSIS OCTOB. A. M DC LXXXIX. 339
THEODORI CRAANEN, PHIL. ET MED. D.
Prof. olim Leidensis, ac Consilarii & Archiatri Bran-
denburgici &c. Observationes, quibus emendatur & il-
lustratur Henr. Regii Praxis medica, medica-
tionum exemplis demonstrata.

Lugduni Batavorum apud Petrum vander Aa, 1689, in 4.

Constat plagulis 100.

INter illos, qui artem nostram a scholasticis erroribus vindicare conati sunt, primus fortasse fuit Henricus Regius Professor Medicinæ Ultrajectinus, qui secundum Cartesii placita artis Asclepiadeæ emendationem aggressus est. Et quamvis celeberrimi hujus philosophi testimonio rem mascule nec sine fructu gesserit, non tamen omnimode perfecit. Partim enim Cartesii dogmata sponte reliquit; partim qua semel imbutus erat a teneris, pristina philosophiæ præjudicia omnino exuere non potuit. Itaque memoratæ hypotheseos celeberrimus patronus Craanius in Collegio quodam Praxin Regii, quam Institutionibus suis, sub Medicinæ nomine olim jam publicatis, adjunxit, notis suis nunc emendavit, nunc illustravit. Tanto hoc factum auditorum fuit applausu, ut non tantum ipsi eas innumeris vicibus, nec sine gravibus impensis describi curaverint, & vix cum aliis nisi amicissimis communicare dignati fuerint, sed alii etiam earundem publicationem avidè desiderarint. Verùm quia hæ Craanii notæ non conceptis ab ipso verbis positæ, sed pro Auditorum ingenio ex ejus sermonibus collectæ fuerant, non potuerunt non illæ quandoq; mutilæ, & invicè diversæ existere. Precibus igitur quorundam intimioris admissionis discipulorum fatigatus Craanius favit, & quæ conceperant calamo suo, corrigere aggressus est, sed solum ut auditoribus de sententia sua rectius constaret, non vero ut unquā ea prælo committenda expeteret. Desiderio nihilominus plurimum satisfacturi alii has Craanii in Regium animadversiones, diverso tamen sub schemate, in publicum emiservunt. Quamobrem jam A. LXXXVI Medioburgi Praxis Medica Reformata Henrici Regii, sub Luminis Rationalis Medici titulo prodiit in lucem, uti in Actorum ejusdem anni mense Novembri p. 555. recensuimus. Atque

que hæc editio, ex sententia genuinorum quorundam discipulorum, cum emendatis a Craanio notis inprimis convenire perhibetur. Jam vero industrius ille Lugdunensium Bibliopola, postquam theoriam Medicam in tractatu de Homine exhibuit, practicam quoque partem, adeoque Craanii observationes Regii ipsius praxi interspersas tradere non incongruum existimavit. Verum enimvero hæc bina scripta non ubique Craanianam exprimere hypothesin, Bibliothecæ Universalis & Historicæ Collectores testantur. Sed ad institutum. Regius medicationibus CXXX totidem ægrotantium casus proponit, in libros quatuor distributos. Primus morbos capitis, secundus pe-
 ctoris, tertius abdominis, quartus qui habitum & artus corripiant, recenset. Post historiam, in morbi denominationem, partem affectam, causas procatacricam & continentem, & per has in symptomatum rationes, prognosin tandem & curam inquirat. Craanius vero quæ minus apposite dicuntur, aut a sua sententia recedunt, interjectis notis emendat; quæ autem cum ratione & experientia conveniunt, suis observationibus illustrat. In genere vero nullam intemperiem calidam aut frigidam partium solidarum, v. g. hepatis, cordis, admittit; humidum qua humidum peccare negat; venæsectionem ubique purgantibus, etiam clysteribus quandoque præmittit; venatum selectum superstitiosum rejicit, eum concedens, quo in sanguine subtiliore educendo vena in brachio, in crassiore in pede secatur. Partibus solidis nulla correborantia tribuit; cucurbitulas & scarificationes improbat; vesicatoria evacuandi causa damnat, in apoplexia excitandi ergo præcipit. Magnam fiduciam in decoctis sudoriferis ex lignis paratis reponit, omnem apozematum purgantium usum detestans. Ast in specie, ubi animus est motum sanguinis impetuosiores refrænare, lapidem prunellæ, saccharum Saturni, imo & camphoram sæpius exhibet, adeoque horum usum in cephalalgia a causa calida, mania, phrenitide, inflammationibus, synocho, febre &c. iterum iterumque commendat. Nimias vigilias caute opiatis debellandas esse asserit; pulverem vero sequentem extollit, quod & bilis motum infringere, & sanguinis impetum coercere valeat: Rec. tartari vitriolati gr. XV, laud. opiat. gr. j vel ij, camphoræ gr. iij vel jv. M. F. pulvis. Similiter tincturam suam opii hic & sæpius alibi de-
 prædicat; quæ est solutio opii leviter tosti in spiritus vini tartarificati
 insigni

insigni quantitate, creberrime repetitis filtrationibus depurata. In catalepsi non spiritus animales congelari, sed glandulam pinealem fortuito catarrho obsideri pronuntiat. Quippe hanc cum Cartesio primarium mentis instrumentum agnoscit, quo & corporis motus illa percipiat, & suos cum corpore communicet. Sic etiam quod hac ratione nec a spiritibus commoveri, nec hos ad partes determinare valeat, objecta externa non tantum non percipi, sed etiam motus voluntarios quiescere. Epilepsiæ, in qua visciditatem cum acrimonia conjunctam accusat, mederi tanquam specificum affirmat pulverem secundinæ humanæ in umbra exsiccata, a scrupulis duobus ad drachmam unam. Februm naturam in eo consistere arbitratur, quod ad sanguinem aliqua deferatur materia per suos poros trajiciens ætherem non convenientem cum eo, qui per poros nostri sanguinis fluit, sive illa ab erysipellate, & inflammationibus, sive ab aliis causis suppetitur. Adeoque sudorifera sola appropriata remedia asserit ante paroxysmum propinanda, in primis e mineralium classe, utpote quæ fomitem in partibus hærentem eluere & eliminare valeant. His tincturam croci, opii, item camphoram pro circumstantiarum diversitate admiscet. In quartana magni facit decocta sudorifera diebus a paroxysmo vacuis, eidem vero obnoxiiis sudoriferum, cui cortex Peruvianus additur, ante paroxysmum commendat: uti hic pariter radici ostrutii splendenti dum frangitur, tam in decocto, quam in forma pulveris singularem efficaciam tribuit. Hypochondriaci mali extirpationem per decocta sudorifera attenuantia, cum purgantibus ex melanagogis & mercurio dulci compositis, atque venæsectionibus alternata aggreditur. Et simili fundamento reliquorum affectuum resolutiones innituntur.

RUDIGERI CHRISTIANI DE VVEDEL
Elogia Sacra, ad ductum Evangeliorum
concepta.

Coloniz Brandenburgicæ, typis Ulr. Lieppert, 1689, in 4. Plag. 59.

Inscriptionum, quæ & *Elogia* appellari solent, longe feracissimum fuit hoc seculum. Originem illarum ex remotissima Græcorum ac Romanorum antiquitate, imo ex ipsis legum tabulis, sepulchrali-
 Uuu busque

busque atque aliis monumentorum inscriptionibus, quales post *Jacobum Beyellium, Petrum Apianum, Martinum Smetium, & Justum Lipsium, Janus Gruterus & Th. Reinsius* ad posteritatem transmissurunt, arcessit vir clarissimus *Christianus Weisius*, qui & primus ex professio de hoc scribendi genere libris duobus, quos de *Poesi bodicernorum Politicorum sive de argutis inscriptionibus* inscripsit, fuit commentatus. Est autem Inscriptio, finiente illam eodem Weisio, *Oratio verbis soluta Poesin imitata, argutis sensibus laudem aut vituperium alicujus referens*. Est enim medium quid Inscriptio inter Oratoriam & Poesin, & ab Oratoria quidem dicendi libertatem illigatam, nec pedibus metricis adstrictam, a Poesi luxuriam verborum, lususque poeticos, unde & libera Poesis *Juglari* dicitur, veluti mutuatur. Inter artifices Inscriptionum ejuscemodi, *Emanuel Thesaurus*, Patritio Turinensi, nemo temere est superior, sive sacri, sive profani argumenti Inscriptiones contempleris. Et sacra quidem quod attinet, scripsit is *Elogia Patriarcharum* ab Adamo usque ad Christum, quos in pastores, milites, duces, reges, solitarios ac sanctos distinguit; stylo certe ut conciso, ita arguto admodum ac peracuto. Hunc non infeliciter æmulatus est *Aloysius Juglari*, Jesuita & popularis Thesauri; quippe qui præter *XL Elogia*, quibus Ludovici XIII. Galliarum Regis vitam virtutesque complexus est, centum Inscriptionibus universam CHRISTI vitam comprehendit. Libri titulus sic habet: *Christus Jesus, b. e. Dei Homini Elogia*, qui Genæv. A. 1641 in 4. Moguntiar. A. 1665 in 8 cum Elogiis Patriarcharum Thesauri prodit. Fallimur? an Duum-Virorum horum vestigiis insistere voluit Vir generosissimus, *Rudigerus Christianus de Wedel*, qui hodieque Potentissimo Electori Brandenburgico a consiliis est judicialibus. Sane & ipse Elogia ejusmodi sacra scripsit, eaque, ut titulus præ se fert, ad ductum Evangeliorum concepta. Ostendere autem hoc ipso Autor voluit, in Aulis quoque, sub probo inprimis Principe, non frigere plane pietatis studium. Et vero non doctum tantummodo atque argutum, sed pium quoque ac devotum his ipsis Elogiis legenti cuique se Autor approbat. Non diffitetur autem ipsemet, stylum non per omnia esse æqualem, nec totidem super eadem materia reperiri in hoc libro meditationes; scribendi etiam venustate hic adhibendâ desiderari posse, eo quod a XXIV anno ætatem in judiciis, aliisque publicis functionibus transegerit, facilius.

facilius etiam laborem cessitisse sibi, quoties de Salvatoris miraculis & factis, quam ubi de dictis ejus ac parabolis consignandum quid fuerit. Sed de his ipsi lectores viderint. Cæterum uti sacra hæc Elogia *Friderico Wilhelmo Magno*, Domino suo indulgentissimo, consecrare instituerat nobilissimus de Wedel, ita, hoc spe citius terris hisce erepto, felicissimo ejus successori Friderico III non dedicare ea non potuit. Et hinc duplex dedicatio præmissa Elogiis deprehenditur.

CAPITA DOCTRINÆ ET PRAXIS CHRISTIANÆ

insignia ex LIX illustribus Novi Testamenti dictis deducta, & Evangelii Dominicalibus in concionibus A. 1677

Frankofurti ad Mœnum habitis applicata a Philippo Jacobo Spenero D. & Seniore Evangelici Ministerii Frankofurtensis.

Frankofurti, impensis Joh. Dav. Zunneri, 1689, in 8.

Constat plagulis 30.

Hunc libellum ob argumenti similitudinem priori haud immerito jungimus. Continet enim selecta quædam religionis Christianæ capita, quæ Theologus Summe Reverendus Dn. *Philippus Jacobus Spenerus*, hoc tempore Potentissimo Saxoniz Electori ac concionibus aulicis primariis, & consiliis ecclesiasticis, dum adhuc Frankofurtenſi ad Mœnum ecclesiæ præſſet, ex illustribus nonnullis Novi Testamenti dictis deduxit & in concionibus publicis A. 1677 habitis ad pericopas Evangelicas, quæ diebus dominicis & festis explicari in publicis ecclesiæ conventibus solent, applicavit. Equidem hæc ipsa doctrinæ & praxis Christianæ capita jam A. 1680 Germanice, prout a Venerando Autore concepta & populo proposita fuerant, typis impressa & operi majori integras homilias continenti, quod inscribitur: *des thätigen Christenthums Nothwendigkeit und Däglichkeit* i. e. *Christianismi ætuoſi necessitas & possibilitas*, inserta novimus. Verum cum Vir quidem haud minus incomparabili doctrina quam natalium splendore & meritorum in rem publicam gloria Perillustriſſis, cujus pietatem & modestiā tacite vene-

rari, quam celeberrimum Nomen contra nutum evulgare malumus, haud exiguum cœlestis sapientiæ gustum inde percipi sentiret, operæ se pretium facturum censuit, si has meditationes ex majori concionum opere excerptas, in gratiam eorum, qui Germanicæ linguæ minus periti sunt, vel majori illo opere carent, Latine redderet. Nec improbavit hoc consilium Magnificus Autor, sed versionem sibi communicatam luci publicæ exponendam duxit, in præfatione monens, generosissimum Interpretem, etsi augustioris & nitidioris styli facultate pòlbeat, simplicius tamen dicendi genus, & quod huic materiæ aptius esset elegisse; dicta vero Scripturæ juxta Vulgatum adduxisse, indeque nonnunquam fieri, quod sententiarum, quibus probandis adhibentur, sensum haud satis exprimant; nonnunquam tamen, ubi Vulgatus a scopo nimis aberravit, Lutheri versionem Vulgatæ subjungi.

*HISTOIRE DES REVOLUTIONS D' ANGLE-
terre sous le Regne de Jacques II. &c.*

id est,

Historia Mutationum Angliæ sub Regno Jacobi II. usque ad coronationem Guilielmi III.

Amstelodami, apud Henr. Desbordes 1689, in 12.

Constat plagulis 20.

pag. 1.

Simili Historiæ in Gallia, a cujus Scriptoribus hodiernis nonnisi Satyræ vel panegyrici expectandi dicuntur, adornandæ, libello hoc, qui majori veritate nitatur, obviari Præfatio innuit. Primitus ostenditur, quomodo Angliæ tragicorum semper eventuum theatrum fuerit, nec, nisi Pontificiū omni ibidem potentia exuantur, tale & deinceps esse desitutum sit: quomodo etiam ab *Henrico VIII* temporibus Romano-Catholici, ut Pontificio jugo illam denuo subderent, nihil non tentaverint. Eo tendisse *Caroli I* matrimonium cum Galliæ Regis filia contractum, & inspirata *Carolo II* & *Jacobo II* tunc exulibus Jesuitarum dogmata, eoque fratrem eorum tertio genitum *Glocestriæ* Ducem brevioris fuisse vitæ, quod aures illis præbere noluerit. Apparuisse idem consilium ex conspiratione in *Carolo II* præter

præter spem diutius viventis caput A. 1678 confecta, sed a D. *Tito Oates* tempestive detecta, quam Parlamenti decreta de Pontificiis a sessione jureque suffragii, & *Jacobo* tunc *Eboracensi* Duce a successione in perpetuum excludendis infecuta fuerint, qui favore Regis signationem Decreti impediens ad sedandos Scotiæ motus missus, rebus etiam feliciter gestis, Anglis nihilominus suspectus manserit. Post novam, quam Jesuitæ machinati fuerint, conspirationem de Rege & Fratre (etsi quoad hunc totius negotii probe conscium, omnia simulate agi debuerint) pugione simul confodiendis revelatâ, multis innocentibus in societatem supplicii tractis, & intra 5 annos 67 Proceribus capite plexis, Angliam cruento macello parum absumilem fuisse. Rege d. 16 Febr. 1685 non sine veneni suspitione vivis exempto, & Fratre successore variis gratulationibus (inter quas *Quakerorum* Oratiuncula e Jesuitæ cujusdam cerebro prodiisse dicitur, veluti jam dudum multi hujus Societatis inter illos latere credantur) excepto, & statu tam civili quam militari firmato, in D. *Oates* Jesuitarum calumnia sententiam dictam esse, ut præter fustigationem, & perpetuum carcerem, quotannis ignominioso conspectui publice exponeretur. Qua occasione idem *Oates*, jam septuagenarius, ex Ministro Ecclesiastico Jesuita antehac evaserit, paucis hic simul attingitur. Hinc Ducis *Montmouthensis* (antea *Arkeni*) filii naturalis *Caroli II.* ex puella quadam *Walliensis* sub matrimonio, uti quibusdam creditur, promissione procreati, multisque dignitatibus a patre, tenerrimo præ reliquis affectu eum prosequente, decorati infelicia fata recensentur, quomodo jurisjurandi sui de solo patrio mutando, & armis contra Regem aut ejus Successorem nunquam arripendis præstiti inimemor, *Malecontentis* ducem se præbuerit, sed a suis desertus, & proprii canis indicio captus, rebellionis non minus quam imprudentiæ pœnas dederit; quomodo etiam Comes *Argile* (qui A. 1680 inter motus Scotiæ Edinburgi custodiæ datus, sed cum filia ipsum visitante, cum cujus pedissequo sagum permutaverat, simul egressus, & sylvæ, quod servili ministerio portatum in lutum delabi siverat, a filia ex simulata indignatione in faciem impacti beneficio elapsus, nullibi hætenus apparuerat) eodem tempore novarum rerum in Scotiâ auctor, æque tristem vitæ exitum expertus fuerit. Commemorata hinc severa in geminæ hujus seditionis intra bimestre repressæ

- pag. 73. complices animadversione, qua se unum plures carnificis manus-
tulisse, quam omnes a *Guilhelmi* Conquistoris tempore iudices, *Ge-*
orgius Jeffrey, cui Cancellarii munus inde præmii loco obtigerit, glo-
riatus sit; complures violenti & in despoticum plane arbitriumque
degenerantis, quod *Jacobus* exorsus sit, imperii actiones longo filo
104. 76. deducuntur. Inter has præ aliis eminent interdictum de festo anni-
versario, in memoriam *Elisabethe* & conspirationis pulverariz, non
celebrando: Jesuitarum in consilium vocatio & Monachorum in-
188. tductio: quæ sita modificatio, quin totalis abolitio legis *Test*, de
qua in Actis anni superioris pag. 569 seqq. uberius diximus: septem
198. item Commissariorum, qui rerum ad Jurisdictionem Ecclesia-
sticam pertinentium curam gererent, constitutio, eorumque violenta
167. satis, quam passim & imprimis contra *Collegium Magdalenæ* Oxoni-
ense exercuerint, functio: nec non *Curia honorum*, Nobilitati non pa-
rum formidabilis, instauratio: *Libertatis Conscientie* proclamatio:
132. 215. Nuntii Pontificii admissio: legum & privilegiorum violatio: *Burn-*
211. *et* ob Historiam Reformationis Anglicanæ, & septem Episcoporum
219. ob retractatam Regiæ Declarationis, de libertate conscientie, recita-
tionem persecutio: Membrorum futuri Parlamenti Regi addictorum
selectus, & complures alii, quos consulto præterimus, violenti regimi-
nis & Papismi introducendi nimium evidentes prodromi. Quibus
omnibus populus non potuerit non irritari, ita ut militia etiam ad
249. *Testi* legumque poenaliū abolitionem promovendam sollicitata, ob-
sequium retractaverit. Et licet Rex ab uno extremo ad alterum pro-
265. gressus, 4. annorum telam intra 20 dies retexens, Commissariis ec-
clesiasticis abdicatis, Collegio Magdaleno restituto, privilegiisque
Civitatum redditis, proximo Parlamento plenam de revocatione
Testi statuendi libertatem promississet, tantum tamen abfuisse, ut dis-
273. fidentiam omnem eximere potuerit, ut potius Principis *Orangii* clas-
sisque Hollandicæ adventus summo desiderio expectari cœperit,
293. postquam peculiari libello *septem* querelarum capita pluribus ex-
posita essent. Narratur inde, quomodo animosissimus Princeps,
Schembergio comite, cum 65 navium classe 21000 hominum transve-
ctura d. 30 Oct. superioris anni ex Hollandia solverit, & licet adversa
tempestate, quæ in Gallia aculeatis scomatibus, ingeniosa tamen
ab aliis inversione refutatis, in triste omen versa fuerit, portum repe-
teret

tere cogeretur, denuo inde egressus d. 15 Nov. memorizæ *Conspiratio-
nis pulveraria* sacro, in littore occidentali exscensione facta magno u-
biq; applausu exceptus fuerit. Rationes, quæ tam Principem ad tra-
jiciendum in Angliam, quam Status Fœderati Belgii ad assistendum
Principi permoverint, ex subjectis eorundem *Declarationibus*, qui-
bus justitia instituti, *tranquillitatem Regni* unice respicientis, pro-
lixè asseritur, clare satis addiscere est. Refertur porro, ut Rex *Jaco-
bus*, adventu successuque Principis intellecto, Parlamentum quidem
indixerit, sed animi anceps, literis circularibus revocatis, Reginam cum
filio in Galliam præmissam & ipse sequi constituerit: ut venti con-
trarii vi retro actus, & *Favershamii* a rusticis, sub e mentita veste Je-
suitam latere & argento gemmisque onustum fugam meditari cre-
dentibus, detentus fuerit: ut libera, quorsum vellet, se recipiendi fa-
cultate a Principe promissa, primum *Londunum*, hinc *Rocheſtriam*, &
inde literis, quibus fugæ causæ explicantur, ibi relictis, mense Januario
hujus anni in Galliam trajecerit, ubi Rex confœderatus benigne regi-
um advenæ exceperit, & in propensum affectus signum moneta, quæ
Anglum dextræ Galli assidentem cum verbis: *ſede a dextris meis* &c.
primæ quoque concionis coram illo habitæ argumentum suggeren-
tibus, exhibet, cudi, & paulo post paucis navibus instructum in Hi-
berniam, ubi *Tirconellum* sibi adhuc addictum habebat, transve-
hi curaverit. Memoratur inde, quod post Regis fugam in *Con-
ventione* Proceres quidam Angliæ, & *Conſili* Scotiæ Deputati, ne-
gotiorum publicorum administrationem Principi obtulerint,
qui summa eam cura exorsus Nuntium Pontificium honeste ha-
buerit, & ne Jesuitis vel cuiquam religionis causa molestia crearetur,
omnesq; vel discedere vel remanere cupientes securitate publica gau-
derent, maximo opere caverit, & quia Parlamentum non nisi a Rege
convocari potest, aliam interim *Conventionem* indixerit, in qua Pro-
ceribus congregatis, articulisque certis, qui correctionem prære-
riti, & futuri regiminis formam respiciunt, consignatis, Principi ejus-
que Conjugi ex Hollandia accersitæ Regia dignitas, cui Jacobus a-
ſſionibus suis renuntiaſſe intelligendus eſſet, addicta fuerit, ita ut Re-
gina sine liberis decedente, ſucceſſio ad *Annam* Georgii Principis Da-
niæ Conjugem ejusque liberos devolveretur, & post illos ad Principis
Orangiæ liberos, si ex alia conjugē tales cum ſuſcipere contingeret, re-
verta-

pag. 364.

310. 315.

344. 376.

361.

382.

388.

401.

390.

447.

392. 404.

398.

410.

422.

verta-

- verteretur, Principi administratione rerum per vitam relicta. De alia quoque *jurisjurandi fidelitatis* formula conventum esse perhibetur, qua Regi Reginaeque fidelitas & obsequium promittitur; doctrina, a Papa excommunicatos Principes deponi vel necari a subditis posse, damnatur; & ulli Principi, Praefuli vel Statui extraneo, ullam jurisdictionem, superioritatem, praeminentiam, seu auctoritatem secularem vel ecclesiasticam in Regnis competere debere, negatur. Ipso proclamationis regiae actu subsecuto, *Conventio* auctoritate Regia in *Parlamentum* transmutata dicitur, & haud obscura de *Episcopalis* & *Presbyteriani* uniendis spes concepta. Nervosa etiam Regis
- pag. 429. 431. *Oratio* de ratione stabiliendi regiminis, & sumptuum in expeditionem Hibernicam Gallicamque erogandorum necessitate habita, eum effectum consecuta narratur, ut magna vis pecuniae prompte promitteretur. Refertur denique quo modo coronationis ceremoniae ab Episcopo Londinensi, *Burneto* Episcopo nunc Salisburiensi & Cancellario ordinis perisecelidis verba faciente, peractae fuerint, Principique Daniae Baronatus *d' Okingham*, Comitatus *Kendall*, & Ducatus *Cumberlandiae* axiomata, Duci vero Schombergio jus indigenatus & primaria rerum bellicarum cura decreta. Ut mira adeo rerum in
449. Anglia catastrophe fidem fecerit, praesagium Poetae cujusdam Flandrici, Principi, dum nasceretur, eum defensorem legum, Regem, potentissimorumque Regum terrorem futurum, praenuntiantis, item phaenomenon illud coronae Arausione, teste *Chambrunio* Theologo, A. 1665 visae, & A. 1688 VI Maji iterata vice conspectae, *Zulychemique* Epigramma eo alludens ominetunc non caruisse.
- 420.

LIBRI NOVI.

Horti Malabarici pars IX, de herbis & diversis illarum speciebus. Amstel. 1589. fol.

Joh. Munnicks Chirurgia ad praxin hodiernam accommodata. Trajecti ad Rhenum, 1689, in 4.

Joh. Marckii in Apocalypsin Johannis Commentarius. Amstelod. 1689, in 4.
Parallela Sacra & Profana, seu Notae in Genesin, autore Joh. Bompardio. Amstel. 1689, in 4.

Henrici Hulsi de Molitione, Opere ac Sabbatho Dei Liber unus. Lugdun. Bat. 1689, in 8.

Cornelii von Eck Principia Juris Civilis secundum ordinem Digestorum. Franequeræ, 1689, in 8.

Frid. Spanhemii Summa Historiae Ecclesiasticae. Lugd. Bat. 1689, in 12.

L' Apocalypse avec une Explication par Mr. J. B. Bossuet. A Paris 1689, in 8.
Explication des quelques Difficultez sur les Prières de la Messe; par Mr. J. B. Bossuet. A Paris, 1689, in 12.

ACTA ERUDITORUM

publicata Lipsiæ

Calendis Novembris Anno M DC LXXXIX.

**Die Ehre des Herzogthums GRAZ/ aufgez-
breitet von Johann Weichart Valvasor /
Freyherrn u.**

five,

**Gloria Ducatus Carniolæ, explicata per Johannem
Weichardum Valvasor, Baronem, ditionis Carniolensis in
Inferiori Districtu Capitaneum & Societatis Re-
giæ Anglicanæ Sodalem.**

Labaci, apud Wolfg. Maur. Endterum, Bibliop. Norimb. 1689.
in fol. Tomus I.

Constat plagulis 186.

Carniolam, inter ditiones Serenissimæ Domus Austriacæ
haud postremam, qua ratione e tenebris, (queis hætenus
non sua, sed Cosmographorum culpa, parce nimis de ea
dicentium, involuta latuerat,) in lucem proferre sategerit
D. Job. Lud. Schönleben, retulimus jamjam in *Actis anni 1682, pag. 380*
seqq. Ejus exemplum secutus, eodemque, quo ille, patriæ amore sti-
mulatus alius nunc se nobis commemorandum sistit scriptor, nem-
pe perillustis *Valvasor, Baro de Galleneck & Neudorff, Dynasta in Wa-
gensberg & Lichtenberg*: qui cum animadvertisset, Schönlebenium in
egregio suo, cujus mentionem modo fecimus, opere exteras fere res
magis, quam indigenas curasse, laborique præterea huic immortuum
multum in eo imperfectionis reliquisse, uberiorem mox de Ducatu
hæc tractationem moliri cepit: cumque antea jam in animo habu-
isset

Xxx

isset

isset, Carniolæ chronicon provinciale, nec non miracula naturæ ibi terrarum obvia tantum describere; mutato mox proposito, plenariam hujus Ducatus historiam tam naturalem, quam civilem consignare suscepit, tandemque non sine maxima opera & industria ad umbilicum perduxit. Nimirum omnibus ad ingens hoc opus absolvendum adminiculis destitutus, præter documenta nonnulla ex Cancellaria ipsi communicata, & paucula ista, quæ ex magno autorum cumulo hanc in rem delibare ei licuit, necesse habuit pleraque ex propria experientia ac indefessa indagatione haurire atque sibi comparare: proindeque ipsemet passim montes atque vales hujus regionis peragravit, ac singula notatu digna perquisivit, situmque locorum ut plurimum propria manu delineavit, suis potius quam aliorum oculis considerare edoctus: quemadmodum & antehac laudabili curiositate ductus, non Europæ modo provincias, sed ipsam quoque Africam longe lateque pervestigavit, nec uspiam viæ longinquitate a desiderio res rariores, naturales potissimum persequendi deterritus est. Quo vero nitidius præsens hoc suum opus, maxime quoad styli Teutonici puritatem, evaderet, expoliendum illud commisit *Dr. Erasmo Francisci, illustrissimorum Comitum de Hohenloß & Gleichen Consiliario*, scriptis quamplurimis in Germanica lingua hæcenus editis inclaro; qui proinde non solum stylo suam adhibuit limam, sed & librum ipsum, Autoris bona cum venia, passim relationibus ac historiis parallelis, nec non observationibus & annotationibus, tam naturalibus quam moralibus, elucidare ac amplificare satagit; quemadmodum etiam *Liber I & V.* in præmissa dedicatione eidem extoto accepti feruntur. Nimirum *quindecim* in universum *libris* labor hic absolvitur; qui in *quatuor Tomos* ita dispescuntur, ut trium anteriorum unoquoque quaterni, postremo vero tres libri comprehendantur, quorum singulis quid pertractetur, paucis exponemus.

Ac *primus* quidem liber fere circa solam nomenclaturam tam provinciarum ipsius, quam incolarum antiquorum modernorumque occupatus est. De provincia, quæ hodiernis habitatoribus *Krainka des Kela* vocatur, refertur, eam quondam sub variis per temporum intervalla nominibus venisse, Japygiæ puta, Pannoniæ, Taurisciæ, Norici, Istriæ, quarum nempe regionum partem una fecisse haud obscure videatur: novissimum vero *Carniola* seu *Carniolia* nomen

vix extare ante Paulum Warnefridum Diaconum, qui tempore Desiderii, ultimi Longobardorum Regis floruerit circa annum 760, & Eginhardum, Ludovico Pio coævum. Incolæ antiquissimi sub populis Chittim, item Hyperboreorum, Scytharum, Celtarum, Gallorumque prisorum appellatione latere perhibentur: qua occasione, ne materia libro deesset, interpretes *Francisci* in varias antiquitates nostræ Germaniæ evagatur, de quibus dicere hic nil attinet, maxime cum plurima ad rem magis facientia suppetant.

Liber *secundus* lectori sistit Topographiam Carniolæ generatorem, & velut prægustum præbet specialioris illius & singula loca sigillatim pertractantis, quæ in libro undecimo subsequitur. Hic nimirum initio exponuntur limites hujus Ducatus & regiones ipsi continentur, a quibus undique cingitur; tum summaria sequitur consideratio incolarum hujus temporis; qui intuitu externi habitus sat robusti, & ad labores, frigora aliasque molestias perferendas adfuerit, adeoque ad militiam subeundam perquam idonei, videtur etiam simplicissimo contenti prædicantur: religionis vero professionem quod attinet, fidei Romano-catholicæ addicti sunt; cui ipse Autor noster semet adscribit, solenniter hinc in præfatione protestatus, se pro non scripto ac nullo declarare, si quid hoc in opere contentum sit, quod ulla ratione in sanctiones Ecclesiæ Catholicæ impingat iisve adversetur: ea tamen incolarum pars, quæ sub nomine *Usgokorum* venit, Græcæ communionis ritus maxime servare fertur. Porro subnectitur partitio universi Ducatus, civitates omnino 21, oppida 39, pagos plusquam 4000, arces 254 comprehendentis, non connumeratis tamen illis locis, quæ sua lingua *Tabor* nuncupant, suntque rudera munitionum in montibus quondam excitatarum, quo refugium adversus hostium irruptiones præberent. Ipsam regionis divisionem quod concernit, improbat eorum scriptorum traditio, qui eam aut bipartiantur in Carniolam irriguam & siccam, aut in tres portiones distinguunt, nempe superiorem, inferiorem, & tractum Laybancensem: utramque enim hanc fundamento destitui noster arguit: rectiorem vero & normæ regiminis descriptionique in actis publicis congruam tradit eam, qua in *quinque* partes dispescitur, Superiorem puta, Inferiorem, Mediam, Interiorem, ac denique Istriensem portionem; harum enim quamlibet in publicis, quæ subinde

fiunt, subditorum evocationibus separatim considerari proprioque subesse Capitaneo perhibet. Tandem quamlibet harum regionum seorsim pertractat, & cujusvis fines, urbes, vicos, arces, monasteria, parochias, postarum stationes, pagos præcipuos, montes, valles, sylvas, vineta, fontes, lacus, thermas, quas ibi locorum generali appellatione *Töplitz* vocitant, rivos, specus, speculas denique distinctim enumerat. Per speculas vero significamus loca eminentiora maximis lignorum acervis instructa, quos extemplo speculatores, cum primum vicinos Turcas irrumpere sentiunt, explosis simul aliquot mortariis majoribus incendunt; quo sic signo hoc per vicinorum montium incendia similiter propagato, rumor mox totam ditionem pervadere, & intra trihorium circiter omnes incolæ de hostium incurfione certiores fieri, & semet aut ad pugnam aut ad fugam parare queant, quæ loca communiter *Kreutz*-live *Creutz-fener* nuncupantur. Hæc inquam singula distinctis capitibus ac nominatim recenset Autor; facta simul in transitu mentione, quænam singulis in locis naturæ miracula occurrant; de quibus tamen, cum in sequentibus duobus libris plenius repetantur, hic nihil opus est dicere.

Nimirum continet liber *tertius* potissimum historiam Carniolæ physicam, & quid quoad singula naturæ regna istic memorandum veniat. Ubi primo quod situm attinet, montosam valde regionem esse apparet, non exiguam Alpium portionem complectentem; quas inter aliquæ *Fesfricensēs* a vicino tractu dictæ, juxta dimensionem a nostro institutam, 10274 pedes geometricos altitudine adaquant: unde erroneam evincit eorum opinionem esse, qui montium nullum ultra 8000 pedes ascendere tradiderunt. Potiores ejus montes nec antiquis Geographis ignoti celebrantur Carvanta, Carusadius, Cetius, Oera, Albis, Phlygadius, Alpius, Picis, quorum singulorum situm determinare laborat Autor; speciatim Cetium ait esse longissimum jugum, & Laybacum cum Vienna, utut 30 milliaria Germanica distante, jungere, adeoque Austriam cum Carniola continua veluti catena connectere, cujus certa portio hodie nuncupetur *der Kalenberg*. Inter fluvios ducatum hunc pervadentes, qui porro enarrantur, agmen ducit *Sarnus*: qui hoc in tractu ob saxa cursum ejus subinde sufflaminantia, tanta rapiditate ferri dicitur,

tur, ut Rheni aquas prope cataraclam Schaffhusiensem adhuc superet impetu, nec adeo navium patiens sit, nisi ex unico arboris trunco excavatarum. Flumen *Wipach* etiam non incelebre est; Romanis antehac sub nomine *Frigidi* non ignotum: quam ipsam appellationem a Nic. Heinio pro mero epitheto perperam acceptam fuisse, obiter notatur. Non vulgare est, quod de rivo, cui *Kuka* nomen, adducitur, eum aliquoties post primam scaturiginem intra terram semet abscondere, iterumque emergere, tandemque emenso quatuor milliarius itinere subterraneo, denuo erumpere, sub alio tamen *Ti-mavi* titulo; de cujus fontium numero haud exigua inter antiquos scriptores discrepantia adducitur ac quodammodo deciditur. Progreditur hinc Autor ad aeris Carniolensis temperiem, quam quidem non ubique eandem, sed pro locorum, etiam non ita distorum, diversitate multum variare ait: sic ut eodem tempore, quo in parte Ducatus Interiore jam mala persica & uvæ maturescunt, e contra in Superiori Carniola vix cerasa ad perfectionem pertingant, ut quæ nonnunquam circa festum Michaelis demum de arboribus decerpantur; cum tamen inter utrumque hunc tractum nonnisi sylva interjaceat tria circiter milliaria latitudine continens. Porro tempestuosum valde clima hujus regionis esse oportet, dum non tantum singulis prope per æstatem diebus tonitrua istuc audiuntur; sed & grandinis imbres tam frequentes irruunt, ut inde quotannis minimum quinta frugum nascentium pars, variatis modo locorum vicibus, regulariter perdatur: quod quidem a vulgo communiter sagarum, non infrequentium, malitiæ tribuitur: unde & familiare ipsis est, ut quamprimum nubem obscuriorem suboriri cernunt, mox ad campanas templorum accurrant easque magna vi exigant: (ex quo continuo nolarum sonitu Autor fieri ex parte arguit, quod pluviae quandoque, dissipato scilicet nubium agraine, diu satis nonnullos istorum tractuum destituant:) quod si ne sic quidem tempestatem ingruentem dispelli animadvertant, vocatur in subsidium parochus, qui ante templum stans nubes exorcismo ferire jubetur: qui ipse tamen omni licet opera adhibita, quandoque vix a verberum grandine tutum se præstat, a furibunda rusticorum plebecula ipsi intentatorum, utpote quæ damnum nimbi talis violentia agris illatum magna ex parte istius imperitiæ imputat, quod nempe diris non satis efficacibus nubes

- inceffere didicerit. Cæterum aerem Carnioliensem robustum satis ac vegetum corporis habitum indigenis conciliare, vel inde evidens est, quod ibi senes, utut nonnunquam centenarii prope, raro tamen plene canescant, sed plerumque externam servant speciem, ac si vix
 pag. 322. 50 aut 60 annos explevissent: quodque regulariter, per omnem fere Carniolam, plures per annum nasci, quam denasci soleant. Rustici præprimis tam durato corporum robore esse perhibentur, ut rivos
 352. sat rapidos nec parum profundos media etiam hyeme non solum ipsi vadando transeant, sed & viatorem una cum sarcinis suis transvehant humeris impositum: tamen si & alicubi flumina superare grallis insistentes consueverint. Quod si tamen contingat, rusticorum aliquem morbo corripere, remedia sponte nascentia facileque parabilia adhibere norunt; cujus generis varia ab Autore communicantur, speciatim oleum olivarum aceto mixtum & potu adsumtum; imo non
 373. raro acetum solum panaceæ loco ipsis æstimari dicitur. Non mirum, si hæc cœli salubritati pariter & soli fertilitas respondeat: hæc etenim tanta esse prædicatur, ut arva quotannis binas messes cultoribus suis largiantur; alteram quidem siliginis aut tritici leguminumve, alteram fagopyri: hoc etenim frumenti genus, quod ipsi *Haden* seu *Aida*, Germani *Heidelkorn* & *Buchweizen* vocant, communissimum plebi panem ac victum præbens, mox post collectam primam illam segetem agris committitur, quo adhuc ante hiemis adventum pariter maturescere possit: ac ne fortean prior illa messis ob humidam tempestatem in longum protrahatur, adeoque secundariam hanc sationem retardet, frumentum a solo separatum non relinquatur in campis, donec plene siccum evadere queat; sed extemplo manipuli convehuntur, ac in certum pegma ligneum, quod ab aliqua figuræ similitudine *Citharam* seu *Harpsen* nominant, simplici ordine in struem componuntur, ubi nempe a pluvia tuti, & libero nihilo minus aeri perflabiles, satis ad siccandum spatii habent. Depictam ejusmodi Citharam rusticam exhibet
 pag. 105. quemadmodum & alias figuræ æneæ sat magno numero totum huncce librum passim declarantes partim, partim exornantes adimplent. Nec exiguum porro
 347. fertilitatis argumentum præbet, quod unus milii sati modus aliis octoginta modis messorem beare soleat. Inter reliquas fruges, in quibus recensendis non erimus prolixi, vinum eminet, cujus varia ge-

nœra hic locorum ubere proventu crescunt; quæ quidem limpидitate
 alicubi aquæ puræ nil quicquam cedunt, at nihilo secius gustui gene-
 rositatem suam abunde probant. Reperitur quoque nonnullis in pag. 352
 sylvis genus quoddam uvarum agrestium baccis nigris & parvis,
 sed acidissimis; quæ utut collectæ temporis successu dulcescant, ra-
 rius tamen in usu habentur. E reliquis hujus terræ vegetabilibus
 notamus adhuc *Hederam*, tanta ibi subinde crassitie conspicuam, ut
 facile tres cubitos circumferentia trunci adæquet; item *Juniperum*,
 baccas maturas coloris perfecte coccinei seu scarlatini ferentem; 354
 qualis in tractu Istriensi potissimum reperitur, cum in aliis hujus Ducatus
 partibus nigros modo, ut alibi, fructus gignat. Præter alios, quos
 præbent, usus baccæ hujus fructicis, adhibentur ab incolis mediocri-
 fortunæ ad conficiendum potum quotidianum, quem hoc modo
 parant: vasculum ligneum media parte baccis juniperi replent, re-
 liquum spatium aquæ superinfusa relinquunt; ita duas vel tres heb-
 domadas obturato orificio macerari eas sinunt, quibus exactis vas
 in fundo perforant, ex quo quantum lubet quotidie extrahunt,
 tantum aquæ recentis superius reasfuentes, quantum quali-
 bet vice liquoris infra effluit; id quod ad sex aut septem menses
 continuare licet: qui potus non linguam solum grata acrimonia
 afficere, sed & sitim egregie extinguere per æstatem dicitur. Flores
 quoque in Carnioliâ multiplici varietate luxuriare hinc evidens
 est, quod ibi *anemonum* triginta quinque diversæ species, *ranun-
 culorum* plusquam octodecim, *hyacinthorum* ultra septuaginta
 numerari feruntur. Inter mineralia hujus regionis eminet cum fer-
 rum, 372
 cuius variæ fodinæ indigantur, ac fabricæ delineantur; tum
 argentum vivum maxime, cuius fodina *Hydriensis*, anno 1497 pri-
 mum casu fortuito detecta, pluribus describitur: quam in rem com-
 municatur non solum antiquum carmen Germanicum, rythmi sim-
 plicitate seculi istius genium satis referens, qua historia inventionis
 pluribus continetur; sed & adducitur descriptio hujus fodinæ a D.
 Gualtero Pope concepta, quæ jam tum in *Actis Societatis Anglicanæ
 anni 1665 mens. April.* reperitur, prætereaque varia ad pleniorẽ ejus
 cognitionem facientia ex propria Autoris experientia adjiciuntur;
 qui etiam vulgatam istam fabulam refutat, qua creditur Hydriæ pa-
 xari argentum ex Mercurio; quæ occasione obiter vanitatem jactari
181.
197.
413.
 toties

- toties lapidis Philosophici perstringit, utut non diffiteatur, propriis nempe experimentis convictus, alia metalla in aurum tingi posse, verum non aliter, quam ope concentratae cujusdam extractionis auri,
- pag. 435. sed quæ majori cum damno, quam lucro paranda prius sit. *Marmor* insuper Carniolensis terræ viscera magna satis quantitate continent, cujus *tredecim* distincta genera variis coloribus conspicua enarrantur. Sicut autem ex hæcenus dictis videre est, naturæ regnum tam vegetabile, quam minerale sat dives esse, ita non minus regnum animale
443. varia continet non alibi facile obvia. Sic v. g. *aquila* in Carniola non infrequentes reperiri feruntur, tantæ sæpius magnitudinis, ut integras oves, unguibus comprehensas, vivas per aera abspostare valeant;
450. item numerosæ *columbarum* turmæ, in spatiofis montium cavernis hybernacula quærentes, at vere redeunte uno agmine multis myriadibus rursus evolantes ac per totâ regionem semet dispergentes;
230. 684. *lucii* pisces 20 aut 30, imo nonnunquam 40 libras pondere adæquantur; *trutta* coloris purpurei, quæ viginti quinque non raro libras pendunt; *cancer* fluviales tam ingentes, ut eorum quinque una sumti procerum virum longitudinis mensura superent, de quibus præterea refertur, eos alicubi fistulæ sono e latebris prolici atque
715. sic magno numero capi; porro pisciculi tam minuti, ut ipsorum viginti aut triginta facile uno bolo deglutiri queant, quos *Pfrillen* vocitant;
200. *vipera*, crassitie brachii humani, utut vix tres spithamas longæ;
453. *scorpiones* item ingenti numero sub Alpium faxis latitantes, ac inde in exterarum terras venum exportari soliti; (contra quorum ictum, familiare Carnis præservativum simul communicatur, nimirum jubetur quis de herba Persicaria tria folia jejûnus comedere die pentecostes, atque sic in perpetuum ab eorum noxa tutus fore creditur;)
236. denique vermes in senticetis fere reptantes, longitudine dimidii digiti & calami scriptorii crassitie, splendidam nocturno tempore lucem de se spargentes, & quidem non aliqua tantum sui portiuncula, uti cicindelæ solent, sed toto corpore. Peculiarem vero considerationem merentur animalcula Carniolæ fere propria, quæ incolarum lingua *Powh*, Germanice *Pilch* sive *Bilch* vocantur, glire nonnihil majora, coloris cinerei, sciuris non absimilia, totam hiemem intra terram latitantia, (quo tempore certum modo lapidis genus lambere ac cæteroquin absque alio cibo vivere dicuntur,) æstate
458. vero

vero tanto numero, in sylvis maxime fagineis, conspicua, ut aliquando eorum aliquot millia ex uno antro prodeant. Vulgo creduntur a diabolo ad pastum educi, & ad hunc finem scuticæ aut fistulæ sono ab eodem convocari, Sabbathi præsertim vespere aliisque festis diebus: addit fabula, eorum quodlibet ab infernali hoc paltore, ad primam comparitionem, incisura unica in alterutra auricularum velut signari; ac certe mirum est, incisuram talem (& quidem unam, non plures) in singulis conspici, quæ semel in apricum venerunt; juniora vero, utut jam fere adulta, quæ nondum ex arborum foraminibus, in quibus nidulantur, prodierunt, ea semper carere. Modos ea capiendi varios pluribus Autor exponit; non enim esui solum adhibentur, dum ob insignem, qua pollent, pinguedinē sale condiuntur ac in deliciis habentur, (nisi quod nonnulli ob vulgatam istam traditionem iis vesci recusant:) sed & pelles ipsorum, quibus adpersa calce nigræ conciliantur maculæ, magno numero divenduntur & ad fulciendas vestes inserviunt. Hactenus de libro hujus operis tertio.

Quartus, qui sequitur, non dissimilis argumenti est, nisi quod hic ad specialiora descendat naturæ opera: dicatus etenim unice est recensendis & plenius repetendis (pleraque enim jam in anterioribus libris citata fuisse,) naturæ miraculis, seu rebus rarioribus, quas Carniola præ omnibus aut saltem plerisque aliis regionibus præcipuas nacta est; in quibus tamen, ne in immensum excresecat relatio, brevissimierimus, pro pleniori talium cognitione ipsam jucundissimi hujus scripti lectionem curiosis commendantes. Et primo quidem loco commemorare lubet *Glossopetras* seu lapides in perfectam pag. 444. linguæ viperinæ similitudinem a natura efformatos, utpote quos non 467. Malta solum gignit, ut vulgo creditur, sed Carniola quoque in quatuor distinctis locis; diversa quidem magnitudine, dum plerique unius circiter drachmæ sunt, alij vero ad decem prope uncias pertingunt. Sequuntur *cochlea*, *ostrea*, aliæque *res perrefactæ*, quæ variis 475. in locis hujus ditionis reperiuntur; porro mons unacum rivo certis temporibus eructans *anaticulus* nigricantes ac prope implumes, nec 479. ante 14 post eruptionem dies ad volandum aptas, admodum tamen pingues & gustui suaves; alijs mons per cujus medium navigare licet, 486. anfractuoso tamen & obscuro itinere; variæ *specus* diversis naturæ artificijs mirandæ, uti *specus* prope S. Servuli arcem, ubi inter alia mi- 497. randa

- randa fons profilit, qui res immundas non patitur, sed quam primum
 talibus adhibetur, mox evanescit, & non nisi post aliquod temporis
 spatium renascitur; & alia caverna prope *Podperschie* tantæ capaci-
 tatis, ut in ea chiliæ equitum commode in aciem disponi queat; la-
 eu insuper ingenti subterraneo ac diversis siphonibus a natura fabre-
 factis insignis; item *specus Adelspergensis & Luegensis*, quarum utra-
 que Autore iudice Baumannianam, celeberrimam licet, curiosa rari-
 tate longe vincit, prout ex proluxa utriusque descriptione latius vide-
 re est. Speciatim de Adelspergensis refert noster, se iter duorum mil-
 liarium in ea emensum, adminiculo facium accensarum, ast nemi-
 nem adhuc ad ejus terminum pertigisse; ceterum locum ibi pro in-
 tegris pagis extruendis sufficientem suppetere; præcipitia quoque
 tam horrenda in eadem extare, ut lapis inde delabens vix binam post
 recitationem orationis dominicæ sonum edere audiat; præterea
 simulacra amphitheatrorum, alicubi velut columnis ornata, variis-
 que imaginibus serpentum, animalium, larvarum conspicua; pon-
 tem quoque lapideum ibi reperiri, sub quo aqua profundissima præ-
 terlabatur. Ulterius commemorantur quinque *antra* subterranea,
 quæ horridas tempestates subinde gignere feruntur; præsertim si quid
 in ea projiciatur; (id quod de laeu Pilati in Helvetia olim creditum,
 moderna diversorum experientia fabulosum esse comprobavit.) unde
 & mos est quotannis solenni supplicationum ritu eadem expiare;
 quemadmodum & de monte *Kerna* perhibetur, quod circa istum, ad
 excitatum scuticæ sonum, tempore meridiano mox tonitru cum gran-
 dine suboritur. Aliæ porro *cavernæ* indignantur naturæ lusu-
 bus, una v. g. quæ irrepentes ab aurium vitiiis, alia quæ a dorsis
 doloribus liberat; alia quæ per totam ætatem glacie riget; alia fri-
 gidissima quidem, sed quæ vinum in lagenis ad refrigerandum illuc
 reconditum mox vappescere & foetere facit. *Rivi* etiam diversi singula-
 ribus pollentes proprietatibus commemorantur, quorum alius regula-
 ritet non nisi hora 9 antemeridiana & 12 nocturna, nec qualibet vice
 ultra quadrantem horæ fluens, quando cunque tamen prope scaturi-
 ginem conto irritatur, cum impetu erumpit & sic aliquandiu manat,
 cujus aqua scabiosis ut & parturientibus conducere creditur; alius
 lintheaminum ffordidorum impatiens, uti alius pecorum ad aquandum
 appulsorum, fonte utrobique aliquandiu aquas retrahente; alius in
 quo

quo pisces cancrive injecti mox emoriuntur, licet aqua hominum u-
sibus in cibo ac potu inserviat nec insalubris sit; alius qui molæ, quam
impellit, rotas crusta lapidea sensim obducit. Nec stagna defunt
mirabilibus rebus insignia, quale est quod molam in medio sui rarissi-
mo artificio ædificatam habet rapidissimam, & una hora plus grano-
rum comminuentem, quam aliz intra quadrihorium faciunt, exem-
tilem tamen ob undas ex profundo, ob maris viciniam, subinde re-
gurgitantes; aliud, quod parvam insulam natantem sustinet; aliud
cujus pisces musco obfiti deprehenduntur; aliud nigras alenstruttas,
sed insalubres & febrim gignentes. Ex reliquis Carniolæ cimeliis
physicis adhuc notamus *thermas Falkenbergenses*, continua vicissi-
tudine fluxum & refluxum maris imitantes; *juglandem* prope pagum
Logue, quotannis regulariter usque ad vigilias S. Johannis externa
specie aridam, sed ipsa festi istius nocte & folia, & fructus mole illis
nil quicquam cedentes, quos vicinæ arbores ferunt, uno velut imper-
tu protrudentem; *cochleas* nigras, pugni magnitudine, sapore non
inferiores ostreis, quæ in medio petraë durissimæ, cavernosæ tamen,
videntes reperiuntur, postquam ea malleis comminuta est. Superes-
set adhuc indicandus famosissimus ille & inter maxima dubio procul
naturæ miracula reponendus *Lacus Circnienensis* (cujus miræ propri-
etates jam antehac in relatione supradicti operis D. Schönlebi paucis
verbis indigitatæ fuerunt,) quem scilicet Autor, non secus ac plera-
que hætenus recensita, propria experientia plene percognoscere, ra-
torumque ejus effectuum causas ex principiis physicis & mathemati-
cis assignare satagit: sed cum nimiam in præsentiarum prolixitatem
merito vereamur, horum communicationem in aliud tempus differ-
re cogimur, lectorem rogantes, ut accurata Lacus illius delineatio-
ne, qualis hætenus nondum extitit, quamque hic, prout propria Au-
toris manu confecta, & pag. 631 inserta est, apponimus interim, con-
tentus esse velit: quemadmodum & ea, quæ reliquis undecim hujus
Operis libris pertractantur, alia vice, volente Deo, recensēbimus.

609.

588.

611.

612.

614.

579.

565.

TAB. XIII.

JOHANNIS DOLÆI MED. D, POTENTISSI-

mi Haspiæ Principis Consiliarii ac Archiatri, S.

R. I. Curiosorum Collegæ, Encyclopædia Chi-
rurgica Rationalis &c.

Yyy 2

Fran-

Francofurti ad Mœnum. Sumtibus Friderici Knochii, 1689, in 4.

Constat plagulis 214.

Inter Recentiores, qui Praxin non solummodo Medicam, sed & Chirurgicam ad evidentiora Physices & Anatomes principia sedulo reformare fuerunt annisi, apud Batavos cum primis *Bontekoe, Overkamp, Blancardus, Muys, Solingen &c.* hæcenus eminuere. Palmam tamen hisce si non præripit, dubiam saltē facit Autor noster Clarissimus, qui haud contentus interna corporis nostri pathemata morbida sexennio abhinc in *Encyclopædia Medica* A. 1685 p. 131 a nobis recensita dilucidasse, in *Encyclopædia* præsentī Chirurgica, quo fidem tunc datam coacervata inter Praxeos & Aulæ negotia liberet, simulque strenuum utrobique agat Reformatorem, externis morbis eadem methodo extricandis operam addidit, eoque quidem, Præfatione innuente, promptius, quanto avidius Opus primum fuisse arreptum, vel ex novis hujus editionibus brevi temporis intervallo, & in Belgio bis idiomate eodem Latino, & semel in Angliā lingua huic vernacula repetitis, præter spem intellexit. Omnem siquidem Chirurgiam tyronum grātia septem hic comprehendens *libris*, horum *primo* morbos Capitis externos, *secundo* Thoracis morbos, *tertio* morbos externos Abdominis, *quarto* morbos partium genitalium utriusque sexus, *quinto* affectus artuum sive variarum corporis partium tum magnitudinem vitiose augentes, tum cutem deformantes, *sexto* morbos artuum sive variarum corporis partium tam magnitudinem vitiose imminuentes, quā continuitatem dissolventes, *septimo* denique manuum & pedum in specie morbos, capitibus distinctis ita pertractatos sistit, ut ubivis quoad pathematum ætiologiam æque ac medellam, quid Antesignanis illis famosissimis, Galeno, Paracelsō, Helmontio, Willisio, Sylvio & Cartesio alleclis, pariter atque sibi videatur, ultro patefeat. Quod per singula nihilominus Libri cujusvis capita in præsentī deducere cum prolixū nimis ac tædiosum foret, sufficere poterit, nonnulla saltem circa Autoris tum fundamenta, tum Observationes, tum Medicamina denique delibasse. Scilicet propriam Autor sententiam circulantium humorū motui, cum Deastra Veterum Natura paria facienti, superstruit; internas morborum causas non nisi in succis vel canalibus indagans, quorum illi defectu, acredine acida, mo-

Præfat.

da, motu tardiore vel crassitie peccare videantur, nunquam copia, in quantum, aliis nunc omisfis rationibus, in morbos incidentes ad pondus librati leviores, quam sani dum erant, deprehendantur; horum vero sive canalium vitia Obstructio, Apertio, Inflexibilitas, Teneritudo, ac Motus convulsivus vel paralyfis observentur; pedissequarum ad instar, pro reliquis morbis patrandis, Calculo, Pure, Vermibus, Flatibus ac Contagio interno sese habentibus. Quod vero Autoris Observationes, nec non medicamenta potissimum ea, quorum præparationem simul communicat, promiscue concernit, Trepanationi sæpius præter fatus externos, injectiones in cerebrum pag. 69. per nares anteponuntur. Fistulæ lachrymali cauterium Autoris 145. indolens, quod ex cineribus fraxini sacco linteo inclusis constat, præcipitur imponendum. Succum taraxaci lacteum oculis instilatum leniter mordicare quidem, attamen visui clarificando & cuticulæ in ungue absumentæ inservire optime. Vermem ex aure aliqujus nuper egressum longitudine digiti, capite instar serpentis præditum. A cepa manibus comminuta nuchæ in filia 13 annorum applicita hæmorrhagiam narium, omnibus etiam nobilissimis remediis incassum adhibitis, confestim fuisse sedatam. In Aphonia aliisque 447. affectibus cephalicis, Astrum Autoris cephalicum, ex oleo succini & camphora compositum, præ aliis conducere. In resolvendis tumoribus strumosis linimentum Autoris ad scrophulas maximi videri 625. usus. E thorace suppurato infantis cujusdam tertium annum nondum egressi, spicam frumenti materiæ purulentæ admixtam prodidisse. Modus exponitur, quo Chirurgus quidam Francofurtensis Almacherus luxationis vertebrarum introrsum factæ restitutionem, a multis pro impossibili plane habitam, soleat perficere. Neque 705. dexteritas reticetur Chirurgi cujusdam *Melling*, Cassellis gibbo in vinculo idoneo ad tempus suspendentis, ut vertebræ reponantur. In cancro mammarum non exulcerato expertû celebratur colcothar edulcoratum & cum aqua albuminis ovorum in cataplasma redactum. Vulnere Ventriculi non saltem superficialia, sed & profunda 679. Limburgi ac Deciz sanata perhibentur. In viro quodâ Francothalensi tempore pestis A. 1666 Hernia intestinali laborante, quamvis tumor indies majorem ruborem concipiens tandem gangræna correptus medicamentorum ope apertus fuerit, faecesque intolerabili spum for-

- pag. 708. core emanarint, cum successu nihilominus felici remedia adpropria
ta fuisse admota, ita ut æger etiamnum sanus degat, sed cibis copio-
sus ingestis eo loci tenuem transudantem percipiat lympham. Em-
plastrum Hoffmanni magneticum sæpius ullo absque levamine Her-
729. niosis adaptari perhibetur. Balsamus vitæ *le Mort* describitur in fi-
757. stulis sanandis præ aliis longe præstantissimus. In Scirrho viscerū tin-
cturæ Antimonii volatili, nec non tincturæ martis cum sale essentiali
tartari interne, externe emplastro Autoris emollienti multum tri-
971- buitur. Nec minor virtus de Tinctura aperiente ac Tinctura Anti-
1010. monii solari in scirrho effertur uteri. In corpulentia nimia Autoris
essentiam tum lignorum, tum catarrhalem eximium præbere sudori-
ferum. In Bubone pestilentiali eidem quoque scopo Tincturam
1072. ejusdem bezoardicam & pulverē bezoardicum satisfacere. Pro bubo-
1075. ne vero simplici dissolvendo Liquorem Autoris valere dissolventis,
1150. æq; ac emplastrum ejus de Herba Thee paratum, in resolvendis tumo-
ribus rebellibus potentem existere. Puellam 10 annorum leprosam
1208. ac toto copore squamis crustosis coopertam solo Nostri pulvere su-
dorifero Mercurio antimoniali ad grana decem & ultra de die in diē
propinquo, perfectam recuperasse valetudinem, quod remediū tamen
Autor æq; ac Balsamum suum divinū in vulneribus excellentissimum
1297. Mercurium solarem, Sal Mercurii &c. sibi servat arcanū, quale & cos-
meticum ejus advertitur in cutis nigredine multoties expertum, ob
1300. Empyricos vero haud propalandum. Quod vero Anglis Cosmeti-
cum in nævis aliisque cutis maculis & tuberculis in usu sit, fida tradi-
1455. tur manu. Decoctis vulnerariis Essentia Autoris traumatica commo-
1522. de substituitur. In ossium autem fracturis præ aliis Emplastrum ejus-
dem ad rupturam ceu multis experimentis comprobatur extollitur,
1601. Clavis denique pedum extirpandis oleum lini vel profundius iisdem
prius incisis tepide illitum, vel linteo exceptum ac impositum sua-
detur certissimum.

JOHANNIS MUNNICKS, DOCTORIS ET

Professoris Medici, Chirurgia ad Praxin hodiernam

nam adornata.

Inde

Trajecti ad Rhenum, ex officina Francisci Halma, 1689, in 4.

Constat plagulis 65.

CHirurgiam hactenus perlustratam alia nunc excipit Chirurgia, ab Autore e *Dissertatione de Urinis A. 1674 Trajecti ad Rhenum* edita, jam clare conscripta. Quemadmodum vero externi corporis nostri morbi solertiam Chirurghi efflagitantes quinario plerumque includuntur numero, ita eidem noster quoque insisterens methodo, *quinis libris* omne negotium, demtis ubique superfluis, absolvit. Nempe *Lib. 1.* de Tumoribus præter naturam agit in genere æque, ac in specie de Inflammatione, Furunculo, Epinyctide, Erysipelate, Oedemate, Tumore flatuoso (cujus resolvendi gratia solum oleum cucumeris asinini illitum aliquando proficuum advertitur, p. 35.) Testudine, Tumoribus tunicatis & aquosis, Scirrho, Bubone, Carbunculo, Gangræna & Sphacelo, variisque Affectibus cutaneis, quibus Strumas, Cancrum, Polypum, Epulidem, Ranulam, Aneurisma, Varices, Paronychiam, Hernias, ac ani demum & uteri prolapsum subjungit. Uterum namque revera locum quandoque mutare, propria experientia p. 186. dat comprobatum, ceu qua in muliere difficulter pariente, uterus cum incluso fœtu in vaginam ad vulvæ usque orificium prolapsus ipsi innotuit, extra pudendum interno uteri osculo ad duorum digitorum latitudinem prominente, *Lib. autem 2.* vulnera explanat, horum Diagnosin, Prognosin & Curationem tam in genere tradendo, quam in specie Vulneris Carnis, vasorum, nervorum, cum contusione, venenati, sclopetorum, capitis, faciei aliarumque thoracis, abdominis & artuum partium. *Lib. 3.* circa ulcera versatur consolidanda, sive simplicia hæc fuerint, sive variis accidentibus, v. g. vitioso humorum affluxu, malignitate, vermibus, ossis corruptione &c. stipata, sive particularia denique, oculorum, aurium, labiorum, oris, pectoris, abdominis, vesicæ urinariæ, pudendorum, ani atque artuum. Tandem *Lib. 4.* Fracturatum, pariter atque *Lib. 5.* Luxationum medela & in genere, & in specie edocetur: ibi quidem Observationum vice mira fragilitas in muliere septuagesimum septimum agente annum scorbutica p. 429 enarratur, neque brevitatem membri semper pertimescendam esse, etiamsi ossis portio quædam abscissa fuerit, callo defectum hujus compensante, Viti

Viri cujusdam Nobilis tibiz ac fibulæ in medio circiter fracturam insignem perpeffi p. 149 ostenditur exemplo; hic vero, ubi in luxatione cum vulnere os extra cutem protrusum sphacelo fuerit correptum, membri extirpationem omnino necessariam esse, Rustici cujusdam exemplo, post cruris prope genu ablationem demum brevi restituti, p. 484 illustratur.

*REFLEXIONS SUR LES DIFFERENDS DE
la Religion &c. i. c.*

Considerationes controversiarum de religione, & probationes traditionis Ecclesiasticæ in singulis capitibus controversiis, ex Gallice versis Patrum locis. Editio quarta, revisa & aucta.

Lutetiz apud Gabrielem Martinum, 1689, in 12.

Constat plagulis 24.

Pliffonii nomen, ab opera in Reformatorum Gallorum conversione, quam vocant, præstita, notius est, quam ut cuiquam in legendis quædantur libris Gallicis versato, ignotum esse possit. Huic tractatus hoste, jam quarta vice intra paucos annos editos, attribuendos esse, fama fert, & haud obscure *Tomo II pag. 511* innuitur. In præloquo indicatur, hos libellos non nisi majoris operis vel primitias, vel compendia esse. In primo (qui de examine controversiarum inscribitur) idem agit, quod perpetuo agunt Romanæ Hierarchiæ assertores, ut evincant, necessarium esse tribunal aliquod externum & infallibile, quod religionis controversias definiat. Examen enim, quod quisque, ex Scriptura Sacra, accedente Spiritus Sancti gratia, privatim instituit, quibusdam impossibile, aliis difficile, omnibus inutile esse, ab Autore hoc statuitur. Invitat itaq; ad demonstrationem, quam molitur, Reformatos; quos fratres vocat, & bona fide quosdam errare non negat, sed & periculum ostendit, si informationem rejiciant. Ad examen illud, ut ita dicam, individuale neminem ait obligatum esse. Deum enim, qui omnes vult salvos fieri, medium certitudinis universale proposuisse, examen & judicium Ecclesiæ, semper visibilis & in monte positæ: at judicium

Seçt. I.

II.

priva-

privatum difficillimum esse putat, neque sine perfecta & exacta Theologia cognitione fieri posse. Negat capita fidei necessaria tam Sect. III. clare proposita esse in Scripturis, ut singuli de iis convinci possint. Allegat, quod omnes hujusmodi scriptores solent, Lutheri & Calvini certamina de verbis institutionis S. Cœnæ. Alia inde, quæ obijciuntur, & quæ secretiora appellat, in disquisitionem vocat. Negat IV. sufficere capita fidei, quæ Protestantes ut bona & necessaria retinuerunt, rejectis quæ Romana Ecclesia ex traditione, quam vocant, servat. Schismatis etiam culpam iisdem imputat, licet quædam in Romana Ecclesia (quod tamen negat) erronea sint; ait enim capitalia non esse vel ex Protestantium principiis, nec eorum causa ab unitate Ecclesiæ discedere licuisse. Addit, quibus demonstret, falsam esse ideam de erroribus Ecclesiæ Romanæ, & sanctā V. VI. puramque hanc esse, in qua sola salus quæri debeat, & qua exclusi damnationem effugere non possint. Redit postea ad impossibilitatem examinis privati ostendendam, & consilium subjungit, Reformatos exhortans, ut servato quidem modestæ indagationis studio, hoc VII. VIII. tamen eo potissimum impendant, ut ex methodo Apostolicæ doctrinæ, in successoribus eorum conservatæ, autoritatem Ecclesiasticam agnoscant, accedente a veteribus novisque miraculis confirmatione. Suadet etiam, ut si supersint difficultates in judicio de quæstionibus controversis, majorem numerum sequantur, qui doctis non minus, XI. XII. quam indoctis securitatem præstet. XIII.

Alter tractatus, sive potius initium aut compendium quoddam majoris, quem Autor promittit, de *Eucharistia* agit. In hoc asseritur Sect. I. præsentia realis Christi in Sacramento, per *verisimilitudinem* (sed quæ pag. 74. ex fidei fundamento concipiatur) per *Scripturam*, & per *sententias Patrum*. Inserta est relatio quædam Latina cum versione Gallica, ipsius fortasse Pelissonii, in qua successus conversionis in diocesi quadam Gallica enarratur. Eum Autor magna ex parte tribuit libris, 81. quos doctissimi ex Reformatis, *Dallens*, *Albertinus*, *Blondellus* & similes ediderunt, in quibus testimonia adduxerunt de veteris Ecclesiæ in articulo de S. Cœna sententia. Hos scriptores *pestimos optimos* vocat; interque eos *Jacobum Cappellum* taxat, qui etiam Mahometanos a salute excludere vix sit ausus. *Calvini* quoque singularem & intricatam opinionem, qui communionem corporis & sanguinis Domini

in actu manducationis, exclusa tamen praesentia reali, quæ siverit. Momentum deniq; afferri dicit a Cleri emendatione: ab illo enim originem mali olim profectam esse, non negat, sed hodie pro indocto, doctum; pro socordi, vigilantem; pro dissoluto, compositum esse affirmat. Sequitur compilatio probationum sive documentorum, ad utrumque tractatum pertinentium. Adscribuntur loca *Lutheri, Zwinglii, Calvinii, Centuriatorum Magdelburgensium*, & aliquorum ex Reformatis, ex quibus vel testimonia sumi possint, vetustissimas esse sententias & ceremonias, quas pro erroneis Romanæ Ecclesiæ exprobrant Protestantes, vel horum inter se dissensiones ostenduntur, aut alia liberius dicta censuræ exponuntur. Quædam hic leguntur de controversia Sacramentaria, ex *Cassandro & Hospiniano*, & de vano illam conciliandi conatu, quodque inter se minime convenient, qui articuli ad fundamentum fidei pertineant. Subjunguntur versiones catechesium, quas vocat, sive homiliarum de S. Cœna, *Cyrilli Hierosolymitani, Ambrosii, Gregorii Nysseni & Gaudenti Brixiani*, ex quibus constare putat Autor, eandem illis sæculis fidem in Ecclesia de Sacramento viguisse, quam nunc Romana profitetur. Ad objectiones vero, quas ex aliis Patrum locis Protestantes facere solent, Autor p. 77 responderat, aliter locutos esse cum infidelibus, aliter cum initiatis; & hæc est *disciplina illa arcani*, ad quam alii docti illarum partium viri hodie confugiunt, cum ex ipsis Patrum scriptis, aut ex sacrarum literarum silentio arguuntur.

Tomo II Autor objectionibus, quæ tractatibus illis duobus, ab Anglis & Batavis quibusdam, quos charos & æstimatos sibi esse dicit, factæ fuerunt, magna cum diligentia respondet. Proponit eas in exordio summam. Deinde distinctionem inter *examen & discretionem* rejicit, dum nempe adversarii statuunt, hanc sufficere, & in articulis ad salutem necessariis facilem esse, ita ut onerosum examen non requiratur: putat enim, eadem difficultate utrumq; laborare, neque planum & certum esse, qui sint articuli ad salutem necessarii. Gratiâ quam illi ad inveniendam veritatem requirunt, non negat, sed distinguit inter allegatam & probatam. Illam enim a singulis frustra jactari: hanc non nisi in cœtu Ecclesiæ Catholice, pro qua Protestantes ipsi venditare se non ausint, reperiri, & huic soli promissam esse. Confirmat ista ex vulgato asserto, quod nemo, dum

dum vivit, de gratia certus sit, unde nec immunis ab errore in fide esse Sect. IV.
possit. Ecclesiam solā (non exprimit tamen, conciliumne, an Pontifi- V. VI.
cem aut alium Cleri confessum intelligat) certam dogma esse ait, adeoque
infallibilem. Qui igitur ab Ecclesia sese separant, gratia destitui,
licet sana habeant dogmata. Probationem exigit, quod privato pro- VII.
missa sit veritatis cognitio, si Scripturam legat, attente licet & cum
submissione. Supponi enim in dictis Scripturæ quæ allegantur, ut
legat intelligatq; debito modo, i. e. secundum sensum & interpreta-
tionem Ecclesiæ. Promissiones generales, v. g. *qui credit & bapti- VIII.
zatur, salvabitur*, non impleri in omnibus & singulis, sed in corpore
Ecclesiæ, in quo, non vero extra illud, salventur, qui eo modo cre-
dunt, quo debent, nempe sub directione & judicio Ecclesiæ. Stabili- IX.
re vult hæc ex missione Apostolorum *Matth. ult.* quæ extendatur
ad illorum successores Episcopos, & ab his ordinatos in perpetuum,
& huic annexam esse infallibilitatem, una cum potestate ligandi &
solvendi: utrumque Ecclesiæ tribui existimat *Matth. XVIII, 15.* &
seqq. Urget igitur notissima illa, *dic Ecclesiæ; & tu es Petrus*; item
quod Ecclesia sit *columna veritatis*, & *quod hereticus sit deusitandus*,
imo excommunicandus, quod ex praxi & doctrina Protestantium
confirmat. Commentatur etiam quædam argute ad vocabulum *pre-
valere*, *Matth. XVI, 18.* Aggreditur inde, sed paucis, D. Jurii *Syste- X.
ma de Ecclesia*, & ejus invento Romanum dogma juvari dicit; dein-
de demonstratum esse arbitratur, majorem suffragiorum numerum
jure naturali, gentium & divino sequendum esse. Rejicit quæ ex XI.
dicto Christi de parvo grege opponi solent, item de schismate Israe-
litico, & septem millibus de quibus Eliæ dictum est. Prolixior est XII.
in explicando Hieronymi loco, qui asserere videtur, *mundum factum XIII.
fuisse Arrianum*, & ex historia concilii Ariminensis alium sensum eli-
cit. De sensu gratiæ & veritatis monet, eum quem singuli habere XIV.
se putant, cedere debere illi, qui cætui sive Ecclesiæ confertur; ordi-
narie itaq; præferendam esse sententiam plurium. Extraordinarium XV.
fuisse statuit, quod de Berzensium inquisitione Act. XVII, u tradun-
tur. Reliquas objectiones de Ecclesia Græca & Abyssinorum bre- XVI.
viter elidit; inter alia dicens, has cum Romana comparatas vix sese ha-
bere ut stellas ad Solem. Inde iterum & acrius contra Jurii Systema XVII.
insurgit, non sine aculeo in ea, quæ de regno millenario & im-
plemen-

XVIII.

plemento vaticiniorum Apocalypticorum publicavit. Denique etiam *Baylio* ad ea, quæ is in Novellis Reipublicæ litterariæ mense Julio 1686 de priori tractatum horum editione annotaverat, quædam reponit, cum digressionem in laudes Regis, cujus virtutes incomparabiles enumerat, easque etiam ab hostibus & æmulis agnosci dicit: paternum quoque ejus animum in omnes subditos, ipsosque Reformatos prædicat, quem etiam in rigore illo, ut loquitur, salutari (i. e. violenta ad Romanam sacra compulsionem) ostenderit. Invehitur in libertatem religionis malo exemplo affectatam & Regibus vi extortam; stylum tamen ubique ita temperat, ut ex charitate scribere videatur, & sæpe preces ad Deum pro conversione dissentientium interferat. Accessit etiam huic tractatui farrago probationum ex Patribus, aliisque vetustis tum etiam novis scriptoribus, Reformatis maxime & *Jurjo*, itemque quem hic pro Propheta habeat, *Drabitio*, cujus prædicationem de regia Hungariæ *Buda*, quod armis superari non possit, falsi convictam ab eventu ostendit. Non deerunt, ut putamus, Reformatis, contra quos istæ diriguntur, quæ respondeant. Haberent etiam Lutherani quæ regerent, nisi jamdudum controversiæ tales disputationibus exhaustæ essent. Redeunt enim omnia ad arcem illam Romanæ religionis, de qua in mentem nobis veniunt Cardinalis *Pallavicini* verba Lib. III. Hist. Conc. Trid. cap. IV. §. 6, ubi scribit: *Nostre fides* (i. e. Romana) *unico articulo individuo universa innititur, qui est autoritas Ecclesiæ falli nescia: quapropter statim atque quamcumque partem desereremus, universa corrueret; cum in comperto sit, individuum vel integrum prestare, vel integrum deficere.* Hac stante, nulla spes est ullum articulum non æque magnum & fundamentalem apud illos haberi, & omni vi defendi & inculcari, qui qualicumque antiquitatis specie, vel si hæc probari non possit, decreto Pontificum (ad eos enim omne jus Ecclesiæ reducitur) suffulcitur, quam quem clarissima sacrarum literarum dicta docent, & Christianarum mentium assensui, Spiritus Sancti operatione verbum comitante, insinuant.

CATECHISME HISTORIQUE, CONTENANT
en abrégé l'Histoire sainte, & la doctrine Chrétienne, par Mr. Claude Fleury &c.

id est,

Claudii

MENSIS NOVEMB. A. M DC LXXXIX. 569
 Claudii Fleurii, Presbyteri & Abbatis in Loc- Dieu,
 quondam Præceptoris Principum de Conty, Catechismus
 Historicus, sive Compendium Historiæ Sacræ & Do-
 ctrinæ Christianæ. Editio quarta, correctâ
 & aucta.

Parisiis apud viduam Gervasii Clouzier, 1688, in 12.

Constat pagulis 18.

Repetita quater libelli hujus editio, quarum postrema tantum ad nos pervenit, argumentum non leve præbet inventæ in Gallia approbationis. Commendat eundem insigne testimonium *Jacobi Benigni Bossueti* Episcopi Meldensis, & *Piroti* D. Sorbonici. Scopus Autoris, ex scriptis aliis, quæ Actis nostris inseruimus, non ignoti, ex dissertatione libello præmissa luculenter cognoscitur, & hæc ipsa non unam ob causam prolixius enarrari digna nobis visa est. Satis ingenue queri videtur Autor de ignorantia religionis inter suos, non in plebe tantum, sed & in cultioribus & literatis, imo in sacri ordinis hominibus. Ex hac primariam corruptelæ in moribus causam deducit, cum boni ignoti nulla sit seu cupiditas, seu praxis; nec Theologi, in Scholasticis licet quæstionibus versati, aut in decisione casuum, quos vocant, exercitati, Scripturæ & Oeconomix divinæ, & instruendi suos aut refutandi adversarios, eandem habeant capacitatem. Spernitur, ait, religio vel maxime ab iis, qui scientiis & artibus secularibus, hujusque vitæ commodis magna quidem cum industria attenti, religionem, posthabita cura & indagatione, negligunt & contemnunt: nec rectius agunt, qui prima elementa utcunque didicerunt, uberiori cognitione tamen carere se posse, imo debere putant, prætexentes, simplicem veritatem sufficere. Religio vero minime refugit studia inquiringum, nihilq; habet, quod lucem non ferat. Scriptura ipsa, licet rationem nostram ad obedientiam fidei subigat, lectionem tamen & meditationem serio exigit. Falsa religio in hoc maxime a vera differt, quod illa in cultu exteriori & variis ceremoniis consistat, hæc doctrinam & studium requirat, & licet in præxi versetur, hanc tamen ex theoria informet & regat. *Discipuli* itaque nomen antiquius fuit, quam *Christianorum*, Act. XI 26, & præceptum Domini ad Apostolos id maxime exigit, ut doceant

pag. 2.

5.

6.

- omnes gentes. Magnam porro culpæ partē grassantis inter Christianos ignorantiz, Pastoribus Autor tribuit: defectus etiam librorū catecheticorum taxat, quod repleti sint quæstionibus curiosis, plures etiam Latine ac difficili stylo scripti & plebi inutiles; idem dicit de commentariis Biblicis, & quod hi justo sint prolixiores. In *vitâ sanctorum*, quarum lectio simplicioribus in Ecclesia Romana commendatur, desiderat, quod particularia solum morum exempla exhibeant; in libris *spiritualibus & mysticis*, quod perfectionem præscribant, fundamenta vero religionis præsupponant. In concionibus dicit specialia tractari, occasione festi aut textus; raro explicari prima principia fidei, adeo ut multi tota ætate concionum auditu usi, parum tamen vel ex primis Christianismi elementis didicerint. Hæc, pergit, in catechismis quidem traduntur, sed pueris; adultos enim illius instructionis pudet tæderque. Fastidiunt eandem ex Sacerdotibus illi, qui sua potius quam quæ Christi sunt, quarunt. Qui ingenio maxime valent, de pulpitis id ostentant; qui minus, confessionibus audiendis sese applicant. Sterilis est ut plurimum & parum acceptus catechismorum stylus. Labor docentibus, is potissimum qui charitate tedium non superant, ob auditorum ruditatem molestus. Fatetur tamen Autor, ante duo secula longe maiorem ignorantiam religionis regnasse, antequam nempe *Ignatius Loiola* catechizandi pueros methodum primus in ecclesiam Romanam reduxisset; mansisse tamen sterilitatem & scabritiem libellorum catecheticorum, ut & pueri ægerime illos discant, adulti vero spernant & derideant. Causam siccæ & inamæni styli ab indole autorum accersit, qui Scholasticæ Theologiæ studiis innutriti, eorundemq; stylum secuti, exactū methodi ordinem & definitionum atque divisionum acumina, etiam pueris inculcare velint, nullo successu; quia discipulos habent instrumentalium disciplinarum & terminorum imperitos. Statuit igitur, simplicem facti narrationem, cui doctrina postea superstruatur, & utilissimam, & Ecclesiæ melioribus temporibus, antè septem nimirum aut octo secula, conformem esse. Ita, scribit, bis mille a mundo condito annis de religione instituti sunt homines a patribus avisque, gesta Dei narrantibus. Moyses traditionem majorum in scripta redegit, nihilominus tamen populo injunxit, ut quæ viderint, liberis narrent, & legem frequentes legant & meditentur. Continuata fuit eadem

eadem scribendi diligentia ad Maccabæorum usque tempora, neque Scriptura obfuit traditioni, sed eam conservavit. Nec alia ratio in pag. 16. Novo Testamento observata fuit: nam & Apostoli enarratione factorum, ut in Actis legimus, populum instruxerunt, representando præstitisse Deum in Novo, quod in Veteri promiserat. Eandem methodum, in Patrum quoque scriptis deprehendi dicit, citatque libellum Augustini *de Catechizandis Rudibus*. Observat tamen, catechizari illo tempore ista methodo adukos solum consuevisse. 17. Infantibus autem, qui in Baptismo fidei donum acceperant, quam 18. 19. primum ætas ferebat, symbolum fidei propositum fuisse, memoriz mandandum; neque tamen dubitat, adjectam fuisse explicationem historicam. Durasse illum morem tradit ad nonum usque seculum, cum essent adhuc adulti ex barbaris gentibus, qui Quadragesimæ tempore catechizarentur, & in Paschate Baptismum acciperent. Cum vero postea non nisi infantes baptizarentur, & Clerus in ignorantiam magis magisque laboretur, catechesin prorsus fere intercidisse. 20. Providere illi malo concilia quædam voluisse, præcipiendo, ut populo proponeretur Symbolum & Oratio Dominica, in quibus totus tunc constiterit catechismus; putat tamen, explicationem subintellectam fuisse, & inde concludit, quod demonstrandum fumerat, ex narrationibus facti longe melius catechesin apud simpliciores procedere, quam argumentatione & ratiocinatione. Hanc methodum a Deo ipso probatam esse, qui facti narrationes miraculis confirmaverit. 21. 22. Accedere ait methodi suavitatem; delectari enim juventutem historiz narratione, eamque ob causam catechetas quosdam finire solere lectionem narratiuncula quadam; sed reprehendit in iis Autor, quod ex libris fide non satis dignis, *Legendis* nimirum, eas desumant. Laudat postea inventionem figurarum, quibus historiz sacræ repræsentari solent; queritur tamen, quod majori pretio libri illi constent, quam ut in manus tenuiorum ex plebe pervenire possint; ipse tamen suo huic libello figuras addidit. Respondet iis, quibus prolixiores historiz sacræ videntur, quam ut iis onerari juvenus debeat; cum tamen tot superflua in brevissimis etiam catechismis Romanis tractentur, v. g. de *virtutibus infusis, theologalibus, cardinalibus*, de *latria, dulia & hyperdulia*. Longe igitur & facilius & utilius esse, imo & necessarium, ut historiz sacræ juventuti proponantur, sine quibus neque cultum publicum, neque dogmata percipere

- pag. 27. cipere possint; ex historiis enim ista optime explicari, eamque ipsam
28. methodum in ordine librorum Scripturæ deprehendi, in qua præce-
dunt libri historici, sequuntur morales & prophetici. Fatetur, si
hoc tempore, quemadmodum in primitiva Ecclesia, homines Chri-
29. stiani Scripturam ipsam legerent, opus non fore compendiarie illa
enarratione; sed jam plerosque a lectione abstinere, aut ex traductio-
num imperfectione, & sine aliquo interprete, parum proficere. His se
30. consulere voluisse libello hoc, de quo tamen non exigit, ut simpliciter
legatur, multo minus ut memorizæ mandetur, sed ut ipsis catechetis u-
sui sit, iisq; ansam præbeat, pro diversitate discipulorum alia alicæ
proponendi & dilatandi. Hoc sine duos catechismos exhibet; u-
31. num *minorem & breviorē*, teneræ ætati & rudioribus proponen-
dum; alterum *majorem*, provectioribus utilem. Ab his præteriri
minorem, at qui hunc perceperint, ad majorem progredi cum fructu
posse. Non negat, inserta quædam esse ad fidem non simpliciter
necessaria; confidit tamen, utilia esse futura. Repetitionem quorundam
in *majori*, quæ in *minori* dicta erant, exemplo Scripturæ, & utilitate,
32. quæ ex repetitione nascitur, excusat. Monet catechetam, ut Scripturæ
peritus sit, omniaq; ex illa explicet, nec nisi certissime vera proponat,
vitæ incertis & curiosis, v. g. *de actis Christi in pueritia, & de presen-
tia Apostolorum in ascensione B. Virginis, milleque aliis ejusmodi.*
33. Vetat quæstiones problematicas cum decisionibus fidei misceri, v. g.
34. *de qualitate penarum in purgatorio.* Commendat formulas præ-
cum in *breviario & ritualibus*, præ noviter inventis, & in illis omnes,
35. quos hodie vocant, *actus fidei, contritionis, adorationis & obla-*
36. *tionis*, reperiri ostendit. Cor moveri & erigi debere monet;
37. hoc facto, verba facile secutura, aut si non sequantur, cogitatio-
nes & suspiria ad Deum nihilominus pervenire. Improbatur supersti-
tiosam certarum formularum statis temporibus observationem. Sty-
38. lum popularem iterum commendat catechetæ: licet enim, ait, fides
objecta habeat obscura & a sensibus remota, cognitio tamen est, quam
etiam simplices habere possunt & debent, eamque certam. Ad eam
nihil faciunt termini scholastici, *actus, potentia, qualitas, dispositio,*
39. *habitus &c.* nihil *abstractionum & secundæ intentionis* vocabulæ, &
satius esset, symbolum fidei Latine, quam obscura ista populo pro-
ponere, quibus usa non est Ecclesia, antequam hæreticorum subtili-
tates

rates emergerent; imo ne tunc quidem, quia sat longo tempore, &
 per quatuor aut quinque priora secula, aliæ quam Scripturæ phrasæ
 usurpatæ non fuerunt. Imitandi, ait, sunt Christus & Apostoli, qui
 vulgari more locuti sunt, i. e. simpliciter, clare & solide, neque tam
 viliter aut abjecte; & quo antiquiores sunt Patres, eo plus ha-
 bent ex ingenua illa & nobili simplicitate. Post Scripturæ phrasæ tene-
 ri etiam jubet stylū Ecclesiæ in symbolis & confessionibus fidei, itemq;
liturgiis & breviariis, satisque esse putat, si quis puer & ex populo ex
 illis libris & ex catechismi historici *parte I*, absque formulis & termi-
 nis intelligat primaria fidei capita, v. g. Christum esse Deum & ho-
 minem, & ad quem usum instituta sint Sacramenta, licet ignoret vo-
 ces *materia, forma, substantia, accidentis*. Si qui vero tam ru-
 des sint, ut capere nequeant simplicia ista, eos putat Deo commen-
 dandos, & pro iis orandum esse; neque enim ex verbis memoriæ man-
 datis, si intellectus absit, majoris profectus aut salutis spem esse. Post
 verba, etiam periodorum rationem haberi vult a Doctore cateche-
 tico, ut eas familiariter, non vero rhetorice aut stylo elaborato con-
 cipiat, sed captui discipulorum sese accommodet, ita tamen ne cum
 iis balbutiat aut nugetur. Eo fine catechismum minorem ita adorna-
 vit, ut primo brevem & perspicuam enarrationem præmiserit, dein-
 de quæstiones & responsiones ex illa formaverit; absurdum enim esse
 putat, ex discipulis quærere, quæ nondum illis enarrata sint. Quæ-
 stiones ita concepit, ut paucis verbis ad eas respondere possint pueri,
 quia breviloqui, nec copia verborum instructi sunt; deinde ut ex ipsa
 interrogatione constringantur, ut aliter quam desideratur, respon-
 dere non possint. Exigendum tamen non esse, ut iisdem præscriptis
 verbis respondeant; imo melius fore, si æquivalentibus utantur.
 Sed hoc interrogandi & respondendi exercitium in *catechismo maiori*
 omisit, retentis saltem narrationibus, quæ adultioribus intellectu
 non sunt difficiles. His vult indicari loca Scripturæ, ex quibus nar-
 ratio composita est, itemque Patrum dicta & libros rituales. Post
 hæc fatetur & pluribus deducit, optimos catechetas fore patres &
 matres familias, si illis prius cognita essent capita doctrinæ. Mon-
 strat incommoda catechizationis publicæ, brevitatem temporis,
 puerorum congregatorum difficilem disciplinam & numerum ma-
 jorem, quam ut singulis satisfieri possit: faciliora omnia esse paren-
 tibus

tibus, qui liberos numero paucos semper in potestate, ingeniumque & mores eorum cognitos habeant. Ignavia eorum imputat, quod Pastoribus solis hoc onus imponant, ut ipsi scilicet in otio aut rerum suarum cura, absque illa informationis molestia vivant. In modo proponendi plurimum positum esse ostendit: nihil agi, nisi omnia ad amorem Dei referantur. Non vero nudis verbis dici debere, v. g. *amandum esse Deum*, sed rationes deducendas, cur & propter quæ beneficia amandus sit; hoc omisso, nil nisi sterilia & frigida verba pueris inculcari. Non minus necessarium & utile esse ait, ut catecheta contentione vocis & convenienti gestu ostendat, se ex animo loqui, & quæ docet, in pectore habere: si enim ipse de miraculis Dei ita loquatur, ut admiratione & reverentia plenus esse deprehendatur; si levatis in cælum oculis & manibus, & calidis suspiriis, expectare regnum Christi cum appareat; si beatam æternitatem anhelat; si passiones Domini tenero cum affectu describat; si ista tractando in lacrymas solvatur; iisdem affectibus discipulos imbuet. Faciet autem ea, si ipse intus convictus est de veritate eorum, quæ docet, & si est homo præcuius. Ideoque Autor præloquium hoc piis concludit præcibus; neque nos ingratum futurum esse lectoribus veremur, quod hæc paulo fusius recensuimus. Multa enim, quæ de catechismi utilitate, & sacrarum literarum lectione & studio laicis incumbente, & de veteris Ecclesiæ institutis Autor tradit, nostræ Ecclesiæ magis conveniunt quam Romanæ. Certe non huic aut *Lojola*, sed *Luthero* debetur prima post tot secula (quorum barbariem ipse deplorat *Fleurius*) catechesis restitutio, & sacrarum literarum ad populum translata lectio; & quicquid salubriter in hoc tractatu monetur, a nostratibus & olim uberius observatum est, & subinde renovatur. Excitari tamen & confirmari hoc exemplo in nostris etiam cœtibus tam docentes quam discentes possunt.

Jam de libello paucis agemus. *Pars I.* exhibet catechismum historicum minorem capitibus XXIX, nempe de creatione, de lapsu *Adami*, de diluvio & Patriarchis, de servitute *Aegyptiaca* & agno Paschali, de peregrinatione *Israelitarum* in deserto, de lege *Mosis*, de fœdere Dei cum *Israelitis*, de horum idololatria, de *Davide* & promissione *Messie*, de schismate *Samaritano*, de Prophetis, de captivitate *Babylonica*, de statu *Judaorum* post illam, de *Judeis* prout erant spirituales aut carnales

les, de nativitate Christi, de Johanne Baptista, de vocatione Apostolorum, de concionibus Christi, de hostibus ejus, de passione, morte & resurrectione illius, de effusione Spiritus Sancti, de vocatione Gentilium, de fundatione Ecclesie, de traditione & Scriptura, de excidio Hierosolymitano, de persecutionibus Christianorum, de libertate Ecclesie, de monachis. Singulis capitibus hujus figura præfigitur, contenta narrationis præcipua exhibens: sequuntur interrogationes & responsiones, quales diximus. Pauca in his reperiuntur, quæ non exacte cum Scriptura sacra conveniant; abstinere tamen pro religionis, quam profitetur, instituto Autor ab iis non potuit, quæ sola traditione, quam Scripturæ æquiparat, nituntur. His demtis, utilem omnibus Christianis libellum hunc esse, negari non potest. Pars altera *minoris catechismi, dogmata* proponit, item XXIX capitibus, quorum singula narrationem, dein quæstiones & responsa habent. Rubricæ sunt *de fide & spe, charitate, de S. S. Trinitate, de incarnatione Verbi & redemptione generis humani, de descensu Christi ad inferos, de resurrectione & ascensione Domini, de extremo judicio, de Spiritu Sancto, de Ecclesia, de communione sanctorum, de remissione peccatorum, de resurrectione hominum & vita æterna, de oratione Dominica, de Decalogo, de præceptis Ecclesie i. e. de Missa, confessione in festo Paschali necessaria, de jeuniis &c. de septem Sacramentis.* Quædam materiæ ampliores in duo & plura capita distribuuntur. Sequitur *Tomo II Catechismus major* in duas iterum partes divisus. *Prima* continet capita historica, eodem, quo in minori, ordine, sed uberius & distinctius propoſita. Sunt enim XLIX. In altera, dogmata capitibus LII explicantur. In his plura deprehenduntur *ex Romanæ Ecclesiæ & Tridentini Concilii placitis, & docetur potestas Pontificis, Sacrificium Missæ, invocatio sanctorum, aliaque ex quibus schisma ortum & huc usque continuatum est.*

PETRI PETITI NEPENTHES HOMERI, SIVE
de Helena medicamento, luctum animique omnem
agritudinem abolente, & aliis quibusdam eadem facultate
præditis Dissertatio.

Trajecti ad Rhenum, apud Rud. a Zyll, 1689, in 8.

Consistat plagulis 12.

Aaaa 2

Inter

Inter herbas ab antiquis scriptoribus memoratas, quarum ratio non satis expedita est, primum merito illa locum obtinet, quam sua quoque ætate usurpasse Diospolitanae Ægypti mulieres scribit Diodorus Siculus *Lib. I. p. 87. 88. edit. Rhodori*, ab Homero in quarto *Odyssæ* descripta, ubi herbas Ægyptias a regis Thoonis uxore Polydamna plurimas Helenæ narrat traditas, ac inter eas nobile illud *Nepenthes*, quod ipsa Telemacho apud Menelaum exhibuit, ad inducendam exantlatorum oblivionem; omnibus utique mortalibus, quando tristitiæ oblivionem veniamque affert, propinandum, ut loquitur Plinius *Nat. Hist. lib. XXV. cap. 2.* Prolixum de hac herba commentarium edidit Petrus la Sena, quem insignivit, *Homeri Nepenthes, seu de abolendo lusu liber*: in quo tamen multum inanis & superflui operæ ab auctore positum, censet Petitus. Qui ut indagandi ac perscrutandi omnem præscam, cum primis naturalem historiam studio, quoad vixit (vivere autem desuit Idibus Decembris anni 1687) fuit affixus, ita hanc quoque ejus partem haud perfunctorie attingendam sibi putavit, ac proinde de hoc Helenæ medicamento Dissertationem conscripsit, quam sibi inscriptam doctissimus vir Joh. Georgius Grævius Ultrajecti fecit excudi. Cum *Nepenthes* significatione herbas, quæ communiter alio nomine veniunt, ab Homero indicatas fuisse quidam existiment, opiniones eorum prius discussit, ac nequaquam Helenium, quod Latine corrupto vocabulo *Enula* vocatur, ab Homero intellectum fuisse, *capit. 6 & 7* docet; nec vinum, quod & ipsum mordaces diluere sollicitudines Horatio dicitur, eo significari *cap. 12 & 13* ostendit; radicem vero æenopiam sive ænotheram ipsummet *Nepenthes* fuisse, si quis e Galeno & Theophrasto asserere velit, cum a vero nil alienum statuere, cum omnia quæ Poeta medicamento Helenæ tribuit, huic radici convenient, vis nempe animi ægritudinem leniendi, iras placandi, malorum omnium oblivionem inducendi, modus etiam utendi, in eo consistens ut vino injiciatur, sit idem, *cap. 8. 9. 10. 11.* probat. Eorum sententiam, qui allegorice hanc herbam accipiendam, & jucundam ac temporis aptam confabulationem intelligendam putant, quod censent Plutarchus, Athenæus, Macrobius, Philostratus, & ipse Eustathius fluctuans, *cap. 14. 15. 16.* confutat. Affines herbas latificantes, quales sunt buglossus, crocus, gelotophyllis, lissitieteris, aquila, *cap. 17. & 18.* enumerat, de arbore

bore etiam quæ hilaritatem provocet, sed quam fabulosam putat, & libro qui Aristoteli falso tribuitur, quædam pag. 58. 59. narrat, nec non de opio, sive liquore e capitibus papaverum incisis manante, de Turcarum Asseræ vel Matslach, quo in prælium ruentes utuntur, de Areca seu Fausel, Cohobba, Cahoino, Dutroa, Assi, Bosæ, Bernavi, Bers, Sicera, Caffæ, & Thee, ex Itinerariis quædam recitat; de vino etiam myrrhato, Salvatori in cruce pendenti quod porrectum Marcus cap. 15 memorat, p. 71. 72. 73. differit.

Hæc postquam historice in priorè Dissertationis parte ita exposuisset, in altera, quomodo herbæ, quæ Nepenthes Homero dicta est, vis in animum pertingat, eumque exhilarare valeat, ostensurus, lætitiæ naturam investigat, & sanguinis temperiem ac spirituum indolem, quæ anima ad hilaritatem proclivis reddatur, prioribus quinque capitibus describit; opium & alia narcotica qua ratione lætitiæ excitent, curas deprimant, animum erigant, (quod ipse laudani, seu opii præparati usu se expertum scribit) cap. 6. exponit; de somniis autem jucundis cap. 8. 9. disquirat, causam demonstrans, quamobrem e variis atque omnimodis rerum phantasmatis, quædam e memoriæ sinu excitentur potissimum, quæ dormientium animum percellant, reliquis immotis manentibus. Cum vero optimum & prope unicum tristiæ remedium vulgo existimetur, si quis se vino obruat; quid de inebriatione statuendum sit, & quæ somno cum ebrietate intercedat affinitas, cum utroque rationis officiū tollatur, exponit, aliaque de largiore usu vini, cap. 12. 13. 14. 15. 16. 17. tradit. Et quandoquidē anceps remedium contra animi anxietates inde peti, cap. 18. statuit; alia affert, quæ ab omni periculo remota sunt & plane innoxia, inter quæ omnium tutissimum & saluberrimum Theæ decoctum habendum esse, cap. ult. demonstrat, quod non solum lugentibus lacrymas detergat, sed etiam Musarum otia sectantibus, atque in veritatis contemplatione occupatis, animi nubila serenet, non Asiæ magis incolis, quam Europæis salutarem usum præbens. Hæc eximia & singularis exhilarandi facultas in hac herba latens, ut de ortu, natura & laudibus ejus Carmen doctissimum conderet (cujus p. 75. mentionem facit) Auctorem excitavit, cujus in poetica facultate excellentiam, inque concinnandis libris promptitudinem celebrat Claud. Nicæsi in epistola

ad J. G. Grævium Dissertationi huic præmissa, quæ vitam Petiti narrat, cum primis autem scriptos ab eo commentarios plurimos, quibus philosophiam Peripateticam potissimum exercuit, & adversus Cartesianos defendit, sive editos sive nondum vulgatos, recenset.

PETRI PETITI, PHILOSOPHI ET DOCTORIS
Medici, de natura & moribus Antropophagorum Dissertatio.

Trajecti ad Rhenum ex officina Rud. a Zyll, 1688, in 8.

Constat plagulis 10.

Etsi nihil magis alienum ab humana natura ejusque ratione videtur, quam illa barbaries & immanitas, qua homines in corporum humanorum comedendorum cupiditatem feruntur; certis tamen terrarum locis inventos fuisse hujusmodi homines, & hodiernum reperiri, ab immanitate hac *Ανθρωποφάγης* dictos, historiæ nobis fidem faciunt. Hoc argumentum, a nemine fortasse ex professo tractatum, peculiari Dissertatione executus est doctissimus Petitus, & antiquitatem, originem ac causas rei istius *tribus* libris indagavit. *Primo* libro, quem historicum vocare liceat, præcipuas & maxime notas Antropophagorum sedes scrutatus est, & Gigantes, quorum in Genesi mentio fit, ingenti corporis mole viribusque terribiles, & stolidè feroces, effrenato cupiditatum impulsu parum a belluis differentes, ab ejusmodi belluino appetitu vorandarum carniū humanarum, ante diluvium, non alienos fuisse in Assyria, *cap. 2. 3.*, existimat: rabida hac feritate etiam Scythas, Hibernos, Ægyptios, & Æthiopes quosdam infames fuisse, *cap. 4.* tradit; nec versus Austrum deesse gentes cadavera hominum mandantes, ex Vesputio *cap. 5.* probat; in Novo Orbe, seu America, Carybes sive Canibales atrocitate hac cognitos, nec alibi tam frequentes anthropophagos reperiri, affirmat *cap. 6.* Homero & aliis Græcis memoratos *Læstrygones* & *Cyclopes*, ac inter hos præcipue Polyphemum, *capitibus 7. 8. & seqq.* executit, eorumque terras quas habitarunt investigat, & qua ratione sibi consent, quæ Poetæ de eisdem narrant, disquirat. Liber secundus causas inquirat, quibus tam fœda libido & immanis ingluvies mores hominum invasit.

ferit. *Cap. 2.* exponitur sententia Scaligeri & Aponensis, existimantium, velut alias animorum propensiones, sic hanc quoque tetram humanis corporibus vescendi cupiditatem, siderum influxui, naturam hominis fingenti atque impellenti ad certas cupiditates, imputandam esse. Causam hanc autem improbat Auctor, & in iis, quæ propius quam sidera naturam nostram attingunt, hoc est, in elementis ipsis & eorum misturis, querendam esse docet. Eaque occasione *cap. 3.* de Pamphagis disserit, qui ex peculiari & inusitata corporis constitutione, quælibet quantumvis absurda sibi oblata, promiscua voracitate deglutiunt, quorum exempla & hujus *ἑνεργίας ἐξέως* specimina Aristoteles lib. 7. Nicomach. *cap. 6.* affert, ipse etiam Auctor *cap. 4.* *xirra* seu pica, morbi genere, laborantes adducit. E quibus huc plane pertinet, quod ex Casp. Bugati Historiarum libro sexto narrat Marcellus Donatus Hist. med. lib. 4. *cap. 1.* de Mediolanensi quadam femina Elisabetha, anno 1519 rotæ atque ignis supplicio affecta, quod blanditiis pueros ad se allexerit, domumque perductos necarit, ut sale conditas eorum carnes clam quotidie esitaret. Quæ effera immanitas hunc in modum tandem detecta fuerit. Cum vicini puellam, cui Catharinæ Seronæ nomen, amissam sollicitè perquirerent, forte felis cadaveri puellæ superveniens manum ex illo surreptam in vicinam domum asportavit. Quo spectaculo qui ibi erant commoti, catum persequentes, in Elisabethæ istius domum confugere cognoverunt: eam perscrutantes cadaver puellæ invenerunt, sicque diu occultati flagitii scenam patefecerunt. De malefico quodam sepulta cadavera effodiente & comedente, horrendum exemplum *cap. 10.* e Bodino profertur. Indigentia aliorum alimentorum, & sic necessitate quadam adductos, ut homines devorarent, indeque in consuetudinem victus verteretur; odio etiam aut nimio iræ ardore inflammatos interdum cadavera inimicorum lacerasse & vorasse, *cap. 6. 7.* tradit. Sed habituum horum bestiarum in hominibus proprias atque ultimas causas explicare, humani ingenii caput excedere *cap. 5.* arbitratur: latere enim has in altis naturæ penetralibus & adytis abstrusas, unde nullius unquam industria protrahi in apertum possint, satisque in tam abstrusis præstitum videri censet, si ratio aperiatur, qua fiat, ut talia ad liquidum explicari non possint. In hanc igitur tandem *cap. 8.* concludit sententiam, Diaboli instin-

instinctu & malitia corruptas & efferatas hominum mentes in hanc consuetudinem comedendi viscera humana consensisse: quippe quod internecione hominum Deos placari posse, & humanis victimis rectissime iis litari, idem Dæmon auctor gentibus extiterit, iisdemque persuaserit, neminem ad sacra rite initiari, qui non prius humanum sanguinem biberit, aut exa degustarit: facilius autem immanitatem hanc inferi potuisse gentibus *ἀδελφίσαι*, & in summa rerum omnium ignoratione versantibus. Libro *tertio* affinia *ἀνθρῶπου φαγίας* exponit. Quorum primum locum dat conjurationibus, confederationibus & amicitiiis, humani sanguinis potu sancitis, *cap. 1*; alterum ex equalibus honoribus, per epulas funebres e defunctorum carnibus religiose apparatus, solenniter institutis; perditis item nonnullorum amoribus, ad potum sanguinis & esum carniū eorum, quos deperunt, stimulantibus, *cap. 2. 3. 4*; tertium arti medicæ, quæ pharimaca ex carne, sanguine, aut ossibus hominum miscere, aut balnea præparare jubet, *cap. 5*. Nihil tamen horum admittendum, & ferinum ac impiū esse omnem humanarum carniū esum, Auctor statuit; nec admittit Diogenis Zenonisque istum haud improbantium sententias, quas cum aliorum argumentis *cap. 6. 7. 8. 9*. recenset, sed easdem *capitulis 10. 11. 12. 13. 14. 15*. examinat, & refellit, belluasque non homines esse eos, qui hominum carnibus vescantur, concludit.

DEFENSE DE L' EGLISE ROMAINE CONTRE les calomnies des Protestans &c.

id est,

Defensio Ecclesiæ Romanæ adversus calumnias Protestantium, in qua exhibentur (1) Accurata discretio fidei Catholicæ a sententia Protestantium & Pelagianorum, de Prædestinatione & Gratia. (2) Dialogus, in quo doctrina Ecclesiæ Romanæ de mysteriis his explicatur. (3) Compendium historiæ de hæresi Pelagiana ab Ecclesia Romana semper condemnata.

Coloniz, apud Joh. de Valé, 1688. in 12. Plag. 10.

Tres tractatus in exiguum hoc volumen compacti, sub titulo laxiori, & in invidiam Protestantium, ut videtur, affectato exhibentur

bentur, addita admonitione, quod in eos tantum pugnetur, qui se Reformatos vocant, & dogma Calvinii sequuntur. Quanquam vero horum sententia Romana placita non pauca opponantur, Autor tamen non tam is scopus videtur fuisse, ut illos refutaret, quam ut suas de prædestinatione & gratia opiniones, quatenus a Molinistarum scitis discrepant, compendiosa quadam & facili via proponeret, & Gallis recens ad Romanam Ecclesiam compulsis plausibiles faceret. Præfatur aliquid contra indiscretum, ut loquitur, zelum eorum, qui pro hæretico habent, quicquid a Reformatis docetur aut exercentur; cum tamen agnoscendum sit, orthodoxa plurima ab iis asseri, & laudanda observari. Inter illa nominat lectionem Scripturæ & usum precum in lingua patria, quæ immerito reprehensa esse, & de iis nunc mitius sentiri dicit. Magis impingere ait illos ex Catholicis, qui Reformatos refutaturi in oppositos errores incidunt, & dum Calviniani esse nolunt, Baronio iudice, Pelagiani fiunt, aut ut Autor scribit, ne Gomaristæ aut Protestantes sint, *Arminiani, Remonstrantes, Mennonistæ & Sociniani* evadunt. Ut igitur eos ab illo periculo, & Ecclesiam Romanam ab imputatione Pelagianismi vindicet, succinctam & nervosam collationem triplicis doctrinæ de prædestinatione & gratia instituit, & tres format paginæ areolas, ea fere methodo, qua *Ludovicus Santamorius*, celebris Jansenianæ causæ patronus, in diario suo de actis apud Innocentium X usus est. In medio ponit suam sententiam, quam vocat Catholicam, ex epistolis Pauli, Augustino, Concilio Tridentino, aliisque Patribus & Doctoribus, ut ait, hausit. Ex uno latere adscribit Reformatorum, ex altero Pelagianorum sententiam: illam ex confessione eorum & catechesi; hanc ex relationibus Augustini. De quibus omnes concordant, ea uno caractere, quem Romanum sive antiquum typographi vocant; in quibus discrepant, Italico sive *curso* excudi fecit. Quinq; pagellis hanc hypotyposin absolvit, quas, si Latinæ, ut scriptæ esse innuuntur, extarent, aut ad nos pervenissent, integras fortassis Actis nostris inseruissimus; Gallicæ autem versas denuo Latinas facere supersedimus, ob facilem circa terminos, quos vocamus scholæ, in versione variationem aut errorem. Interpret Gallus nomen suum literis C. B. P. indicavit. Addita est memorabilis observatio, quomodo Catholici sese gerere debeant in manifestis (ut Autor fatetur) in eorum Ecclesia dissidiis, circa usum

Sacramentorum & regulam morum, tum de peccato originali ejusque poena, nec non de prædestinatione & gratia. Sex nempe regulas Autor proponit & teneri jubet: (1) Doctrinam & fidem Ecclesiæ Catholicæ semper unam eandemque adeoque indivisibilem esse & manere, licet disputantium personæ dividantur; veritatem enim omnibus modeste & sincere querentibus sese offerre. (2) Non amitti in Ecclesia veritatem, etsi contradictiones tolerentur, donec tempestivum sit, zizania ex tritico evellere. (3) Indifferens habendum non esse, cui opinioni aliquis adhaereat, sed veritatem, ab ipsis licet Theologis obscuratam, indagari debere, quæ lucem suam semper retineat, nec magis ac Sol amittat, cum a nubibus & nebulis obtaeculum habet. (4) Ad veram Ecclesiæ doctrinam ab opinionibus humanis discernendam, verbum Dei sequendum esse, ex sensu a Patribus explicato; & ex definitionibus Pontificum & Conciliorum, quæ verbum Dei & doctrinam Patrum pro regulis habeant. (5) Si disputantes illa utrinque pro se allegent, accedendum esse sententiæ, non quæ rationi aut sensibus hominum, sed quæ verbo Dei & doctrinæ Patrum, eorum maxime, qui fidem Ecclesiæ in controversiis defenderunt, conveniat. Id denique sequendum, quod lumen cœlestis cum humilitate & fiducia per preces impetratum ostenderit, primisque fidei regulis conforme sit, donec Ecclesia aliud solenni judicio decreverit. (6) Eos qui ad examen hoc idonei non sint, nec alii sciant credantque, quam quæ a Pastoribus & directoribus suis docentur, Deum sedulo invocare debere, ne in fraudem inducantur, utque bonos & vera docentes Pastores accipiant, nec cæci cum cæcis in eandem præcipitentur foveam. Protestantes non multum in his regulis desiderabunt, suæque principia in illis deprehendent. Nam quæ de doctrina Patrum & definitione Ecclesiæ admixta sunt, ea forte Autor ita intelligere potuit, ut neutri plus deferat, quam ex analogia fidei deferri a Christianis decet. Laudamus interim ingenuitatem ejus, majoremque lucem ei optamus.

Tractatus alter scriptus esse in titulo dicitur per G. de L. Theologum, Gallice autem versus ab A. K. approbatus a C. C. Lic. Theol. Occultationem nominis sui Autor a loco, & hominibus inter quos vivit, & quibus scriptum suum odiosum futurum fuisse metuit, in dedicatione ad *Internuncium Pontificium Bruxellensem* excusat, & ad

scriben-

scribendum incitarum se esse asserit calumniis, quas vocat, *D. D. Leydeckeri & Jurii*, qui Romanam Ecclesiam contumeliose Pelagianismi accusent. Doctrinam itaque Christianam de prædestinatione & gratia, forma dialogi inter *Theodorum & Romanum* proponit, ut os obstruat Reformatis, qui hæresis crimen tam confidenter Romanæ Ecclesiæ impingant, & cautiore faciat Catholicos, qui indignas de his mysteriis opiniones habeant, & calumniandi occasionem adversariis præbeant, dum *Arminianis, Socinianis* & aliis *Pelagianismum* reducentibus pollicem premant. Quinq; sunt tractatus capita, in plura colloquia distincta. *Primum* tamen uno & brevi absolvitur, quo demonstratur, necessario instrui Catholicos de mysteriis prædestinationis & gratiæ divinæ debere. *Secundo* definitur prædestinatio; explicatur dictum Pauli: *Deus vult omnes homines salvos fieri &c.* ut significet, omnes qui salvantur, aut omnis generis homines. Accedit distinctio *voluntatis signi & beneplaciti, antecedentis & consequentis, Creatoris & Redemptoris*. Haud multo aliter sentitur de quæstione, *an Christus mortuus sit pro omnibus*; & condemnatio propositionis, quod Christus solum pro salute prædestinatorum mortuus sit, ab Innocentio X & Alexandro VII facta, hac subtilitate defenditur, quia fructus mortis Christi etiam ad non prædestinatos perveniat, qui plurimas gratias accipiant ad salutem, licet non ad æternam. Cæterum electio prorsus gratuita & ad ostendendam misericordiam Dei, sicut relictio & pœna reliquorum ad justitiam demonstrandā, facta esse asseritur. Quia vero prædestinati ad bona opera (licet non propter illa ut ex causa) destinentur, & ex his salventur, vulgaris objectio enervatur, quasi nihil inter sit, num electi bene an male agant, cum omnino bene agere teneantur. Capite *tertio*, dialogis IX, distinctiones gratiæ in *externam & internam, habitualem & actualem, efficacem & sufficientem* explicantur, & singula membra definiuntur. Gratiaë efficacis necessitas ad omnes partes pietatis & religionis demonstratur, & cur omnibus non detur, aut ad salutem non proficiat, ex principiis satis notis deducitur. *Quarto* colloquiis III. de libero arbitrio agitur, & ut voluntas hominis gratiaë subdita sit, ejusque efficaciaz, quamvis possit, non resistat, libertatem tamen suam nihilominus in bonis malisq; actionibus retineat, eaq; de causa meritū vel demeritum incurrat explicatur. Capite *quinto*, dialogis VII, magna utilitas hujus doctrinæ commenda-

tur, quomodo ea pios ad laudem & gratiarum actionem erga Deum, tum ad humilitatem, timorem, fiduciam, preces & bonorum operum studium exciter. Dum vero dicta Scripturæ de timore & fiducia, quæ inter se pugnare videntur, confert, inexplicabile mysterium prædestinationis esse fatetur. Ad omnia quæ statuit aut refellit, textus sacros, & Augustinum, aliquando etiam Concilium Tridentinum adducit, hoc tamen alicubi, cum obstare videtur, ut potest, explicat. Subjungit brevem & tersam recapitulationem in duodecim puncta digestam, & precationem *Thome Bradwardini* Archiepiscopi Cantuariensis; ex libro *de causa Dei*, ante annos 300 scripto.

Tractatus ultimus brevis est syllabus *historia de Pelagio & Semipelagianis*, quæ aliunde satis nota, & hujus ipsius controversiæ de auxiliis gratiæ occasione, a plurimis doctissimisque viris plenissime tractata est. Monstrat vero Autor, quomodo a quinto ad nonum usque seculum, contra errores illos ab Ecclesia Romana, sive conciliorum & Pontificum decretis pugnatum sit, ita ut circa seculum decimum plane evanuisse videri potuerint. Queritur tamen in fine, non defuisse postea in ipsa Ecclesia & inter Catholicos, qui ex ingenii superbia, meritis & viribus hominum plus justo tribuerint, utque ab illustribus sæpe Theologis ex Augustini sententia refutati fuerint, commemorat. Allegat iterum Baronium de Semipelagianismo inter suos conquerentem; de iis vero quæ a Molina, Bajo & Janzenio, contraque illos scripta & acta sunt, paucis verbis ad notorietatem provocat. Additur in fine approbatio hujus defensionis *Johannis de Cuyper*, Lic. Theol. Decani & librorum censoris Mechliniensis.

JOHANNIS VAN DER VVAETEN, SUMMA

Theologia Christiana. Pars prior.

Franequeræ, apud Johannem Gyselaar, 1689, in 4.

Constat plagulis 65.

SUMMAM Theologiæ Christianæ traditurus Clarissimus Autor, Scur priorem ejusdem partem modo nobis exhibeat; sub finem operis, quod exhibemus, exponit ipse, testatus rationes sibi & numero & pondere satis magnas fuisse, quibus inductus cursum in præsentiarum susteret. In hac ipsa autem, quam luci publicæ exposuit, parte, ichno-

ichnographiam quandam præmittit, inque ea præter alia duas hypothesas ad explicandam Scripturam Sacram sibi visas admodum utiles supponit, quarum una est, Deum esse triunum, altera Deum econdidisse consilium gratiæ. Ab Ichnographia dein ad ipsius Theologiæ Christianæ scenographiam progreditur, eandemque quatuor capitibus pertractat. Quorum I. de gloria Dei; II. de nominibus aliquorum Hebraicis, tum Græcis, quæ Deo in Scriptura Sacra tribuuntur; III. de essentia & perfectionibus Dei, item de SS. Trinitate; IV de viis Dei agunt. Cum vero per vias Dei, partim Dei decreta sive consilia, partim eorundem executio intelligantur, in hoc capite solum Dei decreta explicat, illorum executionem in secunda parte illustraturus. Quam ipsam tamen antequam editurus est Autor, universæ Theologiæ delineationem sub partis hujus prioris finem nos expectare jubet.

ARISTIDIS RHETORIS ORATIONES DUÆ,

ex codice MSto, & ejusdem libri II. ΤΕΧΝΩΝ

ῥητορικῶν, cum versione Latina & notis Laurentii Normanni.

Upsalæ, literis Henr. Keyfers, 1688, in 8. Plag. 32.

L Aurentius Normannus, vir clarissimus, de Græcanica literatura bene meriturus, primum hoc opusculo *Ælii Aristidis*, oratoris eloquentissimi, orationes duas; quarum una *πρεσβευτικὸν ὁμιλίαν*, qua Græcorum legatorum nomine, Achillem ad deponendas, quas cum Agamemnone ferebat inimicitias, cohortatur; altera *ἡ τῶν ἐξορχημένων* declamatio est, qua ineptos sophistas, ethori oratorii dehonestamenta perstringit, exhibet: deinde duos libros *τεχνῶν ῥητορικῶν* ejusdem auctoris ex vetusta eademque adhuc unica editione Aldina publicat. Horum prior est *πρὸς πολιτικὸν λόγον*, de *distione civili*; alter *πρὸς ἁφελῆς λόγον*, de *simplici dictione*: utrumque cum nominatis jam orationibus Latine interpretatus est, adjectis annotationibus haud contemnendis. In dedicatione τῆς πρεσβευτικῆς memorat, qua occasione raros dictarum orationum codices MStos indeptus sit. Nempe durante Suecos inter & Polonos

Bbbb 3

bello

bello; Vir Illustis Dn. *Claudius Rolambius*, a Potentissimo Rege Sueciz *Carolo Gustavo*, ad Portam Ottomannicam missus fuerat legatus, ut Regis sui nomine, cum Muhammede IV. Turcarum tyranno, de istius belli causis ageret. Ubi Byzantii inter alios libros Græcos, has Aristidis Rhetoris orationes MStas accepit, & ut eloquentiæ studiofis prodesse, clarissimo *Normanno*, Græcarum literarum in illustri Upsalensi Academia Professori Ordinario, ad edendum liberaliter communicavit. Id quod ipse etiam grata mente agnoscit atque deprædicat.

NOVUM THEOREMA PRO DOCTRINA SEctionum Conicarum, per J. B.

TAB. XIV. **M**Irum est, in materia veteribus ac recentioribus adeo trita relictum esse aliquid, quod eorum industriam adhuc effugerit; præsertim proprietatem adeo generalem, cujusmodi est hæc, quæ sequitur:

Si in Triangulo per Axem Coni ACD, demittatur a vertice in basin perpendicularis AL, & ex ea abscindatur AN, æqualis perpendiculari AB, ex eodem vertice A in diametrum ex generatione Coni Sectionis HO demissa; ac per N agatur FE parallela basi, secant crura Trianguli per axem in F & E, erit FE Latus Rectum Coni sectionis.

Dem: Ducantur AQ & AL parallelæ Diametro HO & basi CD, quarum prior secet ipsam FE in G; eruntque Triang. FAG, HAL, HCO, ut & AGE, MLA, MOD, similia: sed & AL = AG (est enim angulus LAN = angulo BAG, demtoque communi BAN, angulus LAB = NAG, præterea anguli ABL, ANG recti, & latus AB = lateri AN, ac propterea Triangula ABL, ANG similia & æqualia.) Hinc

1. in Parabola: FG, AF :: AL (AG) AH; quare \square FAG = AH x FG. Sed ex Apoll. \square FAG (AH x FG) FGq (:: AH, FG) :: AH, R (latus rectum Parabolæ.) Ergo FG vel FE = R. *Q. E. D.*

Idem ex alia proprietate Parabola: HO, CO :: AG (AL vel OQ) FG. Ergo HO x FG = COQ = OPq = ex natura Parabolæ HO x R. Ergo FG vel FE = R. *Q. E. D.*

2. In

2. In Hyperbola & Ellipfi: $FG, AG :: AL, LH$ (unde $FG \times LH = GAL$) item $AG, GE :: ML, AL$: quare ex æquo perturbate, $FG, GE :: ML, LH$; & componendo seu dividendo $FE, GE :: MH, LH$; permutandoque $FE, MH :: GE, LH :: FGE, FG \times LH$ (GAL seu GAq) $:: R, MH$, ex Apoll: Ergo $FE = R$: *Q. E. D.*

Idem ex alia proprietate harum Sectionum: $GE, AG :: LA, ML$; & $AG, FG :: LH, LA$: unde perturbate, & compositæ vel divisim, ut antea, permutandoque $FE, MH :: GE, LH :: GE, AG \times AG (AL) LH :: OD, MO \times OC, HO :: COD (OPq) MOH :: R, MH$, ex natura Sectionum: Ergo $FE = R$: *Q. E. D.*

3. In Circulo basi subcontrarie posito res evidentior est, quam ut demonstratione indigeat.

Demonstratio Universalis pro omnibus Sectionibus:

Ducatur HZ basi parallela, secans ipsam AQ in X ; eritque $HZ, FE :: HX (LA$ seu $AG) FG :: HO, OC :: HZ, R$; per ea quæ habet *Wal-lisius in Tract. de Sect. Con.* pag. 28, 37 & 43. Ergo $FE = R$: *Q. E. D.*

Coroll. I. Si centro A , radio quocunque AB in plano Trianguli per axem descriptus sit circulus, & circa illum rotetur planum BO , tangens subinde ejus peripheriam, secansque basin Coni secundum rectam OP , quæ basi Trianguli per axem perpendicularis est; omnes hac rotatione genitæ Coni Sectiones, sive Parabolæ, Hyperbolæ, Ellipses, sive denique Circuli, idem habebunt latus rectum, æquale videlicet rectæ FE .

Cor. II. Quia $AI, CD :: AN (AB) FE (R)$; sequitur, in quavis Coni sectione latus rectum esse quartam proportionalem ad AI, CD & AB : Unde vel ex hoc indicio colligo, nihil hucusque constituisse Conicorum Scriptoribus de hoc Theoremate; cum non verisimile sit, illos (si scivissent) designaturos fuisse rationem Parametri ad aliam rectam, per rationem Quadrati CD ad Rectangulum CAD (ut in Parabola) aut Rectanguli CQD ad Quadratum AQ (ut in Hyperbola & Ellipsi) quam tamen per simplicem rationem rectarum constantium CD & AI , & quidem universaliter in quavis sectione, characterizare potuissent.

Cum Fratri hæc aperuissem, mox eadem suis quoque demonstrationibus munivit; quas, quia non inconcinne mihi visæ sunt, hic subjungam; quod in novo Theoremate facile merebitur veniam:

1. In

1. *In Parabola*: FG, HX :: AG (AL seu HX) AX; proinde HXq
 = FG x AX: est autem HA, R :: HAX, HXq (FG x AX) :: HA, FG.
 Ergo FG vel FE = R: *Q. E. D.*

Alter: AH, FG :: AH, HX, + HX, FG :: AF, FG, + HX (AL
 seu AG) FG :: FAG, FGq :: AH, R. Ergo FG = R: *Q. E. D.*

2. *In Hyperbola & Ellipsi*: MH, FE :: MH, HZ + HZ, FE :: AG,
 GE + AX, AG (AL vel HX) :: AG, GE + AG, FG :: AGq, FGE ::
 MH, R. Ergo FE = R: *Q. E. D.*

CAMPEGII VITRINGA SACRARUM OBSER- vationum libri duo.

Franequeræ, apud Joh. Gyselaar, 1689, in 4.

Constat plagulis 72.

PArtem priorẽ doctissimarum harum observationum, quibus
 celeberrimus Franequeranorũ Theologus ac Professor *Campe-
 gius Vitringa* clarissimam lucem multis Scripturæ Sacræ dictis affudit,
 anno abhinc quinto p. 55. ad Eruditorum Acta retulimus. Prodit
 illa nunc *secundum*, non emendatior tantum, sed & altera parte au-
 ctior, qua de non pauca dicenda esse, vel ipsa argumentorum in ea
 pertractatorum dignitas satis loquitur. Capius absolvitur sexde-
 cim, quorum primum solutioni impenditur quæstionis: *Num Israe-
 lita in deserto, præter vitulum aureum & Baal-peorẽ, alia etiã
 idola coluisse, tacentẽ licet historia Mosaica, dicendi sint?* Affirmat *Vi-
 tringa* ex *Amos. V. 25. 26.* (quo de loco pluscula, non intacta tamen
 Eruditorum aliis, in medium affert,) itemque *Pf. XCV, 10. Deut.
 XXIX, 4. Pf. CVI. 35. 36.* ac cum primis *Ezech. XX, 25.* in quo inter-
 pretando eandem viam insistit, quam *Lutherus* noster, repudiata *Coe-
 ceji* sui sententia de legibus ceremonialibus divinis per statuta non bo-
 na intelligendis. Cum vero videatur improbabile, Israelẽ, Mose
 imperante, totis XL. annis Molechi sacris operatum esse, neque ta-
 men Mosen rei hujus vel minimam mentionem in pandectis suis hi-
 storicis injecisse, *Vitringa* commodum observat, plus simplici vice,
 Mose licet summam rerum obtinente, a malefieriato populo gravis-
 sime peccatum fuisse, uti ex Korachi, Dathanis, Abiram rebellione,
 negle-

neglectu item circumcisionis & paschatos per XL. annos, dilucide patet. Quin, nec Moſen quælibet toto iſto tempore geſta annoſtaſſe, ſed res XXXVIII omnino annorum, (quadageſimi anni poſteriores menſes præcedentium,) data opera ſilentio prætermiſſiſſe, imo nec idololatriæ a ſuis in Ægypto patrati, ac Ezech. XX, 7. 8. memorati, vel verbulo meminiſſe, probe monet.

Sequentia capita bina ſententiam pervulgatam, *sacerdotium ante* Cap. II
Aaronitarum electionem ad primogenitorum prærogativas pertinuiſſe, III.
 convellunt, ac primogenitos Deo ſacros, non (uti ex Exod. XIII, 1. 12. conſtare videtur) *Sacerdotes*, ſed, (quod *παροδοξον*,) *sacrificia* fuiſſe, egregie probant. Pepercerat nimirum Iſraelitarum primogenitis clementiſſimū Numen, cum Ægyptiorum primogenitos ferali illa clade afficeret. Beneficio hoc ſibi obſtriſtos, *sacros* ſibi eſſe volebat. Fit autem Deo *sacra* perſona vel res, dum communibus uſibus eximitur, ac in rei divinæ uſum quovis modo transfertur. Cum vero lex illa in Exodo memorata *conſecrationem* non hominum tantum, ſed & *pecudum* imperet, ac utriusque generis conſecrationes inter ſe invicem comparet, Vitringa colligit, primogenitos hominum (æque ac primogenitas pecudum) conſecratos fuiſſe non ut *sacerdotes*, ſed ut *sacrificia*, quæ ſi maſtationis incapacia erant, ſacris uſibus alio aliquo modo impendebantur; uti donaria aurea, argentea, æreave, varia utenſilia, & id genus alia. *Primogenitos* igitur illos non majori dignitate gaviſos, ac, qui in eorum locum vertente tempore ſuffecti ſunt, *Levitas*. Hi ſane non ſacerdotes erant, ſed perpetui ſacerdotum famuli, quibꝰ non magis, ac cæteris Iſraelitis, licebat adire Deum, apud quē Aaronitæ ſacerdotes intimæ erant admiſſionis. Hinc *Levite* ſoli, non item *sacerdotes*, primogenitis ſubſtituuntur Num. III, 45. 9. 10. VIII, 16. 19. Eadem de cauſſa manus illis, non his, impoſitæ Num. VIII, 10. tanquam ſacrificiis piacularibus, *ad expiandum datis*, verſ. 19. quanquam & illis, (ne immolari eos neceſſe eſſet,) ſurrogatæ ſunt beſtiæ, in quas, impoſitis manibus ſuis in earum capita, peccata ab Iſraelitis ſibi (Levitis puta) per *xuogrovēda* impoſita, rurfus devolverent, verſ. 11. quemadmodum pecudi primogenitæ impuræ, (ſive immolationis ſacrificialis non capaci,) aut puram offerendam ſubſtituere oportebat, aut cervices frangere. Sed & eandem ob rem Levitæ ab Aaronē *agitati* ſunt, Num. VIII, 11. At id vocis non niſi

in sacrificia quadrare videtur. Subruto igitur primario hoc, aliisque sententiæ adversæ fundamentis, concluditur, sacerdotium primogenitis, sed sæpe a parentibus aut fratribus minoribus natu sponte, non ex primogenituræ juribus, delatum, adeoque ad idem nec secundogenitis aditum præclusum fuisse. Cum primis observatu dignum est, quod *1. Paral. V, 1.* habetur, τὰ πρωτοτόκεια sive jura primogenitura, quæ Ruben ob incestum excidit, collata esse partim Josepho, partim Jehudæ, ita quidem, ut illi dupla portio, huic præ eminentia inter fratres obtigerit. Nihil hic de sacerdotio, nihil de jure aliquo Rubenis in Levi translato. Unde collectu facile videtur Nostro, non nisi duplicem hereditatis portionem ac præ eminentiam inter fratres, jura constituisse primogenitorum.

Cap. IV.
V.

Absoluta hac de πρωτοτοκείας dissertatione, phrasæ non unæ de collocacione ad dextram illustrantur. Nimirum sedere in sacris est regnare. Hinc sedere, vel regnare ad dextram Regis in throno sedentis, est habere communionem plenariam sceptri, quod rex throno insidens manu dextra tenet, ideoque ad dextram suam & illum, quem in imperii collegam adsciscit, collocat, ut idem simul sceptrum, ceu regis dignitatis symbolum, manu prehendere ac tenere queat. Hæc ratione dicta *Psal. CX. 1. 2. 3. Apoc. III, 21. Zach. VI, 12. 13.* aliaque non perfunctorie illustrantur. Morem hinc recenset veterum, quo alter dextrum rei latus clauderat, unde patet, quæ de causâ Satan iis a dextris assistere dicatur, quæ item litem intendit apud Deum, *Psal. CLX, 6. Zach. III, 1.* Sed & ex *Masseketb Sanhedrin* consuetudine receptum fuisse Vitringa comprobat, ut absolvendi ad dextram Judicis, condemnandi ad sinistram collocarentur, ac dein quisque sententiam factis suis dignam eo in loco ex Judicis ore exciperet; quo prænotato, cuilibet perspecta erit ratio, cur Christus agnos a dextris, a sinistris hædos sibi olim in extremo judicio collocatum iri, prædixerit *Matth. XXV, 33.*

Cap. VI.

Majoribus difficultatibus obseptum est proximæ disquisitionis argumentum. Agit ea de ratione paedobaptismi, quam cum neque propriam infantum fidem esse, Nostratibus, neque fœdus externum esse, Calvinianis concedere velit, duplici modo explicat. Primo enim asserit, infantes præsumi stipulari fœderi gratiæ in parentibus, qui, dum omnibus indistincte fœdus illud offertur a ministris verbi, illud

pro

pro suis non minus ac pro semetipsis acceptant ac incurrunt; semper enim de homine præsumimus, quod salutem suam velit, quemadmodum fœdus pacis, quod Imperator civitati inimicæ offert, ad infantes æque ac adultos pertinere solet, utut nec audiant illi nec intelligant quidquam istius negotii. Illustrat id dicto *Dent. XXIX, 10* sq. ubi *parvuli & absentes* fœderi includuntur. Quod si hic procedendi modus displiceat, *aliu* habet in promptu Vitringa, infantes nempe fidelium debere baptizari, quia iusta *presumptio* sit, eos esse absque fide actuali sanctificatos per Spiritum Sanctum advocatum nostrum, qui coram tribunali Patris, Filii meritum ad hunc infantem pertinere probaturus, pro eo spondeat, quamprimum ætas vel animæ status permiserit, declaraturum eum Judici unionem suam cum Christo, imo se certo operaturum in infante, ut id feliciter præstet; ad quæ Iudex quiescat. Hinc liberos fidelium *SANCTOS* dici, *1. Cor. VII, 14. quia iuste præsumimus ex lege charitatis, eos esse sanctificatos per Spiritum Sanctum. Cum enim Deus gratiam suam inceperit monstrare parentibus, non licet præsumere, quam quod eandem gratiam præstiturus sit infantibus, quamdiu nobis non liqueat contrarium. Infidelium vero liberos non admitti, ad baptismum, quia nullum habeamus argumentum præsumendi, Deum eis velle communicare suam gratiam.* Hactenus Vitringa, qui num *presumptionibus* illis suis rem satis extricarit, viderint Theologi.

Memoranda porro videtur esse subtilis illa *de morte fidelium* Cap. VII. disceptatio. Hanc enim videri poterat in semel justificato locum habere non debere, ex quo Christus & peccatum *condemnavit* Rom. VIII, 3. & illius effectus universos, mortem corporalem ac æternam tulit sustulitque. Solutionem hujus dubii sequentibus thesibus includit Vitringa: (I.) *CREDENTES NON MORIUNTUR*, nullo nempe mortis genere, seu corporali, seu spiritali, seu æterno, *Joh. V, 24. VIII, 51. Rom. VI, 23. &c.* quæ dicta, cum generalibus verbis concipiantur, nullo modo ad aliquod tantum mortis genus, *æternum* puta, restringi oportet; alias enim Christus Judæos, apophthegma suum de morte corporis interpretantes, *Joh. VIII, 51. ψευδευμένους* insinulasset; quod sane non fecit. Ideoq; mallet Vitringa vitam mortemve in dictis illis non distingui in temporalem & æternam, sed generaliiori conceptu ita definiti, ut utraque inchoative in hoc, consummative

in futuro seculo locum habere queat: *TOTUS HOMO* (corpore ac animam possidens) igitur exsententia Vitringæ *VIVERE* dicitur, quando anima cum bona conscientia & latitia ad Dei gloriam perpetuo operans, corpori sic praeest & dominatur, ut in corpore quidem sive sanguis sive spiritus omnes absolvant operationes debitas, neque hoc tantum, sed etiam, ut in corpore nulli existant motus inordinati, quibus vel mentis voluntati resistitur illiusque latitia turbatur, vel ipsi corpori certa perniciēs creatur: sed ita, ut ipsi corporis motus iucunditatem mentis, ut possunt, juvent, ejusque vitam promoveant. *MORI* contra *TOTUS HOMO* dicitur, quando mens, privata Dei communione, Deum non amans, neque querens עֵינָא אֵינָא דִּלְעָא, inordinatis *CORPORIS* motibus obtemperat; per eos in male agendo juvatur, imo ad male agendum incitatur; unde fit, ut homo tandem in eum redigatur statum, quo a Deo plane alienus, omni *SPE* vacuus, imo Dei & sanctis suam gloriam incidens, Dei iudicio molestissimis conscientiae accusationibus & *CORPORIS* quoque doloribus (quos nunc neque cogitando assequi, neque fando exprimere valeamus) aeternus traditur, cum ira Divina, quae omnium superas cogitata, sentiens. Atque ejusmodi mortem sustulit Christus, & ne fideles eam gustarent, effecit suo merito. *Vitam* vero illam fideles agere incipiunt in hoc ipso orbe & nunquam amittunt. Quamvis enim corpora fidelium exanimantur tandem ac corrumpantur; id tamen mortis nomine appellandum non est. Nam (II) *INIERITUS CORPORIS VALDE PROMOVET VITAM ET SALUTEM FIDELIUM*, Phil. I, 21. 2. Cor. V, 8. Rom. VII, 24. Corpus quippe hominis regniti est potissima peccati fides, Rom. VI, 6. 12. VII, 23. Mens contra consideratur ut perfecta. Unde Paulus Rom. VII, 25: *Nempe igitur ego ipse MENTE quidem servio Legi Dei; CARNE vero legi peccati*. Equidem mens proprie peccat, sed occasionem, instinctum, media peccandi, a corpore tantum non semper nanciscitur; unde & saepe in regeneratione sibi ingenitum studium Deo placendi retinet, dum ipso actu a carne ad peccatum invita rapitur. Hinc lucta carnis & spiritus, Gal. V. descripta. Destructio ergo corporis, tanquam carceris, per varias afflictiones & mortem, magis magisque in eo captivum hominem ad libertatis a Christo donatae usum pleniorē promovet. Hujus rei intuitu Paulus inquit 2. Cor. IV, 16. 17: *Etiamque*

EXTE-

EXTERIOR NOSTER HOMO *corrumpitur*, INTERNUS *renovatur* indies. Nec nisi qui mortuus est, *justificatur* sive liberatur *penitus a peccato*, Rom. VI, 7. Hinc *circumcisionem* illam *carnis abscis-*
que manu factam, Coloss. II, 11. de morte Vitringa interpretatur, quæ
demum carnales concupiscentias radicitus evellit. Sed & (III.) *IN-*
TERITUS CORPORIS FIDELIUM PROCEdit EX
CONDEMNATIONE PECCATI FACTA A DEO JUDICE
IN MORTE CHRISTI, AC PROIN IN CREDENTIBUS,
UT FRUCTUS ILLIUS MORTIS, CONSIDERANDUS
EST. Rom. VIII, 10. VI, 6. Nimirum peccatum condemnatum fuit ut
aboleretur, Rom. VIII, 3. Ergo & corpus, peccati sedes & fomes.
Quæritur autem: cur fideles non inde a primo justificationis momen-
to moriantur, cur tamdiu in carne, tot malorū causa, detineantur?
numne denique hic agendi modus repugnet justitiæ divinæ, cui pri-
dem satisfactum est? Respondet Autor: (IV.) *HUNC MODUM GLO-*
RIFICANDI FIDELIS, QUO CORPORA EORUM IN-
TEREUNT, SUMMOPERE ILLUSTRARE GLORIAM
CHRISTI, ac sigillatim ejus *potentiam, bonitatem, sapientiam, san-*
ctitatem & justitiam; id quod per partes probat, ac de ultimo horum
attributorum peculiari *thesi* (V.) latius disserit. Sed nimis prolixis
nobis esse non licet per instituti nostri rationem. Desinimus ergo
plura de hac dissertatione, in qua multa præclare ac argute, sed nec
pauca nove dicta Theologi deprehendent.

Restant adhuc recensenda capita libri hujus octo, cum præmissa
his præfatione. Verum horum contenta in Actis proximi mensis
eum Benevolo lectore communicare apud animum nostrum consti-
tuimus.

JOHANNIS PHILIPPI PFEIFFERI, S. TH. D.

ac P. P. in Academia Regiomontana &c. Libri

IV *Antiquitatum Græcarum gentilium.*

Regiomonti & Lipsiæ, sumptibus Henrici Boye, 1689, in 4.

Constat plagulis 109.

Antiquitates Græcas commentariis suis illustrarunt haud pauci
eorum vero, quod sciamus, nemo ista eas methodo tamq. plene,
Cccc 3 quam

quam ab Autore clarissimo in luculento hoc opere factum deprehendimus, pertractavit. Quatuor vero libris argumentum hoc latissime diffusum complexus est, quorum summam paucis pro ratione instituti (singula enim attingere in tanta rerum varietate prolixum nimis, forte & tædiosum foret) indicabimus. Et in *primo* quidem ea, quæ ad cultum divinum spectant, Auctor pervestigat, cumque professus esset, se neq; ex naturæ lumine, neq; ex fabulis, sed legibus potius civitatum, cultum Græcorum divinum esse erutum, exponit quæ ratione cultum divinū prisci illi peregerint, tum veneratione Numinis, tum adoratione, cujus formulæ, & speciatim quibus Lacedæmonii usi fuere, exhibentur. Deinde penitus cultum divinum Græcorum consideraturus, in his tribus constitisse illum refert, in sacrificando, libando & suffiendo, remque declarat per partes. Quæ occasione & præcipua festa in Græcia celebrari solita; & ludi Græcorum solennes præcipui certaminaque, Olympica, Pythia, Nemea, Isthmia; & oracula denique studiose enarrantur. *Secundo* libro res politicas Græcorum veterum Auctor persequitur, docetque quomodo initio quidem plurimæ Græciæ civitates, e. g. Corinthiaca, Messeniaca, Eliaca, Arcadica, Atheniensis & Spartana, Regio paruerint imperio, postea vero paulatim libertati assueverint, variam sub polyarchia fortunam ac vicissitudines varias expertæ. Inde de Magistratuum apud Græcos electione, vestitu, officiis; de judiciorum publicorum ratione; de pecunia & commerciis; de mensuris & ponderibus; de recta civium, & juventutis præcipue institutione, utq; præter morum disciplinam, ad Gymnasticam, Musicam, Graphicam & Grammaticam eruditi fuerint pueri; de spectaculis porro in theatris exhiberi solitis, Comicis, Tragicis, Satyricis; de publicis civium concœnationibus; de legibus sumptuariis; de vestitu similibusque aliis cum cura disserit. *Liber tertius* in exponendis rebus militaribus versatur. Et primum quidem, quæ ad militiam terrestrem pertinent, sive pedestris illa sit, sive equestris, exponuntur, vocabulis, quorum apud Græcos in re militari usus fuit, diligenti studio explicatis. Porro de delectu militum, militari juramento, militum stipendio; de variis armorum tum defensivorum, tum offensivorum, quibus Græci usi sunt, generibus; de obsidionibus urbium, ut oppugnata hæ, ut defensa fuerint; de præliis eorundemque in eundem ratione, & id

genuis

genus aliis tractatur. Denique facto ad navalem militiam progressu, variae navium species, & partes variae, navigantiumque officia, & pugna navalis, similiaque describuntur. *Quartus* liber res Graecorum domesticas complectitur, ubi quamplurimos ritus, qui in privata vita locum habuere, solícite recenseri videas. Prolixus imprimis Auctor est in exponendis, quæ ad conjugium spectant: itaque de requisito parentum aut propinquorum mulieris, antequam duci posset, consensu, de sponsaliorum ritibus, de ceremoniis nuptialibus, de divortiis, de ritibus in puerperio & post illud servatis, de liberorum educatione aliisque agit. Inde ad alios domesticæ vitæ actus ac instrumenta progressus, ut dormiverint, ut cibum potumque ceperint, ut convivari consueverint, ut ludis privatis indulserint, enarrat, eaque occasione utensilium varia genera, quæ familiaria Græcis fuere, describit. Tandem ad ultimam rerum lineam, mortem putata, devolvitur, quæque tum ante hominis moribundi obitum, tum post eundem moribus valuerint, & rursus quæ partim ante funeris deductionem, partim in deductione, partim post eam peracta fuerint, commemorat, ritusque adeo funebres copiose & ordine tradit. Subjiciuntur operi tres indices, primus rerum & verborum isque luculentissimus, alter auctorum, tertius locorum Scripturæ ex Antiquitatibus illis Græcis illustratorum.

Coronidis loco, illud adhuc indicare visum, de antiquitatibus Romanorum quoque aliqua huic operi hinc inde inserta esse, & cum constet, pleraque sua a Græcis accepisse Romanos, apertos hoc pacto fontes, ex quibus ea hausierint: ut adeo abunde habeat cupida harum litterarum juvenus, unde sitim possit restringere.

LIBRI NOVI.

Παράλειος, sive Chronicon Paschale a mundo condito ad Heraclii Imperatoris annum vicesimum. Opus hætenus Factorum Sæculorum nomine laudatum, deinde Chroniciæ temporum Epitomes, ac denique Chronici Alexandrini temmate vulgatum. Nunc tandem auctius & emendatius prodit, cum nova Latina versione & notis chronicis & historicis. Cura & studio Caroli du Fresne D. Du Cange &c. Parisiis, e Typographia Regia 1688, in fol.

Telluris Theoria Sacra, Orbis nostri originem & mutationes generales, quas aut jam subiit, aut olim subiturus est, complectens. Libri duo posteriores,

res, de flagratione mundi, & de futuro rerum statu. Londini, apud Gu. Kettily, 1689, in 4.

Selecta Historiæ Ecclesiasticæ Veteris Testamenti Capita, & in loca ejusdem insignia Dissertationes Historicæ, Chronologicæ, Criticæ. Auctore R. P. F. Natali Alexandro. Parisiis, apud Ant. Dezallier, 1689, in 8.

Des Satires personnelles, Traité Historique & Critique de celles qui portent le nom d' *Anti*. A Paris chez A. Dezallier, 1689, in 12.

La Défense de l' Eglise contre le livre de Mr. Claude intitulé *La Défense de la Reformation*. A Cologne, 1689, in 12.

Orbis Gothicus, i. e. Historica Narratio, omnium fere Gothici nominis Populorum origines, sedes, linguas, regimen, &c. exhibens: opera & studio Matthæi Prætorii, Præpositi VVaiheropolitani &c. Typis Monasterii Olivensis, 1689, fol.

Pauli Colomesii Observationes Sacræ. Editio secunda, auctior & emendatior. Londini, 1689, in 12.

Josephi Ramonii, Jcti & Advocati Barcinonenfis Consilia & Sententiæ Senatus Regii Cathalonix, cum Observationibus Jacobi Balduccii J. U. D. & Advocati Foroliviensis. Bononiæ, 1689, in fol.

Thomæ Bartholini Thomæ Filii Antiquitatum Danicarum de causis contemptæ a Danis adhuc Gentilibus Mortis Libri tres, ex vetustis codicibus & monumentis hæcenus ineditis congesti. Hafniæ, 1689, in 4.

Loci Communes sive Materiæ & Rubricarum juris universi Sylloge & rie alphabetica digesta a Johanne Becholdo, nunc aucta & emendata ab Andrea Christophoro Rösenero, J. U. D. Lipsiæ, apud Frid. Lanckhium, 1689, in 4.

Joh. Joachimi Becheri Tripos Hermeticus fatidicus, pandens Oracula Chymica, seu Laboratorium portatile. Francof. apud J. G. Schiele, 1689, in 8.

Georgii VVolfgangi VVedelii Exercitationum Medico-Philologicarum Decas quarta. Jenæ apud Joh. Bielcke, 1689, in 4.

Diatribe Historica de Xerxe, Nebucadnezare, ac Cyro Minore liberatore Judæorum: ad Justini, Epit. Trogi, L. XXXVI c. 3. n. 8. Cui accessit Dissertatio de Incertitudine notationis temporum per Olympiades. Auctore Joh. Christoph. Artopæo. Aggædorati 1689, in 8.

Histoire de la Conjuration de Portugal en 1640. A Amsterdam, 1689, in 12.

Le Vrai Intérêt des Princes Chrétiens, depuis le changement arrivé en Angleterre &c. A la Haye, 1689, in 12.

La Source des Malheurs d' Angleterre. A Cologne, 1689, in 12.

De l' Education de la Jeunesse. A Paris, 1689, in 12.

De la Valeur. A Cologne, 1689, in 12.

Nouvelle Hérésie dans la Morale. A Cologne, 1689, in 12.



ACTA ERUDITORUM

publicata Lipsiæ

Calendis Decembris Anno M DC LXXXIX.

TRAITE' DE LA DIVINITE' DE NOTRE Seigneur Jesus Christ.

id est,

Tractatus de Divinitate Domini nostri Jesu Christi.

Roterodami, apud Regnerum Leers, 1689, in 12.

Constat plagulis 19.

EX præmio libri non obscure colligitur, & accedit famæ testimonium, ejusdem autoris esse hunc tractatum, cujus est, quem in Actis nostris *A. 1685. p. 126.* & seqq. recensuimus & laudavimus, *de veritate religionis Christianæ; Abbadi* nempe, Theologi inter Reformatos Berolinenses clarissimi. Insistit in hoc opere iisdem principiis, quibus in edito illo ante quadriennium tractatu existentiam Dei, ejusque cognitionem naturalem primo, deinde revelatam, tam in Judaismo quam Christianismo stabiliverat; negatque fieri posse, ut qui illa admittat, de æterna divinitate Christi dissentiat. Fatetur, hanc in se consideratam mysterium, esse inexplicabile, temeritatisque & superbiæ reos esse, qui scientiæ opinione inflati, inutilibus speculationibus rimari illud præsumant: interim quatenus revelatum & traditum est in Scripturis, nosci & doceri clare & distincte debere, minime dubitat. Methodum elegit, qua monstrat, aut divinitatem Christi asserendam, aut universæ religionis Christianæ veritatem in dubium vocandam esse. Argumenta sua in *quinq. sectiones* distribuit; *sexta* ad objectiones quasdam præcipuas respondet. *Præmittit* monita quædam, nempe quod jam acturus solû sit de Divinitate Christi, sepositis articulis de Incarnatione & Trinitate, con-

D d d

nexis

nexis licet & quasi concatenatis. Deinde quod cum de Deo supremo, summo & altissimo (*ouverain*) loquitur, voce illa non utatur sensu pagatorum, qui cum Numine supremo subalterna admitterebant, sed intelligat participationem essentiae divinae supremæ & gloriose, cui omnia subsunt. Denique adversariis, non ut distincti sunt in sectas Arianorum, Semi-Arianorum, Socinianorum & similes, sed in universum respondet, & argumentis suis simul satisfactorum omnibus se esse sperat. Promittit & præstat styli modestiam, nec dissentientibus ingenii & eruditionis laudem detrahit; licet a sententia illorum vehementissime sese abhorrere, non potuerit dissimulare.

Sect. I.

Cap. 1.

Sectione prima demonstrat, si ex hypothesi adversariorum, quam detestatur, Christus non sit verus Deus, Patri consubstantialis, securum esse, quod Mahometismus præferendus sit religioni Christianæ, imo cum summa blasphemia Mahometem Christo potius dicendum fore. Præsupponit, manifestam & inexcusabilem idololatriam committi ab adorantibus Christum, nisi is sit verus & consubstantialis Patri Deus. Nil juvare, si dicatur, cultum Christo ex pia persuasione exhibitum, ad Deum referri, aut Christo ut legato Parentis præstari; utrumque enim naturæ veri cultus soli Divinitati debiti repugnare. Non minus certum habet, idololatriam crimen esse, quod legem Dei violet, & Spiritum pietatis auferat. Rejicit igitur *Episcopi Arminiani* indulgentiam, qua putat speculativum solum errorem esse idololatriam, neque ad essentiam salutis pertinere, credatne aliquis Christum Deum esse ex æterna generatione, an nominetenus & propter committum ei salutis humanæ ministeriū. Quæri enim ait de cultu supremo Numini debito, quem utique absque gravi idololatriæ crimine nulli creaturæ tribui fas sit; nec excusari, si illa filii, sive quodcunque nomen gerat, quo per allusionem quandam Deus representetur. His præsuppositis, si Christus non sit verus Deus, negat Mahometem pro impostore & Diaboli emissario haberi posse, sed cum adorationem Christi disertis verbis in Alcorano suo prohibuerit, laudem potius mereri, quod idololatria, quæ jam inter gentiles abolita erat, Christianis etiam interdixerit. Majorem quoque ipso Christo nefandum illum futurum ait, qui clarius & apertius de cultu Dei locutus sit; cum ex Christi & Apostolorum dictis tantus hominum numerus aliter argumentari non potuerit, quam quod Christus

Christus se pro vero Deo habuerit, talemque prædicari fecerit: nec excusari posse adversariorum glossam, qui verba ejus & Apostolorum pro hyperbolicis & figuratis habent, & sic veraciorem candidioremque Mahometem faciunt, qui apertis & simplicissimis verbis unitatem Dei asseruit, & divinitatem Christo, quantum in ipso erat, ademit. Affert hic Autor plurima dicta Christi & Apostolorum, quibus divinitas ejus adstruitur, tam clare & liquide, ut nemo illa in alium sensum interpretari potuerit, imo dolo simillimum fuerit talia dicere & scribere, quæ non nisi figurata & metaphorica essent. Respondet ad dictum illud singulare & unicum: *Pater major me est*; (in quo Christus ad humanam suam naturam respicit,) ejusque explicationem haud difficilem esse dicit, si cum tot aliis, per quæ æqualitas cum Patre docetur, conferatur. Huc delabi ostendit omnes illos divinitatis Christi impugnatores, ut cum pro hypocrita & sycophanta traducant, qui sibi arrogaverit quæ non habebat, aut orbem terrarum obscuris & incautis loquendi formulis in fraudem induxerit, speciatim etiam Thomam Apostolum, quem ab errore liberare debuerit, in longe pejorem, idololatriam nempe præcipitaverit, dum se Dominum & Deum ab illo vocari passus est; unde simul sequatur, eos Mahometem, ut omnibus modis veriolem, & zelo pro gloria Dei ferventiolem, quam Christum commendare. Neque multum obesse Mahometi, quod morum disciplinam non optimam constituerit, & futuræ vitæ felicitatem carnalem somniaverit: præterquam enim quod errores in cultu Dei, morum vitiis nocentiores sint, & quod Paradisi illius Mahometici descriptio ad sensum mysticum trahatur; certum tamen interea esse, sincerum & cordatum fuisse Mahometem, qui agnovit se hominem esse, & maximam orbis partem ab idololatria liberaverit, a qua excusari non potuerint, qui Christum pro Deo adorarent, cum non nisi homo esset.

Sectione secunda eadem argumentandi ratione ostenditur, Sect. II. stante Sociniana vel simili hypothesi, a Synedrio Judæorum juste condemnatum fuisse Christum, neque hodie reprehendendos esse Judæos sententiam illam approbantes. Ostendit Autor, jus fuisse Synedrio condemnandi eum ut blasphemum, quæ se pro Deo gereret; Cap. I. Christum vero id fecisse, si vel maxime de confessione ejus coram Syne-

drio facta non constaret, ex scriptis Evangelistarū & Apostolorū manifestū esse. Id prolixè deducit, & a cavillis dicta Scripturæ liberat. Mon-

- Cap. 2. strit etiam, quam severe injectum fuerit Judæis, ut non nisi unum Deum colerent, neq; ullum cultum analogum cuiquā Deo subalterno sive secundario tribuerent. Licet vero allegare velint adversarii, aliter aliquando locutum esse Christum, & divinitatem suam ipsum veluti negasse; opponit tamen Autor alia ejus & scriptorum sacrorum dicta, quibus manifestissime divinitas illi tribuitur, e. g. omniscientia sive scrutatio cordium, titulus Salvatoris mundi, quodque sit primus & ultimus; quæ omnia pro impiis hyperbolis habenda essent, si alio quam literali sensu intelligi deberent. Operose hæc confirmat ex dicto Phil. II, 6. de æqualitate ejus cum Deo, & quod adorari se passus sit, rejicitque distinctionem inter cultum verum & subalternum, & commentatur quædam ad historiam Cornelii Petrum, & Johannis Angelum adoraturi.

- Tertia Sectio*, quod jam dicere cœperat, pluribus deducit, erroris, si qui sit, in credenda Christi divinitate, originem & propagationem ipsi Christo & ejus discipulis impurandam fore. Essent enim non nisi metaphoræ & phrasæ Thraconicæ, quæ de Christo in Novo Testamento leguntur, ex quibus clarum & liquidum est, attribui illi quæ nulli creaturæ conveniunt. Deinde summa Dei beneficia, & maxime quod filium suum tradidit pro nobis, exilia & parum æstimanda essent, si Christus non nisi creatura est & homo. Minus etiam præstitisset Deus, tradendo ad mortem filium saltem adscititium, quam Abrahamus proprium & unicum offerens. Urget hæc & alia adversus Socinum & sequaces, qui magnum illud opus charitatis in Patre, & obsequii in Filio extenuant. Quærit inde, quodnam *manifeste magnum mysterium* 1. Tim. III, 3. in Christi incarnatione celebrari possit, si non sit Deus? nullaque argutia defendi posse monstrat dictum illud Apostoli, nisi divinitas Christi agnoscatur. Idem monet de scandalo crucis Christi; id enim omne evanescere, si non nisi homo crucifixus sit. Nec aliud statuit de omnibus mysticis religionis, quæ sola fide percipimus, si ad ratiocinationes & sensus examinentur. Speciatim ostenditur, quantum detrahatur majestati Christi, si titulus filii illi non nisi abusive
- aur ex

aut ex adoptione competat, aut solum miraculosa ejus conceptio aut resurrectio & exaltatio celebretur; nec esse, ut Angelis, imo ne Moysi quidem aut Adamo præferretur. Dicit porro, negata divinitate Christi, mortis quoque ejus pretium minui, quod infinitum esse debuit; neque respondere antitypum ex doctrina Evangelica typis agni paschalis & hædi expiatorii Veteris Testamenti. Multa hic opponuntur cavillis Socinianis, alias utilitates, quam satisfactionis pro peccatis, ex morte Christi colligentibus; & consideratur interna illa passio Christi in horto, & querela de derelictione in cruce: eo enim potissimum respectu passionem Christi cruciatibus martyrum diuturnioribus & sævioribus (quos tamen multi magno & hilari animo toleraverint,) præferri debere monet, & inde Christo incubuisse, quia aliena peccata in se suscepit, quod nemo ne sanctissimus quidem facere potest aut solet, & Paulus de se negat 1. Cor. I, 13. Progreditur inde Autor, ut ostendat, Sacræ Scripturæ sensum obscurum, incomprehensibilem, falsum, illusorium, absurdum & irrationabilem futurum esse, si hypothesi adversariorum locus detur. Hoc adductis plurimis Scripturæ dictis demonstrat, quæ in tres classes distinxit. Allegat primo quædam, in quibus origo Christi de cælo & reditus in cælum significatur, & explodit impiam fabulâ quam commenti sunt, quos dicere non puduit, Christum ante cœptum ministeriû in cælum adscendisse, docendi facultate instructû rediisse. Secundo producantur, quibus præexistentia Christi asseritur, & quæ omnia absurdissimum sensum haberent, si Socinianis interpretationibus locus esset. Rejicitur speciatim illa, qua clarissimum dictum Christi Joh. VIII, 58: *antequam Abraham fieret, ego sum*, corrumpi solet, & respondetur ad ea, quæ obijciuntur exphasi Apocalypica *de agno occiso ab initio mundi*. Tertia dictorum classis eorum est, quibus gloria divinitatis expresse Christo tribuitur. Agmen inter hæc ducit Paulinum Phil. II, 6. quod egregie a sycophantia adversariorum vindicatur, ut & divinum illud Johannis præcæmium: *in principio erat Verbum* &c. Joh I, 2. 3. Respondetur immanibus & blasphemis hostium. Christi explicationibus, & recenti commento, quod verba illa Johannis Cerintho aut Gnosticis tribuenda sint. Singulâ dissertatione Arianum systema examinatur, ejusque futilitas ostenditur, 9. 10. 11.

- ditur, quodq; minus sibi constet & cohæreat, quam quod *Socinus* exco-
 gitavit. Deniq; prolixius deducitur, cujus absurditatis, obscuritatis
 & æquivocationis rea fiat Scriptura, imo ipse Spiritus Sanctus, si So-
 cinianis explicationibus locus esset. Vocasset enim Scriptura Chri-
 stum Deum, eique attribuisse, quæ soli Deo competunt, homini nempe
 quæ Deo, creaturæ quæ Creatori; hacq; sive fraude sive incuria ido-
 lolatriam horrendam introduxisset, & Veteris Testamenti vaticinia,
 quæ ad ipsum Deum gloriamque ejus manifesto pertinent, summa
 cum impietate Christo applicasset, si non Deus, sed homo esset.

Seç. IV.

Postremum hoc uberius tractatur *Sessione quarta*. Demonstra-
 tur nempe, cum religio Christiana duabus veluti columnis innitatur,
 dictis videlicet Prophetarum & Apostolorum, quæ se invicem respi-
 ciunt, & inter se connexa & harmonica sunt; tolli tamen omnem
 illum consensum & nexum, ex hypothesi illorum, qui æternam & con-
 substantialem deitatem Christi negant. Proponit igitur dicta, qui-
 bus Prophetæ unitatem & attributa Dei, deinde characteres Messia
 & regulas Judaicæ religionis, denique etiam conversionem gentium
 describunt. Ista omnia (ait) nec vere prædicta fuissent & inspirata
 a Spiritu Sancto, aut non ita enunciata, ut homines errorem evitare
 potuerint. Deo v. g. Prophetæ uni & soli adscribunt creationem
 universi, scrutamen cordium, remissionem peccatorum, judicium
 orbis terrarum &c. eadem tamen etiam Christo, attribuunt Apostoli:
 quid dicendum de his esset, si non nisi figuratè & nescio quam humi-
 li & jejuno modo intelligenda sunt? Promiserunt Prophetæ con-
 versionem gentium a cultu idolorum; quid vero id proficeret, si de-
 terior idololatria erga Christum hominem, non Deum, introducta
 esset? Quomodo excusandi essent Apostoli, qui dicta illa Prophe-
 tarum crude intellexerunt, aut orbem scientes in errorem præcipita-
 runt, si Socinianæ sententiæ deferendum est? Cur Johannes Baptista
 vaticinium Esaia cap. XL. ad se traxit, & præcursores Domini Dei-
 que se finxit, si Christus Deus non fuit? Urget etiam Autor dictum
 Ps. CII, 26: *initio tu Domine terram fundasti* &c. quod Christo ap-
 plicatur Hebr. I, 10. & absurdis adversariorum effugiis occurrit. In-
 signe argumentum affert ex visione Esaia VI, quam disertissime Jo-
 hannes Evangelista cap. XII, 40. de Christo explicat: destruit inde
 violentas adversariorum detorsiones. Idem facit in dicto Ps. XCVI,

6.7. *adore eum omnes Angeli ejus &c.* quod idem ad Christum refertur Hebr. I, 6. Concludit inde, quam cerebrina, allusoria, & inepta fuisset, ex hypothesi Sociniana, omnis illa dictorum Veteris Testamenti allegatio, qua tamen Apostoli os obturabant Judæis, & Gentilibus scandalum auferebant, quod ex induratione Judaica capere poterant; cum etiam hanc prædictam esse ostenderent; id denique vel maxime agebant, ut hominibus Christum adorandum esse persuaderent; eo enim pertinent dicta Hebr. I, 10. *adore eum Angeli &c.* & Phil. II, 10. *flexatur illi omne genu &c.*

Sectione quinta commonstratur, ex eadē hypothesi & Judaicam sive Sect. 1.
Moyfaicam, & Christianā religionem, a superstitione & dramatico ac theatro lusu, imo ab ipsa magia liberari & distingui non posse. Considerat apparitionē Moysi in rubo ardenti factam; ubi certissime præsupponit & evidenter probat, illum qui Moysi locutus est, non fuisse Angelū creatum, sed verum Deum, imo Filium Dei, qui se clarissimis verbis & interrogatus a Moyse Jehovah vocat. Illum vero adoravit Moyses jussus quidem, & ex ejus præcepto populum eduxit & ex ejusdem ore legem promulgavit, omnia frustra & cum summo erroris & imposturæ periculo, & peccato idololatriæ, ex parte Moysi, si aliter sese res haberet. Exaggerat hoc considerando, quam pessime errent, 2.
qui Christum, si non est Deus, inferiorem faciant Angelo illo ex rubo loquente, cujus tamen autoritate tota stabat religio Judaica, & extat clarissimum, quod supra citatum fuit, dictum de præexcellētia Christi super Angelos. Applicat idem ad religionem Christianam, 3.
& confundit adversarios, qui ut Christum, cui divina omnia Col. I. & innumeris aliis locis tribuuntur, non nisi legatum Dei faciant, ex eodem in rubo loquente Angelum efformant. Expendit dictum 4.
Joh. X, 30: *Ego & Pater unum sumus &c.* utque hoc Judæi probe intellexerint vers. 33, nempe quod Christus id dicens se Deum fecerit, & responderet ad objectionem ex alio dicto Christi, quo Apostoli uni inter se esse dicuntur, sicut ipse & Pater unus est, itemque ad verba Christi d. I. v. 33. quibus Judæis prout opus erat, κατ' ἀνθρώπων responderet, notatque, ut hoc responsi genus differat a directo, v. g. cum interrogatus Christus, an esset filius Dei, dixit, *ego sum*, Marc. XIV, 62; tum ab alio, quando ad cogitationes sive præsuppositum responderet, Luc. XVIII, 19. ubi adolescenti dixit, *nemo bonus nisi solus Deus*:

- Deus: sciebat enim se ab illo pro homine solum vel doctore haberi. Subjungit loca plurima, in quibus Apostoli Christum diserte Deum, & quidem cum maximis epithetis nominarunt, qui tamen vel ex Herodis exemplo, & ex communi omnium Judæorum religione sciebant, quanto id fieret cum piaculo, nisi verus Deus esset, cui tituli illi darentur. Deniq; a superstitione, fictione theatra & illusione Satanica sive Magia distingui non posse Christianismum monstrat, nisi stante sententia de ejus deitate. Non salvari gloriam Dei, si dicatur, Christum falsum esse quod Patre minor sit; toties enim aperte Dei nomen & characteres sibi tribuisse. Neque miracula ad confirmandam ejus doctrinam sufficere, si se falso pro Deo gesserit, & idololatriam introduxerit. Demonstratum igitur esse Auctorem confidit, quod demonstrandum fuit in exordio tractatus; Deitatem nempe Christi ita connexam esse essentialiter cum veritate religionis Christianæ, ut utraque simul stet aut cadat.

- Sectione sexta* ad objectiones quasdam responsurus, tria illarum genera facit. Quasdam ait ex ratiocinatione; alias ex analogia fidei; alias denique ex dictis Scripturæ formari. Primo generi plurimum tribui ab adversariis, & ex iis *Smalcium* non veritum esse scribere, satius esse ut qualicunque inventione sensus aliquis Scripturæ inferatur, quam ut ex illa admittatur, quod rationi repugnet, e. g. quod Deus homo factus sit. Huic asserto in genere opponit depravationem rationis humanæ, & quod non ex ratione, sed ex revelatione, & quidem tali salus a Deo offeratur, cujus prædicationem pro stultitia habituri sint homines, etiam sapientissimi. Fides itaque requiritur, neque hac opus esset, si per argumenta ex ratione salvati, aut mysteria Dei capere possemus. Ducimur quidem, ait, per rationem ad fidem, quia comprehendimus, Deum esse infallibilem; discernimus etiam, an loquatur Deus & quid loquatur, & ex principiis revelatis conclusiones formamus & in his acquiescimus: judicium autem de revelatis veritatibus rationi plane abjudicari debet, & blasphemus est Smalcus, cum propositionem, *Deus homo factus est*, ex dictamine rationis rejicit, quæ tamen ex autoritate Scripturæ credenda est, licet nulla ratione percipi aut probari possit. Ad secundum genus sive analogiam fidei referri potest, quod obijciunt de

silence

silentio Scripturæ. Negant enim expressis verbis tradi (quod tamen diserte & sæpe, ut articulus maximi momenti, tradi debuisset,) Deum esse incarnatum; licet Evangelistæ tot alia & minutoria de nativitate Christi memoraverint. Ad hæc monet Auctor, postulandum non esse, ut mysteria fidei in omnibus Scripturæ libris, vel uno sæpius, vel omnia necessaria capita in uno sermone proponantur; deinde quod par probatio fieri possit ex legitima verborum consequentia, ac ex verbis expressis. Allegat argumentum Christi pro resurrectione sive immortalitate animæ, Sadducæis oppositum. Neque deesse ait dicta clara ad probandam incarnationem Dei, v. g. *Emanuel, nobis eximus Deus; Deus manifestatus in carne; Verbum caro factum est.* Eodem refert omnia, in quibus Christus dicitur Deus, vel Dei filius, & divinis insignitur characteribus, unde necessario sequitur, illum esse Deum non minus quam hominem. Indicat rationes, cur quædam mysteria rarius tractentur in aliquibus Scripturæ libris, v. g. de vita æterna in Veteri Testamento, quia clarior de illa traditio Novo reservabatur: dein quod mysteria per gradus sint discenda, & hac præmittendum cibo solidiori, Hebr. V, 14, 12. Inter Scripturæ dicta, quibus Sociniani abutuntur, primum fere est Joh. XVII, 3. *Hæc est vita æterna, ut agnoscat te solum verum Deum & quem misisti Jesum Christum.* Præmittit quædam de diversis locutionibus Christi, prædiversitate status exinanitionis & exaltationis, & iterum rejicit argumentationem de silentio Scripturæ. Notat adversarios sibi ipsis contradicere, cum ex loco hoc Johannis constare putant, Christum non esse verum Deum, cum tamen epitheton illud veri, imo quod perfectissimi modo Deus sit, alibi admittant; citat *Socinum & Smalcium.* Ad dictum vero ipsum ita respondet, ut dicat non magis excludi phrasi illa, cum Pater dicitur solus verus Deus, Christum, quam a Paulo Patrem, cum scribit, se nihil scire quam Christum & quidem crucifixum. Cum enim Pater & Filius unum sint, de utroque accipit, quod de uno prædicatur, junctis nimirum aliis locis ex quibus veritas elucescit. Allegat celeberrimum in Socini schola *Crellium*, qui agnoscat, pronomen *Te* non esse copulandum cum vocabulo *Deus* aut *Pater*, sejungi enim interposito articulo. Post hæc accuratius constructionem illius loci examinat & triplicem facit. Ex omnibus tamen, sive repetitione prioris membri, sive alia satis evidenti ratione hunc sensum eruit,

Cap. 3.

4.

Eccc

ruit,

ruit, ut Christus æque ac Pater solus & verus Deus esse affirmetur. Rejicit instantiam *Crellii* ex dicto 1. Timoth. VI, 16. idque pro sua adducit sententia. Examinat denuo locutionem articuli in textu Græco post pronomen *Te*, & occasionem dicti, idque limitari contendit ex materia subiecta, quia Christus verba illa: *solus verus Deus* (fatentibus adversariis) idolis paganis opposuerit. Urget locum parallelum 1. Joh. V, 21. quo vel Socino concedente Christus dicitur verus Deus & vita æternæ licet alii impudenti cavillo hæc verba ad versum præcedentem retrahant. Ad dictum vero Christi rediens contra *Crellium* observat, Christum, dum necessitatem eognoscendi Patrem & se eandem significat, æqualitatem cum Patre apertissime indicare; præsertim cum agatur non de qualicunque notitia, sed de cognitione salutari, quæ cultum secum ferat. Eandem paritatem deducit ex eo, quod vita æterna utriusque cognitioni tribuitur, & tam Christus quam Pater esse dicuntur vita æterna, non quod eam solum promittant, aut viam nonstrent, sed quod sint origo & objectum. Cum vero *Sociniani*, perperam quidem, evincere velint, nomen Dei non esse proprium, sed appellativum, ex illorum principio colligit, vocabulum illud in hoc dicto ad Christum non minus quam ad Patrem pertinere. Idem dicit de vocabulo *verum*, æ. e. vere existentem & supremum, quod idolis opponitur, una eum vocabulo *solum*, & de hoc monet, quod non semper sit exclusivum, ideoque nec hic Patri tantum, sed & Filio ex unitate essentia competat. Affert locum 1. Cor. IX, 6. *aut ego solus & Barnabas*: ubi Paulus non excludit Barnabam, sed idem de se & illo dicit. Item 1. Tim. VI, 16. *qui solus habet immortalitatem* &c. Hic enim locus si de Christo loquitur, de Patre quoque; aut si de Patre, intelligendus etiam est de Christo; uterque enim habet immortalitatem & reliqua quæ ibi memorantur.

JOSEPHI RAMONII JCI ET ADVOCATI
 Barcinonensis Consilia & Sententia Senatus Regii
 Cathalonie, cum Observationibus Jacobi Balducci, J.
 U. D. & Advocati Foroliviensis.

Bononia, typis Barth. Recaldini, & Jul. Borzanghi, 1689, in fol.

Constant plagulis 142.

Prostant Lipsiæ, apud J. F. Gleditschium.

Novam

Novam hanc Ramonii Consiliorum editionem reticere vel ideo non debuimus, quod tantis nunc accessionibus locupletatus atque altera sui parte auctior liber inter novos recenseri non immerito valeat. Ac de ipso quidem Ramonii opere pauciora nobis erunt dicenda; cum illud, utpote jam ante sexaginta annos in lucem publicam Barcinonæ emissum, eruditis ignotum esse nequeat. Nimirum complectitur hocce Volumen Consilia quinquaginta ab Autore, variis super casibus subinde consulto, operose satis elaborata, & nullibi non copiosis juris interpretum allegationibus suffulta; quorum prolixisque sub finem annectitur integra sententia, (quandoque proluxa satis, & rationestam dubitandi quam decidendi complectens,) in Senatu Regio Cataloniæ postmodo in eadem causa subsequuta, jam secundum auctoris opinionem, jam contra eam concepta. Huic Ramonii labori, cum jam prelo rursus subjiciendus esset, Balduccius egregiam adhibuit operam, dum non solum variis annotationibus ac observationibus ea, quæ ab autore dicta fuerant, illustrare & amplificare satagit; sed præterea varias Rotæ Romanæ aliorumque illustrum Italici Tribunalium *Decisiones*, numero *quinquaginta*, in observationibus ut plurimum laudatas, sed hæcenus nondum impressas, adnexuit ac lectori benevole communicavit. Ac Observationes quidem, (quas raptim velut ob temporis angustiam a se conscriptas, ac per hiemis modo præteritæ spatium, urgente typographo, elaboratas ait,) mox singulis, ad quæ spectant, Consiliis in calce subjecit; Decisiones vero separatim exhibere maluit, sic ut hæc solæ *secundum Voluminis partem* constituent. Quum vero hæc ipsæ, uti dictum, nullibi adhuc in publicum editæ proflent, haud ingratum fore confidimus, si nonnullas earum per compendium ac speciminis loco excerptas in medium hic proferamus. Offert autem sese nobis mox *Decisio I.* qua post antegressas varias disceptationes definitum fuit, Renunciationem hereditatis paternæ, in gratiam licet fratris factam a fororibus monasterium ingressis, non pro personali, sed reali habendam esse; adeoque, ad fratris hujus postea sine prole defuncti successionem venire non posse monasterium illud; sed eam deberi remotiori cognatæ defuncti, aut ejus loco alii cuidam cœnobio, cui ipsa pomen dederat. *Decisio II.* sancit, in testamento, Primogenituram in familiam introducente, vocari omnibus Descendentibus, ex

linea masculina, Fœminas quoque comprehensas putari in casum deficientium masculorum, & consequenter Primogeniti sine mascula, prole decedentis filiam potiore esse agnato ejusdem remotiore. *Decisione V.* statuitur: verba substitutionis concepta sub conditione negativa; non-existentiæ masculorum tempore obitus gravati, vulgarem tantum inducere substitutionem; non fideicommissariam, & sic expirare, si mortis tempore masculi extiterint, utur postea moriantur. *Decisione XXI:* Bonis omnibus (exceptis solummodo ad effectum testandi seu tis 1000, & usufructu bonorum ad vitam) tam præsentibus, quam futuris in filium per donationem inter vivos translatis, cum filius deinde præmortuus esset uxore sua herede instituta, judicatum est, sub universali ista donatione comprehensam non intelligi Legitimam patri ex bonis filii prædefuncti debitam. *Decisione XXIV:* Pro liquidatione fructuum perceptorum, ad quos restituendos possessor condemnatus est, sufficere locationem ab ipso interim factam. *Decisione XXX:* Ex promisso, a fratre majorenni, supplemento dotis, quam non satis congruam a communi parente soror nacta fuerat, fratrem pupillum quoque valide obligari. *Decisione XXXI:* Mutum & surdum simul a natura talem nihilominus, si per signa satis intelligatur, ex concessione Principis valide testari, imo semel iterumque ultimam voluntatem immutare posse; item: Debiti, de quo aliunde non constat, confessionem in testamento simplicem nequaquam adeo validam haberi, quin per subsequutam novam dispositionem revocari rursus valeat. *Decisione XXXVI:* Introducta per fideicommissum universale primogenitura, additoque præcepto de non alienando sub pena caducitatis, si nihilominus deinde ejusdam partis distractio facta sit, alienationem non solum ab hac parte, sed a toto cadere. *Decisione XL:* Dotis hypothecam computari a die promissionis, utut matrimonium sepius consummatum & solutio integro demum vicennio post factam promissionem subsecuta fuerit, uxoremque proinde omnibus intermediis temporis creditoribus in concursu præferri. *Decisione XLVI:* In fideicommissio particulari familia relicto non esse locum representationi, sed simpliciter proximiores tantum admitti. Atque hæc quidem exempli loco adducta impræsentiarum sufficere poterunt. Ceterum præter decisiones has, secunda hujus libri pars duplicem quo-

quoque includit indicem: alterum quidem Consiliorum Ramonii, qualis jam in editione Barcinonensi adjectus fuit; alterum vero eumque locupletissimum, contenta in Observationibus Balduccii ac superadditis Decisionibus completentem. Quod reliquum est, pollicetur Balduccius quamprimum aliud Consultationum pariter de novo imprimendarum Volumen, suis itidem Observationibus collustrandum; id quod proinde dubio procul eruditi nobiscum avidè præstolabuntur.

GAMPEGII VITRINGA SACRARUM OBSERVATIONUM libri duo;

Franequera; 1689, in 4.

Libri posterioris capita octo priora in Actis superioris mensis recensuimus. Nunc de reliquis, quæ maximam partem crucifixionis Christi, tum in vaticiniis tum in scriptis Veteris Testamenti investiganda; destinavit Clarissimus Auctor. Vaticinia illa extant Psal. XXII, 17. seqq. Psal. LXIX, 8, 20, 26, 27. Psal. LXXXVIII, 6. Esai. LII, 13. LIII, 5. Zach. XII, 10. Deut. XXXII, 16. Psal. CXVIII, 22. Horum præcipua eodem fere modo Vitringa explicat, quo & alii Christianorum Interpretum explicarunt. Paradoxa autem cumprimis est illius de Psal. XXCII, 8. sententia. Queritur illic Servator patiens: **קבר שוכני כמור הליכי** i. e. *In mortuis liber extiti, sicut perforati jacentes in sepulchro.* Hic liberi vocem innuere dicit Vitringa hominem, qui ab hominum consortio *liber* siue *separatus* & *exclusus* est, ceu **נעצת דאעמא נגד נעצת דאעמא**, quique eam ob rem inter alios maledictos mortis reos suspenditur *liber*, i. e. inter cælum & terram *medius*. Et quidem *sicut perforati* (non gladio, ut vulgo putant, sed *clavis*, queis cruci affigantur,) *vivi jacentes in sepulchro suo*, cruce puta, in qua ex Romano rum more crucifixorum cadavera permanebant ac feris avibusque dilanianda objiciebantur.

Inter typos familiam ducit *Isaacus ad aram oblatus*. Hic enim imposuit fuit super lignis **לעצת מעל**, quæ (2) ipse *portatus*, fuit (3) *ligatus*, & quidem (4) *nudus*, ac (5) *in altum elevatus*, (6) *vixus*, idque (7) *in monte aliquo*, (8) *e jugo montium*, in quo &

Ecce 3

Chri-

Christus crucifixus est. Octuplici hoc modo typum antitypo respondere, Vitringa pluribus ostendit. Sequuntur *Agnus paschalis* & *serpens aneur.* De illo nihil novi affert Noster. De hoc *Franciscum Burmannum* secutus, asserit, eum non tam ipsius Christi, quam Diaboli cum Christo crucifixi ac in cruce triumphati typum esse. Momorderant (inquit) Israelitas serpentes igniti. Multi ex morstu vel halitu moriebantur. Hoc significabat statum illius gentis praesentem, quo plurimi erant, qui per Diabolum sedacebantur ad mortem. Deus vero serpentem in altum erigi iubet ad pectus; & quidem serpentem aneurum, ceteris similem, mortuum tamen, ut videtur, & viribus suis privatum, ut eos erudiret; instare tempus, quo Diabolus in cruce agendus erat una cum Dei Filio, & in cruce occidendus viribusque suis privandus. Hanc sententiam probat dictis Coloss. II, 14. 1. Petr. II, 24. Rom. VI, 6. quorum prius (in quo vox *desynagogen* conferenda est cum *παροδυσιαγεν* suspendere Num. XXV, 3.) Diabolum in cruce *desynagogen* palam traductum; alterum peccata a Christo in lignum sursum sublata, tertium veterem nostrum hominem cum Christo una crucifixum esse, memorat. Sed digna est tota illa dissertatio, quam ipse Lector benevolus evolvat, ac quid veri ei insit, quidve dubii, perpendat, aequae ac sequens de Israelita suspendendo juxta Deum. XXI, 22. 23. quem Paulus Gal. III, 13. Christi crucifixi typum fuisse, diserte testatur. Sententiam hac de re suam Vitringa his fere verbis inclusit: I. Lex Mosaica de suspendendo adeo fuit generalis, ut ad facinorosos quosvis (אשר יהיה בהם חטא) capitalis poena reos pertinuerit, modo supplicii illius capitalis indoles suspensionem admitteret. II. Mortui, non vivi, suspensi fuere. III. Sensus fuit exemplar maledictionis divinae. Sic enim Moses: קללת אלהים תלה maledictio Dei est suspensus, i. e. suspensus est maledictus a Deo: juxta Gal. III, 13. (Non, ut alius placet, est maledictioni vel opprobrio Deo.) Plane uti Gen. XLVI, 34. תועבת מצרים כל רעה צאן abominatio Aegyptiorum est quilibet pastor pecoris, i. e. non: quilibet pastor abominatur Aegyptios; verum: quilibet pastor abominabilis est Aegyptiis. IV. Maledictionis tamen causa non est suspensio, sed peccatum, suspensio poena dignum. Sensus vero fuit signum maledictionis divinae peccatori incumbens. Dicitur autem suspensus Dei maledictio ty-

pieetantum; primo, in quantum hanc iræ & maledictionis divinæ partem ferebat, ut, eum *Lex* ipsum non posset servare, in exemplum τῆς ἀδυναμίας τοῦ νόμου & παρὰδειγμα τῆς δικαιοσύνης θεῆς & argumentum maledictionis nondum sublata, publice exponi deberet; deinde, in quantum adumbrabat alium, qui propter peccata sibi imposita vere ferret maledictionem Dei, eamque ob causam εἰς παρὰδειγμα τῆς δικαιοσύνης θεῆς a ligno suspenderetur. V. *Suspensus Israelita ante Solis occasum sepeliendus fuit.* VI. *Terra demum post suspensum sepulchrum pura declaratur.* His præmissis, Vitranga confert suspensionem eum crucifixione, quoad nomen, actum & finem. Utraque enim dicitur ירושלם. In utraque lignum διδυμον usu veniebat, maleficus ligno affigebatur loris & funibus, & quidem facie directa ad populum. Utriusque denique scopus erat, ut maleficus aliis esset מוסר εἰς παρὰδειγμα. Confert dein *suspensum Israelitam*, cum Christo crucifixo, sextupliei nomine: (1) *Uterque erat Israelita.* (2) *Uterque reus erat gravissimorum criminum.* Ille priorum; hic alienorum in se fuisseptorum, Psal. LXIX, 6. Esai. LIII, 4. 8. 12. II. Cor. V, 21. I. Petr. II, 24. (3) *Uterque erat reus ejusmodi criminum, propter quæ maledictio Dei ipsis incumbbat, h. e. quæ condonari non poterant, nisi per mortem peccatoris summa demonstratione justitiæ Dei facta fuisset.* (4) *Uterque mortuus est & suspensus ad demonstrationem justitiæ divinæ, & sic factus suis maledictio Dei.* Ille typice; Christus vere, Rom. III, 25. Gal. III, 13. (5) *Uterque, die ad occasum vergente, expiatur, unde sepeliendus erat; Ac sepultura argumento fuit, quod τετέλεσται utrobique sive consummatum fuit satisfactionis negotium.* (6) *Per utriusque sepulturam terra pura esse declarata fuit.* Per sepulturam nempe *suspensi* Judææ; per Christi sepulturam totus passim terrarum orbis; illic typice, heic vere & meritorie.

Progreditur hinc *Vitranga* ad *Sacra diurna* religionis Judaicæ, C. XIII. actum in *preparatione*, tum in *oblacione* sacrificiorum, vestigia eru. eis Christi solenter indagar. Ventilat heic quæstionem: *An ara sit typus crucis Christi?* Affirmat eandem, motus argumentis Johannis Cloppenburgii, c. VI. *Spicilegii scholæ sacrificiorum.* Distinctius tamen respondendum autumat (ob rationes a Coccejo in *Summa Theologia* c. LXI. §. 16. allatas,) juxta triplicem altaris usum in Veteri Te-

stamentum

stamento. Nimirum aram, in quantum *portavit* sacrificium, idque in altum tulit, præfigurasse ait *crucem*, in quam Christus elevatus est. In quantum exhibuit victimam eamque *sicut Deo*, signum fuisse Christi, vel potius divinæ ejus naturæ sustentis humanam naturam ut victimam Deo. Hoc constare dicit ex *Heb. IX, 14. XIII, 10. Apoc. VI, 9.* Denique in quantum *victimam sanctificabat* (*Matth. XXIII, 19.*) nempe per ignem cœlitus delapsum in ea ardentem, *στυβολου* fuisse Filii Dei humanam naturam præparantis, disponentis

- C. XIV. excitantisque ad id, ut victima esset Deo grata. Notat autem Autor insuper, convenientiam *crucis* ac *ara* triplici potissimum capite solvi. Ara nempe holocausti constabat *ex ligno*, sed ære obducto, *Ex. XXI, 1.* Pari modo *crux lignum* vocatur *1. Petr. II, 24.* Deinde eidem quoque aræ imposita fuere *ligna*, quibus superinjecta fuit victima comburenda, *Lev. 1, 7.* Præfiguratum ea *lignum crucis*, quo in *altum elevatus* est Christus. Quin probabile videtur *victicrux*, *ligna* illa in tres quatuorve strues distincta, ad modum *crucis* decussatim fuisse disposita digestaque a sacerdotibus. Eadem *ligna* vero consideranda sunt ut pars altaris, adeoque una cum ara *crucem* representare possunt. Nam adeo illa erant necessaria, ut nec ii ea altari inferre omiserint, qui victimam suam per ignem cœlestem consumptum iri præsciebant, utut nulla alia ignis alimenta adjecta fuissent; cujus rei exemplum habes in Eliæ sacrificio *1. Reg. XVIII, 23.* Observat denique cum *Quiramo ex Maimonide*, profecta holocausti mactati pro universa Judæorum Republica super lignorū strue *eo situ* iterum ordinata ac collocata fuisse, quem *vini animalis* membra olim obtinuerant, ita ut integrum videri potuerit, adeoque propius accesserit ad similitudinem Christi, qui & ipse *integer* ligno impositus fuit.

- C. XV. Excutitur denique vox *תא* *Tav*, qua pii signantur *Ezech. IX, 4. 5.* monstraturque, eam nec *signum crucis*, nec *literam Tav*, sed ali-quod obsignatis signi genus notare. Porto agitur de *unctione sacerdotum*, quam ad *crucis formam* Schickardus in *3. R. H. c. 1. Tb. IV.* peractam esse opinatus fuerat. Scilicet in *Mass. Cheriturb* cap. *I. fol. 1.* traditio est, *affusum fuisse oleum capiti sacerdotis & illitum inde super oculos* *כסין כה יונה* ad speciem *Chi* Græci. Varie de ductu literæ hujus sententiæ apud eruditos occurrunt. Cum autem Rabbi-

Rabbinorum quidam hanc literam dicant ideo in exemplar sacerdotalis unctionis delectam esse, ut responderet literæ *capb* tanquam initiali vocis *Cohen* כהן *sacerdos*, hinc Vitringa conjicit, *Cilli illud Græcicum* fuisse duplex *Capb* Hebræorum ad dorsum sibi obversum, hoc modo: כב Voluisse autem potius duplex כב in fronte sacerdotis pingere per oleum, ut figura magis appareret distincta a forma literæ O, quæ propria erat Regibus. *Enquies* tps loco in sacrificiorum *agitatione* seu motione in quatuor mundi plagas *huc illuc, prorsum retrorsum*, Lev. VII, 30. crucis typus quaritur. Quod autem Levitæ quoque *agitati* dicuntur coram facie Domini, Num. VIII, 11, id, cum super sacerdotis offerentis manibus fieri non potuerit, factum esse ירדה ועליונה כהן ויהבא כהן יתן, *reditu, descensione, ascensione*, ex *Abarbanel*, & hunc sequentis *Cocceji* Lexico, Vitringa adnotat, concluditque, in omni *agitatione* sacrificiali formam crucis ✕ conspicuam fuisse.

Capite ultimo investigatur, quænam *signa* populus Judæus C. XVI. in Messia vero desideret, & olim in Jesu Christo desiderarit, cum miraculis illis illustribus, quæ Servator tantum non quovis die edidit, non contentus fuerit. Vid. *Matth. XII, 38. XVI, 1, 2. I. Cor. I, 21.* Nimirum postulabant Judæi signa ejusdem generis, ac Moses olim ediderat; id quod ex Josepho & Abarbanel multisariam probatur, & loco *Job. VI, 30.* illustrando maximopere inservit. Sed & juxta *Es. XI, 3.* requirebant, ut Messias odoraretur sive nosset, quis mortalium probus esset, quisve improbus. Quod cum Bar-Cosba ignoraret, pro plano habitus ac capitis damnatus fuit, si fides est *Gemara in Chalek*. Hinc lux non temnenda affunditur judicii diversis de Christo latis, *Luc. VII, 38. 39. Job I. 50. IV, 29.*

Tandem, quæ adhuc recensenda superest, prolixa *Præfatio* Operi huic duplici præmissa, accurate ac dilucide, sed in compendio, refert, quid Duumviris Clarissimis, ac in eadem *Franequerana* Academia Collegis, intercesserit hætenus controversiæ de *decem Synagogæ Otiosis*. Vitringa ediderat ante aliquot annos *ARCHI-STYLOGOGUM*, quo de in Aetis Eruditorum A. 1686. p. 223. seqq. egimus, adeoque quantum forsan satis est, diximus, qualem de *Decem Otiosis* hypothesin ille foveat. Huic oppositæ sunt *JACOBI RHENFERDII Lingue Sanctæ Prof. Ord. Dissertationes philologica de Decem Otiosis*

Synagoga, in quibus V. C. Johannis Lightfooti aliorumque sententia de Otiosis examinantur, varia de Synagogis earumque jure, praefectis, ministris &c. asperguntur. Franckera 1687. in 4to. Non defuit causae suae Vitringa. Paulo igitur post excusus est liber hoc omnino titulo insignitus: CAMPEGII VITRINGA de Decem-Viris Otiosis ad Sacra necessaria Veteris Synagoga curanda deputatis, liber singularis: in quo Lightfooti sententia de hoc argumento non ita pridem a se accepta ratio redditur, quaque illis nuper obiecta sunt, difficultates e medio remouentur; illustratis, ubi occasio est, cum locis Sacrae Scripturae, tum antiquis civitatis Hebraeorum consuetudinibus. Franckera 1687. in 4. Libro huic unica plagula respondendum iudicavit Rhenferdus, hoc titulo: JACOBI RHENFERDII Archisynagogus Otiosus ἀνοσιώγητος, ostendens paucis exemplis, quo pacto pleraque omnia, quae nuperrime in Decemviris Otiosis Rhenferdio obiecta sunt, ex Archisynagogo & propriis V. C. principiis atque institutis refutari possint. Franckera 1687. in 4. Integro anno post idem Rhenferdus in publicum emisit specimen Animadversio-num in Decemvros Otiosos, in quo frequentem Decem-Virorum cum Archisynagogo & seipsis pugnam ostendere satagit. Utrique Rhenferdii scripto respondetur a Vitringa in praesenti praefatione, quam Antiquitatum Judaicarum cupidos legisse non pœnitebit.

EXCERPTA EX LITTERIS DN. SALOMONIS Reiselii, D. Consilarii & Archiatri VVurtenbergici, ad — Stutgardia d. 5. Octobr. 1689. datis: Quibus respondetur ad ea, quae Dn. Dion. Papinus in Actis Eruditorum, mense hujus anni Junio, pag 322. proposuerat.

Mense Junio fluentis anni Excellentissimus Dn. Dionysius Papinus, Regiae Societatis in Anglia Socius, & nunc Professor Mathematicos Marpurgi celeberrimus, communicavit ad Acta Eruditorum Lipsiensia Rotasilem Sultorem & Pressorem Hassiacum in Serenissima Aula Castellana demonstratum & detectum cum figura, structurae descriptione & usu plurimorum spe atque demonstratione, per quae aequae felici imitatione sese expressisse confusus est a me olim nominatum saltem & laudatum Sultorem & Pressorem rotasilem Wurtembergicum

gicum, ac felici successu imitatus fuerit *Siphonem Wurtembergicum*, ut in Actis Anglicis publicavit, & Novellæ Batavæ transportarunt: quod egomet confessus sum & laudavi in literis, quarum sensum ex Actis Anglicis Novellæ dictæ extractum citant.

Hic porro Vir Clarissimus ibidem sperat fore, ut ego digner declarare, utrum hic æque feliciter ac in Siphone Wurtembergico, rem acu tetigerit, aut si quid discriminis suum inter & meum Rotatilem suctorem & pressorem intercedat, id non ulterius reticeam: quo possint ex utroque invento majores in orbem utilitates emergere, palamque fiat, quid quisque de publico meruerit.

Quæ cum quidam ex Collectoribus Actorum Lipsienſium mature mihi transmiſerit, ut si liberet, responderem, & ego *Serenissimo Duci Wurtembergico, Domino meo elementissimo* ostenderem, statim atque per militares actiones, quas gerit, licuit esse domi, gratulatus sibi est, quod *Serenissimus Dn. Landgravius Hassiæ* dignatus fuerit civis sui inventum inter cætera artium studia imitari per tam celeberrimæ & ingeniosum Virum. Jussit itaque ut responderem, & tentarem, quantum utilitatis ex ista communicatione & communi labore posset exurgere.

Ego ergo ut & parerem imperio, & tam honestis precibus non deessem, primum dico multum differre nostrum Suctorem & pressorem ab Hassiaco, quia multis aniliis & pneumatibus instructus est, ita ut a fundo pedum sexaginta & plurium in castellum quoddam traxerit & ejaculatus fuerit iterum in totidem aut plures pedes aquam, prout in minori vel majori modulo structa fuerit fabrica, idque continuo & non interrupto radio seu jactu. Quia vero plurimum laboris & studii requiritur in delineando & describendo isto opere, neque jam vacat propter turbas bellicas, volui differre in serenam magis tempestatem, cum *Serenissimus* non invidet publico istam tam utilem & artificiosam machinam.

Cæterum ut non diffido de tantorum usum promissorum usu præstito, ita avide expecto illorum in experimentis magnis publicationem, & ut porro Dn. Papinus, qui tam utilibus tamque gloriosis inventis de publico hætenus bene meritus est, sub auspiciis tanti Medænatæ bene mereri satagat.

Interim ne ego prodesse publice nolle videar, duas ejusdem

usus & finis sed simpliciores machinas communicabo & proponam. Unam quidem, quam *Serenissimus noster* servat in minori forma effacem & utilem, etiam, nisi fallor, in majori amplitudine, cum tantarum sit virium, ut decem uncii longa ejaculetur aquam ultra novem pedes; cujus fabricam & figuram *Sipho Wurtembergicus per majora experimenta firmatus, in vertice effluens, correctus & detectus*, ante aliquot annos promissus, sed nunc sub prælo sudans, proximo mense secum portabitur.

Altera est, quæ Hanoviz in domestico fonte utiliter fuit adhibita, loco antliæ vel vasorum catena & rota elevandorum, cujus modulum ex liberalitate *Illustrissimi Domini Frederici Casimiri Comitis Hanoviz*, gloriozæ memoriæ, possideo ad formam & descriptionem Schvventeri in Deliciis Mathematicis expressam. Hac vero consistit ex rotis duabus dentatis sese invicem comprehendentibus, & insertione sua rotantibus, inclusis tympano ovali, quæ externa alia rota unica vel gemina, vel manubrio circumacta, ab infra per tubum unum attrahunt aquam, per alterum superiorem exprimunt satis valide & copiose.

LETTRE DE Mr. ARNAULD DOCTEUR DE
Sorbonne, à Monseigneur l'Evêque de Malaga &c.

id est,

Antonii Arnaldi D. Sorbonici Epistola ad Ildefonsum Episcopum Malacensem, occasione libelli ab illo editi, qui *Querimonia Catholica* inscriptus est, & Innocentio XI Pontifici dedicatus.

A. 1689, in 12. Plag. 4.

Ildefonsi, Malacensis in Hispania Episcopi, *Querimoniam*, quam *Invocat, Catholicam*, A. 1686. juxta exemplar Madritense recusatam, ad nos pervenisse, non dissimulamus. Ast cum præter invectivas in *D. Petrum Jurium* aliosque, quos pro hæreticis Præsul habet, nihil ferre in eo deprehendissemus, quam quod Ildefonsus contendat, & neque autorem esse libri, qui titulum habet *Thæatri Jesuitici*, neque *Regio sanguine* prognatum esse (quorum utrumque & *Jurium* in libro de Spiritu

de spiritu Arnaldi, & Arnaldus in tractatu, cujus autor esse creditur, de *Practica Morali Jesuitarum*, affirmaverant) factum est, ut in tanta librorum aliorum copia superfederimus *Querimoniam* illam in Actis nostris recensere. Respondere tamen ad eam Epistola hac Arnaldus, celebris sapiusq; nobis memoratus Doctor Sorbonicus, sed Sorbona non minus quam Gallia universa dudum exul, voluit, seu ut Episcopum ea quæ diximus negantem convinceret, seu ut se, quod talia asseverasset, excusaret. Honorifice tamen Arnaldus tractat Episcopum, eique *Celsitudinis* titulum tribuit; sed modeste exprobrat, quod a Jesuitis non modo ad editionem *Querela* illius, sed & eo adigi se passus sit, ut exemplo plane insolito, omnia libelli exemplaria sua subscripserit manu. Hoc non tantum factum esse putat, ut Jesuitis publica recantatione satisfaceret, verum etiam ut hî suspicionem effugerent, ac si ipsi *Querimonia* illius autores essent. Illam enim Gallice versam in Gallia disseminasse dicuntur, ut odium inveteratum in Arnaldum denuo ostentarent, & Episcopi autoritatē *Jurium* & Arnaldum, tanquam ejusdem hæreseos reos sisterent. Utrumque enim Episcopus flammis dignum judicavit, & Jurium cum Arnaldo tyrannici cujusdam supplicii genere copulavit. Imputat autem Episcopo, quod cum primam *Querela* editionem procuraret, neque Jurii, neq; Arnaldi scripta legerit: nam si id fecisset, fieri non potuisse, ut ejusdem ea autoris esse crederet. Imo nec in secunda editione cautiorem fuisse existimat. Hoc inde conjicit, quia unum quidem errorem in nomine *Jurii* commissum (hunc enim prius *Suri-en* vocaverat) correxerit; de altero autem dubius hæserit, & *Practica moralis* autorem, quem Arnaldum esse credidit, ejusdem criminis, quo Jurium, apud Pontificem accusaverit. Turpissime itaque illud illi esse dicit suggestionem Jesuitarum, qui tamen probe noverint, & in aliis scriptis suis falsi fuerint, autorem *Practica* esse Catholicum. Perperam itaque librum illum *Practica* ab Episcopo condemnari, imo temere, quippe quem ab eo lectum non esse appareat, quia indistincte Volumen ejus secundum vituperet. Contineri vero in illo indicat Arnaldus non solum excerpta ex *Theatro Jesuitico*, sed & alia: Epistolam nempe *Ludovici Soteli*, quem beatum martyrem vocat, ad Pontificem: *Didaci Colladi* Dominicani, insignis Missionarii, Memoriale: Excerpta ex *Itinerario Tabernarii*, de reli-

gione Christiana in Japonia: Literas Episcopi *Johannis de Palafox*: Annotationes memorabiles ex ipsa Jesuitarum historia de Missionibus suis; & deniq; Excerpta ex libro de Apostolicis missionibus *Episcopi Heliopolitani*. Hæc omnia vero ait indiscrete ab Ildefonso attribui autoribus hæreticis, conscientia carentibus & scurris. *Sorclum* ait virum fuisse religiosissimum, & literas allegatas in præparatione ad martyrium scripsisse, quas minime suppositas, sed authenticas agnoscat totus *Ordo Franciscanus*. Accedere *Colladi* testimonium, quod rejici non possit. *Tabernarii*, Reformati licet, relationem verissimam, magnoque rei Catholicæ honori esse, ideoque a Batavis omnibus modis impugnari. *Palafoxii* sanctimoniam notoriam adeo esse, ut Jesuitæ ipsi historiam vitæ ejus edituri esse dicantur. Adduntur alia ad defensionem excerptorum, quæ Volumini illi inserta sunt. Quod vero ad *Theatrum Jesuiticum* attinet, monet *Arnaldus*, indicatum jam esse A. 1669, in præfatione partis primæ de *Practica Jesuitarum*, quod *Theatrum* illud sub nomine *Francisci de Pietate* editum, autorem habeat *Ildefonsum Dominicanum*, postea Episcopum *Malacensem*. Huic indicio usque ad annum 1682 (quo altera illa pars *Practica* prodit,) a nemine contradictum fuisse. Fatetur inde, minoris nunc *Theatrum* illud autoritatis esse videri, postquam *Ildefonsus* id a se scriptum esse negasset. Notat tamen, Jesuitas ipsos in nupera Defensione pro novis in India Christianis agnovisse, quod autorem habeat Dominicanum, sed talem, qui ob malos mores Ordinem deseruerit. Veruntamen *Arnaldus* Dominicanum illum nominat *Johannem de Ribas*, virum in suo Ordine æstimatissimum, in quo etiam A. 1688. decesserit, elogio publico a XVI. *Presbyteris Conventus Cordubensis ad D. Pauli* honoratus. Defendit igitur libri veritatem, nec infringi illam putat, quod a *Tribunali Inquisitionis Hispanica* improbatum fuerit: ab illo enim omnia scripta damnari, quæ religiosos lædant. Jesuitas vero ipsos, cum contra veteres monachorum Ordines in Germania scriberent, minime ab his insectandis abstinuisse, imo palam statuuisse, non licitum solum sed & utile esse, ut religiosorum quoque vitia detegantur. Allegat libros, qui tunc sub titulo *Placidarum Disceptationum*, & *Cavea Turturis* prodierunt: imo in nupera Defensione novorum Christianorum paulo ante citata, pro regula tradidisse notat, quod *inter sit reipublica, cognosci malos*.

Infer

Infert inde, Episcopum rejicere *Theatrum* illud non debuisse, nisi constet falsa esse, quæ in illo memorantur, quorum tamen veritatem Arnaldus defendit. Narrat porro, cum A. 1654. *Theatrum* ederet, *Theophilum Raynaudum* Jesuitam, ex maledicentia non minus quàm multa scriptione celebrem, in libello vehementissimo contra Ordinem Dominicanum scripsisse, autorem *Theatri* esse *Goliathum spurium*, & sub verborum illorum contumelia *Ildefonsum* designasse, idque Raynaado a *Johanne Casalo* Dominicano objectum esse. Post annos quatuor Dominicanum quendam Gallum *Contensonum*, virum piûm & doctum, in libro *de Theologia ingenii & cordis*, (de l' esprit & du cœur,) *Theatrum* illud *Ildefonso* palam attribuisse, ejusdemq; libri Approbatores ex eodem Ordine abunde testatos fuisse de fama, quod autor *Theatri* sit *Ildefonsus*. Hæc omnia notissima, fuisse ait Jesuitis, & tamen triginta annis ab edito *Theatro*, & septendecim a publicata prima parte *Præcticae*, minime ausos fuisse opponere, quod nunc fecerint, & diffensione Episcopi probatum eant. Negat tamen huic fas fuisse, ut tam atroci convictio in epistola sua oneraret omnes & pro hæreticis venenatis aut hominibus insensatis & profligatis pudoris haberet, qui illum pro *Theatri* autore agnoverint; minime omnium *Contensonum*, qui summa laude in Ordine suo vixerit & non sine sanctitatis fama decesserit. Ejusdem testimonio utitur Arnaldus, ut mendacii notam a se amoliat, quasi *Ildefonso* genus Regium falso aut malitiose adscripserit. Longe vero majorem & locupletiorem testem citat *Mariam Theresiam* Austriacam, Galliarum Reginam non ita pridem defunctam, quam refert apud *Dominicanos Reformatos* Parisiis in vico *S. Honorati* plus decies dixisse, *Ildefonsum* fratrem suum esse. Allegat etiam Relationes Bruxellis mense Majo A. 1688 publicatas, in quibus idem asseratur. Ultima epistolæ pars occupatur in responsione ad exclamationem Episcopi ad Pontificem, in qua facta allusione ad Doctores olim damnatos, *Arnoldum Brixianum* & *Petrum Abalar-dum*, Arnaldum hunc Sorbonicum & Petrum Jurium insectatur, eorumque libros & corpora flammis adjudicat. Hanc sævitiam non tam Episcopo quam Jesuitis imputat, notatq; quod ille Arnaldum ejusque libros pro Catholica religione scriptos minime noverit, inepte etiam Jurii supplicium a Pontifice petat, qui in illum potestatem non habeat

Falls

Falli etiam ait Episcopum, quod eos qui Jesuitis adversentur, non minori poena dignos judicet, quam qui ipsum Jesum offendant. In fine reparationem honoris sui ab Episcopo poscit & sperat. Ut vero illi aliquam fidem faciat, quis sit & quo pretio Romæ habeatur, subiungit epistolam Latinam a Cardinali *Cibo* d. 2. Januarii 1677 jussu Pontificis ad se datam, cum versione Gallica. Inscríbitor: *Perillustri & admodum Reverendo Domino Antonio Arnaldo Doctóri Sorbonico*; & laudantur in ea libri ab Arnaldo contra Calvinianos *singuláriter studio ac doctrina, nec minori ingenio & eloquentia elaborati*, eique benedictio Apostolica benigne impertitur.

NOUVELLE HERESIE DANS LA MORALE denoncée au Pape &c.

id est,

Nova Hæresis in Theologia morali, denunciata Pontifici, Episcopis, Principibus & Magistratibus,

Coloniz, 1689, in 12. Plag. 3.

Art. I.

Sive idem est autor Denunciationis hujus cum eo, qui *Episcopo Malacensi* respondit, ut quidem ex stylo & doctrina verisimile est; sive quicumque alius eruditione ac judicio illi par; certe is paucis his pagellis magnum Jesuitis negotium facessit. Ansam fuit ex thesibus A. 1686 *Divione* in Collegio Jesuitarum mense Junio a *Stephano Bougot* ad disputandum propositis, quarum prima hæc est: *Peccatum Philosophicum seu morale est actus humanus, disconveniens nature rationali & recta rationi. Theologicum vero & mortale est transgressio libera legis divinæ. Philosophicum quantumvis grave, in illo qui Deum vel ignorat, vel de Deo actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, nec aterna poena dignum.* Hujus thesisi hunc sensum esse dicit Denunciator: Innumera quidem crimina in mundo committi & in posterum commissum iri adversus pudorem, humanitatem, justitiam aliasque virtutes; fornicationes puta, adulteria, peccata contra naturam, homicidia & ultiones crudeles, veneficia, falsa testimonia, calumnias atroces, furta, spolia &c. sed ea omnia esse posse pec-

ca

cata Philosophica, quibus nec Deus offendatur, nec aeterna metuen-
da sit poena, si modo, qui illa perpetrant, aut Deum ignorent, aut
in criminis perpetratione, *actu de Deo non cogitent*. Indignatur ve-
hementer, quod talia in celeberrimo Jesuitarum collegio in Gallia
doceantur, a quibus deterri potuissent, qui vel prima Christianæ
doctrinæ elementa ex Catechismo perceperunt. Miratur eos non
considerasse immane scandalum, ex damnabili hac doctrina fluens,
nempe quod homines seculi, affectibus suis abrepti, damnationis pe-
riculo tanto minus sint subiecti, quanto magis impii sint, sive ut dici
solet, libertini, & in maxima atque continua oblivione Dei vivant.
Succenset autem tanto gravius Jesuitis, quod ex erroris illius lethar-
go evigilare noluerint. Fuisse enim Lovanii Doctorem, qui visis il-
lis thesibus, primam, in disputationis cujusdam fine, in censuram
vocaverit, omiſſa tamen auctoris & loci, unde prodierant, mentione.
Honorem inde omnibus incussum esse: solos Jesuitas immotos & fri-
gidos mansisse. Cum vero postea theses illæ Divionenses integræ
publicatæ essent, e Jesuitis Professore Theologiæ P. de Reux mensis
Decembri A. 1688 hanc edidisse: *Quamvis existentia Dei etiam popu-
lariter sit demonstrabilis, non modo tamen non est proprie per se nota
quod nos, sed etiam fieri potest, ut ab homine ordinarii tantum divine
gratiæ auxiliis prævento ignoretur inculpate. Eripiant hoc nobis, si
possunt, assertum, Philosophici in Burgundiam usque persecutores pec-
cati; sed non poterunt.* Cum igitur hinc pateat, Jesuitas in
errore suo perseverare, & pro Persecutoribus peccati Philosophici ha-
bere qui eum redarguant, absurditatem hujus doctrinæ Autor
demonstrandam sumit, ostensurus tamen prius, quomodo in erro-
rem illum Jesuitæ inciderint. Exponit igitur, quomodo illi sibi antehac
persuaserint, suis opinionibus de gratia, suaq; Theologia morali faci-
lius refutari posse hæreticos, aut converti peccatores. Falsos autem
licet hac spe, non correxisse tamen errata memorat, sed pertinacius
defendisse, & ex illis falsam ideam de Dei misericordia ejusque justi-
tia, itemque de merito Christi & de libertate arbitrii formasse, atque
doctrinam de gratia sufficienti produxisse, quam omnibus homini-
bus, fidelibus & infidelibus, justis & injustis, cæcis quoque & indu-
ratis a Deo dari dicant: misericordiam ejus ex suis cogitationibus,
toto licet cælo a divinis dissidentibus, metientes, quasi plane uni-

Art. II.

verfalis effer, & nifi hæc gratia omnibus hominibus tribueretur, dicta Apostolica & Ecclefia, quod Chriftus mortuus fit pro omnibus, & de libertate hominis, fubfiftere non poffent, nec Calvini hærefis, liberi arbitrii amiffionem docens, refelli. His enim omnibus remedium inventa illa gratia fufficienti quæfitum fuiffe. Allegat *Leffum* ejusque thefes, dudum Lovanii & Duaci condemnatas. Porro, ait, cum experientia tot hominum reclamaret, qui ita vivunt, ut gratia illius omnibus obvia & fufficientis nullum oftendant veftigium, ad refutationem quandam confugerunt, dicentes, adesse illam quidem omnibus ex *parte Dei* & *in actu primo*, sed requiri, ut ad eam obtinendam omnes naturæ vires homo convertat: *facienti enim quod in se est, ex folis viribus naturæ, Deum non denegare gratiam.* Verum hæc quoque *Leffii* propositio inter damnatas *decima oitava*, pro Pelagiana habita, & postea a scholâ Moliniana deferta fuit, & reducia prior de gratia fufficienti, non illis tantum, qui eam per vires naturæ trahere ad se velint, sed omnibus hominibus obvia & exhibitâ. Hæc satis constare dicit Autor ex scriptis *P. des Champs*, & Jesuitarum in universum. Refert porro, cum neque hanc sententiam adversus tot objectiones tueri poffent, aliam viam ingreffos esse, qua peccatores adversus iustitiam Dei protegerent, eaque ratione de his melius meritos esse quam dogmate de gratia fufficienti, quia hæc plurimis oneri potius quam folatio fuerit. Novum itaque inventum jucundius & commodius esse, dum ex thefi illa *Burgundica Divionensi* fequatur, tanto remotiorem esse ab ira Dei unumquemque, quanto remotior fit ab ejus lumine & gratia. Hoc ut probabile facerent, pro principio assumiffisse (ex *Baunio Sum. peccat. p. 906.*) quod non peccetur nifi voluntarie; *voluntarium autem non fit, quam quod fiat a principio cognofcente fingula, in quibus est actio*; inferri inde, actiones præcipitanter & sine diffuffione, bonæ an malæ fint, quæ aguntur factas, neque bonas neque malas esse. Verum hoc principium apertæ falfitatis accusat Autor, cum vel ex *Aristotele* III. *Ethic. ad Nicom.* constet, ignorantem boni & mali non facere actionem involuntariam, sed vitiosam; ignorantia juris & officii non excufari, sed augeri culpam. Addit alia ex lib. VII. *Ethicorum*, & ex *Augustini* lib. I. *Retract. cap. 15.* cui contradicant Jesuitæ, docentes, passionem & confuetudinem tolli ufum rationis; inde enim fequi, excufatiorem esse, qui tam profunde

finde in habitu malo hæreat, ut actû de Deo cogitandi magis magisque amittat. Factum inde, ut propositiones tales anno 1641. a Sorbona, & A. 1658. a *Senonensi & Parisensi Ecclesia* condemnatæ fuerint. Nihilominus, ait, Jesuitæ A. 1683. libello, sub nomine *Ulrici Jonsoni* publicato, thesin veluti communi Theologorum doctrina (paucissimis exceptis) stabilitam venditasse, *ad peccandum formaliter requiri notitiam malitiae*. Item in Catechismo Antwerpæ sub titulo *Instructio- nis ad primam communionem*, edito & octies jam recuso statuisse: *nemo peccat, nisi quatenus scit & intelligit malitiam peccati*. Et *Aquis Sæptis* A. 1686. theses propalasse, in quarum fine dicatur: *Conscien- tia circa illicitum intrepida, excusat a peccato*. Præmissa hac de

Art. III.

origine & progressu dogmatis Jesuitici relatione, procedit Autor ad thesin *Divionensem* de distinctione peccati Philosophici & Theologi- ci, & graviter monet, quam noxia ex hac oriuntur sequelæ. Illa enim stante, dicit, atrocissima quæque crimina, adulteria, homici- dia & similia non merentur poenam æternam, imo nec Deum offendunt, nec ex statu gratiæ hominem deiciunt, si in committendo crimine actu non cogitaverit de Deo, sed affectu suo, ut plerumque fit, abreptus sit; vel si cognitionem Dei non habeat, qua quidem ante Evangelii prædicationem ex paganis innumeri caruerint. Hu-

Art. IV

jus dogmatis impietatem manifestam quidem esse ait, resutandam tamen sumit ex S. literis, per dicta Ps. LXXVIII, 6, *effunde iram tuam in gentes, quæ te non cognoverunt, & in regna, quæ nomen tuum non invocant*. Jerem. X, 25. ubi eadem fere leguntur. Eph. II, 11. IV. 17. 1. Thess. IV. 5. ubi peccata gentilium graviter damnantur. Rom. II, 11. 12. ubi par ira & damnatio peccatoribus Gentilibus & Judæis denunciatur. Quærit, in quam partem collocaturus sit Jesuita in extremo judicio peccatores philosophicos? Duas enim ibi tantum classes a Christo constitui; ad neutram vero ex sententia Jesuitica referri posse, qui philosophice peccaverint: neque enim piis, sine piaculo accensendos fore, neque etiam damnatis aggregandos, quia Deum non offenderint, ex ignorantia peccantes. Igitur ex sententia Jesuitarum, maximam Paganorum partem, utut abominabilem, & Apoc. XXI, 8. descriptam, in stagnum ignis, quo mors secunda sive infernus figuratur, præcipitandam non esse, neque lo- quum fore dicto Paulino supra ex Rom. II, 12. allegato, quod pe-

Gggg 2

rituri

- rituri sint sine lege, qui sine lege peccaverint, & ipsum Neronē foedis-
simorum licet criminum reum, impunē futurum esse, quia ex ignoran-
tia peccaverit. Destruir inde alteram quoq; exceptionem, qua a poena
excusari dicuntur, ex sententia Jesuitarum, *qui actu non cogitant
de Deo*, i. e. Christiani, qui Dei quidem notitiam habent, sed
affectuum imperio succumbentes, de Deo, dum peccant, non co-
gitant. Hos tamen damnari monstrat a Davide Pl. IX, 10. XLIX, 21.
ubi utrique loquatur de Israelitis Dei notione instructis, sed qui sint
ejus immemores. Ita excusari ait impudicos senes Susannæ corrup-
pendæ intentos, qui in historia v. 9. dicuntur *vertisse sensum & ocu-
los suos declinasse, ut non viderent in calum*: evasuros etiam turpissi-
mos quosq; *Amnonem puta, Benjaminitas*, & alios brutalilibidine gras-
santes. Addit exempla ex vita communi, ex quib; nihil sit verisimilius,
quam plerosq; ex affectuum suorum malitia & impetu, in actu peccandi
de Deo non cogitare, sive quod non putent prohibita esse a Deo quæ
perpetrant, vel quod sperent se illum jam non offendere. Tales scilicet
omnes, ex opinione Jesuitica, tantum peccare philosophice. Hoc,
scribit, si verum esset, non peccasset Synagoga Joh. XVI, 2. quæ
Apostolos interficiens *arbitrabatur, se præstare obsequium Deo*, aliter
judicante Paulo I. Thess. II, 15; nec ipse Paulus tantopere de pec-
cato suo dolere debuisset, I. Tim. I, 12. Gal. I, 13. Addit exempla
hæreticorum quos vocat, qui falsa fiducia causæ suæ in Gallia sævie-
runt in Catholicos, & Atheorum, qui dicunt, *non est Deus*, & tamen
Art. VI. corrupti sunt & abominabiles, Pl. XIII, 1. Transsit hinc ad distin-
ctionem peccatorum *mortalium & venialium*, a Calvinianis rejectam,
aut alio, quam a Catholicis fit, sensu explicatam. Dicit tamen, ne
a Jesuitis quidem, licet in dissertatione sua thes. V. eam asserant, recte
explicari. Sequi enim ex collatione cum thes. I: omnia peccata
Paganorum, qui Deum ignorant, nec non Christianorum, qui de
Deo *actu non cogitant*, venialia esse. Hunc errorem pejorem Cal-
viniano habet, quo statuatur, electos nunquam mortaliter peccare.
Expendit eorum exempla, qui affectibus subacti actu non cogitant de
Deo, ostenditque quam periculosa sit hæc opinio in disciplina Ec-
clesiastica, maxime in confessionibus. Ultimo ad thesin Jesuitæ
Art. VII. *P. de Reux* responderet, qui Burgundicam ea ratione defendere co-
natus est, quod existentia Dei absque culpa ignorari possit ab homi-
ne, or-

ne, ordinariis tantum auxilii gratiæ instructo sive præventò; unde ex Jesuitæ argumentatione sequi videtur, etiam alia peccata sine offensa Dei ex ignorantia committi. Sed Pelagianismi condemnat hanc exceptionem Autor, dicens ignorantiam Dei ex peccato originis oriri, aut ejus poenam esse, & ex hoc tot myriades hominum, v. g. in America, justè a Deo damnari, quibus nulla specialis gratiæ ad cognitionem Dei data esse appareat, qui tamen omnes, si Jesuitis credatur, non nisi philosophice peccarint. Deterius eos errare ait, quam *Caramuelem*, ex omnibus probabilitatis assertoribus audacissimum. Hunc enim statuere quidem, salvari posse, qui invincibiliter ignorent Deum; sed addere, nisi peccata mortalia committant. Jesuitas vero nec agnoscere mortalia peccata in illis, qui invincibiliter Deum ignorant. Subjungit patheticam ad Societatem Jesuitarum exhortationem, ut sententias tam enormes ex scholis suis eliminent, minime sanè defendant, sed publice potius retractent, neque gratiæ aut opibus fidant, quibus censuram evitari posse sperent; hoc enim ipsum ad scandalum publicum & opprobrium Ecclesiæ pertinere: agnoscant potius vulgatam thesin juris Canonici, *quod omnis ignorantia juris naturalis in adultis sit damnabilis.* Hæc ex charitate se ab illis petere asseverat, & exemplum thesum Divionensium integrum in fine adjungit.

THOMÆ BARTHOLINI THOMÆ FILII AN-
tiquitatum Danicarum de causis contemptæ a Danis
adhuc gentilibus, mortis libri tres, ex vetustis codicibus &
monumentis hæcenus ineditis congesti.

Hafniæ, A. 1689. Constant quatuor alphabetis.

Posteaquam *Thomas Bartholinus*, clarissimus cognominis Parentis Filius, isq; Professor hodiernum Hafniensis, archivorum quoq; Secretarius a Potentissimo Rege suo fuit constitutus, nihil prius antiquiusque ex illo tempore habuit, quam ut patrias antiquitates, quæ in tenebris latitabant hæcenus, erueret, atque oblivioni ulteriori eximeret. Nec parum operæ atque laboris in hoc patriarum antiquitatum studio fuisse ab eo collocatum, vel hi libri satis uberes lo-

Gggg 3

cuple-

Cap. I.
libri I.

cupletesque testes esse queunt. Placuit autem viro doctissimo unum prater cetera argumentum, de causis videlicet contemptæ a Danis adhuc gentilibus mortis, percensendum sibi sumere, & promissis veluti loco, *Regnorum Borealium Antiquitatibus Ecclesiasticis*, quarum volumina in dedicatione horum librorum promittit, præmittere. In primo libri primi capite, ubi de timore militibus excutiendo agit, fundamenti quasi loco præstruit, Palnatokonis Dani, qui Julinum seu Jomsburgum, abs Haraldo Blaatand Danorum Rege antehac conditum, de integro condere aggressus fuerat, legem inter alias Martiam, ex Danica lingua in Latine sic translata: *Vir nemo Jomsburgi existeret, qui timoris verbū protulerit, vel quid apprehenderit, licet ad periculosissimum statum redactus fuerit.* Ostendit etiā eople loco Bartholinus, Jomsburgenses non aspernatos tantum mortē, sed & eam cum hilaritate & quiete fuisse præstolatos. Nec aliam cæteris quoque Borealiū populis ante prædicatū illis. Christum fuisse mentem. Producit etiam Agnerum, Halfum & Illugum, præse Danicæ Heroas, qui intrepidi, imo, cum risu mortem exceperunt. Quandoquidem vero plerique alias homines mortem reformidant, operæ pretium se facturum Autor non abs re existimavit, si inquireret, quibus mediis, quoque naturali instinctu Dani olim, Christianæ fidei & æternæ beatitudinis noticia necdum imbuti tam animose mortem optetierint. Hujus autem ἀποβίης primum incentivum allegatur immensum gloriæ studium, quo veteres Dani non minus, quam Romani, quorum & dicta & exempla asseruntur, flagraverint; producunturque exempli loco Rex Rolfus cum pari pugilum suorum, Amlethus Jūtiæ moderator, nec non pater & filius Gunno & Grimō, Thelemarchiæ Duces, qui omnes gloriæ immortalis spe inescati ad fortiter moriendum seipsos exstimularunt; a qua sententia nec Canutus, Dux Slesvicensis, mitioribus licet Christi præceptis longo post intervallo innutritus, alienus, teste Saxone Grammatico, fuerit. Fuisse autem & ingens ad fortitudinem in bello exercendam calcar partitionem prædæ captæ per legem Frothonis introductam, & a Palnatokone quoque Jomsburgensi juventuti præscriptam. Ita enim habebat hujus lex: *Omnia in expeditionibus capta, majora cum minimis, ad bastam portentur.* Sed prolixius ea consuetudo describitur ex MSS to membrano. Nimirum vexillum intra septa circula

ria a signifero fuit erectum, omniaque illuc ad divisionem faciendam
comportata; qui mos cum apud Romanos quoque obrinuerit, hasta
subijci dicta sunt bona omnia, quæcunque publice fuerunt vendita.
Et quid notius penes Latinos autores hasta præeonis, vel hasta vendi-
tionis & emtionis? Videndus hic *Junius Rabirius*, qui tractatum,
Bartholino iudice elegantissimum, de Hastarum & Auctionum Ori-
gine collegit. Utilitati autem ex præda capta redundanti antelatum Cpa. III.
fuit gloriæ studium, seu mors pro Republica; atque hinc non in le-
tulo, sed in acie mori optabant Dani, uti e. g. Harakdus Rex Hyde-
tand, Balderus, Egillus Ulfserkus, & Bodvarus Biareo Rolfi Regis
Heros; quorum hic in conflictu malebat cadere, quam incendio
absumi; quod genus mortis & Skarphjedinus exhorruit, hostem sub
dio expectare consultius ducens, quam comburi. Inglorium
enim videbatur cremari; atque hinc clam intra domus cremati suas,
qui ultima mortis gloria inimicis non videbantur digni; qua de re
exempla non una ex historia Danica ab Autore adducuntur. Quod Cap. IV.
si forte contingeret, ut in prælio non morerentur Dani, aut sibi ipsis
inferebant manus, aut ab amicis occidi malebant. Priori mortis genere
occubuisse memorantur Hadingus Rex Danicæ, & Hundingus Rex
Sueciæ, quorum hic ob falso acceptum de morte Hadingi confede-
rati nuntium, in ipso opiparo convivio in dolum cerevisia plenum
se præcipitavit; ille ut parem veneratori gratiam referret, sese ipsum
publice suspendit. Posteriori Stareatherus, qui, postquam castra
ab incunte adolescentia secutus fuerat, viribus tandem defectus ab
amico Hathero, viro bellicoso, volebat interfici. Hac occasione
mentio fit Societatis, *Fostbrædrag* dictæ, quæ ea lege a priscis Da-
nis fuit inita, ut, diutius qui viveret, mortem alterius ulciscer-
etur, si armis vitam finire cum contigisset. Sed quia lex isthæc legi
Christianæ deinceps introducta, quæ homicidium districte prohibet,
adversabatur, heroicus alius moriendi modus Danis placuit.
Exempli loco assertur Sivvardus Danus, sed Huntýngdoniæ, West-
merlandiæ & Northumbriæ quondam in Anglia
Comes. Hic, cum posttatem in bellis peractam profluvio ventris
sibi moriendum esse intelligeret, nolens vaccarum more, uti loque-
batur, succumbere, plena armatura indutus fortissime militis instar
obijt; cujus exemplum Maximilianus Egmondanus, Buræ Comes,
Bruxel-

Bruxellis angina laborans, cum mortem ipsi certissimam Andreas Vefalius, ingentis celebritatis Medicus, prædixisset, imitatus quadantenus fuisse ex Thuani lib. V. adnotatur. Scilicet armis ante obitum indui, valde videbatur heroicum. Sed illud oppido quam honorificum habebatur, si quis vulnera pectore excepta posset ostendere. Sivvardus certe laudatur, qui cum filium ex vulnere antea accepto cecidisse audivisset, *gaudeo plane*, dixit, *non enim alio me vel filium meum digner funere*. Nominari autem præter alios hoc loco meruit Ubbo Fresicus, ex Fresia minore, Daniæ provincia oriundus, qui ingenti strage hostium edita, non nisi pectus centum & quadraginta quatuor sagittis confossus cecidit. Gloriosam autem minime erat in facie, vel tergo vulnerari, & maxime quidem in illa corporis parte, quæ Danis *Klambügg*, Græcis *κλῆμυγ* dicitur; quemadmodum & natium mutilatio probro vel maximo vertebatur. Probrosa etiam

Cap. V. Daniæ erat captivitas, eaque famæ dabatur cura, ut morituri nihil quicquam timoris verbis proderent. Exemplo sunt juvenes octo Jombsburgenses ad mortem ducti, quorum & masculæ voces ante interneccionem ad *Thorkillum* editæ referuntur. Quin nec ad ictus connivere absque nota timoris licuit. Memoratu itaque hic digni visi Haraldus Hyltetandi Regis Daniæ aulici & milites; nam si quis horum versibilibitate palpebræ, ut Saxo loquitur, timidius conniveret, mox aula ejectus stipendiis defungebatur; quos Suanto Stare Sueciæ Gubernator fuit imitatus, nullo in familiam suam adscito, qui securi in faciem cæsus conniveret. Memorabile est, quod de octavo Jombsburgensium supra dictorum juvenum, cui Vagni fuit nomen, refertur. Hic æquo animo se moriturum dixit, si votum prius suum effectui dare posset. Ubi illud observavit Autor, Danis olim nihil ignominiosius fuisse visum, quam votum semel conceptum ad effectum non perduxisse, mortemque ideo impavidos adiisse eos, saltem voti ut sui damnarentur. Voverat autem Vagnus, se in Norvegiam si veniret, cum Ingeburge Thorkilli filia communi usum lecto, Patre licet & amicis refragantibus, & ipsum Thorkillum quoque occisurum. Quod votum cum intrepide exposuisset Thorkillo, hic, ut votum Vagnus suum adimplere haud posset, gladium utraque manu in eum vibravit. *Sed Vagnus* (utar versione Bartholini Latine ex relatione Danica) *ante Thorkilli pedes se in terram projecit; Thor-*

killum

killus Vagnum non attingens, funiculum, quo ligatus erat, improvise
 dissecuit, ita ut Vagnus solveretur, Thorkillus autem isum frustratus,
 pronus caderet, gladio ex manu ejus dilabente. Vagnus celerrime se in
 pedes erigens, dimissum ensē arripit, & totis viribus incumbens Thor-
 killum Leyra circa humeros secans in duas partes divisit, gladio in-
 super terra infixō. Hunc vitæ exitum Thorkillus Leyra habuit. Va-
 gnus exclamat: Dimidium nunc voti perfeci, ac sodales meos aliqua-
 tenus ulius sum, quocirca equiori animo mortem subeo. Sed Ericus
 Haquini filius ei & vitam, & Ingeburgem Thorkilli filiam donavit. De
 hac Vagni magnanimitate, cæde Thorkilli, & Erici Comitis bonita-
 te, vetustissima loquuntur carmina, quæ Bartholinus ex antiquitate
 Danica cum versione Latina hoc ipso capite V. protulit. In sequenti Cap. VI.
 veteres Danos tam impavidos fuisse ostenditur, ut ne cum Diis qui-
 dem bellicis, quos vana effinxerat credulitas, pugnare formidarent.
 Ita Hotherus Daniæ Rex contra Balderum Sueciæ Regem dimicatum
 erat, quem Othinus & Thorus, sacraque Deum agmina tuebantur;
 & Bodvarus Biarco, se Othinum ipsum, si conspiciendum se daret,
 prosternere velle dixit. Nimirum Danis ipse gladius & robur dextræ
 erant loco Numinum, ut Mezentio olim Virgiliano, & Scythiis an-
 tiquissimis, quibus non tam Mars, quam ipse gladius divino honore
 fuit cultus. Commodum hic agitur de gladio Martis apud Scytharum
 reges semper habito, quem forte fortuna repertum cum accē-
 pisset Attila, hunc divinitus sibi destinatum credidit, ut flagellum
 divinæ iracundiæ esse posset; nec non de juramento Scytharum per
 gladium & super arma facto, quale & Romanis ac Quadis, imo & Da-
 nis olim fuit usitatum. Nam uti gladio atque armis se protegi
 rebantur Scythæ cumque illis Dani, ita ea tanquam Numina sua
 seu Deos tutelares venerabantur. Sic dextræ quoque suæ ac viribus
 non secus ac Diis confidebant, unde & Deastris ut sacrificarent,
 induci quidam non poterant, uti Kiartanus, Oddus, HaHus ali-
 que plures ex Arngrimo Jona adducti. Agnoscebant enim hi,
 idola ac simulacra mera esse ludibria; quanquam saniores qui
 erant, cum qui Solem & totum hoc universum creasset, devotè
 adorabant, ut Giestus, Thorsteinus, ejusque frater Thorus, Thor-
 killus Mani, & Haraldus Pulchricornus Rex Norvegiæ, cujus &
 hæc notabilis vox erat: *quæ dementia est, si eum mihi aut aliis opem
 lasurum sperem, cujus regnum excavata arboris trunco, aut unius saxi*

Hhhh

baff

- Cap. VII. *hæsi per angustia terminatur?* Quandoquidem vero multitudo hostium vel fortissimos potest percellere, Dani veteres fugam summæ infamix habebant loco, itaque ad fortiter pugnandum iurejurando se obstringebant, legesque pariter severissimas in primo fugientes statuebant, quale quid Romanos quoque ac Spartanos fecisse in comperto est. Nullum certe apud Danos facinus fuga magis infame ducebatur, & qui fugam capeffiverat, Niding appellabatur, quæ vox hominem hodie sordide parum, olim summe infamem, imò sceleratum ac nequam, uti & *Nidingswerck* infame scelus significabat, deducta a vocula *Nid*, quæ generatim ignominiam & infamiam, speciatim perticæ cum notis quibusdam infamiam alterius, vel ejus, qui provocatus ad certamen non comparuerat, exprimentibus, erectionem denotat. Cujusmodi perticis irrisoriis cum & imprecationes inscriptæ fuerint, unam memorabilem affert Bartholinus, hastam nempe Egilli Scallagrimi, quam in Erici Blodoxi, & Gunnhildæ Reginæ contumeliam erexerat, quam vide. Pergimus enim cum Autore ad tumulos veterum Danorum in memoriam defunctorum, sive crematorum sive humatorum aggestos. Nam uti gloriæ perennantis studio mirum quantum erant incensi, (uti ab initio indicatum est,) ita perfunerum monumenta vel maxime æternitati consecrari se posse arbitrabantur. Cæterum cum penes illos aliud tempus dicatur combustionis, idque vetustius, aliud humationis, utroque memorix defunctorum, Regum maxime, & fortium Heroum, quorum non pauci memorantur, pertumulos vel colles extructos fuerunt continuatæ. Humatio autem vel propter viam facta, ut humatorum memoria penes prætereuntes quoque renovaretur, vel sub montibus, vel in ipsis montibus, quibus & lapides sepulcrales a filiis ac nepotibus vel amicis, non sine epitaphiis seu inscriptionibus sunt impositi. Epitaphia scripta ab Adelfrunis fuisse Olaus Wormius in Fastis refert, non alios haud dubie intelligens, quam Scaldos seu poetas antiquissimos, e quibus & Hiarnus fuit, qui post Frotho-nem Regem Daniæ extinctum, ob scriptum huic epitaphium Rex a Danis, deficiente alio e regia gente successore, creatus est. Præter epitaphia autem, & carmina fuerunt composita, *Bragarbot*, & *Bragarfall* dicta, eaque in convivii & evacuatione scyphorum, non in honorem tantum Regum & Heroum, sed in Deorum quoque ipsorum cantati

cantari solita. Quam veterum septentrionalium consuetudinem ut abolerent primi Christianæ apud illos fidei seminatores, scyphos id genus in memoriam Dei Patris & Jesu Christi, (cum idololatria extirpari non aliter posset) haurire, sed devoto cum cultu, jusserunt. Facta etiam inter pocula recordatio B. Mariæ virginis, & S. Olai regis, qui verum Dei & Christi cultum instituerat. Convivia etiam non in hujus tantum, sed & aliorum, Canutorum imprimis duorum, & Erii regis honorem ac memoriam celebrata, per Fraternitates certis legibus adstrictas, quas *Gildas* hinc appellabant. Ipsa pocula in honorem defunctorum ebibi suta, dicta ex veteri instituto *Minni*; quanquam & pocula in honorem Deorum evacuata sic nominata; quæ & *Bragarfull* audiebant, a Deo Brago, cui consecrata primitus fuerant. Ad aternandam autem Heroum memoriam, grandia quoque saxa erexit vetustas Danica; qualia in præliorum quoque memoriam, trophæorum in morem, erecta fuisse Wormius in Monumentis Danicis demonstravit. Monumenta id genus saxea *Baurestene* lingua Danica appellantur. Tale est *Chorea Gigantum* in planitie Angliæ Salisburienſi, dicta communiter *Stoneheng*, ut & monumentum in agro Oxoniensi, vulgo *Rolle-rich Stones*, aliaque in Anglia plura a prædictis Danis condita. Sed plura ejusmodi saxea monumenta ex Dania ipsa, præeunte Saxone, profert Bartholinus. His gesta Heroum fuerunt impressa certis figuris & literis, & quidem consilio *Spekingorum* h. e. civilis sapientiæ professorum, quibus & Runicarum literarum inventum non obscure adscribit Verelius in Runographia Scandica. Exempli loco hic offertur Lapis Tileſensis, inque are expressus, a Wormio quidem jam explicatus, sed paulo aliter in quibusdam a Bartholino interpolatus. Nec durare melius potuerunt res gestæ, tam duris codicibus comprehensæ; cui durationi & atramentum indelebile inserviebat, ex pice, sanguine Phocarum aliisque ejus generis confectum. Erat autem & alius apud posteros innotescendi modus, per scuta videlicet, in quibus fortium virorum gesta cælata depictaque circumferebantur. Tale scutum erat Amlethi, quod omnem operum ejus contextum exquisitis picturæ notis adumbratum exhibebat. Tale & illud, quod Haquinus Norvegiæ Comes Einaro Skalaglammo donaverat; nam & huic antiquæ historiæ inter incisuras erant inscriptæ. Fuerunt præterea in veteri

Dania, qui historias & acta majorum, vel domuum parietibus inscribi, vel aulaeis intexi, vel ligno insculpi curarunt; quemadmodum & litera amatoriarum ligno sunt insculptæ, teste bacillo amatorio; cum

Cap. X. jus clypon a Wormio lib. 5. exhibetur. Villia autem hæc monumenta videri possunt præ illis, quæ de dicere jam instituit Bartholinus, præ carminibus scilicet Poetarum seu Scaldorum. Neque enim historia aliunde sumpsit initium, quam a Poesi vetere, & Danica quidem historia ex Scaldorum versibus. Minime enim vilipendebatur olim ars poetica, sed inter ipsa Principum ornamenta referebatur, Poetæque ipsi non nisi maximo in honore ac pretio habebantur. Sane Haraldus Hardraade Rex Norvegiæ de itinere suo in Pontum Euxinum, & illustri in Asiæ expeditione, sedecim composuit cantilenas, quarum fragmenta nonnulla Bartholinus ex membrana & protulit & Latine exposuit. Verum & alii Heroes sua facta ipsimet eccinere, præsertim instantibus vitæ extremis, uti Regnerus Lodbroc, in carcere a colubris jam consumendus, Asbiornus Pruda Hero Danicus, cum immaniter a Brusone per extractionem intestinorum torqueretur, cujus & cantio cygnea h. l. recitatur, & pugil famosissimus Orvarodds, qui ante ultima & ipse memorabilia per se parata metris Danicis inclusit. Longe autem satius est aliorum, quam propriis laudibus inclarescere. Selecti itaque eam in rem Scaldi, antiquissimum doctorum genus, qui & potentissimorum Regum erant consilarii, negotiaque illorum omnia in toga & sago cognoscebant. Quamvis enim Gothi ex Scandia tanquam ex vagina gentium in alias oras digressi, Marti litarent, non Musis; remanentes tamen & patre fruentem non civilia tantum studia, sed literas quoque & artem Scaldicam in pretio habebant excolebantque. Haraldus certe Pulchricornus Scaldos maximi æstimavit, primumque omnium inter aulicos suos locum tenere jussit; unde & Snorro de eo in præfatione Chronici Norvegici *apud Haraldum Regem Scaldi erant, quorum carmina adhuc memoria tenentur, ut & carmina de omnibus regibus, qui ab inde in Norvegia regnarunt, composita.* Idem Scaldi in expeditione bellica Regum ac Principum fuerunt comites, ut res *ἀντορεγῶν* visas describere tanto melius, carminibusque suis transmittere ad posteritatem possent; qua fini Haquinus Norvegiæ Comes, contra Jambsburgenses pugnaturus, quinque Scaldos

Olaus

Olafus Haraldi Rex Norvegiæ, fatalem sibi pugnam commissurus, tres Scaldos secum duxit. Sic in Bravica pugna, una ex acerrimis in Septentrione pugnat, Haraldo quatuor adfuerunt Scaldi; Ringoni duo; quem quidem morem Poetas in bellorum ardua ducendi, Dani cum aliis quoque gentibus, Persis puta, ac Celtis communem habuerunt. Cum autem poetæ alias res non tam quales gesta fuerunt, sed quales geri debuerunt, describere soleant, Scaldi non alia componebant carmina, quam veritati consentanea, eaque a sapientioribus & senibus approbata, quæ & ideo tanquam fide digna se secutum Snorro Sturlæsonius in historia Norvegica conscribenda proficitur. Erant autem Scaldi maximam partem ex Islandia oriundi, a quibus & multum se profecisse scribit Saxo Grammaticus; quanquam non modo longo post occupatam a Norvegiæ Islandiam tempore, sed & pluribus retro seculis, historiæ & res gestæ majorum per memorias & relationes ad posteros fuerunt devolutæ. Plurimum autem fidei Scaldorum carminibus & relationibus tributum est, deficientibus interim, qui relationes id genus scripto complecterentur; vel in unum corpus redigerent. Fecit id tandem Theodoricus Monachus in historia de antiquitate Regum Norvagiensium; qui & non nisi relata ac fando percepta se enarrare, nec alia enarrare se potuisse scribit; eo quod in Norvegia nullus ante se scriptor unquam extiterit. Cœperunt autem Islandi, si Bartholino credas, historias scribere A. Christi MC XIV, facto initio a famosissimis Dæm-viris *Sæmundo Frode & Ara Frode*. Horum ille A. C. M LVII natus, post perlustratas Italiæ & Germaniæ Academiæ, de rebus regnorum Borealiū, Danici in primis, Norvegici & Suecici, immensa volumina singulari solertia conscripsit, sed de quibus nihil conspexisse se Autor ait, quam *Eddam* variis odis constantem, & a Sæmundo unum in corpus digestam, atque hinc ipsi attributam, quam figmentorum congeriem Huetius in *de fabularum Romanensium origine*, Sæmundo autem, qui eam accurate elimavit, monumentum antiquissimum vocat, quod Theologiam, religiōnem, plurimasque antiquitates Gothorum & Anglorum exhibeat. Hic vero, vel *Ara Frode*, sacerdotio clarus, isque A. C. M LXVII natus, primus historias Islandicas Norvegica lingua scripsit. Sed de hujus quoque scriptis nihil superat, quam opusculum de Islandiæ prima inhabitatione, &

Cap. XI.

Hh h h ;

sequen-

sequentibus præcipuis in Islandia & Norvegia actis, cuius ex versione Bartholini initium est: *Librum de Islandis primus confeci*; & hic finis: *Et ego Are vocor*; quæ schedæ a Theodoro Thorlacio, Diocesis Scalholdinæ in Islandia episcopo sunt editæ. Cujus Aræ vestigia cum non Snorro tantum Sturlæsonius, sed & alii Islandi præstiterint, non abs re Autor sub finem libri primo monet, veras in illis historias a falsis vel fabulis Romanensibus cum cautela esse secernendas. Sed hæc ex primo Danicarum Antiquitatum libro excerptisse sufficiat. De reliquis proxime dicemus.

LACUS CIRKNICENSIS POTIORA PHÆNOMENA, ex principiis physicis & mathematicis explanata per Joh. Weich. Valvasor, Baronem &c.

Spem Lectori fecimus mense proxime elapso, cum Tomum I. Operis Valvasoriani recenseremus, nos alia vice de rarissimo Carniolæ cimelio, *lacu nempe Cirkniensi* plenius acturos fore; hujus ergo nunc promissi memores, secundum ductum ejusdem Autoris Illustrissimi, illius historiam, ex postremis memorati Tomi Primi paginis in compendium contractam communicabimus.

Ac nomen quidem primo quod attinet, impositum id ei novissimis his temporibus est ab adjacenti pago *Cirkniæ*; quamvis antehac apud Strabonem aliosve antiquiores Geographos sub appellatione *Lacus Lugei* venerit: ut ut fatendum sit, miram ejus naturam faciemque toties mutabilem ante hos centum annos adhuc parum admodum notam fuisse: eo quod tractus ille antehac incultus maximam partem jacuit, nec ita pridem demum frequentius habitari cœpit; unde per vices tantum accedentibus & inspicientibus facile imponere, ac pro simplici modo lacuna, ex aquis pluviis subinde collecta, haberi potuit. Sed innotuit postea diligentius advertentibus, lacum hunc diversis temporibus & ipsum diversissimum apparere, ac modo plenum esse & piscibus numerosissimis scatere, modo dilapsis per antra subterranea aquis, latissima per æstatem pecoribus pascua exhibere, nec non copiosis agricolas messibus beare, quin & venatoribus præ-

prædâ satis opimam interea largiri, donec revertente autumno & regurgitantibus ex profundo undis rursus piscinæ largissimæ faciem assumat. Tamen si vero regulariter semel quotannis, & quidem circa diem *Johannis* aut *Jacobi* exsiccetur; id tamen, ut ex sequentibus apparebit, non omni caret exceptione, dum aliquando continuis aliquot annis plenus manet: licet e diverso nunquam per integrum anni spacium ipsius alveus siccitatem servare compertus sit. Magnitudinem quod attinet, longitudine unum milliare Germanicum attingit, latitudine dimidium; profunditate vero tempore plenitudinis quatuor orgyas, qua altissimus est, non excedit; nisi quod foveæ, quas plurimas habet, præterea ad duas, tres, quatuor aut quinque orgyas in terram descendant. *Foveæ* hæc seu lacunæ, singulæ peculiaribus insignitæ nominibus optime perspicui possunt ex *map-pa* ista chorographica, quam *precedenti mense* dedimus, ubi universæ per circellos punctatos representatæ comparent: id quod denuo monere volumus, partim quia lacus earum fovearum ope potissimum suas exerit operationes, dum per eas aquæ cum piscibus & prorumpunt & sese recipiunt: partim quia in iis, quæ sequuntur, plerarumque mentio nominatenus facienda occurret. Causas jam naturales istarum operationum quod attinet, varii diversimode de iis sensisseprehenduntur: nemo tamen facile Autori nostro hac in re comparari dubiamve ipsi palmam reddere poterit, dum ipse non modo Lacum multoties, tam inundationis, quam siccitatis tempore visitavit, ac circumstantias singulas sollicitè exquisivit: sed & talem commentus est explanationem, quæ singulis phænomenis probabiliter satis demonstrandis sufficere possit; cum e diverso via a Kircher, Schœnlebio aliisque hoc in negotio inita, eorum pleraque intacta aut inexplicata relinquat. Rem vero totam exponit noster ex principio hydraulico *siphonis reflexi*, cujus adminiculo, ut & aliorum canalium occultorum, diversa stagna subterranea, lacum Cirknicensem stipantia inter se communicent, & consequenter tot distinctas edant operationes. Ne vero gratis aut absque omni fundamento tale quid confingere arguatur, ex variis exemplis ostendit, stagna talismodi subterranea in speluncis Carniolensibus non infrequentia esse; quin & in earum nonnullis siphones a natura perfecte & ex solido lapide fabricatos conspici: indeque vitio sibi nequaquam verri posse,


Fig. XV

posse, si ex conjecturis adeo verosimilibus affine quid & circa hunc lacum occurrere statuat. Caterum res omnis ex adjecta figura clarius apparebit. Nimirum concipit sibi circa Lacum Cirknicensem, qui hic per *AA* indigitatur, quinque diversa stagna occulta, unum quidem maximū *CC*, subter Lacum latens; alterum pariter amplissimum *BB*, ad latus in monte adjacente occultatum, sed altitudine lacum nostrum & integris quidem 42. pedibus superans; porro tertium *D* & quartum *E* minora, inter *AA* & *BB* interposita, & quintum denique *F*, omnium & minimum & altissime collocatum. Quo vero stagno *BB* determinatā istam altitudinem adsignaret, effecit fons quidam nomine Storfeck non procul inde disitus, cujus nempe scaturiginē 42. pedibus a superficie lacus nostri differre, dimensio geometrica ad oculum comprobavit: at vero fontem istum ex communi cum illo, hydrophylacio derivari, colligit ex anaticulis, (colore nigricantibus & plerumque semicacis, necdum plumis ad volandum satis instructis), quas dictus fons tempore nimbofo protrudit, ejusdem plane speciei cum illis, quæ ex diversis Lacus Cirknicensis antris cum aqua emergunt. Autumat itaq; ex dicto stagno *BB* prope *n. 20.* profluente fontē Storfeck per canalem *A*, qui *n. 21.* recipiat alium ductum lationem *L*, per quem *n. 23.* pars undarum, ex nimia pluvia per venas *TT* intra stagnum *BB* coacervatarum irruat, simulque anatum, in stagno hoc probabiliter magna in copia nidulantium, turbam expellat. His prælibatis Autor tredecim diversa Lacus Cirknicensis phenomena potiora percurrit, & de singulis ex fundamento ita substrato rationes certas ac evidentes reddere satagit. Nimirum quæritur

I. Cur ex duobus tantum foraminibus, Uraijnajamma & Seka dulce, (quæ reliquis foveis, quin & ipso lacus nostri, cum plenus est, horizonte nonnihil altiora sunt & ad montem adjacentem sita;) non etiam ex aliis, suborto tonitru, aut post largiorem pluviam, aqua mox cum impetu prorumpat, piscesque & anases protrudat, has quidem numerosiores; illos vero minori copia, cum tamen antea obstitum reliquis fici siora fuissent? Præsciendum hic est, secundum Autorem nostrum anaticulas illas, quæ partim e dictis modo foraminibus, partim, licet pauciores, e fovea *Velki Oberch* subinde propelluntur, immediate quidem e stagnis minoribus *D* & *E* derivari: sed in hæc ipsa prius intrare per canales *W* & *X* e stagno majori *BB*, ubi nempe primum habu-

erint

AB XV. ad A. 1689.
1. 636.



erint nativitatem: simile quid etiam de piscibus istis tenendum est. His suppositis primum hoc phenomenon sequenti modo contingere existimat Autor: Suborto tonitru, cum hoc ventum plerumque comitem habeat, fragor per antrum montis *G* ejusque tubum *I* impellitur ad stagnum *F* media tantum parte regulariter plenum; (quavis enim vena *I* illi continuo aquam advehat, hæc tamen rursus per canaliculum *n. 9. n. 8.* in majorem lacunam *BB* semet exonerat) hujus aqua sic vel minimum agitata extemplo per siphonem *d*, ejus nempe horizonti parallelum, influit prope *f*, in alium siphonem *g* qui hoc pacto repletus aquam ex *BB* prope *n. 6.* elevat & per *n. 5.* transfundit in stagnum *E*; quod ipsum cum nimias exceperit undas, easdem per amplos canales *Q* & *R* rursus effundit, unde ex *p* & *q*, seu prædictis foraminibus *Urajanajamma* & *Sekadulze* dein aqua erumpit; tanto quidem majori cum impetu, quo altius ex isto montis hydrophylacio delabitur. Quod vero post largiorem imbrem simile quid observatur, inde fieri dicitur, quia tum aqua pluvia collecta per *V* infundatur in tubum *I*, indeque aucto supra modum stagno *F*, siphon *d* non minus suum exerat officium, quam cum undæ, uti dictum; ex sono tonitrus in motum cidentur. Cur denique hic pisces minori, anates vero majori copia cum aquis erumpant, inferius in Phænomeno Decimo plenius explicabitur.

II. Cur due foveæ Velkabobnarza & Malabobnarza, quæ hic per *s. s.* indignantur, cum calum tonat, sonum edant tympano pulsato æmulum? & cur eadem tunc modo, quando multum pluit, aquas fundant, non autem alias? Accidere hoc inde fertur, quod canalis *H* per foramen *G* receptam mugientis tonitrus vocem deferat usque ad foveas illas *s. s.* quæ ibi dein tympani sono non abimilis audiat, forte ob longitudinem & sinuositatem ductus, quem prius permeavit. Quia vero idem canalis *H* aquam quoque pluviam largius in *V* collectam suscipit, necessum est, eam pariter sic ad *s. s.* derivari.

III. Cur levi etiam decedente pluvia, unda mox prorumpat ex quatuor scrobibus; quarum due quidem, Koteu & Zelslenza, sive hic *n. 5* & *m*, alias sicce visuntur, due reliquæ vero, Treßenz nempe & Velki Oberch seu *k* & *n* 16. continuis alioqui rivulis fluunt, quæ ipsa tamen sum magno cum impetu aquas eructant, cum quibus in Velki Obercher jam pisces & anates una evomuntur. Provenire hoc sequenti ræ-

tione perhibetur: Pluvia per infundibula *TT* collecta influit in stagnum *BB*, cujus aqua vel minimum sic adaucta exitum nanciscitur per siphonem *n. 11.* ejus puta horizonti parallelum, indeque effluit in *k* ad scrobem *Tressenz*: eundem porro siphonem *n. 11.* prope *i* subintrat alius *l*, in duas extremitates *m* & *n*, seu *Zesslenza* & *Koreu* definens, e quibus proinde lympa e siphone *n. 11.* prope *i* illata, simul emanat. Quartæ scrobis, nempe *Velki Oberch* seu *n. 16.* profluvium imputatur alii cuidam siphoni *n. 13.* (eundem cum *n. 11.* horizontem habenti:) hic scilicet eodem tempore aquam e stagno *BB* incipit effundere in stagnum *D*, quod solito magis oneratum per *n. 15.* exundat in canalē *N*, unde prope *n. 16.* postea undæ cum piscibus & anaticulis in lucem prorumpunt. Quod vero scrobes *k* & *n. 16.* etiam extra pluviam perenni latice manare deprehenduntur, adscribitur duobus aliis tubulis, *b* & *c*, tantundem aquarum intra siphonem *n. 11.* & stagnum *D* infundentibus, quantum continuo ex *k* & *n. 16.* effluit. Unde simul liquet, cur fovearum *Zesslenza* & *Koreu*, sive *m* & *n*, fluxus non æque perennis sit: nimirum cum lympa, quæ ope tubuli *b* jugiter per canalē *n. 11.* delabatur ad *k*, modica tantum sit, facile præterlabitur siphonis *l* ostiolum recurvum; id quod tum saltem participat de aqua siphonis *n. 11.*, quando is simul per orificium *n. 10.* undas attollens pleniori pollet gurgite. Cum vero videri cuidam posset ex iis, quæ de *Velki Oberch* modo dicta sunt, ac si ob rationis paritatem sic aqua fovearum *Uraijnajamma* & *Sekadulze*, sive *p* & *q*, simili modo perennis esse deberet, cum ad earum promtuarium, stagnum puta *E*, indefinenter per canalē *X* unda delabatur e stagno majori *BB*: occurritur huic dubio per alium canalē *M*, qui tantum aquæ ex stagno *E* per *n. 3.* continuo subducit & ad *v. 2. 2.* desert, quantum per canalē *X* suppeditatur.

IV. Cur post imbrem uberiorem ex aliquibus modo lacus *Cirknicensis* scrobibus, nempe *Reschetto*, *Vodonos*, aliisque pisces ubertim cum undis profiliant, ex reliquis vero aqua solam absque piscibus? Adscribitur hoc diversæ amplitudini canalium, quibus scrobes singule cum stagno inferius latente *CC* communicent. Nimirum exundatio lacus nostri hoc potissimum pacto fieri judicatur: impleto maxime in partem vi pluviarum stagno *BB* siphon maximus *K* incipit aquas inde præcipitare in stagnum *CC*, quod ipsum vero dum iis capiendis

endis amplius non sufficit, id quod abundat, per canales largos *O, O, O, P*, sursum propellit in lacum Cirknicensem. Cum autem ingentes hi canales in plures semet diffundant ramulos, inter se valde discrepantes, alios puta majores *n. 4. 4. 4.*, alios minores *o, o, o, o, &c.* evidens est, per illos quidem piscibus etiam transitum facile patere; non item per hos; quorum nempe angustiam isti intrare nequeunt. Ceterum pisces hos gigni putat Autor partim in stagno *CC*, postquam intra illud decrescentes aqua lacus Cirknicenses semet cum hospitibus huc suis rursus receperunt: partim in stagno *BB*, in quo uberiorem adhuc piscium proventum esse, colligit inde etiam, quod hi præcipuum pabulum anatum esse soleant, quæ ipse autem in superiori illo stagno *BB* primario hospitentur. Et sane docuit ocularis inspectio, anaticularum istarum stomachum mox post ipsarum expulsionem dissectum plerumque præter arenulas & herbas virentes etiam pisciculos continuisse.

*V. Quomodo lacus Cirknicensis viginti quinque demum dierum spacio evacuetur; at vero ad sui repletionem non nisi viginti quatuor aut octodecim quandoque horis indigeat? Ratio hujus ex modo dictis jam pro parte patescit, ac in eo maxime sita est, quod pauciores viæ suppetant ad aquas e lacu subducendas, quæ quidem ad ejus exundationem nimbofo tempore promovendam. Nimirum quando pluviz largiter cadunt, non modo torrentes circumquaque e collibus in hancce vallem coacervantur; sed potissimum per infundibula *TT*, aliosque canales *11*, hydrophylacium *BB* maxima ex parte adimpletur, unde singuli supra indicati siphones, *d, e, n. 11, n. 13.* undas per inferiora transfundunt, maxima copia hinc ex *Uraja jemma, Sekadulze, Velki Qberch* ac *Tressenz* erumpentes: præterea vero, quod maximum est, postquam stagnum *BB* increvit usque ad altitudinem *n. 12*, ingens ille siphon *K* operari incipit & laticem uberrimum in stagnum *CC* per *y* propinat: hoc ergo, ceu supra dictum, tantam aquarum vim capere intra sinum suum non valens, eas per superiora *4, 4, 4, & o, o, o, &c.* non transmittit solum, sed & ex nonnullis scrobibus, utut cisternæ vulgari quoad amplitudinem æqualibus, ejaculatur tantum imperu, ut alicubi ad altitudinem trium quatuorve orgyarum, modo perpendiculariter, modo oblique, jucundissimo spectaculo proflire cernantur. Ita veloci satis augmento lacus excrescere*

pergit, donec pederentim siphones memoratos aqua destituat: inter quos tamen fluxum diutissime servat maximus ille *K*, utpote caput omnium profundissime subter aquas abscondens; quo ipso tandem, stagno usque ad *x* exhausto, operari desinente, lacus Cirknicensis rursus paulatim incipit imminui. Hoc ipsum vero decrementum ex altera parte contingit, cum per duas scrobes *Mala Karlouza* & *Velka Karlouza* adfusi montis saxosi viscera penetrantes, quæ in schemate nostro per *n. 1.1.* indicantur; tum potissimum ope canalis *Z* ad stagnum *CC*, licet non plane ad ejus fundum, sed paulo altius ad *n. 19.* pertingentis indeque undas aliorum derivantis: quem quidem largiorem supponit Autor: octo distinctis rivis una sumtis, qui quotidie intra lacus Cirknicensis alveum, etiam quando siccus est, influunt, nec vero aliunde & aperta via rursus effluere; queunt, dum lacus circumquaque: collibus cingitur. Eundem nihilominus canalem *Z* inseri postea autumat in aqueductum *S*, ex *n. 1.1.* ortum trahentem, & ex altero dein collis latere sub nomine rivi *Jesero* prodeuntem; per quem adeo lacus nostri aquam (nisi & alii suppetant meatus subterranei, in Carniola alioqui non infrequentes) potissimum effluere atque subduci arguit: inde præsertim, quod rivus ille *Jesero* tum quidem cum plenus est lacus noster, utut jam decremento propior, & ipse largius, fluat; isto vero exsiccato, pariter multum imminutus deprehendatur.

*VI. Cur aqua eo tempore, quo inundatio Lacus contingit, ex iisdem foraminibus egrediatur, intra quæ durante decremento semet recondere consuevit? Jam ex præcedentibus liquet, id pendere ex subterraneo stagno CC, ejusque per sursum vergentes largos canales O, O, O, P, communicatione cum Lacu Cirknicensi: per hos etenim necessum est & adscendere undas, quoties stagnum CC, iis capiendis non amplius par est; & descendere vicissim, dum hydrophylacium illud paulatim per ductum *Z* depleri coepit. Cæterum decrementum hoc aquarum tam regulatos servat terminos, ut iis semel dilabi incipientibus ac colæ mox norint, intra quantum spatii singularum scrobium evacuationo expectanda sit; id quod iis nosse multum interest, qui in singulis istis foveis jus piscandi per præscriptionem obtinent, ne tarde nimis venientes aqua cum piscibus intra terram jam regressa destituat inanes. Etenim non modo compertum est, in quin-*

que

que his scrobibus, *Kamine*, *Vodonos*, *Reschetto*, *Koten*, *Levische* aquæ decrementum ita statum esse, ut altera post alteram successive, interjecto inter singulas quinque dierum spacio, exsiccentur: sed accuratius adhuc potiorum istarum fovearum ordo ac tempus decrementi per experientiam ad regulam sequentem noscuntur. Nimirum depletur 1. *Malioberch*, & quidem intra triduum, 2. *Velki Oberob* proximo biduo, 3. *Kamine*, sequens intra quadrihorium, 4. *Suejns-kajamma* post horæ spacium, 5. *Vodonos* intra sequentes quinque dies, 6. *Louretschka* tempore sesquidiei, 7. *Kraloudonor* intra diem dimidium, 8. *Reschetto* per triduum, 9. *Ribeskajamma* simul cum *Reschetto*, 10. *Retbie* intra bihorium, 11. *Sitarza* una hora serius, 12. *Lipanza* quinque vel sex horis, 13. *Gebno* proximo triduo post scrobem *Reschetto*, 14. *Koten* sequenti biduo, 15. *Ainz* post quatuor aut quinque horas, 16. *Zesstenza* elapso ulterius trihorio, 17. *Pounigk* duobus post *Koten* diebus, ac denique 18. *Levische* intra sequens triduum: ut ita lacus totius exsiccatio intra viginquinque dies absolvatur.

VII. *Cur Lacus, tot nempe accessibus tempore plenitudinis adauctus, nec ob montes circumfictos exitum habens, pagos adjacentes unda suis non obruat?* Pariter hoc decidi quodammodo ex iis potest, quæ ad phænomenon V. monita fuere: videlicet per scrobes n. 11, ut & per canalem Z id omne quod abundat, mox aliorum abducitur. Et quamvis nonnunquam accadat, ut lacus jamjam in plenitate sua stans, pluviis justo diutius durantibus, ultra solitum modum ad duos vel tres, imò sex quandoque pedes excreseat; ille tamen excessus remittente nimbo mox cessat, & id quod superfluum erat, satis celeriter per n. 11. seu foramina *Mala Karlouza* & *Velka Karlouza* subducitur: quæ ipsa etiam idcirco multo ampliora esse feruntur, quam alias opus esset, si lacus intra consuetos limites constanter subsisteret; dum sicca tempestate per eadem nihil aquarum fluit, sed id omne, quod ex petennibus illis rivis intra lacus alveum continuo subintrat, per canalem Z exonerari valet.

VIII. *Cum compertum sit, rivis indeficienti cursu intra lacus delevitatem quotidie ingredientibus nisi manifeste effluere, nec tamen per se ipsas exivitatem, cum semel exsiccata est, implere, quorsum tandem deveniant?* Respondet Autor, aquam per minores illos ductus atque

canales (quorum alios brachium, alios digitum, alios filum modo crassiusculum quoad amplitudinem æquare ait,) nempe o. o. o. o. & c. sensum diffuere ac percolari intra stagnum CC, & inde ulterius prope n. 19. per canalē Z derivari ac exitum suum reperire.

IX. Unde fiat, quod duæ scrobes Narre & Pjauze jugi liquore maneant, cum tamen non appareat, unde affluxum nanciscantur tempore siccitatis? Deducitur huius rei causa ab exiguo canali n. 3, qui ex stagno E modicam aquæ venam derivet ad duas hæc foveas, sive n. 2. 2, unde necessum sit eas continuo manere humidas, dum aliquo circa easdem spacio desint tubuli, qui laticem stagnantem ad hydrophylacium CC dimittere queant. Eidem vero canali n. 3. adscribitur etiam, quod ex Urajinajamma & Sekadulze, sive p & q, non omni tempore manere aqua deprehendatur, uti ex Velki Oberch seu n. 16: licet enim tam stagnum E; quam D, indefinenter affluxum patiantur ex hydrophylacio BB; attamen hic superfluis ille humor jugiter per canalē n. 3. ad n. 2, 2. deferri solitus, non opus habet per Q & R demum exitum querere; id quod secus est in stagno D, quod cum non habeat alias, quorsum deponat id, quod ex BB. nimium accepit, non potest non per n. 15. & 16. semet in Velki Oberch exonerare.

X. Cum non tantum prope Velki Oberch, verum etiam per Urajinajamma & Sekadulze tam anaticula, quam pisces cum aqua expellantur, unde contingat, quod priori in loco pisces anaticulas numerositate vincere, posterioribus duobus vero vice versa hæ illos copia superare observentur. Attribuitur huius rei causa diversitati canalium, per quos stagna minora D & E, ac ex his porro prædictæ scrobes aquas suas, & cum his pisces, anaresque, nanciscantur ex majori illò hydrophylacio BB. Nimirum licet canales hi, nempe W & X, æque alti sint & ordinariæ stagni BB superficiei paralleli; tamen cum X multo amplior sit, quam W, facilius intra illius, quam huius gurgitem anaticulæ ab aquis, quibus innatant, abripiuntur, atque sic dein copiosius per Q. p. & R. q. expelluntur, quam quidem per n. 15. & 16, quorsum nempe, ob angustiam canalīs W, pauciores deveniunt. At vice versa, cum pisces rarius in superficie aquæ summa natare soleant, evidens est, hos parciōri numero devectum iri in stagnum E, cum ad hoc non alia ipsius via pateat, quam per dictum canalē X: sed e contrario ad stagnum D non modo aditum reperiunt per ductum W, ve-

rum

tum etiam per alium canalem c, prope fundum stagni BB insertum, piscibusque profundiora ut plurimum loca petentibus facilius perviunt; quapropter in *Velki Oberch* majorem, quam in *Urasnasamma* & *Sekadulze* piscium abundantiam eructari necessum est.

XI. Cur post modicam quoque pluviam foramina Kotcu & Zesslenza, alioquin sicca multo diutius undas evomere pergant, quam lacuna Velki Oberch; utpote quæ mox imbre deficiente & ipsa undas solito suo & perenni fluente abundantiores, prodigere cessat? Ratione hujus phænomeni quærit Autor in diversa dispositione siphonum n. 11. & n. 13, eo quod nempe hunc citius aqua destituat, quam illum; dum is prope n. 10. orificium notabiliter profundius demittit, quam quidem hic n. 17, unde non possit non ibi profluvium esse diuturnius.

XII. Unde fiat, quod lacus Cirknicensis quotannis regulariter semel & quandoque bis, imo ter nonnunquam evacuetur; & vicissim aliquando bis vel ter, quin & quater in plenitudine sua conspiciatur, ac demum tertio, quarto, aut quinto etiam anno deficiat; at e diverso nunquam per integrum anni spacium siccus maneat? Imputatur hoc varianti ænorum temperiei, prout ea vel ad siccitatem vel ad humiditatem magis inclinet. Sic diutina lacus plenitas v. g. dependet ab imbribus multoties per annum repetitis; qui canalibus & infundibulis T. T. t. t. jugiter materiam suppeditant. Econtra hiems siccior lacum repetitis vicibus deficere cogit, dum inopia nivis aut pluvie tubis istis T. T. t. t. parum nimis subministrat. Quod vero nunquam per totum annum siccus perduret ejus alveus, inde fieri perhibetur, quod annus etiam aridior nihilosecius tantum aquæ per dictos ductus instillet stagno BB, ut hoc usque ad altitudinem n. 12. adimpletum, ope magni illius siphonis K exonerare semet valeat per inferiora, atque sic lacum sufficienter saltem, si non abundanter instruere: quo in casu tamen ejusdem inundatio non ita subito intra 18 vel 24 horas, ut alias, perficitur, sed octo demum aut quatuordecim diebus alveus repleri solet.

XIII. Quare tum etiã cum tempestas diu serena fuit & locus vacuum at siccus jacet, nihilosecius post modicam pluviam serobes Velki Oberch, Zesslenza, Tressenz & Kotcu max undas sat largas eructent? Non adeo obscura hujus rei ratio ei poterit videri, qui hactenus exposita nonnihil expendit. Etenim licet magnus ille siphon K aquis prope x deficientibus

entibus fluere desierit, eoque aliquamdiu cessante interim lacus Cirknicensis undæ pariter elapsæ sint siccumque reliquerint alveum: attamen ex rivulis, sicca etiam tempestate intra *BB* confluentibus hydrophylacium hoc paulatim rursus impletur ad ordinariam suam altitudinem: qua dein per exilis modo pluviz superventum adaucta, absque mora siphones *n. 11.* & *n. 13.* aquam haurire incipiunt ac per dicta foramina, nempe prope *n. 16, m, k,* & *n.* educunt sat copiose. Quod ipsum quando contingit, accolæ inde augurium capiunt imminentis lacui suo propediem incrementi & exundationis; cujus rei causa, ipsis quidem ignota, pariter evidens est: nam stagnum *BB* quando jamjam attingit summitatem istorum siphonum *n. 11.* & *n. 13.* non ita procul amplius abest a *n. 12.* seu vertice siphonis maximi *K*, quo videlicet similiter aquis obrecto, Lacus oppletio, ceu supra dictum, statim sequitur. Tametsi vero idem quoque, quod de quatuor hisce foraminibus dictum est, applicari posse videatur ad scrobes *Urajinajama* & *Sekadulze* seu *p* & *q*, quæ tamen non nisi post tonitru aut fortio-rem imbrem manare observantur: nihilominus diversitatis ratio & hic dari potest: utut enim siphos ipsis ministrans *e*, (non minus quam *n. 11.* & *13.*) aquis stagni *BB* ster immerfus; attamen cum ad reflexam ejus cervicem *n. 14.* tanquam alte nimis super consuetum stagni *BB* horizontem positam, hujus undæ non facile pertingant, nequit ille per *n. 5.* quicquam effundere, nisi postquam stagno *F* per *V, I*, ac *T* aquis onerato, nec iis per *n. p.* & *g.* satis effluere valentibus, siphos easdem transfundat in siphonem *e*, quo hic tandem oppletus, simili modo undam per *n. 6.* attollere, ac in stagnum *E* transmittere modo superius explicato possit.

Hæc itaque sunt Perillustri nostri Autoris circa Lacum hunc famosissimum meletemata: quæ si cui fortean nimis incedere ambagibus videantur, periculum is faciat, num minori apparatu tot tamque implicata & contrariantia inter se phænomena expedire atque demonstrare valeat: hætenus certe nemo exitit, qui hoc circa negotium aut indefessa in observandis circumstantiis industria, aut speculationum in iis exponendis evidentia, ipsi paria fecerit. Nos vero prolixius paulo hæc recensere in exterorum inprimis gratiam volumus, idiomatis Germanici, quo Valvasorianum hoc opus conscriptum est, parum plerumque gnarorum.

JOH.

JOH. BRUNSMANNI GRATIA NATURÆ INTERPRES.

Francofurti, apud Joh. Just. Erythropilum, 1688, in 8.
 Constat plagulis 32.

SCopus & meta hujus scripti, quod quinque; absolvitur libris, est ostendere, a veritate quam longissime aberrare Christophorū Wittichii Professore, dum viveret, Leidensem, aliosque contententes, Scripturam Sacram magis physicis de rebus quam de cæteris ex opinione loqui: ideoque de natura rerum nihil certo colligi exiis posse, quæ Codex Sacer super eadem dicit. Id quod falsum esse, perquam Reverendus Auctor scripti libro primo diversis monstrare studet argumentis: contraria quoque Wittichii & aliorum argumenta late confutat, libro secundo, tertio & quarto id unum agens. Tum & toto ultimo libro, qui cæteros quatuor mole æquat, dicta illa Scripturæ explanat, quæ vulgo ad opinionem meram accommodantur: demonstrareque laborat, eorum pleraque omnia satis bene pura de veritate explicari posse. De cætero, allata ad nos Lipsiam Auctoris est epistola, in qua gravissime conqueritur de erratis, quibus typographus hoc ejus scriptum sordavit, dicens ita mendis esse ab eo inquinatum, ut cum primum viderit impressum, dubitarit an pro suo agnosceret: eosque errores potissimum in libro quinto sive ultimo a pagina 353 & deinceps reperiri ait. Simul autem spernit facit novæ & correctæ editionis: Bibliopolam enim Hauniensem, qui suis impensis excudi curavit, in se recepisse dicit, proximis nundinis emendatiorem publicæ sistere luci.

George Adam Struvens / vornehmen Jcti, Juris-Prudenz, oder Verfassung der Landüblichen Rechte.

sive

Georgij Adami Struvii, Jcti celeberrimi, Jurisprudentia, seu Compendium Jurium his in terris vigentium.

Martisburgi, apud Christianum Forberger, 1689, in 8.
 Constat plagulis 59.

Kkkk

Num

NUm Germanis expediat, ad exemplum aliarum Europæ nationum, Gallorum puta, Hispanorum, Italarum, Jus civile lingua vernacula exponere, haud pauci dubitarunt, veriti, ne hac ratione plus tenebrarum, quam lucis legibus Justinianeis affundatur, ob distantem nimis a Latino Teutonici idiomatis genium, nimisque adeo difficilem terminorum juridicorum expressionem: cum e diverso gentium ante memoratarum sermo a prima sua origine voces plerasque Latinas per levem inflexionem sui juris faciat, & sic, uti aliarum disciplinarum, ita & Jurisprudentiæ vocabula technica nullo pene negotio adoptet. Quinimo celeberrimus *Zafius* ad l. 2. D. de O. l. §. 7. scribere non ambigit, præna etiam corporali non indignum esse, si quis auderet jus commune Cæsareum in linguam Germanicam transferre. His tamen haud obstantibus, non desuerunt ex altera parte, qui tantam vernaculi nostri sermonis ineptitudinē esse nequaquam existimarent, quin potius Justinianum Teutonice quoque loqui posse, re ipsa ostenderent. Sic exempli loco, in præmissa huic libro Dedicatione ad Serenissimum Saxoniz Ducem Johannem Wilhelmum, Academiæ Jenensis hoc tempore Rectorem Magnificentissimum, allegantur *Andreas Pernider*, qui Institutiones, *Martinus Pegius*, qui Codicem, *Georgius Schwartzkopff*, qui quatuor Digestorum libros Germanice vertere sint aggressi. Atque horum quidem classi semet adjungere visum fuit Magnifico ac Illustri *Struvio*, dum compendiosam hanc synopsis juris in foro nostro recepti lingua patria scribere suscepit. Nimirum admoverat jam ante aliquot annos & ad mandatum quidem Principale, huic operi manum; eandem tamen, elaboratione licet maximam partem absoluta, tursus remiserat, gravioribus dubio procul incidentibus negotiis distentus, Imperfectum istum laborem nunc ex schedis paternis iterum protraxit filius ipsius virtutum æmulus *Johannes Wilhelmus Struvius*, Secretarius Ducalis Saxonicus in dicasterio Jenensi, eumque annuente gravissimo Parente ad umbilicum perduxit, & sic in lucem emisit publicam. Methodum in libro adhibitam si requiras, eadem, quæ in Latino ejus opusculo, quod *Jurisprudentia Romano-Germanica Farenfis* inscribitur, observata fuit, utpote cujus, facilitate nimirum sua dudum se commendantis, ductum adeo sequi placuit, ut non modo libri, sed & tituli & tantum non paragraphi utrinque ut plurimum correspond-

respondent; nisi quod alicubi majoris evidentiae gratia duos titulos in unum contrahere, aliquando vicissim unum in plures dividere visum fuerit. *Allegata* vero in universum omnia sunt omissa, perinde ac alia, quae lectorem Latini sermonis signarum turbare potius, quam juvare potuissent. Plura de contentis dicere nil attinet, praesertim cum laudatus antea libellus jam longo abhinc tempore omnium tectatur manibus,

D. LUDERI MENCKENII GYMNASIUM PO-
lemicum Juris, complectens plures quam
DCXX Selectas Controversias.

Lipsiae, apud Joh. Herb. Klossium, A. 1689, in 4. Plag. 34.

Cum Selectarum Controversiarum Scriptores plerumque id agere soleant, ut plenissime, quicquid de qualibet controversia dici potest, exequantur; alia methodo clarissimo Auctori incedere visum est: quippe qui, ut non exiguum Controversiarum numerum parvo volumine complecteretur, singulis quidem praecipuas decidendi rationes subjecit; leges, ubi res id exegit, in subsidium vocavit; auctores consentientes ac dissentientes cuilibet controversiae subjunxit: in singulis autem quam brevissime versatus est, & argumenta obstantia congruis in locis primo digito commonstrare, ac publicae ventilationi relinquere, quam prolixè resolvere maluit. Tractatum vero hunc in XXXI Dissertationes divisit, & inter eas tres ex Jure Naturae ac Gentium, tres ex Jure Publico, octodecim ex Jure Civili, tres ex Jure Feudali, duas vero ex Jure Canonico depromsit. Omnia sub examen vocata index adjectus exhibet, atque ex iis minimam partem mere theoreticae, maximam vero usui moderno servientes quaestiones constituunt. Ceterum Auctor libero sed modesto usus judicio, Juris Civilis abrogationem ex sola usus infrequentia non admisit, atque hinc partim rationibus, partim exemplis e praxi petitis, iis, qui in abrogando aequo faciliores sunt, subinde contradixit. Juri Gentium & Publico vim non fecit per argumenta ex Jure Civili petita, sed fundamenta decisionis ex ratione naturali, legibus Imperii fundamentalibus, Reipublicae moderno statu, & historiarum fide praecipue deduxit. In Controversiis Juris Civilis Digestorum ordinem

Kkkk 2

observa-

observavit, atque Juris Justiniani dispositionem ab observantia, mores particulares ab universalibus, non paucis in locis discrevit. Feudalis & Canonici Juris theses frequentissime dubitandi rationes resolvunt, & nonnunquam modum suppeditant, quo dissidentes Practicorum sententiæ conciliari queant. Theoria & Praxis Arboris Consanguinitatis & Affinitatis, præter computationē & prohibitionē graduū (cui Cognatorū & Affinium appellationes idiomate Latino & Germanico insertæ sunt) Successionis materiam diligenter recenset, & utra computatio, Civilis an Canonica, pro causarum diversitate recepta sit, commemorat. Cum vero ob controversiarum multitudinem ad specialiora descendere instituti nostri non sit, eadem Lectoris in perlustrando industriæ reservamus.

ECLIPSIS SOLARIS

Anno 1689 d. 3 Septembris celebrata.

Pervenire ad manus nostras diversæ hujus phænomeni Observationes, ab Illustrissimis pariter ac Clarissimis Viris solerti studio susceptæ, quarum, ut & ipsius eclipsæ summa momenta, juxta tempora unoquoque loco adnotata, in Tabulam conjuncta Astrophilis exhibemus.

Observatio	Initium Ecl.	Summa obscuratio	Defectus	Finis Ecl.
	H. / //	H. / //	Dig. /	H. / //
Viennensis, Illustriss. Bar. ab Ochsenstein.		5. 7.	1. 44.	5. 45.
Grenovicensis Do. Flamsteedii.	3. 29. 17.	4. 8. 18.	/ //	4. 33. 24.
VVratislaviensis Dni D. Schulzii.	4. 30. 20.	5. 9. 20.	D. /	5. 46 50.
Ulmenis Domini Honoldi.	4. 35. 20.	4. 45. 6.	2. 10	5. 24. 48.
Noribergensis Dni VVurzelbaueri		4. 55. 45.	2. 10	5. 28. 15.

Præter has Lipsiensem Kirchii nostri, ut & Noribergensem Domini Eimmarti observationem, fusius exponunt Ephemerides laudati

laudati Domini Kirchii: e quibus & calculus Lunarís Eclipsos, Solarém nostram proxime subsequutæ, & Observaciones ejus a memoratis duobus Autoribus habitæ, peti possunt. Quibus hic in Synopsi jungimus

Joannis Flamsteedii

Observationem Eclipsis Lunarís Anno 1689, d. 18 Sept. Grænovici institutam.

	H.	I.	II.
Initium	12.	42.	41.
Immersio	13.	40.	20.
Emergio	15.	21.	9.
Finis	16.	18.	49.

JOH. HELFRICI JUNGKENS MEDICUS
presenti seculo accommodandus &c.

Francofurti ad Mænum, Sumtibus Alberti Ottonis Fabri, 1689, in 8.
Constat plagulis 61.

Quem Autoris in Actis A. 1683. p. 38. retulimus Medicum seculo presenti accommodandum; ne quicquam quoad partes duas priores, si paginam primam & secundam excipias, hic immutatus, bene tamen tertia auctus prodit parte, curiosa non minus in secretis hætenus habita experimenta communicante, ac medicaminum facultates, unde proficiantur, indagahte. Secretum scilicet primo Sal volatile Philosophorum Sali armoniato analogum ex urina humana, ad melleam consistentiam inspissata, conficiendum edocetur, e quo porro, vel sufficienti acetii destillati quantitati sociato, Aquila philosophorum fixis salibus alcalisatis volatilifandis inserviens, vel primo Veneris enti combinato, insignis Spiritus Antepilepticus, queant parari. Etenim in urina hominis vilissima magnum aliquod magnale delitescere, partim autoritate *Starkey & Thomsons* illustratur, cu quo runt ille philosophorum Sal armoniacum, hic vero Essentiam suam Stomachicam, ex urinæ humanæ spiritu ac spiritu acido vinoso seu vini rectificatissimis invicem coagulatis, ad *Helmontii* ductum; elaborasse videantur; partim Phosphori exemplo comprobatur, urinæ oleo fetido & sali fixo suum debentis ortum; sive intervenien-

Kkkk 3

te arc-

te arena secundum Boyle, sive arena omiſſa secundum Comierium, modo terra propria capitis mortui vicem intermediū fluxum inhibentis ſubeat, idem præparetur. Deinde curioſius obſervatur proceſſus ab amico aliquando Autori communicatus, utpote cui abſolvendo Pharmacopœus quidam Lapidi philoſophico innians e terra virginea, Solis motu ab aqua ſtagnante ſeparata magiſq; addito roris majalis phlegmate præparata, nec non ſale fixo, ac ſpiritu itidē ſubtiliſſimo ejusdē roris majalis, debita proportionē inter ſe commixtis ac ſucceſſu temporis igne fixatis, operâ navalle fertur; colorum ſiquidē variationem ex nigro, albo, ad rubrum ex voto omnino ſucceſſiſſe, num vero optato tandē lapide benedicto, poſt initū fixatæ hujus materiæ cum auro per antimonium optime depurato connubium, ſit potitus, minus haberi perſpectum. Hinc arcana Nitri traditur deſtillatio, qua ſpiritus hujus rubicundus, primigeniſ particulis tam ſalinis, quam ſulphureis unitis conſtans, plurimis in receptaculis colligi, & camphoræ adminiculo in liquorem rubicundum fugaciſſimum, non niſi vitris hermetice occluſis aſſervandum, concentrari poſſit, ipſa camphora olei inſtar innatante. Moduſtum ſequitur Vitriolum depurandi haud vulgaris, quo hoc omne fere in ſpiritu, Metallorum Salis inde parandi ergo, deſtillatione valeat reſolvi, capite mortuo non rubro, ſed albo relictō. Tandem Antimonii, Auro philoſophorum materiā præbentis, ſiſtitur Baſſamus Autori hæcenus arcanus, omni ſulphuris vulgaris baſſamo præſtantior, oleis juniperi, aniſi & ſuccini, nec non ſpiritu therebinthinæ ac vini alcolifato e ſcoriis Antimonii poſt detonationem hujus, primum cum ſale, e nitro puriſſimo & tartaro crudo pulcherrimo invicē detonatis elaborato, mox cum carbonibus pulveriſatis ſufficenter factam, Regulo ſupereminentibus extractus. Vires autem medicamentorum non e ſignatura, nec odore, calore aut ſapore, ſed experientia ſola cognoscendas, quod concernit, a millies mille variata rerum ex tot diverſis aquæ, terræ, ſalis, ſulphuris, ſpiritus &c. particulis combinata textura, ſub Lucis & idearum directorio, dependere eaſdem, ſuſius & curioſius deducitur...

JOHANNIS HELFERICI JUNGKEN M. L. PRAxis ME-
dica, ſive Corporis Medicina, morborum internorum corporea
Maſhina fere omnium & ſiendi & curandi methodum juxta Modernorum
Præſticorum ſaniora principia nudis exhibens terminis.

Franco-

Autor Clarissimus, qui solertem hactenus & ingeniosum se præstitit Chymicum, tum in modo lustrato *Medico*, tum in *Chymia Experimentalis*, A. 1682. p. 393. tum in *Notis ad Agricolam; Supplement. II. p. 106.* a nobis pariter recensitis, in præsentī nunc Praxi Medica Rationalis promte deprehenditur Medicus Practicus. In morborum quippe fiendi ratione æq; enodanda, ac medendi methodo adaptanda, derelicta verbali magis Veterum theoria, hanc potius Modernorum realem amplectitur, Naturam morborum quondam decantatam curatricem, non nisi circulantium humorum interruptum esse motum in Præfatione statuminans, adeoque morborum causas in ipsis circulantium humorū constitutivis & eorum variis mixturis præternaturalibus, sano corpori molestis & solidarum partium texturas vel invertentibus, vel vitiose contextentibus, detegens. Ordo autem, quo affectus præternaturales machinam nostram corpoream lædentes evolvit, Alphabeti literis advertitur respondere, ita quidem, ut in singulis fere primum Definitio, nisi divisionem quandoque præmittendam necessitas exigit, deinde Subjectum, signa hinc Diagnostica, tum causæ, porro Prognosis, tandem Curatio eorundem concise excutiantur. Quæ ubi placuerint, Prægnantium ac Puerperarum affectus, hic omisos, eadem quoq; methodo se impostertum editurum Autor pollicetur.

* * * *

D. ANTONII A MARA TRACTATUS DE CONCURSU

Creditorum jamjam in *Actis hujus anni Mens. Jul. pag. 354.* a nobis recensitus fuit. Cum vero ibidem plagularum libri numerum 42. esse dixerimus, monendum adhuc habemus, eidem posthac 10. plagulas de novo superadditas esse: ne quis fortean, cui idem nunc ad manus venit, nos in earum connumeratione lapsos esse autemet. Continent autem plagulæ istæ noviter adjectæ partim *Indices*, partim *Epilogum* cum subscriptione Autoris, utpote qui verum suum nomen amplius celare noluit, quo nempe, ceu jam tunc innuimus, *Elias Schnegas D.* vocitatur. Ac indices quidem, quorum certe accessione hujus scripti per-

lectio

lectio non parum facilitata & commodior reddita est, trium generum additi reperiuntur, unus nempe Titulorum, alter Creditorum, prout per classes ponendi sint, tertius denique *Rerum & materiarum præcipuarum*, *Epilogum* vero quod attinet, præfatur ibi nonnulla de libertate veterum Jctorum in perstringendis aliorum sui similium erroribus adhibita, eamque ex adductis hanc in rem compluribus exemplis ostendere desudat; plura nihilominus ejusmodi in peculiari Tractatu Lectorem expectare jubens; in quo ex legibus Vererum & ex principiis juris civilis & naturalis, quæ ipsimet veteres condiderint, *Errores Veterum* demonstrare spondet. Reliqua epilogi pars unice directæ est contra Recensionem istam nostram, in Actis his loco citato de ipsius libro factam; quam ipsam videlicet, utut in ea tractatus sui contenta fideliter relata fuisse, diffiteri nequeat, multis tamen ex capitibus sibi displicuisse haud obscure indicat Autor. Quandoquidem autem ex iis, quæ hanc in rem affert, abunde perspicitur, ipsum aut non satis attente legisse istam nostram Relationem, aut certe eandem intelligere noluisse, idcirco quicquam hic ei reponere nequaquam opus esse judicamus; quin potius rem totam Lectoris benevoli calculo submittimus, qui cum & Recensionem nostram & Epilogum istum perlegerit, & invicem comparaverit, facile videbit, objectiones in hoc propositas nulla penitus responsione indigere. Unicum tamen est, quod nobis imputatum amoliri necessum habebimus, ne fortassis contra bonam fidem quidquam scripsisse cuiquam dicamur. Nimirum allegavimus in dicta Relatione, Dn. Schnegassium non semel inter errores autorum ea quoque numerare, quæ autores isti expressa sanctione provinciali, ad quam scripserunt, freti adseruerunt. Contra hæc sequentibus verbis in epilogo suo insurgit: hoc non ita esse, alii, qui vel oscitanter tractatum meum evolviendo percurrent, reperient; nam nunquam & nusquam ea, quæ Autores ex sanctione provinciali statuerunt, inter errores eorum connumeravi, &c. Hoc ipsum jam quod concernit, libenter largiri possumus, tales, qui oscitanter, (vel ita saltem, uti *Dn. Schnegas* nostram relationem) tractatum percurrent, loca ista non mox adversuros; quæ tamen attentiores lectorem haud ita facile fugient. Quo vero fidem nostram & hac ex parte liberemus, & paucis etiam (dum nobis bella ejusmodi chartacea gerere nec vacat, nec volupe est,) nosmet expediamus, non

alio

alio opus esse credimus, quam ut loca aliquot istius farinæ adducamus, ac de cetero hanc quoque rem totam alijs dijudicandam relinquamus. Si quis itaque de fundamento istius nostri asserti certior fieri discupit, evolvere poterit dicti *Tractatus Lib. 1. Tit. 1. §. 7.* & conferre cum *Ordin. Process. Sax. tit. 42. in princ.* porro conferet haud gravatum *L. 2. t. 1. §. 23. & 24.* cum *cod. tit. Ord. Proc.* item *L. 2. t. 7. §. 8.* cum *d. L. Ord. Pr. & Const. El. Sax. 28. P. 1.*; ulterius *L. 2. t. 5. §. 24. & 25.* cum *T. 43. Ord. Pr. ut & ejusdem L. 2. tit. 5. §. 90.* cum *Tit. 45. dicta Ordin. Proc.* denique *L. 2. t. 11. §. 7.* cum *Constit. El. Sax. 28. P. 1. & tit. 43. Ord. Pr. Sax.* quæ ipsa loca hætenus indicata si quis inter se comparare dignabitur, haud ægre fatebitur, nos neutiquam absque ratione nimii rigoris hoc nomine Autorem inculpasse. Quod reliquum est, integram quoque paginam infumit enarrandis suis meritis, per Tractatus hujus elaborationem in rem literariam collatis, ob quæ etiam grates haud exiguas sibi a posteritate aut exposcit, aut saltem pollicetur; quas quidem ipsas si & alii eruditi Domino Schnegasio hoc nomine decernendas esse consentient, id ei nequaquam invidemus.

INDEX AUCTORUM AC RERUM.

I. Theologica & ad Historiam Ecclesiasticam spectantia.

- A** Nonymi *Judicium integrum de Abitu Pastorum ex Gallia* 324
Anonymi Defensio Apologia pro Pastoribus Gallis adversus librum, cui titulus est: Judicium integrum &c. 329
Anonymi Historia de Congregatione Virginum Infantia Jesu Christi. 365
Anonymi Relatio de Instituta Congregatione Virginum Infantia Jesu, cum enarratione ejus subversionis. 370
Anonymi Impietas vi obtrusa Communionis seu sacre Synaxeos demonstrata. 438
Anonymi vera Idea Gratia immediata, sive Responsio ad Criticam doctrinæ

INDEX

<i>doctrina D. Jurii de Habitibus infusis & de Gratia immediata.</i>	519
<i>Anonymi Capita Doctrinae & Praxis Christianae insignia.</i>	543
<i>Anonymi Defensio Ecclesiae Romanae in articulis de Praedestinatione & Gratia &c.</i>	580
<i>Anonymi Nova Haeresis in Theologia Morali, denunciata Pontifici &c.</i>	620
<i>Abbadii Tractatus de Divinitate Domini nostri Jesu Christi.</i>	597
<i>Allixii Tomus secundus Considerationum in libros Sacra Scriptura ad stabiliendam veritatem Religionis Christianae</i>	397: 445
<i>Antonii Arnaldi Responso ad Querimoniam Catholicam Ildefonsi Episcopi Malacensis.</i>	616
<i>Jacobi Benigni Bossueti Historia de Variationibus Ecclesiarum Protestantium.</i>	65. 157
<i>Job. Brunsmanni Gratia Naturae interpret.</i>	645
<i>Ludovici & Jacobi Cappellorum Opera Posthuma.</i>	411. 489
<i>Johannis Cinellii Vita S. Hieronymi.</i>	249
<i>Johannis Claudii Operum Posthumorum Tomus II. & III.</i>	17
<i>Tomus IV.</i>	127
<i>Tomus V.</i>	402
<i>Principis Contii epistola de Concordia liberi arbitrii cum gratia Jesu Christi.</i>	428
<i>Claudii Flenrii Catechismus Historicus.</i>	569
<i>Gery Apologia Historica pro censuris duabus, Lovaniensi & Duacena, in materia de Gratia.</i>	227
<i>Cornelii Hazart Discursus Morales in Selectiora loca Genesis, Exodi, Levitici, Numerorum.</i>	55
<i>Acta Sanctorum Maii, Collecta, Digesta, Illustrata a Godofredo Henschenio & Daniele Papebrochio: Tomus VI. & VII.</i>	57
<i>Henrici Mulsii de Principio credendi libri duo.</i>	270
<i>R. Jacobi Commentarius in Torath Chabath R. Moses Iserles.</i>	336
<i>Melchioris Leydecketi Veritas Evangelica triumphans de erroribus quorumvis seculorum.</i>	75
<i>P. Malebranchii Dialogi de Metaphysicis & Religione.</i>	47
<i>Antonii Massonii Historia Abrahami Patriarchae, sive Quaestiones in Genesim.</i>	55
<i>Pelissonii Considerationes Controversiarum de Religione, & Probationis</i>	

AUCTORUM AC RERUM.

rationes Traditionis Ecclesiastica in singulis capitibus con-
troverfis, 564

Johannis Regii de Modo percipiendi Sacra Scriptura Divinitatem Liber. 275

R. Salomonis F. R. Zebbi Hirsch Liber Domus Davidis & Salomonis. 306

Bernhardi von Sanden Theologia Symbolica Lutherana. 78

Viti Ludov. a Seckendorff Eq. Fr. Supplementum ad Librum I. Commentarii Historici & Apologetici de Luth. ransmo. 301

Richardi Simonis Historia Critica Textus Novi Testamenti. 114. 166

Eduardi Stillingfleet Concilium Tridentinum ad Traditionem Catholicam examinatum & reprobatum. 5

Le Tourneux Defensio Versionum Scripturae Sacrae, Officiorum ac Patrum Ecclesiae, & Breviaris Romani. 177

Eliae Veclii Dissertatio, in qua Ecloga Eulogii apud Phorium Cod. 226. de Variis Oeconomia Sacra generibus illustratur &c. 123

Campegii Vitringa Sacrarum Observationum Libri duo. 588. 609

Johannis Van der Wayen Summa Theologiae Christianae. 584

Rudigeri Christiani de Wedel Elogia Sacra ad auctum Evangeliorum concepta. 541

Christophori Wittichii Theologia Pacifica defensa. 591

Melchioris Zeidlerii Animadversiones in Scrutatorē Veritatis. 469

Refutatio Tubae Pacis. 477

II. Juridica.

Hieronymi Andreae Discussio Quaestionis, an Filia-familias a nexibus patriae potestatis per nuptias liberetur. 531

Ulrici Huberi Praelectionum Juris Romani & Hodierni Pars II, quae est ad libros undeviginti priores Pandectarum. 302

Christophori Linckeri Animadversiones in Gabrielis Suederi Introductionem in Jus Publicum Imp. Rom. Germ. 421

Luderi Menckenii Gymnasium Polemicum juris. 647

Antonii Matthaei Tractatus de Jure Gladii & de Toparchis qui exercent id in Diocesi Ultrajectina. 532

Josephi Ramonii Consilia & Sententia Senatus Regii Cathaloniae, cum Observationibus Jacobi Balduccii. 606

Eliae Schnegasse Tractatus de Concursu Creditorum in foro civili formando. 35+651

LIII 2

Georg.

I N D E X

<i>Georgii Adami Struvii Juris Prudentia.</i>	645
<i>Eliae Augusti Stryckii Disquisitio Forensis de Efficacia Renunciationis Fori hodierna ad l. 29. C. d. Paſſi.</i>	134

III. Medica & Phyſica.

<i>Jacobi Barneri Chymia Philoſophica, cum Doctrina Salium, Medicamentis ſine igne culinari parabilibus, & Exercitio Chymiae.</i>	374
<i>Jobannis Bohn. de Renunciatione Vulnerum, ſeu Vulnerum Leiba- lium Examen.</i>	101
<i>P. Cherubini Effeſtus virtutis contiguitatis corporum, quibus re- ſpondetur experimentis fuga vacui & gravitatis aeris.</i>	108
<i>Theodori Craanen Traſſatus Phyſico-Medicus de Homine.</i>	535
<i>Observationes quibus emendatur & illuſtratur Henrici Regii Praxis Medica.</i>	539
<i>Casparis Cramerii Collegium Chymicum, cum Decade prima Obser- vationum Medicarum rariorum Juſti Veſti.</i>	307
<i>Job. Dolxi Encyclopaedia Chirurgicalis Rationalis.</i>	559
<i>Melch. Frid. Geuderii Diatriba de Fermentis variarum corporum animalis partium ſpecificis.</i>	388
<i>Nicolai Grimberg Obſervationes Medicae.</i>	14
<i>Dominici Guiljelmini Meditationes circa Figuras Salium.</i>	235
<i>Godofredi Hennickii de Panaceis Traſſatio Medico-Chymica.</i>	352
<i>Friderici Hoffmanni Exercitatio de Acidis & Viſcidis pro ſtabi- liendis omnium morborum cauſis, & Alkali fluidi pro ſisdem debellandis inſufficientia.</i>	349
<i>Job. Heſſrici Junckens Medicus praſentis ſeculo accommodandus.</i>	649
<i>Praxis Medica.</i>	650
<i>Emanuelis Koenig Regnum Vegetabile.</i>	359
<i>Joſepbi Lanzoni Animadverſiones ad Medicinam, Anatomiam & Chirurgiam.</i>	180
<i>Antonii de Leventhoeck Continuatio Epiſtolarum datarum ad Regi- am Societatem Londinenſem.</i>	175
<i>Job. Munnicks Chirurgia ad Praxin hodiernam adornata.</i>	562
<i>Guerneri Neuhaufen. Diff. Philoſ. Medica de Melancholia tum intel- lectuali, tum corporali.</i>	226
<i>Chriſtiani Franciſci Paulini Sacra Herba, ſeu nobilis Salvia.</i>	105
	Petri.

AUCTORUM AC RERUM.

<i>Petri Petiti Nepenthes Homeri, sive de Helena Medicamento luctum abolente.</i>	575
<i>De Natura & moribus Anthropolophagorum.</i>	578
<i>Claudii Salmafii Pliniana Exercitationes; nec non de Homonymis Hy- les Jatrica, & de Manna ac Saccharo.</i>	245
<i>Johannis Baptista Scaramucei de Motu Cordis Mechanicum Theo- rema.</i>	439
<i>Guidonis Tachardi Descriptio Anatomica Erinacei Siamensis.</i>	483
<i>Job. Jac. Waldschmid Institutiones Medicina Rationalis.</i>	<u>104</u>

IV. Mathematica.

<i>Anonymi Nova Ratio construendarum Munitionum.</i>	296
<i>Jacobi Bernoulli de invenienda cujusque Plani Declinatione ex uni- ca observatione projectæ a stylo umbra.</i>	311
<i>Vera Constructio Geometrica Problematum Soli- dorum & Hyper-solidorum per rectas lineas & circulos.</i>	454
<i>Novum Theorema pro Doctrina Sectionum Coni- earum.</i>	586
<i>Eduardi Bernardi de Mensuris & Ponderibus antiquis libri tres.</i>	529
<i>Henrici Coetsii Horolographia Plana seu Methodus superficiebus pla- nis omnia Horologiorum genera describendi.</i>	427
<i>G. & L. de Lineis Opticis, & Alia.</i>	36
<i>Schediasma de Resistentia Medii & Motu projectorum graviorum in Medio resistente.</i>	38
<i>Tentamen de Motuum Cælestium causis.</i>	82
<i>De Linea Ischrona in qua Græve sine acceleratione de- scendit, & controversiarum Dn. Abbate de C.</i>	195
<i>Johannis Luyts Astronomica Institutio.</i>	500
<i>Angeli Marchetti Probationes Conclusionum. circa Momenta Gra- vium.</i>	<u>425</u>
<i>Dionysii Papini Descriptio Torcularis cujusdam.</i>	98
<i>De Gravitatis causa & proprietatibus Observatio- nes.</i>	183
<i>Examen Machinae Dni. Perrault.</i>	189
<i>Rotatis Sætor & Pressor Hassiacus.</i>	317
LIII 3	Obser-

INDEX

<i>Observationes in J. B. Appendicem Tertiam ad</i>	
<i>Perpetuum Mobile.</i>	322
<i>De Instrumentis ad flammam sub aqua conser-</i>	
<i>vandam.</i>	485
<i>Salomonis Reislii Responsum de Suffore & Pressore Hassiaco.</i>	614
<i>Joh. Christoph. Sturmii Mathesis enucleata.</i>	357
<i>Francisci Vannii Decas Propositionum de Momentis Graviorum.</i>	422
<i>Varignonii Responso ad Animadversionem Dn. Abbatis de C. de</i>	
<i>Principio novæ Mechanicæ.</i>	379
<i>Joh. Weichardi Valvasoris, Baronis, Lacus Cirknicensis potiora Pha-</i>	
<i>nomena ex Principiis Physicis & Mathematicis explanata.</i>	614
<i>Eclipsis Solaris A. 1689. d. 3. Sept. observata.</i>	648

V. Historica & Geographica.

<i>Anonymi Commentarius de Regno Morea, Negropontico &c</i>	209
<i>Anonymi Collectio Statutorum & Decretorum nobilissimi Ordinis Au-</i>	
<i>rei Vellerii &c.</i>	441
<i>Anonymi Historia Belli Belgici ab A. 1672 ad A. 1677.</i>	498
<i>Anonymi Historia Philippi Emanuelis Lotharingi, Ducis Mercuriani.</i>	508
<i>Anonymi Historia Mutationum Angliæ sub regno Jacobi II. usque ad</i>	
<i>coronationem Guilielmi III.</i>	544
<i>Adriani Bailletti Tractatus Historicus de Pueris, qui studiis scriptu-</i>	
<i>re incluserunt.</i>	32
<i>Michaelis Benvenge Iter in Orientem.</i>	127
<i>Richardi Blome Descriptio Insularum & Regionum Americanarum,</i>	
<i>Angliæ Regi subjectarum.</i>	146
<i>Antonii Bulifon Compendium Vitarum Regum Neapolitanorum, una</i>	
<i>cum ipsorum imaginibus.</i>	175
<i>Danielis Caspari a Lohenstein Imperator Arminius, juxta cum Sere-</i>	
<i>nissima ejus Thurnelda.</i>	286
<i>Abbatis de Choisy Historia Philippi Valesii & Johannis Gallie Re-</i>	
<i>gum.</i>	222
<i>Johannis Cinellii Series Sexta Bibliotheca Volantis.</i>	345
<i>Wolfgangi Drechsleri Chronicon Saracenicum & Turcicum, cum</i>	
<i>Supplementis Johannis Reiskii.</i>	376
<i>Joachimi Le Grand Historia de Divorcio Henrici VIII Angliæ Re-</i>	
<i>gum &c</i>	

AUCTORUM AC RERUM.

<i>gis & Catharina Arragonia. Accessit Defensio Sanderi & Refutatio Historie D. Burneti de Reformatione Anglicana.</i>	27
<i>Petri Lafenz de Veteri Gymnasio Neapolitano opus posthumum.</i>	251
<i>Georgii Mackenzie Defensio Antiquitatis Regalis Scottorum Prosapia; qua ostenditur, a quo primum tempore Scotia Regibus gubernata sit.</i>	450
<i>Cornelius Nepos de Vita excellentium Imperatorum: cum Commentariis, Indicibus, Tabulis Christophi Cellarii.</i>	13
<i>Davidis Peiferi Lipsia, seu Originum Lipsiensium Libri IV.</i>	121
<i>Francisci Piñonis Tractatus de Afflictione Ecclesie Gallicana &c.</i>	264
<i>Caspari Sagittarii Antiquitates Ducatus Thuringici.</i>	52
<i>Stephani Byzantini Gentilia per Epitomen, cum notis Abrahami Berckelii & Jacobi Gronovii.</i>	237
<i>Guidonis Tachardi Iter alterum in Regnum Siamense.</i>	479
<i>Job. Weichardi Valvaforis, Baronis, Gloria Ducatus Carniola explicata.</i>	549
<i>Antonii Varillasi Politica Ferdinandi Catholici Regis Hispaniarum.</i>	181
<i>Tractatus de Politicis Domus Austriacæ Artibus.</i>	417
<i>Historia de Ludovico XI. Gallia Reges</i>	511
<i>Georgii Wheleri Iter in Dalmatiam, Graciam, aliaque Maris Mediterranei loca.</i>	460

VI. Philosophica & Philologica Miscellanea.

<i>Anonymi Ratio bene Cogitandi in Operibus Ingenii.</i>	109
<i>Anonymi de Jure Asylæ sive Franchitiarum in regione urbis Romanæ, in qua Legati Gallici versantur &c.</i>	359
<i>C. A. Edicti Nannetensis Irrevocabilitas ex principiiis juris & Politicis demonstrata.</i>	260
<i>Trium fratrum Amalthæorum Carmina.</i>	348
<i>Aristidis Rhetoris Orationes duæ cum notis Laurentii Normanni.</i>	585
<i>Thoma Bartholini Antiquitatum Danicarum de Causis contemptæ a Danis adhuc Gentilibus mortis libri tres.</i>	625
<i>Petri Josephi Cantelii de Romanâ Republica, sive de Re Militari & Civili Romanorum.</i>	106
	Cebetis

INDEX AUCTORUM AC RERUM.

<i>Ecbetis Thebani Tabula Græce & Latine cum notis Jacobi Gronovii.</i>	373
<i>Christophori Cellarii Programmata argumenti varii & Orationes.</i>	158
<i>M. Tullii Ciceronis Epistolarum Libri XVI ad familiares, cum Animadversionibus Joh. Georgii Grævii.</i>	12
<i>Joh. Cocceji Lexicon & Commentarius Sermonis Hebraici & Chaldaici.</i>	449
<i>Helena Lucretia Cornelix Piscopia Opera.</i>	1
<i>Joh. Deckeni Observationes Poetica exemplis illustrata.</i>	338
<i>Caroli Du Fresne Dn. Du Cange Glossarium ad Scriptores mediæ & infimæ Græcitatæ.</i>	62
<i>Servatii Gallæi Dissertationes de Sibyllis, earumq; Oraculis.</i>	15
<i>Ægydii Menagii Examen libri Ant. Bailleti, qui inscribitur: Judicia Eruditorum de præcipuis Auctorum libris.</i>	494
<i>Joh. Philippi Pfeifferi Antiquitatum Græcarum gentilium Libri IV.</i>	593
<i>Vincentii Placcii de Arte excerptendi Liber, una cum historia Excerptorum propriorum.</i>	299
<i>Abbatæ de S. Real Opera Miscellanea.</i>	239
<i>Joh. Reiskii Exercitationes de Vaticiniis Sibyllinis aliisque.</i>	137
<i>Roberti Sanderfoni Casus Conscientiæ novem.</i>	395
<i>Alti Sinceræ Sannazarii Opera Latina.</i>	347
<i>Joh. Samuelis Schoderi Epistola Premonitoria de Publ. Virgilii Mar. Editione luminosa.</i>	144
<i>Dn. Galefîni ex Marchionibus de Sfondratî Legatio Marchionis Lavardini Romam, ejusque cum Romano Pontifice Innocentio XI Dissidium &c.</i>	278
<i>Matthiæ Zimmermanni Florilegii Historico-Philologici Pars II.</i>	372

ERRATA QUÆDAM.

Pag. 396. l. 25. pro *reit*, lege *rei*. P. 416. l. 18. pro *יחזקאל* lege *יחזקאל*.
 Pag. 480. l. antepen. pro *foret*, lege *fore*. P. 493. l. 30. pro *illi*, lege *illu*. P.
 497. l. 1 lege *illustrissimos*. P. 578. l. 6. lege *Anthropophagorum*. P. 588. l. 21.
 pro *d'ferro*, lege *deserto*.

